

001 玉皇十七慈光燈儀

經名：玉皇十七慈光燈儀。一卷。底本出處：《正統道藏》洞真部威儀類。

入壇 淨天地呪

金闕玄穹主，高上玉皇尊。妙相冠諸天，慈光燭三界。真聖妙道師，天人依仗師。大乘垂法語，真一指迷徒。功德若虛空，讚揚無窮盡。

伏以燈然十七，依稀開報喜之花；光透九重，髣髴覲通明之殿。首憑一炷，上格叢霄。具位臣姓某謹與奉道某暨合壇衆等，誠惶誠恐，稽首頓首，遙望天階，百拜上啓：清微大道元始天尊，太上道君靈寶天尊，大赤神寶道德天尊，十七慈光穹蒼聖主玉皇大天尊，光嚴妙樂國王聖父天尊，寶月光皇后聖母元君，太微妙德宮太聖皇太后，

禹餘天妙靈無爲大天帝，高虛清明天帝，玉虛上帝，昊天上帝，五老上帝，天真大聖妙行真人，靈妃玉女，慈悲度厄真人，尋聲救苦真人，濟生度死真人，萬福護身真人。經筵啓問，衆真三界四府六合萬靈，恭望鸞嘯鳳唱，下天門之九重；龍戲麟盤，降人間之五濁。傾光寶焰，俯納芹誠。有感斯通，無任激切，衆官再拜。

雲輿 上香 獻茶 通意

臣聞：瓊胎未判，湛然道炁之含照九天，則輕清莫位；下燭九地，則重濁流形。三辰以之而發輝，萬彙資之而化育。被照燭者，有生咸遂；蒙輝耀者，無幽不開。凡形囿於兩間，悉光繫於一朗。臣等僭伸素瀆，敢讚玉光，蠡測海以深慚，獯薦誠而少效。恭逢吉日，然點明燈，曲垂不宰之仁，洞察無私之禱。奉道某等，獲齒人倫，傾心道域，感帝光而攝受，思功德以薰修。憑仗讚揚，少伸崇報，今則諷經告畢，法事將周，爰露赤心，遙瞻丹陛。然十

七之慈光，燈燈讚詠；望億千之儀仗，渺渺迂臨。伏願凡烟上通，天光下燭。分輝蓬華，祥開如意之光；朗耀雲衢，恩迓殊常之澤。有求斯應，無願不從，一歸圓滿之中，普入光明之內。隨燈念善，恪意精虔。稽首皈依，無極大道。

信禮無上大羅天、十七慈光玉皇天尊

臣衆等志心皈命，大神通光玉皇大天尊、玄穹高上帝，聖父天尊，聖母元君，玉光會中。一切諸靈官。

伏聞無能聖主，總元範於十方；恢漠神通，現慈光於三界。開明衆兆，發育群倫，先天地以素存，亘古今而不泯。增輝造化之眼，洞照天人之心。大哉靈輝，昭然上境。奉道某等久蒙慈照，深切恩休，欲仗讚揚，少伸善頌。謹遵科法，崇建寶燈，供養大神通光玉皇大天尊，聖父天尊，聖母元君，玉光會中真靈真宰。伏願帝光攝受，民欲俯從。示大神通，覆無私於天下；仗慈光力，蘇有類於寰中。致時雍熙，躋

民仁壽，同誠潔志，謹爲稱揚。

信禮無上大羅天、大神通光玉皇天尊

欽惟玉帝，放神通光。開明三景，普照十方。香嚴示現，聖德昭彰。無倫無等，難度難量。今辰弟子，敞建蘭場。然燈祝讚，上格穹蒼。願垂鑑照，消諸不祥。延生度厄，長享安康。志心皈命，願得安康。

臣衆等志心皈命，大慈悲光玉皇大天尊，聖父天尊，聖母元君，玉光會上一切神仙諸靈官。

臣聞：金闕至尊，心每懷於惻隱；玉皇上帝，光示現於慈悲。蒙照燭，則俱賴於哀憐之中；被薰陶，則均出於併蒙之下。忠恕無忒，寬裕有容，欲伸崇報之私，當仗讚揚之禮。奉道某知恩有素，報本無從。爰仗黃冠，皈依玄象，謹依科法，崇建寶燈，供養大慈悲光玉皇大天尊，聖父天尊，聖母元君，玉光會中真靈真宰。伏願帝心廣運，天道好還。放慈悲，光生意明，蘇於宇宙；消轆軻，厄休祥臻，至於家門。鰲

極鼎安，鴻居奠枕，志心稽首，同爲讚揚。

信禮無上大羅天、大慈悲光玉皇天尊

欽惟玉帝，光放慈悲。上通乾象，下市坤維。顯幽蒙照，遐邇知皈。蠲消罪苦，蕩滌凶危。今辰弟子，虔告如儀。冀垂省覽，允副禱祈。身受開度，心悟玄微。解除世厄，早證無爲。

臣衆等志心皈命，大喜捨光玉皇大天尊，聖父天尊，聖母元君，玉光會上一切神仙諸靈官。

伏聞庫藏財寶，眷言曩日之博施；饑饉癯殘，感戴當年之周急。信能喜捨，誠非強爲。蓋德蓄於中扃，故光垂於外境。霑慈惠者，不啻河沙之衆；沐利益者，豈惟草木之群。稱讚難窮，皈依莫盡。奉道某等，囿形鰲極，依跡鴻慈。茲仗薰修，少伸崇奉。謹遵科法，崇建寶燈，供養大喜捨光玉皇大天尊，聖父天尊，聖母元君，玉光會中真靈真宰。伏願惟皇上帝降衷下民。錫羨洪基，永置萬方之康泰；流

祥善會，長臻四序之和平。九有騰懽，三農告瑞。皈依信禮，謹爲宣揚。

信禮無上大羅天、大喜捨光玉皇天尊

欽惟玉帝，福利無邊。財能喜捨，物被周旋。光輝三界，照耀諸天。博施區宇，拯活黎元。今辰弟子，篤意傾虔。然燈祝讚，保國綿延。願流道炁，俾悟真玄。普受開度，消蕩災愆。一心皈命，願得延年。

臣衆等志心皈命，大忍辱光玉皇大天尊，聖父天尊，聖母元君，玉光會上一切神仙諸靈官。

伏聞天道不爭，乃常聞於善勝；帝德廣運，其厚生以惟和。蓋性稟於慈柔，故光垂於忍辱。靜而能以制動，柔而可以勝剛。寬裕所以有容忍，則所以無辱。卓哉重量，允矣慈心。人能克之天，則均也。奉道某等，賦形下品，託跡中區，久被蔭休，尚稽報效，謹遵科法，崇建寶燈，供養大忍辱光玉皇大天尊，聖父天尊，聖母元君，玉光會中真靈真宰。伏願天心不棄，常造有

容。襟量恢恢，俾福基之廣大；慈心切切，冀業善以層高。德與日新，事隨心契，虔恭稽首，謹爲稱揚。

信禮無上大羅天、大忍辱光玉皇天尊

欽惟玉帝，放忍辱光。慈周塵界，化及遐方。屏強用弱，以柔制剛。大哉洪量，莫可尋詳。今辰弟子，翹首穹蒼。布恩有自，介福無疆。願從吉日，消弭凶殃。長皈慈覆，永迓休祥。

臣衆等志心皈命，大平等光玉皇大天尊，聖父天尊，聖母元君，玉光會上一切神仙諸靈官。

臣聞：權衡三界，位高處於玄穹；鑑鏡十方，光故垂於平等。示天理本無於分別，使人心無有於黨偏。得其旨，則自無增高損下之私；洞其微，則俱入大公至正之道。今某思德感恩，報償難盡，謹依科法，修建寶燈，供養大平等光玉皇大天尊，聖父天尊，聖母元君，玉光會中真靈真宰。伏願天光下燭，帝命誕頒。德被生靈，各保命根之固；功濟天下，俱逢時運之亨。同會

風雲，均霑雨露，志心皈命，謹爲稱揚。

信禮無上大羅天、大平等光玉皇天尊

欽惟玉帝，大平等光。平平蕩蕩，燁燁煌煌。大包天地，細入毫芒。玄穹委貺，法界呈祥。今辰弟子，遙仰神鄉。傾誠效信，瀝懇穹蒼。冀垂福惠，蠲弭灾殃。萬靈薦祉，永保安康。

臣衆等志心皈命，大柔和光玉皇大天尊，聖父天尊，聖母元君，玉光會上一切神仙諸靈官。

臣聞：上帝獨尊，因何所以無寡；至道無敵，惟柔可以勝強。向從清靜之法身，普現柔和之光相。得其芒，則圓通溫雅；蒙其耀，則方寸慈祥。炳炳迄今，煌煌自古。奉道某等得生蒙蔽，適性豫遊，思立微勳，恭酬大德，謹遵科法，崇建寶燈，供養大柔和光玉皇大天尊，聖父天尊，聖母元君，玉光會中真靈真宰。伏願天心昭格，帝念矜憐。霈以洪恩，普感和平之化；惠其嘉澤，俱全性命之生。覃及顯幽，均蒙利樂。同誠潔志，謹爲宣揚。

信禮無上大羅天、大柔和光玉皇天尊

皇天尊

欽惟玉帝，光放柔和。開明有類，洞照無何。和安天地，柔攝邪魔。境消疵癘，時殄乖和。今辰弟子，引頸彌羅。冀安境土，永息干戈。曲垂眷顧，息免扎瘥。時清道泰，復見謳歌。

臣衆等志心皈命，大自在光玉皇大天尊，聖父天尊，聖母元君，玉光會上一切神仙諸靈官。

臣聞：帝臨有赫，位高拱於通明；道本無爲，光故彰於自在。任去來之可行可止，由清濁之或沉或浮。有猷有爲，無罣無礙。達此機，則無施不可；明其用，則有礙皆通。自然而然，無在不在。奉道某等爲人不敏，荷帝垂休，輒演燈儀，少伸芹意，謹依科式，建立寶燈，供養大自在光玉皇大天尊，聖父天尊，聖母元君，玉光會中真靈真宰。伏願衍虛無道，放自在光。保國寧家，俾河清而海晏；延齡益算，冀物阜以民康。目睹昇平，身逢泰治。志心皈命，同爲讚揚。

信禮無上大羅天、大自在光玉皇天尊

欽惟玉帝，位極宸樞。去來自在，變化無拘。光華霄漢，炳耀天衢。垂休上境，錫貺綿區。今辰弟子，誠悃虔摠。上延命駕，俯降塵居。冀覃休祉，屏息灾虞。四時和靖，萬咎蠲除。

臣衆等志心皈命，大利益光玉皇天尊，聖父天尊，聖母元君，玉光會上一切神仙諸靈官。

臣聞：三界宗師，慈念蒼生而興方便意；四生慈父，照燭法界而開利益門。祥光放而日月停輪，惠力施而津梁彼岸。凡在天光之下，均霑潤澤之仁。聖德昭彰，恩休廣博。奉道某叨居聖域，久被帝光，非仗然燈，曷伸報本，謹遵科式，崇建寶燈，供養大利益光玉皇天尊，聖父天尊，聖母元君，玉光會中真靈真宰。伏願慈光洞照，聖鑑昭垂。身度千灾，富壽永臻於丕貺；命延百福，光華前偶於泰寧。無有後艱，聿懷多福。皈依信禮，謹爲讚揚。

信禮無上大羅天、大利益光玉

皇天尊

欽惟玉帝，浩劫之尊。光垂利益，輝映乾坤。津梁衆兆，濟度群倫。古今無爽，巨細必均。今辰弟子，翹首通明。然燈念善，薦款投誠。曲垂眷命，錫注年齡。消灾度厄，永保無傾。

臣衆等志心皈命，大如意光玉皇天尊，聖父天尊，聖母元君，玉光會上一切神仙諸靈官。

臣聞：昊天不忒，由內境之融明；上帝是皇，蓋中心之洞徹。淵鑑播無私之照，輝華放如意之光。蒙其耀，則無願不從；被其輝，則有求必遂。在在悉聞其契意，人人俱獲於稱情。聖德難窮，民心知仰。奉道某感承玄化，思竭丹誠，仰仗微因，恭酬洪造，謹依科法，崇建寶燈，供養大如意光玉皇天尊，聖父天尊，聖母元君，玉光會中真靈真宰。伏願帝臨有赫，天聽不遺。善果圓成，謀如心，事如意；靈苗不壞，耆而艾，壽而昌。嘉與鷗盟，樂依鴻覆。皈依信禮，謹爲讚揚。

信禮無上大羅天、大如意光玉

皇天尊

欽惟玉帝，體道鴻濛。先天先地，無始無終。光放如意，位極高穹。有求斯應，無願不從。今辰弟子，遙想玉宮。然燈供養，瀝懇虔恭。冀垂昭鑑，俯察卑悰。延年益算，消蕩灾凶。

臣衆等志心皈命，大智慧光玉皇天尊，聖父天尊，聖母元君，玉光會上一切神仙諸靈官。

臣聞：智察幽微，明若孔昭於天鑑；慧通玄妙，誠何簡在於帝心。智慧光照於遐方，惠力輝華於塵界。悟真微，則性天昭徹；得其理，則心地融明。愚可成賢，頑亦奉化。弟子某範圍均囿，臨照普叨，欲效皈崇，當憑讚詠，謹遵科式，崇建寶燈，供養大智慧光玉皇天尊，聖父天尊，聖母元君，玉光會中真靈真宰。伏願帝光洞燭，天鑒昭融。咸履乾坤，各遂生生之正性；常蒙豐裕，俱明化化之本元。四序和平，三灾不染。齊心運念，謹爲宣揚。

信禮無上大羅天、大智慧光玉皇天尊

欽惟玉帝，智慧圓通。光施寰宇，位處玄穹。功成不宰，道價彌隆。洞察幽隱，昭鑒顛蒙。今辰弟子，醮告虔恭。諒垂佑下，允納凡衷。三辰吐瑞，九有和同。永保元吉，長謝年豐。

臣衆等志心皈命，大吉祥光玉皇大天尊，聖父天尊，聖母元君，玉光會上一切神仙諸靈官。

臣聞：皇天眷佑，惠迪吉放大光明；惟帝念功，善降祥現希有相。寶焰燦乾坤之眼，昏昏可使昭昭；玉光鑒天地之心，洞洞愈加屬屬。有類悉蒙於慈照，無時不迓於休祥。化化生，仁仁壽壽。奉道某心存妙道，志切皈依，罄露丹衷，上希玄鑒，謹遵科法，崇建寶燈，供養大吉祥光玉皇大天尊，聖父天尊，聖母元君，真靈真宰。伏願天光昭晏，地紀安閑。和氣致祥，每遇亨榮之會；慈風及物，時消疫癘之灾。富壽康寧，生成長養。同誠潔志，謹爲宣揚。

信禮無上大羅天、大吉祥光玉皇天尊

欽惟玉帝，應化法身。吉祥光照，乖戾冰清。天無氛穢，地絕妖塵。八遐瑞藹，九有祥迎。今辰弟子，樂道思真。燈然寶炬，齋潔芹誠。冀垂昭佑，保庇康寧。元辰共護，聖眼同明。

臣衆等志心皈命，大解脫光玉皇大天尊，聖父天尊，聖母元君，玉光會上一切神仙諸靈官。

臣聞：清淨解脫，光示現於一真；聖智圓通，道總包於四大。尊臨三界，統御萬靈。微芒解衆苦之自纏，靈耀釋群迷之自縛。天光遠燭，聖澤遐霑。凡與物靈，俱蒙慈照。今辰某陶形大化，稟命上玄，返念皈真，酬恩報德，謹遵科法，崇建寶燈，供養大解脫光玉皇大天尊，聖父天尊，聖母元君，玉光會中真靈真宰。伏願天心克享，帝念允俞。日益殊祥，育黎元而有永；雲加巨庇，保善信以無虞。永洽太和，潛消疵癘。志心稽首，同爲讚揚。

信禮無上大羅天、大解脫光玉皇天尊

欽惟玉帝，解脫光明，輝華玉宇，

照耀金庭。幽明仰賴，今古攸遵。有生咸遂，無願不成。今辰弟子，好道求靈。經披本行，燈供仙真。勤拳求度，激切傾誠。冀消灾戾，元亨利貞。

臣衆等志心皈命，大皈依光玉皇大天尊，聖父天尊，聖母元君，玉光會上一切神仙諸靈官。

臣聞：歸心道域，三千餘劫之修行；依跡玄門，十七慈光之普照。善心存於接引，故光現於皈依。悟之者，歸入有門；解之者，依求得路。玄玄妙旨，燦燦慈光，聖德昭彰，靈機莫議。奉道某感恩有日，念道無時，敬竭寸丹，上崇圓碧，謹遵科法，崇建寶燈，供養大皈依光玉皇大天尊，聖父天尊，聖母元君，玉光會中真靈真宰。伏願不言善應，有感斯通。帝德光天，撫五辰而效順；道風遐扇，育萬物以皆昌。解散苦根，消平劫難。皈依信禮，謹爲宣揚。

信禮無上大羅天、大皈依光玉皇天尊

欽惟玉帝，昔在清微。心存接引，

光放皈依。洞明衆妙，開悟群迷。凡屬有類，俱契無爲。今辰弟子，遙仰丹墀。燈光照耀，善信蒙禧。五星循軌，炳耀揚輝。萬民康樂，百祿攸宜。

臣衆等志心皈命，大功德光玉皇大天尊，聖父天尊，聖母元君，玉光會中一切神仙諸靈官。

臣聞：忘功有功，天功不幸；上德不德，帝德罔愆。運仁慈惻隱之心，現功德光明之相。成天立地，陶古鑄今。九有騰輝，無一夫不被其澤；萬方遐燦，凡三界均沐其休。物物生全，人人離苦。奉道某草茅質弱，雨露恩深，庸假熏修，聊伸報效，謹依科法，崇建寶燈，供養大功德光玉皇大天尊，聖父天尊，聖母元君，玉光會中真靈真宰。伏願舉六通力，放百億光。天道高明，遂群生之長養；帝恩遐邇，樂四序以和平。時疹頓消，宿殃清蕩。虔恭稽首，謹爲宣揚。

信禮無上大羅天、大功德光玉皇天尊

欽惟玉帝，粵自先天。積功累德，

體道凝玄。光騰三界，化洽八埏。幽明仰賴，今古攸傳。今辰弟子，一心精專。想瞻天極，燈建法筵。願流道炁，敷澤民編。永消灾癘，常保豐年。

臣衆等志心皈命，大圓滿光玉皇大天尊，聖父天尊，聖母元君，玉光會上一切神仙諸靈官。

臣聞：妙相冠諸天，圓滿具足；慈光燭三界，克備無虧。玉毫放自於太微，金色遍周於大有。沐照燭，則道心增長；被輝耀，則天理流行。圓融萬物而無黨無偏，滿慰群心而有始有卒。奉道某受中爲命，最下其人，潔其己而瞻天，傾其心而事帝，謹遵科法，崇建寶燈，供養大圓滿光玉皇大天尊，聖父天尊，聖母元君，玉光會中真靈真宰。伏願現圓滿相，放大光明。拯護群倫，錫恩休而不宰；銓量品彙，鑒善惡以無私。綿絡生根，消穰劫運。齊心運念，謹爲聲揚。

信禮無上大羅天、大圓滿光玉皇天尊

欽惟玉帝，昔在玄穹。功圓行滿，

道備德充。慈光普照，惠澤旁通。熏陶天下，宰制寰中。今辰弟子，疏瀹心胸，存瞻丹陛，崇報玄功。天心昭感，民欲俯從。時清道泰，歲稔年豐。一誠專志，願得長生。

臣衆等志心皈命，大無礙光玉皇大天尊，聖父天尊，聖母元君，玉光會中一切神仙諸靈官。

臣聞：神機莫測，有物必能有形；光相自然，無爲所以無礙。玉輝流而無往不照，金色現而有類咸亨。開明衆妄之心，昭示群迷之徑。解之者，去來無間；悟之者，變化自然。以有漏身，成無上道。奉道某勤心事帝，志意瞻天，猿馬常羈，豺獭效薦，謹遵科法，崇點寶燈，供養大無礙光玉皇大天尊，聖父天尊，聖母元君，玉光會中真靈真宰。伏願現有爲相，放無礙光。道猶日中，俾乾行之有慶；德周天下，庶坤載之常寧。永戴玄恩，長蒙慈惠。同誠潔志，謹爲聲揚。

信禮無上大羅天、大無礙光玉皇天尊

欽惟玉帝，體道自然。至慈至聖，先地先天。潛心玉闕，作世福田。光騰無礙，澤施有緣。今辰弟子，感戴上玄。燈輝鶴焰，香散龍煙。上祈沖鑑，介福無邊。延生度厄，消蕩迺遭。

臣衆等志心皈命，無能勝光玉皇大天尊，聖父天尊，聖母元君，玉光會上一切神仙諸靈官。

臣聞：天生神物，物有定名。帝運慈光，光無能勝。蓋妙用本從於柔弱，故神通莫可以度量。大哉難思，昭然示現。達此理，則寡可以敵衆；喻此機，則弱能勝強。在物在人，亘今亘古。奉道某欽崇聖化，願被真風，爰敞華壇，茲揚妙範，謹依科式，崇建寶燈，供養無能勝光玉皇大天尊，聖父天尊，聖母元君，玉光會中真靈真宰。伏願光無能勝，惠有常施。早迓鼎恩，沐亨衢之高步；旋逢泰治，弘壽域以咸躋。覃及有生，均膺嘉靖。歸依信禮，謹爲宣揚。

信禮無上大羅天、無能勝光玉皇天尊

欽惟玉帝，以道爲心。光無能勝，澤有殊稱。胚暉天地，涵蓄古今。無聲無臭，有本有根。今辰弟子，思報玄恩。燈筵敞建，儀範昭欽。曲垂鑒映，采錄凡忱。三灾電掃，五福膺臻。

舉至誠何以祝家國永安寧，
衆誦

大哉至道，無宗上真。上度諸天，下濟幽魂。上無師祖，惟道爲身。丹臺紫府，金闕玉京。祕此妙法，普福含靈。滅我萬罪，增我遐齡。萬神朝禮，魔王保迎。功德昌盛，黃籙書名。渺渺億劫，使我長存。

無上玉皇心印經

上藥三品，神與氣精。恍恍惚惚，杳杳冥冥。存無守有，頃刻而成。回風混合，百日功成。默朝上帝，一紀飛昇。知者易悟，昧者難行。履踐天光，呼吸育清。出入玄牝，若亡若存。綿綿不絕，固蒂深根。人各有精，精極成神。神各有氣，氣合體真。不得其真，皆是強名。神能入石，神能飛形。入水不溺，入火不焚。神依形生，精依氣

盈。不凋不殘，松柏青青。三品一理，妙不可聽。其聚則有，其散則零。七竅相通，竅竅光明。聖日聖月，照耀金庭。一得永得，自然身輕。太和沖溢，骨化寒瓊。得丹則靈，不得則傾。丹在身中，非白非青。誦之萬遍，妙理自明。

次誦寶號 宣疏 向來

向來關祝十七慈光寶燈功德，並以周圓。伏以道假人弘，是敢因經而演教；人能弘道，必先演教以談經。經閱本行之章，燈演慈光之法，庶知斯道弘闡在人。臣等幸以宿緣，叨蒙慈照。對十七寶燈而讚詠，瞻上帝之化身；俾百千品彙之含靈，沐高穹之惠澤。稽首皈依無極大道，稱念慈光朗照天尊，不可思議功德。

玉皇十七慈光燈儀

(陳耀庭點校)

002 上清十一大曜燈儀

經名：上清十一大曜燈儀。一卷。底本出處：《正統道藏》洞真部威儀類。

法事如式

具位某誠惶誠恐，稽首頓首，再拜焚香，上奏：三清上聖，十極高真，中天星主紫微大帝，日宮月府星君，五星四曜星君，南斗六司星君，北斗九皇星君，周天二十八宿星君，本命元辰星君，三官大帝，四府真君，五師三省真君，三界四府，無鞅聖衆。恭望聖慈，洞回昭鑒。

臣聞：一昱乎晝，一昱乎夜，三光遞照於無窮；或降之祥，或降之殃，萬彙咸歸於有制。斡分至啓，閉而成歲，司水旱饑穰以戒時。丹桂白榆，雖有雲霄之隔；貫珠合璧，曾無杪忽之差。

是故璇璣玉衡，則創乎堯舜之朝；銅儀木器，則備乎漢唐之世。惟曜靈夜

光之大德，有五色重輪以儲休；惟陽縈天佐之威嚴，有循軌徙舍以表異。躔次斯顯，分野允符。壇坎奠禮神之

方旂，常標著明之象所。以橫目宜觀於經緯，反身自省於行藏。循環十有二宮，列布十有一曜。孰謂道分遠邇，

了不相關。其如德召吉凶，動無弗應。矧窮通盛衰之匪忒，皆羸縮逆順之是繇。既咸賴於生成，曷敢忘於奉事。

今醮主某夙趨靖館，丕闡仙科，仰覬靈游，撫塵凡而來下；恭陳淨供，昭悃悞以居歆。稽首歸依，虔誠讚詠。

臣衆等志心皈命，日宮太陽帝君，日宮神仙諸靈官。

臣聞：大明爲衆陽之宗，久照啓羣目之用。推原氣象，內抱烏而外駕龍；判立晨昏，出搏桑而入細柳。萬

里同晷，五色開祥。永惟聖神，尚每嚴於兄事；嗟爾士庶，宜若奉於君臨。今醮官某肅啓誠心，輒敢陳乎菲薦；虔

宣蕊笈，庶上徹於叢霄。稽首皈依，虔

誠讚詠：

東望搏桑宮，稽首朝鬱儀。太陽洞明景，寥寥何所思。令我拜金色，候天望英姿。黃華將玉女，臨軒降此時。

臣衆等志心皈命，月宮太陰皇君，月宮神仙諸靈官。

臣聞：圓魄麗天，清光遡日。或白或黑，常觀縱轡於金樞；乍缺乍盈，詎假修輪於玉斧。素娥縹緲而深隱宮殿，丹桂婆娑而兼覆兔蟾。氣本陰精，

允著明威之義；象侔后德，咸依委照之功。今醮主某載肅蘭場，仰瞻霄堦。爰選正一之侶，恭揚隱祕之章。稽首歸依，虔誠讚詠：

仰望顧八表，惟月孕陰精。中有太素皇，夫人駕綠駟。耀華光二極，混明照三清。懇懃求至道，五色下來迎。

臣衆等志心皈命，東方木德歲星重華星君，諸靈官。

臣聞：永惟木德，咸仰歲星。序四時而發春，陳五事而爲貌。進退如度，則姦邪息；赤黃而沉，則年穀豐。所臨國昌，迺能安乎。四境同色，兵偃茲

實，首於五行。果玩蟠桃，獸蹲剛鬣。今醮士某瞻虎帶之象，惟罄肅恭；詠金繩之章，庶祈昭格。稽首歸依，虔誠讚詠：

歲星乘木德，展轉耀東鄉。凌天滋潤澤，正色晃明皇。尋華歌浩漾，擲水詠芝房。經時頻禱祝，獲福自然長。

臣衆等志心皈命南方火德熒惑執法星君，諸靈官。

臣聞：位居執法之嚴，名記熒惑之重。入太微而受制，參炎帝以乘離。稽考六卿，主司空而兼司馬；贊襄萬務，內理政而外理兵。森劍戟之兼持，儼弧矢之在御。馬逾電逝，旒逐風飛。今醮士某敷三洞之真文，曾無少懈；仰九天之隱耀，敢有弗恭。稽首歸依，虔誠讚詠：

芒角森龍鳳，威光叱十方。丹罡耀午夜，朱火焰三邊。晶明符正氣，劍戟煥兵權。攬搶應滅迹，孛彗敢當先。

臣衆等志心皈命，西方金德太白天皓星君，諸靈官。

臣聞：測金衡而瞻太白，主大臣而

號上公。在義無虧，於言罔失。儲祥降福，國因臨照以寢昌；禁暴夷凶，師必法象而後吉。常御四弦之樂，旁觀五德之禽。專浩氣之清英，儼真容之光麗。今醮士某馳誠霄漢，注想虛無，敢披要妙之文，仰格清明之鑒。稽首歸依，虔誠讚詠：

太白凌清漢，騰霜耀素英。亭亭浮瑞彩，皎皎盛長庚。鋒高能禦寇，色潤每降兵。推窮符曆數，合道與長生。

臣衆等志心皈命，北方水德辰星伺晨星君，諸靈官。

臣聞：微稱曰辰，盛德爲智。小則驗夫刑法，大則考諸陰陽。遠主蠻夷，每占象於天街之北；近侔輔相，宜贊元於崑廟之中。序屬嚴凝，氣明殺伐。立木猴而捧硯，執素卷以抽毫。今醮士某遙跂珠躔，想鸞輪之馳騖；肆陳玉冊，宣雲籙之幽微。稽首歸依，虔誠讚詠：

妙哉符五炁，髣髴見真門。嵯峨當丑位，壬癸洞靈君。分輝凝皎潔，盼蠻赴思存。仙歌將舞蹈，良久下金天。

臣衆等志心皈命，中央土德地候鎮星真君，諸靈官。

臣聞：位正中央，時當長夏。仁義禮智主乎信，斯有望於成功；視聽言貌正于心，乃不入於他道。茂著黃帝之德，是爲天子之星。帶劍伏牛，杖錫持印，所居闕柝，能降吉祥。今醮士某敷敷碧篆之文，遠飄雲路；祈望翠蕤之仗，俯降塵寰。稽首歸依，虔誠讚詠：

高穹符戊己，藏陸起重霄。五行尊暗曜，九土見光朝。甘石推留伏，陶巫算沉寥。上仙垂雨露，伏地禮空遙。

臣衆等志心皈命，交初建星羅喉隱曜星君，諸靈官。

臣聞：允惟神首之星，爰播聿斯之詠。號貴權而操勢，循黑道以韜光。冠晨宿之威稜，亦莫余而敢侮；掌日月之薄蝕，其誰曰而不然。身御飛龍，手持寶劍，常占測乎晦朔，庶消弭乎災殃。今醮士某恪奉威容，輒敢陳乎菲薦；虔宣隱韻，庶上徹於聰聞。稽首歸依，虔誠讚詠：

神首循黑道，冥冥超至靈。暗明期朔望，陽德晦陰精。高鎮黃旛闕，矛戟耀霜鈴。志心俟多福，稽首誦真經。

臣衆等志心皈命，交終神尾墜星計都星君，諸靈官。

臣聞：推交終於玉曆，想隱曜於珠躔。愛罔克威，瞋目而仗三尺；武且有力，乘能而立九垓。允惟神首神尾之權，共掌修德修刑之變。怒摧山嶽，怪出龍蛇。思能動之在誠，必轉禍以爲福。今醮士某啓雲鳳之韞，祇詠靈文；祈景霄之輪，下臨法席。稽首歸依，虔誠讚詠：

處暗表陰德，豹尾鎮星宮。怒指摧山嶽，權凶暝太空。龍蛇生怪狀，變異忽昏蒙。主人長壽樂，禳應在恪恭。

臣衆等志心皈命，天一紫炁道曜星君，諸靈官。

臣聞：惟天一之道星，稟木德之餘氣。冠聳瑠玉，仰瞻穆穆之容；服曳飛霞，遙想鏘鏘之珮。悠然沖淡，卓爾孤高。燕居申申，主張多遂於閑適；吉祥止止，臨難自脫於迍危。今醮士某

祇薦馨香，俯殫懇款，肆披宣於蕊笈，庶上徹於叢霄。稽首歸依，虔誠讚詠：

授制宗元帝，含精耀紫微。除陽乘運極，幽顯闕靈機。玉輿登廣漢，金鈴步斗飛。四宿循周度，九土尊天威。

臣衆等志心皈命，太一月孛彗星君，諸靈官。

臣聞：切原太一之星，蓋稟夜光之炁。雖歷黑道而可測，然居陰曜而不盈。儼冠服之飾躬，待將趨昕朝之著；凜鈇鉞之在手，又若擁大將之權。或凌犯以興災，唯特達而降福。是宜禳謝，曷罄肅恭。今醮士某薦獻甚微，精誠斯罄，將仰祈乎飈馭，乃恭誦於靈章。稽首歸依，虔誠讚詠：

太陰光玉緯，精魄育羣生。青桂黃華輔，鬱羅保素靈。毛頭分怪狀，彗尾或潛經。舍次流灾福，齋修洞杳冥。

諷經 回向

上清十一大曜燈儀

(陳耀庭點校)

003 南斗延壽燈儀

經名：南斗延壽燈儀。一卷。
底本出處：《正統道藏》洞真部
威儀類。

法事如式

具位某誠惶誠恐，稽首頓首，焚香再拜，上奏：三清上聖，十極高真，中天星主紫微大帝，日宮太陽帝君，月府太陰皇君，五星四曜星君，南斗六司延壽星君，北斗九皇延生星君，東西中斗星君，二十八宿星君，普天宿度羣真，本命元辰星君，三元三官大帝，北極四聖真君，五師三省真君，三界四府，無鞅聖衆。燈壇會上，萬聖千真。恭望聖慈，洞回昭鑒。

臣聞：天地之德，莫大於生；洪範之疇，莫全於福。爰有主司之職，可伸禳祝之心。仰惟三境之中，南斗爲長

生之府；六司之內，真君持掌握之權。凡彼流形，歸於所宰。是以按河圖之品格，披靈寶之科儀，嚴設星燈，恭陳醮禮，宜通上境，延降高真。今弟子某心假香傳，誠惟物顯，仰瞻南極，上法斗司。然寶炬之光明，以昭垂像；誦真科而吟詠，庶獲來臨。伏願天鑒不違，神心善應。瓊輿羽蓋，咫尺威靈，金馬瑤車，森羅空際。延生定命，克臻瑞氣之來；燭幽察微，丕示照臨之德。恭持法信，上贊神明，稽首皈依，虔誠讚詠。

臣衆等志心皈命，明德宮大聖、南斗天府司命上相鎮國真君，諸靈官。

臣聞：天賦羣靈，均有自然之命；人懷大本，咸歸皇極之中。養之者，福謝尤生；敗之者，禍因自起。永惟宰制，實在司存，倘有祈禳，宜修誠懇。今辰某洗心滌慮，養氣存神，夙懷慕道之心，仰畏在天之像，謹依科式，建立星壇，備香花燈燭之儀，歸命明德宮大聖、南斗天府司命上相鎮國真君。伏願天誘其衷，咸迪綿長之道；物蒙其

澤，悉無短折之凶。稽首歸依，如儀讚詠：

南斗司命，上相高真。包羅萬象，鎮國威靈。爲天之府，左右帝臣。羣仙受令，萬氣來生。金闕上宰，玉清尊神。玄元妙道，敢有不遵。萬神安鎮，衛護帝庭。

臣衆等志心皈命，洞文宮大聖、南斗天相司錄上相鎮嶽真君，諸靈官。

臣聞：太極之初，道無常體。我生之後，物有定名。灾祥在德，而貴賤罔差；吉凶在人，而賢愚靡間。眷茲主者，付之自然，倘施丹懇之誠，必獲洪休之報。今辰某專心正意，向道修真，仰惟成象之著明，虔仗上天之助順。謹依科式，建立星壇，備香花燈燭之儀，歸命洞文宮大聖、南斗司錄上相鎮嶽真君。伏願恢弘上道，默收糾察之威；普濟羣生，式序修爲之善。稽首歸依，虔誠讚詠：

南斗司錄，天相尊神。定生注祿，保命延生。嶽神受命，總監衆靈。赫然妙道，蕩滌妖氛。蠲除惡障，保衛身

形。羣仙歸仰，衆妙咸明。造化自然，飛昇上清。

臣衆等志心皈命，柔德宮大聖、南斗天梁延壽保命真君，諸靈官。

臣聞：長生久視，乃大道之體常；祝壽延生，實庶民之所欲。在天，則常存而不易；在人，則命遠而不傷。欲其壽延，莫先所禱，將叩靈司之祝，宜修庶物之誠。今某專意致明，仰天觀象，冀神真之降鑒，祈壽考之增崇，謹依科式，建立星壇，備香花燈燭之儀，歸命柔德宮大聖，南斗天梁延壽保命真君。伏願誕佈至仁，咸迪綿長之慶；鋪張生德，永無夭闕之虞。稽首歸依，虔誠讚詠：

南斗延壽，爲天之梁。普度萬類，咸其浸昌。壽考惟祺，億載無疆。永保天命，以除不祥。生生不滅，如陵如岡。仁愛普施，箕翼重光。與神合德，亘古綿長。

臣衆等志心皈命，保光宮大聖、南斗天同益算保生真君，諸靈官。

臣聞：數分而多寡，殊多則爲美；

命降而長短，辨長乃其祥。惟方寸之不欺，庶年齡之可益，上真所掌，精意是求。今某欲增耆艾之年，欽若昭回之像，交於恍惚，應以形聲，謹依科式，建立星壇，備香花燈燭之儀，歸命保光宮大聖、南斗天同益算保生真君。伏願大慈下際，長如春日之生；遐算巨增，盛若嵩山之固。稽首歸依，虔誠讚詠：

南斗益算，與天爲同。高明悠久，生德無窮。保茲元命，使不失中。壽考且寧，永契真風。至數流衍，福祿來崇。億萬斯年，以衛我躬。洞清上境，命駕雲龍。

臣衆等志心皈命，天節宮大聖、南斗天樞度厄文昌煉魂真君，諸靈官。

臣聞：二氣密移，亦有盛衰之理；五行迭運，曾無消息之機。念彼勞生，豈無厄會。真聖既司於救度，黔黎宜竭於忱恂。今某恐懼以飭躬，敬信而瞻像。誓歸依於大道，願受度於神休。謹依科式，建立壇場，備香花燈燭之儀，歸命天節宮大聖、南斗天樞度厄文

昌煉魂真君。伏願常善救人，庶潛消於灾咎；永懷濟世，示陰鷺以休祥。稽首歸依，虔誠讚詠：

南斗度厄，爲天之樞。靜以運化，品彙榮枯。文昌炳煥，以府圖書。轉禍爲福，作我丹車。煉魄守神，護魂保軀。天光泰定，灾厄掃除。道炁長存，聖真與居。

臣衆等志心皈命，大聖宮南斗天機上生監簿大理真君，諸靈官。

臣聞：真仙作德，恥一物而不知；聖道應時，爲羣心之妙用。降衷立命，受氣賦形，眷掌握於生成，敢恭虔而請禱。今某齋心向道，精意瞻天，仰思長育之恩，敢僭祈禳之禮。謹依科式，建立星壇，備香花燈燭之儀，志心皈命大聖宮南斗天機上生監簿大理真君。伏願體乾坤之生德，以運化權；使性命之委和，咸歸有道。稽首歸依，虔誠讚詠：

南斗上生，爲天之梁。斡運造化，出入應時。職在文籍，鬼神莫窺。大虛寥廓，大理之司。自根本本，委順無

虧。萬劫長存，久視不移。普天司命，
上昇太微。

南斗延壽燈儀

(陳耀庭點校)

004 北斗七元星燈儀

經名：北斗七元星燈儀。一卷。
底本出處：《正統道藏》洞真部
威儀類。

法事如式

伏聞開明三景，九晨爲梵炁之宗；回度五常，七政乃元綱之首。定樞機於太極，司喉舌於圓穹。吐輝則調理四時，含耀而恢張萬範。三十六候，冥劫會於天關；一十二時，辯方維於地紀。紫微之上，拱帝座以彌高；黃道之中，布星躔而不忒。或旁行越位，正陰陽勃蝕之期；或召運僂輪，應日月推移之數。靈鑒而無毫不顯，淵通而有類咸均。故得落死上生，煥丹文於南極；延齡益算，注紫筆於東華。昭明積善之家，膺合降祥之慶。今某人夙承妙廕，生遇昌時，荷帝念以深深，

撫塵心而罔措。輒邀真侶，恭啓仙科，點照太上北斗延生星燈。法璇極以舒壇，布銀缸而建斗。紫煙縹緲，想華蓋以藏身；丹焰熒煌，迓勾陳而隱景。伏願花開善瑞，燼落浮災。福祿增崇，發靈光於壽域；吉祥至止，靄沖炁於高閎。稽首歸依，虔誠讚詠：長生保命護身天尊。

臣衆等志心皈命，樞宮大聖、貪狼陽明真皇君，斗中神仙諸靈官。

伏聞飛晨合景，樞星掌劫會之權；司政糾非，陽明主璇璣之運。上宰九天之化，中監五嶽之靈，下總人倫，旁分品類。定死生之有命，鑒善惡以無私。今某人恭款芻心，虔依妙範，布斗極星辰之象，備香花燈供之儀，志心皈命樞宮大聖、貪狼陽明真皇君。伏願回光啓耀，開寶鑒於靈圖；注祿添年，刻生名於玉簡。罪消昔劫，福廕後昆。稽首歸依，虔誠讚詠：

貪狼延生，回真四靈。流光下映，洞煥玄冥。七元紀籍，固侍體靈。靈真紀錄，上元衛形。魂魄長守，耳目無

驚。攝衛扶命，胎真流行。保真自然，上昇玉京。

臣衆等志心皈命，璇宮大聖、巨門陰精真皇君，斗中神仙諸靈官。

伏聞星有五門，協三光而遠映；門開四照，合萬炁以騰輝。校天府之昇遷，主兆民之祿壽。委質難逃於淵鑒，通津實賴於明梁。今某人戴事瑤壇，馳誠金闕，布斗極星辰之象，備香花燈供之儀，志心皈命璇宮大聖、巨門陰精真皇君。伏願身度千災，命延百福，天開神宇，炁集真元。碧簡題名，固長年於劫石；丹臺紀善，增壽算於靈椿。稽首歸依，虔誠讚詠：

巨門度厄，高真靈仙。流光輝映，保命延年。七元主籍，自得長生。消滅艱危，災難移遷。臟腑開明，內外無愆。光運合景，與神同連。鍊化自然，上昇玉京。

臣衆等志心皈命，璣宮大聖、祿存真人真皇君，斗中神仙諸靈官。

伏聞偃息華蓋，徒知空步之明；潛洞太虛，莫測飛神之妙。八景九天

之上，道契清籙以通真；五嶽四瀆之高，仙隸黃臺而受事。矧茲下土，實仰餘光。今某人潔己齋盟，法爲壇墀，布斗極星辰之象，備香花燈供之儀，志心皈命機宮大聖、祿存真人真皇君。伏願慶叶遐年，福資浩劫。三千萬之甲子，地久天長；一十二之靈門，陽開陰閉。脩閑白日，宴味沖和。稽首歸依，虔誠讚詠：

祿存保命，高真散神。正炁攝伏，侍衛敬賓。七元上籍，運致元真。流演靈明，契體洞津。永辟不祥，內守身形。削死上生，與神敷陳。保舉自然，上昇玉晨。

臣衆等志心皈命，權宮大聖、文曲玄冥真皇君，斗中神仙諸靈官。

伏聞星主淵冥，位司遊擊。隱微潛耀，領北帝之三宮；福善禍淫，攝黑靈之五炁。或殄除凶勃，飛火甲於六天。或剪馘不臣，耀朱兵於四鄙。凡居動植，皆出生成。今某人洒落壇場，肅清塵垢，布斗極星辰之象，備香花燈供之儀，志心皈命權宮大聖、文曲玄冥

真皇君。伏願削罪除愆，落九陰之鬼錄；拘魂制魄，得七返之仙方。行藏無非橫之虞，視息合太和之慶。承茲上善，永洽殊祥。稽首歸依，虔誠讚詠：

文曲益算，流真散扶。光映下衛，與形同敷。七元度籍，洞煥玄无。鎮護精神，保衛形軀。威神可畏，真靈駕浮。明視表裏，與神齊俱。保鍊自然，上昇玉虛。

臣衆等志心皈命，衡宮大聖、廉貞丹元真皇君，斗中神仙諸靈官。

伏聞杳靄崑臺之上，交映七門；隱芒金蓋之輝，潛通二景。絳木結素華之實，瓊津凝冶鍊之膏。校錄上真，統攝鬼神之簿，提綱下學，權輿生死之機。今某人澡雪襟靈，遵承科簡，布斗極星辰之象，備香花燈供之儀，志心皈命衡宮大聖、廉貞丹元真皇君。伏願善履三元，削三灾於短景；順迎五運，植五福於深根。或在仕登榮，盡繼清崇之世；或行商坐賈，皆爲富盛之家。稽首歸依，虔誠讚詠：

廉貞消灾，四明開陽。上靈散輝，洞映神光。七元衛籍，司命延昌。明上紀名，使我綿長。保固身命，除凶去殃。神真吐威，流演洞鄉。剋携自然，上昇玉堂。

臣衆等志心皈命，闔陽宮大聖、武曲北極真皇君，斗中神仙諸靈官。

伏聞玉樓炳景，隱飛華宸極之星；瓊簡璨文，紀迴度空常之道。定法輪之階級，考至學之功勤。飛芒耀於八門，無幽不燭；擲流光於萬里，有礙皆通。今某人委迹塵寰，宅心道域，布斗極星辰之象，備香花燈供之儀，志心皈命闔陽宮大聖、武曲北極星皇君。伏願一念關陞，萬靈佑序。瀉銀河於碧漢，克注遐年；聳臣嶽於瑤空，永躋上壽。姻親和睦，嗣族歡娛。稽首歸依，虔誠讚詠：

武曲散禍，玄映除凶。三光煥照，萬炁流通。七元注籍，列位斗中。檢身護命，灾難不逢。上皇保真，命祿無終。正道長存，與神無窮。保命自然，上昇玉宮。

臣衆等志心皈命，瑤光宮大聖、破軍天關真皇君，斗中神仙諸靈官。

伏聞天迴地轉，瑤光推空洞之輪；斗建星躔，虛皇紀運行之度。位尊上帝，威制羣魔。正炁所臨，萬物遂生成之性；飛罡所指，百邪無逃遁之形。今某人滌垢舒壇，披誠奉教，布斗極星辰之象，備香花燈供之儀，志心皈命瑤光宮大聖、破軍天關真皇君。伏願道契丹臺，南斗注長生之字；罪消幽府，北都詮不死之名。四序營爲，盡叶光華之慶；全家視履，咸沾清淨之風。稽首歸依，虔誠讚詠：七元覆護天尊。

破軍扶衰，運致玄真。南司保生，延壽體寧。七元典籍，靈真榮名。列位上仙，合慶連并。丹靈散光，洞入玄冥。騰霄飛翔，與神同齡。保命自然，上昇玉庭。

北斗七元星燈儀

（陳耀庭點校）

005 北斗本命延壽燈儀

經名：北斗本命延壽燈儀。一卷。底本出處：《正統道藏》洞真部威儀類。

法事如式

伏以元綱示像，迺垂上屬之科；梵炁經天，故有命星之宰。一歲而纏週六度，三甲而次遍九宮。總下土之群靈，回凶示吉；符上天之列曜，決否咸亨。有感必通，無幽不燭。以今讚燈，弟子某人虔遵聖教，遙感真司。焚紫鳳之熒熒，光通玉斗；焰紅蓮之爍爍，照徹金衡。伏願太極頒祥，南宮度命，保壽年之遐遠，資福祉之無窮。稽首歸依，虔誠讚詠：長生保命天尊。

臣衆等志心皈命，某本命星君，諸靈官。

伏以真鑒非遙，密通於至禱；天

階雖遠，可薦於馨香。仰祈圓極之神，以貸純禧之祐。以今然燈，弟子某人攝心返炁，刻意真風。慮多生之罪籍仍存，致此世之運行迤蹇。欲求濟度，獲遇明科，然本命之星燈，滌身宮之愆過。伏願削斗司之罪簿，列南極之仙名。復連流注之殃，必成於祥福；否蹇屯虞之難，可革於光榮。稽首歸依，虔誠讚詠：長生保命天尊。

玉真上帝，紫微尊神。繡衣羽襪，丹青緋裙。雙珠曜景，華燈散陳。神光洞映，百福維新。八威所告，無幽不聞。志心歸命，願得長生。

臣衆等志心皈命，某本命星君，諸靈官。

伏以太虛妙一，固冲用以無方；仙錄明科，著精修而有感。惟真庭之聖境，乃玉帝之晨居。仰駐仙旂，掃清琳館，奉元辰之上宰，延生炁之真神。以今然燈，弟子某人修德省躬，勵心悔過，虔施醮禮，潔辦珍瑤。伏願三靈交泰，萬炁齊僊，闔門長保於利亨，畢世用臻於善庇。魂神澄正，邪氣不侵，財

祿豐盈，福基綿永。稽首歸依，虔誠讚詠：大慈延壽天尊。

玉京嵯峨，朱闕洞開。中有皇人，總衛霄階。紫繡羽帔，首冠金巾。主判命籍，封山召雲。若有所告，神威巨兵。志心歸命，願得長生。

臣衆等志心皈命，某建生本命星君，諸靈官。

伏以太極璇圖，演玉京之元範；東華寶籙，唱金闕之洪猷。圓羅翠蓋，遮天首之十山；鬱秀瑤臺，觀空青之九仞。是以流光開演，化功初動於招搖；妙炁周旋，歲序復還於箕斗。貴賤雖資於宿福，年齡必注於建生。以今然燈，弟子某人仰無上之玄司，向真常之妙道，循天星而布位，然絳炬以通光。伏願道與性通，心隨意會，荐集聖真之佑，仰延降簡之祥。稽首歸依，虔誠讚詠：消灾捍厄天尊。

太一真皇，中元紫君。厥諱規英，字曰泥丸。金床玉帳，紫繡錦裙。腰帶火鈴，斬妖滅奸。手把星精，項負白圓。一心歸命，願得長生。

臣衆等志心皈命，某建生本命星君，諸靈官。

伏以雲琳天緯，施熠燿於清霄；玉影金圓，布方隅於紫漢。爰自二儀初判，騰景曜於高虛；五炁元司，列羣明於空表。因流逆之變，成禍福之虞。傍正或經於命宮，過咎迺生於身位。以今燃燈，弟子某人慮星辰之下照，啓薰禱於元司。伏願福曜高臨，克保大椿之算；灾躔退舍，永膺光顯之榮。稽首歸依，虔誠讚詠：長生保命天尊。

大明靈神，九度鬱青。朝霞散輝，灌鍊五形。宮駕六合，七神調平。使我飛仙，登行上清。功成道合，三素來迎。一心歸命，願得長生。

臣衆等志心皈命，某建生本命星君，諸靈官。

伏以混元肇始，啓分青運之基；造化權輿，次立赤明之號。洪推運炁，綱紀寰區，實左右於生民，迺總司於禍福。以今然燈，弟子某人頂魁罡而應命，投真教以傾心，注蘭液之芬芳，布銀缸之紫焰。伏願五福茂隆，九清孚

祐，永履平康之運，長居寧謐之鄉。稽首歸依，虔誠讚詠：福生無量天尊。

九炁青天，元始陽精。皇老尊神，衣服羽青。設御天宮，煥明歲星。散輝流芳，淘漑身形。五炁混合，天地長并。一心歸命，願得長生。

諷經 宣疏 向來 回向

北斗本命延壽燈儀

（陳耀庭點校）

006 三官燈儀

經名：三官燈儀。一卷。底本出處：《正統道藏》洞真部威儀類。

法事如式

伏聞玄元妙道，運一炁而肇乾坤；清濁殊分，備三才而明日月。顯晦分於晝夜，寒暑布於四時。人本沖和，爲萬類之最靈；性本清虛，因五行而受賦。列尊卑於貴賤，應罪福於因緣。是以三官考校，賞功過以無私；五帝紀明，著愆非而有在。切以人生下境，命係上天。星辰運轉，值流逆而照臨；運限推遷，遇刑剋而衝併。或動止悞違於五典，或命運值罹於三灾。殺生縱意於貪婪，益己損彼而不善。惡言呪咀，或違犯於天基；營造興工，或冒干於地府。至於六根三業，種種

過愆，非憑道力，無以蠲除。今辰某慶逢吉日，節屆上中下元，當三官考校之辰，乃九天賜福之會。所以齋戒身心，精崇淨供，華燈遍照於層霄，銀燭交輝於星漢。紅蓮萬朵，齊開於三五之期；醪酒三斟，供獻於百千之聖。沉檀芬馥，遙達於金闕之天；僊範吟哦，速徹於玉清之界。輒伸丹悃，仰叩洪禧。法衆虔誠，讚揚功德。

信禮無上大羅天長生保命護身天尊

臣衆等志心歸命，上元一品九炁賜福天官紫微大帝，一切神仙諸靈官。

伏聞自然大聖，降九天太極之權；總主上真，御七寶紫微之闕。降鳳輦於舉遷之會，迴雲駟於上中下元之辰。校錄天人，標提功過，屆三陽而賜福，合九炁以流輝。今辰某注想高明，傾心酌獻，仰玄都而設像，建淨宇之陳儀。志心歸命，上元一品九炁賜福天官紫微帝君。伏願沖鑒融明，純禧錫善。北都幽籍，永詮不朽之名；南昌上宮，克注長生之字。生生道備，世世

心清。稽首皈依，虔誠讚詠。

信禮高上紫微宮九炁賜福天官真都元陽，紫微宮主。自然大聖，賜福天官。統攝天界，役使鬼神。鳴鐘擊鼓，乘車駕雲。隊仗千萬，統攝天兵。滌除凶穢，去濁流清。上帝有勅，普濟含靈。祛邪輔正，保天長存。

臣衆等志心歸命，中元二品七炁赦罪地官清虛大帝，一切神仙諸靈官。

伏聞太陽殿上，仰大道之清虛；洞陰闕中，瞻元君而洞耀。五岳八紘之類，會校錄於慶生；九幽三府之流，願關宣而赦罪。矧茲下土，實仰元恩。今辰某澡滌塵襟，虔遵聖範，仰洞靈而設像，建淨宇以陳儀，志心歸命，中元二品赦罪地官清虛大帝。伏願啓耀流光，歆誠矚懇。削愆尤於動植，得遂生成；施善利於飛潛，咸臻寧晏。至仁廣度，品物蒙庥。稽首皈依，虔誠讚詠。

信禮高上洞空宮七炁赦罪地官中兄赦罪，主帝元君。靈真大聖，社稷之神。滋生萬物，長養下民。祛

除妖怪，掃蕩邪氛。乘雲跨虎，遊行乾坤。保安家國，內外咸寧。蠲消九橫，滅滅五瘟。流祥賜福，與道合真。

臣衆等志心歸命，五炁解厄水官賜谷神王，一切神仙諸靈官。

伏聞金靈炳景，水官理暘谷之宮；寶曆分權，大帝主洞陰之道。定川源之品彙，考江海之威靈。會五炁於建生，無幽不燭；遵群倫之解厄，有願皆從。今辰某夙幸崇真，無生奉教，仰扶桑之設像，建淨宇以陳儀。志心歸命，下元三品解厄水官暘谷神王。伏願鸞馭俯回，精崇仰達。長生大聖，願延海宇之生；度厄尊神，以解存亡之厄。福祥至止，禍患潛消。稽首皈依，虔誠讚詠。

信禮高上洞源宮五炁解厄水官
下元解厄，金闕洞陰。大帝水君，清泠之神。乘雲御炁，搜捉邪精。驅雷逐電，海晏河清。平波伏浪，役使風雲。敢有小鬼，輒惱生靈。寸屍萬斷，永不留形。兇穢消蕩，道炁長存。

諷經 宣疏 回向

三官燈儀

(陳耀庭點校)

007 玄帝燈儀

經名：玄帝燈儀。一卷。底本
出處：《正統道藏》洞真部威儀
類。

法事如式

臣聞：應化無窮，常處玄都之金闕；本形不動，已生淨樂之王宮。斂萬物而爲一身，散一神而爲萬境。靈通太妙，道備鬱明，上開混沌之玄，下統虛危之宿。撫成地紀，實育天元，持造化於四時，總權綱於一炁。肅清宇宙，鎮靜乾坤，德並諸天，功齊浩劫。十極悉依於神化，九霄咸賴於真威。利濟群生而利博難言，功加萬有而功成不處。巍巍聖德，蕩蕩真風，既竭凡才，紀之莫德。今某人夙欽聖化，久被真恩。羅列香燈，進陳酒果，通光於禁上常融之境，續明於天一真慶之宮。

獻此寶燈，特垂洪造，暫降飛雲之輦，納茲行潦之觴。密俟真光，俯祈盼鑾，不勝戰懼，謹以奏聞。稽首皈依，虔誠讚詠。

舉 聖號

臣衆等志心歸命，北極鎮天真武玄天上帝真君，一切神仙諸靈官。

臣聞：數盡曆窮，有餘殃之未殄；運推劫始，奈舊染之猶存。尚執澆漓，不還淳朴，六天伺隙，九醜乘機。始欲害於惡民，因中傷於善類。怨積下土，毒衝上天。自非大道之慈悲，安得上真之濟度。念爾元元之衆，傷于總總之妖。於是元始頒符，真尊受命。既匪一朝一夕之故，有煩七日七夜之勤。人鬼乃分，重黎奠位，惟神之德，永劫常存。今某人稱頌元功，敬陳淨供，仰瀆高高之聽，俯伸翼翼之誠，志心歸命北極鎮天真武玄天上帝。伏願寶炬騰輝，上燭玄枵之次；蘭膏續焰，旁通天一之宮。冀仙仗之遐臨，祈雲輶之下邁。求祈百福，殄滅千灾，注生籍於南宮，削罪名於北府。學道，悟无形之

妙；修真，獲隱景之方。灾障不干，精邪蕩散，百神守護，萬事先知。稽首皈依，虔誠讚詠：

惟爾玄元，衆妙之尊。不言而教，

莫知其神。渺渺億劫，綿綿若存。虛心實腹，和光同塵。鑿開造化，樸散胚渾。六百萬歲，八十二身。曲全枉直，窪盈蔽新。扶衰度厄，起死成人。其功不恃，其德乃貞。令宜再顯，永鎮北旻。上罰逆象，下滅妖氛。飛符走錄，遊行乾坤。甲庚之將，贊衛爾身。周環六合，普護兆民。魔鬼永滅，道炁長存。

臣衆等志心歸命，北極鎮天真武玄天上帝真君，一切神仙諸靈官。

臣聞：衆星拱北，而知北極之尊；諸數始一，乃見數一爲首。自非全功全德，豈能爲首爲尊。仰爲玄武之至真，永鎮北方之大位，化生十號，老君本自於強名；託籍諸天，真武伏曰於應化。神功赫赫，聖烈洋洋，欲頌真尊，已殫誠意。今某人肅清庭宇，齋沐身心，仰叩玄天，輒攄丹悃，志心歸命

靈應佑聖真君。伏願花開善瑞，燼落浮災。泉曲分光，罷九幽之業對；羅艷洞耀，原七世之愆尤。近逝先亡，登真離苦，家多孝悌，世足忠良，千災並散，萬福咸臻。稽首皈依，虔誠讚詠：

北極玄天，杳杳神君。億千變化，玄武靈真。騰天倒地，驅雷奔雲。隊仗千萬，掃蕩妖氛。雷公電母，玉女將軍。鬼神降伏，龍虎潛奔。威鎮五岳，萬靈咸遵。鳴鐘擊鼓，遊行乾坤。收捕逆鬼，摧斬魔群。除邪輔正，道炁長存。

臣衆等志心歸命，北極鎮天真玄武天上帝真君，一切神仙諸靈官。

臣聞：玉虛師相，金闕化身，自在於無有之鄉，逍遙於聖凡之境。或去爲十天之主，或來作百王之師。故八十次顯爲老君，亦八十二號爲玄武。現相或異，本體無殊。含陰育陽，躡龜蛇而成妙用；司南居北，示離坎而作乾罡。道德難知，功勳不紀。故在地有太和之境，爲武可當；在天有壬癸之方，非玄不授。無涯功德，難盡讚

揚。今某人灑掃塵居，宏陳法席，願望虛危之次，馳誠北極之天。俯賜霓旌，少留鸞馭，納此蘋蘩之薦，鑒茲豺獾之誠。下憫丹衷，伸知素幅，志心歸命靈應佑聖真君。伏願瑞開金羊之焰，祥輝銅鴨之光。下破重昏，上通無極。存亡受惠，長幼蒙恩。宅宇光輝，門闌喜慶。災不生而禍不作，家愈富而業愈隆。錫五福於身宮，除六極於眷屬。恩推上聖，悉賴真休。稽首皈依，虔誠讚詠：

太陰化生，水火之精。虛危上應，龜蛇合形。周環六合，威攝萬靈。無幽不察，無願不成。劫終劫始，剪伐妖精。救護羣品，家國咸寧。數終末甲，妖氣流行。上帝有勅，聖固降臨。闡揚正教，蕩邪辟兵。化洽黎兆，協贊中興。敢有小鬼，輒撓生靈。悉皆消滅，永不留停。兇穢消蕩，道炁長存。

諷經 化財 回向

玄帝燈儀

（陳耀庭點校）

008 九天三茅司命仙燈儀

經名：九天三茅司命仙燈儀。
一卷。底本出處：《正統道藏》
洞真部威儀類。

法事如式

伏以太極分形，秀峙華陽之福地；真仙顯跡，靈彰句曲之名山。深闕金壇，遠通玉洞。疊嶂參差而煙凝含翠，重岡枕帶而日映分紅。異草薦馨，靈芝表瑞。虎嘯龍吟而風雲吐納，鶴翔丹現而仙駕迴還。爰有真君，實爲司命，糾仙凡之功過，掌生死之權衡。纖細不遺，毫分無失。治赤城而冊編九錫，佐青嶽而職隸三峰。顯著聖德仁，總司天地水。今古均沾於惠澤，邇遐咸沐於恩波。臘二春三，燦天燈而炯炯；普天之下，投香信以拳拳。凡有歸崇，悉蒙孚祐。以今讚燈，弟子

某人宿慕真風，久依道廕。聳瞻三秀，常懷敬奉之心；傾竭一忱，仰答生成之惠。維時吉日，輒啓清齋，祇肅真旂，敷陳妙範。琅函玉笈，憑羽士以宣揚；寶節金幢，想霄衢而下邁。虔誠點照九天三茅司命真君瑞像仙燈。明續三真，光齊二景。道紫陽之妙炁，符絳府之沖和。伏願吐露瑞花，肇嘉祥於此日；圓成道果，膺福壽於今生。副以微誠，永承巨貺。稽首皈依，虔誠讚詠。

臣衆等志心歸命，太玄妙道沖虛聖祐真應真君，一切神仙諸靈官。

伏以幼稟異操，捨父修真於北嶽；夢符真降，求師訪道於西城。獲叅神虎之駢，躬侍飛鳧之舄。管領祕章神籙，親傳丹訣仙方，故能嘯命風雷，御役龍虎。神光下逮，瑞靄中存。朝驅萬靈，使鬼神而畏伏；暮遊八極，騰霄漢以飛翔。位宅九天，職司五嶽。聖治四十二載，眷祐丕圖；道炁百千萬重，覆護羣品。凡伸情愫，必沐玄恩。以今讚燈，弟子某人祇按仙科，敷

陳妙範，儼羽繡霞衣之像，備香花燈燭之儀，志心歸命，東嶽上卿司命太玄妙道沖虛聖祐真應真君。伏願妙道克臻，沖虛昭格，四序均調於玉燭，九秋慶遂於金穰。國富忠良，家多孝悌。士民工賈，各膺遂意之歡；貴賤賢愚，隨分養生之樂。稽首皈依，虔誠讚詠。

信禮沖虛聖祐真君

虛挺遠朗，幽眈妙言。爰自童蒙，散髮北巔。靜心林澤，精思求仙。登峻履谷，艱尋師門。擲形絕岳，投驅萬津。丹成率往，肆其天然。遂造明匠，乃授靈篇。剪髮祝跪，殘手截身。帶索自樂，不恥飢寒。所適惟道，所保以真。情昭上帝，感激泰玄。今敬受命，位爲太元。

臣衆等志心歸命，定錄右禁至道沖靜德祐妙應真君，一切神仙諸靈官。

伏以秉性孝廉，榮注郎官之膺；持心仁恕，精修上道之玄功。受命當先，職封定錄。統地真之升降，察人世之功愆。治金壇句曲之名山，任宮館洞臺之主宰。武威嚴肅，無私而

福善禍淫；右禁清明，有犯而陽行陰報。儻或歸依之篤，必能撫育之隆。以今讚燈，弟子某人祇按仙科，虔遵妙範，儼月帔霞衣之像，備香花燈燭之儀，志心歸命，定錄右禁至道冲靖德祐妙應真君。伏願至道宏慈，真仙鑒善，赦故作悞違之咎，賜起居視履之祥。歲事豐登，寇兵消弭，人民樂業，家國咸寧。稽首皈依，虔誠讚詠。

信禮冲靖德祐真君

太上有命，天真書言。姬胃分宗，初成玄孫。咸陽茅姓，厥宅南閭。字曰季偉，受命常僊。位爲定錄，兼統地仙。使保有道，年命相闡。勤恭所莅，四極法全。宮館洞臺，麓澤川源。宜治丹陽，句曲之山。君其勉之，動靜察聞。

臣衆等志心歸命，三宮保命微妙冲惠仁祐神應真君，一切神仙諸靈官。

伏以節行顯名，任漢室西河之太守；積功成道，治良常北洞之仙山。領三官保命之權，法百鬼校精之典。標名才穎，誘童蒙後學之徒；挺秀該

清，訓女官妙靈之衆。總括岱宗，靈洞種植五芝；職司江海，水源滋生百穀。有求即應，無願不從。以今讚燈，弟子某人祇按仙科，虔依妙範，儼鶴擎雲冠之像，列溪泉澗藻之儀，志心歸命，三官保命微妙冲惠仁祐神應真君。伏願誠心昭格，冲惠潛孚，書三官保命之仙名，削六洞仇讎之罪目。雨暘順序，妖怪滅形。靈芝瑞草以呈祥，粦麥嘉禾而倍稔。物無疵癘，民有歡聲。稽首歸依，虔誠讚詠。

信禮冲惠仁祐真君

惟君稟賦，挺業該清。須晚返正，思微徹誠。斬馘六天，才穎標名。屈司三官，保命建名。總括岱宗，領死記生。位爲地仙，九宮之英。勸教童蒙，開道方成。訓誨女官，授諸妙靈。治祛百鬼，典崇檢精。關察水源，江海流傾。分掌金穀，藏錄玉漿。監植龍芝，洞草夜光。良常北洞，永鎮陰宮。醮官歸命，願得長生。

諷經 宣疏 化財 回向

九天三茅司命仙燈儀

（陳耀庭點校）

009 萬靈燈儀

經名：萬靈燈儀。一卷。底本
出處：《正統道藏》洞真部威儀
類。

法事如式 啓白

伏以天地之間，最靈者人。正直之道，至聖者神。能靈能聖，可敬可尊。或出幽而入冥，或昇高而降下。均受甄陶之德，孰知運化之由。有惠及民，立豐名而享祀；施功於國，膺徽號以植祠。昭然，是理之不誣；妙矣，其言之難述。恭惟某神，堂堂顯相，赫赫厥靈。護國救民，利人濟物。有求而必應，無禱而不通。四海欽崇，群生敬仰。處處建祠而立廟，家家繪像以圖形。恪意歸依，虔誠供奉。今某人謹依科格，建立壇場。潔備香燈，用延軒馭。伏願大造昭垂，洪恩降格。納此

愍勲之禮，鑒茲作善之祥。稽首歸依，虔誠讚詠。

臣衆等志心歸命某神。

伏以神靈之道，惟德可親。禍福之來，惟民自召。雖洪慈而有感，蓋造化以無私。然賞罰之必公，惟轉移而不吝。倘悟愆非，聿回恩祐。今某人洗心滌慮，向道歸真。備列燈儀，志心歸命。伏願慈祥愷悌，洪造沖和。度暑逾寒，俾殄侵凌之厄；安居樂業，克膺至順之祥。稽首歸依，虔誠讚詠。

神靈之道，古今惟尊。威容赫赫，無願不從。輔佐天地，變化飛空。志心欽奉，有禱皆通。消災降福，人宅安寧。一心歸命，願得長生。

臣衆等志心歸命某神。

伏以助靈助順，受祭祀於十方；立德立功，膺侯封於萬里。常推忠而護國，每行罰以示人。巍巍端拱於祠堂，凜凜尊居於廊廟。聿回多福，茂顯厥功。今某人，叨承覆燾，仰沐玄恩。肅清舍宇，潔備香燈，志心歸命。伏願聲馳宇宙，發揚生育之仁；威鎮邦家，

恢擴昭明之德。常善救人而無棄人，至仁及物而無棄物。保家國以利亨，俾宅庭而元吉。稽首歸依，虔誠讚詠：

布功施德，設化利人。種種方便，巍巍祠庭。保民有道，治世顯靈。消災降福，家眷安寧。

臣衆等志心歸命某神。

伏以人居黃道，傾心慊以歸依；神鑒丹衷，發靈光而照燭。至仁好生，乃延生而度厄；大慈惻隱，而散禍以消災。今某人虔依道典，恭按仙科。備香燈供養之儀，布神聖威嚴之像，志心歸命。伏願神靈普濟，天德均齊。闡慈悲善利之心，賜延壽康寧之慶。稽首歸依，虔誠讚詠：

乃神乃聖，乃武乃文。功勳昭著，司命司真。爲民致福，度厄消迤。恩沾宅宇，德被咸均。嚴恭寅敬，如谷應聲。消災降福，善及家庭。

臣衆等志心歸命某神。

伏以天位居高，神心善應。職司下土之權，令秉上天之命。凡伸祈禱，

必賜感通。仰依覆載之仁，丕錫包荒之賜。今某人五體叩陳，一心歸命，備陳淨供，羅列香燈，志心歸命某神。伏願德洽無方，恩霑罔極。保全大有，覆護羣生。保祿壽以繁昌，滋福基而永固。稽首歸依，虔誠讚詠：

聰明正直，神聖威靈。上佐天命，下滅妖精。覆護羣品，昌熾功勳。有求皆應，盛德無垠。消災降福，恩及人民。

臣衆等志心歸命某神。

伏以天生萬物，咸依長育之功；人事百端，皆託至神之祐。凡遂一身之飽暖，悉由衆聖之陶鎔。極感玄恩，宜多受賜。是以按一心之恭敬，邀至聖之尊嚴。俯露丹誠，仰酬素念。今某人謹依科式，備列香燈，志心歸命衆神。伏願神力默扶，聖恩廣洽，四季保家庭之清吉；每年，俾老幼以安寧。祿壽增崇，善芽長茂。稽首歸依，虔誠讚詠：

至神至聖，惟德惟馨。上奉帝命，守護萬民。却邪立正，救濟含生。四

時順度，以保時豐。消災降福，內外皆同。

諷經 向來 回向

萬靈燈儀

(陳耀庭點校)

010 五顯靈觀大帝燈儀

經名：五顯靈觀大帝燈儀。一卷。底本出處：《正統道藏》洞真部威儀類。

法事如式 啓白

焚香供養都天威猛大元帥、顯聰昭應孚仁廣濟王，橫天都部大元帥、顯明昭烈孚義廣佑王，通天金目大元帥、顯正招順孚智廣惠王，飛天風火大元帥、顯直昭佑孚信廣澤王，丹天降魔大元帥、顯德昭利孚愛廣成王，助靈史相公、助順卞相公、翊應周將軍、王念二總管、黃王二太尉、令狐寺丞、善慶童子、土地真官、直日功曹、後宮仙源聖眷、靈順法部侍從威靈，悉運真香，普同供養。

切以聰明爲聖，常顯跡於人間；正直乃神，屢彰名於世代。啓五通之

神殿，決六蔽之昏衢。天地風火水之間，通達無礙；仁義智信愛之聖，惠澤旁施。冀含識之回光，遂知機而見曉。欽慕昭昭之景，宏演燈儀；苟馳效效之誠，旋垂鑑映。凡於動靜，皆賴護持。遙瞻烜赫之容，控露歸依之悃。仰祈法駕，俯鑒精衷。今某猥處人倫，遵承科教，既沐覆全之德，敢忘夤奉之恭。敬選良辰，肅陳淨供。伏願銀缸煥爛門庭，從此以光輝；寶炷氤氳眷愛，永諧於康泰。

臣衆等志心歸命，都天威猛大元帥、顯聰昭應孚仁廣濟王。

伏以聰明不諂，賞罰不失於毫釐；仁澤於民，功過無分於纖芥。上通天闕，下入寒泉。昭然賜福於塵區，穆若護持於黎庶。九州所重，四海歸依。作善者，享福無邊；積惡者，貽灾有自。應如谷裏，驗若形聲。今某夙奉慈容，常臻教典，聊陳菲薦，庸寓髮忱。伏願神馭來臨，密賜純禧之祐；靈威降鑒，益施長養之仁。宗緒昌隆，門庭清穆。稽首皈依，虔誠讚詠：

靈觀大帝，神德尊神。五通賢聖，廣濟皇民。救灾禦患，大布威靈。願垂降鑒，永錫康榮。

臣衆等志心歸命，橫天都部大元帥、顯明昭烈孚義廣佑王。

伏以明而不惑，仰瞻穆穆之容；赫爾崇高，佇想巍巍之德。每推恩而及物，常以善而化人。慈悲普度於群生，威力廣行於三界。示作善降祥之美，蠱爲愆釀惡之因。凡露禱祈，必蒙感應。今某稟生愚昧，寄跡塵凡，虔備香燈，用延儀像。伏願廓開昏翳，光明散釋於灾迤；大布慈恩，煙靄噴騰於和氣。尊卑均慶，頂踵沾恩。稽首皈依，虔誠讚詠：

顯明大聖，昭烈威王。賞善罰惡，孚佑吾皇。靈通貫斗，氣蓋八方。願垂景貺，常啓福祥。

臣衆等志心歸命，通天金目大元帥、顯正招順孚智廣惠王。

伏以正則不邪，嘗施恩而育物；禱而有應，每惠澤以臨民。奇謀祕計以爲心，撫恤寬容而闡事。號令如法，

公平是依。乃聖乃神，賞罰無遺於咫尺；或文或武，盛衰有賴於提携。今古攸遵，吉凶昭顯。今某志嚴圖像，願款神儀，擬伸懇切之誠，肅啓醮修之會。伏願或商或賈，皆成富積之家；爲仕爲師，早遂貴登之志。門闌清吉，眷屬康寧。稽首皈依，虔誠讚詠：

顯正大聖，昭順靈神。智略才辯，廣惠人民。雨寶濟乏，施德推仁。勞籠群品，鼓舞萬倫。

臣衆等志心歸命，飛天風火大元帥、顯直昭佑孚信廣澤王。

伏以直而不屈，作前代之忠神；信而不誣，爲今時之靈聖。潤飾國土，涵養黔黎，威布三天，功高六合。敬之如在自然，禍滅福生；禱之有通必得，凶消吉至。凡託幘幪之庇，俱叨利濟之恩。意啓一誠，命延百福。今某洗心滌慮，修德省躬，然燦爛之銀缸，蕪芬芳之寶篆。仰瞻神馭，昭格愚衷。伏願在公在私，時有亨嘉之慶；守官守職，日無言責之聞。壽紀增隆，身躬康泰。稽首皈依，虔誠讚詠：

顯直昭佑，廣澤聖王。施恩布德，萬物祺祥。何災不滅，何福不昌。願回景貺，四序攸康。

臣衆等志心歸命，丹天降魔大元帥、顯德昭利孚愛廣成王。

伏以德素推於萬象，利物愛民；恩溥及於群生，蠲災却禍。談笑兮，神風靜默；優游兮，海宇澄清。金殿玉堂，隱映僊姿，靈峙雕輪，寶馬雍容，慈貌神儀，手執金磚，足踏火輦。每降祥而旌德，或暴禍以彰威，既闡神通，合伸歸嚮。今某叨居下土，生在中華，歲時永賴於陶成，晝夜由資於洪覆。輒伸蟻素，仰答鴻休。伏願鶴駕翩翩，星駟翼翼。自尊及幼，常居寧謐之鄉；內戚外親，永履平康之運。稽首皈依，虔誠讚詠：

顯德昭利，孚愛廣成。安民濟物，素德推仁。若有投懇，修奉安寧。虔誠奉請，五福來并。

諷經 向來 回向
五顯靈觀大帝燈儀

（陳耀庭點校）

011 土司燈儀

經名：土司燈儀。一卷。底本
出處：《正統道藏》洞真部威儀類。

法事如式

伏聞一元初判，二炁攸分，幹四序以成功，奠八方而定位。仰布經躔之次，俯均分野之私。有生咸賴於洪鈞，無物不資於大造。惟人之貴，實位乎中。凡居起處之間，悉荷乾坤之賜。重嗟庸昧，動積過愆。自離穴處以巢居，作於上棟而下宇。鑿泉運土，肆興作犯於方隅；架拱飛梁，每有悞干於禁忌，或日時之不利，適年月之未宜。謀非龜筮之徒，辭用師巫之矯。較於幽顯，盡屬愆尤。而況太歲尊神，土司禁忌，總權禍福，經制方隅，隨六甲以遷移，屬七星而幹運。凡居造作，致犯

方隅，賴其教有金科，經存玉軸。昧之者，災興吉散；修之者，禍滅福生。以今某人爰於住舍，造作不時。動土役工，實有悞干於禁忌；培基闢址，寧無冒犯於天星。謹擇良辰，恭修淨供。經開雲篆，祈積釁以潛消；科演琅函，迎衆真之來格。伏望爲祥爲瑞，集百福於門闌；無害無災，殄千殃於眷屬。祛除寇盜，悉滅火殃。稽首歸依，虔誠讚詠。

臣衆等志心歸命，東方震宮大聖、三綠星君。

伏聞震乃三陽之首，位居四序之端。在八卦，以爲先；處六甲，而爲長。能甲能拆，令庶物之蕃鮮；以懼以兢，使兆民而修省。資興造化，垂象發生。凡有修營，慮多觸犯。以今某人備嚴醮典，首謝真靈，謹依科式，建立星壇，備香花供養之儀。至心歸命，東方震宮大聖、三綠星君。伏願真仙降佑，衆聖垂慈，蠲消作犯之愆尤，曲賜休祥之慶瑞。門庭肅穆，長幼諧和，祈壽算以彌昌，增福基而永固。稽首歸

依，虔誠讚詠：

大道著明，寂默玄真。五斗中運，五行生成。北都萬鬼，遏人年齡。我有神章，度世長存。供養尊禮，主人精神。玄之又玄，嵯峨玉京。消除災障，道炁長存。

臣衆等志心歸命，東南方巽宮、四碧星君。

伏以巽爲申命，太乙司神，位處東南，宮居四碧。主群萌之節序，致萬物之潔齊。凡有修營，豈無干犯。以今某人備嚴醮典，首謝真靈，謹依科式，建立星壇，備香花供養之儀。志心歸命，東南方巽宮、四碧星君。伏願神光燭昧，惠炬舒明，鑒今辰祈禱之誠，滌往日修營之過。寇攘之害，永息於家庭；焚燎之憂，不生於戶牖。門中眷屬，普錫純禧。凡所施爲，吉無不利。稽首歸依，虔誠讚詠：

巽宮大聖，真宰諸司。天罡太一，雷電百神。吹颺厄禍，鎮滅妖精。施行造化，滋育含生。綿綿錫祉，永永來臻。無極無上，金闕玉京。消諸災障，

願得長生。

臣衆等志心歸命，南方離宮、九紫星君。

伏以化成天下，罔非中正之功；揭照多方，固得繼明之象。使萬物之相見，以位處於南方。應在兩儀之中，俱被照臨之德。凡居住舍，違犯過多。今辰祝燈，弟子某人備嚴醮典，首謝真靈，謹依科式，建立壇場，備香花供養之儀。志心歸命，南方離宮、九紫星君。伏願鑒茲丹悃，特降仙儀，消除不測之災，賜以無窮之祉。九橫不臨於眷屬，千祥茂集於門闌。火盜潛消，貨財增益。稽首歸依，虔誠讚詠：

熒惑大聖，九紫星君。炎光散世，符呪普臻。柳星經制，翼軫司存。丙丁樞籍，火德潛奔。留恩降福，善慶來并。上極無上，玄都玉京。消除災障，願得長生。

臣衆等志心歸命，西南方坤宮、二黑星君。

伏以幹運坤宮，恢弘地道，承天效法，含物化光。秉后德，而載物無疆；

體四時，而孳生不已。宮當二黑，位次西南。凡有修營，豈無干犯。以今某人備嚴醮典，首謝真靈，謹依科式，建立壇場，備香花供養之儀。志心歸命，西南方坤宮、二黑星君。伏願廣惠仁慈，普施陰德。削愆尤於黑簿，注福壽於丹書。永消坎坷之災，常履平康之慶。千真護佑，萬聖扶持。稽首歸依，虔誠讚詠：

坤元后德，弘降無垠。承天行道，顯德化生。自然恩惠，育養人民。無遺無墜，乃利乃貞。驅除妖魅，賜福安寧。上極無上，大羅玉京。消除災障，願得長生。

臣衆等志心歸命，西方兌宮大聖、七赤星君。

伏以七炁素宮，金天兌位。肅嚴萬物，利其民而應其時；悲愍群生，顯其德而助其化。凡夫迷謬，過咎惟多。冒犯威靈，豈知懺謝。以今某人備嚴醮典，首謝真靈，謹依科式，建立星壇，備香花供養之儀。志心歸命，西方兌宮大聖、七赤星君。伏願留恩降福，却禍

除災。憫物好生，冀永消於罪咎；承休蒙惠，錫蕃衍於祺祥。眷屬咸寧，門闌有慶。稽首歸依，虔誠讚詠：

虛明沖寂，以道爲根。上極無上，紫微帝君。真中有靈，玄經正神。森羅大緯，各有糾分。昭明威令，總領人身。巨名終始，太皇高真。無上之上，大羅玉京。消除災障，道炁長存。

臣衆等志心歸命，西北方乾宮大聖、六白星君。

伏以功全四海，義主三綱。出庶物以爲君，見群龍而爲首。蓋以剛健中正，故能保合太和。使萬物各遂其生，無一夫不被其化。爰居住宇，慮犯神司，非悔過以陳愆，曷變災而爲福。以今某人備嚴醮典，首謝真靈，謹依科式，建立星壇，備香花供養之儀。志心歸命，西北方乾宮大聖、六白星君。伏願天德寬洪，神司洞照。行藏有利，動止無危。災與障而俱消，福與祿而共永。子孫蕃衍，常沾丹桂之榮；眷屬雍和，同保大椿之算。稽首歸依，虔誠讚詠：

乾乾始兆，赫赫威光。洞照天下，
育物時康。一炁推運，萬物禎祥。神
光震攝，妖孽俱亡。陽精明曜，掃蕩灾
殃。至真扶衛，上昇玉堂。消除灾障，
道炁長存。

臣衆等志心歸命，北方坎宮大聖、
一白星君。

伏以德潤至廣，百川所宗。性蘊
三能，功涵七善。其爲卦也，萬物之所
歸；其爲斗也，衆星之所拱。泮而爲
水，疑而爲冰，濯萬物之昏蒙，滌羣生
之塵垢。凡興住宇，冒犯斯方。悔過
虔恭，變灾爲福。以今某人備嚴醮典，
首謝真靈，謹依科式，建立星壇，備香
花供養之儀。志心歸命，北方坎宮大
聖、一白星君。伏願一德淵澄，千殃洗
蕩。福祿保綿長之祉，壽齡增延永之
期。水陸安寧，行藏叶吉。稽首歸依，
虔誠讚詠：

北辰宗極，大聖通靈。濟度厄難，
超出群生。若有所告，修奉安寧。咸
生百福，衛護萬民。生生快樂，世世心
清。真仙保舉，上昇玉京。消除灾障，

道炁長存。

臣衆等志心歸命，東北方艮宮大
聖、八白星君。

伏以成終成始，潛施造化之功；
時止時行，密顯歸藏之用。司權否泰，
主掌興衰，位次三陽，宮居八白。工既
興於土木，咎恐犯於方隅。實慮過愆，
用祈禳謝。以今某人備嚴醮典，首謝真
靈，謹依科式，建立星壇，備香花供養
之儀。志心歸命，東北方艮宮大聖、八
白星君。伏願碧穹至聖，紫府元君，洪
恩廣布於門庭，巨澤遍施於宗族。更
承道蔭，永賴帡幪。稽首歸依，虔誠讚
詠：

艮宮大聖，青帝尊神。首權威柄，
道炁發生。興雷興雨，存善存真。舒
揚造化，滌蕩妖氛。綿綿景福，永永駢
臻。璇璣無礙，上昇玉京。消除灾障，
道炁長存。

臣衆等志心歸命，中宮大聖、五黃
星君。

伏以覆載含靈，德素沖於后土；
生成稼穡，仁實仰於中央。在五事，則

爲恩；於五常，則爲信。故能包含萬
象，長育群生，凡有修營，豈無干犯。
以今某人備嚴醮典，首謝真靈，謹依科
式，建立星壇，備香花供養之儀。志心
歸命，中宮大聖、五黃星君。伏願九壘
至真，中宮主宰。降善降祥，回吉於八
方之內；消灾消難，留恩於九域之中。
茂育田蠶，祛除火盜。稽首歸依，虔誠
讚詠：

惟德中央，總領四方。提攝萬象，
罔越紀綱。賞善罰惡，琅函玉章。埋
藏鬼賊，摧斬鋒芒。度世無量，名昭彼
蒼。供養尊禮，掃除不祥。消除灾障，
道炁長存。

諷經 向來 回向
土司燈儀

(陳耀庭點校)

012 東厨司命燈儀

經名：東厨司命燈儀。一卷。
底本出處：《正統道藏》洞真部
威儀類。

法事如式

以今焚香然燈，供養本音東厨司命竈君，五方五帝竈君，五帝竈君夫人，天厨靈竈，地厨神竈，三十六位竈君，新竈、舊竈神君，炊淘神母，運水將軍，竈中禁忌一切威靈。仗此真香，普同供養。

伏聞天爲百神之君，禍淫福善；竈乃一家之主，糾繆繩愆。眷職掌之非輕，宜敬心之是重。爰茲穀旦，特展芹誠，桂漿未注於金樽，蘭炷先焚於寶鼎。庶臻盼饗，克遂感通。以今醮官某人遠庖鼎創，曲突咸新，慮犯神司，敬伸安謝。伏願愚衷上達，聖意潛孚。瞻

之在前，孰睹尊崇之禮；祭之如在，當嚴勤懇之誠。既矜請命之辭，取效采芹之薦。法衆皈依，虔誠讚詠。

舉聖號

焚香然燈，供養本音東厨司命竈君，東方甲乙青帝竈君，竈家一切禁忌之神。

伏聞司命名尊，奉上帝差除之旨；竈神職重，秉下民倚伏之權。變化尤多，言辭難盡。在天爲七元之使者，遞日奏萬事於宸庭。一竈各立一名，五方或稱五帝。群分部屬，迭主陰陽。雖善善惡惡，均在修爲；然是是非非，必公紀錄。以今醮官某人僭邀聖駕，祇薦香醪。伏願見所見，聞所聞，必言人過；筆則筆，削則削，廣沛天恩。稽首歸依，虔誠讚詠：

蒼靈分炁，青帝尊神。上承帝命，下察人倫。言功錄過，賞善奏名。日紀筆，時時無停。敬則降善，妄則降迤。傾心首謝，願賜安寧。

焚香然燈，供養本音東厨司命竈君，南方丙丁赤帝竈君，竈家一切禁忌

神衆。

伏聞記名所祀之六神，實尊乎竈；人莫不營於三膳，亦係乎天。然思平日所爲，未必今人皆是。以今醮官某人縈纏世俗，養育愛緣，靖言甑爨以釜鬻，每待水烹而火飪。燔炙致腥膻之衝突，炊淘將米穀以拋違。拖刀拽斧而豈識重輕，蕪草燔柴則寧無穢觸。鱗毛悞蕪，糞草故投，酣酒高聲，牽神引呪，對竈庭而裸袒，向厨廨以誼呼。殆難以蔽於一言，不可勝誅之萬罪。今則焚香奠醑，酌水獻花，兢兢陳自訟之辭，懇懇覬非常之福。但願致富累世，祀不負於陰子方；毋令獲罪上天，媚徒勞於王孫賈。稽首歸依，虔誠讚詠：

丹靈真炁，赤帝尊神。位居離位，職守竈庭。能垂福慶，善遣灾迤。束縛九醜，焚滅妖精。逆吾者死，敬吾者生。吾有此令，兆庶宜遵。

焚香然燈，供養本音東厨司命竈君，西方庚辛白帝竈君，竈家一切禁忌之神。

伏聞夏月祭先，肺備詳呂令之辭；丹砂化黃，金具述漢書之志。家人有竈，人盍謹祠。蓋天曹納所奏之言，況人世積悞爲之咎。自老及幼而匪一，從微至著以何言。以今醮官某人

遠遯塵寰，區區火宅。不識忌諱，無怪乎粉態脂容；自取顛隳，常懼乎焦頭爛額。既沐洪恩而赦宥，敢忘微禮以歸崇。掃蕩群兇，嚮用五福。有護持之神物，無凌爍之精邪。行行溫魔，過我門而不入我室；稜稜惡黨，聞其語而未見其人。絕甑鳴斧叫之災，杜狗媚狐趨之怪。稽首歸依，虔誠讚詠：

皓靈大聖，白帝尊神。受符上命，掌握群靈。職司凡世，上侍九清。位分兌舍，化育含生。改惡爲善，赦罪留恩。吹飄萬禍，善降玄風。

焚香然燈，供養本音東厨司命竈君，北方壬癸黑帝竈君，竈家一切禁忌神衆。

伏聞民以食爲天，無竈何從而烹飪；竈乃天之吏，專司禍福以紀功。是仗玄科，敬伸安奉。以今醮官某人恐

家人之踏踏，積大過之多多。片善勿爲，一言難盡。既自迴光返照，必能轉禍爲祥。伏願驅掃不祥，俾常臻於吉慶；遣除兇怪，庶茂衍於椿期。稽首歸依，虔誠讚詠：

壬癸之位，玄老尊神。天靈大聖，地靈將軍。俱侍左右，聽令而行。身長千丈，手託乾坤。江海爲宅，制禦火精。聞吾神呪，永保清寧。

焚香然燈，供養本音東厨司命竈君，中宮戊己黃帝竈君，竈家一切禁忌神衆。

伏聞職在人間，謂親民而最切；告膺天上，奉帝命之榮除。曰司命而命，掌非輕；稱府君而君，銜實重。職司厨內，掌握居中。以今醮官某人居覆載之間，沐照臨之下，不知不識，何慮何辭，醉酣裸體以輕狂，語話牽神而引呪，腥臊熏觸，穢手進薪，習爲朝夕之常，陰有神明之錄。功無毫髮，過若丘山。伏願百神擁護，萬善資扶。降真炁於五方，蕩除妖厭；扇祥風於比屋，化作恩波。稽首歸依，虔誠讚詠：

皇靈黃老，戊己帝王。居其中位，總領八方。提攝萬象，罔越紀綱。賞善罰惡，賜福非常。若有妖孽，入地消亡。保安家舍，永殄災殃。

諷經 宣疏 回向

東厨司命燈儀

（陳耀庭點校）

013 正一殭司辟毒神燈儀

經名：正一殭司辟毒神燈儀。
一卷。底本出處：《正統道藏》
洞真部威儀類。

法事如式

伏以混沌既分，氣形乃判，女媧斷
鰲而立極，伊祈曆象以授時。分三才
而成三，播五行而爲五。由是氣分七
十二候，歲定三百六旬。成變化以行
鬼神，妙陰陽而運寒暑。天垂象，則吉
凶可見；人稟性，而禍福自來。故慶
源乃襲於積善之家，而殃咎必幾於作
惡之者。幸有禱祈之路，抑開方便之
門。以今信士某圍形覆燾之間，託跡併
幪之下，正心誠意，尊天敬神，啓建玄
壇，修崇清醮。香煙縹緲，靄空洞之雲
霞；燈焰熒煌，燦青霄之星斗。瑤臺
月冷而仙裾縹渺，碧漢風清而雲馭翱

翔。察茲懇懇之齋羞，願賜迂迂而降
監。伏願明德誕敷，洪恩下沛，增注方
來之慶，蠲消已往之非。萬福攸同，羣
魔滅試，無災無害，且逸且安。金書標
不朽之名，青簡注延生之法。更祈加
護，是罄恪恭。稽首歸依，無極大道。
臣衆等志心歸命，東方行瘟張使
者。

伏以太虛之上，諸天之尊，自然九
色之光華，不假三晨之照燭。上至日
月星宿，下及海岳山川，或傾事帝之
心，盡屬爲臣之禮。宮室戶牖，殿閣樓
臺。或珍寶以營成，或雲霞而結就。
虛無縹緲，是爲恍惚之庭；森羅淨靄，
別有通明之殿。每於齋日，普集群靈，
風生而紫宇成音，煙起而清風結篆。
百千萬之仙衆，三十一之帝君，莫不大
會玉京，上朝金闕。以今信士某銀缸燦
爛，檀炷氤氳，惟願降臨，謹當讚詠：

布列銀缸，化成寶蓋。燦爛光華，
流星俯屆。九霄儀仗，徘徊下邁。五
色祥雲，氤氳沆瀣。勅下三官，消除灾
害。疫疾瘟瘧，皆蒙痊瘥。殭司部從，

驅邪除怪。降福消灾，虔恭匪懈。
臣衆等志心歸命，南方行瘟田使
者。

伏以惟皇上帝，陰鷲下民，故敕温
部之神明以分天道之禍福。積善者有
餘慶，則可保於安寧；積惡者有餘殃，
則難逃於譴責。主殭聖者，威重權高。
都天元帥，勢大職尊。昔武王治世之
日，乃匡阜得道之時。御氣乘風，孰可
攀於仙駕；幽岩邃谷，今猶見於靈蹤。
尊號和瘟，靜明敕賜。雖大道之瘟疫。
惟人所召；然神明之糾察，惟德是依。
以今信士某是以香裊輕雲，燈排列宿。
惟願降臨，謹當讚詠：

仰啓五殭，尊神聖帝。願回聰直，
廣垂濟惠。元帥都天，留恩一切。左
右威靈，無諸凝滯。匡阜先生，和瘟却
癘。收殭攝毒，福及後裔。駐想雲輿，
來臨壇治。保佑一家，永依神庇。
臣衆等志心歸命，西方行瘟趙使
者。

伏以洪爐造物，覆燾所以無私；
疏網臨人，善惡因而有報。恐懼修省

之戒，嚴恭夤奉之文。義易所傳，周書備載，吉凶在我，禍福無門。降年不永者，惟民俗辜；不善餘殃者，非天作孽。若能悔過，百祥自此而臻；苟不悛心，六極自然而至。故有殛部，以奉天符。一紀之中，今年王而行賞罰；五方之內，假將軍以秉威權。力梵魔王，輔聖每彰於猛烈；張康太保，隨神常顯於靈通。願藏雷電之威，乞賜禧祥之祉。以今信士某是以燈開菡萏，香噴俊貌。惟願降臨，謹當讚詠：

力魔梵王，曲垂大造。太保張康，尊安廟貌。十二年王，尊帝所告。五方使者，除兇去暴。正直聰明，褒忠佑孝。廣變清涼，思歸覆燾。

臣衆等志心歸命，北方行瘟史使者。

伏以皇天無親，大道不器，其功可以妙萬物，其明可以照四方。延福延生，俱有修禳之法；若男若女，咸蒙覆燾之恩。惟命殛司，下臨凡世，行病則有鬼王之猛烈，發汗則有使者之神通。以禍福化人，以灾祥降世。常善救物，

豈非惡害之心；無量度人，乃有好生之德。以致陰陽消息，寒暑往來，十二律之無私，四六氣之有準，瘟分三十六種，候列七十二神。心萌善，則灾消；意造非，而禍至。倘伸夤奉，必賜康和。以今信士某是以香飄馥郁，燈布熒煌。惟願降臨，謹當讚詠：

三十六旬，主張氣候。二十四神，門差刻漏。七十二神，時行所受。十二律呂，黃鐘太簇。皂纛鋒刀，長牙巨獸。天之命令，生靈是祐。慈造回顏，神威息咎。保佑一家，康寧富壽。

臣衆等志心歸命，中央行瘟鍾使者。

伏以先聖所制，亘古流傳，必須顯跡於神通，然後隨方而祭祀。據壇祠而遵天命，居境域以顯威靈。旨酒佳釀，列杯杓而豐潔；朱甍碧瓦，設堂殿以深嚴。或道教之真仙，或釋門之大士，或往古之英烈，或上世之賢良，或畫繪以作容儀；或埏土而成相貌，享一方之供獻，納千里之瞻依。以今信士某是以絳蠟搖紅，紫檀凝霧，人皆欽

仰，士庶歸依。法衆虔誠，謹當讚詠：郡邑靈神，人之主宰。社令城隍，血食千載。祠廟靈祇，名彰英彩。亘古名賢，周遊四海。一方祭祀，豈容有改。願回洞鑒，來臨爽愷。保佑一家，永無驚駭。

諷經 宣疏 化財 回向

正一殛司辟毒神燈儀

(陳耀庭點校)

014 離明瑞象燈儀

經名：離明瑞象燈儀。一卷。
底本出處：《正統道藏》洞真部
威儀類。

法事

恭聞大道昭昭，不言善應；小心翼翼，有禱必通。臣等謹炷真香，虔誠上啓：南方大聖三炁火德熒惑執法真君，丹天赤皇上道真君，南宮執法延壽司錄君，火祖燧人帝君，火正商丘宣明王，火正闕伯大神，大火析木神君，祝融炎帝輔炎真官，回祿神君，左六位仙官，右六位仙官，離明宮內主火靈妃，流金火鈴宋將軍，五方火殃使者，火驟、火馬、火弓、火箭神君，火部合屬威靈。恭望聖慈，俯垂洞格，普仗真香，悉同供養。略入意

伏以坎北流行，大巧無私於埏

埴；生育長養，有形盡屬於明離。根荄允賴於蕃滋，品彙悉沾於亭毒。聖人乘風而取象，君子申命以治民。居常，則立不易方；在益，則過而思改。敢據素悃，上瀆皇鈞。輒依法以然燈，儼在天而炳耀。今辰建醮祈安，信士某等，比睹焚如之警，皈依主罰之司。延星侶於瑤壇，仰靈旂於碧落。恭對熒芒之下，特陳螻蟻之私，冀格精衷，均膺洪貺。法衆運誠，讚揚聖號。

舉南丹紀壽天尊

臣等志心皈依，南方至真大聖熒惑執法星君，離宮神仙衆和諸靈官。

臣聞：妙道儲精，鍾南丹之正炁；

離明育物，總炎帝之威靈。仰惟南方火德熒惑執法真君，德合正陽，位尊衆曜，贊襄穹昊，陰鷲生靈。密持造化之權，默運至公之化。周流示象，現伏有時。凡屬照臨，敢忘欽向。今辰建醮然燈，信士某等生居帝土，命係星躔。行藏恐慢於天常，動止有乖於日用。每懷修省，實切畏兢。憑羽士以傳誠，冀神光而容與。移宮退舍，既聞前古

之言；宥過消愆，俯鑑今時之禱。群黎百姓，蒙蔭佑而弭惡消災；萬戶千門，沐照臨而覃恩錫慶。尊卑長幼，安靖和平。稽首皈依，虔誠讚詠。

舉南方火德星君

明離毓德，火宿儲靈。神威霽景，品彙咸榮。百尋火電，馘灼邪精。束縛九醜，摧滅魔群。奉行威令，備守天經。群生傾仰，永保安寧。

臣等志心皈依，南方丹天赤皇上真道君，大火析木神君、離宮神仙衆和諸靈官。

臣聞：陶鑄形神，熒惑治離明之

府；交蒸品彙，朱明宰玉眸之宮。推運灾祥，鑑明善惡，無物不承於照燭，有情皆託於輝光。凡有請祈，均蒙感應。今辰建醮祝燈，信士某等言念，飽温自適，過咎惟多，恐運去以時乖，致灾生而禍至。輒籲天而請命，庸謝過以祈恩。消穰回祿之灾，驅殄畢方之孽。同塵共井，永逃爛額之虞；按屋連甍，不罹燎原之禍。人人按堵，物物皆春，稽首皈依，虔誠讚詠。

舉赤皇上真道君

赤皇應象，德秉丹天。執天之法，宰制斯權。留伏分野，流鈴當前。麾旌萬里，察奸糾愆。誓堅寅畏，神真矜憐。永懷皈依，賜福綿綿。

臣等志心皈依，南方執法延壽司祿真君，左六位仙官、火部神仙衆和諸靈官。

臣聞：赤帝握符，乘火衡之昌運；皇天愛物，當夏日之咸亨。正國祚之重光，應離明之三炁。萬物相見，適當茂實之期；百昌嘉生，旺以丙丁之地。仰憑昭晰，俯鑑丹衷，式薦溪毛，暫停風馬。今辰建醮祝燈，信士某等言念，忝與蒼生，均叨洪化。例切經營之急，寧無稔積之愆。茲知就燥以爲憂，輒敢籲天而有請。式陳醮禮，祇迓鸞輪，覬垂降鑑之私，誕錫安寧之祉。火曰炎上，永無直突之虞；人在其中，常協大來之慶。巢安幕燕，殃殄池魚。稽首皈依，虔誠讚詠。

舉執法延壽真君

離明正炁，執法專司。顯垂警誡，

日鑑在茲。威神赫烈，正直無私。禍淫福善，否泰由斯。丹誠上達，覬格回慈。道之功用，永度屯危。

臣等志心皈依，火祖燧人帝君，火正闕伯大神，右六位仙官、離宮神仙衆和諸靈官。

臣聞：炎上曰火，由失性以延災。蓋高者天，感以誠而必達。軫念有生之衆，動成愛累之愆。故下士之無知，致真司而行罰。鉅焚烈焰，慨玉石以俱消；爛額焦頭，感比鄰而相救。默賴神明之祐，幸逃煨燼之虞。爰祇事於真旂，庸少伸於謝臆。今辰建醮祝燈，信士某等，率勵齋莊之衆，皈依造化之宗。例秉忱誠，同徼福惠。熱惱祈冰，消於烜燥。起居冀世，樂於清涼。四境無犬吠之憂，萬井協鷄鳴之喜。物消疵癘，灾免燎焚。稽首皈依，虔誠讚詠。

舉火祖燧人帝君

丹罡示象，火祖應真。執天之令，民之畏寅。維南有箕，庶物咸榮。攬搶去惡，至妙難明。總括萬化，秉以機

衡。家邦是賴，永鎮清平。

臣等志心皈依，祝融輔炎真官回祿神君，丙丁將軍、火鈴使者、離宮神仙和諸靈官。

臣聞：火運司天，萬物咸資於長養；陽靈御極，百昌悉自於陶成。仰周乾象之盈虛，俯察坤輿之否泰。行無常度，莫窺盈縮之端；數異躔經，孰究機祥之兆。矧在照臨之內，敢忘欽奉之勤。遙睇明威，式徼繁嘏。今辰建醮祝燈，信士某在壇衆信人等言念，稟生謏薄，賦性愚蒙。惟知逐利以謀生，罔悟省躬而遠罪。特涓塵宇，昭露丹忱，仰祈善貸之仁，用贖多生之咎。家庭宅舍，諧滋至泰和之休；閭里比鄰，免連延不測之患。晨炊暮爨，戒永服於徙薪；夜寐夙興，安常叨於磐石。咸仰無私之照，均蒙至治之仁。稽首皈依，虔誠讚詠。

舉祝融輔炎真官

仰崇炎帝，赫赫厥靈。維燧命祖，福我斯民。監臨不遠，警戒昭明。惟善是修，惟惡是懲。齋心以祀，普錫安

榮。威靈所主，莫敢不承。志心皈命，願保康寧。

衆諷神呪

南方丹天，赤靈所專。威光烈焰，施化不偏。火龍一飛，照耀無邊。火馬一躍，萬里盤旋。火鷹一迅，鼓翼無前。火鈴一撼，洪音遠宣。火瓢一發，到處生煙。火劍一下，諸魔伏虔。火索一舉，百邪自纏。火旗一展，號令肅然。火節遙指，孰敢當權。盛德及物，長養生全。逆令返正，炎灾灼天。鑑善不遺，削罪除愆。

祝燈偈

昔奉天尊教，稟令守炎方。今奉天尊敕，聞善降吉祥。家有天尊呪，火部不爲殃。家有天尊呪，火勢息威光。家有天尊呪，火怪自潛藏。家有天尊呪，諸魔自滅亡。家有天尊呪，灾厄自消穰。家有天尊呪，財物得阜昌。家有天尊呪，宅舍得安康。

諷經 宣疏

伏以曲突徙薪，敢昧格言之訓；負荆請罪，必從至禱之誠。炎燧收煙，

人民按堵。向來祝燈，功德無限。良因敬用，回向上奉：南方火德熒惑執法真君，丹天火部、一切神仙，諸靈官衆。仗此燈功，普伸回奉。伏願錫之純嘏，享于克誠。回祿除殃，永免焦頭而爛額；畢方消孽，常臻列屋以安居。焚燎之灾不侵，康寧之福畢至。四民樂業，萬物蒙休，爲上因緣，志心稱念：南丹紀壽天尊，消灾解厄天尊，功德無量不可思議。

離明瑞象燈儀

(陳耀庭點校)

015 黃籙九陽梵炁燈儀

經名：黃籙九陽梵炁燈儀。一卷。底本出處：《正統道藏》洞真部威儀類。

法事如式 啓白

焚香供養太乙救苦天尊，九天生神上帝，九陽梵炁天君，九州社令神君，九幽地獄冥官，冥府考治一切聖衆。

伏以混元本始，藏三炁於太初；神景含輝，布九光於霄極。大塊既判，元始開圖，神資惠靈，炁分羅絡，恩流下土，法出度人。是以金籙垂科，雲編闡教，紫微玉室，光明空洞之中；東極碧霞，變化始青之上。本形有象，煥爛八方。文彩垂芒，廣長一丈。祕九重之金格，耀七寶之騫林。妙炁結成，靈風鼓奏。壇司得請，許接引以宣行；

幽爽蒙休，獲開明而度化。今齋官某人披心大梵，稽首太玄。願賜九色之陽光，照破重陰之幽獄。伏願萬仙翊衛，六丁前驅，分善惡之種名，回人天而向道。周行不殆，普度無窮。稽首歸依，稱揚功德。

舉隨方救苦天尊

謹然東卮神燈，布帝真胞命元元一黃演之炁，下照風雷地獄，用破飛戈飄戟之難。

舉隨方救苦天尊

伏以帝出乎震，首歲德以發生；物植乎東，宅嵎夷而賓日。木司九炁，箕主七辰。翠羽華林中，有開明之童子；碧霞玉闕上，對始皇之老人。今有齋官某人拔度亡過某人形魂，往昇天界，然點神燈。施鬱單无量天生神寶章。

衆和宣章，一黃演之炁

混合空洞炁，飛爽浮幽寥。延康無期劫，渺渺離本條。苦魂沉九夜，乘晨希陽翹。大有通玄戶，鬱單降晨霄。黃雲凝靈府，陰陽炁象交。胞元結長

命，惡根應化消。桃康合精延，二帝秀玉飄。灌溉胞命門，精鍊神不凋。九天命靈章，生神神自超。元君遏死戶，司馬誦洞謠。一唱萬真和，九遍諸天朝。稽首恭劫年，慶此榮舊苗。

伏願象輪布化，龍領垂光，遊行三界之中，下赦萬生之罪，普令悟道，俱入大乘。得道之後，昇入無形。

謹然東南卮神燈，布帝真胎命元洞冥紫戶之炁，下照銅柱地獄，用破身體焦爛之難。

舉隨方救苦天尊

伏以陽出東南，象重明之烜赫；巽乎中正，言萬物之潔齊。處江海之不爭，鼓風雷之相搏。在元福用賢之界，有好生度命之尊。今有齋官某人拔度亡過某人形魂，往昇陽界，然點神燈。施上上禪善無量壽天生神寶章。

衆和宣章，二紫戶之炁

無量結紫戶，炁尊天中王。開度飛玄爽，凝化輪空洞。故根離昔愛，緣本思舊宗。幽夜淪遐劫，對盡大運通。帝真始明精，號曰字元陽。嬰兒史伯

原，結胎守黃房。斬根斷死戶，熙頤養嬰童。禪善導靈炁，玄哺飛天芳。華景秀玉質，精鍊自成容。務玄育上生，羅列備明堂。太虛感靈會，命我生神章。一唱動九玄，二誦天地通。混合自相和，九遍成人功。大聖慶元吉，散花禮太空。諸天並懽悅，一切稽首恭。

伏願迴駕傾光，隨機變化。掃除五苦，詣長樂之清都；消殄三塗，利真常之妙景。普令萬彙，俱入大乘。得道之後，昇入無形。

謹然南卮神燈，布帝真魂命元長靈明仙之炁，下照火翳地獄，用破吞火食炭之難。

舉隨方救苦天尊

伏以三炁天中，赤帝號丹靈之老；重陽宮內，玉眸鍊流火之庭。當萬物相見之時，保億劫無窮之運。尋聲赴感，應念分輝。今有齋官某人拔度亡過某人形魂，上生天界，然點神燈。施梵監須延天生神寶章。

衆和宣章，三明明仙之炁

須延總三雲，玄元始炁分。落落

大梵布，華景翠玉尊。明梵飛玄景，開度長夜魂。遊爽赴期歸，炁炁返固根。大帝號陽堂，字曰八靈君。九關回祿道，胎炁生上元。陵梵度命籍，太一輔精延。泥丸敷帝席，三部八景分。魂生攝遊炁，九轉自成仙。琅琅九天音，玉章生萬神。三遍列正位，炁參八辰門。玄關遏死戶，靈鎮津液源。應會感靈數，明道潛回輪。慶此嬰兒蛻，稽首讚洞文。

伏願億曾受度，鍊以玉膏；九族同昇，賜之金液。北府滅大魔之試，南河制洪水之災。得道之後，昇入無形。

謹然西南卮神燈，布帝真魄命元碭尸冥演由之炁，下照屠割地獄，用破倒懸割體之難。

舉隨方救苦天尊

伏以坤輿載物，未申居地勢之中；梵炁流罡，參井處星羅之右。廣運太靈之德，高臨仁靜之鄉。萬寶裝嚴，百靈咸伏。今齋官某人拔度亡過某人形魂，往昇陽界，然點神燈。施寂然兜術天生神寶章。

衆和宣章，四演由之炁

寂然無色宗，兜術抗大羅。靈化四景分，萬條翠朱遐。遊魄不顧反，一逝洞群魔。神公攝遊炁，飄飄練素華。榮秀椿劫期，乘運應靈圖。空洞生神章，靈音逸九霞。一唱萬真會，騫爽合成家。九轉景靈備，鬱鬱曜玉葩。兜術開大有，一慶享祚多。上聖回帝駕，嬰兒歎以歌。不勝良辰會，一切稽首和。

伏願億萬分輝，百千應號。校九府死生之錄，開八方罪福之門。至賤至微，普登道岸；無窮無極，悉轉法輪。得道之後，昇入無形。

謹然西卮神燈，布帝真臟腑命元五仙中靈之炁，下照金剛地獄，用破金鎚鐵杖之難。

舉隨方救苦天尊

伏以金靈黃老，空青鳴紫字之林；玉國西那，鬱刹峙浮羅之獄。八威煥爛，七炁氤氳。星分太白之精，治在少陰之境。今齋官某人拔度亡過某人形魂，上昇天界，然點神燈。施波羅尼密不驕樂天生神寶章。

衆和宣章，五中靈之炁

翻翻五帝駕，飄飄玄上門。遊步黃華野，回靈驕樂端。採集飛空景，舊爽多不存。太微回黃旗，無英命靈幡。攝召長夜府，開度受生魂。公子輔黃寧，總錄具形神。玉章洞幽靈，五轉天地分。炁鍊元藏府，紫戶自生仙。數周衆真會，啓陽應感繁。玉女灌五香，聖母慶萬年。三界並懽悅，稽首禮天尊。

伏願衆聖臨軒，諸天降駕。九幽開夜騫林，咸返於舊條；十轉迴靈福舍，更生於來運。凡居道界，俱入法門。得道之後，昇入無形。

謹然西北卮神燈，布帝真靈府命元高真沖融之炁，下照火車地獄，用破兵刃火輪之難。

舉隨方救苦天尊

伏以法輪十轉，帝闕九重。天粵穹窿，鬱化精於三變；乾元剛健，應君德於六爻。居四九之稱尊，位重陽之極數。不言而應，有感必通。今齋官某人拔度亡過某人形魂，往昇天界，然點神

燈。施洞元化應聲天生神寶章。

衆和宣章，六沖融之炁

應聲無色界，霄映冠十方。回化輪無影，冥期趣道場。靈駕不待轡，朗然生神章。空洞諒無崖，玄爽亦爲疆。鍊胎返本初，長秉飛玄梁。斬畜喪天真，散思候□常。斬伐胞樹滯，心遊超□京。願會既玄玄，悟我理兼忘。介福九天端，交禮地辰良。混化歸元一，高結元始王。稽首儔靈運，長謝囂塵張。

伏願種民立品，梵行開光，燒香散花，同來尊所，執符把籙，齊到帝前。絕六趣之惡根，興五門之善念。得道之後，昇入無形。

謹然北卮神燈，布帝真元府命元高仙洞笈之炁，下照溟泠地獄，用破寒池楚毒之難。

舉隨方救苦天尊

伏以元冥五炁，坎爲天一之精；黑帝雙星，璧總太微之境。四時成歲，萬物所歸。玉隴神丘，湛真常之返照；青裙羽襪，凝妙寂以裝嚴。今齋

官某人拔度亡過某人形魂，往生天界，然點神燈。施靈化梵輔天生神寶章

衆和宣章，七洞笈之炁

玄會統無涯，混炁歸梵輔。務猷運靈化，潛推無寒暑。乘數構貞條，振袂拂輕羽。瓊房有妙韻，汎登高神所。圓輪無停映，真仙森列序。上上霄衢邈，洞元深萬巨。秀葉翳翠霞，停蔭清泚渚。遨翫怡五神，繁想嘯明侶。五難緣理去，沖心自怡處。爽魂隨本根，豐豐空中佇。七誦重關開，豁滯飛神武。運通由中發，高唱稽首舉。

伏願慈因永劫，惠及有生。定水清泠，制萬靈於鬱絕；鑿天豁落，束六鬼於羅剎。道德興隆，天人欣慶。得道之後，昇入無形。

謹然東北卮神燈，布帝真華府命元真靈化凝之炁，下照鑊湯地獄，用破鐵叉煮漬之難。

舉隨方救苦天尊

伏以旋斗歷箕，羊角出扶搖之炁；九和十合，碧霞分羅絡之天。爰居長樂之福堂，下有朔陰之幽獄。歲

之自始，物所成終。今齋官某人拔度亡過某人形魂，上昇陽界，然點神燈。施高虛清明天生神寶章。

衆和宣章，八化凝之炁

清明重霄上，合期慶雲際。玉章散沖心，孤景要靈會。煥落景霞布，神矜靡不邁。玉條流逸響，從容虛妙話。靈音振空洞，九玄離幽裔。感爽無凝滯，去留如解帶。明識生神章，高遊無中敗。玄景曜雲衢，跡超神方外。應感無方圓，聊以運四大。研心稽首誦，衆聖共稱快。

伏願天寶金書，混元祖炁，開光龍漢，照燭重陰。亡魂克遂於飛仙，枯骨更生於人道。得道之後，昇入無形。

謹然中央卮神燈，布帝真嶽府命元自然玄照之炁，下照普掠地獄，用破刀山劍樹之難。

舉隨方救苦天尊

伏以至聖至真，三境出大羅之上；無形無影，八方朝七寶之宮。統皇上之天元，鎮中央之地紀。威光翼翼，神德巍巍。今齋官某人拔度亡過某

人形魂，往昇陽界，然點神燈。施無想無結無愛天生神寶章。

衆和宣章，九玄照之炁

無結固無情，玄玄虛中澄。淪化無方序，數來亦叵乘。誰云無色平，峨峨多丘陵。冥心縱一往，高期清神徵。良遇非年歲，劫數安可稱。浮爽緣故條，反胎自有恒。靈感洞太虛，飛步霄上冰。津趣鼓萬流，潛凝真神登。無愛固無憂，高觀稽首升。

伏願無爲大道，上帝高真。居慈悲善巧之門，現微妙光明之相。一身受福，得爲金闕之臣；九族同仙，俱入玉虛之會。得道之後，昇入無形。

諷經 向來 回向

黃籙九陽梵炁燈儀

①「□」，底本不清，疑爲「上」字。

（陳耀庭點校）

016 黃籙九卮燈儀

經名：黃籙九卮燈儀。一卷。
底本出處：《正統道藏》洞真部
威儀類。

法事如式 啓白

焚香供養三清道主，四帝天真，十方救苦天尊，得道聖衆，九州社令神君，九幽地獄冥官，三界職司主執真宰。伏願啓運慈悲，證明祈叩，奉爲齋官某人依按明科，然點九卮神燈。上照三境諸天福堂之內，明徹光景，輝映十方；中照中宮神州境域，妖惡潛消，凶灾殄滅；下照九壘重陰諸大地獄之中，陽光所到，罪苦咸原，勝利所資，存亡獲福。敢憑大衆，同爲讚揚。

舉隨方救苦天尊

東方燈照，震宮卯位。上通青華元陽之門，洞清之炁，暉映青靈始老蒼

帝九炁天君，華林境界靜景真人，無極之國，惠靜裝嚴。中照三宮青州分野，消蕩凶灾，掃除氛穢；下照風雷地獄，用破飛戈飄戟之難。

東南方燈照，巽宮辰巳之位。上通始陽生炁之門，梵行之炁輝映梵炁天君，碧霞境界真安真人，無極之國，妙寂裝嚴。中照四宮徐州分野，蠲消邪惡，驅逐凶灾；下照銅柱地獄，用破身體焦爛之難。

南方燈照，離宮午位。上通洞陽太光之門，洞陽之炁暉映丹靈真老赤帝三炁天君，丹天境界赤明真人，無極之國，端化裝嚴。中照九宮揚州分野，消除灾異，掃蕩妖氛；下照火翳地獄，用破吞火食炭之難。

西南方燈照，坤宮申未之位。上通元皇高神之門，梵陽之炁暉映梵炁天君，耀真境界瓊光真人，無極之國，善救裝嚴。中照二宮荊州分野，勅攝凶邪，屏除疫癘；下照屠割地獄，用破倒懸割體之難。

西方燈照，兌宮酉位。上通陰靈

金闕之門，少陰之炁暉映皓靈素老白帝七炁天君，金光境界法寶真人，無極之國，利益裝嚴。中照七宮梁州分野，掃除氛穢，蕩滌凶灾；下照金剛地獄，用破金鎚鐵杖之難。

西北方燈照，乾宮戌亥之位。上通九陽梵行之門，梵元之炁暉映梵炁天君，妙道境界濟苦真人，無極之國，真仙裝嚴。中照六宮雍州分野，蕩滌妖惡，滅滅邪精；下照火車地獄，用破兵刃火輪之難。

北方燈照，坎宮子位。上通陰生廣靈之門，洞陰之炁暉映五靈玄老黑帝五炁天君，真空境界救苦真人，無極之國，救度裝嚴。中照一宮冀州分野，洗滌凶邪，屏除灾翳；下照溟泠地獄，用破冰池楚毒之難。

東北方燈照，艮宮丑寅之位。上通禁上之門，梵元之炁暉映梵炁天君，長樂境界妙音真人，無極之國，周帀裝嚴。中照八宮兗州分野，廓清灾癘，摧滅凶邪；下照鑊湯地獄，用破鐵叉煮漬之難。

中央燈照，中宮一十二炁天君。
上通大羅飛梵之門，光徹玄都玉京金
闕七寶玄臺三境諸天帝君，無色境界
上聖高真自然真人，無極之國，紫霄裝
嚴。中照神州境域五宮豫州分野，疫
毒咸消，邪惡自屏，四民康樂，百穀順
成，瑞慶大來，兵戈偃戢。下照中央普
掠地獄，用破劍林刀山之難。

諷經 向來 回向

黃籙九卮燈儀

(陳耀庭點校)

017 黃籙破獄燈儀

經名：黃籙破獄燈儀。一卷。
底本出處：《正統道藏》洞真部
威儀類。

法事如式

伏以太極太虛真人曰：陰陽成象，天地分形，晝夜既殊，昏明有異。所以清浮表質，九天爲先聖之都；濁厚流形，九地爲鬼神之府。九天之上，陰炁都消；九地之下，陽光永隔。由是幽冥之界，無復光明。當晝景之時，猶如重霧；及昏暝之後，更甚陰霾。長夜冥冥，無由開曉，致有沉淪北府，受報艷都，不睹光明，動經億劫。是故天尊以無上道力，發廣大慈悲，然九獄之神燈，救重泉之苦爽。靈光下燭，煥明北府之昏衢；和氣潛臻，解釋丘寒之冰浦。登命三官九府百二十曹、五

帝考官巨天力士，同稟教戒，拔度亡魂。莫不稽首歸依，恭承慈訓。即得風雷靜息，桐柱停閑。火燄風刀，擁蓮花而布甘露；冰戟霜刃，化琪樹而變騫林。咸隨果以受生，俱迴心而嚮道。一空地獄冥司，無留滯之冤；共上天堂仙路，有超昇之果。福霑幽顯，慶及後昆。功德巍巍，稱量莫大。敢憑大衆，同爲讚揚。

上元金籙簡文，真仙品格，然燈威儀，科式至重。今齋官某人修建黃籙寶齋，兼點九幽神燈，奉用追薦亡過某人。恭以風雷地獄一切冥官，廣賜慈悲，溥垂開度。伏願黑風殄影，霹靂停聲，戈戟早息於飄飛，肢體不至於分散。使其幽扃輝耀，地獄澄清，拔度亡魂，早超明境。謹懺東方風雷地獄之難，所有符命，謹當告下。

舉玉寶皇上尊

稱揚上徹十方界，懺念下達九幽中。燈光照耀於東方，風雷地獄悉開曉。飛戈飄戟千般苦，分散肢體萬種辛。承茲懺念並生天，睹此燈光生天界。

和不可思議功德。

上元金籙簡文，真仙品格，然燈威儀，科式至重。今齋官某人修建黃籙寶齋，兼點九幽神燈，奉用追薦亡過某人。恭以銅柱地獄一切冥官，廣賜慈悲，普垂開度。伏願銅鎔柱折，火燼灰飛，手足得免於躋攀，背腹不傷於毫末。使其幽扃輝耀，地獄澄清，拔度冥魂，早超明境。謹懺東南方銅柱地獄之難，所有符命，謹當告下。

舉好生度命尊

以今稱讚天尊號，尋聲救苦九幽中。燈光相續照東南，銅柱地獄悉開解。所有銅柱大火焰，並令停焰獲清涼。承茲照燭出幽扃，面睹天尊受快樂。和不可思議功德。

上元金籙簡文，真仙品格，然燈威儀，科式至重。今齋官某人修建黃籙寶齋，兼點九幽神燈，奉用追薦亡過某人。恭以火翳地獄一切冥官，廣賜慈悲，俯垂開度。伏願火山息焰，炎檻停酸，吞鐵變成蓮花，食炭化爲甘露。使其幽扃輝耀，地獄澄清，拔度幽魂，早超明

境。謹懺南方火翳地獄之難，所有符命，謹當告下。

舉玄真萬福尊

聲聲上徹三清境，句句下達九幽中。燈光照耀於南方，火翳地獄消猛焰。所有風刀吞火苦，變作蓮花甘露漿。承茲懺念並生天，睹此燈光皆離苦。和不可思議功德。

上元金籙簡文，真仙品格，然燈威儀，科式至重。今齋官某人修建黃籙寶齋，兼點九幽神燈，奉用追薦亡過某人形魂。恭以屠割地獄一切冥官，廣賜慈悲，普垂開度。伏願倒懸解脫，萬刃消磨，三魂清爽於五宮，七魄俱全於四體。使其幽扃輝耀，地獄澄清，拔度冥魂，早生明境。謹懺西南方屠割地獄之難，所有符命，謹當告下。

舉太靈虛皇尊

稱揚徧滿十方界，天上地下咸使聞。燈光相照於西南，屠割地獄悉開解。刀劍割體非堪忍，萬劫受苦無出期。燈光普照出幽冥，一切窮魂生天境。和不可思議功德。

上元金籙簡文，真仙品格，然燈威儀，科式至重。今齋官某人修建黃籙寶齋，兼點九幽神燈，奉用追薦亡過某人形魂。恭以金剛地獄一切冥官，廣賜慈悲，普垂開度。伏願金鎚毀鑠，鐵杖銷鎔，魂儀盡得於保全，肢體不致於零落。使其幽扃輝耀，地獄澄清，拔度冥魂，早超明境。謹懺西方金剛地獄之難，所有符命，謹當告下。

舉太妙至極尊

志心徧禮十方界，尋聲救苦大慈尊。接引燈光向西方，金剛地獄悉摧解。所有金鎚鐵杖難，承茲道力盡皆停。天尊救苦拔陰關，隨願往生諸天界。和不可思議功德。

上元金籙簡文，真仙品格，然燈威儀，科式至重。今齋官某人修建黃籙寶齋，兼點九幽神燈，奉用追薦亡過某人形魂。恭以火車地獄一切冥官，廣賜慈悲，普垂開度。伏願五車輪脫，猛火炎銷，冥官大賜於慈悲，亡者普昇於快樂。使其幽扃輝耀，地獄澄清，拔度亡魂，早超明境。謹懺西北方火車地獄

之難，所有符命，謹當告下。

舉無量太華尊

歸依信禮三界上，九幽拔罪無量尊。引茲燈燭破昏冥，火車地獄停輪轉。五車裂體四肢散，一一車輪兵刃隨。如斯萬劫受辛酸，睹此燈光皆解脫。和不可思議功德。

上元金籙簡文，真仙品格，然燈威儀，科式至重。今齋官某人修建黃籙寶齋，兼點九幽神燈，奉用追薦亡過某人形魂。恭以溟泠地獄一切冥官，廣賜慈悲，普垂開度。伏願寒池溫燠，霜刃銷摧。沉淪盡沐於超昇，凍餒咸資於飽暖。使其幽扃輝耀，地獄澄清，拔度亡魂，早超明境。謹懺北方溟泠地獄之難，所有符命，謹當告下。

舉玄上玉晨尊

歸命普告三清境，慈悲應感救苦尊。睹此燈光照北方，溟泠地獄總消釋。所有寒冰諸罪苦，願聞聖號悉停酸。天尊哀憫救群迷，早睹燈光生淨境。和不可思議功德。

上元金籙簡文，真仙品格，然燈威

儀，科式至重。今齋官某人修建黃籙寶齋，兼點九幽神燈，奉用追薦亡過某人形魂。恭以鑊湯地獄一切冥官，廣賜慈悲，普垂開度。伏願真君降福，獄主儲祥，鑊湯變作清涼，鼎沸化爲甘露。使其幽扃輝耀，地獄澄清，拔度冥魂，早超明境。謹懺東北方鑊湯地獄之難，所有符命，謹當告下。

舉度仙上聖尊

稽首歸依大羅境，隨機赴感元始尊。不捨慈悲降道場，引此燈光照東北。鑊湯煮瀆願停沸，四肢爛潰得完全。天尊慈憫救群迷，睹此燈光生天界。和不可思議功德。

上元金籙簡文，真仙品格。然燈威儀，科式至重。今齋官某人修建黃籙寶齋，兼點九幽神燈，奉用追薦亡過某人形魂。恭以普掠地獄一切冥官，廣賜慈悲，普垂開度。伏願鞭箠永息，拷掠常停。魂儀勿落於刀山，身體不掛於劍鏢。使其幽扃輝耀，地獄澄清，拔度冥魂，早超明境。謹懺中央普掠地獄之難，所有符命，謹當告下。

舉上下方救苦尊

一心皈命十方界，尋聲赴感救苦尊。引此燈光照中央，普掠地獄悉開解。所有鞭箠諸罪垢，願聞聖號悉消除。天尊哀憫救群迷，一切冥魂生天界。和不可思議功德。

諷經 向來 回向

伏以神燈照耀，九獄開明。三天啓拯拔之門，衆聖降慈悲之澤。向來關讚神燈。伏願乘此功德，解脫牢關，萬罪祛除，百神來衛。九天仙樂，迎歸妙化之堂；三洞靈幡，導引超生之路。仰憑道力，爲上良緣。念：太乙救苦天尊，無量不可思議功德。

黃籙破獄燈儀

(陳耀庭點校)

018 黃籙五苦輪燈儀

經名：黃籙五苦輪燈儀。一卷。
底本出處：《正統道藏》洞真部
威儀類。

法事如式 啓白

伏以原夫妙本先天，圓方定位。聚輕清而爲乾蓋，凝重濁而作坤輿。大矣崑崙之墟，而爲地輪之轂。群仙輻輳，環海周流。顯厚載之元功，建廣生之大德。復有三十六地，九壘重陰，浩蕩頑空，風輪水際。實長冥之暗域，乃永夜之昏衢。鎖滯魄於幽牢，閉亡魂於黑獄。重重考掠，日日無停。楚毒備經，何由超度。罪積而輪迴五道，愆深而責役三塗。若非大道之洪恩，難濟幽沉之苦趣。是以元皇設教，太上垂科。啓法輪薦福之場，演明燈破暗之式。遷神五道，照燭九幽。廓昏

翳於重陰，散祥光於陽界。普令幽爽，咸遂往生。速超清淨之鄉，徑達無爲之界。今某人依盟真玉匱，點迴耀輪燈，奉爲超度亡過某人形魂及諸苦爽。承此惠光，出離苦趣，六根清淨，萬罪蕩除。泊乎九祖七玄，四生六道，盡超幽暗，俱入光明。法衆歸依，無極大道。

舉尋聲救苦天尊

第一輪迴之道，名色累苦心門。恣情縱慾，姪色蕩心。謝世之後，受刀山地獄之苦。今齋官某人然點神燈，追悼亡過某人，下資六道，同證生方。伏願九清鑒映，三景回光，俯垂慈惠之仁，下濟刀山之苦。

悲夫刀山地獄苦，峨峨雪刃聳寒空。牛頭驅逐使登攀，骨肉紛紛隨刃落。良由色累勞心苦，足履刀山被刑傷。仰賴慈悲救苦尊，願大威神摧鋒刃。和不可思議功德。

第二輪迴之道，名爲愛累苦神門。愛染諸慾，喪亂神魂。身謝之後，受劍林地獄之苦。今某人然點神燈，追悼亡

過某人形魂，下及六道，同證生方。伏願大羅真宰，浩劫元尊，大捨慈悲，廣垂開度。謹懺刀林地獄之苦。

稽首大羅天中主，玉京金闕元始尊。威光普照劍林中，雪刃霜鋒悉斷壞。辛酸苦楚得停息，骨肉筋傷復完全。輪燈引照出幽關，速遂超昇極樂界。和不可思議功德。

第三輪迴之道，名爲貪累苦形門。貪名徇利，氣耗形衰。身謝之後，受銅柱地獄之苦。今齋官某人然點神燈，追悼亡過某人形魂，上生天界，下及六道，同證生方。伏願玉虛至聖，金闕高尊，普降洪恩，下遷幽爽。謹懺銅柱地獄之難。

仰啓高虛萬天聖，願垂洪造拯幽途。滂流惠澤灑焦勞，銅柱炎焰咸消滅。受苦衆生皆解脫，從前冤對總停休。燈光迴照出幽關，開度亡魂生天界。和不可思議功德。

第四輪迴之道，名爲華競苦精門。貪競榮華，神勞氣散。命謝之後，受鑊湯地獄之苦。今齋官某人然點神燈，追

悼亡過某人，上生天界，下資六道，同證生方。伏願無爲真宰，自然至尊，拯拔幽途，垂光下照。謹懺鑊湯地獄之難。憫嘆幽塗地獄苦，洋湯沸鑊浪波流。窮魂苦爽被煎熬，骨肉肢膏悉糜爛。惟願無爲聖尊主，廣開大有赦諸愆。輪燈迴耀照重泉，得遂逍遙生快樂。和不可思議功德。

第五輪迴之道，名爲身累苦魂門。處身世務，寵辱常驚，心役縈纏，魂神受苦。命奄泉扃之後，受捷汲溟波之苦。今齋官某人然點神燈，追悼亡過某人形魂，上生天界。伏願上上高真、皇皇大帝，願大威德，拔度沉淪。謹懺捷汲溟波之難。

歸命三清三界上，慈悲應感救苦尊。願迴龍駕降艷山，拔度三塗五苦難。所有寒波穢濁浪，變作澄清甘露漿。此夜追修憑道力，燈光普照破重泉。和不可思議功德。

舉轉輪聖王天尊

諷經 宣疏 念善回向

伏聞天尊聖力，救拔諸衆生；元

始靈文，能消一切罪。向來然點三塗五苦迴耀輪燈，諷誦真經，化貢錢馬，無盡良因。奉爲齋官某人延奉冥司，仰祈恩命，超度亡過某人形魂，上生天界，下資孤爽，同證生方。伏願燈燈相照，獄獄停閑，早登天上之天，不墮地中之地，仰憑道力，爲上良緣，念：太乙救苦天尊，無量不可思議功德。

黃錄五苦輪燈儀

(陳耀庭點校)

019 太上玉清謝罪登真寶懺

經名：太上玉清謝罪登真寶懺。
一卷。底本出處：《正統道藏》
洞真部威儀類。

太上曰：若有男官法身、女官法身，奉道志誠，焚修精進，見在世間，廣施德行。若不懺除，夙冤往業，終不得位列玉庭，名標金格。雖欲拔亡度生，其可得乎？清信男子、清信女人，遵稟吾教，自勤懺悔，可以濟拔九祖，福後嗣人，修崇弗解，獲致登真。當於我像前，設香花、時果、幡燈供養，作懺悔法，恭信白言：懺悔弟子某歸依三清上聖，十極高真。弟子自從無始以來，未識正法，信邪倒見，放恣情欲，廣造罪愆，不孝二親，不崇三寶，奉上不敬，使下不寬，倚賴豪強，欺凌孤弱，援引不

肖，排斥忠良，妬賢嫉能，掩善揚惡，或以權石，輒易重輕，謬用醫方，誤傷性命，為求賄賂，損孕墮胎，淫祀邪神，筵會寶客，烹飪生類，宰殺豬羊。自務快情，全無惻隱，謗讟賢聖，今茲發露，不敢覆藏。仰對聖前，誠心懺悔，歸依信禮，玉清普慈護世諸尊聖號：

歸命信禮玉清聖境天尊，
歸命信禮普慈護國天尊，
歸命信禮玉虛皇上天尊，
歸命信禮太一救苦天尊，
歸命信禮冲玄至德天尊，
歸命信禮妙範應感天尊，
歸命信禮靈光炳曜天尊，
歸命信禮矚幽正理天尊，
歸命信禮大梵玄寂天尊，
歸命信禮德芳崇祐天尊，
歸命信禮玄化利生天尊，
歸命信禮師皇玉紀天尊，
歸命信禮弘功至道天尊，
歸命信禮應寂含虛天尊，
歸命信禮太微秉粹天尊，
歸命信禮育德純化天尊，

歸命信禮純精耀德天尊，
歸命信禮威持智炬天尊，
歸命信禮拯迷拔滯天尊，
歸命信禮豐功茂德天尊，
歸命信禮滌垢蠲忿天尊，
歸命信禮惠和延喜天尊，
歸命信禮威神炳煥天尊，
歸命信禮神光煒燁天尊，
歸命信禮大慈妙行真人，
歸命信禮大悲普濟真人。

弟子某式憑真誥，虔禮上真，懇禱至誠，一心懺悔。某自從無始以來，三業起因，造十不善。殺生業者，見在世中，男女命促，自身孤獨。死墮地獄，長劫受苦，苦盡復生，還遭他殺，冤冤相報，似蟻循環。今對聖前，咸悉懺悔。偷盜業者，見在世中，常遭刑網，拷掠捶撻，貧窮不濟。死墮地獄，長劫受苦，苦盡復生，為畜生身，負重牽挽，償他宿債，報盡還來，無由出離。今對聖前，咸悉懺悔。姪慾業者，見在世中，為人憎嫌，常多疾病。死墮地獄，長劫受苦，苦盡復生，為其雀鴿、猪犬

之類，報盡復入，無由出離。今對聖前，咸悉懺悔。妄語業者，見在世中，被他猜忌，人不信任，唇瘡口氣，臭穢薰人。死墮地獄，長劫受苦，苦盡復生，爲人醜陋，貧窮下賤，寒餓饑渴，或爲餓鬼，或爲畜生，報盡復還，却入地獄，無由出離。今對聖前，咸悉懺悔。綺言業者，見在世中，被他輕賤，爲事不遂，常多窘迫。死入地獄，長劫受苦，苦盡復生，爲人貧賤，人多憎惡，或畜生中，疥癩野狂，衆獸憎嫌，見即齧，蔽身無所，報盡復還，却入地獄，無由出離。今對聖前，咸悉懺悔。兩舌業者，見在世中，爲人奴婢，被他驅使，見在折除，轉福爲禍，當身受殃，死入地獄，長劫受苦，苦盡復生，爲兩頭蛇，或爲蚯蚓，報盡復還，却入地獄，無由出離。今對聖前，咸悉懺悔。惡罵業者，見在世中，被人毀辱，常遭刑憲。死入地獄，長劫受苦，苦盡復生，爲人醜陋，鳥喙狗面，口液俱臭，人不聽信，報盡復還，却入地獄，無由出離。今對聖前，咸悉懺悔。貪愛業者，見在世中，

心多苦惱。死墮地獄，長劫受苦，苦盡復生，還爲餓鬼，饑渴焦然，亘劫不聞漿水之名，報盡復還，却入地獄，無由出離。今對聖前，咸悉懺悔。嗔恚業者，見在世中，常懷嗔恨，狠毒不仁。死墮地獄，長劫受苦，苦盡復生，爲蛇蝎類，含毒帶螫，爲人憎嫌，見即打扑，藏竄無地，報盡復還，却入地獄，無由出離。今對聖前，咸悉懺悔。愚癡業者，見在世中，爲人愚懵，不識善惡，被人擯棄。死墮地獄，長劫受苦，苦盡復生，爲畜生類，負重拽犁，饑渴無告，老廢瘦瘠，乏其筋力，鬻於屠肆，不得善終，報盡復還，却入地獄，無由出離。今對聖前，咸悉懺悔。今當歸命信禮，普慈護世諸尊聖號：

歸命信禮潛符化育天尊，
歸命信禮導迷釋滯天尊，
歸命信禮妙樂境天尊，
歸命信禮妙靜境天尊，
歸命信禮拔危天尊，
歸命信禮濟苦天尊，
歸命信禮度人無量天尊，

歸命信禮無礙自在天尊，
歸命信禮應真德化天尊，
歸命信禮契世咸通天尊，
歸命信禮龍德普曜天尊，
歸命信禮潛臻萬福天尊，
歸命信禮道應真寂天尊，
歸命信禮行圓寶界天尊，
歸命信禮顯寶相天尊，
歸命信禮極湛淨天尊，
歸命信禮離垢染天尊，
歸命信禮含虛天尊，
歸命信禮證悟天尊，
歸命信禮普莊嚴天尊，
歸命信禮無怖畏天尊，
歸命信禮淨妙寶天尊，
歸命信禮大慈大惠真人，
歸命信禮拔苦度厄真人。
弟子某式憑真誥，虔禮上真，懇禱至誠，一心懺悔。原夫妙用難名，包三才而稱大；至神莫測，鑒百善而降祥。矧丹誠之有開，遇昌期而胥協。永爲昭事，茂集純禧。瞻芝蓋以駢來，啓靈場而載洽。庶憑精潔，仰奉希微。伏

冀寶暵丕臨，斯誠允達。祐門庭而協
吉，保福壽以攸綏。荷此亨辰，寶繫真
蔭。某無任至誠，懇禱之至。

太上玉清謝罪登真寶懺

(陳耀庭點校)

020 太上上清禳災延壽寶懺

經名：太上上清禳災延壽寶懺。
一卷。底本出處：《正統道藏》
洞真部威儀類。

太上曰：若有清信男子、清信女人，年灾月厄，疾病纏綿，官府連累，口舌謗讟，誣調闇昧，不能自明，抑滯連遭，所求乖戾，凡事輒軻，所作不遂，所圖不成，當於自身本命日、甲子日、庚申日、三元日八節日、逐月三七日，或祖先父母遠忌之日，設三清聖像，以時果、香花、幡燈供養，躬自禮誦此懺悔文。或請道士禮誦禳謝，作如是言：懺悔弟子某伏自生居人世，長寓中華，荷天地亭育之恩，處日月照臨之下，或命犯衝破，運屬魁罡，行年所值，天羅地網，暗耀惡星，經纏命位。或起造葬

埋，築室動土。或經營制作，遷徙出遊，不避禁方，觸犯神煞。或呼迎聚會，不擇良辰，動作改更，誤當醜日。或破鬪交易，間諜親朋。或魔障善道，妄解正論，起人怨嗟，被人呪詛，結託權勢，坑陷忠良，倚恃尊強，抑壓卑弱，奪他玩好，不顧仁義，是乃人興怨謗之心，鬼伺灾衰之隙，滅人福祿，奪人壽齡，遂致釁積幽冥，終為陽報，殃墮九祖，延及子孫。今對聖前，咸悉懺悔，稽首虔誠，歸命信禮，上清普慈護世諸尊聖號：

歸命信禮上清真境天尊，
歸命信禮含弘蘊素天尊，
歸命信禮延壽益筭天尊，
歸命信禮消灾息難天尊，
歸命信禮惠愛仁慈天尊，
歸命信禮資生化育天尊，
歸命信禮含元融理天尊，
歸命信禮紫府茂德天尊，
歸命信禮沖頤翊贊天尊，
歸命信禮廣施大辨天尊，
歸命信禮通神廣博天尊，

歸命信禮玄機赴感天尊，
歸命信禮妙智圓明天尊，
歸命信禮明真養浩天尊，
歸命信禮玉宸隆宥天尊，
歸命信禮熙皇妙寂天尊，
歸命信禮九真御極天尊，
歸命信禮逍遙八景天尊，
歸命信禮含融萬德天尊，
歸命信禮三皇度世天尊，
歸命信禮垂化顯道天尊，
歸命信禮崇真住世天尊，
歸命信禮玉符金籙天尊，
歸命信禮玉章羽葆天尊，
歸命信禮矚遐衍慶天尊，
歸命信禮消灾延壽真人，
歸命信禮宥過賜福真人。
弟子某式憑真誥，虔禮上真，懇禱至誠，一心懺悔。
某自從無始已來，或為宰官，或為執事，掌國樞命，申令典刑，橫恣權勢，不務正理，欺公枉法，紊亂紀綱，蔽匿明賢，依附奸黨，上壅天聽，下遏民情，忠告善道，不得通達，苦虐無申，受賄

曲刑，恣縱狡吏，損害良善，鬻貴買賤，誅剝細民，虧公損私，不分善惡，濫刑弛政，不鑒曲直，不察疾苦，不問饑渴，上來往業，當墮地獄，長劫受苦，苦盡復生，或為餓鬼，或為畜生，往復循環，百千萬劫，報盡復還，生于茲世，以前業故，當受餘殃。

弟子某自從無始已來，或為巫覡音檄，或為醫卜，假託邪鬼，詐取資財，合造毒藥，增益病勢，因為卜筮，厭禱鬼神，侵損他財，自益己用。上來往業，當墮地獄，長劫受苦，苦盡復生，或為餓鬼，或為畜生，往復循環，百千萬劫，報盡復還，生于茲世，以前業故，尚受餘殃。

弟子某自從無始已來，或居市井，專事商賈音古，興販貿易，全虧仁義，欺調取利，將粗揉精，飾偽亂真，俛他適用，大秤小斗，種種百為，惟賄所覬音冀，常懷詐欺。上來往業，當墮地獄，長劫受苦，苦盡復生，或為餓鬼，或為畜生，往復循環，百千萬劫，報盡復還，生于茲世，以前業故，尚受餘殃。

弟子某自從無始已來，不識正道，

不辨邪真，貪色好財，嫌貧逐富，奔競名利，不務謙仁，親近囂浮，不奉甘旨，見利忘義，侮聖慢賢，或對虛空，露身裸體，日月星辰，相對便利，或怒天地，或怨寒暑，或指虹蜺，或唾流星，或設呪誓，或罵鬼神。上來往業，當墮地獄，長劫受苦，苦盡復生，或為餓鬼，或為畜生，往復循環，百千萬劫，報盡復還，生于茲世，以前業故，尚受餘殃。今對聖前，咸悉懺悔，歸命信禮，普慈護世諸尊聖號：

歸命信禮妙解脫境天尊，
歸命信禮無量光明天尊，
歸命信禮包容萬類天尊，
歸命信禮攝魔屏穢天尊，
歸命信禮常護持天尊，
歸命信禮德自在天尊，
歸命信禮妙化天尊，
歸命信禮無邊樂天尊，
歸命信禮靜樂境天尊，
歸命信禮垂德化道天尊，
歸命信禮保道至精天尊，

歸命信禮寶境嚴淨天尊，
歸命信禮紫清妙境天尊，
歸命信禮樂育德天尊，
歸命信禮持正行天尊，
歸命信禮化物天尊，
歸命信禮利物天尊，
歸命信禮德光常曜天尊，
歸命信禮器含萬象天尊，
歸命信禮保扶虛界天尊，
歸命信禮溥濟情類天尊，
歸命信禮大慈大惠真人，
歸命信禮拔苦度厄真人。

弟子某式憑真誥，虔禮上真，懇禱至誠，一心懺悔。某自念受靈微賤，稟性冥頑，仰荷洪休，得親正教，功虧毫髮，過積丘山。今啓下誠，仰投上聖，披肝露膽，謝罪首愆，幸鑒愚誠。少回靈貺，赦千非於既往；允荷慈恩，錫百福於方來。長承道蔭，一門康泰，九祖遷昇，所願諧和，所求稱遂，凡於動靜，實賴生成。某無任志誠懇禱之至。

太上上清禳災延壽寶懺

（陳耀庭點校）

021 太上泰清拔罪昇天寶懺

經名：太上泰清拔罪昇天寶懺。
一卷。底本出處：《正統道藏》
洞真部威儀類。

爾時，元始天尊於始青天中，座碧玉寶蓮劫仞之臺，與無鞅音養聖衆，說凝寂含元微妙之法，放大光明，普照十方。無量世界，無量衆生，有緣無緣，悉皆得度。爾時，光明照見北方酆都羅山諸大地獄，一切群生受諸罪苦。始見鑊湯地獄，牛頭獄卒，驅無量罪人，入於鑊中，其湯沸涌，入則糜潰，經其一劫，呼其姓名，是男是女，應聲而出，肢體復完，形狀如初。又被獄卒驅入一獄，名曰鐵床，上有鐵鋤所諫切，下有大火，無量罪人悉皆而上，須臾之間，骨肉焦爛，又經一劫，復爲獄吏呼

其姓名，是男是女，應聲而起，肢體復完，形亦如初。又被獄卒驅入一獄，名曰火城，周匝圍繞，悉是鐵垣，上有鐵網，猛煙毒燄，炎熾其間，銅狗鐵蛇，口吐大火，忽聞其門，火燄流迸，罪人悉入，門亦復閉，一切罪人，骨肉焦爛，隨燄上下，飛踴觸網，聲振天地，過於雷霆，又經一劫，獄門又啓，獄吏呼之，完而復出。又被獄卒驅入一獄，名曰鋸解，將此罪人，鐵板夾之，一一鋸解，血流成河，自頂至足，解之爲二，又經一劫，獄吏呼之，復合爲一。又被獄卒驅于碓下，剉斬萬段，及以鐵叉，又入磨內，皆成血泥，又經一劫，獄吏呼之，完具如初。又被獄卒驅入一獄，名曰刀山劍樹之獄，有一大山，崔嵬嵯峨，皆是刀尖，上有大樹，枝葉根幹，悉是劍刃，罪人入者，刃鋒刺足，劍刃割身，皮膚異處，流血成河，如斯受苦，又經一劫，復爲獄吏，呼其姓名，一一復完。又被獄卒驅之而行。於其衆中，有一罪人，在世之日曾看道典，稍知宿命、因緣、果報，睹此光明，心中默念：我

等受苦，皆因前世造諸惡業，招此苦報。於地獄中，經無量劫，冥冥長夜，應無此光，必是元始天尊放大光明，拔度於我。遂謂衆曰：爾等生世惡業深重，不知道典，不識正真，信邪倒見，欺罔幽明，故受此苦，無由出離。爾等幸會，獲瞻此光，可隨吾念元始天尊聖號，懇切至誠，願離此苦。一切罪人聞是說已，瞻禮光明，應聲齊念。冥官獄吏不能禁止，牛頭獄卒變成善人。須臾之間，無量罪人，枷鎖自解，乘光明而去，皆生人道。

太上曰：衆生造罪，死入北酆，鬼考罪魂，冤對難抵。鐵城猛燄，車裂鑊湯，炮炙刀山，毒蛇碓音對磔音外，寒冰凜冽，劍樹嵯峨，聞者悲酸，那堪自受。冥冥長夜，似蟻循環，常居地獄，若不悟其苦因，預修懺滌，則罪垢日深，當罹此苦。萬劫千生，何由解脫。汝等自當一心懇禱，歸依上真，願當來世不墮此中，常聞道典，得悟道法，獲睹慈光，頓蒙超度，稽首虔誠，歸命信禮，太清普慈護世諸尊聖號：

歸命信禮太清仙境天尊，
 歸命信禮解冤釋縛天尊，
 歸命信禮福聚裝嚴天尊，
 歸命信禮妙樂無為天尊，
 歸命信禮隱顯無礙天尊，
 歸命信禮真游自在天尊，
 歸命信禮太明圓極天尊，
 歸命信禮智炬赫奕天尊，
 歸命信禮太極無量天尊，
 歸命信禮開天啓德天尊，
 歸命信禮皇極遐裔天尊，
 歸命信禮顯示丕圖天尊，
 歸命信禮圓鑒洞照天尊，
 歸命信禮恢弘寶胃天尊，
 歸命信禮持璇景會天尊，
 歸命信禮鈞和布福天尊，
 歸命信禮超度無極天尊，
 歸命信禮紫虛太曜天尊，
 歸命信禮崇仁惠化天尊，
 歸命信禮虛凝太寂天尊，
 歸命信禮大慈大惠真人，
 歸命信禮拔苦度厄真人。
 弟子某式憑真誥，虔禮上真，懇禱

至誠，一心懺悔。原夫湛湛一真，陵谷遷而不易；茫茫二曜，塵劫壞以難停。人生幻影之中，孰免沉淪之苦。嗟乎世人，徇末忘本，逐物縱情。戀釜之蟻，壤壤貪生；撲燄之蛾，悠悠赴死。是則本乎愛慾，無愛慾而無苦輪；造諸罪愆，有罪愆而有地獄。造罪業者，莫不由茲，三業六根，背真取妄，妄識顛倒，終始愚迷，流浪生死，漂沈苦趣，是以目視妖艷之色，耳聽優笑之聲，口習不經之書，居近惡邪之黨，游恣畋獵之樂，唐突上真，輕誣聖典，侮慢君師，不敬尊親，貪取他財，心無厭足，殺害有情，全無惻隱，事無依據，有味自心，便於己身，不思他苦，曲取人物，不念他艱，動靜有為，殊虧軌則，恣縱三業，殺生偷盜，穢亂邪淫，慳貪嗔恚，愚癡狠妬，妄語綺言，兩舌惡罵，如是等罪，當墮地獄。今對聖前，誠心發露，已作之罪，不敢覆藏，未來惡業，更不敢作。

歸命信禮，普慈護世諸尊聖號。
 歸命信禮崇真溥覆天尊，
 歸命信禮遐臻妙德天尊，

歸命信禮善功藹世天尊，
 歸命信禮德無量天尊，
 歸命信禮善化導天尊，
 歸命信禮普光曜天尊，
 歸命信禮拔世苦天尊，
 歸命信禮消罪障天尊，
 歸命信禮福濟圓滿天尊，
 歸命信禮光接萬有天尊，
 歸命信禮愛物天尊，
 歸命信禮救世天尊，
 歸命信禮體含萬像天尊，
 歸命信禮包括覆載天尊，
 歸命信禮開明息苦天尊，
 歸命信禮舒光拔難天尊，
 歸命信禮太虛無極天尊，
 歸命信禮毓元養皓天尊，
 歸命信禮除災蠲忿天尊，
 歸命信禮應號賜福天尊，
 歸命信禮博施恩惠天尊，
 歸命信禮源功自化天尊，
 歸命信禮大慈大惠真人，
 歸命信禮拔苦度厄真人。
 弟子某式憑真誥，虔禮上真，懇禱

至誠，一心懺悔。蓋夫熒熒不滅，縱之可以焚大麓；涓涓不止，壅之可以浮巨舟。凡夫造罪，源乎一心，若不絕源，終難制止。相近之性，習以爲常，日造一二，遂積萬千。始于方寸之情迷，至此滔天之罪業，謂天可罔，謂人可欺。善惡之懲，以爲虛誕。日就月將，鬼簿潛錄，惡貫罪盈，人怨神怒。天曹之善記削名，地獄之罪籍添字。人間造罪，陰不赦原，萬劫千生，滿猶受報。或墮餓鬼，或爲畜生，饑渴焦勞，鞭撻楚痛，不遇上真聖力拯拔，永淹此苦，終無解脫，雖有勝因，竟何懺悔。弟子某幸生人世，值此聖因，獲安覆載之間，得沐亭育之德，兢兢自居，日慎無懈，尚恐居近惡鄰，游習惡行，耳聞目視，心念身爲，不自省知，暗成罪釁，既昧蠲除之法，難逃墜墮之殃。是以今對道前，特伸懺悔。伏願往愆宿垢，一禮而蕩滌無遺；聖號玉書，一誦而塵勞頓盡。福自天錫，善假人爲，身位清虛，闔闔怡泰。見存者，壽筠長茂，福祿日增；亡逝者，神識不迷，道

遙雲路。削罪名於黑簿，注善字於丹臺。一念所祈，萬靈咸祐。某無任志誠懇禱之至。

太上泰清拔罪昇天寶懺

（陳耀庭點校）

022 太上靈寶朝天謝罪大懺 大懺

經名：太上靈寶朝天謝罪大懺。
十卷。底本出處：《正統道藏》
洞真部威儀類。

太上靈寶朝天謝罪大懺卷 之一

爾時，元始上帝、太上道君、太上老君在大羅天上玉清聖境，大福天中坐七寶紫微之臺，大會群仙，講演真一妙法，施大威力，布大祥光。普照無極世界善惡因緣，開示一切衆生，令知宿命罪福、過去未來、三世報應之事。

是時，諸天大聖燒香朝拜，列班侍衛，仰聽法音。元始上帝放九色神光，徹照諸天下及萬國，威神變化，洞徹無闕，皎在目前，猶如指掌。左右群仙乘

此威光，得見諸天，善惡因緣，內外備盡。見有大聖高真，項負圓光，身相嚴妙，或駕景乘空，騰龍馭鶴，飛雲步虛，鸞輿鳳蓋，遨遊八極，逍遙無爲，神通自在。或見天仙地仙、金童玉女、無鞅數衆，福德快樂。或見諸仙持旛執節，燒香散華，分身變化。或見飛天神王、善惡童子，巡遊人間，條錄善惡，以奏諸天。或見日月宮殿、星宿寶宮、山河海嶽靈官，考校人民，善惡功過，毫分不失。時有十華真人與諸天大聖，燒香朝拜，上奏至尊，今日得詣瓊軒，觀聽妙會，忝侍左右，願施威力，建大法橋，接引群倫，咸使得道，永出塵迷。

是時元始上帝告左右侍真曰：卿等群仙，隨吾祥光，下觀萬國大地，山河兆民，善惡報應。崇建功德、廣種福田者，一一皆受諸天人福。見有帝王后妃，將相大臣，正殿燒香，廣陳法會，修奉齋醮，轉經禮懺，爲一切人天禳灾祈福。見有帝王后妃、將相大臣、卑身下物，廣持百寶，供養諸天。見有帝王后妃、將相大臣，建立宮觀，塑造聖像，

轉經禮拜，爲一切人天廣求福利。見有帝王后妃、將相大臣，散施財寶，救濟貧窮老病困苦。見有帝王后妃、將相大臣，常行慈悲，不殺不害，不奢不費，常行儉約。見有道士賢者，修建靈觀星壇，寫經造像。見有道士賢者，斷穀休糧，清淨身心，誦習經典。見有道士賢者，放生續命，濟惠貧乏。見有道士賢者，翹勤星漢，以求輕舉。見有道士賢者，忠孝君親，慈愛知友。見有帝王國主、文武大臣，遊獵殺害，傷殘百姓。見有帝王國主、文武大臣，酷虐嚴刑，人民困弊。見有帝王國主、文武大臣，貪婬貪慾，恣縱六情，宴樂無度。見有帝王國主、文武大臣、毀壞宮觀，燒除法宇。見有帝王國主、文武大臣，輕慢出家，陵辱法師，苦痛刑害。見有帝王國主、文武大臣，輕慢天地、日月、星辰，鳩毒善人。見有男女誹謗出家法身，於宮觀中行諸婬慾，殺害群毛，穢汙福地。見有男女殺害父母，五逆不孝，違天負地，不信罪福。見有男女偷盜常住三寶，供養財物，花果幡幢。

見有男女背道叛師，違盟負誓，抵債欺心。見有男女枷鎖牢獄，鞭笞拷掠，殘害身形。見有男女六形不具，癡聾瘖啞，手足攣縮。見有男女愚癡憨駘，風癩顛狂。見有男女毒蟲猛獸，吞螫搏噬。見有男女中道分離，不終於親。見有男女子母分張，賣身奴婢。見有男女身體破裂，蟲爛膿血。又見地獄，足履刀山，肢體斷壞。又見地獄，手攀劍樹，肢節分張。又見地獄，吞火食炭，遍身煙出。又見地獄，確擣磴磨，屑屑如粉。又見地獄，身抱銅柱，形體焦枯。又見地獄，身卧鐵床，脂流火爛。又見地獄，鑊湯煎煮，漬潰爛壞。又見地獄，鋸解身形，遍體流血。又見地獄，硤石逼身，毛孔迸血。又見地獄，身涅寒冰，遍身破裂。又見地獄，頭戴火山，身面焦枯。又見地獄，鐵鳥啄睛，皮肉分張。又見地獄，掙汲溟波，舌，鐵錐刺之。又見地獄，掙汲溟波，以灌四瀆。又見地獄，負石填河，晝夜不息。又見有受身餓鬼者。又見有受身六畜、牛羊、猪狗者。又見有受身邊

夷下賤者。又見有受身六疾、聾盲瘖啞、手攣跛者。又見有受身蟲獸蠅蟲者。又見有受身溷蟲於泥中者。又見有受身惡蟲、鳥獸、魚鼈、蝦蟹者。

是時，法會中一切大聖神仙，見諸天諸地中，有如此報應因緣，罪福不同。不知前生何修，今身何犯；前生何福，今身何罪。或是先世種因，殃流子孫。或是一身積孽，受此業報。伏願天尊大慈，賜垂開悟。令一切群生曉悟宿命因緣，罪福報應，諸天賞罰，毫分不差。若啓心救拔，依稟聖言，皆獲超度。元始天尊再謂左右侍真曰：下界若有至人信士，發無上道意，大捨財寶，救濟貧乏，放生續命，建七寶妙臺，立三清聖像，建節燒香，大醮天地百靈、天宮星宿、百珍供養者，吾遣太一救苦天尊於太極宮中開丹簡紫文，出天尊懿號，稱揚讚歎，吟詠洞章，乞削落九幽長夜之魂，解釋先祖父母歷劫辛苦，罪殃纏結。並皆原放，魂生天堂，逍遙無爲，衣食自然。增無量福，消無量罪。功德巍巍，皆得超度。是

故燒香，歸身皈命，五體投地。

志心朝禮，

玉清聖境虛無自然元始天尊，
上清真境太上道君靈寶天尊，
太清仙境太上老君道德天尊，
太上昊天至尊金闕玉皇上帝，
南極星主紫微上宮天皇帝，
中天星主紫微中宮北極大帝，
承天效法厚德光大后土皇地祇，
南極長生大帝統天元聖天尊，
東極青華大帝太一救苦天尊，
貞明大聖九天應元雷聲普化天尊，
九天雷祖大帝除災濟物天尊，
紫微碧玉宮太一天帝保制劫運天尊，
六天洞淵大帝伏魔上上太一天尊，
六波天主帝君普施法潤天尊，
九天可韓司丈人朱陵度命天尊，
九天採訪使應元保運妙化天尊，
東方九炁天中青靈始老洞空天尊，

南方三炁天中丹靈真老洞清天尊，

西方七炁天中皓靈皇老洞虛天尊，

北方五炁天中五靈玄老洞微天尊，

中央一炁天中玄靈元老洞真天尊。

志心朝禮，東方玉寶皇上天尊。

志心朝禮，玉音妙真天尊。

志心朝禮，上元普朗天尊。

志心朝禮，洞明朱極天尊。

志心朝禮，安樂丹元天尊。

志心朝禮，真相七朗天尊。

志心朝禮，金仙妙彩天尊。

志心朝禮，又玄重玄天尊。

志心朝禮，靈真妙成天尊。

志心朝禮，上宮玄光天尊。

志心朝禮，大道明廣天尊。

志心朝禮，解脫玄化天尊。

志心朝禮，開靜紫清天尊。

志心朝禮，法海經寶天尊。

志心朝禮，丹元洞視天尊。

志心朝禮，妙樂丹素天尊。

志心朝禮，雲宮大行天尊。

志心朝禮，金簡妙樂天尊。

志心朝禮，太清真道天尊。

志心朝禮，真嚴常濟天尊。

志心朝禮，逍遙三光天尊。

志心朝禮，太元玄老天尊。

志心朝禮，正啓空寂天尊。

志心朝禮，最妙丹元天尊。

志心朝禮，瓊威法海天尊。

志心朝禮，高運空霄天尊。

志心朝禮，保運開命天尊。

志心朝禮，妙尊靜玄天尊。

志心朝禮，應化渾成天尊。

志心朝禮，洞玄八景天尊。

志心朝禮，道運玄化天尊。

志心朝禮，金玄凝光天尊。

志心朝禮，德光合成天尊。

志心朝禮，因果玄會天尊。

志心朝禮，太玄道運天尊。

志心朝禮，真空東華天尊。

志心朝禮，應明大運天尊。

志心朝禮，真元萬道天尊。

志心朝禮，洞陽應玄天尊。

志心朝禮，高皇丹天天尊。

志心朝禮，至運明化天尊。

志心朝禮，上品內明天尊。

志心朝禮，懸珠妙光天尊。

志心朝禮，至德應功天尊。

志心朝禮，仙嚴常濟天尊。

志心朝禮，解脫運明天尊。

志心朝禮，上運應道天尊。

志心朝禮，聖王臨軒天尊。

志心朝禮，昇玄洞靈天尊。

志心朝禮，凝彩金相天尊。

志心朝禮，妙樂朱宮天尊。

志心朝禮，無量克成天尊。

志心朝禮，救生法雲天尊。

志心朝禮，長生大聖天尊。

志心朝禮，運明太玄天尊。

志心朝禮，妙觀仙京天尊。

志心朝禮，功至德成天尊。

志心朝禮，隱明聖真天尊。

志心朝禮，高運文朗天尊。

志心朝禮，道空真際天尊。

志心朝禮，照迷靈仙天尊。

志心朝禮，妙金寶藏天尊。
志心朝禮，如意化成天尊。
志心朝禮，文明玄道天尊。
志心朝禮，遍明廣運天尊。
志心朝禮，運明廣行天尊。
志心朝禮，上宮瓊煥天尊。
志心朝禮，妙樂凝玄天尊。
志心朝禮，金藏妙彩天尊。
志心朝禮，妙道化明天尊。
志心朝禮，長存紫元天尊。
志心朝禮，常開祕藏天尊。
志心朝禮，西靈感化天尊。
志心朝禮，瓊煥法海天尊。
志心朝禮，自在神通天尊。
志心朝禮，冠法太清天尊。
志心朝禮，金宮妙彩天尊。
志心朝禮，廣道景明天尊。
志心朝禮，保生開徧天尊。
志心朝禮，瓊海會法天尊。
志心朝禮，東華法寶天尊。
志心朝禮，開光丹景天尊。
志心朝禮，道廣神廣天尊。
志心朝禮，開朗智功天尊。

志心朝禮，三宮法通天尊。
志心朝禮，丹真天皇天尊。
志心朝禮，延筭元慧天尊。
志心朝禮，響道濟運天尊。
志心朝禮，上運行澄天尊。
志心朝禮，洞玄八威天尊。
志心朝禮，玉宮開化天尊。
志心朝禮，隨行應緣天尊。
志心朝禮，道開空洞天尊。
志心朝禮，運明慧行天尊。
志心朝禮，真仙普朗天尊。
志心朝禮，真品澄清天尊。
志心朝禮，真文八會天尊。
志心朝禮，遍道真會天尊。
志心朝禮，因果寶祕天尊。
志心朝禮，丹天煥明天尊。
志心朝禮，太元上真天尊。
志心朝禮，隨願往生天尊。
志心朝禮，慈悲救苦真人。
志心朝禮，慈悲救度真人。
志心朝禮，慈悲大惠真人。
志心朝禮，慈悲真人。
志心朝禮，妙覺真人。

志心朝禮，慈慧真人。
志心朝禮，慧相真人。
志心朝禮，明解真人。
志心朝禮，善覺真人。
志心朝禮，慈念真人。
志心朝禮，智觀真人。
志心朝禮，慈愛真人。
志心朝禮，常樂真人。
志心朝禮，啓元天師。
志心朝禮，道光天師。
志心朝禮，開化天師。
志心朝禮，進仙天師。
志心朝禮，重光天師。
志心朝禮，朗清天師。
元始上帝告諸神仙曰：吾今以此
天尊寶號、真人、天師名位，遣玉清真
人，齋往下界，萬國九州，散布人天，傳
寫禮誦。若有修真之士、集福之民，或
遇八節三元、本命生日，上爲帝王國
主，燒香散花，珍異百果，大醮星辰，供
養名山洞府、得道神仙。安鎮國祚，與
天常存，萬邦熙洽，四海同文。神昇金
闕，名列玉清，天無氛穢，萬國咸寧，功

德巍巍，福禧無極。

志心朝禮，

王屋山小有清虛洞天仙官，
委羽山大有空明洞天仙官，
西域山太玄極真洞天仙官，
西玄山三玄極真洞天仙官，
青城山寶仙九臺洞天仙官，
天台上清玉平洞天仙官，
羅浮山朱明耀真洞天仙官，
茅山金壇華陽洞天仙官，
林屋山左神幽墟洞天仙官，
括蒼山神德隱玄洞天仙官，
霍幢山霍林洞天仙官，
東嶽泰山青帝真君，
蓬玄太空洞天仙官，
南嶽衡山赤帝真君，
朱陵太虛洞天仙官，
西嶽華山白帝真君，
太極總仙洞天仙官，
北嶽常山黑帝真君，
太一總玄洞天仙官，
中嶽嵩山黃帝真君，
上帝司真洞天仙官，

峨眉山虛靈太妙洞天仙官，

廬山仙靈詠真洞天仙官，

四明山赤水洞天仙官，

陽明山極玄洞天仙官。

元始上帝再告左右侍真曰：吾今以此經散布萬國九州，十方世界。若有奉道之民，發無上道意，遇三元八節之日，爲帝王國主、儲君太子，燒香朝禮，轉念三清寶號、天尊真人名位者，安鎮國祚，保天長存，世世不絕，長爲人君。

冲妙先生朝謝金闕上帝而獻頌曰：

上帝降命，聖筭綿長。金枝挺秀，玉葉彌芳。五星順序，七曜垂芒。赫赫煌煌，空洞靈章。福我聖皇，寶祚無疆。天清地寧，萬宇輝光。

太上靈寶朝天謝罪大懺卷之一

太上靈寶朝天謝罪大懺卷之二

爾時，元始上帝，於赤明劫初，在玉清大羅天上，南丹開陽上館火鍊宮中，大會群仙，四方天帝、无量天人、玉童玉女，持符執節，燒香散花。吟詠洞章，旋遶天寶妙臺，龍燭鳳燈，羅列照耀至尊。聖德巍巍，歎未聞見。是時，元始上帝以大威力，布大祥光，普照十方，无量國土，皆同一相，表裏開通，一如琉璃，清瑩無礙。十方大聖、一切侍真，隨至尊祥光，下見十方萬國九州，山河大地，人民苦樂，地獄天堂，罪福果報，如在目前。是時諸天神王、三府靈官，列班朝禮，進呈天下國土人民罪福之籍，一一分明，並無差忒。是時，有玉清真人、金華真人與會中一切神仙，燒香跼躄，朝拜至尊。今日忝預法筵，面禮慈光，觀聽法音，開導塵迷，咸使悟道，實爲夙慶。

元始上帝告左右侍真曰：吾嘗在

玉清天中下觀一切兆民。積善崇福者，皆有福報。見有廣造經像、立觀度人、布施齋戒、濟生度死、普救一切者，生天王國主身、供養三寶、燒香然燈、誦經禮拜、廣建福田、救災拔難者，生皇后國母身、信樂經法、持齋念道、布施貧乏者，生富貴聰明身、常行慈悲、濟生度死、崇奉三寶、燒香不怠者，生清淨出家身、信奉修行、供養星辰者，

生長命清淨端正身、成就宮觀、建立靈壇者，生大富貴聰明身、布施救貧、成就功德無所吝惜者，生天人中身、不殺不盜、不嫉不害者，生長命具足身、供養三寶、憐念一切、慈悲於物者。生高上豪貴身、子孫昌盛、長命富貴者，從供養天尊大道星辰中來。夫妻和睦、男女柔順者，從不隔恩愛中來。在處得人敬仰、甘膳美衣者，從敬奉天地、禮信三寶中來。見世尊勝豪貴、人見畏懼者，從敬信三寶中來。出家法身、爲人敬奉者，從說法教化中來。富貴巍巍、永劫不衰者，從布施成就功德中來。身心清淨、智慧明了者，從護持經

法中來。所居快樂、無諸災厄者，從放生救物、不害衆生中來。子孫豐足、富貴長壽者，從廣行布施求福中來。女人降生貴子、夫婦常敬愛者，從道場教化信心中來。形容端正、笑語柔和、衆人恭敬者，從供養三寶、持奉經戒中來。已上福報，皆生世祖禰陰德種植，致得今身之報。或一身積善，致使宿命善因，得福无量。

元始上帝再謂左右神仙曰：吾見毀壞天尊星辰、大道形像者，死入九幽地獄，艷都考罰。萬劫方生病癩百蟲、啖噬臭穢身。訾毀三洞經錄法典、改換品帙者，死入地獄，考罰百劫，方生野獸舌根爛壞身。誹謗出家法身者，見世蟲癩、過去生六畜身。破壞宮觀靈壇、毀拆真館者，見世眉鬚墮落，身體爛壞，過去生毒蛇餓虎身。不敬天尊大道星辰者，見世愚癡憨疾，過去生六畜鳥獸身。不信經法宿命報對者，見世爲奴婢、過去生蠻夷虜狄身。輕慢出家法身、穢汙三寶福地者，見世跛躄、過去生豬狗身。姪犯出家、陵辱法

師者，見世形容腥臭、過去生糞穢廁溷毒蟲身。邪姪好色、不別尊卑者，見世風邪、過去生六畜豬羊牛馬身。偷盜常住財物及四輩信施衣帛者，過去生顛狂愚癡身。偷盜三寶花果蔬菜齋食者，見世得消渴飢病、過去生餓虎毒蛇身。偷盜齋醮供養法食者，見世逢霹靂惡鬼殺害、過去生蟒蛇毒蟲身，又生餓狗毒獨身。罵詈出家法身惡言陵辱者，見世得風癩惡疾、過去生狂狗猛獸身。破齋犯戒者，見世遭逢牢獄、過去生蠅蛆螻蛄身。殺害衆生恣心宰殺者，見世得短命疾病、牢獄考決身。食肉貪殺六畜者，見世百病困苦、過去生麋鹿野獸身。嗜酒過度、好食葷辛臭穢者，見世風狂猛火焚燒、過去生猿猴身。死入地獄鑊湯中。又見一切衆生，見世手脚斷壞、拳縮跛足者，從不敬三寶星辰中來。兩眼雙盲、舌根爛壞者，從毀訾經教、輕忽三寶中來。瘖啞不能言語、鼻塞不聞香臭者，從誑說出家、不信經法中來。眉毛墮落、唇擦舌露、鼻梁崩倒者，從破壞道場、誹謗

三寶中來。顛狂迷妄、形容醜陋者，從噴嗃傲慢、非笑出家法身中來。劫賊相逢、傷害財物者，從劫奪三寶、常住財物中來。水溺漂沉、魚龍傷害者，從損壞三寶常住中來。火燒灼爛、毒蛇吞噬者，從殺害出家、毀拆觀舍中來。毒蟲入口、吐血穢汗者，從惡口呪詛、叫喚鬼神中來。毒蟲入孔竅、食啖虎狼、猛獸傷害者，從陰謀毒害欺心中來。父母妻子離隔、常不同居、晝夜相罵者，從嫉妬姦姪、破人和合、離人骨肉中來。娼姪不避親疏好醜者，從猪肉六畜中來。嗜肉好殺、嗜酒猖狂者，從魚鼈蝦蟆、毒蟲猛獸中來。身體穢汗、不淨臭穢者，從科蚪毒蟲中來。牛馬六畜者，從殺生負諱抵債中來。野獸麀鹿蝮蝎蟒蛇者，從嫉妬毒害陰謀中來。餓虎豺狼者，從欺陵劫奪殺傷中來。厠溷穢蟲蝦蟆科蚪螻蟻者，從輕褻三寶、不生敬信中來。獠犬野猪魚鼈怪蟲者，從背師棄本、違犯經教中來。燕雀鳩鴿者，從評論經法、自作口業中來。鷹鷂鷲鳥者，從犯觸出家、破

毀經教中來。墮子落胎、腹大項細者，從非笑三寶、傲誕出家中來。牢獄枷鎖、考掠切身者，從諂毒阿黨、殘虐貧下中來。鞭撻楚撻、枷鎖牢獄者，從毒害貪虐中來。猫犬野豺豺狼狐貉者，從貪悋虛誕矯詐中來。鼠鼯蜈蚣蚰蜒生身者，從陰毒妬害中來。蜂蠆蠍毒蝮蛇蜥蜴者，從呪詛出家、欺忽三寶中來。蜘蛛曲蟮蚊蟲蚤蝨者，從慢法輕道、笑謗經籍中來。邊夷下賤、禿頭斷髮、眼深鼻長、身體腥穢者，從殺生邪姪、不信因緣中來。

元始天尊告左右侍真曰：已上罪業，死經地獄受諸考罰，歷劫受罪，方得此身。亦有見世業報，生身所犯業報因緣，一一明示，各須澄心懺悔，獲福无量。

元始天尊再告左右侍真曰：下界若有奉道信心男女，發無上誠心，為皇后貴妃、七廟天宗、歷世貴族，建三清寶座，五帝星壇，掛幡獻花，百珍異果，然香點燈，大醮星辰，拔贖魂儀者，吾遣太乙救苦天尊，開朱陵之闕丹簡紫

籙，出天尊懿號，讚歎稱揚，吟詠洞章，解釋九幽滯魄，宿業釋散，五道開通，逍遙無為，超生福果。一切罪犯，並得消除。是故燒香，歸身歸命，五體投地。

志心朝禮，

玉清聖境虛無自然元始天尊，
上清真境太上道君靈寶天尊，
太清仙境太上老君道德天尊，
太上昊天至尊金闕玉皇上帝，
南極星主紫微上宮天皇帝，
中天星主紫微中宮北極大帝，
承天效法厚德光大后土皇地祇，
南極長生大帝統天元聖天尊，
東極青華大帝太乙救苦天尊，
貞明大聖九天應元雷聲普化天尊，

九天雷祖大帝除災濟物天尊，
紫微碧玉宮太一天帝保制劫運天尊，

六天洞淵大帝伏魔上上太一天尊，

六波天主帝君普施法潤天尊，

九天可韓司丈人朱陵度命天尊，
九天採訪使應元保運妙化天尊，
東方九炁天中青靈始老洞空天
尊，
南方三炁天中丹靈真老洞清天
尊，
西方七炁天中皓靈皇老洞虛天
尊，
北方五炁天中五靈玄老洞微天
尊，
中央一炁天中玄靈元老洞真天
尊。

志心朝禮，應明高運天尊。
志心朝禮，愛樂大洞天尊。
志心朝禮，玄廣道運天尊。
志心朝禮，天皇帝天尊。
志心朝禮，法性徧開天尊。
志心朝禮，遍悟上元天尊。
志心朝禮，道運神開天尊。
志心朝禮，凝彩神映天尊。
志心朝禮，無爲應妙天尊。
志心朝禮，救苦慈航天尊。
志心朝禮，神道妙運天尊。
志心朝禮，玄範法通天尊。
志心朝禮，至德寶明天尊。
志心朝禮，常開光明天尊。
志心朝禮，鏡心妙光天尊。
志心朝禮，浮雲法王天尊。
志心朝禮，開慈靈廣天尊。
志心朝禮，瑤琚法寶天尊。
志心朝禮，玄道明文天尊。
志心朝禮，萬運徧道天尊。
志心朝禮，真人仙暎天尊。
志心朝禮，真尊仙道天尊。
志心朝禮，玉山紫館天尊。

志心朝禮，常行運明天尊。
志心朝禮，无滯至真天尊。
志心朝禮，言成真道天尊。
志心朝禮，上道明照天尊。
志心朝禮，清源大願天尊。
志心朝禮，等觀重玄天尊。
志心朝禮，不二至性天尊。
志心朝禮，明徧慧道天尊。
志心朝禮，果成虛無天尊。
志心朝禮，道運慧空天尊。
志心朝禮，玄通妙達天尊。
志心朝禮，南極寶輪天尊。
志心朝禮，真空真寂天尊。
志心朝禮，化被无際天尊。
志心朝禮，運明神行天尊。
志心朝禮，太清七寶天尊。
志心朝禮，開清護生天尊。
志心朝禮，金明極緣天尊。
志心朝禮，靜定德重天尊。
志心朝禮，玉帝太玄天尊。
志心朝禮，無礙等真天尊。
志心朝禮，三界寂然天尊。
志心朝禮，解脫照空天尊。

志心朝禮，救物應念天尊。
志心朝禮，明響真道天尊。
志心朝禮，湛然三元天尊。
志心朝禮，空洞无礙天尊。
志心朝禮，霞焕上宮天尊。
志心朝禮，法寶靈顏天尊。
志心朝禮，金神玉寶天尊。
志心朝禮，太清洞視天尊。
志心朝禮，煥明丹天天尊。
志心朝禮，妙金光素天尊。
志心朝禮，七暎北元天尊。
志心朝禮，正真戒生天尊。
志心朝禮，上仙延筭天尊。
志心朝禮，中宮大行天尊。
志心朝禮，響明上道天尊。
志心朝禮，大行西靈天尊。
志心朝禮，廣訓仙靈天尊。
志心朝禮，重悟紫清天尊。
志心朝禮，垂範玉清天尊。
志心朝禮，晨極天皇天尊。
志心朝禮，大慧玄明天尊。
志心朝禮，丹光決定天尊。
志心朝禮，德解上元天尊。

志心朝禮，玄輝仙德天尊。
志心朝禮，譬喻方便天尊。
志心朝禮，紫清普果天尊。
志心朝禮，護生開霞天尊。
志心朝禮，寂然化虛天尊。
志心朝禮，空清諸有天尊。
志心朝禮，明響神道天尊。
志心朝禮，玄會冥感天尊。
志心朝禮，黃光運明天尊。
志心朝禮，度脫真品天尊。
志心朝禮，慧道照明天尊。
志心朝禮，隨願往生天尊。
志心朝禮，慈悲救苦真人。
志心朝禮，慈悲救度真人。
志心朝禮，慈悲大惠真人。
志心朝禮，慈觀真人。
志心朝禮，等救真人。
志心朝禮，慧空真人。
志心朝禮，寶相真人。
志心朝禮，玄覺真人。
志心朝禮，空朗真人。
志心朝禮，等相真人。
志心朝禮，慈朗真人。

志心朝禮，曜靈真人。
志心朝禮，清定天師。
志心朝禮，定邪天師。
志心朝禮，收鬼天師。
志心朝禮，制魔天師。
志心朝禮，斬邪天師。
志心朝禮，啓天天師。

元始上帝告諸天神王曰：吾今以此經，遣金華真人，齎往下方，散布十方三界，使一切人民轉誦。或有奉道之民，清信男女，遇本命生日，爲皇后貴妃、太子天親，大醮天地、日月、星辰、名山、洞府、得道神仙，詠誦天尊、真人、天師名號者，即有十天善神營護修奉之民，上奏天府，永消世厄，長沐天恩，鎮居鳳閣，日奉伏明，功德巍巍，獲福无量。

志心朝禮，
 太白山真德洞天仙官，
 西山天寶極真洞天仙官，
 大瀉山好生玄上洞天仙官，
 灑山天柱司玄洞天仙官，
 鬼谷山太玄司真洞天仙官，

武夷山昇真元化洞天仙官，
玉笥山太秀法樂洞天仙官，
華蓋山容城大玉洞天仙官，
蓋竹山長曜寶元洞天仙官，
都嶠山寶玄洞天仙官，
白石山瓊秀長真洞天仙官，
句漏山玉闕寶圭洞天仙官，
九嶷山朝真太虛洞天仙官，
洞陽山洞陽永觀洞天仙官，
幕阜山洞真太玄洞天仙官，
大西山大西華妙洞天仙官，
金庭山金庭崇妙洞天仙官。

元始上帝再告左右侍真曰：吾今以此經散布萬國九州，徧使人天禮念。迎祥集福，保命延生。若有善信男女，遇三元八節，燒香轉禮三清寶號、金華真人名位。上願皇后貴妃、太子天親，禮拜供養，集福延生，永光寶曆，世世不絕，長居紫庭。

沖妙先生燒香朝謝金闕上帝而獻頌曰：

西靈聖母，貴曳瓊琚。鸞臺鳳閣，密從宸輿。虹光貫斗，月瑩太虛。穆

清宮禁，永鎮天居。

太上靈寶朝天謝罪大懺卷之二

太上靈寶朝天謝罪大懺卷之三

爾時，元始上帝在無上大羅天中，玉京金闕之內，坐天寶妙臺，與太上玉晨道君，太上聖祖太清老君，大集群仙，敷揚妙法，講演經戒。是時，諸天大聖，一切衆真，燒香散花，持旛執節，吟詠洞章，步虛讚歎，功德巍巍，未聞未見。今日得詣寶軒，列班侍立，恭聽法音，願賜開度。

是時，元始上帝告左右侍真曰：吾以威光普照無極世界，下土兆民，一切群生。愚癡暗昧沉迷世網，堪滯六慾，不能自覺，常處苦惱，流浪生死，並不開悟。若有善信男女能發無上道意，爲一切衆生，立三清寶座、五帝靈壇，掛旛獻花，燒香朝禮，轉念經懺；爲先祖宗親、亡過父母、妻子眷屬，滅除罪犯，使身心清淨，常味靈音，不墮惡道，常行信奉，懺謝前生今世。舉心運心，生不信奉心，誹謗三寶、毀壞三

出天尊懿號，徧使人天稱揚讚歎，吟詠洞章，思神念道，乞削落明真九幽、長夜之函，使一切水族介蟲，離苦解脫，滅无量罪，咸獲超度。是故燒香，歸身歸命，五體投地。

志心朝禮，

玉清聖境虚无自然元始天尊，
上清真境太上道君靈寶天尊，
太清仙境太上老君道德天尊，
太上昊天至尊金闕玉皇上帝，
南極星主紫微上宮天皇大帝，
中天星主紫微中宮北極大帝，
承天效法厚德光大后土皇地祇，
南極長生大帝統天元聖天尊，
東極青華大帝太乙救苦天尊，
貞明大聖九天應元雷聲普化天
尊，
九天雷祖大帝除災濟物天尊，
紫微碧玉宮太一天帝保制劫
運天尊，
六天洞淵大帝伏魔上上太一天
尊，
六波天主帝君普施法潤天尊，

九天可韓司丈人朱陵度命天尊，

九天採訪使應元保運妙化天尊，

東方九炁天中青靈始老洞空天
尊，

尊，

南方三炁天中丹靈真老洞清天
尊，

尊，

西方七炁天中皓靈黃老洞虛天
尊，

尊，

北方五炁天中五靈玄老洞微天
尊，

尊，

中央一炁天中玄靈元老洞真天
尊。

尊。

志心朝禮，西方太妙至極天尊。

志心朝禮，行明上道天尊。

志心朝禮，蕭然紫桂天尊。

志心朝禮，凝尊金容天尊。

志心朝禮，凝光金洞天尊。

志心朝禮，三光神耀天尊。

志心朝禮，紫清九仙天尊。

志心朝禮，天中大行天尊。

志心朝禮，廣運道空天尊。

志心朝禮，上真道運天尊。

志心朝禮，仙道運度天尊。

志心朝禮，朱光重玄天尊。

志心朝禮，大廣運明天尊。

志心朝禮，隨順世間天尊。

志心朝禮，玄寂一乘天尊。

志心朝禮，金殿妙尊天尊。

志心朝禮，逍遙三乘天尊。

志心朝禮，觀行仙靈天尊。

志心朝禮，飛天法王天尊。

志心朝禮，清元訓廣天尊。

志心朝禮，太和一乘天尊。

志心朝禮，真運明行天尊。

志心朝禮，金慈玉寶天尊。

志心朝禮，開明解智天尊。

志心朝禮，解脫重玄天尊。

志心朝禮，最勝空明天尊。

志心朝禮，最勝空明天尊。

志心朝禮，解脫暉光天尊。

志心朝禮，戒生法王天尊。

志心朝禮，妙寶金城天尊。

志心朝禮，寂然太真天尊。

志心朝禮，洞元萬果天尊。

志心朝禮，素王妙樂天尊。

志心朝禮，玄應洞聽天尊。

志心朝禮，普慈光暎天尊。

志心朝禮，天仙無礙天尊。
志心朝禮，真覺仙靈天尊。
志心朝禮，徧悟玄會天尊。
志心朝禮，善果隨受天尊。
志心朝禮，妙勝重玄天尊。
志心朝禮，妙道明光天尊。
志心朝禮，凝寂金寶天尊。
志心朝禮，因緣無隱天尊。
志心朝禮，光明高運天尊。
志心朝禮，大乘無爲天尊。
志心朝禮，青華主筭天尊。
志心朝禮，運明慧通天尊。
志心朝禮，萬仙救生天尊。
志心朝禮，金景妙寂天尊。
志心朝禮，行成仙道天尊。
志心朝禮，徧周六道天尊。
志心朝禮，明化神運天尊。
志心朝禮，上景真空天尊。
志心朝禮，妙彩朱威天尊。
志心朝禮，運道丹天天尊。
志心朝禮，洞元仙嚴天尊。
志心朝禮，洞元萬功天尊。
志心朝禮，丹質妙光天尊。

志心朝禮，朱湛妙果天尊。
志心朝禮，法海廣華天尊。
志心朝禮，方期洞元天尊。
志心朝禮，無等應感天尊。
志心朝禮，運明仙慶天尊。
志心朝禮，妙寂金鏡天尊。
志心朝禮，三天照明天尊。
志心朝禮，洞靈朱明天尊。
志心朝禮，慧功普朗天尊。
志心朝禮，洞靈果明天尊。
志心朝禮，普度丹景天尊。
志心朝禮，慧炬上靈天尊。
志心朝禮，拔苦慈慧天尊。
志心朝禮，妙湛金彩天尊。
志心朝禮，仙道廣度天尊。
志心朝禮，道運高應天尊。
志心朝禮，道運真行天尊。
志心朝禮，丹元無礙天尊。
志心朝禮，度人北元天尊。
志心朝禮，無邊徧被天尊。
志心朝禮，開化王宮天尊。
志心朝禮，妙道應明天尊。
志心朝禮，至照道運天尊。

志心朝禮，大梵中仙天尊。
志心朝禮，神通照道天尊。
志心朝禮，救生上化天尊。
志心朝禮，諸天玉真天尊。
志心朝禮，金山巖然天尊。
志心朝禮，道運萬空天尊。
志心朝禮，玉華妙樂天尊。
志心朝禮，增益善智天尊。
志心朝禮，真相靜明天尊。
志心朝禮，雲宮重玄天尊。
志心朝禮，開朗神解天尊。
志心朝禮，天皇真君天尊。
志心朝禮，救生中元天尊。
志心朝禮，普朗真人天尊。
志心朝禮，虛無性常天尊。
志心朝禮，玄紀戒生天尊。
志心朝禮，隨方自然天尊。
志心朝禮，最勝方便天尊。
志心朝禮，漸妙玄會天尊。
志心朝禮，德解洞玄天尊。
志心朝禮，洞元仙寶天尊。
志心朝禮，慧炬太真天尊。
志心朝禮，神至響明天尊。

志心朝禮，遍空飛駕天尊。
志心朝禮，太玄寶丹天尊。
志心朝禮，一切增益天尊。
志心朝禮，行明高運天尊。
志心朝禮，隨願往生天尊。
志心朝禮，慈悲救苦真人。
志心朝禮，慈悲救度真人。
志心朝禮，慈悲大慧真人。
志心朝禮，景虛真人。
志心朝禮，平等真人。
志心朝禮，大慈真人。
志心朝禮，好生真人。
志心朝禮，景上真人。
志心朝禮，等曜真人。
志心朝禮，靖慧真人。
志心朝禮，智明真人。
志心朝禮，妙慧真人。
志心朝禮，明虛真人。
志心朝禮，部錄天師。
志心朝禮，上奏天師。
志心朝禮，除死天師。
志心朝禮，定生天師。
志心朝禮，保護天師。

志心朝禮，普濟天師。

元始天尊再告左右侍真曰：吾今出此天尊真人、天師名號，遣金華真人齋往下方，散布萬國九州，使一切人民，懺悔朝謝。或有清信賢者，每遇本命生日，燒香諷誦，醮謝天地，洞府神仙即有記名，神王落死，神王上生，神王錄其功德，奏上諸天。金帛豐足，永安寧。或為儲君太子、公主天親，迎祥集慶，大醮星辰，獲福無量。

志心朝禮，

麻姑山丹霞洞天仙官，
仙都山玄都祈仙洞天官，
青田山青田大鶴洞天仙官，
鍾山朱湖太生洞天仙官，
良常山良常方會洞天仙官，
紫蓋山紫玄洞照洞天仙官，
天目山太極玄蓋洞天仙官，
桃源山白馬玄光洞天仙官，
金華山金華洞元洞天仙官，
海上東嶽廣桑山青帝洞仙官，
海上南嶽長離山赤帝洞仙官，
海上西嶽麗農山白帝洞仙官，

海上北嶽廣野山黑帝洞仙官，
海上中嶽崑崙山黃帝洞仙官。

元始上帝再告左右侍真曰：吾今遣太一真人齋此經，散布萬國九州，徧使人天禮念，延生保命，集福消災。若有奉道之民，遇三元八節、本命生辰，轉禮三清寶號、十方真人名位者，身堅體固，永保長生，獲福無量。

沖妙先生燒香朝謝金闕上帝而獻頌曰：

挺秀雍熙運，日奉至尊前。身居龍鳳闕，名籍繼諸仙。燒香謝天蔭，長誦希夷篇。千生臻百福，列位清微天。永處逍遙境，長享福自然。

太上靈寶朝天謝罪大懺卷之三

太上靈寶朝天謝罪大懺卷之四

爾時，元始上帝在大羅天上玉京金闕紫微天臺，大會群仙，敷演妙法，救度天人，咸使悟道，不歷諸苦，施大威德，放大光明，普照萬國，一切罪福，俱在目前，甚深微妙，方便開度，一切地獄窮魂，苦毒无量，痛楚難言。並蒙恩救拔，不溺沉淪，咸得超度。

是時，元始上帝慈悲廣洽，更開要道，使過去未來俱霑利益，再告左右侍真曰：人之稟生，同資一氣；及乎誕育，命係三元。壽夭吉凶，富貴貧賤，因緣罪福，善惡生死，各逐宿命根源，悉有報應，隨其業力，永不差移，如影隨形，似聲應響。上元正月十五日，天曹天官主錄，百司上詣天闕，進呈世人罪福之籍。七月十五日中元，地官主錄，百司上詣天闕，進呈世人罪福之籍。十月十五日下元水官水府，百司上詣天闕，進呈世人罪福之籍。三元

之日，與三界十方、四司五帝、善惡童子、一切靈官上朝金闕元始座前，考校男女生死之籍，罪福因緣及九幽地獄、水府窮魂，姓名黑簿。此時若有善信男女，能發自然道意，建造紫微寶臺，玉京寶山，樓閣臺榭，百寶莊嚴，香花供養，燒香行道，吟詠洞章，然燈放生，步虛法事，布施發願，謝過上章，大建齋醮，虔告天地，晝夜不怠者，吾當遣十天真人、諸天神仙、三界四司、救苦靈童下降人間，齊到道場，為其滅罪，保佑生人。使國土安寧，男女歡泰，衆善齊降，諸惡不生。地獄苦魂，一時解脫。克生天上快樂，無為率土太平。功德巍巍，獲福无量。

元始上帝再告左右侍真曰：吾見十方無極世界，十方天王造三十二層天臺寶盤。悉以紫金、珠玉、錦縠，紫網寶蓋，紫節旌幢，百花飲食，器物百珍，仙樂搖曳，徧滿虛空，來詣道場羅列供養。爾時天尊以神通威力，變此會中國土，悉是琉璃，洞徹內外，皆同一色遠近，平等不殊，三界十方，同霑

福慶，喜樂難言。九幽罷對，五苦停酸，國土安寧，人民長壽。

元始上帝再告左右侍真曰：下界若有善信男女，請道士法師，常於三元節日，宣說經戒，罪福因緣，懺悔自己，受身不淨，臭穢四大，浮脆假合，念念無常，三業六根，構造諸惡，漸染成愆，輪迴生死，墮落三塗，九幽地獄，受諸苦惱，吞火食炭，鑊湯煎煮，足履刀山，手攀劍樹，磔磨確擣，鋸解錐刺，鐵鳥啄睛，鐵犁舂舌，牛頭亂拷，鐵杖負身，膿血流離，身體爛壞，沉淪黑闇，流轉泥犁，負石填河，晝夜拷掠。一入酆都地獄，萬劫難原，皆是衆生業力自受。若有善信男女能發善心，為七世祖禰及見存己身、父母骨肉，五苦三塗、窮魂餓鬼、畜生囚徒、老病衆生，造玉京高座、紫微天臺，掛幡獻花，百珍供養，醮謝星宿，拜表上章，禮懺燒香，滅諸罪源，咸皆超度。

元始天尊告左右侍真曰：若有善信男女於三元節日，為一切人天建造齋醮，轉經禮懺，供養天尊神仙、列曜

星宿、地府百司，爲祖考父母，發片善心，精誠不退，過去未來、三世父母，獲福无量，滅諸罪犯。

元始上帝告左右侍真曰：吾見下土兆民，多有凶禍，邪鬼所害。可爲先亡祖考、父母尊親，五臘之日是天地開赦，宜建齋行道，禮懺上章，救拔先祖，咸得超度，獲福无量。正月一日，天臘之日，五帝神仙集於青天安寶華林青靈闕中，校定世人罪福之籍；五月五日，地臘之日，五帝神仙集於丹天梵寶昌陽丹靈朱闕，校定世人罪福之籍；七月七日，道德臘之日，五帝神仙集於金門素靈闕中，校定世人罪福之籍；十月一日，民歲臘之日，五帝神仙集於玄天洞陰黑靈闕中，校定世人罪福之籍；十二月遇臘日，是王侯臘之日，此日五方五帝集於玄都玉京元靈戊己金闕元始上帝八景殿中，校定世人罪福之籍。此五臘日皆是天地合攢之日，定吉凶死生簿籍。若有男女爲過去先祖父母，禮懺上表謝罪，滅除黑簿罪目，升度七祖父母，入名上清，皆得超

度。夫五臘日者，皆生人九祖、父母，幽嶽鬼魂。此日爲酆都北陰大帝引出責問，久處陰司，年代積罪，結釁端由及子孫姓名、墳墓所在。如積劫未有追贖，因此日延累生人引問得子孫親姻、九族姓名爲生人罪狀，積釁幽司，九族延滅。此日可爲先祖亡過父母，上表懺謝宿愆，追拔幽塗，皆亡人一一得之。常日祭祀，不可得違，爲酆都幽深，難爲通徹，沐賴真猷，皆得宿愆，解釋幽司，不欲久滯。死魂久滯，則天曹責及幽司官吏，亦責及生人。轉福爲禍，災難自此而生。若有至孝男女此日修奉齋醮，即黑簿除名，獲福无量，皆得超度。

元始上帝告左右侍真曰：下界衆生，識見不同；習惡造善，根基各異。今說要言，各宜信奉。若衆生好殺害損傷者，即以慈悲門攝之。若偷盜劫奪財物者，即以分義門攝之。若邪姪放蕩者，即以貞潔門攝之。若慳貪吝惜者，即以布施門攝之。若瞋怒鬪爭者，即以歡喜門攝之。若愚癡顛倒者，

即以方便門攝之。若綺言浮華者，即以簡正門攝之。若妄語虛誑者，即以信順門攝之。若惡口呪詛者，即以誦念門攝之。若兩舌惡罵者，即以讚歎門攝之。若飲酒食肉過度者，即以齋戒門攝之。若誹謗訾毀者，即以講說門攝之。若倨傲輕慢者，即以禮拜門攝之。若剛彊豪健者，即以柔弱門攝之。若不信罪福宿命者，即以因緣門攝之。若執繫有无者，即以中道門攝之。若是非彼我者，即以平等門攝之。若貪濁穢汙者，即以清淨門攝之。若堅固不移者，即以輪轉門攝之。若造作不休者，即以無爲門攝之。若局守不變者，即以圓轉門攝之。若躁競不安者，即以靜定門攝之。若煩惱不釋者，即以解脫門攝之。若憂悲不樂者，即以逍遙門攝之。以此二十四門常攝一切，衆生不亦樂乎。

元始上帝曰：吾本以無攝爲攝，勸化衆生。衆生既悟，亦無攝因。若能持奉，獲福无量。

元始上帝再告左右侍真曰：下界

兆庶，若有清信奉道之民，為九祖先遠父母幽魂，或於古觀靈壇，或在本家淨室，建三清寶座、點七曜明燈，燒香行道，吟詠洞章，轉禮經懺，大醮諸天，精誠不怠者，吾遣太乙救苦天尊，於九炁天宮開七寶雲樓、青簡金文，出天尊懿號，下降人間，徧使人天禮念，為削落九幽長夜玉匱之函，使七祖超度，魂上南宮，神仙接引，逍遙無為，獲福無量。是故燒香，歸身歸命，五體投地。

志心朝禮，

玉清聖境虛無自然元始天尊，
上清真境太上道君靈寶天尊，
太清仙境太上老君道德天尊，
太上昊天至尊金闕玉皇上帝，
南極星主紫微上宮天皇帝，
中天星主紫微中宮北極大帝，
承天效法厚德光大后土皇地祇，
南極長生大帝統天元聖天尊，
東極青華大帝太乙救苦天尊，
貞明大聖九天應元雷聲普化天尊，
九天雷祖大帝除災濟物天尊，

紫微碧玉宮太一天帝保制劫運天尊，

六天洞淵大帝伏魔上上太一天尊，

六波天主帝君普施法潤天尊，

九天可韓司丈人朱陵度命天尊，

九天採訪使應元保運妙化天尊，

東方九炁天中青靈始老洞空天尊，

尊，

南方三炁天中丹靈真老洞清天尊，

尊，

西方七炁天中皓靈皇老洞虛天尊，

尊，

北方五炁天中五靈元老洞微天尊，

尊，

中央一炁天中玄靈元老洞真天尊。

尊。

志心朝禮，北方玄上玉宸天尊。

志心朝禮，玄明真仙天尊。

志心朝禮，玄會慈恩天尊。

志心朝禮，朱光妙果天尊。

志心朝禮，妙果四極天尊。

志心朝禮，無礙十華天尊。

志心朝禮，運明靜行天尊。

志心朝禮，運明真文天尊。

志心朝禮，妙果正因天尊。

志心朝禮，黃道運明天尊。

志心朝禮，法海寶福天尊。

志心朝禮，萬行靜定天尊。

志心朝禮，金相凝神天尊。

志心朝禮，靈融應體天尊。

志心朝禮，上運智道天尊。

志心朝禮，靈真丹天天尊。

志心朝禮，運明妙空天尊。

志心朝禮，元一天皇天尊。

志心朝禮，無等開元天尊。

志心朝禮，至道智明天尊。

志心朝禮，齊物高勝天尊。

志心朝禮，清響無等天尊。

志心朝禮，靈顏妙光天尊。

志心朝禮，上靈光照天尊。

志心朝禮，明廣慧道天尊。

志心朝禮，拔苦慈解天尊。

志心朝禮，四宮真境天尊。

志心朝禮，大洞體玄天尊。

志心朝禮，大洞體玄天尊。

志心朝禮，洞玄開度天尊。
志心朝禮，金光妙湛天尊。
志心朝禮，結成騫林天尊。
志心朝禮，雲宮法燈天尊。
志心朝禮，至玄運道天尊。
志心朝禮，慧光三天天尊。
志心朝禮，自然流鈴天尊。
志心朝禮，靜明玉帝天尊。
志心朝禮，普朗業行天尊。
志心朝禮，丹霍法成天尊。
志心朝禮，寶林一乘天尊。
志心朝禮，應會開闡天尊。
志心朝禮，隨方傳法天尊。
志心朝禮，中千常一天尊。
志心朝禮，道運真空天尊。
志心朝禮，上天妙嚴天尊。
志心朝禮，長樂丹元天尊。
志心朝禮，救生萬化天尊。
志心朝禮，文真廣運天尊。
志心朝禮，地皇神尊天尊。
志心朝禮，皓素无等天尊。
志心朝禮，華景一乘天尊。
志心朝禮，正一三天天尊。

志心朝禮，玉宮雲營天尊。
志心朝禮，延壽慧真天尊。
志心朝禮，重玄德真天尊。
志心朝禮，流慈自然天尊。
志心朝禮，七映妙光天尊。
志心朝禮，太洞七元天尊。
志心朝禮，上洞朱極天尊。
志心朝禮，雲宮平等天尊。
志心朝禮，道運光空天尊。
志心朝禮，妙寶金緣天尊。
志心朝禮，妙善真濟天尊。
志心朝禮，丹紫无爲天尊。
志心朝禮，大運化道天尊。
志心朝禮，紫極中華天尊。
志心朝禮，延壽仙靈天尊。
志心朝禮，法海瓊音天尊。
志心朝禮，妙玄北真天尊。
志心朝禮，真觀神真天尊。
志心朝禮，妙玄道運天尊。
志心朝禮，西明感化天尊。
志心朝禮，期度仙道天尊。
志心朝禮，廣明大道天尊。
志心朝禮，開度解脫天尊。

志心朝禮，仙靈普朗天尊。
志心朝禮，朱宮妙樂天尊。
志心朝禮，救生空觀天尊。
志心朝禮，明智玄道天尊。
志心朝禮，果成仙道天尊。
志心朝禮，徧道上運天尊。
志心朝禮，方便冥感天尊。
志心朝禮，仙真南極天尊。
志心朝禮，玄通長樂天尊。
志心朝禮，正真法成天尊。
志心朝禮，一切常度天尊。
志心朝禮，无爲丹元天尊。
志心朝禮，寶明大度天尊。
志心朝禮，朱因高尊天尊。
志心朝禮，无等清響天尊。
志心朝禮，化成仙道天尊。
志心朝禮，運明妙照天尊。
志心朝禮，戒生明行天尊。
志心朝禮，上道運明天尊。
志心朝禮，妙果朱素天尊。
志心朝禮，寂然紫度天尊。
志心朝禮，金剛妙彩天尊。
志心朝禮，拔苦慈恩天尊。

志心朝禮，真空二炁天尊。

志心朝禮，度厄應變天尊。

志心朝禮，九幽拔罪天尊。

志心朝禮，隨願往生天尊。

志心朝禮，慈悲救苦真人。

志心朝禮，慈悲救度真人。

志心朝禮，慈悲大惠真人。

志心朝禮，明皇真人。

志心朝禮，照理真人。

志心朝禮，普度真人。

志心朝禮，至極真人。

志心朝禮，普救真人。

志心朝禮，慈覺真人。

志心朝禮，玉臺真人。

志心朝禮，金玄真人。

志心朝禮，妙玄真人。

志心朝禮，自在真人。

志心朝禮，變化天師。

志心朝禮，神妙天師。

志心朝禮，皇上天師。

志心朝禮，萬福天師。

志心朝禮，太極天師。

志心朝禮，玉晨天師。

元始上帝告諸神仙曰：吾今降此

天尊真人天師位號，遣太清真人，齋往

下方，散布萬國九州一切人天轉誦。

若有善信男女、臻道之人，每遇八節三

元、生辰本命，轉禮經懺、醮謝天地，為

三軍萬姓、一切含生，燒香朝謝，使門

戶昌隆，世世榮盛，子孫聰慧，壽祿延

永，功德巍巍，永消世厄。

志心朝禮，

東海廣德之神龍宮官屬，

南海洪聖廣利之神龍宮官屬，

西海廣潤之神龍宮官屬，

北海廣澤之神龍宮官屬，

江瀆廣源之神龍宮官屬，

河瀆靈源之神龍宮官屬，

淮瀆長源之神龍宮官屬，

濟瀆清源之神龍宮官屬，

淞江水府之神龍宮官屬，

吳江水府之神龍宮官屬，

楚江水府之神龍宮官屬，

荆江水府之神龍宮官屬，

揚子江水府之神龍宮官屬，

湘江水府之神龍宮官屬，

松江水府之神龍宮官屬，

南江水府之神龍宮官屬，

漢江水府之神龍宮官屬，

元始上帝再告左右侍真曰：吾今

降下此經，散布十方世界，徧使人天禮

念，獲生生福，滅世世罪，所求皆遂，所

願皆成，世間若有奉道之民、善信之

家，每遇本命生日，八節三元，燒香禮

誦，大建齋醮，諷詠三清寶號、真人名

位，上願三公輔弼，將相察察，拜表上

章，迎祥集福，永臻富貴，長保遐齡。

冲妙先生燒香朝謝金闕上帝而獻

頌曰：

天生明哲，來贊昌期。冰稜玉峭，

鳳質鸞姿。燮調元化，力贊雍熙。農

歌綠野，兵戢四夷。長臻五福，永集天

祺。

太上靈寶朝天謝罪大懺卷之四

太上靈寶朝天謝罪大懺卷之五

爾時，金闕大聖元始上帝在九清妙境五雲天宮御寶雲玉座，大會群仙，敷演真一妙法，廣度群生，咸使超悟。是時，太上道君、太上老君與諸天大聖、妙行真人、九天上真、四司五帝一切神仙，皆駕五色璫輪、八景翠輿、飛雲寶蓋、十絕靈幡、龍旂鳳葆，燒香散花，遊空步虛，吟詠洞章，旋遶劫仞寶臺，朝讚齊唱元始上帝，咸皆欣慶。是時，至尊以大威德，放七寶神光，照耀太空，下及無極世界、九幽長夜地獄，善惡報應，一一皆見。于時，東方九炁天君侍真靈官上朝金闕；于時，南方三炁天君侍真靈官上朝金闕；于時，西方七炁天君侍真靈官上朝金闕；于時，北方五炁天君侍真靈官上朝金闕；于時，中央一炁天君侍真靈官上朝金闕。列班焚香，進呈天下兆庶生死罪福之籍。須臾，萬變宮殿臺榭皆

悉，水精、琉璃、珊瑚、琥珀雕琢莊嚴，麒麟、獅子備衛左右，各赴寶座，講說酆都地獄生死之錄。忽聞地獄死魂，受對考罰，痛聲號絕。又見死魂无託，冥閻之中，鬼官不錄。是時五帝上問：此輩罪人，是何業報，受拷痛切難任。伏願天慈，特垂救度。

元始上帝謂帝君曰：下元生人，死魂受考。為前生，不忠不孝，君臣不義，父子不慈，不敬三光，不信罪福，欺師謗道，反逆宗親，廣殺物命，縱恣貪姪，司命奪筭，壽無定年，死魂報對，劫盡无解。此人為前生耽酒嗜肉，殺戮無度，不造善功，專行不道，年筭未盡，被六天洞宮鬼神，乘人罪釁，放其毒疫，夭傷人命，水火、盜賊、疫癘、刀兵危難，困苦官私，口舌枷鎖，迺蹇令人，所為不遂，年月歲久，遭遇不少。又見風雷之獄，常有黑風震雷，霹靂飛戈，衝突罪人，分散肢體，穿穴五臟，萬劫受苦，晝夜不息。又見火翳之獄，有諸罪人，吞火食炭，為火所燒，頭面焦燎，頭戴火山，皮膚骨肉，節節生火，萬劫

受苦，晝夜不息。又見金剛之獄，有諸罪人，金鎚鐵杖，亂拷無數，肢體爛壞，筋骨零落，鐵叉穿腹，金鎚塞心，萬劫受苦，晝夜不息。又見溟泠之獄，有諸罪人，沉沒寒冰，劍戟霜刃，衝斷筋骨，百毒之汁，以灌其上，五體零落，心腹破壞，萬劫受苦，晝夜不息。又見銅柱地獄，有諸罪人，身上銅柱，大火猛焰，令諸罪人，手抱足登，表裏焦爛，腹背膿潰，萬劫受苦，晝夜不息。又見屠割地獄，有諸罪人，身被倒懸，刀劍割體，四肢筋脉，皮膚五藏，皆有刀刃割切，其中罪人，血流滿地，非可堪忍，萬劫受苦，晝夜不息。又見火車地獄，有諸罪人，五車裂體，四肢分散，或身處火車，東西南北，一一車輪，皆有兵刃，隨輪運轉，割切罪人，加諸猛火，燒炙焦爛，萬劫受苦，晝夜不息。又見鑊湯地獄，有諸罪人，身被鐵叉，又入鑊湯，五體煮漬，四肢爛潰，膿血臭穢，不可堪忍，萬劫受苦，晝夜不息。

是時，元始上帝、十方救苦天尊、救度真人，施大威光，假六通慧，力令

諸罪魂，閉目靜思，自識宿命生存之日，造諸惡業。或手弑君父不孝一親，或誹謗真仙，或殘傷兄弟，或謀反師尊，或姪犯骨肉，或劫賊殺害，或屠割孤貧，以強陵弱。以貴虐賤，或穢慢靈文，或陰賊嫉妬，或惡口兩舌，或鬪亂善人，積劫以來，所犯諸罪，一時頓憶。各各明了，倍增悲惱，願求解脫，咸乞救度。

元始上帝再告侍真曰：吾見諸罪人，曠劫以來，不信經懺，唯罪是修，遂使名書惡簿，身沒九幽，魂滯三塗，無由解脫。若有清信男女，發心為上世亡魂、父母眷屬，建齋行道，拜表上章，濟接孤貧，放生續命者，吾遣太乙救苦天尊於紫微上宮開三天奧藏、七部瓊篇、藥簡琅函，出天尊懿號，下降人間，讚歎諷誦，吟詠洞章，消滅罪犯，削落九幽長夜。玉匱之函，遍使一切罪魂，離苦解脫，隨願往生，逍遙無為，咸獲超度。是故燒香，歸身歸命，五體投地。

志心朝禮，

玉清聖境虛無自然元始天尊，
上清真境太上道君靈寶天尊，
太清仙境太上老君道德天尊，
太上昊天至尊金闕玉皇上帝，
南極星主紫微上宮天皇帝，
中天星主紫微中宮北極大帝，
承天效法厚德光大后土皇地祇，
南極長生大帝統天元聖天尊，
東極青華大帝太乙救苦天尊，
貞明大聖九天應元雷聲普化天尊，
九天雷祖大帝除災濟物天尊，
紫微碧玉宮太一天帝保制劫運天尊，
六天洞淵大帝伏魔上上太一天尊，
六波天主帝君溥施法潤天尊，
九天可韓司丈人朱陵度命天尊，
九天採訪使應元保運妙化天尊，
東方九炁天中青靈始老洞空天尊，
南方三炁天中丹靈真老洞清天尊，

西方七炁天中皓靈皇老洞虛天尊，
北方五炁天中五靈玄老洞微天尊，
中央一炁天中玄靈元老洞真天尊，
志心朝禮，東北方度仙上聖天尊，
志心朝禮，慈暎度苦天尊，
志心朝禮，高勝天師天尊，
志心朝禮，金靜玉寶天尊，
志心朝禮，照度仙道天尊，
志心朝禮，上元四明天尊，
志心朝禮，妙尊金真天尊，
志心朝禮，洞玄內祕天尊，
志心朝禮，光相寶開天尊，
志心朝禮，萬元洞明天尊，
志心朝禮，無等寶照天尊，
志心朝禮，神通真觀天尊，
志心朝禮，太虛一乘天尊，
志心朝禮，湛然丹林天尊，
志心朝禮，應真法寂天尊，
志心朝禮，中玄道運天尊。

志心朝禮，解脫思議天尊。
志心朝禮，慧元三天天尊。
志心朝禮，神智道運天尊。
志心朝禮，權實洞玄天尊。
志心朝禮，上洞飛經天尊。
志心朝禮，上帝地皇天尊。
志心朝禮，入妙寂然天尊。
志心朝禮，无量妙行天尊。
志心朝禮，上洞三天天尊。
志心朝禮，金光常湛天尊。
志心朝禮，太玄明解天尊。
志心朝禮，洞真玉虛天尊。
志心朝禮，聖真小有天尊。
志心朝禮，丹紫緣感天尊。
志心朝禮，上宮平等天尊。
志心朝禮，玄紀七聖天尊。
志心朝禮，上元上品天尊。
志心朝禮，寶藏法海天尊。
志心朝禮，寶臺法海天尊。
志心朝禮，隨聲救苦天尊。
志心朝禮，萬靈寶真天尊。
志心朝禮，朱鏡妙尊天尊。
志心朝禮，西靈寶真天尊。

志心朝禮，運晨明道天尊。
志心朝禮，真運遍明天尊。
志心朝禮，金聖凝湛天尊。
志心朝禮，輪東華法天尊。
志心朝禮，思真延壽天尊。
志心朝禮，金靈妙寂天尊。
志心朝禮，萬運明廣天尊。
志心朝禮，明玄神運天尊。
志心朝禮，真空道訓天尊。
志心朝禮，道應慧朗天尊。
志心朝禮，自然神寶天尊。
志心朝禮，妙寶玄元天尊。
志心朝禮，化明至道天尊。
志心朝禮，明朗上運天尊。
志心朝禮，慧明高運天尊。
志心朝禮，最勝光相天尊。
志心朝禮，常導三有天尊。
志心朝禮，黃老地皇天尊。
志心朝禮，道運玄會天尊。
志心朝禮，太元一相天尊。
志心朝禮，真道廣成天尊。
志心朝禮，神慧道運天尊。
志心朝禮，真法成天天尊。

志心朝禮，上靈瓊華天尊。
志心朝禮，高運明行天尊。
志心朝禮，虛玄光明天尊。
志心朝禮，七映北真天尊。
志心朝禮，開明一切天尊。
志心朝禮，本際上靈天尊。
志心朝禮，道德真空天尊。
志心朝禮，祕藏善開天尊。
志心朝禮，救苦東華天尊。
志心朝禮，清靈玉光天尊。
志心朝禮，決定太清天尊。
志心朝禮，虛道慧運天尊。
志心朝禮，救生正真天尊。
志心朝禮，高勝度命天尊。
志心朝禮，八明北真天尊。
志心朝禮，廣敷真戒天尊。
志心朝禮，廣明真道天尊。
志心朝禮，行明大運天尊。
志心朝禮，戒生化成天尊。
志心朝禮，丹紫空道天尊。
志心朝禮，妙尊金華天尊。
志心朝禮，无量北真天尊。
志心朝禮，明化高道天尊。

志心朝禮，真淵無滯天尊。

志心朝禮，上元化度天尊。

志心朝禮，受持玄會天尊。

志心朝禮，仙靈普慈天尊。

志心朝禮，五老梵行天尊。

志心朝禮，威光金絢天尊。

志心朝禮，護魂無滯天尊。

志心朝禮，無礙自然天尊。

志心朝禮，上品福慶天尊。

志心朝禮，寶映仙飛天尊。

志心朝禮，妙元朱光天尊。

志心朝禮，大聖長樂天尊。

志心朝禮，九幽拔罪天尊。

志心朝禮，隨願往生天尊。

志心朝禮，慈悲救苦真人。

志心朝禮，慈悲救度真人。

志心朝禮，慈悲大惠真人。

志心朝禮，解脫真人。

志心朝禮，洞玄真人。

志心朝禮，救苦真人。

志心朝禮，洞神真人。

志心朝禮，濟苦真人。

志心朝禮，降魔真人。

志心朝禮，等照真人。

志心朝禮，金景真人。

志心朝禮，玉光真人。

志心朝禮，光明真人。

志心朝禮，救死天師。

志心朝禮，護生天師。

志心朝禮，度命天師。

志心朝禮，度人天師。

志心朝禮，好生天師。

志心朝禮，好善天師。

元始上帝告左右侍真曰：吾今遣

太華真人，以此天尊、真人、天師位號，

齋往下界，散布萬國九州，一切人天，

轉禮誦念，上消天災，下禳毒害。若有

修真之士、重道之民，本命生辰，為三

公輔弼、將相冢僚、大醮星辰，轉禮經

懺，永臻五福，常保三元。品秩穹崇，

壽齡延永，獲福無量。

志心朝禮，

地肺山福地仙官聖衆，

蓋竹山福地仙官聖衆，

清遠山福地仙官聖衆，

安山福地仙官聖衆，

石碓山福地仙官聖衆，

東仙源福地仙官聖衆，

青嶼山福地仙官聖衆，

郁木洞福地仙官聖衆，

赤水山福地仙官聖衆，

丹霞洞福地仙官聖衆，

君山福地仙官聖衆，

焦源福地仙官聖衆，

靈墟山福地仙官聖衆，

沃洲福地仙官聖衆，

天姥岑福地仙官聖衆，

若耶溪福地仙官聖衆，

金庭山福地仙官聖衆，

馬嶺山福地仙官聖衆，

鵝羊山福地仙官聖衆，

洞真墟福地仙官聖衆，

光天壇福地仙官聖衆，

洞宮福地仙官聖衆，

清玉壇福地仙官聖衆，

陶公山福地仙官聖衆。

元始天尊告左右侍真曰：吾今遣

太華真人齋此經，散布萬國九州，徧使

人天禮誦，延生集福，保命消災。若有

奉道之民，遇三元八節、本命生辰，修齋禮拜，念誦三清寶號、天尊名位，願三軍萬姓、普天兆庶、一切含生，燒香修奉者，衆聖護門，永臻壽祿，增無量福，消無量罪。

沖妙先生朝謝金闕上帝而獻頌曰：

煥赫空洞章，靈音震九天。至真開寶蘊，傳受希夷篇。寶偈今仍遇，靈文拔祖先。救度長夜魂，上登朱陵天。虔心尊所奉，朝謝虛皇前。

太上靈寶朝天謝罪大懺卷之五

太上靈寶朝天謝罪大懺卷之六

爾時，元始上帝在大羅天宮黃金殿內七寶幃中，大顯威神，祥光輝燦，照耀天地。真仙侍衛、無鞅數衆，建節捧香，羅列左右，步虛旋繞，讚歎至尊。時見天仙、地仙、水仙各整威儀，上朝金闕，進呈萬國九州兆民生死罪福之目，姓名功過，毫分不失。

是時，元始上帝謂左右侍真曰：吾觀一切有情，皆是虛假，念念滅壞，曾不暫停，苦惱輪迴，凡夫不覺，三途往返，萬劫辛酸，受身生身，煩惱纏縛，皆由妄想，顛倒執見，關心生死存亡，不能自出，甚可哀傷。是時，法會中有金華真人、廣福真人端簡整佩，出班燒香，朝拜金闕上帝。臣等積善深厚，位列玉清，得侍左右，恭聽法音，開示群品。今見下方一切衆生，不顧宿命，不遵經法，是非爭競，六識昏迷，五毒縈心。造業之時，无所畏懼。或叫喚鬼

神，以爲救助；或上指三光七祖，以爲盟誓。六親相殘，傷殺無道，臨命終時，戀其室宅財寶，愛惜本身，顧憐妻女，心迫情切。或發惡願，債主冤家，俱在目前，沉淪五道，无由解脫。伏願天慈大開恩宥，救度群倫，出離幽冥，咸使悟道。是時，元始上帝告侍真曰：吾觀下界衆生，妄想顛倒，皆從心起。強生分別，繫念在心，觸境生迷，舉心皆妄。當自定志，智慧觀身，骨肉肌膚，形骸毛髮，六根四大、五藏百神，諦想思惟，總无實處。共相假合，結聚成身。表裏尋求，我在何處。身既是假，心即成空。空假非真，悉爲妄想。是非憎愛，貪著色聲，香味觸法，嫉妬慳貪，殺盜邪淫，綺言惡罵，凡諸作業，泯爾皆除。內外清虛，自悟真道。

无始上帝告侍真曰：汝等定智觀身，總无實處。人之執見者，爲六根三業未淨。一曰眼根，二曰耳根，三曰鼻根，四曰舌根，五曰身根，六曰意根。夫六根者，能生諸業。猶如草木生諸花葉子實，展轉六情六賊六慾，能生諸

業。若能用智慧思惟，六根諸業皆盡。夫三業者，一者身業，二者心業，三者口業。身則殺盜邪淫，心則慳貪瞋怒，口則綺言妄語。惡口兩舌，共成十惡，諦思十惡，悉是浮虛。但自三業及六根漸自除滅，損之又損，久能行之，真道自悟。

元始上帝告左右侍真曰：吾念下界衆生，歷劫以來，運心起意，多有虛妄，並不真淳，多有綺言。或於天尊聖像前，行諸綺言。或於經法道場前，行諸綺言。或於父母尊親前，行諸綺言。或於賢人長者前，行諸綺言。或於豪貴長者前，行諸綺言。或於聰明識解前，行諸綺言。或於諸天聖衆日月星辰前，舉心皆行綺言，其罪深重。今日恭對三寶靈壇前懺謝，咸乞蕩除，吾念衆生，立身運心，綺言妄語，惡口兩舌，嫉妬勝己，鬥亂是非，離人骨肉，反虛成實，轉僞爲真。今日懺悔，皆令清淨，得入信根。

元始上帝告左右侍真曰：吾觀下界衆生，立身以來，眼耳鼻舌，起意造

惡，殺生偷盜，邪淫放蕩，慳貪瞋怒，愚癡顛倒，綺言妄語，惡口兩舌，嫉妬勝己，飲酒食肉，違犯三光，背真向僞，信邪倒見，禱祀鬼神，不奉三寶，訾毀噴嗃，輕慢傲誕，堪滯色慾，染習香味，沉迷觸法，內造外作，展轉相生。六根互起，更相成愆，罪根增長，念念成非，有無量罪數，結習來久，總在身中，不可稱計。一發念心，皆得清淨，猶如明鑑塵埃，蒙蔽脂垢，積聚生翳，內外不明。一旦遇良工，拂拭磨洗，表裏光徹，遠近洞照，還復如初。何以故？性本清淨，人生亦爾；神本清淨，無諸滓穢。但受形之後，漸染成愆，六根六情，六賊六慾，六識分別，妄作穢弊，生身障翳，失其真性，流浪生死，動入罪根，報對相纏，便入地獄，受諸苦惱，萬劫輪轉。吾以慈悲憐念衆生，故從劫到劫，轉輪人間，或生夷夏，或老或少，或貴或賤，種種方便教化，度脫衆生。經教流傳，開悟一切，使離苦惱，永出泥犁。但衆生智劣，不能解悟，我今爲汝分別罪福因緣，令一切衆生，悉得解脫。

元始上帝謂衆真曰：若有下方善信男女受持此經，燒香懺悔，洗滌身中一切苦惱，悉得清淨，消無量無邊宿根惡業。諸天上聖，一切神仙，常欲令人勤燒香懺悔，則有十天善神保護，衆聖護持。若罪根結身，內外纏縛，則惡神考害，疾病纏身，水火刀兵，毒蟲猛獸，枷鎖牢獄，衆苦害身。凡夫惟知外飾面目、衣服、手足，不能內洗身心罪根惡業，可不愚哉。若夫面目、手足、衣服等事，勤加洗濯，必得清淨，值遇神仙，皆獲福慶。

元始上帝告左右侍真曰：下界若有奉道男女，於古觀靈壇或本居淨室，爲先亡祖考，建三清寶座、五帝靈壇，誦經禮懺，大醮諸天，吾遣太乙救苦天尊，開紫微寶藏、玉簡丹文，出天尊懿號，讚歎稱揚，吟詠洞章，乞削落盟真九幽玉匱之函，普使人天離苦解脫，消歷劫罪，獲無量福。是故燒香，歸身歸命，五體投地。

志心朝禮，
玉清聖境虛无自然元始天尊，

上清真境太上道君靈寶天尊，
太清仙境太上老君道德天尊，
太上昊天至尊金闕玉皇上帝，
南極星主紫微上宮天皇帝，
中天星主紫微中宮北極大帝，
承天效法厚德光大后土皇地祇，
南極長生大帝統天元聖天尊，
東極青華大帝太乙救苦天尊，
貞明大聖九天應元雷聲普化天
尊，
九天雷祖大帝除災濟物天尊，
紫微碧玉宮太一天帝保制劫
運天尊，
六天洞淵大帝伏魔上上太一天
尊，
六波天主帝君溥施法潤天尊，
九天可韓司丈人朱陵度命天尊，
九天採訪使應元保運妙化天尊，
東方九炁天中青靈始老洞空天
尊，
南方三炁天中丹靈真老洞清天
尊，
西方七炁天中皓靈皇老洞虛天

尊，
北方五炁天中五靈玄老洞微天
尊，
中央一炁天中玄靈元老洞真天
尊。
志心朝禮，東南方好生度命天
尊。
志心朝禮，開拔苦魂天尊。
志心朝禮，因緣高仙天尊。
志心朝禮，解悟普照天尊。
志心朝禮，無名太玄天尊。
志心朝禮，神化高素天尊。
志心朝禮，開功保命天尊。
志心朝禮，戒生紫虛天尊。
志心朝禮，大聖聖王天尊。
志心朝禮，大洞成清天尊。
志心朝禮，結威八神天尊。
志心朝禮，明真智明天尊。
志心朝禮，昇玄真明天尊。
志心朝禮，紫府仙靈天尊。
志心朝禮，慧觀明仙天尊。
志心朝禮，青宮妙真天尊。
志心朝禮，无礙保生天尊。

志心朝禮，保命戒生天尊。
志心朝禮，日新大乘天尊。
志心朝禮，法華妙樂天尊。
志心朝禮，流電雲宮天尊。
志心朝禮，霞想凝湛天尊。
志心朝禮，萬變太和天尊。
志心朝禮，朱湛妙霞天尊。
志心朝禮，蓋天法王天尊。
志心朝禮，六覺玄通天尊。
志心朝禮，太清洞真天尊。
志心朝禮，廣天妙運天尊。
志心朝禮，法海寶心天尊。
志心朝禮，天皇升極天尊。
志心朝禮，道行真空天尊。
志心朝禮，五老梵行天尊。
志心朝禮，妙虛玄通天尊。
志心朝禮，寶明慧解天尊。
志心朝禮，救生正真天尊。
志心朝禮，朱花妙彩天尊。
志心朝禮，尊神戒生天尊。
志心朝禮，權實真一天尊。
志心朝禮，重玄應感天尊。
志心朝禮，慈光朱日天尊。

志心朝禮，妙果素月天尊。
志心朝禮，度緣應變天尊。
志心朝禮，妙定三天天尊。
志心朝禮，玄照幽運天尊。
志心朝禮，道德真空天尊。
志心朝禮，本際上靈天尊。
志心朝禮，七映北真天尊。
志心朝禮，虛玄光相天尊。
志心朝禮，開明一切天尊。
志心朝禮，慧真延壽天尊。
志心朝禮，寂然應玄天尊。
志心朝禮，妙尊金華天尊。
志心朝禮，威光淨明天尊。
志心朝禮，道智洞玄天尊。
志心朝禮，混成凝虛天尊。
志心朝禮，雲宮清華天尊。
志心朝禮，成就太玄天尊。
志心朝禮，明黃道君天尊。
志心朝禮，上品福慶天尊。
志心朝禮，寶應仙飛天尊。
志心朝禮，妙元朱光天尊。
志心朝禮，仙靈普朗天尊。
志心朝禮，仙道普度天尊。

志心朝禮，智識玄靜天尊。
志心朝禮，正觀上宮天尊。
志心朝禮，大洞無量天尊。
志心朝禮，智悟上京天尊。
志心朝禮，照明萬方天尊。
志心朝禮，明真玉洞天尊。
志心朝禮，應心普救天尊。
志心朝禮，決定太清天尊。
志心朝禮，護魂無滯天尊。
志心朝禮，妙典寶開天尊。
志心朝禮，仙梵法王天尊。
志心朝禮，玄照大明天尊。
志心朝禮，金暉靈寂天尊。
志心朝禮，救生觀空天尊。
志心朝禮，上靈金華天尊。
志心朝禮，素果妙樂天尊。
志心朝禮，靈寶自然天尊。
志心朝禮，華明光運天尊。
志心朝禮，丹元無上天尊。
志心朝禮，仙靈妙寂天尊。
志心朝禮，運華明智天尊。
志心朝禮，光明神威天尊。
志心朝禮，戒生摧魔天尊。

志心朝禮，方廣運朗天尊。
志心朝禮，神功道明天尊。
志心朝禮，東華法丹天尊。
志心朝禮，潛功隨方天尊。
志心朝禮，上明普景天尊。
志心朝禮，神寶寂然天尊。
志心朝禮，金輿玉寶天尊。
志心朝禮，大羅靈真天尊。
志心朝禮，玄運大照天尊。
志心朝禮，寂然紫度天尊。
志心朝禮，合成凝湛天尊。
志心朝禮，徧明神道天尊。
志心朝禮，金城凝寂天尊。
志心朝禮，嚴淨無等天尊。
志心朝禮，九幽拔罪天尊。
志心朝禮，隨願往生天尊。
志心朝禮，慈悲救苦真人。
志心朝禮，慈悲救度真人。
志心朝禮，慈悲大惠真人。
志心朝禮，圓淨真人。
志心朝禮，慈救真人。
志心朝禮，慈照真人。
志心朝禮，瓊華真人。

志心朝禮，景玄真人。

志心朝禮，明空真人。

志心朝禮，明玄真人。

志心朝禮，明上真人。

志心朝禮，萬道真人。

志心朝禮，景明真人。

元始上帝告左右侍真、天地水府三官、一切聖衆曰：吾今以此諸天尊名號，下降人間，遣金華真人徧布萬國九州，使一切人民禮誦。若有清真之士、奉道之人，或遇三元八節、五臘十直、生日忌辰，爲七世幽魂、先祖父母、一切羣生，修齋行道，請道士法師，步虛讚歎，拜表上章，禮謝天地、日月、星辰、地府冥官、水府仙者，即有十直靈官奏上諸天，蒙此功德，拔離五苦，度脫三塗。上登朱陵府，下入開光門，神仙同接引，萬世福長存，普天皆獲慶，浩劫荷天恩。

志心朝禮，

蓬萊山得道一切神仙，

搏桑山得道一切神仙，

方丈山得道一切神仙，

滄浪山得道一切神仙，

瀛州上真得道一切神仙，

祖洲上真得道一切神仙，

聚窟洲上真得道一切神仙，

炎洲上真得道一切神仙，

鳳麟洲上真得道一切神仙，

玄洲上真得道一切神仙，

流洲上真得道一切神仙，

長洲上真得道一切神仙，

元洲上真得道一切神仙，

生洲上真得道一切神仙，

天下三十六靖廬仙官，

天下二十八治名山得道一切神仙。

仙。

元始上帝再告左右侍真曰：吾今遣玉清真人齋此經，降下人間，使一切衆生散布供養，四時轉念，上消天災，下攘毒害，增福無量。若有積善之民，遇三元八節、本命忌辰，爲亡過先祖、父母幽魂，追薦冥福，燒香禮誦三清寶號、諸大真人名位，願上世亡魂，使所生父母、一切兆民，生生獲福，早遇神仙，身臻五福，長享自然。

沖妙先生朝謝金闕上帝而獻頌曰：

玉帝宣天旨，普放幽夜魂。八難俱解釋，五道悉開通。鄴都絕報對，上朝朱陵宮。羣生悟至道，永享福無窮。

太上靈寶朝天謝罪大懺卷之六

太上靈寶朝天謝罪大懺卷之七

爾時，元始上帝在大羅天中玉清宮內，坐五雲天寶妙臺，集諸天仙、地仙、水仙、三界靈真、無鞅數衆，齊赴天闕，上朝玉清，燒香散花，步虛旋繞，朝拜至尊。是時，上帝大布威光，廣演妙法，念度一切，咸使悟道。時有上清真人、太極真人、妙行真人，出班燒香，朝拜至尊：臣自歷劫以來，叨居真列，榮侍瓊軒，每聽靈音，開悟塵品，長念下方兆庶，流吹慾海，飄浪愛河，輪迴生死，不曾暫息，未知作何善果，出離沉淪，盡獲超度。

是時，元始上帝告左右侍真曰：下界若有善信男女，長行利益，割口損身，施捨財寶，常作福田，濟及鳥獸蠢動含靈，普救飢寒，最爲第一。若道邊開井，建立屋宇，種植果林，撫養勞苦，及於江河廣立橋梁，運度行旅，勤行不倦。衆聖護身，得福無量。

元始上帝告左右侍真曰：吾念衆生，在三毒十惡之中，爲諸魍魎、精魅、惡鬼、邪神、毒蟲、猛獸、刀兵、水火、桎械、牢獄、疾病、苦痛、凶禍纏繞，不能自安。吾固爲汝演說三洞大法、符籙寶經，救護世間，令得安樂。爲衆生愚癡，不識罪福，放縱六情。或殺生偷盜，邪淫放蕩，慳貪瞋怒，愚癡顛倒，綺言妄語，惡口兩舌，啖食衆生，違天犯地，背正信邪，禱祀鬼神，衆罪縱橫而無片善，致使毒風惡炁，六天魔鬼，徧滿人間，流行殺伐，日夜不停。吾甚哀憫。吾常遣諸天帝王、十極神仙、四司五帝，按行救度，咸使超悟，不遇衆惡，夙愆消蕩。

元始上帝再告左右天仙曰：吾見凡夫，從无量劫來，沉淪罪苦，造諸惡業，殺生偷盜，邪淫放蕩，慳貪瞋怒，愚癡顛倒，惡口兩舌，綺言妄語，啖食群毛，殺害生性，違天逆地，不信罪福，業力深重，不可稱量。可於宮觀靈壇，或在本家淨室，建立三清寶座、五帝星壇，燒香散花，朝禮天地，懺悔上章，乞

消罪犯，身宅清淨，一切諸厄，盡得消除，獲福无量。若有帝王、國主、后妃、帝子、天孫，發无上心，請道士法師，爲七世祖禰、七代宗親、亡過父母、一切眷屬，於正殿宮庭，或清淨道室，建置道場，轉禮經懺，燒香然燈，懺悔行道，散施財寶，衣服卧具，放生續命，廣設齋醮，勤心不退，吾遣十天真人、四司五帝、十直靈官，下降觀察。身心不怠者，使病者得差，死者得活，厄者得度，禁者得脫，行者得還，仕者得遷。水火、刀兵、虎狼、毒獸、邪精、魍魎，一切厄難，永不干身，年命長遠，各得安寧。若爲亡過祖考，心願出離九幽刀山、劍樹鑊湯、鞭撻楚痛之中，上生天堂，逍遙無爲，咸悟至道。若爲帝王、后妃、帝子、人民、土地、一切衆生，轉禮經懺，救護群品，見世安樂，獲福无量。若兵戈四起，侵害兆民，轉禮經懺，即得退散，无有損傷。若疾疫時行，人民卧疾，轉禮經懺，即得痊愈，兆民安樂。若水旱不調，五穀妨害，轉禮經懺，即得風雨順調，百穀滋茂。若惡風毒氣，

飄灼火災，燒失宅舍，轉禮經懺，即得天炁調和，百物清潤。若惡鬼、毒蟲、猛獸害人，轉禮經懺，悉皆迸退。若婦人懷妊，臨產不分，轉禮經懺，即得子母平安，並無厄難。若宮殿舍宇，精邪鬼怪，故炁不安，轉禮經懺，即得安靜，永無怖懼。

元始上帝告左右侍真曰：禮懺功德，不可思議。保國寧家，和天安地，上消天災，下攘毒害，其福難稱，普度天人。

元始上帝再謂侍真曰：吾為衆生，廣作福田，大建功德，寫經造像，置觀度人，轉禮經懺，修齋布施，果報巍巍，實為深厚。何以故？財者，衆生性命，切已難忘，能捨命財，心無吝惜。廣建功德，接濟孤貧，內息慳貪，外除劫賊，人天利潤，生死蒙恩。救護之功，獲福無量。七祖先靈，盡皆超度。

元始上帝告左右侍真曰：吾與群仙，下觀一切衆生，命若蜉蝣之蟲，朝生暮死，甚可哀傷。夫人死者，五行數盡，氣絕神逝，髓竭骨枯，形骸蕭索，心

怖神懼。捨命之時，受大苦惱，內外六親，圍繞左右，男女悲泣，死魂惶懼，莫知去處。身體虛冷，氣息一絕，生前所作惡業罪犯，俱在目前。若人前世積善，天人扶衛，魂超福境；若人生平積業，牛頭羅刹，驅入地獄，受諸苦惱。當此之時，英雄豪貴，頓爾俱消。高車大馬，何關人事。莊宅金寶，盡屬他人。妻子眷屬，豈能相代。一切冤對，俱在目前，如影隨形，莫可逃避。若有善信男女，大啓洪願，為亡過父母、一切宗親，大醮天地，拜表上章，轉禮真經，如暗得明，如疾得藥，如貧得寶，如饑得食，如囚得出，如旱得雨。洗滌罪障，皆得清淨，上生福堂，出離五苦，永得超度。

元始上帝再告左右侍真曰：下界十方國土，若有清信奉道男女，或為地獄苦魂、罪障惡鬼，建三清寶座、五帝靈壇，燒香然燈，百珍異果，上章拜表，大醮諸天。為一切六畜群毛、猪狗牛馬、驢騾業畜，懺謝惡業重罪者，吾遣太乙救苦天尊，開紫微上宮、瓊簡紫籙

寶函，出天尊懿號，傳度下方一切人民，稱揚讚歎，吟詠洞章，思神念真，乞削落九幽長夜之罪、六畜之業。使出度人天，離苦解脫，獲福無量，咸得超度。是故燒香，歸身歸命，五體投地。志心朝禮，

玉清聖境虛無自然元始天尊，
上清真境太上道君靈寶天尊，
太清仙境太上老君道德天尊，
太上昊天至尊金闕玉皇上帝，
南極星主紫微上宮天皇帝，
中天星主紫微中宮北極大帝，
承天效法厚德光大后土皇地祇，
南極長生大帝統天元聖天尊，
東極青華大帝太一救苦天尊，
貞明大聖九天應元雷聲普化天尊，
尊，

九天雷祖大帝除災濟物天尊，
紫微碧玉宮太一天帝保制劫運天尊，
六天洞淵大帝伏魔上上太一天尊，
六波天主帝君溥施法潤天尊，

九天可韓司丈人朱陵度命天尊，

九天採訪使應元保運妙化天尊，

東方九炁天中青靈始老洞空天

尊，

南方三炁天中丹靈真老洞清天

尊，

西方七炁天中皓靈皇老洞虛天

尊，

北方五炁天中五靈玄老洞微天

尊，

中央一炁天中玄靈元老洞真天

尊。

志心朝禮，西南方太靈虛皇天

尊。

志心朝禮，道功真空天尊。

志心朝禮，玄會爲說天尊。

志心朝禮，因果上光天尊。

志心朝禮，度幽洞玄天尊。

志心朝禮，玄會神妙天尊。

志心朝禮，益智方便天尊。

志心朝禮，湛然中天天尊。

志心朝禮，梵行太皇天尊。

志心朝禮，萬德洞玄天尊。

志心朝禮，八景戒生天尊。

志心朝禮，救苦真聖天尊。

志心朝禮，天中萬變天尊。

志心朝禮，光道至人天尊。

志心朝禮，保命東華天尊。

志心朝禮，靜定上因天尊。

志心朝禮，金藏妙寶天尊。

志心朝禮，八極洞幽天尊。

志心朝禮，廣運無爲天尊。

志心朝禮，神玄道運天尊。

志心朝禮，常保生神天尊。

志心朝禮，丹紫緣感天尊。

志心朝禮，淨明紫虛天尊。

志心朝禮，真淨空會天尊。

志心朝禮，行成真道天尊。

志心朝禮，無量難賜天尊。

志心朝禮，靈容妙彩天尊。

志心朝禮，太元有音天尊。

志心朝禮，玄會智力天尊。

志心朝禮，玄都無滯天尊。

志心朝禮，梵行無等天尊。

志心朝禮，救生化道天尊。

志心朝禮，玉清妙光天尊。

志心朝禮，一切慈應天尊。

志心朝禮，寂然玄應天尊。

志心朝禮，交神衆善天尊。

志心朝禮，法主救生天尊。

志心朝禮，地皇帝一天尊。

志心朝禮，虛明上運天尊。

志心朝禮，梵行衆妙天尊。

志心朝禮，高皇一切天尊。

志心朝禮，洞宮妙寂天尊。

志心朝禮，清光因果天尊。

志心朝禮，應寂衆妙天尊。

志心朝禮，直道真常天尊。

志心朝禮，青華真志天尊。

志心朝禮，萬淨真元天尊。

志心朝禮，法通三界天尊。

志心朝禮，保生開淨天尊。

志心朝禮，明行天常天尊。

志心朝禮，玄會悟開天尊。

志心朝禮，道成真道天尊。

志心朝禮，丹暉結成天尊。

志心朝禮，法海太明天尊。

志心朝禮，錄妙安樂天尊。

志心朝禮，決定无相天尊。

志心朝禮，集虛西明天尊。
志心朝禮，西靈玉曆天尊。
志心朝禮，運明虛空天尊。
志心朝禮，黃庭空運天尊。
志心朝禮，丹景道真天尊。
志心朝禮，延壽慧真天尊。
志心朝禮，玄道朗慧天尊。
志心朝禮，明經化運天尊。
志心朝禮，仙映妙觀天尊。
志心朝禮，真品元和天尊。
志心朝禮，無相慧礙天尊。
志心朝禮，普度丹景天尊。
志心朝禮，金剛妙寶天尊。
志心朝禮，善昇六道天尊。
志心朝禮，妙樂素華天尊。
志心朝禮，開度保護天尊。
志心朝禮，玉虛舟航天尊。
志心朝禮，丹元慧廣天尊。
志心朝禮，最勝無上天尊。
志心朝禮，金臺妙寂天尊。
志心朝禮，救物常善天尊。
志心朝禮，至極保明天尊。
志心朝禮，瓊璋寂然天尊。

志心朝禮，玄會開悟天尊。
志心朝禮，慧明徧覃天尊。
志心朝禮，化成令威天尊。
志心朝禮，究竟洞真天尊。
志心朝禮，法被無際天尊。
志心朝禮，度魂太清天尊。
志心朝禮，仙靈虛應天尊。
志心朝禮，金格拔幽天尊。
志心朝禮，開祕丹元天尊。
志心朝禮，重玄妙法天尊。
志心朝禮，玄真道明天尊。
志心朝禮，上宮玄解天尊。
志心朝禮，妙樂紫素天尊。
志心朝禮，寶運中千天尊。
志心朝禮，玄虛解勝天尊。
志心朝禮，隨順善果天尊。
志心朝禮，百億感身天尊。
志心朝禮，妙寶金相天尊。
志心朝禮，益筭聖王天尊。
志心朝禮，寶衆真海天尊。
志心朝禮，西明元洞天尊。
志心朝禮，明運到景天尊。
志心朝禮，九幽拔罪天尊。

志心朝禮，隨願往生天尊。
志心朝禮，慈悲救苦真人。
志心朝禮，慈悲救度真人。
志心朝禮，慈悲大惠真人。
志心朝禮，景相真人。
志心朝禮，明覺真人。
志心朝禮，滿相真人。
志心朝禮，景空真人。
志心朝禮，景照真人。
志心朝禮，明法真人。
志心朝禮，妙景真人。
志心朝禮，景慧真人。
志心朝禮，化生真人。
志心朝禮，相梵真人。
志心朝禮，上聖天師。
志心朝禮，虛皇天師。
志心朝禮，無量天師。
志心朝禮，明皇天師。
志心朝禮，洞深天師。
志心朝禮，普攝天師。
志心朝禮，正一天師。
元始上帝告諸天神仙曰：吾今以此經，遣玉清真人齋往下界，遍布萬國

九州，一切兆庶，轉禮供養。若有積善之人，遇三元本命、五臘之辰，燒香轉誦，大醮天地，爲上世幽魂、所生父母、一切宗親，拔贖幽冥，出離苦惱，咸得超度，轉化成人，神仙接引，上昇天宮，獲福無量。

志心朝禮，

黃河伯水府之神龍宮官屬，

洛河伯水府之神龍宮官屬，

淮河伯水府之神龍宮官屬，

巫峽溪真仙官聖衆，

五雲溪真仙官聖衆，

岷山溪真仙官聖衆，

清遠溪真仙官聖衆，

桐栢溪真仙官聖衆，

蟠塚溪真仙官聖衆，

崑崙溪真仙官聖衆，

武陵溪真仙官聖衆，

苧羅溪真仙官聖衆，

滌溪上真仙官聖衆，

浣沙溪真仙官聖衆，

沔池溪真仙官聖衆，

馬當山上水府之神龍宮官屬，

采石山中水府之神龍宮官屬，

金山下水府之神龍宮官屬。

元始上帝再謂侍真曰：吾今遣金

華真人降下此經，散布萬國九州，普使人天諷誦，爲見世父母、亡過先祖、一切羣生轉禮，解釋宿殃。虔心供養者，使門戶興隆，世世昌盛，萬災不干，神明護門。世間若有奉道之民、善信男女，遇三元五臘、本命生辰，修齋轉誦三清寶號、玉軸金文，爲酆都地獄一切鬼神夙業罪犯，咸願解除，盡乞超度，上昇朱宮，託生人道。

沖妙先生燒香朝謝金闕上帝而獻頌曰：

玉京元始尊，生成萬化主。靈文告三官，下開九幽府。酆都炎鑊獄，慈悲灑法雨。洗滌諸罪魂，咸皆得超度。

太上靈寶朝天謝罪大懺卷之七

太上靈寶朝天謝罪大懺卷之八

爾時，龍漢元年，金闕大聖元始上帝在玉清聖境元陽寶殿，坐五雲天寶妙臺，與諸天大聖演說妙法。是時，天門大震，元始上帝以神光下照，乃見有鬱勃黑毒血光之氣，上衝天闕，盤結不散。其氣腥血臭穢，大衆驚異。

元始上帝告諸天大聖左右天真曰：下界有大荒溟渤海水腥穢，无邊莫測，中有大山，上參碧落，下入風泉，名曰北陰酆都羅山，是陰氣之主、九地樞機焉。下有大洞名曰陰景天宮，中有主者太陰水帝。北陰天君中有冥官萬衆，山有三宮、九府、三十六大鐵獄。山中草木自然毒惡之氣，化生皆爲刀劍。鋒鋸爍空，黑煙濛濛，惡風飄震，晝夜不停，皆是冥官考罰罪鬼、死魂之所。中有六宮大魔惡鬼，爲見衆生昏暗迷亂，作陣下降人間，妄作妖怪，損害生人，與世人亡過七祖魂魄勾連，行

種種凶災，惡疾疫癘，行諸毒氣，死亡狼籍，枉橫夭傷，甚可哀憫，不忍聽聞。是時左右侍真列班，燒香上奏，伏願至尊開大慈悲慧力，救拔衆生，存亡荷恩，得離罪苦。惟願哀憐，令一切罪人得免離見世三災、九橫、五瘟、七注疾病，毒氣衆邪，魍魎諸鬼之難。令其性命，无有中傷。如蒙哀憫，則仰受聖言。於是至尊告諸侍真曰：吾愍一切衆生，如母念子。今爲汝等敷演妙言，子可諦聽，在心勿忘。左右侍真、一切神仙，稽顙聽命元始上帝聖言。往昔人民淳朴，无有惡心，任命自然，終其天筭，无有夭傷。今末世時代，澆薄人心，破壞五情。離亂更相，誑惑互相，彼此不言正化，唯用邪行，背真從僞，不道不仁，違天逆地，攻臣伐主，不忠不孝，无愛无慈，欺誘萬民，酷虐百姓，枉殺衆生，殘害物命，結諸冤對，動多患難。或行劫奪，惡賊殺傷。或惡魔之所滅身。或被虻蛇、虎狼、百蟲、毒螫之所加害。或官灾口舌，无故枉生，閑繫牢獄，鞭杖徒刑。或家遭瘟疫，身

染毒氣，大小疾病，人口死亡，六親斷絕，骨肉支離。或天雷馘斬。或天火燒身。諸如罪犯，並是積業深重是致。六天殺炁、北酆鬼衆與五嶽之神、陣亡鬼帥，遊走天下，乘其罪釁，放其毒炁，以殺惡人，更相殘賊，以致死亡，家道破壞，子孫絕滅。吾見如此，甚可哀傷，不忍聽聞。世間若有奉道之民，發无上心，廣施財寶，救濟貧乏，放生續命，轉念經懺，精心不退，上消凶灾，下攘萬禍。若遇國土兵灾不息，疫毒流行，若人虔心禮誦此懺、修設清齋者，則兵灾静息，妖惡自屏，天人稱悅，欣國太平。若在山林曠野，爲虎狼猛獸之所奔突，則當虔心禮告，許轉是經，則有護法善神救助，猛獸自退，終不爲害。若入大海，遭遇惡風，許轉是經，風浪静息，得達於岸。若軍陣白刃之中，許轉是經，兵杖伏匿，不有傷害。若在牢獄枷鎖之中，許轉是經，冤枉自伸，必得解脱。若爲鬼魅邪精刑害，許轉是經，鬼神消滅，不敢爲害。若人命過之日，魂入九幽地府，縈留男女夫妻

爲亡人立九幽齋醮，禮謝三宮，魂超五苦，隨福受生。是時，九幽地獄罪人聞說是經，身心開悟，皆發道意，永不退轉，遂感上天降命，釋放罪魂，咸皆超度。是時九幽黑簿，一時焚燼，火山息焰，冰池静波，吞火食炭，化爲甘露，金鎚鐵仗，變成蓮花。神仙拯拔，上朝南宮，咸得託化。

元始上帝以大威力，布大慈悲，救度一切衆生，咸使身心清淨，出離酆都地獄，隨願往生。乃命救苦真人開通陽之臺，展紫文瓊笈，出天尊懿號。汝等可建立三清寶座、五帝靈壇，挂幡獻花，百珍異果，嚴陳供養，轉禮經懺，拜表上章，醮謝諸天星宿、五帝三官，燒香然燈，吟詠洞章，乞削落明真九幽玉匱長夜之函，普使幽魂離苦解脱，消无量罪，獲无量福，生死受賴。是故燒香，歸身歸命，五體投地。

志心朝禮，

玉清聖境虛無自然元始天尊，
上清真境太上道君靈寶天尊，
太清仙境太上老君道德天尊，

太上昊天至尊金闕玉皇上帝，
 南極星主紫微上宮天皇帝，
 中天星主紫微中宮北極大帝，
 承天效法厚德光大后土皇地祇，
 南極長生大帝統天元聖天尊，
 東極青華大帝太乙救苦天尊，
 貞明大聖九天應元雷聲普化天
 尊，
 九天雷祖大帝除災濟物天尊，
 紫微碧玉宮太一天帝保制劫
 運天尊，
 六天洞淵大帝伏魔上上太一天
 尊，
 六波天主帝君普施法潤天尊，
 九天可韓司丈人朱陵度命天尊，
 九天採訪使應元保運妙化天尊，
 東方九炁天中青靈始老洞空天
 尊，
 南方三炁天中丹靈真老洞清天
 尊，
 西方七炁天中皓靈皇老洞虛天
 尊，
 北方五炁天中五靈玄老洞微天

尊，
 中央一炁天中玄靈元老洞真天
 尊。
 志心朝禮，西北方无量太華天尊。
 志心朝禮，普慈難思天尊。
 志心朝禮，常宣真道天尊。
 志心朝禮，三界清通天尊。
 志心朝禮，玄凝真寂天尊。
 志心朝禮，自然三光天尊。
 志心朝禮，法海瓊明天尊。
 志心朝禮，妙奧太玄天尊。
 志心朝禮，業行普慈天尊。
 志心朝禮，機應感仙天尊。
 志心朝禮，金尊玉林天尊。
 志心朝禮，珠素妙靈天尊。
 志心朝禮，慧觀太微天尊。
 志心朝禮，真相淨明天尊。
 志心朝禮，戒生化成天尊。
 志心朝禮，明悟隨光天尊。
 志心朝禮，最勝逍遙天尊。
 志心朝禮，羅玄聖王天尊。
 志心朝禮，勝因高尊天尊。
 志心朝禮，太清元靈天尊。

志心朝禮，金光凝耀天尊。
 志心朝禮，度人天中天尊。
 志心朝禮，真品內名天尊。
 志心朝禮，常運法明天尊。
 志心朝禮，明通道境天尊。
 志心朝禮，戒生入玄天尊。
 志心朝禮，神道淨行天尊。
 志心朝禮，太玄真應天尊。
 志心朝禮，自然洞妙天尊。
 志心朝禮，至真長樂天尊。
 志心朝禮，最勝妙行天尊。
 志心朝禮，萬仙生因天尊。
 志心朝禮，太玄虛運天尊。
 志心朝禮，應慈益筭天尊。
 志心朝禮，智含太一天尊。
 志心朝禮，福應因緣天尊。
 志心朝禮，善悟空有天尊。
 志心朝禮，妙樂素華天尊。
 志心朝禮，北玄玉洞天尊。
 志心朝禮，化成天仙天尊。
 志心朝禮，神智方便天尊。
 志心朝禮，無礙等清天尊。
 志心朝禮，天皇真君天尊。

志心朝禮，寶珠玄妙天尊。
志心朝禮，上靈慧日天尊。
志心朝禮，慧日照明天尊。
志心朝禮，照明利貞天尊。
志心朝禮，無爲至德天尊。
志心朝禮，上洞曲素天尊。
志心朝禮，紫清玄智天尊。
志心朝禮，玉清靈真天尊。
志心朝禮，明光妙照天尊。
志心朝禮，寶生開訓天尊。
志心朝禮，無礙洞虛天尊。
志心朝禮，瓊姿法橋天尊。
志心朝禮，沖虛三乘天尊。
志心朝禮，太真聖王天尊。
志心朝禮，玉真太空天尊。
志心朝禮，洞玄淨行天尊。
志心朝禮，三元威光天尊。
志心朝禮，瓊妙華彩天尊。
志心朝禮，降魔戒生天尊。
志心朝禮，逍遙玄囿天尊。
志心朝禮，法智常開天尊。
志心朝禮，淨定空會天尊。
志心朝禮，因果增明天尊。

志心朝禮，昇玄真智天尊。
志心朝禮，遍化無等天尊。
志心朝禮，玉宮慧觀天尊。
志心朝禮，無窮聖真天尊。
志心朝禮，金瓊玉實天尊。
志心朝禮，殊聖妙寂天尊。
志心朝禮，運明寂然天尊。
志心朝禮，地皇上真天尊。
志心朝禮，虛融應體天尊。
志心朝禮，洞真玉清天尊。
志心朝禮，妙法方便天尊。
志心朝禮，玄真太元天尊。
志心朝禮，靈宮東華天尊。
志心朝禮，昇玄天皇天尊。
志心朝禮，拔苦慈會天尊。
志心朝禮，妙尊瓊林天尊。
志心朝禮，光明普洞天尊。
志心朝禮，空寂太元天尊。
志心朝禮，大洞太清天尊。
志心朝禮，三元玉京天尊。
志心朝禮，朱輪妙善天尊。
志心朝禮，明光真運本尊。
志心朝禮，空洞西靈天尊。

志心朝禮，衆善高尊天尊。
志心朝禮，道真八素天尊。
志心朝禮，妙樂六洞天尊。
志心朝禮，三乘玄寂天尊。
志心朝禮，鍊通妙果天尊。
志心朝禮，神悟紫清天尊。
志心朝禮，紫清元老天尊。
志心朝禮，寂然清悟天尊。
志心朝禮，靈真東華天尊。
志心朝禮，法海寶化天尊。
志心朝禮，洞元萬靈天尊。
志心朝禮，無染太玄天尊。
志心朝禮，九幽拔罪天尊。
志心朝禮，隨願往生天尊。
志心朝禮，慈悲救苦真人。
志心朝禮，慈悲救度真人。
志心朝禮，慈悲大惠真人。
志心朝禮，應感真人。
志心朝禮，等慧真人。
志心朝禮，無想真人。
志心朝禮，太玄真人。
志心朝禮，萬壽真人。
志心朝禮，太寶真人。

志心朝禮，无畏真人。

志心朝禮，等惠真人。

志心朝禮，金輪真人。

志心朝禮，玄上真人。

志心朝禮，法輪真人。

元始上帝告諸天神仙曰：吾今以

此經，遣清華真人齋往下方，散布萬國九州，遍使人天禮誦。若有善信男女、修道之人，或遇本命忌辰、三元八節、燒香轉禮天尊真人位號，醮謝地府冥官，為上世亡魂、生身父母、一切宗親，懺謝夙愆罪犯、惡業重殃，脫落幽司，解除纏結，魂生福境，託化人倫，神仙接引，上朝太清。

志心朝禮，

酆都山北陰玄天酆都大帝，

酆都山左府太陽宮注生冥官，

酆都山右府太陰宮注死冥官，

酆都山七非府黑劫府定罪冥官，

酆都山連宛府明晨府定罪冥官，

酆都山九幽府諒事府定罪冥官，

酆都山咸池府靈紐府定罪冥官，

酆都山陰天府定罪冥官，

酆都山參靈獄律令獄考鬼靈官，

酆都山清靈獄九平獄考鬼靈官，

酆都山玄沙獄河伯獄考鬼靈官，

酆都山青詔獄禁罪獄考鬼靈官，

酆都山玄天獄天一獄考鬼靈官，

酆都山黃天獄風雷獄考鬼靈官，

酆都山平天獄虛天獄考鬼靈官，

酆都山女青獄自然獄考鬼靈官，

酆都山玄都獄元政獄考鬼靈官，

酆都山刑政獄萬死獄考鬼靈官，

酆都山泉曲獄九天獄考鬼靈官，

酆都山寒冰獄鑊湯獄考鬼靈官，

酆都山紂絕陰天宮洞魔王聖衆，

酆都山大殺諒事天宮洞魔王聖衆，

衆，

酆都山恬照罪氣天宮洞魔王聖衆，

衆，

酆都山宗靈七非天宮洞魔王聖衆，

衆，

酆都山敢司連宛天宮洞魔王聖衆，

衆，

酆都山明晨耐犯武城天宮洞魔王聖衆，

王聖衆，

酆都山休明總虛天宮洞魔王聖衆，

衆，

酆都山玄司重政天宮洞魔王聖衆，

衆，

酆都山正真紹靈司天宮洞魔王聖衆，

聖衆，

酆都山玉紀明晨天宮洞魔王聖衆，

衆，

酆都山赤映雲曲天宮洞魔王聖衆，

衆，

酆都山統仙昇靈希微天宮洞魔王聖衆，

王聖衆。

元始上帝再告左右侍真曰：吾今遣清華真人降下此經，散布萬國九州，普使人天，傳寫轉禮，為上世亡魂，追薦冥福，度上南宮，皆歸人道，咸得長生。世間若有奉道之民、善信男女，遇三元八節吉日、本命忌辰，為先靈七祖、父母宗親，修齋禮誦三清寶號、天真名位，或為亡過先祖、見在親姻，拜表上章，放生續命，廣建福田，齊同修奉，異骨成親，國安民豐，欣樂太平，宗奉禮拜，皆得度世。

沖妙先生燒香朝拜金闕上帝而獻頌曰：

傾心朝太極，玉帝降洪恩。天符宣地府，開度長夜魂。幽都解七祖，靈符告三官。神仙同接引，上朝朱陵天。永脫罪業根，長享福自然。

太上靈寶朝天謝罪大懺卷之八

太上靈寶朝天謝罪大懺卷之九

爾時，元始上帝在無上大羅天中玉京金闕之內坐七寶妙臺，與太上玉晨道君、太上聖祖老君，大集諸天一切神仙，敷揚妙法，廣度天人，咸使得道，永悟無爲。是時，法會中有玉清真人、太極真人與諸天神仙，持符執節，燒香散花，步虛旋繞，讚歎聖德，稱未聞見，出班朝禮，上奏至尊：臣等忝侍雲軒，受任真位。伏見下方一切群生，身心暗昧，不識靈寶自然妙化，何能救度。多爲六天五傷，百精九醜，惡鬼廣行，疫毒百病，因起凶禍，債主冤家，口舌誹謗，哭聲相續，人心悲惶，寒熱起內，病生於外，禱祝不正之鬼，追烹血食，妄說吉凶，留連百怪，結罪三官，爲十直之神司命司錄寫錄罪犯，上奏天府，奪其筭祿，減刻壽齡，自死自生，无由解脱。或五斗星官告變，灾禍水旱，風雨不順，四起刀兵，疫病死亡，國主憂

惶，百姓塗炭，无由救拔。伏願上帝天慈，保其國祚，救度兆民，光宣道化，咸使群生，悟解正真，盡獲超度。

是時，元始上帝告左右侍真曰：我從无始劫來，常在人間教化救度衆生，使十方三界、凡聖天人普使開通，湛然常存，不生不滅，持戒誦念，廣建福田，救獲衆生。衆聖欽仰，群魔稽首，列名上清。吾念衆生身心暗昧，不能得聞，今爲汝等說无上十戒，作人天福業，生死善緣，降福消灾，獲報無量。天尊告侍真曰：第一戒者，下土兆民，不得殺生及懷殺想、故殺、貪殺，常行慈悲，救度一切群生，觀諸衆生，長如自己；第二戒者，不得偷盜及懷盜想，常行退讓，不受非義之物，觀諸財寶如己之物；第三戒者，不得邪淫及懷淫想，常行清潔，觸景幽棲，觀諸男女如己骨肉；第四戒者，不得慳貪及懷貪想，常行布施，廣濟貧窮，平等一心，无彼我想；第五戒者，不得瞋怒及懷怒想，常行歡喜，和睦冤親，觀諸衆生猶如赤子；第六戒者，不得愚癡及懷癡

想，常行智慧，勸誘愚迷，觀諸衆生如己手足；第七戒者，不得綺言及懷綺想，常行忠正，內外淳和，觀諸經戒，常生念誦；第八戒者，不得妄言及懷妄想，常行信實，隱顯無欺，觀諸人民無虛妄想；第九戒者，不得惡口罵詈及諸惡口，常行正念，不起毒心，觀彼毒蛇自生毒氣；第十戒者，不得兩舌，鬪亂親朋，常行端直，不起愛憎，觀諸彼我無向背想。

元始上帝告左右侍真曰：吾說此戒是衆生城郭、依棲屋宅。能受持男女常有玉童玉女、金剛力士、十天善神，常侍衛左右。消灾度厄，保命延生，神仙敬仰，神明護門，刀兵水火、虎狼毒蛇、疾病牢獄、鬼賊邪精、飢寒苦難一切灾禍不干，求男得男，求女得女，富貴壽樂，所願從心，智慧聰明，形容端正，功德巍巍，不可思議。若有善心男女，禮懺行道，持戒修善，如彼寶劍能斷一切，如彼法船能度一切，如彼猛火能燒一切，如彼淨水能洗一切。自三清以下乃至十方真仙，莫不皆持

經戒也。戒者，防非止惡，檢救身心，降伏外魔，感動靈仙，得福无量。

元始上帝告左右侍真曰：吾見下界衆生，自曠劫以來，受身爲人，只爲慳貪嗜慾，飲酒食肉，啖嚼無厭。長此肌膚養其膿血，致生病惱，彌益罪根，生老病苦，暑濕風寒，痛癢疼酸，惡風毒氣入身，染體百病來侵，念念无常，晝夜悲泣。受生稟識，各各不同，日夜循環，萬生萬死。或處胞胎，沍成膿血，隨即消化。或居母腹，不得出生，生即破壞，雖則分娩，子母暫殊，即便死亡，不可稱計。或一歲兩歲乃至百年念念改張，衰耗精氣，頭痛壯熱，萬惱相侵，一生之中，無少安樂者，良由廣食穢濁、積滿身中、酒肉熏肥、蒸鬱藏府、惡風毒氣、吹扇形骸、金石化消、身形不久。吾不飲不食，抱道自然，變化无方，長生不死，常說經戒，開度衆生，凡夫愚迷，不能信受。我常憂念，愍痛在茲，故演齋科，令滅病苦；又念衆生於曠劫以來，存亡二世，一切眷屬，在世所犯一切罪業，爲五道之神、

遊奕使者、司命司錄、察命威神錄其罪犯，上奏諸天，歷世纏結，不能解脫，衆惡備歷，望返何期。今日五體投地，燒香懺謝，乞削落九幽玉匱之函，普使人天離苦解脫，消无量罪，獲無量福。

元始上帝再告左右侍真曰：下界若有奉道之流，能爲水族蛟龍、龜鼉魚蜃、水介甲蟲建壇，禮懺誦經，燒香然燈，懺滌水府濕居介族，並乞天恩救拔，咸使脫落鱗甲，得返人道，一切罪犯，俱希解釋。乃命太乙救苦天尊開洞陽之宮，出瓊簡金錄天尊懿號，稱揚讚歎，吟詠洞章，拜表拔贖，普使水族魚龍，離苦解脫，消无量罪，生无量福。是故燒香，歸身歸命，五體投地。

志心朝禮，

玉清聖境虛無自然元始天尊，
上清真境太上道君靈寶天尊，
太清仙境太上老君道德天尊，
太上昊天至尊金闕玉皇上帝，
南極星主紫微上官天皇帝，
中天星主紫微中宮北極大帝，
承天效法厚德光大后土皇地祇，

南極長生大帝統天元聖天尊，
東極青華大帝太乙救苦天尊，
貞明大聖九天應元雷聲普化天
尊，
九天雷祖大帝除災濟物天尊，
紫微碧玉宮太一天帝保制劫
運天尊，
六天洞淵大帝伏魔上上太一天
尊，
六波天主帝君普施法潤天尊，
九天可韓司丈人朱陵度命天尊，
九天採訪使應元保運妙化天尊，
東方九炁天中青靈始老洞空天
尊，
南方三炁天中丹靈真老洞清天
尊，
西方七炁天中皓靈皇老洞虛天
尊，
北方五炁天中五靈玄老洞微天
尊，
中央一炁天中玄靈元老洞真天
尊。
志心朝禮，上方玉虛明皇天尊。

志心朝禮，道有方便天尊。
志心朝禮，寶珠妙彩天尊。
志心朝禮，上道元明天尊。
志心朝禮，至德太元天尊。
志心朝禮，大慈行慧天尊。
志心朝禮，玉光素景天尊。
志心朝禮，妙尊斗極天尊。
志心朝禮，妙尊道明天尊。
志心朝禮，金慈湛鏡天尊。
志心朝禮，化靈寂然天尊。
志心朝禮，明空最勝天尊。
志心朝禮，至真長樂天尊。
志心朝禮，寶質法海天尊。
志心朝禮，益筭聖王天尊。
志心朝禮，功德真光天尊。
志心朝禮，凝威金藏天尊。
志心朝禮，九玄運明天尊。
志心朝禮，真品太空天尊。
志心朝禮，玉華八素天尊。
志心朝禮，丹紫有觀天尊。
志心朝禮，保命開慧天尊。
志心朝禮，拔苦真階天尊。
志心朝禮，妙果珠晃天尊。

志心朝禮，金城妙尊天尊。
志心朝禮，運慧真道天尊。
志心朝禮，浮雲聖王天尊。
志心朝禮，開慈元慧天尊。
志心朝禮，七真上宰天尊。
志心朝禮，慶流因果天尊。
志心朝禮，法寶真成天尊。
志心朝禮，普明黃庭天尊。
志心朝禮，玄虛解脫天尊。
志心朝禮，洞元高行天尊。
志心朝禮，妙觀真虛天尊。
志心朝禮，變化玄通天尊。
志心朝禮，揚光度仙天尊。
志心朝禮，仙公道化天尊。
志心朝禮，應度聖王天尊。
志心朝禮，映光元童天尊。
志心朝禮，普大慈光天尊。
志心朝禮，慈蔭苦海天尊。
志心朝禮，法海寶思天尊。
志心朝禮，金苑妙林天尊。
志心朝禮，一乘法橋天尊。
志心朝禮，妙樂法王天尊。
志心朝禮，散暉廣明天尊。

志心朝禮，月慧明光天尊。
志心朝禮，普度戒生天尊。
志心朝禮，萬變金宮天尊。
志心朝禮，智道高步天尊。
志心朝禮，高運化靈天尊。
志心朝禮，靈真度魂天尊。
志心朝禮，玉精真慧天尊。
志心朝禮，寶禁萬靈天尊。
志心朝禮，至真東極天尊。
志心朝禮，丹紫大帝天尊。
志心朝禮，化度仙靈天尊。
志心朝禮，常增十善天尊。
志心朝禮，淨朗真定天尊。
志心朝禮，妙虛蓮開天尊。
志心朝禮，大慈梵元天尊。
志心朝禮，威真丹梵天尊。
志心朝禮，明曜妙運天尊。
志心朝禮，五老梵皇天尊。
志心朝禮，徧明上勝天尊。
志心朝禮，冥寂自然天尊。
志心朝禮，最勝悲愍天尊。
志心朝禮，仙靈玄極天尊。
志心朝禮，聖真元老天尊。

志心朝禮，因增上緣天尊。
志心朝禮，仙道无央天尊。
志心朝禮，淨開普慈天尊。
志心朝禮，靈真慈救天尊。
志心朝禮，洞源仙府天尊。
志心朝禮，神照道林天尊。
志心朝禮，東華瓊和天尊。
志心朝禮，丹明妙貞天尊。
志心朝禮，天慧仁慈天尊。
志心朝禮，玄明神淨天尊。
志心朝禮，雲霞妙光天尊。
志心朝禮，廣明仙庭天尊。
志心朝禮，安漠玄光天尊。
志心朝禮，淨空普朗天尊。
志心朝禮，一切感度天尊。
志心朝禮，妙樂玉慈天尊。
志心朝禮，崑岑瓊簡天尊。
志心朝禮，真言十華天尊。
志心朝禮，解脫至訓天尊。
志心朝禮，因緣高仙天尊。
志心朝禮，妙行逍遙天尊。
志心朝禮，真光梵果天尊。
志心朝禮，真品空浮天尊。

志心朝禮，高空本運天尊。
志心朝禮，善開慧藏天尊。
志心朝禮，神通文明天尊。
志心朝禮，度天人中天尊。
志心朝禮，寶暉法境天尊。
志心朝禮，法解紫威天尊。
志心朝禮，仙道咸度天尊。
志心朝禮，九幽拔罪天尊。
志心朝禮，隨願往生天尊。
志心朝禮，慈悲救苦真人。
志心朝禮，慈悲救度真人。
志心朝禮，慈悲大惠真人。
志心朝禮，靈寶真人。
志心朝禮，度命真人。
志心朝禮，等淨真人。
志心朝禮，无垢真人。
志心朝禮，玄明真人。
志心朝禮，等成真人。
志心朝禮，等愛真人。
志心朝禮，等玄真人。
志心朝禮，无等真人。
元始上帝告十方飛天神王、左右
神仙曰：吾今出諸天尊寶號，遣救苦

真人，齋往下方，遍使萬國九州、一切人民，轉禮供養。上消天災，下攘凶禍。若有清真之士、奉道女男，或遇本命生辰、三元五臘，燒香諷詠，醮謝諸天，生死開泰，福慶豐隆，五苦解脫，九幽放魂，神仙救拔，上昇天宮，天人伏聽，諦授訣言。

志心朝禮，

洞靈源福地仙官聖衆，

三皇井福地仙官聖衆，

爛柯山福地仙官聖衆，

芹溪福地仙官聖衆，

龍虎山福地仙官聖衆，

靈山福地仙官聖衆，

泉源福地仙官聖衆，

逍遙山福地仙官聖衆，

閤皂山福地仙官聖衆，

始豐山福地仙官聖衆，

金精山福地仙官聖衆，

白源山福地仙官聖衆，

鉢池山福地仙官聖衆，

論山福地仙官聖衆，

毛公壇福地仙官聖衆，

鷄籠山福地仙官聖衆，

桐栢山福地仙官聖衆，

平都山福地仙官聖衆，

綠羅山福地仙官聖衆，

彰觀山福地仙官聖衆，

抱福山福地仙官聖衆，

太面山福地仙官聖衆，

虎溪福地仙官聖衆，

元辰山福地仙官聖衆，

馬跡山福地仙官聖衆。

元始上帝再告左右侍真曰：吾今

遣救苦真人持此經，下降人間，散布一切，兆民供養。若有奉道之人，遇三元八節、本命生辰，或爲自身，修奉轉念，使魂神澄正，萬炁長存，不經苦惱，身有光明，諷詠洞章，虔心瞻禮三清寶號、十大真人，或追薦先亡祖考、一切罪魂，永度三徒，仙化成人，超凌三界，上昇朱宮。

沖妙先生燒香朝拜金闕上帝而獻頌曰：

金闕大聖主，天地萬靈師。慈悲灑甘露，洗滌諸塵迷。廣演空洞章，徧

使悟希夷。救拔八難苦，拋離五濁泥。超度六毒海，永謝貪瞋癡。神仙同接引，逍遙上太微。

太上靈寶朝天謝罪大懺卷之九

太上靈寶朝天謝罪大懺卷之十

爾時，元始上帝在大羅天上金闕之內寶臺之中，大集群仙，廣演妙法，救度人倫。時有天仙、地仙、水仙三府靈官，五嶽四瀆，地府百司，各整威儀，理劍整佩，參駕雲龍，上朝天闕，列班燒香，立侍瓊軒，各進呈四方分野、兆民生死罪福之籍。

是時，元始上帝示大威神，遠布祥光，照耀萬國山河大地，細微罪業，無不盡見。是時金華真人、玉清真人、妙行真人、救苦真人，燒香朝拜至尊，上奏言曰：今睹下土衆生，多不信奉，恣縱身心，長行苦毒，殺害衆生，三毒口業，罪殃深重，爲十直之神司命司錄寫其罪犯，上奏天府，歷劫纏結，无由解脱，禍福賞罰，毫分不差。見諸衆生，在世積善、長行陰鷲者，天氣蓋之，地氣載之，星辰照之，鬼神敬之，五福隨之，千災離之。或見在世積諸罪業、行

諸苦毒者，天不蓋之，地不載之，星辰不照之，鬼神害之，五福遠之，千災隨之。臣等觀見甚可哀傷，伏願上帝天慈，大開方便，普爲救度，咸使了悟至道，出離垢濁。是時，至尊告諸大真人曰：吾憫下方世界，一切群生，猶如赤子，皆令得道。只爲衆生罪殃深厚，長居不淨，恣縱情慾，多有穢汙，在世生身，長行淫慾。或在宮殿星辰靈觀，行諸淫慾。或在神廟社壇，行諸淫慾。或捉人殘害，離人子母，奪人男女，別人恩愛，隔人憐念。或六親通同。或骨肉會合。或誘人奴婢、不擇妍醜。或不擇賢愚。或疆抑男女。或分割夫妻。或染汙出家。或裸露天地，侵陵四輩，行多淫慾，意相惡夢，交接无所不至，放縱六情，无量无边，結在身心，昏迷六識，精氣衰竭，罪犯深重。今日懺滌，咸乞消滅。

元始上帝再告左右侍真曰：吾見下方男女，捨身生身動意，常行偷盜。或偷盜天尊聖像、經法財物。或偷盜出家法師財物。或偷盜靈觀星壇財

物。或偷盜修造尊像財物。或偷盜庄田常住財物。或偷盜齋醮供養財物。或偷盜廟祀鬼神財物。或偷盜父母男女財物。或迫脇勢力財物。或行官事誑諱財物。或非義強抑財物。或下脫矯妄財物。或貪愛借貸財物。或借貸抵拒，不償財物。或欺負黯黥，陵忽非義財物。凡起一念，偷盜不論多少，无量无边罪業，隱藏在身，未曾發露。首謝，今日燒香，禮懺悔過，一切罪咎，咸乞蕩除。

元始上帝再告左右侍真曰：吾觀下界衆生，積財如山，心常不足，貪愛无厭，役心運智，勞苦四大，略无惠心，立身在世，貪心刻削。或見天尊星辰，生慳貪心。或見靈觀經法，生慳貪心。或見道士法師，生慳貪心。或見父母、男女，生慳貪心。或見貧窮孤老，生慳貪心。或見死亡殘疾，生慳貪心。或見牢獄枷鎖，生慳貪心。或見荒年飢餓，生慳貪心。或見行旅囚徒，生慳貪心。或見水火急難，生慳貪心。或見奴婢役夫，生慳貪心。或見天仙星宿，

不肯布施。或見天尊靈壇，不肯布施。或見經籙齋醮，不肯布施。或見寫經造像，不肯布施。或見大德法師，不肯布施。或見貧窮孤老，不肯布施。或見囚徒枷鎖，不肯布施。或見疾病困苦，不肯布施。或見水火急難，不肯布施。或見行旅急切，不肯布施。或見荒年飢餓，不肯布施。夫人生一日之活百年生計。生既不將一錢來，死亦不將一錢去。一朝身歿，萬事皆空，幾許愚癡，慳貪悋惜，略无慈心，氣絕死亡，七寶珍玩、屋宅庫藏、莊田土地、盡屬他人。妻子悲啼，骨肉分散，有何所益。生存積業，一一受報，不忍聽聞。吾又見下界衆生，終日積罪業，貪毒縈心，刻削孤貧，略無恤念。或於天尊聖像前，生諸瞋怒心。或於宮觀經法前，生諸瞋怒心。或見道士出家，生諸瞋怒心。或見寫經造像，生諸瞋怒心。或見齋醮道場，生諸瞋怒心。或見廟庭鬼神，生諸瞋怒心。或見老病孤貧，生諸瞋怒心。或見牢獄囚徒，生諸瞋怒心。或見生死急難，生諸瞋怒心。或見水火凶灾，

生諸瞋怒。或見荒年飢餓，生諸瞋怒。或見奴婢役夫，生諸瞋怒。或見孤貧求乞，生諸瞋怒。或見牛馬六畜，生諸瞋怒。如是等心業，无量无边，立身處世，舉心措意，略无慈忍。今日歸命懺謝，咸乞滅除。

元始上帝曰：吾觀下界衆生，處世立身，六識暗昧，略无片善。或於天尊聖像前，行諸愚癡。或於星辰大道前，行諸愚癡。或於宮觀玄壇前，行諸愚癡。或於經籙道場，行諸愚癡。或見道士出家，行諸愚癡。或見虛空賢聖，行諸愚癡。或見父母妻兒，行諸愚癡。或見天地日月星辰，行諸愚癡。或罵詈天地，呪詛鬼神。或逆叛君父，不孝宗親。或返凶作禍，立法亂常，內姪骨肉，外殺他人，不信罪福因緣，宿命報對，謂自己長存，不生不滅，不分善惡，不識賢愚。如此愚癡，不忍觀見。諸大真人，燒香朝謝金闕上帝，自今日已後，普願下界，一切衆生，身心口意三業，並皆釋放。常得六根清淨，永无争競，常行柔軟心、調和心、慈愛

心，不放逸心，不傲慢心，无貪悋心，長行歡喜心，常生不殺救護心，常行孝義忠信心，常行濟貧拔難心，常生利物饒潤心。若人行如是心，即有十天善神衛護，永消世厄，散滅罪殃，永无憂怖，神仙接引，皆得超度。

元始上帝再告左右侍真曰：自今已後，下界群生，若有善信奉道之人，爲一切愚癡、罪障惡業及飛走群毛、鳥獸六畜等，建立靈壇，誦經禮懺，然燈燒香，拜表上章，醮謝天地、日月、星辰、五嶽、四瀆、酆都冥官精心不退者，吾遣太乙救苦天尊，開北靈紫館琅玕藏中，出碧簡金文、天尊懿號，稱敷讚歎，吟詠洞章，思真念道，乞削落九幽長夜靈官之府玉匱之函，使五苦並原三塗解釋，脫落群毛，永離罪業，盡得超度，返身人道，不滯苦難，長處逍遙，所願遂心。是故燒香，歸身歸命，五體投地。

志心朝禮，
玉清聖境虚无自然元始天尊，
上清真境太上道君靈寶天尊，

太清仙境太上老君道德天尊，

太上昊天至尊金闕玉皇上帝，

南極星主紫微上宮天皇帝，

中天星主紫微中宮北極大帝，

承天效法厚德光大后土皇地祇，

南極長生大帝統天元聖天尊，

東極青華大帝太乙救苦天尊，

貞明大聖九天應元雷聲普化天

尊，

九天雷祖大帝除災濟物天尊，

紫微碧玉宮太一天帝保制劫

運天尊，

六天洞淵大帝伏魔上上太一天

尊，

六波天主帝君普施法潤天尊，

九天可韓司丈人朱陵度命天尊，

九天採訪使應元保運妙化天尊，

東方九炁天中青靈始老洞空天

尊，

南方三炁天中丹靈真老洞清天

尊，

西方七炁天中皓靈皇老洞虛天

尊，

北方五炁天中五靈元老洞微天

尊，

中央一炁天中玄靈元老洞真天

尊。

志心朝禮，下方真皇洞神天尊。

志心朝禮，積功成聖天尊。

志心朝禮，凝神照境天尊。

志心朝禮，和神利物天尊。

志心朝禮，總領眾靈天尊。

志心朝禮，幽照无極天尊。

志心朝禮，善斷迷惑天尊。

志心朝禮，好解羅網天尊。

志心朝禮，瓊瑤寶蓋天尊。

志心朝禮，朱景洞照天尊。

志心朝禮，體悟萬行天尊。

志心朝禮，洞淵微妙天尊。

志心朝禮，萬行圓滿天尊。

志心朝禮，无量玉皇天尊。

志心朝禮，大乘空惠天尊。

志心朝禮，還功報德天尊。

志心朝禮，隱跡全道天尊。

志心朝禮，高皇洞晨天尊。

志心朝禮，法雲流潤天尊。

志心朝禮，闡揚妙法天尊。

志心朝禮，尊妙无雙天尊。

志心朝禮，玄智遠照天尊。

志心朝禮，變見法界天尊。

志心朝禮，威降慈緣天尊。

志心朝禮，湛寂體玄天尊。

志心朝禮，玉京垂惠天尊。

志心朝禮，保度應運天尊。

志心朝禮，太微光範天尊。

志心朝禮，真相具足天尊。

志心朝禮，導世无遺天尊。

志心朝禮，法緣常濟天尊。

志心朝禮，勸發无礙天尊。

志心朝禮，大光常照天尊。

志心朝禮，道炁含育天尊。

志心朝禮，道炁含育天尊。

志心朝禮，降伏强梁天尊。

志心朝禮，延光布像天尊。

志心朝禮，永證道源天尊。

志心朝禮，妙福无邊天尊。

志心朝禮，志節微妙天尊。

志心朝禮，常傳真戒天尊。

志心朝禮，光德具足天尊。
志心朝禮，无量增益天尊。
志心朝禮，華蓋浮雲天尊。
志心朝禮，沖和淨樂天尊。
志心朝禮，玄隱無爲天尊。
志心朝禮，幽源不測天尊。
志心朝禮，永住無相天尊。
志心朝禮，陶化四生天尊。
志心朝禮，太虛常寂天尊。
志心朝禮，紫虛觀微天尊。
志心朝禮，證真靜意天尊。
志心朝禮，紫府凝神天尊。
志心朝禮，恒遊寂處天尊。
志心朝禮，信樂正法天尊。
志心朝禮，勝業潛耀天尊。
志心朝禮，默念無爲天尊。
志心朝禮，高真定智天尊。
志心朝禮，玄臺勤德天尊。
志心朝禮，群靈普衛天尊。
志心朝禮，揮靈妙用天尊。
志心朝禮，凝神生惠天尊。
志心朝禮，乘景浮生天尊。
志心朝禮，救度八難天尊。

志心朝禮，延壽無盡天尊。
志心朝禮，寂住玄都天尊。
志心朝禮，和光隱妙天尊。
志心朝禮，窈冥神化天尊。
志心朝禮，清淨真意天尊。
志心朝禮，慧業廣德天尊。
志心朝禮，至極安樂天尊。
志心朝禮，端靜凝和天尊。
志心朝禮，最勝妙果天尊。
志心朝禮，善救世界天尊。
志心朝禮，湛相淳和天尊。
志心朝禮，百寶勝嚴天尊。
志心朝禮，廣布神化天尊。
志心朝禮，高虛最妙天尊。
志心朝禮，開化玄宗天尊。
志心朝禮，南丹暉惠天尊。
志心朝禮，朱靈寶德天尊。
志心朝禮，妙力寶王天尊。
志心朝禮，虛極垂感天尊。
志心朝禮，慈和忍愛天尊。
志心朝禮，尊貴無邊天尊。
志心朝禮，寧撫萬神天尊。
志心朝禮，宴豫景像天尊。

志心朝禮，總朝上帝天尊。
志心朝禮，玄理垂文天尊。
志心朝禮，西那靈應天尊。
志心朝禮，善導洪源天尊。
志心朝禮，雲華見相天尊。
志心朝禮，凝寂金闕天尊。
志心朝禮，善消魔試天尊。
志心朝禮，元皇真一天尊。
志心朝禮，靈應無極天尊。
志心朝禮，無滯無著天尊。
志心朝禮，玉清金相天尊。
志心朝禮，北真鍊妙天尊。
志心朝禮，無礙慈惠天尊。
志心朝禮，九幽拔罪天尊。
志心朝禮，隨願往生天尊。
志心朝禮，慈悲救苦真人。
志心朝禮，慈悲救度真人。
志心朝禮，慈悲轉輪真人。
志心朝禮，玄通真人。
志心朝禮，太妙真人。
志心朝禮，九光真人。
志心朝禮，普慈真人。

志心朝禮，拔難真人。

志心朝禮，護命真人。

志心朝禮，救死真人。

志心朝禮，廣惠真人。

志心朝禮，度命真人。

元始上帝告五帝神仙、三界衆聖

曰：吾今演說天尊寶號、真人名位，遣救苦真人齋此真經，降下人間，散布十方，使一切天人解悟，皆得神仙。若有奉道之人、修真男女，每遇三元五臘、本命生辰，爲上世亡魂、六親父母，追薦幽魂，懺謝夙生罪犯。或陷身在六畜群毛、水族蛟蜃、濕居鱗甲、一切蠢動之中，乞出離苦惱，返生人道，神仙接引，魂度南宮，夙劫重殃，咸皆釋放，獲福无量。

志心朝禮，

德山福地仙官聖衆，

藍水福地仙官聖衆，

玉峰福地仙官聖衆，

天目山福地仙官聖衆，

商山福地仙官聖衆，

張公洞福地仙官聖衆，

魚湖洞福地仙官聖衆，

中條山福地仙官聖衆，

司馬悔山福地仙官聖衆，

綿竹山福地仙官聖衆，

甘山福地仙官聖衆，

瑰山福地仙官聖衆，

金城山福地仙官聖衆，

雲山福地仙官聖衆，

北邙山福地仙官聖衆，

武當山福地仙官聖衆，

女几山福地仙官聖衆，

少室山福地仙官聖衆，

廬山福地仙官聖衆，

西山源福地仙官聖衆，

南田山福地仙官聖衆，

玉蟠山福地仙官聖衆別本作玉璫，

抱犢山福地仙官聖衆。

元始上帝再告左右真人曰：吾今

遣救苦真人齋此寶經，散布下方，使一切人天轉禮，爲上世亡魂、六親眷屬，追薦懺悔，幽魂受度，仙化成人，超凌三界，逍遙上清。若有男女世人，三元八節，拜表上章，虔謝天地，修奉清齋，

誦詠三清寶號，諸天真人爲地獄幽魂、群毛六畜、水族濕居、一切蠢動，懺除罪犯。乞洗滌夙殃者，普使拔出地戶，永離鬼官，轉化成人，普得超度。

沖妙先生燒香朝謝金闕上帝而獻頌曰：

玉帝垂靈貺，天宣告萬靈。救拔九幽苦，廣演三洞經。名奏南丹府，魂超北寒庭。永離炎鑊獄，徑出冰池城。神仙同救度，逍遙上太清。

太上靈寶朝天謝罪大懺卷之十

（陳耀庭點校）

023 太上靈寶十方應號天尊

天尊懺

經名：太上靈寶十方應號天尊懺。十卷（原缺卷一、卷三至九）。底本出處：《正統道藏》洞玄部威儀類。

太上靈寶十方應號天尊懺

卷之二 原缺卷一、卷三之九

爾時，妙行真人聞太上說善惡因緣，報對事已。禮拜讚歎，至誠苦切，重白太上曰：衆生愚癡，沉迷世網，不能自覺。得免罪中，流轉生死，常處苦處，上望慈尊，願見開悟，使來生男女，歸心善道，不落三塗。

太上曰：一切衆生，捨身受身。無量劫來，身心情意，眼耳鼻口，構成諸罪。沉迷觸法，內造外造。六情互

起，更遞相生。罪根增長，念念成非有

無量之罪，數等塵沙。結習來久，總在

身中，先緣今緣，從劫至劫，不可記識。

一念歸心，皆得清淨。猶如明鏡，前後

塵垢，諸雜不淨，積聚蔽翳，內外濛暗。

若一旦遇其良匠，拂拭磨洗，表裏光

徹，洞照遠近，明淨如初。何以故？本

來明淨者也。衆生亦然，神本清淨，無

諸滓穢。但受形之後，內外塵垢，漸染

成愆。六根六欲，六情六入，六染六

賊，六塵六識，分別是非，妄作穢弊。

內暗外滋，失其真性。流浪死生，動成

罪因，報對相緣，便入地獄，受諸苦惱，

萬劫沉淪。吾以慈悲，憐念衆生，故從

劫至劫，變化人間。或聖或凡，種種應

身，方便教化，流傳經戒，開悟度脫，使

出苦惱。而衆生薄福，不能覺悟，且諸

天上聖、神仙真衆，常欲人滌惡生善，

則善神祐衛。若罪結在身，不知懺悔，

則惡神禍之，生死受苦。一切衆生，唯

知外飾面目、衣服、手足，而不知內洗

身心，以免罪結。若如面目、手足、衣

服之類，勤加洗潔，則善必有歸，咎將

何及。今重分別，各當懺悔。

懺殺生品

太上告妙行真人曰：一切衆生，

過去見存，不念慈悲，殺害衆生，啖食

无厭。或爲父母，以及己身，子孫眷

屬，追隨凶吉，聚集鄉閭，殺害衆生，不

可稱計。或享祀祖先，祈賽社竈，殺害

衆生，亦不可計。或殺牛羊猪狗、驢馬

鷄犬，依人牧養之類。或殺麀鹿狐兔、

虎豹豺狼，山林野獸之類。或殺鵝鴨

烏鵲，鳩鴿鴟鴞、鳧鶩鷓鴣，飛禽之屬。

或殺蟲蛇虺蝎、蜂蠆蚰蜒、蜈蚣蠍蟻、

螻蟻之類。或殺龜鼈龜鼉、魚蝦鱸蟹、

螺蚌蝸蛤，水蟲之類。或殺蜚蝗蠹蟻、

負蝨螟蛉，蚯蚓小蟲之類。或殺蚊蝱

蚤蝨、蜉蝣蚋蟻，端峭化生之屬。或飛

鷹馳犬，窮林竭澤，殺害衆生。或張羅

布網，放火燒山，殺害衆生。或持弓擘

矢，操刀執杖，殺害衆生。或坐卧行

立，手揉足踏，殺害衆生。或起造宅

舍，修築垣壁，殺害衆生。或耕田播

植，穿坑出土，殺害衆生。或薙草平

地，採樵伐木，殺害衆生。或摘花挽

果，生蠶曝鹽，殺害衆生。或然燈熬火，背明向暗，殺害衆生。或引水入穴，熱湯潑地，殺害衆生。飲水食飯，沐髮浴身，殺害衆生。剖胎破卵，傷筋斷骨，殺害衆生。或開口舉意，伸手动足，殺害衆生。或對天尊大道，真經妙法，一切聖賢，殺害衆生。或於天地三光之下，殺害衆生。或於三元八節、十直齋日及風雨暝晦，殺害衆生。或於玄壇靈觀、道場法座，殺害衆生。或因瞋怒愁惱，歡樂歌舞，殺害衆生。或合和湯藥，治療病苦，殺害衆生。或命絕手中，身亡刀下。或因征進。或爲仇讎。或倚豪強。或恃財勢。或斷其頭足，剥去皮毛，猛火煎燒，沸湯潑煮。或生分子母，斷其胎育。或攻絕命根，令其磨滅。或恐殺怖殺、毒藥殺、呪罵殺。或自殺、教他殺、故殺、誤殺、口殺、意殺、心殺、看殺、傳言遣殺。如是等事，隱蔽在身，未曾發露，若無懺悔，永劫縈纏。歸命虔誠，謹當信禮。

志心信禮，大聖至真元始天尊。
志心信禮，清都闡妙天尊。

志心信禮，乾坤開度天尊。
志心信禮，穹崇勝蓋天尊。
志心信禮，轉輪自在天尊。
志心信禮，超凌上境天尊。
志心信禮，回靈感天尊。
志心信禮，逍遙太虛天尊。
志心信禮，廣大玄功天尊。
志心信禮，日月照天尊。
志心信禮，紫府垂惠天尊。
志心信禮，制威魔天尊。
志心信禮，受煉更生天尊。
志心信禮，高妙天尊。
志心信禮，大威力天尊。
志心信禮，梵形天尊。
志心信禮，柏空慧天尊。
志心信禮，度仙高妙天尊。
志心信禮，教化萬物天尊。
志心信禮，常樂導天尊。
志心信禮，玉華靈耀天尊。
志心信禮，玄穹垂化天尊。
志心信禮，金顏天尊。
志心信禮，受經蘊天尊。
志心信禮，散流威德天尊。

志心信禮，至聖覃恩天尊。
志心信禮，識宿命天尊。
志心信禮，入法門天尊。
志心信禮，靜氣天尊。
志心信禮，洞觀妙天尊。
志心信禮，九靈自在天尊。
志心信禮，天門高偈天尊。
志心信禮，龍輿下濟天尊。
志心信禮，慈悲五苦天尊。
志心信禮，香光德天尊。
志心信禮，寶相歡喜天尊。
志心信禮，軫念塗炭天尊。
志心信禮，能度脫樊籠天尊。
志心信禮，龍音慈救天尊。
志心信禮，无礙清淨相天尊。
志心信禮，大慈悲救苦真人。
志心信禮，大慈悲太極真人。
志心信禮，大慈悲普濟真人。
志心信禮，大慈悲妙行真人。
歸依十方无上天尊，諸大真聖。某乙自從无量劫來，捨身受身，或曾犯如上殺生之罪，又或先祖、父母、子孫、眷屬所犯如上殺生之罪，合逮及見今。某

乙今日仰憑大慈之恩，咸得洗懺，冤對解脫，善緣增長。所殺一切毛羣羽族蠕動之類，仗此殊功，並各生化，度脫逍遙。稽首十方真正三寶。

懺三業品

太上告妙行真人曰：一切衆生，沉淪惡道，無由解脫者，皆因身、心、口、三業所犯。一者身業之罪，不念己身，受二儀陶育，三光臨照，四時資養，五行生成，而不知荷戴愧畏。不念己身受父母長養，師尊教授，而不持孝奉。不念己身受國王大臣之庇化，不生忠敬。不念己身受一切聖賢掌括罪福錄籍，而不信善惡報對，謂其自然長存，不覺不知，不畏不悔，不戒不慎，唯貪細滑，多受惡觸，殺盜邪淫，不可勝計，非法亂常，酗酒自恣。二者心業之罪，無明之火，終日煎燒。六情三惑，馳競無厭，萬惡之由，自茲始也。或起偷盜上聖高尊、真經祕籙、靈祠淨境，園林花果，供養法物等心。或起偷盜君國倉庫、賢人長者以及卑賤愚劣，一切等物之心。凡百之物，起一念心，皆

爲偷盜。妄想好惡，生於內；善惡報對，起於外。又或起違負三光，輕量衆聖心。或起陰謀私計，枉陷善人心。或起殺害衆生，故傷物命心。或起諂曲狡僞，奸宄誣罔心。或起嫉人勝己，妬忌自恃心。或起教人作惡，令犯不義心。或起敗人成功，破人作善心。或起離人骨肉，隔人恩愛心。或起違經背法，破齋犯戒心。或見一切形質，起諸慾心。或於一切凡聖，起諸愚癡心。或起背真向僞，信邪倒見心。或起自任愚鄙，不從善化心。或起損彼利此，害他自饒心。或起瞋怒憎嫌，慳貪戲弄心。或起與人一失，忘其平昔恩義心。或起毒語害人，美言致禍心。或起妄動夢想，放蕩不正心。或起口是心非，面譽背毀心。或起急即歸依，退無回向心。如是一切，非平等心，衆生日有。三者口業之罪，一切男女，累積口過，與劫齊深。或啗食五味葷辛，血肉充養，形骸不生，慚愧而無厭足，終日自恣，惡口兩舌，誑妄是非。或於至真大道，天地三光，寶經妙法，賢人

長者，師尊父母，高下貧富，鬼神幽顯。行於華言綺語，曾無信實。凡詞呪咀，惡語誣毀，呵風罵雨，叱咤尊卑，調謔愚智，善言惡對，好結冤非，邪言侮人，巧詞惑衆，評量美惡，鬥亂親疏，詐僞作真，愛虛成實，論人之短，說己之長，添人咎恨，欲進其身，誇誕奸邪，抑屈良善。雖誦經教，內懷矯妄，曾不歸依，自言功德。且夫至神聰直，安在諂求，祈禱無靈，便生謗毀。三業之罪，頃刻不無不知。積重沉舟，積惡墮己。今日歸誠，願皆懺悔。

志心信禮，大聖至真元始天尊。
志心信禮，資益善緣天尊。
志心信禮，飛步朱宮天尊。
志心信禮，長樂身天尊。
志心信禮，大妙高玄天尊。
志心信禮，冲昇金闕天尊。
志心信禮，出世因緣天尊。
志心信禮，金臺清淨光天尊。
志心信禮，德自在天尊。
志心信禮，太極無名天尊。

志心信禮，靈元天尊。

志心信禮，寶明天尊。

志心信禮，善香天尊。

志心信禮，咸承慧日天尊。

志心信禮，端靖真相天尊。

志心信禮，普扇真風天尊。

志心信禮，善觀妙天尊。

志心信禮，金幢天尊。

志心信禮，善意願天尊。

志心信禮，大光明天尊。

志心信禮，威德清淨天尊。

志心信禮，玄慈拯濟天尊。

志心信禮，寶光照無極天尊。

志心信禮，師子威儀天尊。

志心信禮，功德通王天尊。

志心信禮，普明觀天尊。

志心信禮，天憂德天尊。

志心信禮，破煩惱光明天尊。

志心信禮，常靜默天尊。

志心信禮，增益方便天尊。

志心信禮，栴檀德王天尊。

志心信禮，純寶藏天尊。

志心信禮，寶辯天尊。

志心信禮，光明徧冥際天尊。

志心信禮，開通聖力天尊。

志心信禮，虛空相天尊。

志心信禮，仙靈含素天尊。

志心信禮，五雲騰迹天尊。

志心信禮，念羣迷天尊。

志心信禮，大慈悲救苦真人。

志心信禮，大慈悲拔罪真人。

志心信禮，大慈悲普濟真人。

志心信禮，大慈悲妙行真人。

歸命十方無上天尊，諸大真聖。某

乙自從無量劫來，捨身受身，至于今日，所犯三業之罪，無量無邊，隱蔽在身。又或先代所犯罪，及見今某乙受苦報者，仰憑大慈之恩，願垂拯拔，三業原除，六根清淨。免值九幽之下，風刀考身、鐵戟撞心、洋銅灌口、拔舌之罪，並希度脫。稽首十方真正三寶。

釋怨品

太上告妙行真人曰：沉淪惡道，生死苦惱，卒難解脫，展轉對報者，無如怨結之罪深重也。一切衆生，在棄賢世界，未能悟解善道。終日孜孜增

長其業，不知怨恨於身無益。但自目前見事，發諸無明。或中心含蓄，空撓方寸。殊不知天地虛空司命司察及人身中司過之神，錄其憤恨，奏上天宮，定其罪目。救下陰司，一入惡道，備受苦趣，再生人中，又相離一。劫劫生生，無有窮已，皆由自作自受，如形有影，何能逃避。所以至人大則捨位捨身，小則捐華割愛，謹守空寂，不競人我，正爲去此怨恨也。且緣人於至親，固合孝愛深重，反不和樂者多，皆是宿世怨恨之重，故令今生如此。且爲人師尊父母、在長在上者，多責望其事奉報效，小不如宜，則生怨恨。爲人子孫眷屬者，多所望其恩愛蔭育，如其不及，則怨恨生。若無責望，怨恨何有。或於天地三光、高真上聖，生於怨恨；風雨雷電、祁寒暑熱，生於怨恨；君親師長、六親眷屬，生於怨恨；田園家宅、五穀五味，生於怨恨；麻帛綵紉、果實蔬茹，生於怨恨；朋友交執、爭名競利，生於怨恨；經求市易、入賤出貴，生諸怨恨；公私訟理、巧文曲詞，

生諸怨恨；酒色博奕、不辯賢愚，生諸怨恨；是非得失、不持謙和，生諸怨恨；取人長錢、還人短陌，空諸怨恨；不憐老病、不念貧窮，生諸怨恨；呪罵人物、鞭撻人畜，生諸怨恨；阻人口腹、絕人恩愛，生諸怨恨；慳貪恠惜、嫉人勝己，生諸怨恨；滅人自益，危人自安，生諸怨恨；清弱暴寡、捨遺取施，生諸怨恨；輕秤小斗、狹幅短度，生諸怨恨；施人求報、受恩不感，生諸怨恨；辱人求勝、敗人好事，生諸怨恨；使役人畜、不念勞苦，生諸怨恨；恃其無明，小不如意，則狠毒呪詈，欲其速死速滅。萬惱百惡，生生世世，令彼所受，未爲足意。又有懷其怨恨，蘊在心中，無復發露，沒齒不解。至于冥司，方能對報。所以怨恨難解者，如其結縛。若無懺悔，難於解免，展轉不絕，深可痛哉。但自退思，怨恨憤切從無入有，祇積業根。勸諸衆生，早當悟解，速宜改悔，免結縈纏。彼我都忘，怨恨何有。激切一心，謹當信禮。

志心信禮，大聖至真元始天尊。

志心信禮，高上太虛天尊。
志心信禮，普示玄德天尊。
志心信禮，九氣頤生天尊。
志心信禮，玄微淵湛天尊。
志心信禮，妙淨隆德天尊。
志心信禮，真尊康妙天尊。
志心信禮，常護持天尊。
志心信禮，垂法應形天尊。
志心信禮，隨機降福天尊。
志心信禮，廣通玄天尊。
志心信禮，妙尊高天尊。
志心信禮，闡揚玄化天尊。
志心信禮，含真顯慧天尊。
志心信禮，叅玄入妙天尊。
志心信禮，廣行天尊。
志心信禮，無視聽天尊。
志心信禮，大隱宣慈天尊。
志心信禮，布玄化天尊。
志心信禮，太素凝和天尊。
志心信禮，萬真齊證天尊。
志心信禮，清真發耀天尊。
志心信禮，智無極天尊。
志心信禮，玄衆真天尊。

志心信禮，寶雲垂妙天尊。
志心信禮，制劫運天尊。
志心信禮，法澤被無邊天尊。
志心信禮，玄極光化天尊。
志心信禮，功德圓滿天尊。
志心信禮，拔衆苦天尊。
志心信禮，无上至真王天尊。
志心信禮，玉輝相天尊。
志心信禮，通幽顯天尊。
志心信禮，垂象外天尊。
志心信禮，洞清冥天尊。
志心信禮，常拯世難天尊。
志心信禮，玄大法音天尊。
志心信禮，真身定天尊。
志心信禮，濟十苦天尊。
志心信禮，離垢愛天尊。
志心信禮，大慈悲救苦真人。
志心信禮，大慈悲滅罪真人。
志心信禮，大慈悲普濟真人。
志心信禮，大慈悲妙行真人。
歸依十方无上天尊，諸大真聖。
今日奉爲某乙兼及過去父母祖先、師長眷屬，以至九幽六道，一切衆生。志心

禮懺，滅除前件。怨恨之罪，俱得解脫。各當思省，未來之事。不更造作，免其世世生生，怨報无已。或沉或滯，或人或天，惡根永斷，逍遙適樂，無復纏綿。稽首十方无上正真三寶。

太上靈寶十方應號天尊懺卷之二

太上靈寶十方應號天尊懺
卷之十

師尊父母品

太上告妙行真人曰：一切衆生，受大道天地而化，育而託質於父母。其父母提攜乳哺，寒暑晦明，備極養育。及乎成長，即染習惡趣，淫荒嗜好，喜怒悲惱，三業十惡，六情六塵，六入六識，六根六賊，內外漸染，積成愆累，沉墮於棄賢雜惡世界，淪沒於生死愛河幽牢。地獄種種苦處，雖具人事，與夫飛走無異也。若不因師爲其破疑毀滯，開執除惑，示以三乘大法、百千妙戒、經籙符圖、罪福齋法、長生祕訣、度世羽書，方便級引，檢制修行，自邇及遐，超凡入聖，結無量之緣，拔有累之軀，上薦七祖，下濟羣生。是以師尊有度世之恩，父母有生身之德。恩德巍巍，廣大無邊。固合行思，尊敬動，懷孝養。奈何衆生劣薄，自取沈淪，事奉師尊父母，曾無柔順恭謹，侍養孝

愛。始卒違息，先後無間。動生怨結，盡成愆過，不懷度世之愧，不起生身之報。若於諸惡，斯罪益重，如無回向，何以蠲原。今日某乙覺悔首謝，自從無始以來，至于今世。或捨身受法，奉道求師，爲己及人，廣傳經戒。無奉師之意，乏信向之心。負約違科，積咎增過。又或於父母，失恭敬孝養之心，忘生身乳哺之德。如上之罪，無量無邊，結在陰冥，招其報對。並仗廣大威神，無窮惠力，令得洗懺，諸罪消潰，善根增長。若亡者再生人中，道緣堅固，速悟真乘，常得安和，不墮惡道，一心歸命，懇志虔切，奉爲師尊父母，信禮十方，大慈無上尊。

志心信禮，大聖至真元始天尊。

志心信禮，玄智遠照天尊。

志心信禮，德化遐荒天尊。

志心信禮，浮紫霞天尊。

志心信禮，大乘空慧天尊。

志心信禮，萬行圓滿天尊。

志心信禮，大洞淵寂天尊。

志心信禮，悟萬法天尊。

志心信禮，瓊瑤蓋天尊。
志心信禮，斷迷惑天尊。
志心信禮，幽照無極天尊。
志心信禮，領衆靈天尊。
志心信禮，和神物天尊。
志心信禮，法雲流潤天尊。
志心信禮，棲真至隱天尊。
志心信禮，志端妙天尊。
志心信禮，妙福無邊天尊。
志心信禮，證道源天尊。
志心信禮，延光像天尊。
志心信禮，道含育天尊。
志心信禮，大光照天尊。
志心信禮，勸法無礙天尊。
志心信禮，法緣濟天尊。
志心信禮，真相具足天尊。
志心信禮，太微光天尊。
志心信禮，保慶應權天尊。
志心信禮，玉京垂惠天尊。
志心信禮，湛寂凝玄天尊。
志心信禮，行圓虛界天尊。
志心信禮，權輿方便天尊。
志心信禮，神真妙闕天尊。

志心信禮，應緣常濟天尊。
志心信禮，導世無爲天尊。
志心信禮，輪萬法天尊。
志心信禮，光德圓天尊。
志心信禮，無量增益天尊。
志心信禮，沖和淨樂天尊。
志心信禮，玄隱無爲天尊。
志心信禮，幽源不測天尊。
志心信禮，道慧圓天尊。
志心信禮，大慈悲救苦真人。
志心信禮，大慈悲拔罪真人。
志心信禮，大慈悲普濟真人。
志心信禮，大慈悲妙行真人。
歸依十方無上天尊，諸大真聖。某
乙今日發無上道意，仗其大慈之力，應
號如意。伏願前生今世，授道師尊，已
神未聖，已達未達，道心堅固，萬試不
干，速入大乘，證真常道，不生不滅，無
淪無壞。又願曩劫今身，七世父母，或
沉或滯，已生未生，昇入法門。衆惡萬
緣，一時解脫，超凡入聖，合道成真。
稽首十方正真三寶。

地獄品

爾時，妙行真人稽首上白曰：衆
品妙議，咸所聞知。未審地獄苦處，復
有幾種，輕重若何。太上曰：所修既
有等差，地獄豈無輕重。但人死之時，
地司關奏上界諸天帝王、三元四司，定
其罪目，輕重有配。復稽首敬問曰：
死者，皆經地獄否？

太上答曰：若積習善行，有諸功
德。上天已錄生簡，便即轉形，還生福
報。豈復更經地獄也。但積惡之人，
命過之後，當受對報。或入酆都泰山
二十六地獄，或入九幽十八地獄，或入
東方風雷地獄，或入南方火翳地獄，或
入西方金刀地獄，或入北方寒冰地獄，
或入東北方鞭捶地獄，或入東南方焦
然地獄，或入西南方熱鐵牀地獄，或入
西北方鑊湯地獄，或入中央斧鉞地獄，
或入下方糞穢地獄，或入監天地獄，或
入平天地獄，或入自然地獄，或入九平
地獄，或入青詔地獄，或入玄天地獄，
或入九正地獄，或入玄沙地獄，或入皇
天地獄，或入禁伐地獄，或入北玄地

獄，或入律令地獄，或入無間地獄，或入女青地獄，或入天乙地獄，或入太幽玄地獄，或入五嶽之獄，或入四海九河之獄。如是等獄，幽牢苦閉，長夜寒庭，猛燄飛風，疾雷驚震，鋒刀劍戟，鐵杖金鎚，銅柱鐵牀，身抱體卧，毒禽猛獸，霜牙雪齒，互加考責。以至灰河萬派，毒浪千尋，浸漬其間，切楚何極。長驅猛吏，執罰神兵，百億萬衆，種種拷掠，一日之中，萬死萬生。當此之時，追悔何及。動經一劫，罪畢受生。或作驢牛騾馬，令人乘駕。或作羽毛鱗甲，令人屠戮。受此報已，方作人身。復又愚癡醜陋，神識不具。唯處下劣，手足虧折，眼目盲瞽聾啞，顛邪苦疾。加至飢寒凍餓，衣食不充，刑法備加，常在苦地，稍異畜類，未嘗安處。皆自先業，何由逃避。若無懺悔，安能免之。是故歸命一心，丹倒苦切，奉爲師尊父母、宗親眷屬，次及某乙，遠泊一切衆生，懺除地獄，信禮大慈無上尊。

志心信禮，大聖至真元始天尊。

志心信禮，玄一天尊。

志心信禮，住元相天尊。

志心信禮，揮神妙用天尊。

志心信禮，羣靈普衛天尊。

志心信禮，玄臺勤德天尊。

志心信禮，高定智天尊。

志心信禮，默念無爲天尊。

志心信禮，勝華潛耀天尊。

志心信禮，遊寂處天尊。

志心信禮，紫府凝神天尊。

志心信禮，澄真淨天尊。

志心信禮，紫極微觀天尊。

志心信禮，太虛常寂天尊。

志心信禮，杳冥神化天尊。

志心信禮，至極安樂天尊。

志心信禮，最勝天尊。

志心信禮，端靖和光天尊。

志心信禮，華廣德天尊。

志心信禮，清淨真天尊。

志心信禮，和光隱妙天尊。

志心信禮，超冥際天尊。

志心信禮，度八難天尊。

志心信禮，乘景浮空天尊。

志心信禮，凝神生慧天尊。

志心信禮，湛相淳寂天尊。

志心信禮，極虛感天尊。

志心信禮，度幽海天尊。

志心信禮，飛形相天尊。

志心信禮，體真實天尊。

志心信禮，消魔試天尊。

志心信禮，悟劫天尊。

志心信禮，玄宮治天尊。

志心信禮，朝宴樽桑天尊。

志心信禮，寧撫萬神天尊。

志心信禮，妙力寶真天尊。

志心信禮，南丹慧天尊。

志心信禮，開玄隱天尊。

志心信禮，啓神化天尊。

志心信禮，百莊嚴天尊。

志心信禮，大慈悲救苦真人。

志心信禮，大慈悲拔罪真人。

志心信禮，大慈悲普濟真人。

志心信禮，大慈悲妙行真人。

歸依十方无上天尊，諸大真聖。某

乙洎師尊父母，宗親眷屬，遠及一切衆生，自從無始以來，至于今日，曾未覺悟，動積冤愆。尚慮命過之後，入此諸

大地獄，受斯責報，得無畏悚。並願從今一懺，盡得消除，苦趣不經，善緣增長。亡者受生，幽牢罷對，快樂自然，永離惡道。稽首十方真正三寶。

發願品

太上告妙行真人曰：吾向所宣妙義，一一罪福，各有等差；一一修行，皆示要逕；一一法門，普皆開闢。所以爲衆生而言也，言直而理顯，文通而義貫，除迷破疑，超凡入聖，盡在於此由，專誠取悟而已。而常念一切衆生，不能廣發大願。心心濟物，念念度人。或人或天，皆起平等。至于身心口意，耳鼻舌根，常能清淨，堅固不退，動作卧息，皆能行之。損此利他，先人後己，積功於身，常行洗懺。罪根既滅，善芽日生，可不妙哉。敬禮慈尊，次發大願。

志心信禮，大聖至真元始天尊。
志心信禮，通幽致理天尊。
志心信禮，五雲浮駕天尊。
志心信禮，七寶林天尊。
志心信禮，愍愛一切天尊。

志心信禮，定空法藏天尊。
志心信禮，紫陽寶印天尊。
志心信禮，凝真妙趣天尊。
志心信禮，圓滿智天尊。
志心信禮，玄獨悟天尊。
志心信禮，垂法教天尊。
志心信禮，瓊文受命天尊。
志心信禮，元洞恬淨天尊。
志心信禮，玉清金相天尊。
志心信禮，无滯著天尊。
志心信禮，雲蔭无極天尊。
志心信禮，真源潤天尊。
志心信禮，隨緣會天尊。
志心信禮，平育無際天尊。
志心信禮，清穆休光天尊。
志心信禮，超形物外天尊。
志心信禮，影化虛宮天尊。
志心信禮，人天自在天尊。
志心信禮，上靈壽天尊。
志心信禮，大霄賓廷天尊。
志心信禮，朱蓮妙相天尊。
志心信禮，左玄臻粹天尊。
志心信禮，皓氣凌霄天尊。

志心信禮，太素分形天尊。
志心信禮，智先萬物天尊。
志心信禮，耀无邊天尊。
志心信禮，丹霞舒彩天尊。
志心信禮，浮玉光天尊。
志心信禮，宴鼈島天尊。
志心信禮，紫陽卿天尊。
志心信禮，玄真舉集天尊。
志心信禮，天璆振韻天尊。
志心信禮，妙宥天尊。
志心信禮，妙教天尊。
志心信禮，龍駕行天尊。
志心信禮，大慈悲救苦真人。
志心信禮，大慈悲太極真人。
志心信禮，大慈悲普濟真人。
志心信禮，大慈悲妙行真人。
已上敬禮足，十方大慈應號天尊
一千二百，大慈悲真人一百二十，重復稽首歸依。以此无量善功，无邊真誥，今日某乙發无上道心，奉爲師尊父母、宗親眷屬，以及三塗五苦、九幽六道，乃至飛走蠕動、蠢蠢含生，發大誓願：願大道興化，法教流通，一切生民，皆

得聞見，悟道成真，獲種種福。願天地長久，覆載無窮，日月星辰，照臨無極，循環合度，運轉無虧。願國王平等，動合道意，君臣和慶，祚嗣昌隆。願九州清肅，永息妖氛，四海澄寧，華夷大化。願四時順序，百穀豐盈，民俗阜安，災殃不起。願山川呈瑞，土地和宜，五行舒調，萬物蕃盛。願一切大地鬼神，咸發道心，得成正道。願江海龍王、山川龍王，各起善心，利濟一切，輪昇品位。願大地山精石魅、土木百怪，更形變質，悟善歸真。願一切飛走蠕動，各生靈性。願善信男女，道心堅固，升入法門，女轉男身，聰明自在。願山棲市隱，學道求仙，真心常固，速入大乘。願沉痾苦疾，克得安寧，暗啞盲聾，聰明通利，拳攣跛躄，申息自在。願一切三業，生生覺悟，莫起惡根，免墮苦處。願怨結冤憎，皆得解釋，愚癡者克得智慧，慳貪者克能捨利，散慢者克生恭敬，施捨者心心不退，善事者速皆成就。願一切衆生，覺悟幻身，修真正身。捨煩惱身，得端正身。捨愛慾身，

得快樂身。捨罪業身，得福報身。捨有漏身，得無礙身。捨冤纏身，得逍遙身。捨夭短身，得長壽身。又願一切衆生，覺悟本心，從無明中來。捨瞋怒心，生歡喜心。捨嫉妬心，生和悅心。捨癡惡心，生慈悲心。捨殺害心，生愍恤心。捨慳貪心，生歸向心。去虛妄心，生真實心。又願一切衆生，覺悟情意，從陰中來。去鄙惡情意，生廣大情意。去憂惱情意，生恬暢情意。去嗜慾情意，生真淨情意。去邪佞情意，生正真情意。又願一切衆生，覺悟其口，從無厭中來。去貪味口，得常誦真經口。去破善長惡口，得講論真義口。去兩舌鬪亂口，得慈悲平等口。去呪咀是非口，得讚歎歌詠口。又願一切衆生，捨愛欲眼，得智慧眼。捨瞋怒眼，生慈悲眼。去視惡眼，生睹善眼。去窺覷眼，生正道眼。又願一切衆生，捨聞惡耳，得親善耳。捨淫樂耳，得清淨耳。捨不淨耳，得諦受經法耳。又願一切衆生，鼻去雜息，常得天供名香妙花之氣。又願一切衆生，去諸邪惡

妄動、虛假不正之想，常得雅直專一之想。又願一切衆生，无病无惱，无輪无化，无饑无渴，无禍无屯，无寒无熱，无厄无苦，常得安樂。又願一切冤憎，負命負財，負仁負義，永斷牽纏，各獲自在。又願一切枷鎖牢獄，危難苦厄，並得消除。又願一切惡人，悉起善心，一切三灾，永得消釋。願十方地獄，變爲十極淨地，諸大地獄變作无量寶界。願地獄驚震，化作仙樂，地獄猛火，化爲涼風。地獄寒冰，變爲春煦。地獄膏鑊，化成蓮池。地獄沸湯，化爲法水。地獄刀山，變爲蓮峰。地獄戈戟，化爲旌節。地獄火車，化作寶輦。地獄灰河，化爲瑤池。地獄苦輪，化作法輪。地獄業風，化爲清籟。地獄糞穢，化作香山。地獄吞火食炭，變爲甘露入心。硤石逼身，化作雲梯接道。地獄苦處，盡成樂國。愛河之上，霞作橋梁；苦海之中，雲爲舟楫。地獄罪籍，悉皆消廢。受苦衆生，一時解脫。地獄鬼官，升爲仙官。地獄鬼神，升爲仙侶。又願某乙生生世世，受身捨身。發

此願心，堅固不退。天地可終，此願無終。劫運可盡，此願不盡。陵谷可遷，此願不遷。川瀆可竭，此願不竭。人天共仰，生死同依。同會正真，成无上道。爾時，妙行真人聞是因緣，稽首作禮而作頌曰：

至聖開祕粹，度脫諸人天。大願劫不盡，功德玄中玄。生死皆快樂，魔王自保全。無可無不可，共成无上仙。

元始天尊說經既畢，仙韶大舉，真聖導從，即還上宮，十方清肅。於是妙行真人、諸天帝王及諸真衆，歡喜作禮，要當奉行，流通救度。各各以龍書鳳篆，金函玉蘊，題云：《太上靈寶十方應號天尊經懺》。稽首十方正真三寶。

太上靈寶十方應號天尊懺卷之十

（陳耀庭點校）

024 太上慈悲道場消災九幽懺

九幽懺

經名：太上慈悲道場消災九幽懺。十卷。原題漢葛玄纂集。底本出處：《正統道藏》洞玄部威儀類。

太上慈悲道場消災九幽懺序

三洞法師玄靜先生李含光撰

原夫赤明始開，雲篆肇形於霄極；炎漢後啓，靈文漸布於人間。西蜀則金闕遺科，東吳則太極傳教。繇是大有祕笈、洞真瓊章，張徐顯之於前，陶陸敷之於後。師資繼踵，代生其人矣。

《太上慈悲道場消災九幽懺》者，始自太極左仙公葛玄於後漢桓帝時，居天台上虞山隱身修行，感太極真人

徐來勒下降于仙公之室，以靈寶天書、玉字洞真、洞玄洞神、三十六部寶經授之於仙公焉。仙公在山，精思靜念，數十年間，通神感聖。山精木鬼，衛護稽首。沈魂逝魄，悉得超生。自謂大乘奧旨，可以開導衆生，拯濟沈溺。遂於三洞品內，撮其樞要，纂集懺文，使令當世群生，悉聞悉見。將來多士易悟易行，至於無間。酆都阿鼻寒夜，三途五苦，八難九幽，沈滯苦魂，不遭幽閉。乃及見存過去未來，所犯新罪宿愆，冤結災難，普得法潤，俱會正真，因而流傳。當爾之後，趨惡緣者，百不二三；悟善因者，十有八九。是故仙班之業爰備，化導之功既盈。故立斯文，標于卷首云耳。

太上慈悲道場消災九幽懺 卷之一

太極左仙公葛玄纂集

元始、玉皇上聖，應物流形，隨方立教，教非經寶，莫啓塵迷。口吐瓊文，演茲靈祕，還淳返素，要此憑心，就學有方，見於斯矣。《生神章》經言：元始天尊以龍漢劫，說洞真經一十二部：一曰太上，二曰妙林，三曰太清，四曰徹視，五曰上清，六曰開化，七曰元陽，八曰妙真，九曰開山，十曰十仙，十一曰玉林，十二曰黃老。此經蘊在大洞玉清境藏中。至赤明劫，說洞玄經一十二部：一曰靈和，二曰靈寶，三曰通神，四曰無量，五曰集仙，六曰內祕，七曰至真，八曰集善，九曰練精，十曰生死，十一曰宮圖，十二曰銷魔。此經蘊在大洞上清境藏中。至開皇劫，說洞神經一十二部：一曰太真，二曰至德，三曰黃庭，四曰練氣，五曰道德，六曰元神，七曰大劫，八曰內簡，九曰

神祝，十曰三皇，十一曰按魔，十二曰小劫。此經蘊在大洞太清境藏中。如是三洞真經三十六部，列于金格，七聖垂範，明乎王篇。萬劫一開，法隨人出。三洞者，可總爲一乘。故正一云：三洞雖三，兼而該之，一乘之道。太玄爲大乘，太平爲中乘，太清爲小乘。正一通於三乘。約位明者，三洞主於三清。太玄主上之三宮，太平主中之三宮，太清主下之三宮。此三洞真經，備明奧典，隨方教化，開度人天，接引群生。處於人世，行有高下，法有淺深，能使六道歸真，三乘體悟。我今念將來之世，昇沈六道，幽顯四生，寒夜九幽，羅酆五苦，沈滯魂爽，受諸報對，當生受苦，不脫冤魔。纂于三洞真經，集演慈悲道場，消灾九幽懺法，一部十卷，立義成篇。考究幽玄義周，存歿若人，禮拜尊聖，懺悔冤愆，即得離三惡道中，得轉九清境內，漸悟無爲，歸依大道。太玄經云，昔青童君告言，人爲道亦苦，不爲道亦苦。且唯世人自生至老，至病護身，至死其苦，無量

心惱積罪，至死方絕。況多不終其壽。爲道亦苦者，清淨存真，守玄思靈，尋師奉法，勤心不惰，用志堅恪，亦苦之志。視諸侯之位，如過客；視金帛之寶，如礫石；視執素之貴，如絺綌。可謂能問其道。西城君告言，人死墮三惡道，得爲人難。既得爲人，去女爲男難。既得爲男，情體完具難。既得完具，生于中國難。既生中國，值有道君王父母難。既生值有道君王父母，生世學道有慈仁善心難。既有慈仁善心，信道德長生難。且夫三惡道者，地獄、餓鬼、畜生，難轉人身，乃爲鳥獸蟲畜之類。若欲求免，以何善力？天尊言，若欲求免三惡道者，但當於我應化真聖像前，先廣發志願，次除三業六根，後歸依三寶，然後迴向莊嚴，叙問懺悔，即證人神，會天仙道。

廣發志願品第一

今日道場大衆，及以懺主某，惟念此生，得受人身，處於浮世，獲親真教，瞻禮聖容，稽首歸依，發大志願。一願我今等衆，從今日去，立種種善行，化

六道四生，齊同解脫，永離世間穢雜境土。二願世世生生，得出家，捨俗恩愛，隨緣告乞，廣建福田，常行慈忍，永離人我。三願常逢勝友，引接開示。四願值明師資，受無上道。五願聞正法，如說奉行。六願見天尊，親承聖旨。七願度一切，後已先人。八願以法音，廣宣愚昧。九願諸衆生，皆發道意，信禮經像，修蓋靈觀，香華燈燭，隨力供養。十願我心堅固不退，以此善聞，未見者見。樂小乘者，願不疑大乘。入大乘者，願不疑大乘。願一切衆生悉聞智慧。未省悟者，願當覺悟。已省悟者，願當增長。已增長者，願爲人耳目，爲人道師，爲人父母，爲人兄友，同會道場，共爲法侶。又願諸衆生於經法前、尊長前，所生身處，及他身處，至内外法，不起犯心、慢心、恚心、嫉心、慳心。又願諸衆生，凡所修福，不獨爲己身，普及一切。若見孤獨幽繫疾病，起救心、濟心、道心、真心。又願隱現真聖，同垂覆護，

共以拯拔。令懺主某及我等衆，成就廣願，心同真聖，力願三世父母、六親眷屬、見在世者，悉同安樂。已過去者，不生惡道；未來世者，不結重罪。悉同今日起如斯願果。一拜

除三業六根品第二

今日道場大衆，人各運心，及以懺主某今生過去，未聞正法，多起邪心，識性荒迷，不求至理。《業報經》言，一切有形，皆悉浮假。念念滅壞，曾不暫停，苦惱輪迴，不省不悟，三途往返，萬劫辛酸，受身生身，煩惱纏縛，皆由三業。爲有六根，一眼根，二耳根，三鼻根，四舌根，五身根，六意根。所謂諸根能生諸業，故曰六根猶如草木，生諸華實，展轉相生。故有六情、六慾、六染、六入、六賊、六塵、六識，而色聲香味觸法，本來空寂，不動身心。衆生執繫，妄懷取捨，念念馳競，煩惱纏身，以是因緣，流浪生死。若能清淨智慧，審自思惟。於我像前，悟此六根，則諸根皆盡。三業者，一身業，二心業，三口業。我今等衆及以懺主某，但縱三業，

及以六根，無量劫來，未曾覺悟。特於今日真聖像前，起智慧心，發覺悟意，盟誓除滅。

先當懺身業罪者，身則生來，殺盜淫縱，貪求細滑。懺主某誓從今去，不行殺盜，及貪細滑，不起淫縱，求離愛纏。願遇經法，及對像前，香湯沐浴，潔整形神，念道思真，扣鳴法鼓，存想三寶，迴懺有情，永求清淨果。一拜

次當懺心業罪者，心則生來，貪瞋癡愛，馳騁雜想。懺主某誓從今去，不起貪瞋，不生癡愛，不思邪僻，常慕正真。願遇經法，注念專志，如對三寶，普使歸依，得入無爲果。一拜

次當懺口業罪者，口則生來，綺言妄語，惡口是非。懺主某誓從今去，不恣兩舌，生念存心，常懷清淨，永斷是非。願遇經法，及對聖像前，精專轉念，普使聞知，長證仙聖果。一拜

次當懺眼根罪者，眼則生來虛假，實非真正，恣眼生緣，妄視色境。懺主某誓從今去，不恣兩眼生緣，貪求色想。真正觀視，見相皆空，求盡難思果。一拜

次當懺耳根罪者，耳則生來聞於五音，清濁智辯。懺主某誓從今去，不恣兩耳聞聲，役亂身心，繫纏煩惱。願證寂靜果。一拜

次當懺鼻根罪者，鼻則生來覺於香臭，通達氣息。懺主某誓從今去，不恣兩鼻聞香，分別薰穢，混雜元氣，衝觸靈臺。當證玄虛果。一拜

次當懺舌根罪者，舌則生來貪於五味，無足無厭，言是說非，讒忠佞善。懺主某誓從今去，不恣於舌，了嘗滋味，鬥諛口舌，及起播揚。得證正真果。一拜

次當懺身根罪者，身則生來只欲貪歡，歿後孰知受苦。懺主某誓從今去，不恣身緣貪慕邪淫，及縱歡娛，常求退身度人。歸證大道果。一拜

次當懺意根罪者，意則生來無定堅固，變易難量，猶如猿馬，喻若火風。懺主某誓從今去，不恣意根，終始一定，動息不亂。入證自然果。一拜

今日道場大衆，人各運心，及以懺主某所懺如上三業六根罪業，上願十方

無上靈寶天尊、諸尊諸聖、諸真諸仙，已得道大聖衆，十方隱現一切尊聖，發護念心，擴慈悲意。當令懺主某曠劫以來，至于今日，所有罪業，願從一發念心，盡皆消滅。乃至生身父母、受度師尊、億曾萬祖、兄弟六親、姻蘿眷屬，見在今世，及未來世，承斯懺悔，悉使蕩除。已過去者，不淪惡道，及處幽陰，速證往生長樂國土。一拜

歸依三寶品第三

今日道場大衆，人各運心，及以懺主某，曾聞大藏經言，一切衆生，生身天地，不知覆燾。雖稟大道，罔知寔本。乃背明向暗，逐末棄元，返正歸邪，疏真就僞，三光穢犯，十惡長爲，不生慚愧，常萌蠱心。且夫修善建福者，必先歸依三寶。故經言，若不歸依三寶，是故善法無可依憑。三寶者，道寶、經寶、師寶。趣向不同，果因各異。道寶者，三界十方，分形萬化。或爲國主，或作帝師，立以天地，覆育生靈，釋赦罪源，消蕩災難，乘龍現相，駕輦騰空，自在無爲，故尊道寶。經寶者，華臺紫

字，騫樹玄文，天上人間，仙官祕藏，蒼龍寶軸，白鳳瓊函，四品五千，玉編金簡，玄空之案，霜羅之巾，究竟大乘，故尊經寶。師寶者，未明法則，那別根由，欲度愛河，達于道岸，若無階梯，及以舟楫，不得師資，如何證果，成就戒品。立此法身，故尊師寶。今日道場大衆，及以懺主某，伏爲平安。追薦，對真對像，懺罪懺愆，稽首投誠，歸依敬禮。

稽首歸依，十方一切道寶。一拜

稽首歸依，十方一切經寶。一拜

稽首歸依，十方一切師寶。一拜

今日道場施主，及以大衆，仰願十方無上一切正真三寶。伏願慈悲普降，妙感隨機。懺主某伏爲平安。追薦，依憑三寶，虔奉至真。伏願玄光慧力，常度四生，穩泛慈舟，永蔭三界。當使人神悅意，幽顯荷恩。聞見者，願入法緣禮敬者，悉令悟道。一拜

迴向莊嚴品第四

今日道場大衆，人各運心，稽首歸依三清四境、八極九霄、三十六天、三十二帝，四維上下、五方無極、十方無上

靈寶天尊，至真明皇道君，太上老君，諸君丈人，十二仙君，十方已得道大聖衆，中天三皇星帝、日月五行、二十八宿、南宮北斗、璿衡衆曜、五嶽四瀆、四海九州、名山大澤主宰高真，司命司錄、五帝三官、冥司曹局、九幽羅酆、六宮九府、左右上下地府官屬，九土三十六皇君，此界龍神一切賢聖。伏願共降無私，同迴有鑒。懺主某伏爲事意，至誠在心，精嚴舍宇，命經請像，然燈爇香，稽顙投誠，請我等衆，遍禮十方無量化現應號天尊。惟願諸大真聖、諸大神仙、諸大主宰、諸大龍王，虛空靈識，證明懺悔，拯拔有情，普使聞知，獲悟大道。懺主某五體投地，一心發念，稽首慈尊，敬禮真聖。

志心敬禮，玉清降福天尊。

志心敬禮，尋聲救苦天尊。

志心敬禮，玉寶皇上天尊。

志心敬禮，福生無量天尊。

志心敬禮，延壽益筭天尊。

志心敬禮，長生保命天尊。

志心敬禮，消災解厄天尊。

志心敬禮，八卦護身天尊。
志心敬禮，九宮捍厄天尊。
志心敬禮，紫清降福天尊。
志心敬禮，興大福力天尊。
志心敬禮，法橋大度天尊。
志心敬禮，保命護身天尊。
志心敬禮，太一救苦天尊。
志心敬禮，隨機赴感天尊。
志心敬禮，流形億劫天尊。
志心敬禮，分形萬化天尊。
志心敬禮，普慈護國天尊。
志心敬禮，逍遙快樂天尊。
志心敬禮，隨願往生天尊。
志心敬禮，無邊際天尊。
志心敬禮，功德海天尊。
志心敬禮，海空智藏真人。
志心敬禮，普得妙行真人。
志心敬禮，大慈救苦真人。
志心敬禮，大悲拔罪真人。
今日道場施主，及以大衆，仰願東方無上靈寶天尊，諸尊諸聖、諸大真人、諸大童子，遍十方際、盡玄虛界、隱現一切尊聖。懺主某先願以斯功德，遍

悉莊嚴，上資皇家，億曾萬祖，先皇考妣，七廟尊靈，遷神紫漢，鍊魄朱陵，沐浴寶池，優閑妙苑，披絳霄服，戴翠霞冠，乘三素雲，馭八鸞輦，超凌藥闕，受事玉清，面禮虛皇，齊肩上聖，擢位神真，參名列館，處於上界，利安下土，長庇宗祧，永昌禋祀，享作無窮，普天幸甚。次願當今皇帝，龍圖啓煥，鳳曆騰芳，慶祚無疆，鴻基永固，萬善雲集，千祥霧臻。聖體佳安，宸襟慧照，堯天永覆，舜日長明。然以叡智圓通，德教廣被，號爲盛極。若無古初，澤及華夷，恩覃荒徼，公卿明允，攸序皇猷，文武雄才，孔修帝業，五侯九牧，百辟庶寮，安國寧民，奉公從政，殄消時疹，調泰寰瀛，穀菽豐穰，兵戈消偃，共樂康泰，咸歌聖明。次願皇太子器重元良，道光疊耀，與天合德，與日同明，濟廕羣生，資成聖治。道德天富，禮樂日新，光讚皇猷，恩霑赤子。金枝挺秀，玉葉延芳。皇后、六宮嬪妃，帝女月娥，比艷金母，齊年堅符乾健，無窮永固，坤儀長在，積功累德，內聖外王。諸王帝

族，世子公侯，貴戚朝賢，州牧方鎮，徼巡僚佐，縣長督郵，常負勤勞，每懷忠孝。願承禮懺，體同山嶽，壽比滄溟，長守維城，永安磐石。至德淳厚，惠及蒼黔，獸去珠還，雉馴螟息。光符有道，克贊無爲。次願士農工商一切等衆，普天率土，貴賤尊卑，同霑懺法，傍賴讚揚，各協康安，遍增悅豫。又願潛飛蠢動，一切有情，俱離罣礙，咸得法潤，永消業障，對聖對真，同願同樂。次願懺主某九祖先靈、宗親眷屬、前亡後化、新魂舊識，願承寶相，普度法橋，逕適朱陵，便超火鍊，靈魂瑩潔，受報精通，陞陟仙班，咸光祀葉。見在耆幼、內外姻蘿、各享年齡，宗祊慶瑞，悉霑慈澤，永居聖世，同會道緣。又願三途五苦、八難九幽，無滯圓扉，超生嚴淨，皆承道力，迴向玄功。克洽願心，齊登道岸。一拜

叙問懺悔品第五

今日道場大衆，人各運心，仰對慈尊，叙問懺悔。懺主某拱手當心，長跪諦聽。《昇玄經》言，一切衆生，自從無

量劫來，至于今日，宛轉世間，輪迴生死，飄浪愛河，沈滯聲色，迷惑有無。懺主某不知往業，因何所致；不悟宿緣，從何所得；不悟正真，得離生死。今日有幸，值此懺法，稽首歸依，求審聽受。《業報經》言，昔寒靈丹殿，無上天尊，愍念衆生，生死罪苦，遂即分身三界，散體十方，天上地下，無不經遊。至福德天中天積世界，坐七寶光明，喜與三世已得道大聖衆，諸天天帝、飛天神王、真人童子、無鞅數衆，大會說法。時有普濟真人侍座從無畏中起歎，無量劫來，未嘗見慈尊歡喜得如今日，施大法雲，注大法雨，普令見在，各得解悟，隨分利益，不可思議。願籍神通，欲觀無極世界善惡因緣，開示當來，令知宿命，過去、未來、見在三世之事，說是語已，禮拜伏地，仰聽慈顏。

天尊語普濟言：汝今能發是願，起大善心，利益一切，不可思議。值此因緣，即放九色光明，徹照諸天百億世界，乃至下方無量國土，威神洞徹，照耀無闕，皎在目前，猶如指掌。普濟及

諸大衆，乘此威光，得見諸天之上，衆聖遊戲，項負圓光，身相具足，變見自在，大小隨宜。或駕景騰空，乘龍馭鶴，逍遙應化，神通無闕。見有天男天女、玉童玉女、無鞅數衆。見有鳳凰孔雀、師子辟邪、侍衛左右。見有金堂玉殿、寶臺珠閣、天樂天華、天果天樹、寶池金苑，仙人遊戲，毒龍猛獸，而繞城闕，天厨天供，百味羅列，旛華幢蓋，百寶莊嚴。見有飛臺行館，空裏轉移，天衣雲蓋，虛內相迎。見有土地皆成七寶金銀，珠玉宮殿，園苑竹林，鳥獸音聲，歌樂、衣服、茵席、氈褥，皆悉自然，並非人造。見有諸仙諮問法相，天王以問吉凶，百座千座，乃至萬億寶座，講說大乘，飛仙天仙、諸始學仙問法論難。見有如此福德快樂，自在種種，不可名目之處。又見諸天之下，大聖高真乘雲駕虛，持旛執節按行，衆生罪福籍錄。飛天神王、善惡童子，日日遊行人間，條錄善惡，以奏諸天。雲宮星府、日月宮殿、山川嶽瀆主宰靈官，考較人民，善惡功過。見有五星失度、七

曜差移，二十八宿不依分野，妖星灾曜侵凌帝座。見有國土兵革四興，人民叛亂，水旱蟲蝗，惡風暴雨。見有人民醜宿纏年，凶星加運，天羅爲害，地網爲殃，家門轆軻，人口淪亡，五瘟七疰，作祟爲患，土神墓鬼，依草附木，枉死精邪，妄作先亡，通神攪撓，水木作祟，男女終身，無子有子，不得長大。見有男女枷鎖牢獄，鞭笞考掠，官事口舌，貧窮困苦，無人憐念，長病在牀，求生不生，求死不死，風癩癩癩、邪狂惡疾、愚癡憨騃，身不俱全。見有雷電所傷，遍身生瘡，刀兵水火，燒焚斫射。見有毒蟲猛獸，吞螫音識搏噬。見有孤寡飢寒，獨受辛苦。見有男女中道分離，不終於身，母子分張，爲人奴婢，形容醜陋，人不喜見，壽命短促，懷抱夭亡。見有男女生不具足，手脚攣跛，耳聾目盲，瘖啞百病。見有男女身體破裂，舉身膿血，脣口斷壞，鼻梁崩折，人所憎嫌。見有地上人間，山川嶽瀆、江河淮海，飛禽走獸、水族浮沈，含靈蠢動，種種異類。又於地下九幽羅酆諸獄之

內，見有罪人受種種考捶，不可名目，苦痛辛酸，切骨傷心，罪業報對之處。於是普濟真人今見諸天諸地，有如許因緣，罪福苦樂不同。不知前生何修，今身何犯；前身何福，今生何罪。爲是稟身自然，爲是業報而來，爲是水三使之，爲是父母之因，爲是當身所受，爲是先世種因，爲是罪至一身，爲是殃流子孫，爲是修善可得拔度，爲是任命自然。惟願天尊大慈，賜垂開悟，令衆曉知，宿命因緣。

慈尊答言：一切衆生，皆悉道子。

子有疾痛，父母憂悲；子疾得除，父母安樂。既有斯苦，當須療治。善哉普濟，能發如此深心，開悟法利，覺曉群品。汝之所問，實應吾心。子向不言，吾亦應說。子之慈悲，與吾無異。子之功德，不可思議。爲世福田，爲世舟楫，爲世父母，爲衆導師，爲衆主首，爲衆法學，爲衆因果，但當復座，吾爲說之。今日道場懺主某得聞始劫，無上真人，請問天上天下、地上地下，衆生苦樂，罪福種種，宿命因緣，不可思議。

今懺主某爲平安。追薦，禮此懺文，五體投地，一心發念。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，玉寶皇上天尊。
志心敬禮，作三界師天尊。
志心敬禮，應化自在天尊。
志心敬禮，流光世界天尊。
志心敬禮，傳真普照天尊。
志心敬禮，法源廣順天尊。
志心敬禮，延生浩劫天尊。
志心敬禮，無量慈蔭天尊。
志心敬禮，法藏瓊文天尊。
志心敬禮，廣開方便天尊。
志心敬禮，度衆生厄天尊。
志心敬禮，救八難天尊。
志心敬禮，化三途天尊。
志心敬禮，昌國化人天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，無邊際天尊。

志心敬禮，功德海天尊。
志心敬禮，逍遙快樂天尊。
志心敬禮，隨願往生天尊。
志心敬禮，海空智藏真人。
志心敬禮，普德妙行真人。
志心敬禮，大慈救苦真人。
志心敬禮，大悲拔罪真人。

今日道場施主某及以大衆，仰願東方無上靈寶天尊，諸尊諸聖、諸大真人、諸大童子，遍十方際、盡玄虛界、隱現一切尊聖。伏願普賜慈光，同施法藥，昇遷國家宗祖、七朋三桃，保安帝主國王、臣僚宰輔。度脫懺主某及以我等三世父母、師尊眷屬，上至九祖，下及七玄，信施檀越，應受日月懸照，未顯之界，飛走沈浮、九幽諸獄受罪苦魂，使離殃纏，同超道岸。一拜

今日道場大衆曾聞，昔劫普濟真人，請問天上天下、地上地下，種種苦樂，罪福因緣。懺主某伏願今日投誠，特來聽受經言。昔普濟真人所問，諸天之上，衆聖衆真，於金堂玉殿寶臺珠閣天宮之內，自在遊戲，逍遙變化，種

種不可名目快樂之處。

慈尊言，此由浩劫修行，漸漸階梯，位及仙格。諸天之下，大聖高尊，乘雲駕虛，與人間條錄善惡，奏報諸天，受吾教命，或遷或罰。故在彼處所，是國土界分，水旱蟲蝗，惡風暴雨，兵革四興，皆由文武官屬，倚恃品宦，不依國令，苦虐萬民，託公枉直，販弄王法，故獲斯報。所是人民男女，在世受諸病難，種種魔災，危困苦厄，身相不全。貧窮下賤，死入地獄，受諸報對，萬劫沈淪，在於惡道者，皆從無量劫來，至于今劫，今生今日。或因父母所作，或因己身所爲，上流下延，造三業、六根、十惡重罪。世世相承，受種種苦報；代代相繼，當等等魔折。吾所說衆生造業，凡言一業，其數百種。以略言之，未欲備說。爾時，普濟聞太上許與顯說，善惡因緣，報對事已。禮拜伏地白：太上言，衆生愚癡暗昧，沈迷世網，不能自覺，唯處業緣，流轉生死，受諸罪苦。伏願大慈天尊，愍念開度，使當來衆生，歸心善道，免受苦報，

及落九幽羅酆諸獄，受諸攷捶。

太上言：若有男子女人，能發自然道意，清淨宅宇，嚴潔己身。安立帳座，坐我形像，幡華圍繞，然燈續明，燒香散華供養，行坐念道。或請法師，或自己身，或爲保國泰民，調風順雨，禳灾度難，保安住宅，乞延福壽，祛鬼除邪。或爲父母己身患難，星曜加臨，乞求男女，拔贖出家。或爲伯叔、兄弟、妻子。或爲安慰土禁墓神，保以奴婢生財，及諸種種，危苦憂厄。或爲師君法屬、九祖父母、兄弟伯叔、妻子六親，亡化已來，追資薦拔。但當來向我像前，禮十方無量億數應現化身天尊聖號，投誠雪露，身心懺悔，無量劫來，捨生受生，所在託生，至于今生，今日罪業，即得如願消滅。我之化號，流布人間，載于經內，上消天灾，下滅地禍，中利人民。今世來生，功德不絕。當得國界安寧，帝王延永，星辰合度，風雨順時。魔賊冤家，還成善友。毒蟲猛獸，不生惡心。風水火兵，不能爲害。所願從心，所求如意。九幽諸獄、受罪

苦魂，克離幽牢，即生天界。四生六道，悉同解脫，爾時，普濟真人聞太上說是懺法，得度衆生，身心踊躍，不可思議，讚歎天尊而說偈言：

善哉元始尊，三界所共崇。聖力不思議，智德無等雙。自然七寶座，踊現鞦林中。具足有形相，無礙猶虛空。將示重玄義，開發衆妙門。了出無上道，運轉大乘轅。善巧說諸法，群生普得蘇。我等聞是法，肅然心垢除。不勝情忻悅，稽首禮玉虛。

今日道場大衆，及以懺主某自從無量劫來，未曾值此懺法。今日伏爲平安追薦，恭對慈尊經法像前，發無邊心，起無邊意。五體投地，一心發念。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，玉寶皇天尊。
志心敬禮，應號化主天尊。
志心敬禮，大羅化身天尊。
志心敬禮，分身億萬天尊。
志心敬禮，浩劫垂慈天尊。

志心敬禮，萬寶光明天尊。
志心敬禮，燈光無盡天尊。
志心敬禮，變現無邊天尊。
志心敬禮，慈悲廣度天尊。
志心敬禮，應化自在天尊。
志心敬禮，三界宗師天尊。
志心敬禮，傳真普照天尊。
志心敬禮，開度衆生天尊。
志心敬禮，愍念無盡天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，無邊際天尊。
志心敬禮，功德海天尊。
志心敬禮，逍遙快樂天尊。
志心敬禮，隨願往生天尊。
志心敬禮，海空智藏真人。
志心敬禮，普德妙行真人。
志心敬禮，大慈救苦真人。
志心敬禮，大悲拔罪真人。
今日道場施主，及以大衆，仰願東方無上靈寶天尊，諸尊諸聖、諸大真人，諸大童子，遍十方際、盡玄虛界，隱

現一切尊聖。以大慈悲力、難思議力、度衆生力、安慰衆生力，使諸衆生，若居天道者，令得昇遷無色界；若諸神道者，令超昇入二色界；若生人道者，令登一慾界；若在地獄餓鬼畜生道者，令得人身，永離苦報。又願慈尊領諸徒衆，於道場所禮懺所，顯揚功德，使無量國土皆得受潤，無量衆生皆得度脫，無量法界悉得聞知，無量上士能體大乘，無量中士能行供養，無量下士能生信心，無量天龍衛護其所，無量金剛斷除魔惑。懺主某自從無量劫來，捨身受身，所在托生，至于今生。今日所有一絲一毫、一名一種，以至恒河沙數罪業，從今生今日去，一發念心，願得消滅。乃至父母師尊、伯叔兄弟、己身妻子、六親枝蘿、眷屬等，因今禮懺，悉同解脫，不受苦惱。一切衆生，證無上道。一拜

太上慈悲道場消灾九幽懺卷之一

太上慈悲道場消灾九幽懺 卷之二

太極左仙公葛玄纂集

明鏡慈念品第一

今日道場大衆，及以懺主某，恭敬拱手，諦聽經言。慈尊所說，一切衆生，凡造一業，其數百種，未欲備說，以略言之。於是普濟真人白言，誓爲將來衆生，於是慈尊像前，首述種種罪業，一一懺悔，即未究盡因由，願爲廣說。永劫衆生，得所依止。

慈尊言，世間男女，捨身生身，無量劫來，受身皆因眼耳鼻舌身意構造諸罪，殺生偷盜，邪淫放蕩，慳貪瞋怒，愚癡顛倒，綺言妄語，惡口兩舌，嫉妬勝己，障礙一切，飲食酒肉，違犯經戒，毀壞尊像，不持齋法，不敬師尊，背真就僞，信邪倒見，罵詈鬼神，不奉三寶，訾毀噴噏，輕慢虛誕，耽滯聲色，染習香味，沉迷觸犯，內造外造，展轉相生。六根互起，更遞成愆，罪根增長，念念

成非。有無量無邊罪業，數喻塵沙，結習來久，總在身中，先緣今緣，從劫至劫，一發念心，皆得清淨，猶如明鏡，前塵後塵，無量數塵，乃至脂垢，諸雜不淨，積聚生翳，內外不明。一旦遇其良匠，拂拭磨瑩，表裏光徹，映照遠近，洞朗明淨，還復如初。何以故？性本淨故。衆生亦爾，神本清淨，無諸滓穢，但受形後，內外塵垢，漸染成惡。六根六情，六入六染，六賊六塵，六欲六識，分別妄作，弊穢生身，內翳外滋，失其真性，流浪生死，寢入罪由，報對相緣，便沈地獄，受諸苦惱，萬劫沈淪。吾以慈悲，憐念衆生，故從劫至劫，輪轉人間。或夏或夷，或老或少，或凡或聖，或女或男，或貴或賤，種種化身，方便教化，度脫衆生。經教流傳，開悟一切，使離苦惱，永出泥犁。但衆生智劣，不能解悟。我今爲汝，廣示因緣，重更分別，使將來衆生，歸心善道。普濟聞說法喻，及從分別，身心踊躍，讚詠慈尊而說是偈：

善哉元始尊，衆生真父母。重說

三六根，更示明鏡諭。善巧救沈淪，慈悲拔衆苦。我等聞是法，身心了諸故。永劫於道場，爲衆說法主。

今日道場懺主某伏爲平安 追薦得聞偈頌，指諭懺法，不可思議。五體投地，一心諦聽。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，好生度命天尊。
志心敬禮，上光不動天尊。
志心敬禮，大通靈應天尊。
志心敬禮，上德光天尊。
志心敬禮，流布王天尊。
志心敬禮，無礙音天尊。
志心敬禮，常法輪天尊。
志心敬禮，轉諸難天尊。
志心敬禮，無邊明天尊。
志心敬禮，德明王天尊。
志心敬禮，靜妙天尊。
志心敬禮，香明天尊。
志心敬禮，方華天尊。
志心敬禮，淨觀天尊。
志心敬禮，念離天尊。

志心敬禮，行世天尊。

志心敬禮，長生保命天尊。

志心敬禮，太一救苦天尊。

志心敬禮，普慈護國天尊。

志心敬禮，無邊際天尊。

志心敬禮，功德海天尊。

志心敬禮，逍遙快樂天尊。

志心敬禮，隨願往生天尊。

志心敬禮，海空智藏真人。

志心敬禮，普濟普度真人。

志心敬禮，大慈救苦真人。

志心敬禮，大悲拔罪真人。

今日道場施主，及以大衆，仰願東方無上靈寶天尊，諸尊諸聖、諸大真人，諸大神仙、諸大童子，遍十方際，盡玄虛界、過去未來，隱現一切真聖。以甘露雨，洗諸塵垢，願慈光力，度脫衆生，達其彼岸，畢竟清淨。以今懺主某伏爲平安 追薦禮此懺文，惟願救苦力、扶度力、濟護力、消灾力、功德力、保安力，使悉如意。一切有情，普同懺悔，歸證道果。一拜

今日道場大衆，及以懺主某重復至

誠，諦聽經言，大地衆生，所居棄賢世界，浮幻穢雜，地獄餓鬼畜生，盈滿報地。修善人少，作惡人多。如此世界，有四時遷謝，尅筭人命，有長有短。春夏秋冬，風雨寒熱，晝夜晦明，日月相促。地土沙礫，高下傾危，山河險阻，草木荆棘，無一可樂。所受人身，生老病死，不淨假合，危脆難安。爲有身故，求及衣食，或不充足，飢渴困乏，衆苦逼身。王法驅馳，無由自在。頑愚下劣，所見淺拙，交朋無識，共爲伴侶。眼觀惡色，耳聞惡聲，鼻嗅惡香，舌嘗惡味，身受惡觸，意緣惡法，如此之事，無量無邊。壽命無常，特可怖畏。念遷謝，無時暫停。石火電光，迅速無比。百年幾日，時歸中間。如是衆多種種苦事，無暫安樂。又念衆生，業相不絕，性識剛硬，喻如土地，瓦石相夾。多欲之人，多求利故，苦惱亦多。常知足者，雖於地上，猶爲安樂。不知足者，雖處天堂，尚不稱意。又念久積惡緣，斷絕善根，癡愛迷執，不省悟故。無明障翳，兩眼盲故。或新業縈纏。

或宿冤相報。爲臣不忠，爲子不孝，心懷陰賊，密相讒呪。邪鬼所侵，累經疾病，非橫口舌，不明暗至，仕進不達，所求不得。水火兵傷，生離死苦，種種憂悲，說不能盡。又念煩惱障重，難逢善果，乃至聞見，不求不願，超生離苦，而恃姿容少壯，男女眷屬，峻宇華堂，種種娛樂，惟保生全，一朝敗壞，不問富貴，大限有期，所爲何用。又念衆生不知，世界虛假，人天夢幻，病苦危脆，憂惱縈縛，光陰倏忽，寒暑變遷。不以片時覺悟修善，只欲長泛苦海，久滯生死。我念衆生，過於父母。父母念兒，恩止一世；我念衆生，慈周永劫。父母見兒不孝，心致疏離；我見衆生不善，慈念轉加。若衆生死入九幽羅剎、無間諸獄罪中，我常說法，代與受苦。今見汝之所問，衆生罪福因緣，如吞鐵石，似箭入心，行慈悲念，無忘時頃。今說懺法，將救沈迷。汝當勤行，廣度後劫。於是普濟，重宣偈言：

元始無上第一尊，超踰三界無等倫。無數劫來積妙行，具足清淨福惠

因。煩惱結習皆已斷，畢竟故業不造新。神通威力無所畏，洞達三世了俗真。圓備智慧諸功德，集此妙法以爲身。處在地獄代衆生，能受鑊湯爐炭熱。寒水冰泉體不傷，劍樹刀山身豈裂。見他苦惱心悲哀，爲他受苦意歡悅。是故致得妙報身，月涵滄海光澄徹。容受一切無障礙，生育萬物不窮竭。遊入三清法位中，心傳慈化流無絕。我等稱揚未足云，恩隆不盡浮生劫。

今日道場大衆，人各運心。懺主某認四大虛假，三界浮華，壽限難定，體貌不堅，業累所縈，愆訛是作。今日值此懺法，發願懇懃，叩頭鄭重。滅三毒火，起百善心。伏爲平安。追薦禮此懺文，五體投地，一心諦聽。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，好生度命天尊。
志心敬禮，大羅圓極天尊。
志心敬禮，寶光通照天尊。

志心敬禮，收魔滅惱天尊。
志心敬禮，常善護天尊。
志心敬禮，合道真天尊。
志心敬禮，愛行道天尊。
志心敬禮，太素身天尊。
志心敬禮，敕司命天尊。
志心敬禮，拔十苦天尊。
志心敬禮，慈悲愛天尊。
志心敬禮，觀妙天尊。
志心敬禮，獲慶天尊。
志心敬禮，三氣天尊。
志心敬禮，萬真天尊。
志心敬禮，玄元天尊。
志心敬禮，度難天尊。
志心敬禮，寶洞天尊。
志心敬禮，瑠璃天尊。
志心敬禮，長生保命天尊。
志心敬禮，太一救苦天尊。
志心敬禮，功德海天尊。
志心敬禮，無邊際天尊。
志心敬禮，普慈護國天尊。
志心敬禮，逍遙快樂天尊。
志心敬禮，隨願往生天尊。

志心敬禮，妙行真人。

志心敬禮，廣信真人。

志心敬禮，大慈救苦真人。

志心敬禮，大悲拔罪真人。

今日道場施主某及以大衆，仰願東南方無上靈寶天尊，諸尊諸聖，諸大真人，諸大童子，遍十方際，盡玄虛界，隱現一切真聖。垂廣念心、慈悲心、度脫心、消灾心、集福心、救苦心，令懺主某所願諸心，乘真聖果，拯拔有情，同登至道。一拜

懺妄想品第二

今日道場大衆，人各運心，仰對慈尊，懺悔妄想罪業。懺主某歛心長跪，諦聽經言。一切衆生，自從誕育身形，染諸塵濁。眼觀五色，鼻嗅五香，舌嘗五味，耳聽五音，俱爲冗雜。正聲不辨，正色不視，意起羸兇，耽迷執滯，造衆業端，皆從妄想。若男若女，一發念心，來向我前，懺悔種種罪業。先懺妄想，及以疑惑，次懺諸業。普濟言，何爲妄想？慈尊曰，衆生妄想顛倒，皆從心起。強生分別，繫念於身，觸境生

迷，舉心皆妄。爲是義故，智慧觀身，骨肉肌膚、形體毛髮、六根四大、五臟百神，諦想思惟，總無實處。共相假合，結聚成身。表裏尋求，我在何處。身既是假，心即成空。空假非真，悉爲妄想。身爲妄想，諸法皆然。彼我是非，愛憎取捨，色聲香味，嫉妬慳貪，殺盜邪淫，綺言惡語，凡諸作業，泯爾皆除。內外清虛，自合真道。是諸衆生，若於三寶前，行諸妄想。或於道場前，行諸妄想。或於經法前，行諸妄想。或於講讚前，行諸妄想。或於天地虛空前，行諸妄想。或於日月星辰前，行諸妄想。或於諸聖諸尊真像前，行諸妄想。或於國王帝主前，行諸妄想。或於文武官屬前，行諸妄想。或於出家法身前，行諸妄想。或於父母、伯叔、兄弟、枝蘿眷屬前，行諸妄想。或於師尊法屬前，行諸妄想。或於賢良智慧前，行諸妄想。或於靈壇聖跡前，行諸妄想。如是諸妄想，或已行，或未行，心意纒生，便受重罪。心生妄想，罪業身當，見在家門。足諸魔難，六疾

纏染，作不遂心，困苦相加，禍及七玄，咎累世世。己身不闡正法，不了真理，死入火翳地獄。受諸罪攷，當生非男非女之身。若不懺悔，永劫沈墜。於是慈尊，而說偈言：

生前心妄想，欺弄於一切。死入火翳獄，形容盡焦爛。後生非男身，醜陋得人惡。見世作愚癡，不聞真理法。

今日道場大衆，及以懺主某無量劫來，至于今生今日，師尊、同學、門徒、父母、兄弟、己身骨肉，有諸妄想，未曾懺悔。今日伏爲平安 追薦禮此懺文，五體投地。一心諦聽，稽首慈尊，敬禮真聖

- 志心敬禮，玉清降福天尊。
- 志心敬禮，尋聲救苦天尊。
- 志心敬禮，好生度命天尊。
- 志心敬禮，無量智慧天尊。
- 志心敬禮，神力無礙天尊。
- 志心敬禮，智光勝天尊。
- 志心敬禮，皆受記天尊。
- 志心敬禮，塵沙妙天尊。
- 志心敬禮，真聖智天尊。

志心敬禮，威光天尊。

志心敬禮，化氣天尊。

志心敬禮，勝相天尊。

志心敬禮，真遊天尊。

志心敬禮，常觀天尊。

志心敬禮，八極天尊。

志心敬禮，真聖天尊。

志心敬禮，真化天尊。

志心敬禮，長生保命天尊。

志心敬禮，太一救苦天尊。

志心敬禮，普慈護國天尊。

志心敬禮，無邊際天尊。

志心敬禮，功德海天尊。

志心敬禮，逍遙快樂天尊。

志心敬禮，隨願往生天尊。

志心敬禮，法解真人。

志心敬禮，太極真人。

志心敬禮，大慈救苦真人。

志心敬禮，大悲拔罪真人。

今日道場施主某及以大衆，仰願東方無上靈寶天尊，諸尊諸聖、諸大真人，諸大童子，遍十方際、盡玄虛界、過去未來、隱現一切真聖。以大道心、真

聖心、無量心、無礙意、難思意、功德力，令懺主某無始已來，捨生受生，至于今生今日、九祖七代、己身眷屬、存亡二世，所有妄想，顛倒業因，承此懺悔，願獲消滅。從今已去，願證真聖心，行無爲道。惡想惡業，永不造作。更願聖力道力，令種種衆生，悉入叡聽，得受安樂，歸悟大道。一拜

除疑惑品第三

今日道場大衆，人各運心，仰對慈尊，懺除疑惑罪業。懺主某至心斂念，諦聽經言，念以衆生，身雖浮假，塊爾有形，痛痒疼酸，飢寒暑濕，內動外觸，念念相侵。心不調和，憂惱俱至。如何觀想，頓得除滅。

慈尊言且疑惑，虛妄爲以。一切有形，皆悉浮假，念念無常。衆生執着，妄見爲有。若知身不有，諸苦皆無。但自忘身，衆惑皆滅，云何重有痛痒疼酸。普濟復言，衆生疑惑，執繫已深，頓遣忘身，實不可得。云何方便，漸示因緣。

慈尊言當須定志，智慧觀身，諦聽

思惟，總無所實，更起疑惑，是致沈淪，此諸衆生，業行不純，受報殊別。如形散影，似響應聲。貴賤善惡，須顯參差。既有參差，而不了其本性。見長生者，不知從精進奉戒中來。見短壽者，不知從屠殺中來。見富貴者，不知從濟貧拔苦中來。見貧困者，不知從貪盜不足中來。只知見長生者，我欲長生；只知見富貴者，我欲富貴。如此慕欲，誰無念想。不知往業宿因，生來以定。是謂疑惑，是諸衆生。凡見經懺，不能轉讀，不能深信，故生輕毀。見三界外，不信是樂；見三界內，不知是苦。三界外者，無爲自在，天堂快樂，天衣天食，長生曠劫，却言是苦。三界內者，日月相催，寒暑推遷，四百四病，官法牢獄，刀兵水火，生老病死，却言是樂。性識不同，致生疑惑。見人長齋蔬素，不言華飾，草衣木食，形如枯木，心若寒灰，不知有超昇解脫，惟欲自求荼毒。見人持奉戒法，誦經行道，翹勤不退，願國安寧，願身解脫，唯言無端，故自求苦。見人麗質，強生

毀想。見人抄寫經像，不生信心，却乃斜眉角眼，共相毀說。種種自不能行，皆生疑惑。對三聖前，起諸疑惑；對道場前，起諸疑惑；對經法前，起諸疑惑；對真像前，起諸疑惑。是諸衆生，終日使役身心，動思動念，發心發想，生諸疑惑，何時暫息，不知推尋真理，滅諸疑惑，但縱業根，妄生猶豫。能知識者，魔惑自滅；不知識者，疑想轉加。如此人等，死入風雷地獄，受報不同。慈尊發念，重說是偈：

生世心疑惑，死入風雷獄。手足寸寸斷，日夜常悲泣。劍樹歷刀山，楚痛徹心骨。轉生禽獸身，受報無期出。

今日道場大衆，若乃猶豫疑惑，今生不斷，後更復增，是由積善，故得無罪。汝今未免生死，輪迴往返。若受此報，悔將何及。今遇道場懺法，洗滌前愆，歸依懇切。懺主某乃知人命，生身無定。一世須臾，百年幾日。自從無量劫來，捨生受生，至于今生今日，縱恣六情，起諸疑惑，師資同學，及以所生父母、伯叔、兄弟及諸眷屬，有諸

疑妄罪業，未曾覺悟。今日伏爲平安追薦禮此懺文，五體投地，一心諦聽，稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，好生度命天尊。
志心敬禮，金簡法藏天尊。
志心敬禮，明珠洞啓天尊。
志心敬禮，元皇廣化天尊。
志心敬禮，太一法天尊。
志心敬禮，金紫極天尊。
志心敬禮，真妙相天尊。
志心敬禮，無量壽天尊。
志心敬禮，大品量天尊。
志心敬禮，道德普天尊。
志心敬禮，太真王天尊。
志心敬禮，景曜天尊。
志心敬禮，應真天尊。
志心敬禮，玄應天尊。
志心敬禮，素真天尊。
志心敬禮，延生天尊。
志心敬禮，長生保命天尊。
志心敬禮，太一救苦天尊。

志心敬禮，普慈護國天尊。

志心敬禮，無邊際天尊。

志心敬禮，功德海天尊。

志心敬禮，逍遙快樂天尊。

志心敬禮，隨願往生天尊。

志心敬禮，大隱真人。

志心敬禮，救脫真人。

志心敬禮，大慈救苦真人。

志心敬禮，大悲拔罪真人。

今日道場施主某及以大衆，仰願東方無上靈寶天尊，諸尊諸聖、諸大真人，諸大童子、遍十方際、盡玄虛界、過去未來、隱現一切真聖，行攝念法。令懺主某無量劫來，捨生受生，至于今生今日，九祖七玄、存亡二世眷屬，起諸疑惑，受斯禮懺，願當解脫，入歸信門。惟行秉志，以趨向爲心，見內外法，修善作福，抄經供像，不起疑惑，及生障難。見男女端正，及以世間種種善事，永誓恭敬，隨順歡喜，使進其人，願得善果，普及一切，四生六道，同得超昇，證無上道。一拜

滅心火品第四

今日道場大衆，人各運心，仰對慈尊，懺滅心火罪業。懺主某拱手頂禮，長跪諦聽經言，一切衆生，初分南北，漸認東西，愛好嫌羸，喜富賤，信心所造，不度短長，貪利忘恩，隔親憐外。見華飾，無足無厭；聞簡實，如隙如罅。山比罪名，風如善果。又智見褊短，氣格頑愚，恣縱而行，言執己是。貪婪無足，鄙恡何窮。見善如讎，聞惡即喜。積財巨萬，猶說困窮。造業深多，常言公當。從初至末，豈覺豈知；累月逾年，不懺不悔。疑惑妄想，皆自心生；癡愛貪瞋，亦從心起。心生瞋喜，擗祖本切節無定。飲酒殺生，恣情欣悅。衣冠整束，羅綺充形，色想便生，家傾國喪。誇張少壯，強逞華嚴，不慕良朋，惟親惡友。終朝耽惑，至暮荒迷。不識宗親，不敬父母。一迷不返，如火燒山，風火熾盛，撲滅尤難。風生火上，意在人心。火旺風高，心尋意逐。癡愚凡質，執染爲真。心想風生，渾成虛假。於是慈尊，重宣偈頌：

瞋想魔冤對，言語便差殊。意氣不相和，顏色生瞋怒。瞪目斜眉視，猶同五色蛇。亡命即須臾，自縊地獄苦。勸衆生改悔，不滯在狴牢。但發大道心，罪障盡消滅。

爾時，慈尊復語普濟言，衆生罪從心起，罪從心滅。但發一念，盡得消除。業之纏身，如繩繫鳥，縱使遊走東西南北，隨繩長短近遠而去，隨處飲食，謂言爲樂，不知有人收繩而取鳥。隨繩至近，欲擒著始知驚怖。即入人手，生死由人。雖復悲鳴，匍匐叫喚，無奈何者，無救護者。人之造業，亦復如是。不攝六根，縱恣七識，作諸惡事，心不體了，繫結成業，隨業受身，無相業繩，結縛其心。縱生富貴，及以畜生、餓鬼、疾病惡道之中，種種變化，隨處歡娛，謂以爲樂，都不覺知。先所冤家債主，在於冥陽，尋業收取，非禍暗至。種種苦惱，不自覺悟。怨咎神明，信邪倒見，殺生祭祀，前殃見受，更造新冤。當此之時，無救護者，無奈何者。

今日道場大衆，如經所述，大可思惟，當須怖畏。無相業繩，是乃不善。捨身受苦，皆由心造。若不懺悔，何以消除。又如形影，從無明生，從無明滅。當須慙愧，洗浣身心，至誠懺悔。懺主某無始無量劫來，捨身受身，至于今身，師尊師資，上下法屬，父母兄弟，六親眷屬，爲有心火，使作業緣，無量無邊，不可勝記。今日伏爲平安 追薦禮此懺文，五體投地，一心諦聽，稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，好生度命天尊。
志心敬禮，普現道德天尊。
志心敬禮，慈周三界天尊。
志心敬禮，廣化六道天尊。
志心敬禮，飛丹照極天尊。
志心敬禮，寶林元洞天尊。
志心敬禮，靈應無窮天尊。
志心敬禮，智力精進天尊。
志心敬禮，浮羅景天尊。
志心敬禮，慈濟永劫天尊。

志心敬禮，智慧圓滿天尊。
志心敬禮，永登晨天尊。
志心敬禮，光妙天尊。
志心敬禮，開明天尊。
志心敬禮，廣濟天尊。
志心敬禮，衆妙天尊。
志心敬禮，太微天尊。
志心敬禮，妙解天尊。
志心敬禮，法海天尊。
志心敬禮，長生保命天尊。
志心敬禮，太一救苦天尊。
志心敬禮，普慈護國天尊。
志心敬禮，無邊際天尊。
志心敬禮，功德海天尊。
志心敬禮，逍遙快樂天尊。
志心敬禮，隨願往生天尊。
志心敬禮，妙行真人。
志心敬禮，妙相真人。
志心敬禮，大慈救苦真人。
志心敬禮，大悲拔罪真人。
今日道場懺主某及以大衆，仰願東南方無上靈寶天尊，諸尊諸聖、諸大真人，諸大童子，遍十方際、盡玄虛界、過

去未來、隱現一切尊聖，以大道心，發無爲力，令懺主某心火所生，所造諸業，仗今懺悔，願當消滅。自今日去，前咎懺畢，更不重造新愆。若見人發真正心，修諸善果，不以成與不成，備與不備，迴心發念，歡喜慚愧，明進其人，所願善緣，度脫法界衆生，及以我等，九祖七玄、四生六道，同得解脫，歸依大道一拜

太上慈悲道場消災九幽懺卷之二

太上慈悲道場消災九幽懺 卷之三

太極左仙公葛玄纂集

斷煩惱品第一

今日道場大衆，人各運心，仰對慈尊，懺斷煩惱罪業。懺主某歛心長跪，諦聽經言，一切衆生，生從托廕父母胞胎，或長富，或少貧，或前貴，或後賤，或一惡，或百惡，或男，或女，不省輪迴，莫分終始。爲有煩惱，煩惱生於執見，執見生於顛倒，顛倒生於妄想，妄想生於疑惑，疑惑生於衆苦，衆苦生於諸業。諸業既造無常，逼迫不得自在。

慈尊語普濟言，煩惱是衆生受身，處在在世，不惟富貴貧賤，男女皆求衣食。須慕生緣，供給所須，支持日用，牽縈王法，拘鐐尊卑，合會親眷，分別恩愛，乃至老病死亡。或不終其壽，隨業流轉，三惡道中，漸遠人天。不覺有無常苦。智明了故，體無想故，以智慧故，覺妄想故，辯疑惑故。不以爲苦，

任放縱性，恬愉安樂。隨念生心，隨心造業。執見爲事，顛倒爲非，對境妄想，慕求疑惑。縱恣六根，造洄沙數罪業；不慎三業，種無量億地獄。皆因煩惱，執染身心。有身，則有煩惱；無身，則無煩惱。既有煩惱，當須修習。普濟言：修習何善，得離煩惱？

慈尊言：消滅三業，立三善行：一心善行，二身善行，三口善行。且心善行者，一不貪愛，二不瞋怒，三不愚癡。清廉尅己，少欲知足，制伏貪取，斷除求利，慈忍恬柔，寬和容恕，挫解瞋恚，常無忿怒，觀妙守靜，達有通無，能於諸法，智慧明了，是名心善行。次以身善行者，一不殺害，二不竊盜，三不邪淫。仁慧博施，愍念群生，濟生度死，謙卑退讓，非義不取，捨身命財，無所吝惜，真正清潔，遠離邪淫，不色不慾，心無放蕩，是名身善行。所謂口善行者，一不矯妄，二不華綺，三不兩舌，四不罵詈。發言信實，常無虛誑，所說真正，能無華飾，詞旨中平，清直無二，能不彼此，背向兩端，聲氣調和，柔軟

清潤，巧說法相，吟詠洞章，是名口善行。三行既善，則無疑惑。既無疑惑，則無妄想。既無妄想，則無顛倒。既無顛倒，則無執見。既無執見，則無煩惱。既無煩惱，則無衆苦。既無衆苦，則無諸業。既無諸業，則爲安樂，入無爲道。於是，普濟聞說三善行法。一切衆生，皆得煩惱病愈，讚歎慈尊，當作是偈：

稽首聖中真法主，能說衆生煩惱藥。衆生心中無價寶，常被六賊來劫剝。瞋恚怒箭攢射心，無明愛鎖無關鑰。人我枷杻防禁身，六親魔想專相掠。今依三行善驅除，永劫應無四相著。今日道場大衆，及以懺主某聞此煩惱，大可思惟。無量劫來，悉見諸苦。是樂諸樂，是苦今生，不能覺悟，斷除煩惱。後更復增，宿業相纏，住此幻世，不見大道，不悟真詮，煩惱禍殃，日生繫縛。今遇慈尊經教，廣說法門，顯喻煩惱，提携愚暗。令一切有情，悉得開悟。懺主某自從無始劫來，至于今劫，今生今日，九祖七玄，存亡二世，一

切眷屬，但縱身三業、口四業、意十業，從無始無明，造三毒、四趣、五蓋、六塵、七漏、八垢、九結、十纏，使不自在。煩惱但在牢籠，處於流浪。今日遇此懺法，如日處晝，如月當夜，如盲得明，如啞得語，如聾得聰，如罪得赦。伏爲平安 追薦禮此懺文，五體投地，一心發念，稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，玄真萬福天尊。
志心敬禮，飛行世間天尊。
志心敬禮，元陽量化天尊。
志心敬禮，轉我身天尊。
志心敬禮，鏡心淨天尊。
志心敬禮，高上妙天尊。
志心敬禮，常安靜天尊。
志心敬禮，玄妙門天尊。
志心敬禮，常清淨天尊。
志心敬禮，出生死天尊。
志心敬禮，大莊嚴天尊。
志心敬禮，觀妙身天尊。
志心敬禮，常普覆天尊。

志心敬禮，高玄天尊。
志心敬禮，祐神天尊。
志心敬禮，轉法天尊。
志心敬禮，真妙天尊。
志心敬禮，昌陽天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，無邊際天尊。
志心敬禮，功德海天尊。
志心敬禮，逍遙快樂天尊。
志心敬禮，隨願往生天尊。
志心敬禮，左玄真人。
志心敬禮，右玄真人。
志心敬禮，大慈救苦真人。
志心敬禮，大悲拔罪真人。
今日道場施主，以及大衆，仰願南方無上靈寶天尊，諸尊諸聖、諸仙諸大真人，諸大天衆、諸大童子，遍十方際，盡玄虛界、過去未來、隱現一切真聖。同垂善力，救護衆生。令懺主某永斷煩惱，使離塵染，爲過去見在，作其善力，助彼三途，永離惡趣，及我等衆，得生

十方淨樂國土。一切煩惱，結習罪因。乘此懺悔，咸得消滅。從今日去，行真相道，無生怠慢。願得智慧方便善力，消諸災難，保安國土，度脫六道幽顯、四生九祖遠魂、三代淨識，同出牢籠，齊登道岸。一拜

淨塵勞苦業品第二

今日道場大衆，人各運心，仰對慈尊，懺悔諸塵勞苦罪業。懺主某歛心，歸命歸依，諦聽經言。一切衆生，自從生誕形體已來，頭負圓天，足履方地，肌屍醜穢，骨肉腥凡。不避星辰，常干風雨，累此陽過，必犯陰愆。但以天地之內，不問貴賤，罪目無量。或因三業生罪，或從六根起過，或自內心邪僻，或藉外境染著，或從三毒根起四顛倒，或從三業生一百八煩惱，或從五見生六十二見，或從十惡起四十種惡，或從六情生八萬四千諸塵勞門。或從一念一頃，生四顛倒，起一百八煩惱，造六十二見，立四十種惡，造八萬四千諸塵勞苦。何況一日、一月、一年起於念想，何況經於歷劫，起於衆罪，於是勞

苦相尋相覓，無有窮已。然其罪根生於三種。普濟言，何者爲三？一者是惱，二者是業，三者是想。爲此三種，不能見聖，及人天勝妙好事。若一日、一時、一念，悟其三障，乃至三業、六根、一百八煩惱、六十二見、四十種惡、八萬四千塵勞苦業，皆得清淨。是諸衆生不信吾言，不依經說，不知解冤，不求解脫，積惡塵沙，罪滿天地。三

毒、十惡、五見、六塵、六染、六入，復生無間罪業，或造不成就，信行斷業，誣讎天尊，訛謗三寶，破滅賢聖，毀正法業，不信罪福。起十惡業，迷真返正癡惑業，不忠君主邪佞業，不孝二親返戾業，輕慢尊師無禮敬業，朋友無信不義業，作四重罪障聖道業，毀犯淨戒破八齋業，五篇七障缺犯業，不信十戒不論輕重方便汙精思業，年六長齋月十齋不常修業，諸威儀中不如法業，二千四百威儀微細業，障不修身戒心慧業，春秋八王造衆業，行多種惡犯戒六儀業，於苦衆生無愍傷業，不矜不念無憐愍業，不拔不濟無救護業，心懷嫉妬生彼

我業、怨親二境不平等業、耽荒五慾不厭離業、因衣因食園林浴池生薄逸業、或善有漏回向三聖障出家業，如是等業，皆無量無邊，說不可盡。普濟言，當用何等心，令此業障罪滅？

慈尊言，先當興七種善心，以爲方便，可得除滅。何等爲七？一是慚愧，二是恐怖，三是厭離，四是發無上善心，五是怨親平等，六是念報天尊、國主、師尊、父母之恩，七是觀諸妄想，罪性皆空。若人不得此善心，不起懺悔，殃累遠祖，禍染將來，及今見世，盲聾長病，死入九幽諸獄，萬劫方生，餓鬼非人之形。爾時，慈尊乃言此偈：

若人不善心，無故作諸業。一絲及一毫，乃至無量億。死入十八獄，種種受諸苦。後生飢虎中，常不得飽食。縱得生人身，水火刀兵殺。或復得長病，風狂及顛癲。

今日道場大衆，如經所言，寔堪恐怖，身中有斯勞苦，積劫何以覺知，無明所覆。或自行十惡，或教他十惡，或讚歎十惡，或明進十惡。一念一頓，想

於十惡。或一毫一種，他日受報，追悔何及。今須努力，精進懺悔。若在六道，及處四生，見受未受苦報者，我今發念，願同解脫。懺主某伏爲平安 追薦禮此懺文，五體投地，一心發念，稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，玄真萬福天尊。
志心敬禮，龍王變度天尊。
志心敬禮，萬劫輪轉天尊。
志心敬禮，十方應號天尊。
志心敬禮，難思議天尊。
志心敬禮，除煩惱天尊。
志心敬禮，德高遠天尊。
志心敬禮，塵沙妙天尊。
志心敬禮，法耀身天尊。
志心敬禮，智難勝天尊。
志心敬禮，幽法極天尊。
志心敬禮，上清天尊。
志心敬禮，進道天尊。
志心敬禮，化應天尊。
志心敬禮，知苦天尊。

志心敬禮，化物天尊。

志心敬禮，信慧天尊。

志心敬禮，度厄天尊。

志心敬禮，僊度天尊。

志心敬禮，太一救苦天尊。

志心敬禮，長生保命天尊。

志心敬禮，普慈護國天尊。

志心敬禮，逍遙快樂天尊。

志心敬禮，隨願往生天尊。

志心敬禮，無邊際天尊。

志心敬禮，功德海天尊。

志心敬禮，妙用真人。

志心敬禮，體解真人。

志心敬禮，大慈救苦真人。

志心敬禮，大悲拔罪真人。

今日道場施主，及以大衆，仰願南方無上靈寶天尊，諸尊諸聖、諸大真人，諸大神仙、諸大天仙、諸大童子，遍十方際、盡玄虛界、過去未來、應號一切真聖。以太玄水洗蕩，懺主某及經生父母，受法受度師尊，伯叔兄弟，男女眷屬，今緣昔緣，無量無邊，諸塵勞苦罪業。仗今懺悔，願承道力、真聖力、

懺法力、因果力、難思力、功德力，願得消滅，使悟諸見，了達玄理。普願一切衆生，不滯塵勞罪業，體悟無爲，歸依大道。一拜

歸信敬品第三

今日道場大衆，人各運心，仰對慈尊，懺悔不敬信罪業。懺主某頂禮長跪，諦聽經言，一切衆生，造作惡緣，施爲不當，心如火盛，炎炎不揀，媿妍意似刀鋒，凜烈豈論強弱。積時累日，經月逾年，不能以時修其片善，日積愆訖，轉加冤濫。彌增苦業，永劫沈論。今緣昔緣，從劫至劫，運心舉意，生不信敬，誹謗三聖，毀壞三聖，輕慢三聖，穢汙三聖，戲弄三聖，罵詈三聖，呪詛三聖，欺忽三聖，傲誕三聖，噴囑三聖，啗食三聖，誑惑三聖，侵奪三聖，費損三聖。訾毀經懺，評論真僞，妄言得失，強辯是非，分別淺深，僉議短長。形容不淨，衣服不淨，手脚不淨，屐履不淨，口氣不淨。飲酒食肉，啗嚼葷辛，口出穢言，心不恭敬。或不洗手，或不燒香，或不盥口，或不沐浴，即入玄壇，便

臨法座。或詣道場，聽法聞經，逼近尊像，穢污真聖，神仙靈人、玉童玉女、金剛神王、天丁力士，護法威神。或對天尊大道經法，出家法身，形容傲誕，不肯禮拜稽首歸誠。或卧聽法師大德講說三洞大乘經典。或酒肉葷糝，乘騎車馬，直入道場，逼近天尊，看讀經懺。或見持齋受戒，永不信從，稱爲虛矯。或領男女同入道場，聽法聞經，高聲大語，惱觸法徒。或發言舉意，先論是非，較量功德。或依倚三寶，方便求財。或假法教，誑惑男女。或費用三寶財物，自供己身。或恐協出家法身，求其長短，取其財貨，養育眷屬。或擎經像，市中教化。或於行路，假言功德，聚集財物，自將入己。或將經像，假貨貨售，供給骨肉。或高座說法，得以襯施，惟將己用，或不參經戒符籙法文，便作人師，受以施財。或廣引弟子，不擇賢良，授度經法，泄其真祕。或不按科律，受稟師尊，自任己心，增減經法。或尊像前暴露埃塵，損壞常住。或堂殿傾頽，經法穢汙。或破壞

旛燈功德，不敬睥容。或竊盜寶經，同諸俗典。或私將抄寫，不肯護持，混雜凡書，曾無恭敬。或安牀枕，一處眠卧。或在房院，臭穢狼籍，手擎葦觸，及語真經。或叛道背師，自違盟誓。凡諸舉意，一切運心，皆犯明科，違犯戒律，此之罪目，無量無邊。若人犯不敬信，一絲一毫罪業，見世令眷屬不圓，先逝受苦，己身當受蠱癩病報，死入九幽地獄，萬劫方生，受野獸身。爾時，慈尊為諸未悟，乃說偈言：

生世不敬信，毀壞道真容。上聖及仙真，靈人與神人。玉童將玉女，金剛并力士。侍衛威神等，一切諸形像。破損及輕慢，穢汙不恭敬。訾毀出家人，言詞無上下。打罵加凌忽，淫犯生戲弄。傲誕自嘖嘖，評論諸經法。強說是與非，破齋又破戒。偷盜三寶財，種種不信敬。死入九幽獄，備歷十八中。足履刀山上，兩手攀劍樹。裸身抱銅柱，赤體卧鐵牀。頭上戴火山，背常負鐵杖。飢則食火炭，渴乃飲鎔銅。鑊湯沸爛煮，火車燒爍身。碓擣更磔

磨，倒懸又倒立。鋸解又刀刑，針鋒貫肢節。硤石逼其身，寒冰斷筋骨。煨塘走東西，跳躑不得住。腥穢常臭處，漣汲溟波水。以灌於四瀆，惡鳥爭啄睛。銅狗來咬齧，毒蛇競吞噬。牛頭折其脊，一日萬死生。苦痛不可忍，當生受蠱癩。

今日道場大衆，謗聽是偈，如經所說，深切憂驚。造此罪因，何能曉悟。若有斯罪，受報難逃，追悔之時，莫能得及。宜各精進，審悔罪訖，若在六道，受四生身者，大身小身，相啗相食。或未受報，我今恭敬，普願解脫。懺主某伏為平安 追薦禮此懺文。五體投地，一心發念。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，玄真萬福天尊。
志心敬禮，洞空化號天尊。
志心敬禮，無量應天尊。
志心敬禮，證得道天尊。
志心敬禮，常歡喜天尊。
志心敬禮，妙法歡天尊。

志心敬禮，常救物天尊。
志心敬禮，不變相天尊。
志心敬禮，法舍天尊。
志心敬禮，玄官天尊。
志心敬禮，應化天尊。
志心敬禮，太虛天尊。
志心敬禮，道海天尊。
志心敬禮，碧落天尊。
志心敬禮，常道天尊。
志心敬禮，降伏天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，逍遙快樂天尊。
志心敬禮，隨願往生天尊。
志心敬禮，無邊際天尊。
志心敬禮，功德海天尊。
志心敬禮，智藏真人。
志心敬禮，廣信真人。
志心敬禮，大慈救苦真人。
志心敬禮，大悲拔罪真人。
今日道場施主，及以大衆，仰願南方無上靈寶天尊，諸尊諸聖、諸大真

人，諸天仙衆、諸大童子、諸大龍神，遍十方際，盡玄虛界、隱現一切真聖。伏願蕩除苦趣，蠲免惡源。懺主某自從生身以來，所有罪業，承今懺悔，一發念心，乞願消滅。自今已去，常懷信敬，省察前非，洗心後悔。願當來世，轉輪不絕，永得長生，過去逝魂，俱超生處。見在親緣，常居福地。得證無爲，早登聖果。一拜

除障礙品第四

今日道場大衆，人各運心，仰對慈尊，懺悔障礙罪業，懺主某至心長跪，諦聽經言，一切衆生，以貪欲心，構起六識、六塵、六欲、六染，起愚癡妄想，生諸障礙。明明造罪，心起不知。故故爲非，言猶自是。都緣昏昧，何認罪愆。但稱彼短己長，何別他尊。我劣不察，分身貴賤，高下不鈞。貴則深堂峻宇，拖紫紆金，朱壁椒房，丹臺玉楯；賤則蒼頭跣足，逐後迎前，聲氣低微，格式卑下。富則輕裘肥馬，奧食精羞，言如鍾響，心似海闊；貧則饑寒在念，禮義乖疏，言行相違，施爲不當。

分茲身業，豈解秉持，違過更多，孰能覺悟。自居世網，却起障心。退人歸依三寶天尊聖教。退人信重大道經法。退人忠順帝王。退人供侍師尊、上下法屬。退人孝順父母。退人爲國轉經行道。退人爲家消灾乞福。退人爲國憂勤。退人爲家勤苦。退人發無上道心。退人行道歌詠。退人持戒守白。退人放生活命。退人誦經長善。退人忍辱受恥。退人布施歡喜。退人修行精進。退人隱居山谷、服氣吐納。退人修道求覓飛昇。退人抄寫經文、莊嚴條軸。退人粧塑尊像、生發信心。退人修蓋靈壇宮觀，召人住持。退人設齋造供。退人苦身煉行、磨琢心性。退人供養法身。退人恭敬焚修。退人平等無二。退人出離塵染、永除煩惱。退人禮懺謝過、得免灾難。退人道場香燈晝夜。退人聰明智慧、常習經書。退人學藝修飾身名。或以恩愛退人，或以情義退人。或以利濟退人。或以指教退人。或以貪愛退人。或以輕慢退人。或以縱性虛誕退人。或退人種

種好事，應是他人一絲一毫善事。善事既發，不可妄生障礙。凡生障礙者，爲己身，不知善事是解脫出塵之路，自不能行，而乃互生障礙。若造一障一礙事，獲無量無邊罪，令見世己身、老病孤獨，願無所遂，死入九幽地獄，受一切苦，萬劫方生，作魚鼈身，受人剝剔。若不懺悔，無由解脫。爾時，慈尊救諸衆生，而說是頌：

前世無善心，障礙於一切。玄說詭誑語，言前非生路。恩愛與情好，貪染及輕觸。留戀同爲惡，死入流沙獄。縱得受人身，貧寒復孤獨。見世老長病，良藥却爲毒。

今日道場大衆，人各運心，聞說是頌，實可憂悲。若有此障礙罪業，受報之時，應難退悔。今須發願，解除罪障。懺主某伏爲平安。追薦禮此懺文，五體投地，一心發念。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，玄真萬福天尊。

志心敬禮，擁化天尊。
志心敬禮，傳教天尊。
志心敬禮，善勝天尊。
志心敬禮，辯法天尊。
志心敬禮，本光天尊。
志心敬禮，寶德天尊。
志心敬禮，雲翔天尊。
志心敬禮，駕景天尊。
志心敬禮，法身力天尊。
志心敬禮，德王明天尊。
志心敬禮，妙化音天尊。
志心敬禮，常護世天尊。
志心敬禮，無邊力天尊。
志心敬禮，無垢意天尊。
志心敬禮，功德王天尊。
志心敬禮，無邊自在力天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，逍遙快樂天尊。
志心敬禮，隨願往生天尊。
志心敬禮，無邊際天尊。
志心敬禮，功德海天尊。

志心敬禮，妙信真人。
志心敬禮，妙音真人。
志心敬禮，大慈救苦真人。
志心敬禮，大悲拔罪真人。

今日道場懺主，及以大衆，仰願南方無上靈寶天尊，諸尊諸聖、諸大神仙、諸大真士、諸大真人，諸大童子，遍十方際、盡玄虛界、過去未來、隱現一切真聖。以大道難思議力、功德微妙力、應號慈尊力，令懺主某九祖父母、同住師尊、門徒法侶，及經生考妣、伯叔兄弟、己身眷屬，存亡二世，所有障礙重罪，山積海深。仗今禮懺，願承神仙力、龍神力、三聖力、真人力，永得消滅。沈墜超生，無復苦惱。自從今去，見人修種種善行，不生障礙。惟願善芽增長，普度無量，一切有情，同超淨土。一拜

太上慈悲道場消災九幽懺卷之三

太上慈悲道場消災九幽懺 卷之四

太極左仙公葛玄纂集

息瞋怒品第一

今日道場大衆，人各運心，仰對慈尊，懺悔瞋怒罪業。懺主某歛心長跪，謗聽經言，一切衆生，皆從執見，起諸瞋怒。瞋怒之由，但從心起。心生瞋怒，喻若火風。風火炎盛，不久自息。是諸衆生不能消遣，但執愚見，生諸瞋怒，或從貪愛，構起六識，染受六塵，起瞋怒想。或怒大道天尊言乏正真，只起浮詞，常無信意。或怒天地，呪詛寒暑，惟愛愚癡，不慙覆載。或怒日月星辰，裸露形體，不愧照臨，常嫌遲速。或怒經典，稱是虛言，不解披尋，多生毀譽。或怒生身父母，侍奉長乖，全無孝養，不報劬勞。或怒兄弟，義乏連枝，看若外人，情同疏友。或怒眷屬，不起慈柔，敬上有虧，撫下無節。或怒齋戒，修奉不恭，觸犯常多，精虔有闕。

或怒國主，不讚昇平，殺逆生心，忠良不立。或怒講說，不聽善緣，但起惡言，混雜真理。或怒宮觀，不生敬奉，誹謗過多，不懷修蓋。或怒先逝，竟乏追修，不作良緣，助其冥路。或怒神理，無有祭祀，却信邪巫，行於淫殺。或怒老耄，不生孝順，曾無憐愍，却稱業報。或怒牢獄，不察情理，常說艱難，助添桎械。或怒貧賤，枉壓難申，不念飢寒，每行苦楚。或怒禽獸，不念羽毛，只縱貪殘，惟求烹宰。或怒奴婢，不忍卑賤，只知苦虐。如是瞋怒，若已犯，若未犯，或親或疏，若男若女，若人非人，發心舉意，生諸瞋怒者，如木生火，火發自然，其罪轉深，其尤最重，先亡幽閉，不得解脫。於是慈尊觀此衆生，妄行瞋怒，遂發歎心，而說偈言：

是諸男女等，諦聽善思惟。大道天尊前，輒莫生瞋怒。國王父母處，經法道場中。講讚法師邊，輒莫生瞋怒。或見出家子，賢人崇善心。布施念貧窮，囚徒并旅客。躑躅瑩露子，疾病及

孤遺。諸如男女等，乃或生瞋怒。似木生於火，火發返自然。但除執見想，了悟非常道。

爾時，慈尊復言，若衆生造一瞋一怒罪業，見世患風邪病，死入八寒八熱地獄，復歷針鋒地獄，萬劫方生，受身為蝦蟆鯢鯪等魚，復還人中，愚癡拙惡。若不懺悔，永墮沈淪。於是，慈尊念諸未悟，重宣偈言：

生世多瞋怒，常懷毒害心。意中常迫迮，瞋男復瞋女。畜生及奴婢，似此煎愁身。持刀或執梃，惟欲害於物。憤憤常恚恨，曾不少時喜。死人寒熱獄，針鋒復貫身。連心及肝膽，通腸連其脇。血出無斛數，後生爲蝦蟆。怒目不得語，或作鯢鯪魚。自瞋浮水上，鷓鴣競來取。分張喫其肉，縱得生人中。還受愚癡報，作人常醜拙。言詞無方便，出語逆人意，無人見憐惜。

今日道場大衆，如經所說，大可思惟，若有此罪，受報彌深。今日懺悔，願同解脫。懺主某伏爲平安。追薦禮此懺文，五體投地，一心諦聽。稽首慈

尊，敬禮真聖。

- 志心敬禮，玉清降福天尊。
- 志心敬禮，尋聲救苦天尊。
- 志心敬禮，太靈虛皇天尊。
- 志心敬禮，紫清上極天尊。
- 志心敬禮，龍形九色天尊。
- 志心敬禮，香林說法天尊。
- 志心敬禮，光映真容天尊。
- 志心敬禮，神燈法海天尊。
- 志心敬禮，真悟拔苦天尊。
- 志心敬禮，拔苦慈慧天尊。
- 志心敬禮，延筭玄暉天尊。
- 志心敬禮，普蔭無邊天尊。
- 志心敬禮，三界化通天尊。
- 志心敬禮，無爲天尊。
- 志心敬禮，託質天尊。
- 志心敬禮，靈符天尊。
- 志心敬禮，寶林天尊。
- 志心敬禮，元光天尊。
- 志心敬禮，應度天尊。
- 志心敬禮，長生保命天尊。
- 志心敬禮，太一救苦天尊。
- 志心敬禮，普慈護國天尊。

志心敬禮，無邊際天尊。

志心敬禮，功德海天尊。

志心敬禮，逍遙快樂天尊。

志心敬禮，隨願往生天尊。

志心敬禮，普濟真人。

志心敬禮，普度真人。

志心敬禮，大慈救苦真人。

志心敬禮，大悲拔罪真人。

今日道場懺主，及以大衆，仰願西方無上靈寶天尊，諸尊諸聖、諸大真人、諸大仙衆，諸大童子，遍十方際、盡玄虛界、隱現一切真聖。同發慈光，共垂覆護。懺主某自從無量劫來，有無量無邊瞋怒罪業，今日禮拜懺悔，願乞消滅，不受報對，永得清淨。自今已去，無使瞋怒，明了執見，體解真常。當願先世魂識，過去未來眷屬，永斷愆繫，不歷九幽，四生六道，同受因果，承無上道。一拜

曉愚癡品第二

今日道場大衆，人各運心，頂禮慈尊，懺悔愚癡罪業。懺主某恭信在心，諦聽經言，一切衆生，從氤氳際而起愚

癡，染著諸有，雖積功勤，不能無滯。故以修其善果，令得解脫。此諸衆生，未解修功，積諸善德，起三毒根，行愚癡業。或罵詈天地，呪詛鬼神。或叛逆君父，不行忠孝，反戾爲事，立法亂常，內黨骨肉，外諂他人，不信罪福，觸壁生心，謂己自然，長存不滅，不分善惡，不別尊幼，捨身受身，常行愚癡。或於聖像前，或到經法處，或於法師前，或在君王、父母側，或於師尊同學、同住法親邊，或於六親枝蘿骨肉、妻妾男女處，或於天地日月星辰下，或於靈通鬼神廟中，或對虛空賢聖迹處，或於若人非人蟲獸禽類所，行諸愚癡，及笑人行善布施，作諸功德，毀譽等罪。凡如此者，名在愚癡，皆因心起。若人於一名一種處行愚癡者，覺連遠祖，殃及見存，追悔無由，常居幽閉，現世風邪，重患報死，入寒夜地獄，萬劫方生，受蛇虺身。若非懺悔，永沈惡道，於是慈尊愍傷未悟，而說是偈：

人世若愚癡，不信罪福者。笑人修功德，常言無宿命。不敬於日月，天

地及星辰。一切諸靈聖，莫不皆輕慢。常行不善事，種種皆爲惡。觸壁自執性，死入十八獄。備歷諸苦惱，萬劫生蛇身。心中常有毒，腹中無臟腑。飢渴不得食，人見皆欲殺。縱得生人道，還却愚癡報。

今日道場大衆，聞是偈言，大生畏懼。若人有斯過業，受對無差，我等大衆，宜生覺悟，莫遭他報。身沈之日，欲求懺悔，恐不能及。又爲地獄餓鬼畜生受其苦惱，未得超生，同我發念，願得解脫。懺主某伏爲平安。追薦禮此懺文，五體投地，一心發念。稽首慈尊，敬禮真聖。

- 志心敬禮，玉清降福天尊。
- 志心敬禮，尋聲救苦天尊。
- 志心敬禮，太靈虛皇天尊。
- 志心敬禮，高上玄虛天尊。
- 志心敬禮，無邊自在天尊。
- 志心敬禮，高上玉皇天尊。
- 志心敬禮，龍漢梵度天尊。
- 志心敬禮，無上紫虛天尊。
- 志心敬禮，遷真上聖天尊。

志心敬禮，證果隨功天尊。
志心敬禮，玉光相妙天尊。
志心敬禮，最勝方便天尊。
志心敬禮，開輝保生天尊。
志心敬禮，方便變見天尊。
志心敬禮，妙果珠光天尊。
志心敬禮，徧開玄藏天尊。
志心敬禮，法界應慈天尊。
志心敬禮，隨心啓悟天尊。
志心敬禮，度幽明真天尊。
志心敬禮，大智海天尊。
志心敬禮，無畏力天尊。
志心敬禮，慈悲天尊。
志心敬禮，寶藏天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，無邊際天尊。
志心敬禮，功德海天尊。
志心敬禮，逍遙快樂天尊。
志心敬禮，隨願往生天尊。
志心敬禮，智觀真人。
志心敬禮，應世真人。

志心敬禮，大慈救苦真人。

志心敬禮，大悲拔罪真人。

今日道場施主，及以大衆，仰願西方無上靈寶天尊，諸尊諸聖、諸大真人、諸大賢聖、諸大聖衆，遍十方際、盡玄虛界、顯化一切真聖。以大道慈救，發大願念，普同救度。懺主某先世祖禰、生身父母、緣生父母、受度師尊，建壇保舉伯叔兄弟、己身姻親、妻子男女、存亡眷屬，若有無量無邊愚癡罪業，已造未造，已悟未悟，仗今日道場，懺悔消滅。自今已去，更不重造。惟願一切衆生，捨離三途，同得解脫。漸證無爲，達于道岸。一拜

懺慳貪品第三

今日道場大衆，人各運心，仰對慈尊，懺悔慳貪罪業。懺主某歛心攝念，諦聽經言，一切衆生，處在浮世，百年幾日，時歸中間，石火之光，何能得久。如蛾撲燈，自覓焦然。不能明了，悟此縈纏，曾無暫息。日積業誼，時加罪苦。爲懷吝惜，常負貪求，積聚山高，心由不足。一日之活，作千年計。生

時既不將一錢來，死亦不將一錢去。一朝長逝，是事皆空。無量慳貪，盡成業覺。或於天尊大道前，生諸慳貪。或於大藏經典前，生諸慳貪。或於出家法身前，生諸慳貪。或於齋戒供養處，生諸慳貪。或於燒香然燈處，生諸慳貪。或於修蓋觀宇、殿堂處，生諸慳貪。或於功德福田上，生諸慳貪。或於帝王國主前，生諸慳貪。或於父母男女前，生諸慳貪。或於賢人長者前，生諸慳貪。或於他己財物，生諸慳貪心。或見飲食，生慳貪心。或見車馬，生慳貪心。或見衣服裝束，生慳貪心。或見田宅廣大，生慳貪心。或見屋宇華麗，生慳貪心。或見奴婢僕隸，生慳貪心。或見宮觀破壞，生慳貪心。或見山林森聳，生慳貪心。或見華果爛熳，生慳貪心。或見貧窮老病，不思濟拔，生慳貪心。或見囚徒受苦，不行憫念，生慳貪心。或見行旅困弱，不相扶救，生慳貪心。或見飢寒羸體，不給所須，生慳貪心。乃至己物他物，官物衆物，絲毫毛髮，草木華果，米麥抄撮。

或自行饕餮，或自懷吝惜，爲他慳鄙，不作諸善，不肯捨施，苦身積聚，爲之憂惱。於己願富，於他願貧。身終之日，如舟無楫，如車無輪，有惡草陳，無善可紀。致使業因，墮諸惡道。於是慈尊，愍諸衆生，而說偈曰：

前世若慳貪，執吝無休息。積財如山嶽，心常吞江海。常自不厭足，持齋受戒處。造像及寫經，營建於精館。燒香然燈所，凡厥作功德。不肯施一毫，就中爲方便。常說覓利益，死入寒冰獄。凍斷其形體，百節皆破壞。後生住邊夷，或爲人家犬。衛護不得息，猛惡人皆賤。萬劫方受生，爲人不具足。手攣及跛，眼盲或耳聾。鼻塞口偏斜，胸高腰脊曲。形容復醜陋，所在無人惜。

今日道場大衆，聞經所言，心生恐懼。若有此罪，將來之世，應當受報。今啓精勤，願滌前咎。惟願一切衆生，或在地獄，餓鬼畜生，受斯業報，乘今禮懺大道力、功德力、拯拔力，並得解脫。懺主某無量劫來，至于今劫，今生

今日，師尊父母，己身一切眷屬，捨身受身，存亡二世，有無邊無際慳貪罪業，未曾洗滌，及不覺知。今日伏爲平安。追薦禮此懺文，五體投地，一心諦聽。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，太靈虛皇天尊。
志心敬禮，金鑑妙容天尊。
志心敬禮，戒生延壽天尊。
志心敬禮，無窮真像天尊。
志心敬禮，隨方證果天尊。
志心敬禮，常濟普度天尊。
志心敬禮，自然空寂天尊。
志心敬禮，方便因果天尊。
志心敬禮，衆妙慈光天尊。
志心敬禮，瓊因法海天尊。
志心敬禮，真常度命天尊。
志心敬禮，百億威名天尊。
志心敬禮，護國永安天尊。
志心敬禮，大慧眼天尊。
志心敬禮，弘至教天尊。
志心敬禮，方便慧天尊。

志心敬禮，轉法轉天尊。
志心敬禮，如寶林天尊。
志心敬禮，興道力天尊。
志心敬禮，太一救苦天尊。
志心敬禮，長生保命天尊。
志心敬禮，逍遙快樂天尊。
志心敬禮，隨願往生天尊。
志心敬禮，無邊際天尊。
志心敬禮，功德海天尊。
志心敬禮，廣信真人。
志心敬禮，妙德真人。
志心敬禮，大慈救苦真人。
志心敬禮，大悲拔罪真人。

今日道場懺主，及以大衆等，仰願西南方無上靈寶天尊，諸尊諸聖，諸大真人，大慈大悲真人，救苦童子、上智童子、尚藥童子，遍十方際、盡玄虛界、化現一切真聖。發慈悲願，普濟度力。令懺主某三世存亡、九祖眷屬、己身妻子，所有慳貪罪業，仗今禮懺，願落罪名，及以一切衆生，未乘解脫者，已得超度者，同此懺拔，證无上道。一拜

念布施品第四

今日道場大眾，人各運心，仰對慈尊，懺悔不布施罪業。懺主某發覺悟心，稽首長跪，諦受經言，一切衆生，生身在世，恣意不足，終日貪婪，何時割捨。眷屬滿室，金玉盈堂，猶不稱心，尚生靳愛，利濟不懷，慳貪是念。且布施者，無量功德，利益一切，不可思議。一施法，二施身，三施財。法者，常以我法，三洞經教，善巧方便。或權或實，或廣或略，勸誘衆生，俱入一乘，永辭纏愛，登常樂境。從劫至劫，常轉法輪。過去未來，常不退悔。最爲第一，不可思議。施身者，當以身命，救濟一切，衆生疾病，水火刀兵，無量厄中，皆得覆護，以用方便，不惜身命。或見一切餓殍，如己之飢；見一切凍餒，如己之寒。以至施己力役，代人危厄，無所吝惜。或供養出家法身，給侍所須，採藥遊山，驅馳左右，修蓋觀宇，灑掃殿堂，種植果林，造諸功德，道傍開井，修葺橋道，不辭勞苦，惟盡一心，功德巍巍，最不可勝計。施財者，有二。一內

財者，身體手足，百骸九竅，皮膚爪甲，盡力救度，無所愛惜，以施於人。二者外財，錢土城隍，妻子僮僕，牛馬，金銀珠玉，綾羅錦綺，玩弄服飾，散施一切，不繫於心。又有九種布施，亦各不同，隨所發心，皆獲利益。一施入道身真應化像，二施入經法大乘，三施入仙真聖相，四施入玄壇靈觀屋宇、殿堂樓閣、房廊塔砌，五施入男女出家法身、玄冠黃褐、一切法衣法具、供養無闕，六施入常住、香油燈燭、莊田僕隸，七施入鐘磬、幡華、帳座、應用法具，八施入齋食米麵香油、供養出家法身及持齋奉戒精進學道者，九施入貧窮孤寡、飢寒疾病、囚徒、一切危苦。普濟言，慈尊所說種種布施，功德不可思議。且上古之人，不以布施，何無災難？

慈尊言：上古之人，淳朴爲心，懷道抱德，不貪不慾。後世澆浮，人多矯詐，惟求財寶，不悟因緣，輕命重財，家亡國破，內懷萬惡，外結兇狂，相繼冤憎，無由覺悟。故設法門，令其布施，今時四衆，但知惜財，不重於命。若捨其財，如同捨命，故言命財。若能捨施，一內賊不生，一外賊不起，內外安靜，衆苦消除。以今布施，破此慳貪，聖化冥通，隨功受福。若衆生不以法布施，不以身布施，不以內財布施，不以外財布施，不以九種布施。見齋設供，不肯布施。見持戒修行，不肯布施。見講說真經，不肯布施。見天尊聖像，不肯布施。見出家法身棲寒，不肯布施。見然燈供養，不肯添捨布施。見供養之處香殘燈燼，不肯繼熱布施。見道場幡像不足，不肯布施。見古迹靈場損壞，不肯布施。見靈觀殿堂墮破，不肯布施。見大藏寫經函蘊未備，不肯布施。見供養之器不如法度，不肯布施。見行道歌讚，不肯布施。見常住應用不足，不肯布施。見鐘磬聲相不圓，不肯布施。見修造未就，不肯布施。見囚徒、見貧窮、見老病、見功德、見福田，不肯布施。或不以方便布施，不以慈悲布施，不以誘諭布施。或不以教化布施，不以減割布施，不以善心布施，不以指示事弄，不以機巧、偏

執教相，不以平等布施，不以忠孝、不以善念、不以勢力布施，或不以藥術、不以寬裕布施。如上種種，不肯布施者，見世眷屬，常不安樂。男女夫妻，中道離別。己身殘疾，惡病相纏，歿入九幽，歷諸地獄，萬劫方受蛇犬之身。於是慈尊愍嗟未悟，而作偈曰：

若人富貴者，賢良及聰明。醫術并勢力，種種不布施。言我富當世，安樂得永劫。不信有輪迴，貧却是富客。見世卒亡命，眷屬中年隔。死入幽苦牢，心中過鐵篋。受生蛇狗身，猛惡常護宅。縱得復人形，愚癡無見識。孤窮下賤報，世世爲人役。

今日道場大衆，聞經所說，大可怖畏，我等或有此罪，豈自知覺。當來之世，須受其報。今日禮誦，惟用精進，願同懺悔，皆得消滅。六道四生，悉同解脫。懺主某伏爲平安。追薦發願禮此懺文，五體投地，一心發念。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。

志心敬禮，太靈虛皇天尊。
志心敬禮，廣化慈顏天尊。
志心敬禮，普潤無爲天尊。
志心敬禮，神通萬化天尊。
志心敬禮，度人衆妙天尊。
志心敬禮，玄化解脫天尊。
志心敬禮，拔難真光天尊。
志心敬禮，福慶無爲天尊。
志心敬禮，妙道廣明天尊。
志心敬禮，爲說方便天尊。
志心敬禮，廣流恩化天尊。
志心敬禮，善悟大慈天尊。
志心敬禮，無邊緣中見天尊。
志心敬禮，善業普天尊。
志心敬禮，解法度天尊。
志心敬禮，傳經教天尊。
志心敬禮，大慧眼天尊。
志心敬禮，自在力天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，無邊際天尊。
志心敬禮，功德海天尊。

志心敬禮，逍遙快樂天尊。
志心敬禮，隨願往生天尊。
志心敬禮，太極真人。
志心敬禮，妙光真人。
志心敬禮，大悲拔罪真人。
志心敬禮，大慈救苦真人。
今日道場施主，及以大衆，仰願西方無上靈寶天尊，諸尊諸聖、諸大真人，諸大童子，遍十方際、盡玄虛界、應現一切尊聖。願垂道力、同方便力，令懺主某所生父母、師尊同學、六親眷屬，如上三世，不布施罪業，已受報，未受報，仗今禮懺，皆得解脫。願以眷屬，世世生生，得居富貴，智慧聰明，惠施一切。當令受苦衆生，同歸安樂，速悟無爲，早登聖果。一拜

太上慈悲道場消災九幽懺卷之四

太上慈悲道場消災九幽懺 卷之五

太極左仙公葛玄纂集

慎綺妄品第一

今日道場大衆，人各運心，仰對慈尊，懺悔綺言妄語罪業。懺主某歛心長跪，諦聽經言，一切衆生，但從四迷，惟任六識，將一毫善，稱言無量，造萬端罪，惟說無咎。見人有過，增加毀說；見人積德，非外破除。惟言己身，德行充備，巧隱辯舌，妙麗華詞。相別片時，言逾半歲。洎見一日，厭似百年。如此愚頑，皆爲綺妄。或於天尊大道前，綺言妄語。或於三洞經典前，綺言妄語。或於法師大德前，綺言妄語。或於國主帝王前，綺言妄語。或於父母尊親前，綺言妄語。或於賢人長者前，綺言妄語。或於愚癡下賤前，綺言妄語。或於聾盲六疾前，綺言妄語。或於尊重富貴前，綺言妄語。或於師尊法友法身前，行諸綺言妄語。或於

長宿前，行諸綺言妄語。或恃豪貴，行諸綺妄。或恃聰明，行諸綺妄。或恃權智，行諸綺妄。或向所識人前，行諸綺妄。或於諸天聖衆、十方真聖、星辰日月、一切威靈前，行諸綺妄。凡是發心，行諸綺妄，華詞不實，皆獲重罪。見世己身，口面喎斜，死入拔舌地獄，萬劫方生，受野獸身。若不懺悔，難超淨土。於是，慈尊爲諸未悟，而說偈言：

生身若綺妄，矯詐三寶前。父母及男女，君王與百姓。凡是合會處，讒害於忠賢。離異人朋友，嫉妬惡勝己。傳言作口舌，浪說爲是非。轉虛以爲實，用白反爲黑。道說人長短，強知他好惡。所在生破亂，死入拔舌獄。鐵錐刺其舌，硤石逼其身。令舌長百尺，以釘釘舌上。滴滴出血流，後生野狗狀。啗食諸臭穢，晝夜心思想。

今日道場大衆，聞是偈已，自從昔劫已來，一切衆生，輪迴受報，以何覺知。今我懺悔，發以精進。願因今日，同得解脫。懺主某伏爲平安 追薦禮此

懺文，五體投地，一心諦聽。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，太妙至極天尊。
志心敬禮，慧化自然天尊。
志心敬禮，無色相天尊。
志心敬禮，見色相天尊。
志心敬禮，自在智天尊。
志心敬禮，無方智天尊。
志心敬禮，德普遍天尊。
志心敬禮，生萬物天尊。
志心敬禮，調陰陽天尊。
志心敬禮，無邊道德天尊。
志心敬禮，智慧無量天尊。
志心敬禮，三世常存天尊。
志心敬禮，造立天地天尊。
志心敬禮，日月光明天尊。
志心敬禮，慈悲不住天尊。
志心敬禮，寶光通照天尊。
志心敬禮，廣化三界天尊。
志心敬禮，金華廣耀天尊。
志心敬禮，太一救苦天尊。

志心敬禮，長生保命天尊。

志心敬禮，普慈護國天尊。

志心敬禮，逍遙快樂天尊。

志心敬禮，隨願往生天尊。

志心敬禮，無邊際天尊。

志心敬禮，功德海天尊。

志心敬禮，日光真人。

志心敬禮，月光真人。

志心敬禮，大慈救苦真人。

志心敬禮，大悲拔罪真人。

今日道場懺主，及以大衆，仰願西方無上靈寶天尊，諸尊諸聖、諸大真人，諸大童子，遍十方際、盡玄虛界、隱現一切真聖。同開大宥，救彼衆生。令懺主某九祖七玄，己身一切，姻蘿眷屬，存亡二世，無量劫來，捨身受身，有如上綺言妄語罪業，未乘道力，不得解脫。以今禮懺，願得消滅。自今已去，無復重造。不起華妄，惟行簡實。上願一切有情，咸體大道。一拜

懺惡口兩舌品第二

今日道場大衆，人各運心，仰對慈尊，懺悔惡口兩舌罪業。懺主某長跪歛

心，諦聽經言，一切衆生，口業所重，兩舌爲深，逞辯爲先。將輕顯捷，戲上慢下，傲貴憎親，恬淡不知，評論爲妙。耽餐五味，爽失不知。貪嗜腥羶，飲食無度。或乃欺賢罔聖，毀真謗道，談讞他非，矜誇我是，呵風罵雨，道聽途言，翻有爲無，將羸作細，鬥諛良善，揚舉愚癡，向彼讒此，向此道彼，他是言非，我非自是，離他眷屬，就彼庸愚，狎密爲疏，使親成怨，綺言不實，虛誕爲真，語不及義，誣謗君父，平薄師友，破壞忠良，埋沒勝己，損陷無辜，浮華巧僞，口自誇是，心不言非，其途不一，結罪惟深，對面興歎，將善爲惡，常集妖誣，每親邪法，呼人叫地，牽引鬼神。凡出言詞，且無正真。或於天尊大道經法師尊前，惡口兩舌。或於國王父母賢人法身前，惡口兩舌。或於諸天日月虚空聖衆前，惡口兩舌。或於一切境界井竈門戶種種眷屬前，惡口兩舌。或於若人非人前，惡口兩舌。如是口舌，多謀一切，誑誤虚空。無量罪根，皆因口舌，若喻塵沙，亦不能盡。若犯

絲杪，一名一種，見世口面喎斜，舌不能語，瘖啞鼻塞，死入鎔銅地獄，萬劫方生，受蟲蠱蛇虺身。若不懺悔，何以消滅。於是慈尊愍念未悟，而說偈言：

前世惡口舌，罵詈親疏人。不擇善惡言，隨口即所出。呼天及叫地，引鬼復牽神。上及於三寶，天地日月星。井竈流水上，門戶行道中。社廟山林下，厭禱於忠良。不問其貴賤，父母并骨肉。奴婢將僕使，著處遭毒口。死被鎔銅灌，百體皆煙出。後生爲蜂蠆，口欲損於物。或爲蚌蛤身，汨沒沙泥中，縮身便入殼。縱得受人身，亦復爲瘖吃。

今日道場大衆，如經所言，造作惡口兩舌，報無差互我等。若有此罪，當來之日，受報何逃。是故地獄餓鬼，畜生輪迴，報對不休不歇。我今禮懺，求哀道前，普願法潤，悉使解脫。懺主某伏爲平安 追薦禮此懺文，五體投地，一心諦聽。稽首慈尊，敬禮真聖。

志心敬禮，玉清降福天尊。

志心敬禮，尋聲救苦天尊。
志心敬禮，太妙至極天尊。
志心敬禮，萬寶光明天尊。
志心敬禮，變現無邊天尊。
志心敬禮，常行救度天尊。
志心敬禮，高上清虛天尊。
志心敬禮，應感天尊。
志心敬禮，護國天尊。
志心敬禮，普度物天尊。
志心敬禮，常慈念天尊。
志心敬禮，意無盡天尊。
志心敬禮，常安國天尊。
志心敬禮，保天地天尊。
志心敬禮，樂國土天尊。
志心敬禮，福無量天尊。
志心敬禮，應物心天尊。
志心敬禮，滿無國天尊。
志心敬禮，廣消災天尊。
志心敬禮，生萬物天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，逍遙快樂天尊。

志心敬禮，隨願往生天尊。
志心敬禮，無邊際天尊。
志心敬禮，功德海天尊。
志心敬禮，自然智慧法身真人。
志心敬禮，玄妙虛無上德真人。
志心敬禮，大慈救苦真人。
志心敬禮，大悲拔罪真人。

今日道場懺主，及以大衆，仰願西方無上靈寶天尊，諸尊諸聖、諸大真人，諸大童子，十方隱現一切真聖。念以精虔，廣開濟度。令懺主某九玄七祖，存亡二世，一切眷屬，有如上惡口兩舌罪業，仗今懺禮，願得消滅。自今已去，更不復造。生生世世，願具音聲，乞足智辯說，和合利益，隨順淺深，普濟六道四生，同體大道。一拜

斷淫慾品第三

今日道場大衆，人各運心，稽首慈尊，懺悔淫慾罪業。懺主某長跪歸依，諦聽經言，一切衆生，若生淫慾，閉在幽獄，沒入愛河，莫求出離，永處沈淪。往昔已來，流轉生死一劫之中，所積身骨，如大山嶽，所飲母乳，亦如四大海

水。自所出血，復過於此。父母兄弟、六親眷屬，已盡天年。所出目淚，喻如四大海水。是故說言，有愛則生，愛盡則滅。是知生死起自淫愛。淫慾之罪，能令衆生墮於地獄，受餓鬼身。若乃作畜生，受鴿雀鴟梟等身。如是衆生，或於天尊經法法師、玄壇靈觀道場前，行諸慾想。或於清淨地、神廟中、聖迹所，行諸慾想。或侵凌貞潔，捉人殘害，離人母子，奪人男女，離人恩愛，隔人憐念，不避賢善。或裸露三光。或意思想心念，染汙出家男女法身。或於五種人所起不淨行。如是一切衆生，於出家法身，起不善想，如燒毀尊像宮殿，歿入酆都九幽地獄，永劫不生。九世子孫，短命窮苦。如是一名一種，淫慾罪業，見世門戶，多遭枉橫，官事重厄，己身風邪，連年疾病，死入九幽地獄，萬劫方生，受糞穢蟲不淨身報。若不懺悔，永負沈淪。於是慈尊爲諸未悟，而說偈曰：

前世行邪淫，放曠無期度。姦欺人妻妾，離隔他骨肉。六親相通同，以

及出家身。乃至於六畜，不擇善與惡。或於清淨地，靈觀玄壇內，對經或近像，裸露天地間。日月星辰下，不避於鬼神。名山大澤側，社稷神廟中，處處行淫慾，死入九幽獄。男抱大銅柱，女卧熱鐵牀，遍身煙火生，脂肉皆焦爛。更加鑊湯煮，鐵杖晝夜考。後入寒冰獄，擘裂於身形，確擣復磔磨，鋸解剉刀斫，縱乃得身人，風狂邪病形。

今日道場大眾，如經所言，深可怖畏。有斯罪業，何以覺知。在四生六道，見受苦者、未受罪者，因今禮懺，普得解脫。懺主某伏為平安 追薦禮此懺文，五體投地。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，太妙至極天尊。
志心敬禮，應化自在天尊。
志心敬禮，包含天地天尊。
志心敬禮，五百億相天尊。
志心敬禮，振動天地天尊。
志心敬禮，金輪玉光天尊。
志心敬禮，成就國土天尊。

志心敬禮，常住衆生天尊。
志心敬禮，九光明天尊。
志心敬禮，寶蓮華天尊。
志心敬禮，咸除垢障天尊。
志心敬禮，隨方享福天尊。
志心敬禮，寂然慈化天尊。
志心敬禮，護魂無滯天尊。
志心敬禮，普照萬生天尊。
志心敬禮，轉法隨心天尊。
志心敬禮，度衆厄天尊。
志心敬禮，靜山王天尊。
志心敬禮，香華滿天尊。
志心敬禮，方便弘濟天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，逍遙快樂天尊。
志心敬禮，隨願往生天尊。
志心敬禮，無邊際天尊。
志心敬禮，功德海天尊。
志心敬禮，日慈大慧真人。
志心敬禮，月慈大智真人。
志心敬禮，大慈救苦真人。

志心敬禮，大悲拔罪真人。

今日道場懺主，及以大衆，仰願西方無上靈寶天尊，諸尊諸聖、諸大真人，諸大童子，遍十方際、盡玄虛界、隱現一切真聖。願以道場力、稱揚力、自化力，令懺主某生身父母，枝蘿眷屬，伯叔兄弟，己身姻戚，存亡二世。或有如上淫慾罪業，因今投誠，禮懺洗滌。自今已去，想色即空，離其業報，不復重造。及起愛心，惜身如寶，慎行如珠，無有障礙。入無爲岸，齊登道果。一拜

遠憎愛品第四

今日道場大眾，人各運心，面仰慈尊，懺悔憎愛彼我罪業。懺主某歛心長跪，諦聽經言，一切衆生，發意多愚，行心少實。愛積如山，尚言不足。憎棄若穢，猶恨不深。由是心想，不能曉悟，分別彼我。評論強弱，言行乖違，牽繫世網，恣逞頑愚。視玩無厭，聽察不審。縱貪邪惑，不守恬和。悅目則恣視不忘，悅耳則終聽不倦。只言彼短，欲說己長。意悅，則不論醜惡；言愛，則無間親疏。於是衆生，或於真聖

法座前，起憎愛心。或於國王、父母、師尊前，起憎愛意。或於伯叔兄弟、男女前，起憎愛想。或於天地日月、虛空境界，起憎愛念。或於聖迹靈壇處，起憎愛慾。如是無量無邊、憎愛彼我罪業。若人行一名一種，死入多罪地獄，無有出期，縱得輪迴，當受非人之身。若非懺拔，永負沈淪。於是慈尊重說偈曰：

憎愛生彼我，自取一性意。想惡却為良，憎長復愛短。憎者絕形影，猶未暢愚情。愛者如山嶽，尚言却不足。物皆同一體，分別妍與醜。彼我出於心，善惡皆由性。死入大地獄，遍受於苦毒。刀鋒望心刺，鐵錐劓其舌。百節鐵釘釘，後生為鵝鴨。或為魚鼈身，殺戮不得語。任人生與活，般般任烹作。後得生人身，即為癡聾啞。

今日道場大眾，如經所言，又復悲切。若造此罪，受報何申。及以懺主某九祖父母、師尊伯叔、兄弟己身、一切眷屬，於無量無始劫來，至于今生今日，捨身受身，有此憎愛，彼我罪業，未

曾覺悟。今建道場，伏為平安。追薦禮此懺文，五體投地，一心發念。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，太妙至極天尊。
志心敬禮，西靈森羅天尊。
志心敬禮，戒生正慧天尊。
志心敬禮，洞空太玄天尊。
志心敬禮，周徧大運天尊。
志心敬禮，萬福朱明天尊。
志心敬禮，元素天皇天尊。
志心敬禮，化道萬運天尊。
志心敬禮，道運真照天尊。
志心敬禮，隨順世間天尊。
志心敬禮，妙彩真王天尊。
志心敬禮，金宮萬變天尊。
志心敬禮，正法無為天尊。
志心敬禮，洞虛法王天尊。
志心敬禮，三清紫闕天尊。
志心敬禮，真道照成天尊。
志心敬禮，瓊姿玉光天尊。
志心敬禮，拔苦妙慈天尊。

志心敬禮，三光轉輪天尊。
志心敬禮，真道德度天尊。
志心敬禮，太一救苦天尊。
志心敬禮，長生保命天尊。
志心敬禮，逍遙快樂天尊。
志心敬禮，隨願往生天尊。
志心敬禮，普慈護國天尊。
志心敬禮，無邊際天尊。
志心敬禮，功德海天尊。
志心敬禮，真定光真人。
志心敬禮，光妙音真人。
志心敬禮，大慈救苦真人。
志心敬禮，大悲拔罪真人。

今日道場懺主，及以大眾，仰願西方無上靈寶天尊，諸尊諸聖、諸大真人，諸大童子，遍十方際、盡玄虛界、十方隱現一切真聖。同加善力，令懺主某九祖七玄，存亡二世，一切眷屬，乞解如上業釁。自今已去，不復更造。惟願一切沈淪，皆乘懺力，登于道岸。一拜

不偷盜品第五

今日道場大眾，人各運心，稽首慈尊，懺悔偷盜罪業。懺主某歛心長跪，

歸命歸依，諦聽經言，一切衆生，不存廉直，若以財物，一草一葉，不可無故而取，何況盜竊。但自衆生，爲見在利，故以種種非理而取。或穿窬牆壁，斷道抄掠，抵于債息，負情違契，面欺心口。或非道理，言人不知，天網恢張，何所漏泄。或盜天尊經法財物。或盜供養真聖，法具財物。或盜三級，玄壇財物。或盜靈觀齋會，器皿財物。或盜塑像真聖，所用財物。或盜供養，護戒信心財物。或盜三寶捨施，七寶財物。或盜寶光寶座，寶帳財物。或盜寶蓋寶輿，寶車財物。或盜寶旛寶幢，寶冠財物。或盜寶鏡寶樹，寶華財物。或盜寶殿寶馬、法衣霞帔上財物。或盜真經寶座、寶殿寶藏、寶函寶蘊上財物。或盜上聖高真，一切之物。或盜然燈燒香，香油財物。或盜常住大衆及國家輸貢倉庫，珍寶財物。或盜神仙靈人、仙童玉女、金剛神王、力士師子等財物。或盜男官法身、女官法身財物。或盜三聖福地，華果齋蔬之物。或盜神廟牲牢之物。或盜碑磬碼

腦、瑠璃琥珀、金銀珠玉、銅鐵綾羅、錦綺紈素之物。若直一文十文，一毫一絲，乃至極多，俱犯重罪。乃至割庫窬牆，開封繫鎖，改換印號，移拆簽函，貯蓄軍資，稅賦科疋，一分一寸，以少及多，不慕輸官，惟思利己。或盜法師鎮信裝褱，裁割行壇，布施之物。或盜新鮮未獻上靈之物。或盜慈親眷愛之物。或盜兄弟朋友鄉閭之物。或盜旅客行李之物。或盜孤貧老劣之物。或盜經求貿易之物。或盜田農種播、六畜生財之物。或以方便取，或以逼脇取，或以威勢取，或託公取，或欺忽取，或誑謔取，或非義取，或強抑取，或透脫取，或矯妄取，或戲弄取，或貪愛取，或借貸不還取，或換易取，或抵拒不償，或調冒欺負，或漏忘隱諱，或善求，或惡求。作此諂曲，皆犯愆尤。若非己物，不以絲毫毛髮多少，起一貪心，盡爲偷盜。乃至道路遺失，風吹鳥銜，鬼送神運，衣服卧具、器玩車馬、布帛米麥、微塵芥縷，隱藏在身，皆爲偷盜罪業，復致壽齡夭促，殃及九玄七祖眷

屬，無由解脫，生受病苦，死入地獄。縱得受生，復作牛畜。若非懺悔，永負沈淪，於是慈尊，而說偈言：

前世行偷盜，竊取三寶財。齋戒或信施，供養諸功德。國王及諸人，一切非己物。見即生盜心，常欲偷竊取。劫奪於行旅，恐脇或誣害。穿牆興劫掠，正晝將作夜。每伺於空闕，牛羊及奴婢，資財并珠玉，方便皆竊取。死入火車獄，形容灼爛碎。後世變牛馬，與人償宿債。領穿脂肉散，鼻口俱壞裂。飢渴常辛苦，口中不得語。任人將殺戮，轉受人形。被人劫盜殺，以報前身罪。

今日道場大衆，大可思惟，如經所言，實堪憂懼。當須至懇，禮懺求哀，惟願一切衆生，已受、未受報業罪者，因今懺禮，普得解脫。懺主某伏爲平安追薦禮此懺文，五體投地，一心發念。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，太妙至極天尊。

志心敬禮，平等弘慈天尊。
志心敬禮，處世度人天尊。
志心敬禮，無量化身天尊。
志心敬禮，離諸結習天尊。
志心敬禮，除一切念天尊。
志心敬禮，自在無礙天尊。
志心敬禮，十座說法天尊。
志心敬禮，燒香度人天尊。
志心敬禮，誦經救苦天尊。
志心敬禮，持齋濟物天尊。
志心敬禮，持戒護世天尊。
志心敬禮，念道消災天尊。
志心敬禮，散華延年天尊。
志心敬禮，金殿常明天尊。
志心敬禮，興國太平天尊。
志心敬禮，救厄難天尊。
志心敬禮，保生神天尊。
志心敬禮，法輪布化天尊。
志心敬禮，太一救苦天尊。
志心敬禮，普慈護國天尊。
志心敬禮，逍遙快樂天尊。
志心敬禮，隨願往生天尊。

志心敬禮，無邊際天尊。
志心敬禮，功德海天尊。
志心敬禮，星光真人。
志心敬禮，火光真人。
志心敬禮，大慈救苦真人。
志心敬禮，大悲拔罪真人。
今日道場懺主，及以大衆，人各運心，仰願西方無上靈寶天尊，諸尊諸聖、諸大真人，諸大童子，遍十方際，盡玄虛界、隱現一切真聖。以消災護命力，以救苦拔罪力，無量功德力，無量神仙力，不可思議力。懺主某師尊門徒、同學法師、道友同住，一切法眷及七祖九玄、生身父母、伯叔兄弟、枝蘿六親、一切眷屬，自從無始以來，至于今日，所有如上偷盜，及以輕秤大斗，欺謾良善，不以道求取，兇麤恐布侵竊，牽叫神鬼，自謾己身，逞其暴虐，不顧喜怒，不念貧寒，惟恣貪殘，種種罪累。仗今禮懺，願得消滅。自今已去，生生世世，得如意珠，常與七珍，上妙衣服，百味甘露，種種湯藥，隨意所須，施及一切無故，偷盜更不復造。當願

一切衆生，無偷盜想，常能知足，不耽不染，常樂慧施，濟貧拔苦，頭目腦髓，捨如涕唾。生回向心，成無上道。一拜

太上慈悲道場消災九幽懺卷之五

太上慈悲道場消災九幽懺 卷之六

太極左仙公葛玄纂

懺殺生品第一

今日道場大衆，人各運心，仰對慈尊，懺悔殺生罪業。懺主某歛心長跪，諦聽經言，一切衆生，凡在人倫，長縈世網，不逢善友，常值愚徒，積習而成，薰蕕相染，有諸過悞，恣逞無端，常行苦酷，不起慈心，殺害衆生，啗食骨肉。或爲父母，及以己身，兄弟妻兒，延諸親族，聚集鄉閭，傷割衆生，亦無其數，不念性命。或殺牛羊騾馬、猪狗之屬，依人養牧，芻豢之類。或烹獐鹿狐兔、虎豹豺狼，依泊山林之類，殺諸六畜，不起嗟念，豈擇肥瘦。或刀刺血流，或湯燬皮脫，命猶未絕，腹已開張，去骨除筋，剝腸落肉，量斯痛楚，報應難酬。或殺靈禽鸞鶴、鵝鴨鳩鴿、烏鵲鴟鳶，飛禽之屬，峻張弋網，高舉竿黏，羽翼推燬，樹杪殘害，欲死未死，求生不生，

去足除頭，斬翅剜眼，將充庖炙，飫我飢腸。或殺鼃龜龜鼈、螺蚌螯蟹，甲蟲之屬，乾河篙漚，下竹竿砂，摑捺網罟，筌罩鱗鱉，烹斫洲島，累骨成山，揚風臭惡，殺命極多，意猶未已。或殺蟲蛇虺蝎、蜂蠆蜚蝗、蠓蠓蝨蟠、螟蠕螻蟻之屬。或殺蚊虻蠨蝨、蜉蝣端蟻、蛸蟻化生之屬。一切蠕動，蜎飛沈溺。雖云毒類，亦尚求安，暑濕而生，寒冰而沒，皆分化育，不入庖厨。無故傷殺，痛苦何忍。飛鷹走狗，張弓架箭，心起貪殘，只知殺命。或火燒山，窮林竭水。或持矢鏃。或執刀槍，殺害衆生。或手揉脚踏，坐按卧捺，殺害衆生。或耕田種植，打墻立壁，殺害衆生。豎立屋宇，穿坑出土，殺害衆生。或拆籬作障，薙草平地，殺害衆生。取樵伐木，摘華挽草，殺害衆生。然燈舉燭，殺害衆生。引水入穴，熱湯潑地，殺害衆生。沐髮浴身，飲水食飯，殺害衆生。治打穀麥，剖胎破卵，殺害衆生。拍蠅拂蚊，開口閉目，舉手頓足，殺害衆生。或對尊像經法處，殺害衆生。或於道

場法座法身前，手携物類，歸家殺害。或瞋怒，或愁惱無故，殺害衆生。或歡樂，或歌舞，恣性縱慾，殺害衆生。或禱祝鬼神，或男女病患，求乞陰鷲，殺害衆生。和合湯藥，用其生類，殺害衆生。或命絕手中，或身亡刀俎，猛火煎燒，絕其種子，斷其胎育，破殺命根，盡令磨滅。或殺債主冤家，四方良善。或墮胎破卵，不惟禽獸。或恐殺，或怖殺，或自殺，或教他殺，或罵殺，或毒殺，或藥殺。或呪殺，怒殺、喜殺。或故殺、悞殺、口殺、手殺、意殺、想殺、看殺、鬥殺。如是殺生，舉手動身，殘害一切畜類，各受其罪，莫求脫免。於是慈尊言，積財無數，必作身憂，積罪有餘，將還宿債。不生追悔，不起救心，淪滯見存，殃流先祖，死入考楚地獄，受諸苦惱。縱得還生，形變異類。若非懺悔，何以超生。於是慈尊重宣偈讚：

前世殺衆生，牛羊猪鷄狗，鵝鴨雉兔輩，獐鹿虎豹屬，鴟鴞及燕雀，豺狼狐貉狢，駝騾驢馬類，魚鼈龜蟬蛆，螺

蝼蛄蚌蛤，蝓蛭蠅蠹例，蛭螟蚊蚤蟲，蝨蟠蠓蠅蟲。種種皆殺伐，不生慈善心。遇者皆殘害，死入諸地獄。備歷於衆苦，旦夕受痛惱。苦楚難居處，是諸牛羊輩。悉皆來索命，俱言食我肉。或道殺我身，比自無方便。今日避見你，須還我宿債。求走亦無路，魔王開罪簿。勘會知其實，一一還他命。後生若受身，却入畜類會。復作牛羊犬，乃至鵝鴨輩。任他還殺伐，以償前身罪。

今日道場大衆，如經所言，一切衆生，爲以無故殺生，爲他人殺，當時所作，快不可勝，償命酬冤，誰人相替？在生受罪，憑仗親緣；死入三塗，何人相救。如是罪業，報償分明，今乞懺□，洗蕩前過。懺主某伏爲平安 追薦禮此懺文，五體投地，一心發念。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，無量太華天尊。
志心敬禮，金相光明天尊。

志心敬禮，九幽拔苦天尊。
志心敬禮，大羅無相天尊。
志心敬禮，處世度人天尊。
志心敬禮，無量化身天尊。
志心敬禮，內真天尊。
志心敬禮，強名天尊。
志心敬禮，法濟天尊。
志心敬禮，度命天尊。
志心敬禮，赦衆生苦惱天尊。
志心敬禮，昌國化人天尊。
志心敬禮，隨世應形天尊。
志心敬禮，洞照無窮天尊。
志心敬禮，散滿香天尊。
志心敬禮，法象天下天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，逍遙快樂天尊。
志心敬禮，隨願往生天尊。
志心敬禮，無邊際天尊。
志心敬禮，功德海天尊。
志心敬禮，無量心真人。
志心敬禮，靈聖普真人。

志心敬禮，大慈救苦真人。
志心敬禮，大悲拔罪真人。

今日道場懺主，及以大衆，仰願西方無上靈寶天尊，諸尊諸聖、諸仙諸衆、諸大真人，諸大童子，遍十方際，盡玄虛界，化身一切真聖，同垂法水，洗滌衆生。懺主某自從無量劫來，九祖先靈，師尊父母，一切法屬，伯叔兄弟，六親眷屬，存亡二世，有無量無邊殺生罪業，在於地獄餓鬼畜生道，受報受償，未還今還。藉此懺拔，永出愛纏，自從今去，不造不作。想衆生身，似同我身；見殺衆生，似殺我身。種種慈悲，憐惜如己。願諸畜類，得生人道，歸悟玄理，證無上道。一拜

洗破壞品第二

今日道場大衆，人各運心，稽首迴向慈尊，懺悔無量無邊種種破壞罪業。懺主某歛心長跪，恭敬諦聽經言，一切衆生，爲有身故，自從無量劫來，至于今日，父母兄弟，己身眷屬，捨身受身，無量生身，不效忠良，多懷毀損，驕恣放蕩，不檢己身，奪掠奴僕，破壞無故，

損害衆生，穢惡無數，又復身爲官宦，不效廉勤，多從破壞，不忠於國，常興諂僞，不順時機，不崇大道，蔽善行惡，不依理斷，妬賢嫉能，欺上凌下，恃官協勢，不肯均平，情有愛憎，心懷取捨。或曾征城破邑，燒他舍宇，偷賣良民，誘他僕隸，枉壓無罪，凌逼善人。又或毀壞諸聖尊像。又或毀壞宮觀靈壇。或毀壞公廨常住。或毀壞大藏經書。或毀壞供養道具器皿。種種不生修奉，但欲毀壞。譬如聲響其應，如何言凶，氣羸聲和，意悅汝等。衆生敬信爲先，莊嚴在念。起諸毀壞一切罪業，是使三世眷屬受其冤報，常在惡緣，死入苦辛地獄，當受髡頭斷髮之報。若不懺悔，永負沈淪。於是慈尊憐愍未悟，重說偈言：

前世曾經慢，損壞於衆物。及諸形像等，宮觀玄壇處。常住與道房，恃勢欺良善。酷虐行心曲，死入苦辛獄。骨肉常忿競，凌持還便復。後生得人身，髡頭斷髮報。眷屬受悲啼，飄蓬何日足。

今日道場大衆，聞是慈尊所說經言，不可思議，報對分明，展轉相續。今發念心，求哀禮懺。惟願此獄，餓鬼畜生，乘此懺力、功德力、不可思議力，皆得解脫。懺主某伏爲平安 追薦禮此懺文，五體投地，一心諦聽。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，無量太華天尊。
志心敬禮，隨世應形天尊。
志心敬禮，無量妙相天尊。
志心敬禮，億劫化形天尊。
志心敬禮，功德寶山天尊。
志心敬禮，清淨流光天尊。
志心敬禮，說法無礙天尊。
志心敬禮，開緣度品天尊。
志心敬禮，清慧德王天尊。
志心敬禮，色無盡天尊。
志心敬禮，空無相天尊。
志心敬禮，壽無量天尊。
志心敬禮，常說法天尊。
志心敬禮，廣施財天尊。

志心敬禮，普施法天尊。
志心敬禮，無等倫天尊。
志心敬禮，無量照天尊。
志心敬禮，圓滿衆天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，逍遙快樂天尊。
志心敬禮，隨願往生天尊。
志心敬禮，無邊際天尊。
志心敬禮，功德海天尊。
志心敬禮，日蓋大慈真人。
志心敬禮，月淨大悲真人。
志心敬禮，大慈救苦真人。
志心敬禮，大悲拔罪真人。
今日道場施主，及以大衆，歸命仰願西北方無上靈寶天尊，諸尊諸聖，諸大天仙衆、地仙衆、諸大真人、諸大救苦真人，諸大童子、本際童子，遍十方際、盡玄虛界、過去未來一切真聖。願以道力、功德力、上善力、天仙力、神通力，令懺主某有無量劫來，毀壞深重罪業，以茲懺法，洗滌愆咎，永消障惱。

不受苦報，登證道果，達無爲岸。一拜

不破齋品第三

今日道場大衆，人各運心，稽首慈尊，懺悔破齋罪業。懺主某歛心長跪，諦聽經言，一切衆生，受身已來，至于今日，慳貪嗜慾，飲酒食肉，啗嚼無厭，生長肌膚，養其膿血，日生惱病，罪根轉深。又以生老病死，暑濕寒風，痛苦酸楚，每受毒氣攻染，身體百病來侵。念念無常，晝夜不住，生身識性，各各不同，展轉循環，萬劫難出。是諸衆生心多破壞，齋戒不恭。及年衰老邁，病惱來纏，一世一生，自營勞苦，良由廣餐葷雜，腑臟相蒸，觸犯真聖，業風扇體，遂使金玉化消，身形詎久，我以不飲不食，抱道自然，變化無方，長生不死。常說經教，開度衆生，若以愚迷，不能信用，我常憂念，不能休息。遂假其齋，令滅病苦。且況三清衆聖，久證道真。常悉奉齋，勤行不怠。況以六齋十直、八節三元、甲子本命、三會庚申，諸雜齋會，救護一切，微妙難思。皆是慈尊，引接衆生，普使修行，免諸

魔難。汝等衆生，雖知名目，不起敬心，及起敬心，多有觸犯。或以葷糝混雜，腥穢同厨，不潔己身，但多慢易。或過中更食，宿心不淨，誹謗至真，將同邪僞。言猶誑誕，心起愛憎，如此愚癡，破齋極衆。或破太真齋，或破金籙齋，或破神呪齋，或破黃籙齋，或破明真齋，或破自然齋，或破三元齋，或破塗炭齋，或破洞神齋，如是等齋，或爲國家修設，或爲拔贖先亡修設，或爲救度沈溺修設，或爲曾親修設，或見人修設。初生敬信，後起悔心，其罪增深，受苦無量。若以出家男官法身、女官法身，或十人，或百人，乃至極多，隨其齋施多少，散令周遍，無使偏頗。凡言齋者，即是施心，不以華飾，不以貧劣，應是出家身者，令同齋施。若以揀擇，乃是慢易。不生恭敬，是名破齋。又以建齋造像，一切等物，私將入己，若直一文以上，十年終而十陪復。不還者，受報重病。相好不全，永棄人間。鳥栖露宿，縱生人道，六疾常拘，耳聾眼暗，五不具足。若用齋食供養法身，

綵繪尊像，幡蓋，不生敬信，復起退悔。所報因緣，義趣難說。及至命終，報爲餓鬼，頂似布絃，腹如懸鼓，體負鐵輪，火徹左右，將衣覆體，喻若火山，飲食餐時，變爲膿血。若以見世，即負邪病在牀，身體臭爛，人不喜見，經年累月，肉盡筋消，一入地獄，難得生天。當來之世，縱生人中，聾盲六疾，失於相好，不及人次，一切眷屬，皆同棄物。或作夫妻，中道離別，孤男寡女，倚傍他人，貧賤飢寒，形體醜陋，微綴人身。如上罪業，皆因破齋。若不懺悔，轉生沈墜。於是慈尊爲諸未悟，而說偈言：

生世破齋者，死受餓鬼身。飢則食猛火，渴則飲鎔銅。肌體自焦劣，復履霜刃鋒。日夜不休息，受苦無時終。縱有解脫期，乃與犬馬同。飢寒貧賤類，豈有具足容。我今垂哀愍，浩劫慧無窮。設此大法橋，救度諸愚聾。稽首無上道，逍遙太極宮。

今日道場大衆，得聞是偈，得聞是經，得聞是懺，一切衆生，曾作此業，應須受報。今日發願發意，迴向三聖，不

逢斯罪。或在六道中、四生中，或經受苦，或未經受報，同今發露，願乘解脫。懺主某伏爲平安 追薦禮此懺文，五體投地，發志念心。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，無量太華天尊。
志心敬禮，金姿妙相天尊。
志心敬禮，形遍虛空天尊。
志心敬禮，十方大力天尊。
志心敬禮，千齡保命天尊。
志心敬禮，靈應無窮天尊。
志心敬禮，現色身天尊。
志心敬禮，有緣應天尊。
志心敬禮，託身見天尊。
志心敬禮，洞明天尊。
志心敬禮，總真天尊。
志心敬禮，金闕天尊。
志心敬禮，龍德天尊。
志心敬禮，煥照天尊。
志心敬禮，洞虛天尊。
志心敬禮，度物天尊。
志心敬禮，奧義天尊。

志心敬禮，萬願天尊。
志心敬禮，保生天尊。
志心敬禮，無上大羅天尊。
志心敬禮，開度一切天尊。
志心敬禮，長生保命天尊。
志心敬禮，太一救苦天尊。
志心敬禮，普慈護國天尊。
志心敬禮，逍遙快樂天尊。
志心敬禮，隨願往生天尊。
志心敬禮，無邊際天尊。
志心敬禮，功德海天尊。
志心敬禮，四滿衆天尊。
志心敬禮，法解真人。
志心敬禮，輪天真人。
志心敬禮，大慈救苦真人。
志心敬禮，大悲拔罪真人。
今日道場大衆，及以施主，仰願西方無上靈寶天尊，諸尊諸聖、諸大神仙、諸大天仙、諸大地仙、諸大水仙、諸大真人，諸大童子、名山洞府諸大仙衆、川源古迹一切聖衆，諸大妙相、真人相、玉童相、玉女相、法身相，遍十方際、盡玄虛界、一切真聖。以廣度心、

道力心、真人心、童子心，令懺主某三世九祖，已過去身、未來身、見在身，有無量無邊、今緣昔緣，或曾破齋罪業，今日懺悔，願以道力，普得解脫。自今已去，對聖對真，淨心淨身，恭奉齋法，惟願功德，上拔九祖，下救沈淪，及以己身，一切眷屬、六道四生，悉登道岸。一拜

不犯經戒品第四

今日道場大衆，人各運心，頂禮歸依慈尊，懺悔違犯經戒罪業。懺主某斂心長跪，諦聽經言，一切衆生，爲有三業，及以六根，從劫至劫，今生今日，偷盜邪淫，慳貪瞋怒愚癡，綺言妄語，惡口兩舌，無量無邊，罪業纏縛於身，無由解脫。明有經戒，廣示法門，多少不同，上下有異。誠勸衆生，除滅根業。或受三戒、五戒、六戒、七戒、八戒、九戒、十戒、十二可從戒、十四持身戒、二十四戒、二十七戒、三十六戒，乃至洞玄下品四十戒、中品六十戒、上品八十一戒、及一百八十戒、上清三百觀身戒、洞神七百二十戒。各有次第，導引群迷。能持戒者，得無量無邊福利；

若不持戒者，即受無量無邊業報。又以三洞經法，流布人間，如是衆生，不能信受，況諸經戒，即是衆生城郭，棲止屋宅，自有玉童玉女、金剛神王、力士各來侍衛，左右稱讚，消災度厄，保命延年，真聖慈光，諸天歡悅。遂使刀兵水火，虎狼蟲蛇，疾病牢獄，鬼賊、飢寒、惱難，永得除滅。遂即求男得男，求女得女，富貴聰明，形容端正，人中敬仰，不可思議。過去受生，天宮淨土，花臺寶樹，衣食自然，天厨妙供，雲蓋龍車，逍遙極樂，常聞經法，侍立慈尊。輾轉受身，會正真道。一切衆生，若能持戒，如彼寶劍，能斷一切，如彼法船，能渡一切，如彼猛火，能燒一切，如彼淨水，能洗一切。凡持戒者，防非止惡，檢救身心，降伏魔冤，感動靈聖。汝等衆生，或曾親受，或見人受，皆不敬信，恒起慢心，穢犯過多，誹謗積集，乃同戲謔，曾不護持，言行有違，書寫不謹，禮誦乖慢，文字參差，不從經典。或讀太清藏經、上清藏經、玉清藏經，或自讀誦，或見他人讀誦，以爲輕戲，

不起念心，侮慢聖言，稱揚大道，不生供養，保護不專。或書寫紙墨，怯惡裝潢，條軸欹斜，染汙或脫。或注指改義理，愚昧障礙，不懷崇重。如上罪過，業根深厚，若不懺洗，永失輪迴。若當在世，惡疾纏身，形骸陋弱，氣息微羸，言詞鄙拙，禮樂何知，莫分去就。或當終壽，難登淨土，罪入重冥，苦楚不停，莫求輪轉，種種攷捶，一一負債，忍痛呻吟，骨肉斷壞，業障牽繫，當受一身，劍樹千尋，攀枝須上，鑊湯百沸，積壓須沈，直至消亡。始應休捨，皆由犯戒，從不信中來。於是慈尊而說偈頌：

生世犯經戒，死入刀針獄。左右刺其身，萬痛不可忍。巡歷刀山上，更入鑊湯中。求死不得死，萬劫方得生。

今日道場大衆，如經所言，心生怖畏，所犯破經破戒、無量無邊、深重罪業，於未來世，或處今生，受其苦報。今日投誠，發露懺悔。惟願四生六道、同乘因果，一一解脫。懺主某伏爲平安追薦禮此懺文，五體投地，一心發念。

稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，無量太華天尊。
志心敬禮，日月光耀天尊。
志心敬禮，太上得道天尊。
志心敬禮，功德寶山天尊。
志心敬禮，衆寶山王天尊。
志心敬禮，太上十善天尊。
志心敬禮，一切智慧天尊。
志心敬禮，道智力天尊。
志心敬禮，道物性天尊。
志心敬禮，功德普天尊。
志心敬禮，法喜天尊。
志心敬禮，傳化天尊。
志心敬禮，善戒天尊。
志心敬禮，流布天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，逍遙快樂天尊。
志心敬禮，隨願往生天尊。
志心敬禮，無邊際天尊。

志心敬禮，功德海天尊。

志心敬禮，救度真人。

志心敬禮，拔苦真人。

志心敬禮，大慈救苦真人。

志心敬禮，大悲拔罪真人。

今日道場懺主，及以大衆，仰願西方無上靈寶天尊，諸尊諸聖、諸大仙衆、諸大真人，諸大童子，遍十方際、盡玄虛界，應現一切真聖。願以同施道力，各起慈心。令懺主某三世父母，見今父母，已身一切眷屬所有犯戒違經，種種罪業，以今懺悔，願得解脫。從今日去，至當來世。若得玄冠黃褐，爲男官法身，女官法身。同法依戒，同壇說戒，同受錄戒，同師教戒，同處監度，同共保舉，同時拔度一切，念經念戒，或爲男官童子、女官童子，永誓遵依條戒，虔奉香火，常生守慎，化喻法徒，負稟盟誓，行無上道。惟願善力及智慧，方便救度，一切含識，悉離塵染，得以聞見，皆生歡喜，登證無爲，歸依大道。

一拜

太上慈悲道場消災九幽懺卷之六

太上慈悲道場消災九幽懺 卷之七

太極左仙公葛玄纂集

蕩忤逆品第一

今日道場大衆，人各運心，稽首慈尊，懺悔忤逆不孝罪業。懺主某歛心長跪，諦聽經言，一切衆生，自受日月臨照，隨運流遷，稟受髮膚，皆因父母。普濟言，不審父母因緣，恩義輕重，酬報鞠養，要以得知。

慈尊言，夫若形直，其影必正；形若不直，其影必斜。聲若清楚，其響必淨；聲若不清，其音必濁。孝與不孝，其義如是。若孝若悌，一家之中，老少安樂，天下欽敬，神明守護，子孫相承，孝慈不斷。招感孝順，以爲珍寶。若乃不孝，世世相續，一門之內，總是冤家。雖言父母，如同離隙，招忤逆者，以作其兒。父母兄弟，各財異食，同園別菜，共田分穀，隱藏珍饈，喫食如偷，雖是人形，不如禽獸，神明不祐，一生

所爲，諸不吉利，死入地獄，受一切苦，萬劫方生，受百勞鳥，生子欲飛，須共食母。方離巢穴，後生人中。聚集忤逆，却爲父子，更相殘害，遞互相嫌，天下苦痛，莫過於此。且非父不生，非母不養，是以天地覆育，寄託母身，二氣相凝，懷娠十月，縈妊抱重，坐卧失常，歲滿月充，誕育之候，其母恐怖，性命輟然，惻怛心神，憂喪俄頃，產孕之日，內觸外觸，痛苦交切，失聲號叫，受大苦惱，匍匐戰懼，駭愕驚嗟。及至生已，母乃喜不自勝，安藏被帛，側身三月，常畏邪魔。飢時須飯，非母不哺。渴時須飲，非母不乳。計飲母乳，八斛四升，千日提携，洗浣塵垢，推乾就濕，嚙苦吐甘。非父不親，非母不養。昔開皇劫中，見一衆生，有父母年老，氣力衰微，其子終朝至暮，不去省問。父母獨守空房，猶如外客，少衣少食，飢凍切身，手脚跣跣，耳聾目暗，單牀薄席，度日如年，身極尪羸，多饒蟣蝨，蚊蟲嚼體，通夕不寐，長吟嘆息。見子不孝，遂以拄杖巡喚，低頭下氣，欲伸所

欠，未盡前言。其兒興聲瞋目，罵詈父母。迴頭却退，扶壁而歸，搥胸自悲，流慟目腫，連聲唱苦，不如早亡。母告兒言，汝初小時，非吾不育，飲餒遮蔽，非吾不養，懷汝十月，如携重擔，氣息奔喘，劇於馳走。或時寒熱，坐卧不安，腹皮拆裂，心胸填滿，髮落消瘦，不能飲食。當生產時，逆前一月，常懷憂怖，恐不相離。當產之日，命如風燭，四肢百脉，或如刀刺，五臟六腑，熱如火炙。既得降誕，喜懼交集，諸苦諸痛，更不能述。三年携抱，日夜不離，坐卧不淨，眠食失時，視兒氣色，將息飢飽。忽有疾病，父母心痛，聞子忍苦，母不過食，心口乾燥，萬種求福，黃金白銀，衣服玩具，心願子安，無所吝惜。念汝小時，東西隨我，不離寸步，食亦隨我，眠亦隨我。一日無我，終日不食；一夜無我，啼哭不眠。如何長大，忽成怨對。今雖有汝，不如本無。願我早亡，與汝相離。於是其兒果受忤逆不孝重罪，死入北方酆都地獄，受諸痛苦，備歷辛酸，萬死萬生，不可具

述。於是慈尊為諸未悟，而說偈曰：

善善自會善，惡惡歸惡根。生前不慈孝，死後永沉淪。備歷諸衆苦，往返十八門。非吾三赦日，超生永不聞。受身百勞鳥，骨肉被子分。報足歸人道，復會子兼孫。

今日道場大衆，聞是經言，大須覺悟。自以前世今生，或有忤逆罪業，將來之日，恐受此報。當宜精進，發念懺悔，惟願受報，一切衆生，同得解脫。懺主某伏為平安 追薦禮此懺文，五體投地，一心發念。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，玄上玉宸天尊。
志心敬禮，世間救度天尊。
志心敬禮，梵氣真光天尊。
志心敬禮，妙音自在天尊。
志心敬禮，自在法勝天尊。
志心敬禮，玄都萬壽天尊。
志心敬禮，長樂天王天尊。
志心敬禮，最勝救拔天尊。
志心敬禮，常增上善天尊。

志心敬禮，凝彩金華天尊。
志心敬禮，紫清度魂天尊。
志心敬禮，妙法方便天尊。
志心敬禮，生成萬有天尊。
志心敬禮，瓊潤法海天尊。
志心敬禮，顯化應會天尊。
志心敬禮，沖和含生天尊。
志心敬禮，證果圓明天尊。
志心敬禮，大羅金身天尊。
志心敬禮，大道意天尊。
志心敬禮，修妙行天尊。
志心敬禮，湛常寂天尊。
志心敬禮，大威德天尊。
志心敬禮，普光妙天尊。
志心敬禮，普光妙天尊。
志心敬禮，常感應天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，逍遙快樂天尊。
志心敬禮，隨願往生天尊。
志心敬禮，無邊際天尊。
志心敬禮，功德海天尊。
志心敬禮，東華真人。

志心敬禮，五帝真人。

志心敬禮，大慈救苦真人。

志心敬禮，大悲拔罪真人。

今日道場施主，及以大衆，仰願北方無上靈寶天尊，諸尊諸聖、諸大真人、諸大神仙，諸大童子，遍十方際、盡玄虛界、隱現一切真聖。以丹華水，洗滌懺主某三世眷屬，從無量劫來，至于今日，或有忤逆不孝罪業，曾作未受，藉今懺悔，願得消滅，不受報對。從今已去，生生世世，重父母如天地帝王，畏父母如星辰日月，於國盡忠，於家盡孝，及以若人非人，盡遵慈順，覺悟前愆，早悟大道。一拜

誓報慈恩品第二

今日道場大衆，人各運心，歸依慈尊，說報慈恩因果。懺主某歛心長跪，諦聽經言，一切衆生，輪迴生死，展轉幽冥，我今放大光明，徹照五方十地。受苦衆生，悉皆超度，惟有忤逆，不得昇達。當知父母，恩義深重。昊天罔極，量以粉骨削身，報不能盡。若人能行篤志，外存孝養，內蘊弘慈，非但生

身，一切衆生，皆我父母。一切衆生，皆我兄弟。一切衆生，皆我姊妹。一切衆生，皆我骨肉。一切衆生，皆我男女。一切衆生，皆我養育。一切衆生，皆我愛護。莫傷他命，莫食彼肉。或過去世，或未來世，或見在世，一切衆生，想如眷屬，種種方便，名曰報恩。若有男女等，所欲造諸功德，報謝天地、國王、師尊、生身父母恩育，皆有次第。一爲天地，一爲帝王，一爲師尊，一爲生身父母，一爲大地衆生，一爲己身一切眷屬。但世間男女，初出父母胞胎，經至一歲、十歲、百歲、百二十歲，必欲預修。還從首七，周而復始，及至遠年，所造功德，還依次第。第一造像，二造經，三造長幡四十九尺，設法身四十九人、齋食，建立道場，命經請像。法師法式然燈四十九卮，任力更多。又以燈如車輪，三日三夜，或七日七夜，或四十九晝夜，奉爲國王、帝主、師尊、法屬父母、兄弟、己身一切眷屬，披心至念，禮吾應號，懺悔己身，祈乞恩福，報答慈恩，盡心供養，稱揚讚

歎。所有罪業，一懺悔後，改往重修，精進齋戒，迴心慈善，施及福田，貧窮下賤，五不具足，病人孤老，囚徒餓鬼，一切衆生。不仁之者，勸歸善因。他方遠客，有急投人，而爲濟度，救其厄難，施與衣食，悉令具足，重更發願，慈孝尊親，富爲繪像抄經，救拔三塗五苦，沉滯苦爽，隨願往生，名報慈恩。若有男子女人，積行以來，或曾誹謗三寶，不忠不孝，帝主人王，師尊父母，曾作五逆，深重罪業，終身之日，慮入地獄，恐受諸苦，但爲帝主、人王、師尊、父母，發念發願，書寫經懺，一句一偈，禮我應號，一位兩位，已至多數。己身命終之日，不入地獄，受前苦報。徑適天堂，受諸快樂。若男若女，能爲帝主、人王、師尊、父母、己身眷屬，於三元八節，或於家舍，或詣靈壇，禮我聖號，懺罪禳愆，設大慶齋市，辦名香緣山，摘果、採藥、獻花，造諸淨供，宿夜翹勤，請福祈恩，保安家國，拔度大地，含識衆生，不以己身十惡忤逆，至於九祖父母，已受未受，有諸罪業，悉得消

滅。若於是日，開講經義，勸誘愚暗，發忠孝心，發救度心，修此功德，最當第一。於是慈尊爲諸未悟，而說偈曰：

一切世間人，孝道宜修身。畏愛於天地，當如父母身。畢竟成道果，妙行隨日新。吾今演妙法，救度諸沉淪。轉轉相報對，晝夜推劫輪。設此大法橋，度爾愛河津。妙哉三洞經，超凌有緣人。

今日道場懺主某及以大衆，如經所說，報恩種種因緣，皆生省悟，察以報恩，誓不忤逆。今日伏爲平安 追薦禮此懺文，五體投地，一心發念。稽首慈尊，敬禮真聖。

- 志心敬禮，玉清降福天尊。
- 志心敬禮，尋聲救苦天尊。
- 志心敬禮，玄上玉宸天尊。
- 志心敬禮，寶相莊嚴天尊。
- 志心敬禮，一切智王天尊。
- 志心敬禮，太清靈變天尊。
- 志心敬禮，梵行正觀天尊。
- 志心敬禮，九幽說法天尊。

- 志心敬禮，光顯神功天尊。
- 志心敬禮，隨方演化天尊。
- 志心敬禮，金姿妙彩天尊。
- 志心敬禮，空寂正觀天尊。
- 志心敬禮，化緣三界天尊。
- 志心敬禮，應名百億天尊。
- 志心敬禮，應願救拔天尊。
- 志心敬禮，寶質法海天尊。
- 志心敬禮，救生紫宸天尊。
- 志心敬禮，運明高行天尊。
- 志心敬禮，被物無限天尊。
- 志心敬禮，勝妙上天尊。
- 志心敬禮，寶嚴天尊。
- 志心敬禮，海藏天尊。
- 志心敬禮，善應天尊。
- 志心敬禮，太一救苦天尊。
- 志心敬禮，長生保命天尊。
- 志心敬禮，普慈護國天尊。
- 志心敬禮，無邊際天尊。
- 志心敬禮，功德海天尊。
- 志心敬禮，逍遙快樂天尊。
- 志心敬禮，隨願往生天尊。
- 志心敬禮，妙覺真人。

志心敬禮，慈慧真人。
志心敬禮，大慈救苦真人。
志心敬禮，大悲拔罪真人。

今日道場施主，及以大衆，仰願北方無上靈寶天尊，諸尊諸聖、諸大真人、諸大天仙、諸大地仙，諸大救苦童子，遍十方際，盡玄虛界、應號隱現一切真聖。以瑤池水灑浣身心，以無礙力，令懺主某發心歸向，一切種種善緣，當使獲福無量，所願諧心，無所不遂。自從今去，誓願隨力，報答慈恩，惟願累劫怨對，輕重罪業，及以師尊父母、伯叔兄弟、己身眷屬，三世姻蘿，已過去世，超生解脫，見在世者，立功報德。惟願懺力，是女是男，一切衆生，同體玄風，歸依大道。一拜

釋餘累品第三

今日道場大衆，人各運心，仰對慈尊，懺釋衆多餘累罪業。懺主某端心長跪，諦聽經言，一切衆生，從氤氳生，父母恩愛，提携乳哺，漸漸成長，未能分別，即滯愛慾，罪根增長。若不懺悔，開演經戒，寢微汲引，令入正道，即永

受無明憎愛，纏縛世間。父母但能生我，不能成我。於是，師尊示我經戒，得離煩惱。是知師恩，過於父母。見有一切衆生，立身已來，不知師恩深重而乃應對罵詈，不給所須，不侍甘美，不供衣食，將同疏外，及生謀害。即與忤逆子同，返相報對。見有衆生，受持齋戒。或居高上，凌辱卑下；或恃富貴，逼迫孤貧；或假勢力，欺抑賤弱；或任官吏，刻削爲意，恣行酷罰，益公損私，不依理道，侵移三寶福地，居住三寶淨院。或興建尊像，抄寫經文，修立靈觀，啓造厨堂，及設齋醮。或爲主首，偷盜財物，擡價買賣。或將常住財物，或是施主財物。又以父母兄弟，六親眷屬，共處同住。凡是所爲，更相欺盜，或即移籬就彼，侵他地界，虜掠田園，因公託勢，奪人邸店，商旅博貨，輕秤小斗，減退尺寸，隱縮分銖，欺筭圭合，將麤易細，以短換長，巧詐百端，希求毫利，燒人屋舍，枉陷平人，妬人富貴，信他鬥諜，瞋怒父母。或放財本，過分取利，多行貪愛，勢取他物，抵債

不還，擬生諱負。無故殺生，邪淫祭祀，凌寔官私，舉告長短，驕慢無禮，欺上罔下。或剥脫出家行人之物。或發掘塚墓，偷竊棺木。或捕魚張筌，巧取泓池江河、淮濟海濱、川源湖港水族之類。如是罪業，種種多般，不可記憶。若衆生造一名一種罪目，當報重業。上累億曾萬祖，以及父母己身、六親九族，已歿者及過去者，諸不吉利，死入地獄。一一推磨，須經報對，萬劫方生，受身不足，縱生男女，不得長大，終老孤獨。如是業緣，皆由前定。今日道場大衆，如經所說，衆生罪福善惡，往返報對，耳聞眼見，轉似車輪，皆如影響，宜各歛念，依教修行。若乃年光虛度，老病相加，一旦身亡，受茲果報，有何方計，免此沈淪。今此禮懺，惟願見在過去、曾受未受罪業之人，同得法潤，普願生成，皆悉解脫。懺主某伏爲平安 追薦禮此懺文，五體投地，一心發念。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。

志心敬禮，玄上玉宸天尊。
志心敬禮，無量妙法天尊。
志心敬禮，真定慈悲天尊。
志心敬禮，流金紫極天尊。
志心敬禮，幽夜善燭天尊。
志心敬禮，濟苦靈真天尊。
志心敬禮，寶光九夜天尊。
志心敬禮，妙光炎煥天尊。
志心敬禮，寶珠上品天尊。
志心敬禮，救苦大慈天尊。
志心敬禮，神通洞淵天尊。
志心敬禮，運明廣照天尊。
志心敬禮，廣現無盡天尊。
志心敬禮，上真天尊。
志心敬禮，光益天尊。
志心敬禮，智感天尊。
志心敬禮，奇妙天尊。
志心敬禮，威神天尊。
志心敬禮，長存天尊。
志心敬禮，流光法界天尊。
志心敬禮，長生保命天尊。
志心敬禮，太一救苦天尊。
志心敬禮，普慈護國天尊。

志心敬禮，無邊際天尊。

志心敬禮，功德海天尊。

志心敬禮，逍遙快樂天尊。

志心敬禮，隨願往生天尊。

志心敬禮，慧相真人。

志心敬禮，智觀真人。

志心敬禮，大慈救苦真人。

志心敬禮，大悲拔罪真人。

今日道場懺主，及以大衆，仰願北方無上靈寶天尊，諸尊諸聖、諸大真士、諸大真人，諸大童子，諸大無量神仙聖衆。遍十方際、盡玄虛界、應現一切真聖。以丹華水洗滌心口，懺主某億曾萬祖、生身父母、伯叔兄弟、己身男女、一切姻蘿、存亡二世，自從歷劫以來，至于今劫，今生今日，身有諸業諸罪，及以所造所作，餘累罪業，處世受報，或在牢籠地獄，願受懺悔，早得清淨，離於惡道，使入善緣，不淪五道，普得逍遙，同飲一法，往生長樂，體解無爲，齊登大道。一拜

見果報品第四

今日道場大衆，人各運心，仰禮慈

尊，懺說果報因緣。懺主某秉心長跪，諦聽經言，一切衆生，毀壞真聖形像、三洞經典者，見世病癩報，死入地獄，萬劫方生，受野獸身。若還人中，舌根爛壞。誹謗出家法身者，見世蟲爛病報，過去生六畜中。破壞靈觀玄壇者，見世眉鬚墮落，身形劇爛，過去生毒蛇身。不敬天尊大道聖像真容者，見世心愚癡，過去生貧賤中。不信經法宿命報對者，見世患聾瞽，過去生鳥獸中。不信罪福因緣者，見世爲奴婢，過去生蠻夷中。輕慢出家法身者，見世跛躄，過去生豬狗中。穢汙三寶福地者，見世形容醜陋，過去生糞土中。淫亂出家法身者，見世孤寡報，過去生廁溷中。偷盜三寶財物者，見世貧窮，過去生奴婢身。偷盜常住衆物者，見世風病，過去生畜類形。偷盜四衆信施者，見在顛狂，過去生愚癡身。啗食三寶蔬果者，見世患消渴，過去生餓虎毒蛇身。偷盜齋食供養者，見世霹靂鬼殺，過去生蛇虺身，死入餓鬼中。偷盜法衣法具者，見世裸形，過去生餓犬

身。偷盜經像衣物者，見世痛苦報，死入地獄，萬劫不原。破齋破戒者，見世咽喉病，過去生聾盲身。殺害衆生者，見世長病壽促，過去生六畜中。食肉葷觸者，見世受貧病。嗜酒恣情者，見世風狂，持心不堅。戲好弄出家者，見世受獼猴相。手足斷壞者，從不敬三聖中來。兩眼障翳者，從不信經法中來。舌根吐縮者，從毀壞經典中來。瘡癩不能言語者，從謗說出家法身中來。鼻塞不聞香臭者，從好啗酒肉五辛中來。身體潰爛者，從毀壞真聖中來。眉鬚墮落者，從不瞻敬尊像中來。唇撻齒露、鼻梁崩倒者，從破門道場中來。曲腰岐胸、偻背短脚者，從嘖嘖輕慢中來。顛狂邪病迷惑者，從不信因緣善事中來。形容瘡瘡醜貌者，從罵詈無故中來。眼赤口喎不正者，從笑傲無禮中來。愚癡意不具足者，從誑誕中來。劫賊相逢、數寇貨財者，從負債不還中來。水溺漂沈者，從筌罩取水族中來。被毒蛇吞噬者，從殺害侵損中來。火燒灼爛者，從弋獵焚蕪山

林中來。被猛虎食啗者，從陰謀毒惡中來。飢寒凍餓、衣不蓋形者，從竊盜齋食中來。父母妻子離隔者，從疾妬姦淫、破人和合、離人恩愛中來。髡頭斷髮、眼深鼻長者，從射獵取生中來。如此生身，皆從前世，犯於罪業，死經地獄，及至來生，受報無有休息。

慈尊語普濟言，汝當精心信奉，明示將來，令諸男女，悉知罪業，報對宿命，種種因緣。今日道場大眾，如經所言，種種果報，皆由前世所作，今生所受。當須覺悟，大可思惟。莫言地獄非真，天堂妄說。當須發念慇懃，痛切鄭重。願諸衆生，依遵教誘，得入法門，如人欲游深嶮路，須得梯航。如無此功，作何方度。懺主某伏爲平安 追薦禮此懺文，五體投地，一心發念，稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，玄上玉宸天尊。
志心敬禮，道化普開天尊。
志心敬禮，救拔苦海天尊。

志心敬禮，開度隨緣天尊。
志心敬禮，無量普教天尊。
志心敬禮，度世聖王天尊。
志心敬禮，觀行天尊。
志心敬禮，功德本天尊。
志心敬禮，普照天尊。
志心敬禮，真位天尊。
志心敬禮，法源天尊。
志心敬禮，太真王天尊。
志心敬禮，法上天尊。
志心敬禮，滿月天尊。
志心敬禮，度人因果天尊。
志心敬禮，高上玄虛天尊。
志心敬禮，高上元景天尊。
志心敬禮，玉清虛明天尊。
志心敬禮，轉法流通天尊。
志心敬禮，化生天尊。
志心敬禮，高上師天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，逍遙快樂天尊。
志心敬禮，隨願往生天尊。

志心敬禮，無邊際天尊。
志心敬禮，功德海天尊。
志心敬禮，中黃真人。
志心敬禮，普化真人。
志心敬禮，大慈救苦真人。
志心敬禮，大悲拔罪真人。
今日道場懺主，及以大眾，仰願北方無上靈寶天尊，諸尊諸聖、諸大真人，諸大童子，遍十方際、盡玄虛界、隱現一切尊聖。願以慈光，同垂拯拔。懺主某無量無始劫來，至于今劫，今生今日，九祖父母、三世祖考、伯叔兄弟、己身枝蘿姻屬，過去未來，恐生惡道，沈滯幽閉，受諸苦惱。令見存者，受其業報，疾病纏身。當令懺悔，普願消滅，同得安樂。自今已去，見衆生身，想如我身；見種種惡事，誓心退悔；見種種善緣，留心願學。覺悟果報，依教修行。願我身生生世世，不失人性。願諸衆生，當來之世，共生樂國，同飲玄風。稽首歸依，无上真道。一拜

太上慈悲道場消災九幽懺卷之七

太上慈悲道場消灾九幽懺 卷之八

太極左仙公葛玄纂集

救酆都地獄苦品第一

今日道場大衆，人各運心，仰對慈尊，救酆都地獄苦。懺主某長跪稽首，諦聽經言，且地獄非有非無。普濟言，何云非有？

慈尊言，若諸衆生，不縱三業，不恣六根，不作十惡，不造五逆一切罪業，歿後不入羅酆九幽諸獄，逕適天堂，逍遙自在。是名非有。何云非無？若諸衆生，但縱三業六根，造十惡五逆無量罪業，歿入酆都九幽諸獄，一攷對，當受辛酸，萬劫方生，是名非無。既知非無，須求懺悔。一日省己，覺悟懺悔，萬劫罪尤，悉得消滅。此懺悔力，何以知然。昔有一人，生來愚癡，造萬種罪。及其一日，思惟覺悟，五衰相見，恐怖切心，歸依三寶。於是衰相罪根，應時消滅，得延天年。如是

衆等，經教分明，故知懺悔，能令衆生不入地獄，受諸苦痛。若人不遇善知識，惡業轉深，只知洗除面體脂垢，不解拂拭心中塵滓，致使命終，入於地獄，受諸罪業。當此之時，悔懼何及。身心毀碎，神魄飛揚，風刀在前，求悔不得，苦當奈何。汝等衆生，莫恃盛年，莫惜財寶，莫戀眷屬，收娛放逸，自恣死苦，大限一至，不問富貴，無問老幼、貧富、貴賤，皆悉磨滅。風燈石火，孰是久長；晝電朝露，豈有堅固。且五天使者，無常殺鬼到來之日，盛年壯色，無能拒者。當爾之時，華堂邃宇，何關人事；高車大馬，豈得相隨；妻子眷屬，非復我親；七寶珍飾，乃爲他玩。

慈尊言，昔赤明劫，見一衆生，利根聰智，能伏煩惱，有財有物，即不施貧，後至命終，還入畜生道，受赤狸身，備歷報對。汝等衆生，宜當謹慎，忽爾一朝，親繫斯苦，悔何及哉。且如陽間，人有小故，因詣公門，罪須不重，情且悻惶。眷屬憂怖，求救百端。地獄

衆生，比喻於此。百千萬陪地獄，總轄在此天界。正在北方，過於北天，溟滓無鞅數里窮比之極，有一世界，號曰五炁玄天洞陰朔單鬱絕之國。中有五炁魔。其國下界，有太虛太荒、溟渤無鞅、數里黑海。海水皆惡，無測邊際。中有一大山，上參碧落，下入風泉，名北酆都羅山。且高聳一百萬六千里。周迴五十萬里。山下入水，深一十五萬里。水際山脚下，有一大洞，號陰景天，國名太陰。水帝下有三十六小獄，以鐵爲城，城各九重，一一獄中，草木皆稟自然惡毒之炁所生，枝葉皆爲刀劍，鋒鋸多饒。衆毒猛獸，炎煙黑風飄震，晝夜不停，冥冥昏暗，毒炁血光，葷穢衝臭，日月星光都不能照其獄。有三十七王，各主一獄，獄中各有七十重刀林，復有鐵籬，莫知其數。上火徹下，下火焰上，通徹交過，如魚在熬。以鐵爲城，郭有四門，每一門有四大銅狗，其身長大，每一身占四十里。或時吼吠，震動鐵城，牙如劍林，爪利形獍，

無以比類。復有無量鐵鳥，鳥身丈餘，銅嘴鐵爪，奮翼飛騰，眼似流星，毛如鐵箭，一一箭上，火焰纏繞，嗚吼之時，聲如霹靂，毛羽口中，盡吐猛火，其諸等類，皆能嚙嚼罪人骨髓。於是罪人痛徹莫喻，苦切肝心。如是經無量歲月，求生不生，求止不止。今日道場大眾，如經所言，有此地獄，無量無間，如諸苦楚，痛切無已。今日禮懺，遍及諸獄。受苦罪者，令得解脫。懺主某伏為平安 追薦禮此懺文，五體投地，一心諦聽。稽首慈尊，敬禮真聖。

- 志心敬禮，玉清降福天尊。
- 志心敬禮，尋聲救苦天尊。
- 志心敬禮，度仙上聖天尊。
- 志心敬禮，無上至真天尊。
- 志心敬禮，妙湛金光天尊。
- 志心敬禮，功德滿足天尊。
- 志心敬禮，法燈常照天尊。
- 志心敬禮，寶舟運度天尊。
- 志心敬禮，法海常清天尊。
- 志心敬禮，勅司命天尊。
- 志心敬禮，無邊際天尊。

志心敬禮，拔十苦天尊。

志心敬禮，護國天尊。

志心敬禮，應化天尊。

志心敬禮，寶王天尊。

志心敬禮，太一救苦天尊。

志心敬禮，長生保命天尊。

志心敬禮，普慈護國天尊。

志心敬禮，逍遙快樂天尊。

志心敬禮，隨願往生天尊。

志心敬禮，合道真天尊。

志心敬禮，功德海天尊。

志心敬禮，青玄真人。

志心敬禮，三天真人。

志心敬禮，大慈救苦真人。

志心敬禮，大悲拔罪真人。

今日道場懺主，及以大衆，仰願東方無上靈寶天尊，諸尊諸聖，諸大真人，諸大化主，諸大仙衆，諸大救苦童子，遍十方際，盡玄虛界，應號一切真聖。以微妙毫光，遍照羅山地獄。懺主某已過去者，九祖七玄，三世父母，伯叔兄弟，及諸眷屬，或處幽閉，受罪苦者，願乘懺力、功德力、難思力早證解

脫，登無爲道。一拜

說三十七獄品第二

今日道場大眾，人各運心，仰對慈尊，說三十七獄名目。懺主某歛心長跪，諦聽演說，酆都羅山，東西南北，列三十六獄。中有一獄，曰北酆羅山，總都阿鼻無間地獄。普濟言，東西南北，共三十六獄，願聞是名。

慈尊言，天一、監天、平天、虛天、皇天、九天、元正、刑正、太真等九獄，列額在東。又有流火、火丸、火箭、飛火、燒脚、火象、然身、元平、禁罰等九獄，列額在南。又有鐵車、鐵馬、鐵牛、鐵驢、鐵錐、鐵牀、鐵杖、鐵鏘、鐵鍤、鐵等九獄，列額在西。又有玄沙、北玄、女青、河伯、幽玄、累劫、律令、糞尿、冰池等九獄，列額在北。其三十六獄，隨衆生種業，隨業分司在彼。其中央一獄，乃是十惡五逆、重罪衆生在彼。其獄內，且有刀山劍樹、鑊湯爐炭、烱銅銅柱、鐵犁鐵丸、鐵錐鐵磨、鐵碓鐵山、鐵釘鐵鼎、鐵鋌鐵秤、鐵枷鐵杻、鐵鎖鐵匣、鐵鳥灰河、雪山冰井、火坑屠割、

絞鋸剥皮、臭龜燻煨、然脚剝手、刀針
硤石、火山火磨，種種名目，莫知其數。
內懸一鏡，照罪人身，隱沒差殊，鏡中
即見。處彼一頃，如度一劫。萬死萬
生，苦痛辛酸。其諸獄中，皆不能及
此。獄主押諸獄，故曰總都。阿者，大
也。鼻者，遮也。無間者，無及也。故
言阿鼻無間地獄。又言阿者，不閑。
鼻者，不息。苦虐痛攷，不閑不息。內
有業風，罪人身心，千生萬死，摧碎
潰，業風一吹，應時蘇活。故一時一
頃，萬生萬死，其諸獄中，皆復如是。
於是酆都大帝，主構二百四十司，管轄
五萬衆，攷掠罪人，推窮輕重，纖細不
漏，舉奏善惡。且如鐵車猛火，輝赤炎
熾，常然車中。有一夜叉，罪人遙見，
宛同玉女，心欲往彼，及到彼中，骨肉
形體，便爲煙燼。且鐵牛身頭毛角尾，
皆如鋒鋸。罪人遙見，狀如金蓮，及至
牛身，火然煙焱，焚燒形體，良久不見。
其鐵馬形身毛頭尾，利如刀鋒。其鐵
驢亦復如是，各有一夜叉，牽與罪人。
罪人乘之，俱消形體，鐵鏃鏢等，種種

攷具，尖獐差毒，猛火鋒刃，皆不可說。
汝等衆生，只可聞之，而不可見，若逢
此處，萬劫難原。地獄天堂，莫言妄
說。陰陽同等，生死一般。由如世人，
夢之與覺。死如夢時，生若覺後。夢
中所作，與覺何殊。死去所爲，與生無
異。夢中快樂，亦由自當。覺時所苦，
亦由自己。汝等衆生，宜自思惟，早求
度脫。度脫之故，莫若懺悔。一懺之
後，改往重修。況以中國，難生人身。
難得若人，修立善果。如日月光，無私
不照，無幽不燭。汝等衆生，非盲非
聾。已盲者，不見日月；已聾者，不聞
善惡。既聞善惡，既睹日月，不覺悟
者，如藤蘿倚樹，隨樹而生，及至樹倒，
藤蘿何倚。今日道場大衆，如經所言，
恐懼痛切。今當精進，禮懺求哀。願
世世生生，不逢此處，惟願地獄餓鬼畜
生，同令解脫。懺主某伏爲平安 追薦禮
此懺文，五體投地，一心發念。稽首慈
尊，敬禮真聖。

志心敬禮，玉清降福天尊。
志心敬禮，尋聲救苦天尊。

志心敬禮，度仙上聖天尊。
志心敬禮，太上靈寶天尊。
志心敬禮，高華無上天尊。
志心敬禮，慈悲愛天尊。
志心敬禮，常慈海天尊。
志心敬禮，無去來天尊。
志心敬禮，普覆天尊。
志心敬禮，善果六道天尊。
志心敬禮，太清靈變天尊。
志心敬禮，上清常湛天尊。
志心敬禮，長生保命天尊。
志心敬禮，太一救苦天尊。
志心敬禮，普慈護國天尊。
志心敬禮，逍遙快樂天尊。
志心敬禮，隨願往生天尊。
志心敬禮，無邊際天尊。
志心敬禮，功德海天尊。
志心敬禮，正一真人。
志心敬禮，侍經真人。
志心敬禮，大慈救苦真人。
志心敬禮，大悲拔罪真人。
今日道場施主，及以大衆，仰願東
北方無上靈寶天尊，諸尊諸聖、諸大真

士、諸大真人、諸大龍神、諸大賢聖，諸大童子，遍十方際、盡玄虛界、一切真聖，以大慈力、懺法力、功德力、難思議力，令懺主某經生父母、一切姻蘿、存亡眷屬，已過去者，若在地獄，受諸罪苦，

因今禮懺，願得解脫。更願慈尊，闡揚善力，除酆都阿鼻無間獄中，刀山劍樹，身手脫落罪報；除鑊湯爐炭，燒煮罪報；除鐵牀銅柱，焦然罪報；除刀

輪火車，霹靂罪報；除拔舌犁耕，楚痛罪報；除吞啗鐵丸，烱銅灌口，骨肉消爛罪報；除碓磨形體，灰粉罪報；除支節分離罪報；除灰河糞穢，惱悶罪

報；除鹹水寒冰，皮膚拆裂罪報；除虎狼鷹犬，更相殘害罪報；除刀山爪距，搏撮斫刺罪報；除火坑炮炙，兩石相磕，形骸破碎罪報；除衆合黑闇，解

剔肉山，斬剉鋸絞，釘身斷截罪報；除鐵棒倒懸，屠割焦然，叫喚煩惱罪報；除除大小鐵圍，三十七城，不識三光，阿

波波阿婆婆阿吒吒阿羅羅，八寒八熱罪報；除一切諸獄，籜子凌持，抽筋拔腸，削肉削骨，無量楚痛罪報；除滅一

切罪報。王衆部屬，同受法潤，皆得遷賞。我等一切眷屬，非親至親，命奄之後，或入此處，或不入此處。仗今懺悔罪報之業，登證天堂，歸依大道。一拜

懺九幽品第三

今日道場大衆，人各運心，仰對慈尊，懺悔九幽地獄罪苦。懺主某攝心長

跪，諦聽經言，九幽者，東北方朔陰之地。九壘之下，名曰九幽地獄。其獄深沈繫閉。東有風雷地獄，常有黑風震雷，霹靂飛戈，飄戟衝突。罪人分解

肢體，萬劫受苦，不捨晝夜。南有火翳地獄，有諸罪人，吞火食炭，爲火所燒，頭面焦爛，頭戴火山，皮膚骨肉，節節

生火，萬劫受苦，不捨晝夜。西有金剛地獄，有諸罪人，金鎚鐵仗，亂攷無數。肢體爛壞，筋骨零落，鐵叉穿腹，金鎚

塞心，萬劫受苦，不捨晝夜。北有溟泠地獄，有諸罪人，沈沒丘寒之池，冰戟霜刃，衝斷筋骨，百毒之汁，以灌其上。

五體零落，心腹破壞，萬劫受苦，不捨晝夜。中有普掠地獄，有諸罪人，身被攷掠，痛苦難忍。斷筋流血，悶絕擲

地。於是獄卒方以鐵叉叉刺，令諸罪人，各各巡上，刀山劍樹，八達交風，吹樹低昂。足履刀山，掛身劍鏢，萬劫受苦，不捨晝夜。東南有銅柱地獄，大火

猛焰，有諸罪人，手抱足登，表裏焦爛，腹背膿潰，萬劫受苦，不捨晝夜。西南

有屠割地獄，有諸罪人，身被倒懸，刀劍割體，四肢筋脉，皮膚五臟，皆有刀刃割切。其身血流滿地，不可堪忍，萬

劫受苦，不捨晝夜。西北有火車地獄，有諸罪人，五車裂體，四肢分散。或身處其中，隨車東西，一切輪轉，皆有鋒

刃，隨輪運轉，割切罪人，加諸猛火，燒令焦爛，萬劫受苦，不捨晝夜。東北有鑊湯地獄，有諸罪人，身被鐵叉，又入鑊中。五體煎煮，四肢爛潰，膿血臭穢，不可堪忍，萬劫受苦，不捨晝夜。

普濟言，犯何重罪，分在彼中。以何主者，攷掠不停？

慈尊言，多犯三業罪苦，毀謗大乘，不忠帝王，訕說出家，點汙法身，破壞尊像，侵損常住，即落在九幽，受斯

苦報。乃有三官總統九府，曹掾推問，

乃越鄂都。普濟言，爲復一業一攷，爲復百業百攷。

慈尊言，鐵牀銅柱，悲楚難當，碎骨焦筋，以報邪淫之罪；凝寒切骨，遣卧冰河，以報劫盜他人財物之罪。烱銅令灌口拔舌，與犁耕，惡鳥啄睛。劍樹分張，確磨如麵，以報斜眉角眼之罪。身爲餓鬼，巡歷鑊湯，燒鐵爲丸，飢則當食，以報破齋犯戒之罪。其諸攷掠，各隨所業，一一推報，故無差互。今日道場，懺主某重加仰戀，願以善功精進，懺悔九幽痛楚，今日應在彼中受諸業報，願悉解脫。懺主某伏爲平安 追薦禮此懺文，五體投地，一心諦聽。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，度仙上聖天尊。
志心敬禮，才智精明天尊。
志心敬禮，無量智慧天尊。
志心敬禮，自然太真天尊。
志心敬禮，神力無礙天尊。
志心敬禮，毫相開陰天尊。

志心敬禮，法王皓素天尊。
志心敬禮，慈顏救苦天尊。
志心敬禮，救度超生天尊。
志心敬禮，光照九幽天尊。
志心敬禮，愛行道天尊。
志心敬禮，法利天尊。
志心敬禮，萬真天尊。
志心敬禮，勝光天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，逍遙快樂天尊。
志心敬禮，隨願往生天尊。
志心敬禮，無邊際天尊。
志心敬禮，功德海天尊。
志心敬禮，太極真人。
志心敬禮，解脫真人。
志心敬禮，大悲拔罪真人。
志心敬禮，大慈救苦真人。
今日道場施主，及以大衆，仰願東方無上靈寶天尊，諸尊諸聖、諸大真人，諸大童子，遍十方際、盡玄虛界、一切真聖。願發圓光，遍照幽牢，除滅破

壞，悉得清淨。一切苦魂，超生極樂，刀山劍樹，變爲寶林，鑊湯爐炭，化作蓮華，牛頭獄卒，翻成善友，一切鬼神，無生惡念。因今禮懺，赦諸狴牢，六道四生，悉悟無爲，登正真道一拜

釋放地獄、救度餓鬼畜生品第四

今日道場大衆，人各運心，仰對慈尊，發慈悲意，起平等心，昇遷地獄一切官屬，救度餓鬼、畜生、惡道。懺主某長跪歛念，投誠懺悔，且地獄牛頭獄卒、羅刹夜叉、惡鬼無量等衆，常居地獄，未得超輪。茫茫苦海，冥冥幽牢，無處安身，常當暗昧。更有銅狗鐵鳥，鐵馬鐵蛇，鐵驢鐵牛，怙籜臭龜，猛獸毒蟲，一切惡類，共報生前曾行不善，是致業報相纏。我今禮懺，發念弘普，是仗善力、道力、功德力，願諸地獄官屬，咸得超昇，出離苦趣，漸入天仙，同親至道，隨其因果，得轉人身。種種毒類，皆自消滅。且餓鬼道者，永劫飢渴，食欲吞山，不聞漿水飲饌之名，乃自食啗膿血臭穢。身形纒動，肢節火然，腹如懸鼓，項似布弦。我今禮懺，

發念無量，假功德力、難思議力、救度力，願此餓鬼，一切眷屬，皆得受生，稟人形體，飲饌異味，應念而至。且畜生道者，一切種類，無所知識，不得自在，鞭笞楚毒，屠割烹宰，或足或鱗，或飛或走，或毛或甲，或角或蹄，或大或小，或受人食啗，或不受人食啗，水族蠕動，胎卵濕化一切等類。乘今日道場力、懺法力、功德力，得生人道。懺主某伏爲平安 追薦恐墮業因，憑今懺悔，皆悉解脫。懺主某五體投地，一心發念。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，度仙上聖天尊。
志心敬禮，昇遷九品天尊。
志心敬禮，普潤含生天尊。
志心敬禮，滌滯天尊。
志心敬禮，輪轉天尊。
志心敬禮，瓊瑤天尊。
志心敬禮，證果天尊。
志心敬禮，度厄天尊。
志心敬禮，應化天尊。

志心敬禮，玄智天尊。
志心敬禮，闡揚天尊。
志心敬禮，尊妙天尊。
志心敬禮，開生天尊。
志心敬禮，變現天尊。
志心敬禮，分配受生天尊。
志心敬禮，玉虛九素天尊。
志心敬禮，太一救苦天尊。
志心敬禮，長生保命天尊。
志心敬禮，逍遙快樂天尊。
志心敬禮，隨願往生天尊。
志心敬禮，普慈護國天尊。
志心敬禮，無邊際天尊。
志心敬禮，功德海天尊。
志心敬禮，普濟真人。
志心敬禮，妙行真人。
志心敬禮，大慈救苦真人。
志心敬禮，大悲拔罪真人。
今日道場施主，及以大衆，仰願東北方無上靈寶天尊，諸尊諸聖、諸大地仙、諸大五嶽仙衆、水仙洞淵仙衆、靈壇社稷賢聖、一切境界龍神土地，遍十方際、盡玄虛界、一切應號無量真聖。

悉發念力、廣願力、禮懺力、功德力、無邊無際力、令懺主某九祖父母、三世眷屬、捨身受身，或在地獄、餓鬼、畜生道，未得解脫，乘此懺悔，願得超生，逍遙自在，以斯妙力道力，遍及群生。同稟玄風，齊登大道。一拜

解胎生害人品第五

今日道場大衆，人各運心，歸命十方無上靈寶救苦慈尊，解謝胎生，害人灾滯。懺主某歛心長跪，諦聽發念，且胎生害人，祖世相承，奉養鬼神，沈染流俗，習僞多違，罪因山積，以招重罰。比年以來，事多輻輳，縈纏疾苦，凶禍不息，驚夢紛紜，光怪互起，先世已來，殃攷不絕。或是三曾、七祖九玄、三世父母、中外眷屬，塚墓不安，中有訟考之鬼，醜星惡鬼，復連不絕。或葬埋造屏，移徙架立，起工繕治，嫁娶婚姻，日時不吉，觸犯禁忌。或掘鑿坑壠，傷動土精，致使存亡拷謫，魂魄拘閉，流殃復注，逮及後世。所犯凶逆，非可勝紀。今當精進禮懺，求哀迴向三聖，願乘解脫。懺主某伏爲平安 追薦禮此懺

文，五體投地，發志念心，稽首慈尊，敬禮真聖。

志心敬禮，玉清聖境天尊。
志心敬禮，度仙上聖天尊。
志心敬禮，金宮玉寶天尊。
志心敬禮，三素結成天尊。
志心敬禮，神化道運天尊。
志心敬禮，自然九真天尊。
志心敬禮，金雲妙集天尊。
志心敬禮，光映法王天尊。
志心敬禮，金姿凝湛天尊。
志心敬禮，百億應身天尊。
志心敬禮，自然金真天尊。
志心敬禮，洞玄方悟天尊。
志心敬禮，三元主錄天尊。
志心敬禮，三洞寂然天尊。
志心敬禮，太玄妙勝天尊。
志心敬禮，運明真應天尊。
志心敬禮，解脫四迷天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，無邊際天尊。

志心敬禮，功德海天尊。

志心敬禮，沖靜真人。

志心敬禮，沖慧真人。

志心敬禮，大慈救苦真人。

志心敬禮，大悲拔罪真人。

今日道場懺主，及以大衆，仰願東方無上靈寶天尊，諸尊諸聖、諸大真人，諸大童子，遍十方際、盡玄虛界、過去未來、隱現一切真聖。以大道心、無爲力、功德力、上善力。令懺主某三代魂魄，或因兇荒賊亂，刀兵木索，橫事獄死；或因虎狼蠱毒所害，木石所魅，入火被燒，墮水溺死。或自傷殘，繩縊而卒，時行疫身，遭其五毒，疽癩癰腫、惡瘡纏染，顛狂荒狷，凍餓殞歿；或中惡卒，忤逢惡鬼所殺，產乳傷胎墮損；或飛鳥梟狐所啄；或六畜所傷，處於天牢地獄，檐沙負石，運山搥土，填河塞海，晝夜憂苦，不得休息，困厄斯受；或因塚墓墳域，無不開墮，發撤採取，破壞棺槨，剋傷骸骨，形體分散，零落失次，暴露原野，身首異處，不得收葬，魂魄飛颺，依憑無所。假今善力，

令三世魂魄，久遠亡化。若骸骨在水，便爲水葬；若在火中，便爲火葬；若在土上，便爲露葬；若在蟲獸，所死便爲匿葬；若在木石上，便爲寄葬；若因鎗刃而亡，便爲劍化。當使懺主某從今日去，輓軻、消殄疾、苦沈潛，驚夢不生，光怪永斷。祖宗魂魄、塚墓墳域，永得利安，常希元吉，家門榮盛，男女康延，受祿受官，子孫繼接。常榮常貴，世代相連。仰願玄恩，永承大道。一拜

太上慈悲道場消災九幽懺卷之八

太上慈悲道場消災九幽懺 卷之九

太極左仙公葛玄纂集

為國祈求品第一

今日道場大眾，人各運心，仰對慈尊，當示一切衆生演說，為國為家，祈求恩福。懺主某長跪接手，諦聽經言，若以國主有災，星宿失度，兵革四興，風雨不調，百穀不成，兆民疾疫，國土不安，興師動衆，有所施為，種種災厄，一切不祥，皆當告我。造大功德，抄經寫像，置觀度人，復以帑藏、珍寶玩具、金銀珠玉、珊瑚琥珀、宮苑綵素及以田園屋宅，將用布施，入三寶福田，度脫衆生，救拔危苦，釋解囚徒，建諸齋戒，敷百高座，演說大乘甚深妙義，勸誘國人皆令聽法，布施懺悔，救護功德，不可思議。若復帝主臣僚，縱恣暴怒，多行邪慾，殺戮無度，自取逍遙，苦虐一切，致有災厄，臨於兆庶，日月失昏，災星傍照，侵逼帝座，國多水旱，妖怪蟲

蝗，人民叛亂，僭佞互起。無奈何者，而以帝主人王，及天下人民，當召三洞法身，及以壇衆，無限其數，遍詣靈壇宮觀、山水巖洞、聖跡之所，廣建道場，懸諸旛蓋，散花、燒香、然燈，日夜行道，禮懺無倦，六時殷勤，不息廣施財寶，救拯一切，吾即以道力，作大神通，助其消却，令被災害，應時滅潰。若有國分，五星失正，暗曜差移，二十八宿，不依分野，日月勃蝕，陰陽不調，當使南上司命韓君丈人，周天八極長生司馬，調理璿璣，復於分位，災祥變異，皆使消滅。若復大旱，人民渴乏，即以龍王震雷霖雨，以滅旱苦。若或大雨霖霖，洪水滔天，連陰不解，人民淪沒，即以河上玉女、九海北玄君、正炁君吏，為收水炁，開雲止雨，水即消退，無所損傷。時諸龍鬼，亦各念善。若有外魔，邪精惡鬼，魑魅魍魎，入其境土，欲行病苦，當共斥逐，不使留停。是我慈尊，威德至重，克使皇圖永固，帝德長新。躋民於仁壽之庭，措國於華胥之域。陰陽交泰，日月長明，寰海晏清，

臣民康樂，三邊寧靜，五穀豐穰。

普濟言，天下人民，分其貧富，貴賤不同，縱使修行，必不能辨，唯行一事。復慮未免災危，進退疑惑，莫能明了。未審救護功德，有等差否？慈尊言，救護解厄，本在至誠，布施捨財，不以多少。凡有五種：一者造我形像，真應化身。福流歷劫，果報無窮。何以故？衆生妄想，心不可係，睹我真容，便生念想，念想既生，真靈降接，專懷注想，克果無為；二者抄寫經教，三洞大乘。福流永劫，功德無邊。是故經者，導引愚迷，能發衆生無量道意，從迷起悟，從悟成真，衆聖修行，皆登道果；三者置觀度人，立造堂殿。功德無量，不可思議。何以故？度人出家住持，經像教化衆生，令發道心，一以悟萬，輪轉因緣，助國化人，弘道明法，利益最多；四者修齋行道，禮懺誦經。讚歎燒香，福田無量。是故齋以洗心，道能通悟，行道謝罪，禮懺祈恩，功感諸天，消災降福，生死受賴；五者布施一切，無量福田。果報巍巍，其功

深厚。財物者，衆生性命，切已難忘，能捨命財，心不吝惜，廣建功德，普濟衆生，內息慳貪，外除劫賊，生死蒙恩，人天利益。如是作福五種法門，皆隨力分，以漸修行，保國安家，超生拔苦。經言猶如甘雨一霑，受者皆潤。隨其稟識，悉得滋榮，禮懺求悔，亦復如是。今日道場大衆，聞經所言，能勸衆生立諸功德，不可思議。懺主某自從無量劫來，至于今日，未曾聞諸功德，引喻法門。今日伏爲平安 追薦禮此懺文，獲大悟解，五體投地，一心諦聽。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，玉虛明皇天尊。
志心敬禮，太極真容天尊。
志心敬禮，真一自然天尊。
志心敬禮，皆受記天尊。
志心敬禮，化氣天尊。
志心敬禮，龍德天尊。
志心敬禮，勝相天尊。
志心敬禮，高德天尊。

志心敬禮，太玄天尊。
志心敬禮，樂遊天尊。
志心敬禮，八極天尊。
志心敬禮，知真天尊。
志心敬禮，五氣天尊。
志心敬禮，太虛天尊。
志心敬禮，清虛天尊。
志心敬禮，金容天尊。
志心敬禮，感降天尊。
志心敬禮，玉京天尊。
志心敬禮，保應天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，逍遙快樂天尊。
志心敬禮，隨願往生天尊。
志心敬禮，無邊際天尊。
志心敬禮，功德海天尊。
志心敬禮，寶相真人。
志心敬禮，圓寂真人。
志心敬禮，大慈救苦真人。
志心敬禮，大悲拔罪真人。
今日道場懺主，及以大衆，歸命歸

依，仰願上方無上靈寶天尊、諸尊諸聖、諸大天仙、諸大洞天仙衆、地仙、水仙、飛仙、普濟真人，救苦真人，救苦童子，遍十方際、盡玄虛界、隱顯一切真聖。廣覆玄恩，遍流國土。願以帝王，景祚延永，烽燧不生，戈鋌偃戢，疆土守界，諸王太子，共肥帝業，臣子忠正，輔弼卿相，與國同休，共匡宇宙。願以乾坤明素，氣象清玄，水旱長蠲，蟲蝗不起，三邊永息，灾癘沈潛，風雨順時，稼穡稔歲，天垂甘露，地湧祥雲，國富臣賢，家足孝悌。次願羅山諸獄，八難九幽，罷攷神魂，長空三惡。懺主某自從無量無始劫來，至于今劫今生，今日九祖父母、一切眷屬，願承禮懺力、功德力。咸得超昇，歸正真道。一拜

廣救人民品第二

今日道場大衆，人各運心，仰對慈尊，廣救人民，說諸善利。懺主某歛心接手，諦聽經言，常念衆生，處於三毒、十惡之世，被諸魍魎精魅、惡鬼邪神、毒蟲猛獸、刀兵水火、桎械牢獄、疾病苦痛，一一纏染，不能自安。故演三洞

經戒，濟救齋法，普度衆生，及以符圖神呪，付諸法學，及諸天帝、救苦真人、三天大魔王、五天魔王，分布世間，救護一切，令得自在。然衆生愚癡，不識罪福，放縱六情，殺生偷盜，邪淫遊蕩，慳貪瞋怒，情性顛倒，綺言妄語，惡口兩舌，啗食衆生，破齋破戒，違天負地，背正信邪，呪詛神鬼，衆罪縱橫，而無片善。是致毒風惡氣，六天魔鬼，遍滿世界，流行殺伐，中害死傷，日夜萬計，不可稱量。

慈尊遣諸天帝、十極神王、三界四司，下降人間，按行救度，拯濟衆生，遍滿天地，人豈知之。今重告汝，救護之法，不可思議，克感靈應。普濟稱言，大慈大悲，能爲衆生，願垂付囑。慈尊言，常以歲旦八節、三元晦望、五臘十直此諸等日，善男信女，到於斯日，不食葷穢，制斷六情，不生念想，即乃清淨，燒香持齋，念道禮我化號。首謝己身，發露懺悔，乃得遷功補過，免受苦厄。若己身不專，當請男官法身、女官法身，精心懇禱，禮拜供養。若於家

庭，若於靈觀，以華果齋食，旛華香火，及捨衣綵、卧具牀帳、錦繡茵褥、香油米麵，隨其所有，即得善神立降，度免厄難。若身所負惡疾，邪病纏綿，醜宿加臨，連年不解，虛耗侵凌，財帛散失。或生產育，懷抱夭折。或捨身出家，長乃退悔。或夜夢百怪，神思不安，火燭驚恐，官事橫受，抵犯禁方，不避神殺，干觸墳墓，水火衝破，木石絞結，爲禍作戾，種種厄苦，不祥兆朕，但於家庭，廣作修崇，隨力多少，禮我應號，然燈燒香，不捨晝夜，四天帝王，下來扶護我之應號。所禳者伏，所求者應，所陳者達，所告者從，拔贖咎債，救護存亡，建此祈禳，最爲第一。若帝王國主、大臣宰輔、諸王妃后、帝子天孫，能爲父母、己身眷屬、朝戚皇親，行其救拔，廣召男官法身、女官法身，不以多少，於其宮殿，持齋行道，禮拜懺悔，以日繼夜，不住時刻，勤心不退，則有十天真人、四司五帝下降，按察功過，病者得差，死者得活，厄者得度，禁者得脫，行者得還，仕者得昇。水火刀兵、虎狼毒

獸、邪精鬼魅，永不干身，無觸無犯。若有民庶，能爲帝王國主、人民土地，一切衆生，禮我化號真像，救護群品，願各各安樂，最不可思議。若兵革四起，侵竊疆界，禮我化號真像，即得戈鋌退散，無損無害。若疫毒臨人，修禳不解，禮我化號真像，即得病患痊愈，不縈纏染。若水旱不調，五穀不熟，禮我化號真像，即得調順，萬物滋榮。若惡風毒氣，飄灼人民，禮我化號真像，即得所染病苦，應時瘳退，體氣恬和。若惡蟲猛獸，殘害民物、一切畜類，禮我化號真像，蟲虎奔潰，山神掩藏。若人懷孕臨產，未見平善，禮我化號真像，即得子母團圓，解免無難。萬灾消滅，千變萬化，止轉我身，我之化號，弘護有情，無願不果。但能志心，無急不濟。今日道場大衆，人各運心，如經所言，當須精志，禮諸化身應號。願是功德，廣救衆生，普度一切。懺主某生身，在世，無量劫來，沈淪罪苦，未得解脫。今日伏爲平安。追薦禮此懺文，五體投地，一心發念。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，玉虛明皇天尊。
志心敬禮，崇仙護命天尊。
志心敬禮，大威德天尊。
志心敬禮，玄寂天尊。
志心敬禮，體解天尊。
志心敬禮，宏教天尊。
志心敬禮，龍順天尊。
志心敬禮，中法天尊。
志心敬禮，常湛天尊。
志心敬禮，興道天尊。
志心敬禮，衆妙天尊。
志心敬禮，太微天尊。
志心敬禮，真相天尊。
志心敬禮，太法天尊。
志心敬禮，無量壽天尊。
志心敬禮，奉道德天尊。
志心敬禮，紫清降福天尊。
志心敬禮，玄德救拔天尊。
志心敬禮，圓滿正智天尊。
志心敬禮，隨方赴緣天尊。
志心敬禮，太一救苦天尊。

志心敬禮，長生保命天尊。
志心敬禮，普慈護國天尊。
志心敬禮，無邊際天尊。
志心敬禮，功德海天尊。
志心敬禮，逍遙快樂天尊。
志心敬禮，隨願往生天尊。
志心敬禮，等照真人。
志心敬禮，玉光真人。
志心敬禮，大慈救苦真人。
志心敬禮，大悲拔罪真人。

今日道場施主，及以大眾，稽首歸依，仰願上方無上靈寶天尊，諸尊諸聖、諸大飛仙、天仙、地仙、水仙、諸大真人，諸大童子，遍十方際、盡玄虛界、一切化身真像尊聖。伏願同垂巨澤，闡演玄風，遍及世人，普濟群庶，消災降福。令懺主某乘斯道力，穰者得消，保者得免，病者得痊，難者得吉，近亡解脫，遠化生天，沈滯幽魂，盡乘因果，一切含靈，悉蒙救度。咸離苦源，俱登道岸。一拜

解衆生結縛品第三

今日道場大眾，人各運心，仰對慈

尊，無極大道、一切真聖，爲以衆生，解諸結縛。懺主某身心清淨，稽首增念，經言，元始以一氣而化三才，天地運動，萬物生成，人居其內，稟質養形，悉因所化。外資秀氣，表裏相因，而成五德。衆生受蔭，内外包羅，十月出胎，周回十氣，氣運化生，百節開張。一一節中氣成十結，一一結內皆有一神，結習相因，罪累纏縛。解其結縛，和暢百神，故立十方，而留億號。一一應號，能爲衆生，解其結縛。若以衆生結解，深悟道源，如似世間擊賊，須召千兵，及獲一賊，一兵不用，且衆生身假地水火風，陰陽顯晦，皆從五臟六根相染。心王意馬種造，疑惑之結、盤根之結、滯礙之結、傷殘之結、病患之結、口舌之結、冤家之結、篤疾之結、瘖啞之結、戲玩之結、交易之結、酒食之結、殺害之結、湯火之結、嫉妬之結、妄語之結、輕薄之結、貪求之結、勇猛之結、破齋之結、犯戒之結、好弄之結、勞心之結、積恨之結、無慚之結、愛慾之結、耳不聞聲之結、眼不視物之結、心悶之結、

氣怒之結、天羅之結、地網之結、水火之結、洞房之結、相剋之結、相妨之結。如是一切衆生，身居天地，形受榮枯，火宅煎仍，浮生擾擾，有諸煩結，障惱肉身，結結相因，永無休息。普濟問言，何爲心王意馬。

慈尊言，心若師王，意如猿馬，難降難伏，變轉不停。猿馬雖止，心王不息。若以善伏師王，意馬則不能變轉。既停變轉，乃結業不生。普濟問言，以何善力，教示衆生，悟解諸結？慈尊言，衆生欲求悟解，於清淨處，嚴潔家庭，隨力豐儉，然香點燈，於我像前，禮諸化號，懺悔冤結，諦聽思惟，勇猛精進，悟解諸結，免遭沈墜。乘此懺力，當降金剛百鍊、玉液千和、太白流光、元黃散逸，洗滌淫邪，解冤除結，去煩去惱，安泰身心，善邪自會，惡亦相磨。四梵真人、十方化主，當使衆生，悉令開悟。業業不起，善善自深，而得回生，何由不拔。又念衆生，若能善解一結，即百結皆寬，即得上昇清氣，下降天符阿脩猛將、鐵額銅頭護法神王、玉

鈎金鎖，千結萬恨，頓息心猿，似橘如珠，永停意結，心永無心，結永無結，冤憎解釋，消網除羅。當願一切衆生，永悟真道，得以解脫。今日道場大衆，人各運心，諦聽在心，如經所言，衆生處世，永執煩籠，解離無由，何所逃遁。禮斯懺法，頓悟縈纏，今可思惟，精進禮念。願以善力，遍及有情，所受纏結，皆乘懺力，得悟無爲，登至真道。懺主某又念人居浮世，日積惡氣，身有三業，口多四過，業根相繫，結聚難拋。今則澄鍊身形，洗除塵染。今日伏爲平安。追薦禮此懺文，五體投地，一心發念，稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，玉虛明皇天尊。
志心敬禮，遍立功德天尊。
志心敬禮，遐宣道廕天尊。
志心敬禮，功德嚴淨天尊。
志心敬禮，慈悲說法天尊。
志心敬禮，太上教化天尊。
志心敬禮，難思聖德天尊。

志心敬禮，妙彩金容天尊。
志心敬禮，生成四氣天尊。
志心敬禮，證果隨願天尊。
志心敬禮，開道往生天尊。
志心敬禮，萬福堂天尊。
志心敬禮，高妙道天尊。
志心敬禮，行善慧天尊。
志心敬禮，感應天尊。
志心敬禮，上靈天尊。
志心敬禮，法海天尊。
志心敬禮，衆妙天尊。
志心敬禮，功德智明天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，逍遙快樂天尊。
志心敬禮，隨願往生天尊。
志心敬禮，無邊際天尊。
志心敬禮，功德海天尊。
志心敬禮，金輪真人。
志心敬禮，降魔真人。
志心敬禮，大慈救苦真人。
志心敬禮，大悲拔罪真人。

今日道場懺主，及以大衆，稽首投誠，仰願上方無上靈寶天尊，諸尊諸聖、諸大化號、諸大應顯、諸大神仙，諸大衆聖，諸大童子，一切賢聖，遍十方際、盡玄虛界、一切真聖。願以金剛力士，太和之水，令懺主某身中，積厭除解，清淨心田。當願擁滯消滅，榮衛流轉，同心淨心，善結更結，不生有念，無起煩勞。今日道場，清淨爲事，祖禰魂識、父母眷屬，早離冤結，無使沈墜，二世存亡，齊登道果。一拜

起讚歎心品第四

今日道場大衆，人各運心，仰對慈尊，勸諸衆生，起諸讚歎。懺主某歛心長跪，諦聽經言，人之受生，未有不從先業來者，故稟神挺質，各有因緣，罪福吉凶，悉從其業。所以天促、貴賤、貧富、好惡、愚智，長短各各不同，皆悉前定。若人知造三業、十惡，罪咎深重，當自各悟求，哀禮懺法。無邊心起無量意。凡遇善緣，須當讚歎。讚歎功德，不可思議。若見國王帝主、皇后嬪妃、諸王公主、卿相大臣，發大善心，

皆須讚歎。願福護邦家，永承帝業。若見造立宮殿，廣建玄壇，當須讚歎，願早成就，得以歸依；若見國恩開度，男官女官道士，當須讚歎，願得離苦，三世清淨；若見裝塑尊像，真應化身，當須讚歎，心起精虔，供養無怠；若見抄寫三洞大藏聖典，當須讚歎，願得永劫流通，皆成化度；若見殿堂、樓閣、臺榭，嚴麗華整，當須讚歎，願普得歸依，常獲瞻敬；若見鐘磬、銅鐵道具，當須讚歎，願得警戒群迷，聲聞幽夜；若見講說衆經，敷揚妙義，當須讚歎，願乘功德，解釋狴牢；若見誦念經懺，受持供養，當須讚歎，克獲道緣，堅固不退；若見行道歌讚，祈恩乞福，當須讚歎，願福力普霑塵沙世界；若見男女燒香然燈，翹勤禮拜，當須讚歎，願諸所告；若見燒香，當須讚歎，普願香煙獻諸真聖；若見然燈光明，照徹幽闇，當須讚歎，願冤債永消，同等日月；若見持齋奉戒，供養真聖，當須讚歎，願世間蠢動，一切含識，永入法門，不沈苦趣；若見布施人天，當須讚歎，

願福壽巍巍，祿財不竭；若見精進崇奉，念念至誠，當須讚歎，願不生退轉，常懷歡喜；若見勇猛崇敬，發大善心，當須讚歎，願不值橫魔，早得真道；若見居家常誦經懺，當須讚歎，願一切天真盡得聞見；若見山棲學道，常住庵巖、守志安閑、不求名利，當須讚歎，願先得道者，次第開度；若見男女端正，當須讚歎，普願出家，紹隆正教；若見世間一切，諸善因緣，當須讚歎，願人天獲果，皆蒙利益。如是種種讚歎善力，勸發衆生，成就道心，使入精進。當得九玄七祖、生身父母、伯叔兄弟、己身枝蘿、一切眷屬，爰從無始劫來，至于今劫，今世今生，今日積行所爲，三業六根、五逆十惡重罪，悉得消滅。今日道場大衆，如經所言，讚歎善力，不可思議。當須精進，廣發讚歎，願此功德，普及有情。懺主某伏爲平安 追薦禮此懺文，五體投地，一心發念，稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。

志心敬禮，玉虛明皇天尊。
志心敬禮，太玄都天尊。
志心敬禮，無量壽天尊。
志心敬禮，恒靜嘿天尊。
志心敬禮，無礙辯天尊。
志心敬禮，不思議天尊。
志心敬禮，廣化天尊。
志心敬禮，真慧天尊。
志心敬禮，開度天尊。
志心敬禮，相無窮天尊。
志心敬禮，演真虛天尊。
志心敬禮，妙法聖慧天尊。
志心敬禮，玄隱無爲天尊。
志心敬禮，幽源不測天尊。
志心敬禮，妙樂普通天尊。
志心敬禮，大化玄明天尊。
志心敬禮，普照無爲天尊。
志心敬禮，玄通萬變天尊。
志心敬禮，隨功度人天尊。
志心敬禮，八卦護身天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。

志心敬禮，逍遙快樂天尊。
志心敬禮，隨願往生天尊。
志心敬禮，無邊際天尊。
志心敬禮，功德海天尊。
志心敬禮，等耀真人。
志心敬禮，輪轉真人。
志心敬禮，大慈救苦真人。
志心敬禮，大悲拔罪真人。
今日道場懺主，及以大衆，歸依仰願上方無上靈寶天尊，諸尊諸聖、諸天神仙、諸大龍神土地、諸大真人、諸大真士，諸大童子，遍十方際、盡玄虛界、一切顯化真聖。願以大道力、無爲力、功德力、難思力，當令懺主某爰從無量無始劫來，至于今劫，今生今日，九玄七祖、師尊父母、伯叔兄弟、己身眷屬、存亡二世，或曾遇諸善緣，不起讚歎，所有罪業，仗今禮懺，願得消滅。己身自今日去，若聞若見，種種善緣，歡喜踴躍，倍加讚歎，使勤修習，當願成就，普度群生。願我九祖先靈、經生父母、師尊法學、同房法屬、同住法眷，至于伯叔兄弟、己身眷屬，已過去者，不纏

業障，永除煩惱。願承懺力，遍及莊嚴，國界安寧，邊陲肅靜，乃至地獄、餓鬼、畜生，同賴玄恩，得達道岸。一拜
太上慈悲道場消災九幽懺卷之九

太上慈悲道場消災九幽懺

卷之十

太極左仙公葛玄纂集

顯功德感福報品第一

今日道場大衆，人各運心，仰對慈尊說，顯立功德，當感福報。懺主某端拱兩手，長跪諦聽經言。普濟上問：慈尊所顯諸功德法門，勸喻衆生，教令修習。況以衆生微弱，力不能及，未審所修，有何等級。

慈尊言，且功德無窮，大略有九，隨其力分，各獲福田。汝等衆生，宜須諦聽：一造像，二抄經，三置觀，四度人，五建道場，六轉經禮懺，七持戒，八普設齋供，九布施。或建立堂殿、樓閣房廊、常住庄田、旛華燈燭、鐘磬鐃鈸法具，種種修營，皆獲功德，無量無邊，過去未來，受大福報，不可思議。造像寫經者，見世得居尊貴，過去生天王門。立觀度人者，見世得豪富，過去生國王門。行道念誦者，見世得善神保

護，過去生聰明身。持齋信重燒香者，見世長得安樂，過去生富貴身。奉戒懺悔者，見世得諸天敬護，過去即生人中形容具足身。布施經像者，見世得善因果，過去生容貌身。布施齋供者，見世得多衣足食，過去生端正身。布施貧窮者，見世得圓滿光明，過去生福相身。不啗食衆生者，見世得無病無苦，過去得長壽身。不飲酒食肉者，見世得精神附體，過去受賢聖身。不嗜慾知足者，見世得體無臭腋，過去生清淨身。放生贖命者，見世得無夭折，過去生恭敬身。說法教化者，見世得福慧雙修，過去生出家身。且如功德報應，如響應聲，如形對影，大小無異，清濁自分，汝之愚迷，不識因緣，不信罪福，不知此身，從前身種福中來，不知此身慳生即滅，不知此身總是虛假，不知此身念念無常，只恣慳貪、殺生偷盜、邪淫放蕩、啗食衆生、綺言妄語、謗毀經教、多聚資財，常謂此生無有壽限。況是一切衆生，開眼則造罪無數，閉眼則已入狴牢。終身造罪，豈曾覺

悟，不能發一念善心，散過去、未來受生之業。自度己身，種其芽蘗，却念子孫，愁無所活。我念世人，溘斷哭泣，少時便自憂憶子孫男女，詎憶父母養育之恩。自以無始已來，遞相做習，無一悟解，轉恣愚癡。復念一切汝輩，愚愚相習，永不自覺，故示罪福宿命因緣，令出離苦愛慾河中。又念衆生流浪沈淪，不出苦海，此之世界，名曰棄賢宛利天境，亦曰雜報世界。染慾愛天生在其中，暫生即滅，暫聚即散，如彼電光，須臾即沒，生老病死，痛痒疼酸，飢寒燥濕，水火刀兵，魔精鬼賊，毒風惡症，交相中害，念念無常，曾不暫住，苦惱幾何。目前行事，身自纏繞，尚不覺知，豈肯信有，諸天道境，福地神仙，長生不死，自在無爲。我觀世之受生，促於蜉蝣；世之安居，迫於毫末；世之臭處，甚於廁穢；世之快樂，何異糞蟲。猶自不知，常爲安樂，豈不是苦。復念人之受生，未有不從先業來者，故稟神挺質，各有因緣，罪福吉凶，悉從其業。所以壽夭貴賤，貧富好

醜，愚智等類，各各不同，乃至鳥獸蟲魚、鷄犬草木，亦復如然。況以人生受身，甚難逢遇，一朝敗壞，萬劫何期。我故慇懃戒勸汝等，所以戒勸勤修，齋戒行道，誦經禮拜，燒香然燈，布施懺悔。發願濟生度死，造像寫經，度人立觀，水斷造橋，道邊立井，度諸行人，濟諸困渴，種種方便，爲其衆生，作當來徑路。我豈有所求，一切衆生，宜各思惟。今日道場大衆，如經所言，所示之法，廣略難思，慇懃爲我等衆，啓諸福基，當作來路，我今禮念，各自精勤。願此功德，利益無邊，應是一切含識，皆得受潤。懺主某伏爲平安 追薦禮此懺文，願以功德，隨心感應，五體投地，一心發念。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，真皇洞神天尊。
志心敬禮，太光常照天尊。
志心敬禮，法體圓滿天尊。
志心敬禮，紫霞浮蓋天尊。
志心敬禮，玄智遠照天尊。

志心敬禮，湛寂體玄天尊。
志心敬禮，散威形天尊。
志心敬禮，隨機赴感天尊。
志心敬禮，超生死天尊。
志心敬禮，光明天尊。
志心敬禮，道氣天尊。
志心敬禮，大元天尊。
志心敬禮，光像天尊。
志心敬禮，證道天尊。
志心敬禮，福壽天尊。
志心敬禮，明應天尊。
志心敬禮，北極天尊。
志心敬禮，無上天尊。
志心敬禮，真品內名天尊。
志心敬禮，樂素緣天尊。
志心敬禮，太一救苦天尊。
志心敬禮，長生保命天尊。
志心敬禮，普慈護國天尊。
志心敬禮，逍遙快樂天尊。
志心敬禮，隨願往生天尊。
志心敬禮，無邊際天尊。
志心敬禮，功德海天尊。
志心敬禮，普濟真人。

志心敬禮，普慈真人。
志心敬禮，大慈救苦真人。
志心敬禮，大悲拔罪真人。

今日道場懺主，及以大衆，仰願下方無上靈寶天尊，諸尊諸聖、諸大天仙、諸大地仙、五嶽仙衆、諸大真士、諸大真人，諸大童子，遍十方際，盡玄虛界、化號一切真聖。同垂感應，救護一切。令懺主某所爲某事，隨心獲應，皆乘懺力。願患者病安，灾者穰退，遠逝者受生，近化者解脫，存者利益，所求得遂。仍願四生六道，悉得霑濡，草木附精，孤魂滯魄，乘此良緣，俱超大道。一拜

追資報答品第二

今日道場大衆，人各運心，仰願慈尊，普施無礙功德，遍及一切人等。今說追資報答因果。懺主某伏膺在念，諦聽經言，人之受生，天地爲象，負陰抱陽，胞胎受蔭，懸命由天。天帝即召主筭童子，遊行人間，檢量罪福，男女吉凶，短長壽命，三日一言，七日一奏，百日一結，不輟須臾。若修善立功，諸天

童子、司命司錄，即爲延年，消滅災禍。若造罪積惡，諸天帝王、六天魔鬼，收係魂魄，上詣三官，令收魂識。若乃不滿筭紀者，造罪所致；得終筭紀者，積善所臻。凡人欲修壽限，皆屬地司所轄，諸天諸帝校察，悉依簿籍，定其生死，即與三界官屬、察命童子，收攝神魂，以絕生氣。若人當有疾病久纏，牀枕沉困所加，命將垂絕，若有家人眷屬，隨其力分，建置道場，轉經禮懺，卷部數目不限多少，家人眷屬，仰對諸天諸聖，首謝病苦所犯生身罪業，即放神魂，重延壽筭，得以痊愈。若復大限有期，當復救拔，廣作功德，資及逝魂，不纏苦惱。生人無難，不見恐懼，若從首七，乃至三祥，追遠之辰，香燈供養，晨夜不倦。所以者何？復有察命童子監奏罪福，得入生門，福流後嗣，不滯地獄，無受罪業。喻似世人，初縈公訟，案牘未明，與新逝者，義亦同故。於是

有善惡二神，十日下來，巡校家庭。作福者，善神保舉，令得生天。若不作福者，惡神領錄，入以幽閉，當使家人多恐，凶橫纏繞。既有所苦，但於宮觀，或在家庭，向我像前，禮拜隱顯化號，修齋行道，拔贖罪業，令得解脫，名標仙籍，身處逍遙。如是種種，追資報答，因果功德，最爲第一，實堪稱讚。若有善男子、善女人，能爲父母、一切眷屬，畫塑儀像，造立殿堂，許發信心，廣令勸喻。若如是者，不可思議，一切人等，於諸法內，起一善心，作一願樂。懷心報答，是名善果，不可思議。

今日道場大衆，如經所言。慈尊廣爲一切衆生，說此功德法門，作生死徑路，不可思議。懺主某過去九玄七祖、父母伯叔兄弟、己身一切眷屬，若在地獄、餓鬼、畜生含識之類，未乘追薦，未修報答，今當精志禮敬，應號真聖。願是功德，遍霑存歿，咸得解脫。

今日伏爲平安 追薦禮此懺文，五體投地，一心發念。

志心敬禮，玉清降福天尊。

志心敬禮，尋聲救苦天尊。

志心敬禮，真皇洞神天尊。

志心敬禮，遍觀法界天尊。

志心敬禮，妙光湛寂天尊。

志心敬禮，九色威光天尊。

志心敬禮，出離方便天尊。

志心敬禮，隨方享福天尊。

志心敬禮，護魂無滯天尊。

志心敬禮，轉法隨心天尊。

志心敬禮，真空天尊。

志心敬禮，太真天尊。

志心敬禮，運度天尊。

志心敬禮，威神天尊。

志心敬禮，真品天尊。

志心敬禮，沖妙天尊。

志心敬禮，寶秘天尊。

志心敬禮，虛皇天尊。

志心敬禮，慈應元和天尊。

志心敬禮，慈德拔難天尊。

志心敬禮，弘濟丹景天尊。

志心敬禮，長生保命天尊。

志心敬禮，太一救苦天尊。

志心敬禮，普慈護國天尊。

志心敬禮，逍遙快樂天尊。

志心敬禮，隨願往生天尊。

志心敬禮，無邊際天尊。

志心敬禮，功德海天尊。

志心敬禮，法解真人。

志心敬禮，寶光真人。

志心敬禮，大慈救苦真人。

志心敬禮，大悲拔罪真人。

今日道場懺主，及以大衆，歸依下方無上靈寶天尊，諸尊諸聖、諸大真人、諸大妙行真士，諸大童子，遍十方際、盡玄虛界、隱現一切真聖。願以大慈光力，以大悲力、道力、法力，遍照下方世界，羅酆九幽諸獄。令懺主某九祖七玄、師尊父母、伯叔兄弟、己身一切眷屬，或處於三惡道中，未得超生，遠化者、近逝者，悉乘今日，至心懺悔，不以罪業輕重，同得解脫，歸依大道。一拜

叙教流通品第三

今日道場大衆，人各運心，歸命懺悔，仰對慈尊，說叙教救度流通群品。懺主某歛心諦聽，演示經言，元始以一氣化生三氣，分爲三天，三清之境出於三洞寶經，乃曰三乘結飛玄之氣，自然成章，玉字金書，龍文鳳篆，大方一丈，八角垂芒，教化諸天，流通世界，始終

五劫，常轉法輪。雖天地運終，而三洞不滅，開度群品，導引人天，三界十方，俱霑利益。普濟言，三洞下世，未審何時。爲是同來，亦有前後。

慈尊言，每劫之初，洞真下化，人懷道德，處於虛無。悉奉正真，長生不死。以次洞玄下化，大朴既虧，淳風已散，人漸澆漓，失道叛德。以次洞神下化，人轉澆浮，不奉大教，背真向僞，年命短促。三洞不行，智慧日興，人鬼交雜，運度促急，不滿百年，念念無常，淪喪不絕。我重出世，宣行三洞，布化人間，隨代機緣，敷揚經教。復以聖祖託化人間，救度衆生，演出科戒。或夷或夏，或聖或凡，周遍十方，悉令開度。三洞妙法，散在人間，勸誘衆生，使勤修習。若人積罪累業，沉迷惡道，不能信奉者，惟從邪僞，諸雜妖神，徒竭身心，終歸地獄。信奉三洞大法者，悉入福堂，或白日昇舉，尸解遁形，名迹雖存，暗行幽界，人莫能識。復言我將隱去後，魔教轉興，人民夭折，兵戈水火，疾病纏綿，朝夕相繼，竭於財帛，以奉

妖詐，僞亂日生，澆訛時扇，飢寒苦惱，父子流移，永無覺悟。又念汝輩，積劫沉淪，說是要言，以示聾瞽。且經者，教化衆生，使識根源本始，宿命因緣，罪福報對，善惡吉凶，生死門戶，方便所由，令改惡從善，保安性命，長生無爲，歸奉大道。保之者福降，修之者神佑。於是諸天上聖妙行真人、神人、仙人，常欲人勤，燒香懺悔，則善神保護，衆聖垂念。若身有罪，內外纏縛，則惡神肆害，疾病加臨，水火刀兵，毒蟲猛獸，枷鎖牢獄，衆苦難脫。若人惟知外飾，面目、衣服、手足，而不知內洗身心、罪根、惡業，不亦愚迷。如面目、手足、衣服，勤加洗濯，必得清淨。太極真人言，天尊於福德天中香積世界，集諸天仙衆說法之時，念以普濟真人，起無畏力，發廣念心，爲諸衆生，請問機緣，說以諸尊應號。當此之時，地作紫磨金色，天雨寶花，名香異寶，皆隨虛空，流滿道前，不可稱數。汝等衆生，當宜信奉，努力精心，敷揚我法，勿使外魔，破亂境土。普濟真人及諸天衆，

聞是語已，泣涕追慕，哽咽悲傷，如喪父母。念願慈尊，時時戒喻，令我得悟，證無上道。於是普濟白諸天仙聖衆言，十方國土，城邑聚落，山林靜處，若有精進學仙上士，及以清信仕族，護持經懺，禮念化身應號。或好紙墨，抄寫絲條靜軸，七寶成持，勸喻國人，禮拜供養，如對真形，晝夜不懈，流通宣布，令未聞者聞，未見者見。如法修行者，當得諸天仙衆、仙童玉女、十部威神保護。此人永得安樂，隨心獲果，此之威力，不可思議。猶如虛空，無有邊際，說不可盡。今日道場大衆，如經所言，諸尊應號，不可思議。一切衆生，當願已受、未受苦報者，皆得解脫。懺主某今日伏爲平安 追薦禮此懺文，五體投地，一心發念。稽首慈尊，敬禮真聖。

志心敬禮，玉清降福天尊。
志心敬禮，尋聲救苦天尊。
志心敬禮，真皇洞神天尊。
志心敬禮，和神利物天尊。
志心敬禮，體悟萬德天尊。

志心敬禮，幽照無極天尊。
志心敬禮，萬行圓滿天尊。
志心敬禮，元陽量化天尊。
志心敬禮，演法遍化天尊。
志心敬禮，六通濟苦天尊。
志心敬禮，真意天尊。
志心敬禮，紫府天尊。
志心敬禮，遊處天尊。
志心敬禮，蓮華天尊。
志心敬禮，默念天尊。
志心敬禮，高真天尊。
志心敬禮，玄宮天尊。
志心敬禮，無礙天尊。
志心敬禮，普潤無爲天尊。
志心敬禮，舟楫普度天尊。
志心敬禮，至德光相天尊。
志心敬禮，太一救苦天尊。
志心敬禮，長生保命天尊。
志心敬禮，逍遙快樂天尊。
志心敬禮，隨願往生天尊。
志心敬禮，普慈護國天尊。
志心敬禮，無邊際天尊。
志心敬禮，功德海天尊。

志心敬禮，普濟真人。
志心敬禮，普救真人。
志心敬禮，大慈救苦真人。
志心敬禮，大悲拔罪真人。

今日道場懺主，及以大衆，仰願下方無上靈寶天尊，諸尊諸聖、金闕高仙、玉京聖帝、龍神土地、里域真官，諸天仙君、洞天仙衆，遍十方際、盡玄虛界、化現一切真聖。以難思力、無量功德力，令懺主某伏爲平安 追薦禮此懺文，上拔九祖七玄，遠逝近亡，父母六親，一切眷屬。乘此懺悔，超生極樂，不滯三塗，不履五苦，及今見在，至親傍親，一切枝蘿姻眷，長得安樂，永無苦惱。又願以禳者、以報者、以業者、以患者，皆承懺力，永依大道。一拜

顯驗證實品第四

今日道場大衆，人各運心，禮拜歸依，仰對慈尊，顯驗懺法、證實因緣。懺主某歛心長跪，諦聽經言，道生一氣，分化三才，應世立名，隨機示號，周遍法界，數若塵沙。更有積學真人，位極諸天，數亦無量。若有善男子、善女

人，能發自然道意，爲國主人王、妃后公侯、及以天下人民、九祖七玄、師尊父母、己身一切眷屬乃至三塗五苦、八難九幽，晝夜行道，燒香散花，然燈禮拜，天尊聖號者，當得十方天尊、巨億萬衆，同來鑒照，列功諸天。己身福壽無窮，灾消罪滅，國土太平，兆民安樂，三塗罷對，五苦停酸，沉滯含生，俱得解脫。

爾時，太極真人語玄言子，常以此經，天尊化號，流通廣布，使遍十方，令一切男女，抄寫供養，至誠禮誦，當感十華真人、金剛力士、三界五帝、一切威靈，護其國土，保佑人民，若能隨處立像，功德難量。若有男官法身、女官法身，至月朔中晦十直、三元八節、本命庚申、會臘之辰，願國安寧，靜心嘿念，天尊應號，當得神仙降接，雲鶴來迎。若能稱揚讚歎，勸諸男女，受持禮誦此之聖像，實不可思議。若有衆生，見慈尊應號，生不相信，輕慢法寶，疑毀聖文。當知此人，從無量劫來，沉淪下鬼，受諸苦報，備歷異形，始得受生，

還歸人道。愚癡觸壁，無所解知，習惡種因，不能信敬。若有衆生，聞此懺法，一句一偈，一尊一號，一禮一拜，生信信心，當知此人，前身曾入寶城，親聞妙法，及入寶藏，親曾讀誦，今再受生，轉加信奉。若有人見此懺法，初生信重，後起悔心，不禮不誦，心生怠慢，當知此人，雖得人身，異形未斷，是致身過之後，再生惡道，萬劫受苦，無由解脫。

爾時，太極真人傳授經畢，玄即叩頭禮謝。又感真人口傳七號應化天尊，令爲衆生，救存拔亡，爾乃當示衆生，咸得禮誦，無怠聖教。今日道場，懺主某伏爲某事禮此懺文，五體投地，一心發念，稽首慈尊，敬禮真聖。

- 志心敬禮，應化號天尊。
- 志心敬禮，普得行天尊。
- 志心敬禮，無量慧天尊。
- 志心敬禮，常無爲天尊。
- 志心敬禮，滿虛空天尊。
- 志心敬禮，常清淨天尊。
- 志心敬禮，隨機感天尊。

今日道場懺主，及以大衆，仰願十方無上靈寶七號應化天尊，同加善力，覆護衆生。令懺主某克諧心願，罪業報對，皆得解脫，次及見存一切眷屬，無障無難，殃注斷絕，又願才智聰敏，道德淵微，功滿行圓，宦學名遂，功勳克峻，寵澤彌新，內外同康，尊卑有序，兵戈屏息，風雨順時，壽考長延，名書玉簡，施一報萬，永永無窮。世世生生，沉淪永脫。子孫繼嗣，億萬斯年。一切有情，同登道岸。一拜

仙公葛玄言

高上老君曰，如是十方天尊，皆是元始應氣而生於十方，安鎮國土，教導衆生，隨其緣感，散影分身，變化無窮，與劫輪轉，隱顯不恒，開度一切，福被萬天。若道士、女官及諸男女，能發善心，爲國主人王、父母妻子、己身眷屬、七祖九玄、天下地上、一切衆生，隨其分力，金銀珠玉、瓦石銅鐵、丹青繡畫，造其形像，布散十方，遍滿國土，禮拜供養，立觀度人，行道念誦，散花然燈，懺悔發願，奉戒持齋，見世安樂，過去

生天，獲福無量，不可思議。若國主有災，日月薄蝕，星辰失度，水旱不調，兆人疫癘，兵革四興，當於靈觀玄壇，及於宮殿庭闕，以萬二千燈，作十重二百盞，開八方門，使內外圓足，光明朗徹，然於其中，晝夜禮懺，散花燒香，歸命十方，一千一百七十靈像，名號稱揚念誦，建大寶齋，放生布施，立百高座，講說三洞大乘妙經，即得國土安樂，天下太平，若公侯牧伯、一切人民，有衆災厄，亦當勤行，見世昌熾，七祖昇天，免脫地獄，長夜光明，世世罔極，長享無爲然燈之法。亦可羅列千二百盞，亦可大建寶輪，上安萬二千燈，亦可所立之。公侯以千，庶人用百，皆依法。夜則使燈光不絕，晝則息之。停散之日，皆當廣設大齋，行道讚歎，言功諸天。得福無量，不可勝言。於是十方真人及諸徒衆，一時稽首，稱善而退。

今日道場懺主某一心諦聽仙公葛玄言，吾自受此經已來，立斯懺法，散及同道，令遍天下，廣爲人民，濟其危難，後見當山土地、木石附精，當來擁護，稱荷道蔭，從此流傳次第，普救衆生。且如靈和國王，身抱疾苦，將逾百日，中命垂絕。太子皇后及諸嬪妃，晝夜哀鳴，無以爲計。有一化身道士，說是天尊應號，功德難思，能濟王命，即召男官法身、女官法身，一切清衆，於王大殿，修齋行道，燒香散花，然燈禮拜，天尊聖號，發願懺悔，願得王體休安。不逾一臘，度厄真人，下爲開度，免其垂絕，重紹王位。朝事如故，宰輔卿相，百辟臣僚，稱賀泰階，永延聖祚。一拜

復有香積國中，被賊圍逼六十日間，人民困乏，不知所計。有一大臣，奏國王言，天尊應號有大聖力，不可思議。王即召男官法身、女官法身，啓建道場，燒香行道，禮拜天尊應號，三日三夜，精虔礪志，無倦時刻，即有五天將帥，領轄兵衆，下降圍繞，王國無難。賊乃逃潰，無復叛亂。

復有賢士，入海採藥，忽遇惡風，波浪震動，念諸聖號，濟苦真人，將九海龍王、八風使者，攝制風水，達於彼岸。

復有女子臨產，命垂頃刻。家人乃急，請禮此聖號，立獲感通，保全子母。

復有人爲虎精所魅、蛟龍所魅，復有家人每至中夜，常聞音樂歌唱，龍鳳變化，尋建道場，請禮經懺，凡諸精魅，悉皆沈滅。

復有男子腹如鼓大，日食其水，將及三石。七年中間，藥不能治。

復有女子日食惡草數把已來，腹中常痛，亦乃燒香供養，請禮經懺，凡被精魅，及食水草，皆禮我懺法，悉得痊愈。其驗非一，今略言之。汝等男女，精而試之。今日道場，禮此懺文，願乘懺悔，克獲聖果。又願慈尊衆相圓滿，法皆平等，無有高下。普令世間四輩，一切衆生，悉令清淨，歸依三寶法身，大慈大悲、金闕玉京、紫微上宮、寒靈丹殿，無上法王、侍懺仙真、玉童玉女、一切神仙，乘其法力，救度世間大地，一切衆生。令皆離苦，咸使解

脫。悉悟無爲，齊登道果。一拜。

太上慈悲道場消災九幽懺卷之十

(陳耀庭點校)

025 太上慈悲九幽拔罪懺

經名：太上慈悲九幽拔罪懺。
十卷。底本出處：《正統道藏》
洞玄部威儀類。

太上慈悲九幽拔罪懺卷之一

爾時元始天尊，時遊十方世界，天上地下，無所不經，至大福堂國，見虛皇道君，爲十方國土、一切衆生、善男女等，心生厭故，遂即分身應變，口吐五色瓊光，遍照十方，無不明徹。爾時，男女及諸四衆，晝夜惶懼，悲聲歎泣，瞻仰尊顏，稽首頂禮，叩頭博額，肘行膝步。諸禽雜獸，並皆如是。一切衆生，諸方仰視，寂絕形影，莫知所尋。爾時，虛皇道君，慈愍衆生，分身下界，安坐碧霞神寶之座，念彼衆生，如常說法，演教化人。一切含靈，及諸禽獸，

皆來詣座，稽首作禮，步步而前。重遇道君，歡喜踟躕。是時，座下有一真人，名曰普救，從衆中出，稽首作禮，上白天尊，願聞演說。十方男女，生可獲福，死得受生，作何因緣，得遂本願。

天尊告曰，汝可復坐，靜念在心，一切因緣，吾爲解說。天尊言，十方世界，皆有天堂。若有男女，常禮十方應號天尊，當生可獲福，死得受生。於是普救真人，及諸四輩，長跪齊心，而聽演說。爾時，天尊先說，東方青靈始老蒼帝、九炁天君，華林境界，其有真人，名曰靜境无極之國、惠靜莊嚴。若人臨終之日，願生彼國，當禮東方應號天尊，長跪懺悔，免恒沙罪障，獲无量善，因鍊質澄神，登真悟道。衆等至心，今當敬禮。

人各恭敬

志心朝禮，慈悲三寶天尊。
志心朝禮，尋聲救苦天尊。
志心朝禮，東方玉寶皇上天尊。
志心朝禮，普慈護國天尊。
志心朝禮，大忍無礙天尊。

志心朝禮，東華上相天尊。
志心朝禮，清宮演化天尊。
志心朝禮，仙靈妙寶天尊。
志心朝禮，含和虛極天尊。
志心朝禮，九天積善天尊。
志心朝禮，皇上真老天尊。
志心朝禮，元靈隱曜天尊。
志心朝禮，金闕玉童天尊。
志心朝禮，凝心玄應天尊。
志心朝禮，靈都大度天尊。
志心朝禮，玄靈至德天尊。
志心朝禮，高上太虛天尊。
志心朝禮，圓通妙極天尊。
志心朝禮，開明真相天尊。
志心朝禮，寶勝元和天尊。
志心朝禮，寶藏圓極天尊。
志心朝禮，玄明真定天尊。
志心朝禮，衆智成滿天尊。
志心朝禮，金華上相天尊。
志心朝禮，真行明因天尊。
志心朝禮，威光實際天尊。
志心朝禮，開通信悟天尊。
志心朝禮，慧解明智天尊。

志心朝禮，紫虛上極天尊。

志心朝禮，虛心普照天尊。

志心朝禮，惠源廣潤天尊。

志心朝禮，正覺垂訓天尊。

志心朝禮，真智照極天尊。

志心朝禮，仙度妙寶天尊。

志心朝禮，紫陽靈應天尊。

志心朝禮，妙意無邊天尊。

志心朝禮，金光善惠天尊。

志心朝禮，玄虛真行天尊。

志心朝禮，惠空度脫天尊。

志心朝禮，莊嚴玄覺天尊。

志心朝禮，靈感遍通天尊。

志心朝禮，虛皇降照天尊。

志心朝禮，妙極真源天尊。

志心朝禮，玄應惠明天尊。

志心朝禮，寶相真陽天尊。

志心朝禮，凝神湛照天尊。

志心朝禮，法雲普潤天尊。

志心朝禮，虛明遠覽天尊。

志心朝禮，法相圓滿天尊。

志心朝禮，妙意端嚴天尊。

志心朝禮，本際玄微天尊。

志心朝禮，沖真寂照天尊。

志心朝禮，大慈大悲救苦真人。

志心朝禮，大慈大悲大惠真人。

志心朝禮，大慈大悲救苦真人。

志心朝禮，大慈大悲大惠真人。

志心朝禮，大慈大悲救苦真人。

志心朝禮，大慈大悲大惠真人。

禮三寶已，復次懺悔

志心歸命，十方常住三寶。臣等懺

悔累劫以來過誤之罪。衆等暗昧，不

省前非，或造作惡緣，施爲信意。心如

火盛，炎炎而不揀媿妍；意似刀鋒，凜

凜而不論強弱。積時累日，經月逾年，

未遇首陳，慮遭塗炭，冰池火柱，劍樹

鑊湯，寒即痛心，熱來焦體，斷筋傷骨，

腐腹糜腸。如此罪元，乞垂滌蕩。

天尊言，若有善男子、善女人，未

終之者，雖然造罪，亦復修福。在生修

福，十分得八；將福補罪，多少始知。

若當過去造諸功德，七分之一，計功補過，福乃有餘，如此比量，始

名得一。若將善功，補罪不足，即當涉

歷三塗，受諸苦惱。一日一夜，萬死萬

生，備受諸苦。若有亡人，臨終之日，

諸方請師，及見在男女、香火知識同於

一處，燒香懺悔，受戒誦經，先取亡人

身上衣物，將對香火，懺悔受戒。從身

亡之後，三七日內，別置清淨之所，安

立道場，燃燈續明，讚詠行道，鳴鍾禮

拜，虔懇投誠。所以爾者，急修功德。

初亡之人，方開道路，得悟東西，乘此

善緣，往生極樂。先亡獲救，見在蒙

恩。懺悔既終，志心敬禮。

人各恭敬

志心朝禮，妙樂威光天尊。

志心朝禮，普照幽冥天尊。

志心朝禮，法緣無盡天尊。

志心朝禮，隨機赴感天尊。

志心朝禮，正智玄虛天尊。

志心朝禮，惠日流光天尊。

志心朝禮，瓊華炳耀天尊。

志心朝禮，浮香遠覽天尊。

志心朝禮，飛雲廣覆天尊。

志心朝禮，普度藥王天尊。

志心朝禮，海空惠解天尊。

志心朝禮，慈悲興樂天尊。

志心朝禮，虛皇普濟天尊。
志心朝禮，法燈朗照天尊。
志心朝禮，高上太虛天尊。
志心朝禮，大慈救苦天尊。
志心朝禮，安住至樂天尊。
志心朝禮，玄和妙寶天尊。
志心朝禮，無爲定惠天尊。
志心朝禮，玄虛嚴靜天尊。
志心朝禮，惠量應物天尊。
志心朝禮，莊嚴素德天尊。
志心朝禮，虛玄至極天尊。
志心朝禮，妙奉自然天尊。
志心朝禮，慈悲救度天尊。
志心朝禮，無名寶相天尊。
志心朝禮，法雲垂蔭天尊。
志心朝禮，慈恩廣化天尊。
志心朝禮，玄津普潤天尊。
志心朝禮，雲和積善天尊。
志心朝禮，大惠凝湛天尊。
志心朝禮，廣開戒定天尊。
志心朝禮，囑累法寶天尊。
志心朝禮，冥神洞照天尊。
志心朝禮，崇仙開化天尊。

志心朝禮，大弘正法天尊。
志心朝禮，無邊普度天尊。
志心朝禮，法橋廣濟天尊。
志心朝禮，德藏包含天尊。
志心朝禮，權變應現天尊。
志心朝禮，威德大慈天尊。
志心朝禮，炎光靈耀天尊。
志心朝禮，丹元光妙天尊。
志心朝禮，朱明法本天尊。
志心朝禮，慧命凝常天尊。
志心朝禮，丹靈定慧天尊。
志心朝禮，威光度脫天尊。
志心朝禮，金闕化身天尊。
志心朝禮，逍遙快樂天尊。
志心朝禮，火煉丹界天尊。
志心朝禮，大慈大悲救苦真人。
志心朝禮，大慈大悲大惠真人。
志心朝禮，大慈大悲拔難真人。
志心朝禮，大慈大悲定惠真人。
志心朝禮，大慈大悲濟苦真人。
志心朝禮，大慈大悲上生真人。
禮三寶已，復次懺悔
志心歸命，十方常住三寶天尊。

懺悔累劫以來，過誤之罪。衆等託蔭父母胞胎，或富或貧，或貴或賤，或善或惡，或女或男，莫省輪迴，難分終始。前雖懺悔，慮有不周。一切冤愆，咸希洗雪。

天尊言，若有善男子、善女人，欲使臨終之日，願生十方妙樂境界者，當以潔淨身心，洗除穢垢，嚴整衣服，捨己資財，燒衆妙香，請師禮懺，懸諸旛蓋，音聲讚詠，供養三寶，口誦尊經，一切莊嚴，善依言說，真法智慧，不可思議。計斯衆生，觀此肉身，從空至空，寂滅假合，地水火風。若有休聚敗壞，精進行道，可得拔度，隨意止住，福果必登，真心具備，出離地獄，受樂自然，得見大道。爾時，元始天尊告太上道君曰，卿與普救真人，遊行十方，見有汝等弟子，願生於十方快樂之國，無極無窮，不可稱計。于時天尊道君、諸天聖衆、所有清靜之境，亦無極量，不可稱說。我於大衆中，爲諸四輩未顯之界一切衆生，曉示妙境內外三界，諸如國土飛天真人、得道聖衆，所有名諱，

略示緣由。若能精心奉禮，功滿三千，布施衆生，勤行无怠，當生淨境，不滯幽牢，悉願歸依，稽首作禮而退。

太上慈悲九幽拔罪懺卷之一

太上慈悲九幽拔罪懺卷之二

爾時，元始天尊爲普救真人，演說東方青靈始老蒼帝、九炁天君，華林境界、无極之國，惠靜莊嚴。既竟重爲演說，東南方梵炁天君，碧霞境界，其有真人名曰，真安無極之國，妙寂莊嚴。若人臨終之日，願生彼國，當潔己清齋，請師奉禮，東南方應號天尊，長跪懺悔，免恒沙罪障，獲無量善因。鍊質澄神，登真悟道，衆等至心，今當敬禮。

人各恭敬

- 志心朝禮，東南方好生度命天尊。
- 志心朝禮，慈風廣扇天尊。
- 志心朝禮，法身出世天尊。
- 志心朝禮，無礙自在天尊。
- 志心朝禮，巧說法相天尊。
- 志心朝禮，增益惠解天尊。
- 志心朝禮，善權方便天尊。
- 志心朝禮，至寂澄明天尊。
- 志心朝禮，智惠无等天尊。
- 志心朝禮，太微應號天尊。

- 志心朝禮，通玄定相天尊。
- 志心朝禮，洞鑒幽明天尊。
- 志心朝禮，梵明弘教天尊。
- 志心朝禮，安樂勝報天尊。
- 志心朝禮，昇玄至極天尊。
- 志心朝禮，妙光寶勝天尊。
- 志心朝禮，中和大惠天尊。
- 志心朝禮，一乘虛極天尊。
- 志心朝禮，玄宗誕應天尊。
- 志心朝禮，無量威化天尊。
- 志心朝禮，宣輝妙覺天尊。
- 志心朝禮，冥神洞宴天尊。
- 志心朝禮，金映護魂天尊。
- 志心朝禮，西靈惠照天尊。
- 志心朝禮，四極顯真天尊。
- 志心朝禮，玄真九老天尊。
- 志心朝禮，上聖十華天尊。
- 志心朝禮，四虛普照天尊。
- 志心朝禮，真元七照天尊。
- 志心朝禮，二素皓靈天尊。
- 志心朝禮，金門演教天尊。
- 志心朝禮，太華上極天尊。
- 志心朝禮，空洞虛皇天尊。

志心朝禮，玄光度世天尊。
志心朝禮，九空太素天尊。
志心朝禮，靈耀八景天尊。
志心朝禮，七覺照疑天尊。
志心朝禮，三素光明天尊。
志心朝禮，大洞景華天尊。
志心朝禮，無上真如天尊。
志心朝禮，元和寶勝天尊。
志心朝禮，定光命祿天尊。
志心朝禮，皓華素德天尊。
志心朝禮，妙寶淨光天尊。
志心朝禮，真明虛極天尊。
志心朝禮，沖和靈應天尊。
志心朝禮，太和高上天尊。
志心朝禮，虛極妙靈天尊。
志心朝禮，寶華元梵天尊。
志心朝禮，淨藏祕景天尊。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。

禮三寶已，復次懺悔

至心歸命，十方常住三寶。臣等懺悔身業之罪，自從生誕，形體分張，首負圓天，足履方地，肌屍穢醜，骨血腥凡，不蔽星辰，恒干風雨，累此陽過，必犯陰愆。憑此善緣，咸希懺洗。

天尊言曰，若有善男子、善女人，爲其亡人，初終百日、周年遠忌，造諸經像齋供，財貨雖多，獲功彌少。但緣心恒慢易，意且羸疏，殘食獻齋，餘財設像。一捨一慳，或作或休，名價雖高，計功全寡。或觸之以葷雜，或捨之以狐疑，致使獲功，三分惟一。譬如衣服，裁截雖了，竟久不縫，必欲人著在身，未審從何慣帶。蓋緣有初無末，是以功績不成。若人造諸經像，設諸齋食，及施與法師物等，一分失落，隱沒差殊。其福不成，何勞須造，徒費財貨，枉用初功，見在招殃，亡人獲罪。即使重淪地獄，再受冥愆，苦楚切身，飢寒備體，逡巡不過，竟久難存，鐵杖穿心，火丸焦口，重重須受，一一皆償。走避無門，竄身何地，殃延七祖，禍及

九玄，莫議逍遙，空思善果，縱生追悔，難免前非。都緣積善善鍾，積惡惡至。如形逐影，似響隨聲，曲直難逃，清濁難顯。汝等男女，精虔捨施，齋潔懺揚，莫假聲名，便言功德。聲名功德，其罪如斯。善女信男，悉皆諦受，即使魂靈解脫，災厄蠲除。稽首歸依，今當敬禮。

人各恭敬

志心朝禮，宗師度脫天尊。
志心朝禮，法力超昇天尊。
志心朝禮，玄素惣德天尊。
志心朝禮，太華應運天尊。
志心朝禮，高皇玉帝天尊。
志心朝禮，勝光寶耀天尊。
志心朝禮，高勝玄景天尊。
志心朝禮，中皇真際天尊。
志心朝禮，元洞玉晨天尊。
志心朝禮，高上太一天尊。
志心朝禮，至極明空天尊。
志心朝禮，玉虛挺相天尊。
志心朝禮，惣真元洞天尊。
志心朝禮，流光應現天尊。

志心朝禮，流鑒照幽天尊。
志心朝禮，通遠深淵天尊。
志心朝禮，金容顯相天尊。
志心朝禮，垂形散影天尊。
志心朝禮，流光四朗天尊。
志心朝禮，洞元積感天尊。
志心朝禮，高玄惣真天尊。
志心朝禮，皓明梵寶天尊。
志心朝禮，金光七素天尊。
志心朝禮，玉皇真極天尊。
志心朝禮，玄上太微天尊。
志心朝禮，洞惠虛容天尊。
志心朝禮，明機流鑒天尊。
志心朝禮，尋真大洞天尊。
志心朝禮，凝神會聖天尊。
志心朝禮，玄真太一天尊。
志心朝禮，淨滿寶光天尊。
志心朝禮，大乘景德天尊。
志心朝禮，耀明高上天尊。
志心朝禮，普垂玄照天尊。
志心朝禮，玉潤流耀天尊。
志心朝禮，上華元一天尊。
志心朝禮，七變元和天尊。

志心朝禮，五劫開化天尊。
志心朝禮，含光祕景天尊。
志心朝禮，清都證極天尊。
志心朝禮，靈化洞虛天尊。
志心朝禮，沖虛入妙天尊。
志心朝禮，延壽保命天尊。
志心朝禮，北極明耀天尊。
志心朝禮，玄虛太極天尊。
志心朝禮，紫庭虛皇天尊。
志心朝禮，金容應福天尊。
志心朝禮，瓊華十善天尊。
志心朝禮，玄微隱耀天尊。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。

禮三寶已，復次懺悔

至心歸命，十方常住三寶。臣等懺悔身業之罪，但緣分身貴賤，高下不均，稟氣富貧，寬狹難等。或貴者深堂廣宇，拖紫紆朱，銀壁椒房，丹臺玉楯。

或賤者蒼頭跣足，逐後迎前，聲氣羈微，格式卑下。或富者輕裘肥馬，奧室精滄，言語如鍾，心襟似海。或貧者飢寒不迨，禮義何周，言行相違，施為無擬。紛茲身業，豈解秉持。違過更多，誰能堅守。前雖懺悔，尚恐未周。當此虔誠，咸希滌蕩。

天尊言曰，善哉如卿所言。護持世界，能為衆生，方便問難，咨請諸疑，隨意科數，一一具問，咸實希有，我今重嘆不可思議，告諸衆生，諦聽修之，當為解脫。若有善男子、善女人等，父母終亡之後，資備生方，捨家資財，禮經乞懺，蕩滌諸愆，獲生天界。若有男女寫經造像，設供持齋，財物有餘，私將入己，其物直一錢已上，十年十倍，又復不還，身當重病，失其相好，鳥栖露宿，死棄人間，永無出期，縱得受生，聾盲六疾，恒不具足。若用旛花物者，七年七倍，又復不還，身當囚徒，在於囹圄，被著枷鎖，繫繫晨昏，劣瘦日深，告雪無已。若用布施法師物者，五年五倍，又復不還，身為貧窮，衣食寒賤，

或爲牛馬，以力報酬，或作猪羊，以命相負，或幼遭孤子，無處依投，倚傍他人，身口不備。都緣不孝，致此冤愆。汝等男女，咸皆諦受。勤修功德，秉戒身形，一心奉行，稽首而退。

太上慈悲九幽拔罪懺卷之二

太上慈悲九幽拔罪懺卷之三

爾時，元始天尊爲普救真人，演說東南方梵炁天君，碧霞境界無極之國，妙寂莊嚴。既竟，重爲演說南方梵寶昌陽丹靈真老赤帝三炁天君，梵天境界，其有真人，名曰真老無極之國，端化莊嚴。若人臨終之日，願生彼國，當潔己清齋，請師奉禮，南方應號天尊，長跪懺悔，免恒沙罪障，獲無量善因，鍊質澄神，登真悟道。衆等至心，今當敬禮。

人各恭敬

- 志心朝禮，南方玄真萬福天尊。
- 志心朝禮，高真大寶天尊。
- 志心朝禮，玄和大度天尊。
- 志心朝禮，紫宸降福天尊。
- 志心朝禮，上惠弘慈天尊。
- 志心朝禮，冥寂幽源天尊。
- 志心朝禮，雲光正德天尊。
- 志心朝禮，還淳示像天尊。
- 志心朝禮，安神寂照天尊。

- 志心朝禮，紫極元君天尊。
- 志心朝禮，玄真妙寶天尊。
- 志心朝禮，四達無礙天尊。
- 志心朝禮，六辯虛凝天尊。
- 志心朝禮，明耀景秀天尊。
- 志心朝禮，圓光炳耀天尊。
- 志心朝禮，金映流真天尊。
- 志心朝禮，玄上紫虛天尊。
- 志心朝禮，太微妙極天尊。
- 志心朝禮，靈光空相天尊。
- 志心朝禮，无上景皇天尊。
- 志心朝禮，虛明洞惠天尊。
- 志心朝禮，寶玄流化天尊。
- 志心朝禮，澄神寶劫天尊。
- 志心朝禮，妙智湛常天尊。
- 志心朝禮，五靈玄德天尊。
- 志心朝禮，六度凝解天尊。
- 志心朝禮，高元上相天尊。
- 志心朝禮，普光弘濟天尊。
- 志心朝禮，凝玄高上天尊。
- 志心朝禮，耀景元和天尊。
- 志心朝禮，弘明寶相天尊。
- 志心朝禮，惠空无滯天尊。

志心朝禮，沖和遠暢天尊。

志心朝禮，含光萬善天尊。

志心朝禮，游虛常樂天尊。

志心朝禮，端嚴上德天尊。

志心朝禮，明霞通智天尊。

志心朝禮，乘真道化天尊。

志心朝禮，靈化妙見天尊。

志心朝禮，瑩德明皇天尊。

志心朝禮，通玄釋滯天尊。

志心朝禮，德充无上天尊。

志心朝禮，虛皇演聖天尊。

志心朝禮，玄冥廣運天尊。

志心朝禮，慈忍救度天尊。

志心朝禮，中極九老天尊。

志心朝禮，元靈高聖天尊。

志心朝禮，中皇太一天尊。

志心朝禮，梵氣彌綸天尊。

志心朝禮，黃庭大保天尊。

志心朝禮，大慈大悲救苦真人。

志心朝禮，大慈大悲大惠真人。

志心朝禮，大慈大悲救苦真人。

志心朝禮，大慈大悲大惠真人。

志心朝禮，大慈大悲救苦真人。

志心朝禮，大慈大悲大惠真人。

禮三寶已，復次懺悔

至心歸命，十方常住三寶。臣等懺悔心業之罪，伏自初分南北，漸辯東西，愛好嫌羸，喜富嗔賤，信心所作，不度短長，貪利忘恩，隔親憐外。見華飾則无厭无足，聞簡實則如隙如讎。罪積丘山，功无塵露。慮標名北部，奪筭南宮，是敢懺悔道前，乞垂原赦。

天尊言，若有善男子、善女人，從生至死，毀壞尊像，損破道場。或剥脫行人及出家法身。或破諸禁戒，啖葷血之徒，五逆生心，合舌為本，誹謗三寶，嗔怒慈親。或棄賤憎貧，背夫逐婦。或造私潤己，背正入邪，同烝不親，交遊益重。或用三寶物，無有愧心，貸債彌多，抵賴不少。或殺生偷盜，不信公途，向暗背明，欺存調殺。或罵詈良善，凌突賢人，姪慾恒多，陰毒不息。諸如此罪，盡係冥關，不有懺揚，將何消蕩。若有善男子、善女人，常行孝心，旦暮不怠。或為父母，或為九玄，或為交親，或為血屬，或為兄弟，

或為己身，捨施資財，請師禮懺，精羞供養，嚴潔道場。或八節三元、五臘十直、七元本命、歲旦庚申，是此良辰，或持齋戒，可除八難，能去千灾，一切冤家，咸恩洗雪。先亡離苦，久遠生天。地獄停酸，幽關水閉。愚癡曉了，六疾痊平，涉歷四時，不罹灾疊。汝等男女，各自慎行，兢兢在心，勿生厭倦，即逢善果，遇此因緣，懺悔既終，齋心敬禮。

人各恭敬

志心朝禮，三素洞神天尊。

志心朝禮，大哀愍苦天尊。

志心朝禮，霞光朗耀天尊。

志心朝禮，中玄正一天尊。

志心朝禮，黃房洞晏天尊。

志心朝禮，玄上虛无天尊。

志心朝禮，玄微大寶天尊。

志心朝禮，黃庭九老天尊。

志心朝禮，威靈拔度天尊。

志心朝禮，大明皓氣天尊。

志心朝禮，玄真上景天尊。

志心朝禮，太皇勝妙天尊。

志心朝禮，靈元寶命天尊。
志心朝禮，流光通道天尊。
志心朝禮，飛華慶善天尊。
志心朝禮，定相延和天尊。
志心朝禮，迴元至極天尊。
志心朝禮，應飛光像天尊。
志心朝禮，无心妙體天尊。
志心朝禮，六度真容天尊。
志心朝禮，興龍道相天尊。
志心朝禮，高真觀妙天尊。
志心朝禮，流變延真天尊。
志心朝禮，妙樂難勝天尊。
志心朝禮，元皇一炁天尊。
志心朝禮，玄虛太素天尊。
志心朝禮，真老福慶天尊。
志心朝禮，青真妙覺天尊。
志心朝禮，元精始老天尊。
志心朝禮，玄和淨德天尊。
志心朝禮，太空惠量天尊。
志心朝禮，明真四極天尊。
志心朝禮，自然靈應天尊。
志心朝禮，積慶天和天尊。
志心朝禮，廣運慈善天尊。

志心朝禮，萬靈導護天尊。
志心朝禮，弘慈廣濟天尊。
志心朝禮，明皇救善天尊。
志心朝禮，開度福道天尊。
志心朝禮，垂光慈蔭天尊。
志心朝禮，妙智善權天尊。
志心朝禮，六合通明天尊。
志心朝禮，開度憂危天尊。
志心朝禮，昇真大帝天尊。
志心朝禮，神章八會天尊。
志心朝禮，太丹三素天尊。
志心朝禮，元和寶相天尊。
志心朝禮，太真高上天尊。
志心朝禮，流光萬變天尊。
志心朝禮，通玄真定天尊。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
禮三寶已，復次懺悔
至心歸命，十方常住三寶。臣等懺

悔心業之罪，但以智見淺短，氣格頑愚，恣縱而行，言執己是。貪婪無足，鄙吝何窮，見善而讎，聞惡可及。積財千萬，猶說困懸，爲罪深多，恒稱公當。從初至末，豈覺豈知，積日積時，逾年逾月，不申懺洗，何以祛除。今對道前，咸希滌蕩。

天尊言，善男子、善女人，一切業緣，皆有報應。汝等諦受，次第具陳：鐵床壞體，銅柱焦筋，以報邪淫之罪；寒冰雪山，痛心傷骨，以報劫盜之罪；拔舌吞火，灌口鎔銅，以報兩舌之罪；熱灰埋體，猛火燒身，以報殺生之罪；鐵犁耕背，惡鳥啗睛，劍樹分張，碓磨如麵，以報邪眉怒眼之罪；身爲餓鬼，循歷鑊湯，燒鐵爲丸，飢則當食，以報破齋違戒之罪；眉髮墮落，遍體生瘡，舉身烘爛，以報破壞聖像道場之罪；口中出火，眼目生瘡，遍體流膿，藏身無地，以報走脫出家人之罪；舌不得語，閉塞喉中，盲目亡睛，口唇橫裂，以報謗說出家人之罪；癡聾小短，生死不分，或作夫妻，中道離別，以報疏隔

父母之罪；或爲牛馬猪羊、鳥獸鷹犬，以報違負貸債之罪；或爲僕使，寒賤切身，少寡幼孤，羈羸劣病，以報輕薄弟兄同氣之罪。如斯報應，皆在目前。善女信男，咸自思想，虔心諦受，永斷前愆，懺悔既終，奉行而退。

太上慈悲九幽拔罪懺卷之三

爾時，元始天尊爲普救真人，演說南方梵寶昌陽丹靈真老赤帝三炁天君、梵天境界、無極之國，端化莊嚴。既竟，重爲演說西南方梵炁天君，耀真境界，其有真人，名曰瓊光無極之國，善救莊嚴。若人臨終之日，願生彼國，當潔己清齋，請師奉禮西南方應號天尊，長跪懺悔，免恒沙罪障，獲无量善因，鍊質澄神，登真悟道。衆等至心，今當敬禮。

人各恭敬

- 志心朝禮，西南方太靈虛皇天尊。
- 志心朝禮，中和善寂天尊。
- 志心朝禮，崇愛延光天尊。
- 志心朝禮，大明煥照天尊。
- 志心朝禮，普救群生天尊。
- 志心朝禮，景德丹華天尊。
- 志心朝禮，通光普照天尊。
- 志心朝禮，玄機妙應天尊。
- 志心朝禮，七元信惠天尊。

- 志心朝禮，端相開妙天尊。
- 志心朝禮，七曜延靈天尊。
- 志心朝禮，混成開化天尊。
- 志心朝禮，通明四洞天尊。
- 志心朝禮，啓幽元極天尊。
- 志心朝禮，空玄明梵天尊。
- 志心朝禮，太上隱真天尊。
- 志心朝禮，靈都集慶天尊。
- 志心朝禮，太靈普被天尊。
- 志心朝禮，浮空七耀天尊。
- 志心朝禮，雲光四照天尊。
- 志心朝禮，保命護魂天尊。
- 志心朝禮，洞空圓極天尊。
- 志心朝禮，法輪開化天尊。
- 志心朝禮，丹華皓映天尊。
- 志心朝禮，流明大帝天尊。
- 志心朝禮，玄圃瓊輪天尊。
- 志心朝禮，留神遠照天尊。
- 志心朝禮，紫庭會聖天尊。
- 志心朝禮，匠道衆真天尊。
- 志心朝禮，廣運玄化天尊。
- 志心朝禮，靈源普潤天尊。
- 志心朝禮，崇真演教天尊。

志心朝禮，安化太无天尊。
志心朝禮，耀景棲真天尊。
志心朝禮，保光洞朗天尊。
志心朝禮，八景迴晨天尊。
志心朝禮，圓通妙化天尊。
志心朝禮，大明至極天尊。
志心朝禮，靈源廣洽天尊。
志心朝禮，含光朗耀天尊。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。

禮三寶已，復次懺悔

至心歸命，十方常住三寶。臣等懺悔口業，无量之罪。或曾欺賢調聖，毀道憎親，談讎他非，矜誇己是，呵風罵雨，惡暑厭寒，翻有爲无，將羸作細，鬥合良善，揚舉愚癡，從口而生，爲罪之本。諸多過咎，無量無邊。今日向十方天尊前，洗心丹禱，歸命懺悔，咸乞蕩除。天尊言，若有善男子、善女人，

一爲天地，二爲帝王，三爲父母，四爲衆生，五爲血屬，六爲己身。爰從受生已來，至于今日，自一歲一十、二十、三十、四十五十，乃至百歲、百二十歲，必欲預修，還從一七、二七、三七、四七乃至七七、百日、周年，週而復始，乃至永年，所造功德，還依次第而作，第一造像，第二寫經，次即造四十九尺長幡，設四十九人齋，安置道場，請諸尊像，並及法師，香火知識，燃四十九燈，照耀諸天，其燈爲三層臺，下闊上斂，圓轉狀如車輪，香華供養，隨力豐儉，三日三夜，或七日七夜，傾心丹禱，懺悔虔祈。對三寶稱揚，爲先亡首過，言詞惟在朴實，不得浮華，務彼精嚴，必彰福利。其次廣贖生命，或百或千，隨其多寡，亦不可得。其次傷憫貧窮下賤，不具足者，旅困羈棲者，病人孤老者，囚徒飢餒者，邊鄙愚頑，不曉東西。無分善惡者，咸堪救度，使沐良緣。或值他方遠客，有急依投，而爲開度，濟其厄難，救彼孤寒，悉令安樂，此亦薦導亡靈，其福最大。其次爲先亡父母、億劫種親，寫造三十六部尊經，任意多少，或一部、十部、百部，迺至千部，隨力多少，拔度魂神，其福无量。使見存利益、過往逍遙，汝等男女，悉當諦聽，宜各奉行。

人各恭敬

志心朝禮，弘真度物天尊。
志心朝禮，惣御衆仙天尊。
志心朝禮，法明靈鑒天尊。
志心朝禮，太霄耀景天尊。
志心朝禮，結朗重明天尊。
志心朝禮，啓真玄素天尊。
志心朝禮，混化變生天尊。
志心朝禮，思玄會寂天尊。
志心朝禮，靈光皓映天尊。
志心朝禮，華光流照天尊。
志心朝禮，法音演暢天尊。
志心朝禮，凝虛善寂天尊。
志心朝禮，梵元真一天尊。
志心朝禮，爲寶積德天尊。
志心朝禮，福感靈照天尊。
志心朝禮，慈悲惠照天尊。
志心朝禮，無量相好天尊。

志心朝禮，光顯開度天尊。
志心朝禮，正覺凝耀天尊。
志心朝禮，法輪運轉天尊。
志心朝禮，普照洞虛天尊。
志心朝禮，廣濟群有天尊。
志心朝禮，內觀真極天尊。
志心朝禮，玄宗衆寶天尊。
志心朝禮，虛無正極天尊。
志心朝禮，智光普耀天尊。
志心朝禮，法定通微天尊。
志心朝禮，寶輪常運天尊。
志心朝禮，玄真會寂天尊。
志心朝禮，玄妙善權天尊。
志心朝禮，等觀真常天尊。
志心朝禮，重光寶際天尊。
志心朝禮，合和安忍天尊。
志心朝禮，太玄靈耀天尊。
志心朝禮，崇靈道惠天尊。
志心朝禮，玄覺寶光天尊。
志心朝禮，普慈護國天尊。
志心朝禮，神光廣被天尊。
志心朝禮，方便善救天尊。
志心朝禮，無爲應物天尊。

志心朝禮，玉晨上極天尊。
志心朝禮，惣祿主筭天尊。
志心朝禮，定惠上生天尊。
志心朝禮，高上玉華天尊。
志心朝禮，晨光大帝天尊。
志心朝禮，司命延生天尊。
志心朝禮，惣鑒命魔天尊。
志心朝禮，玉京真實天尊。
志心朝禮，上聖丹臺天尊。
志心朝禮，度明玉簡天尊。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。

禮三寶已，復次懺悔

至心歸命，十方常住三寶。臣等重復懺悔口業之罪，自從曠劫以來，至于今日，口業所重，衆等難偕，逞辯爲先，巧言爲貴，或戲上慢下，構僞爲真，輕諾肆情，誹謗恣意，評論聖教，訾毀真文，綺言飾非，華詞惑衆，耽於滋味，茹

彼腥羶。如此愆非，悉爲口業。今日向十方天尊前，洗心懺悔，咸乞蕩除。爾時太上道君上白天尊言，今見細細微塵，無億之數，寧爲多不？天尊言，甚多甚多。道君曰，今將此經像、幡幢、贖生、散施功德等，寧爲多不？天尊曰，甚多甚多。今將此細微塵數，譬於此。經像、幡幢功德，亦如塵沙，數之得不，甚多甚多，不可稱量。如此因緣，最爲第一。其經像幡幢等造訖，建立道場，七日七夜，吟詠讚嘆，誦經解結，散華行香，鳴鍾擊磬，令一切冤讎，悉皆解脫，及以眷屬、遠近內外親緣，皆來道場，同發歡喜，懺悔布施，勿生計念，罪可除滅。七祖父母，出離地獄，昇上天堂。告諸男女，修齋禮拜，受戒持心，忍辱柔弱，供養三寶，及出家人斷諸葷穢，燒香燃燈，贖命放生，皆譬我身，更無別異。善男信女，諦聽道前，依法奉行，稽首而退。

太上慈悲九幽拔罪懺卷之四

太上慈悲九幽拔罪懺卷之五

爾時，元始天尊，爲普救真人，演說西南方梵炁天君，耀真境界、無極之國，善救莊嚴。既竟，重爲演說西方七寶金門皓靈皇老白帝七炁天君，金光境界，其有真人，名曰法寶無極之國，利益莊嚴。若人臨終之日，願生彼國，當潔己清齋，請師奉禮，西方應號天尊，長跪懺悔，免恒沙罪障，獲無量善因。鍊質澄神，登真悟道，衆等至心，歸命敬禮。

人各恭敬

志心朝禮，西方太妙至極天尊。
志心朝禮，虛皇定祿天尊。
志心朝禮，主生護命天尊。
志心朝禮，通玄衆聖天尊。
志心朝禮，十聖金光天尊。
志心朝禮，廣流恩化天尊。
志心朝禮，弘濟無邊天尊。
志心朝禮，大通靈應天尊。
志心朝禮，惠解無礙天尊。

志心朝禮，神威遠振天尊。
志心朝禮，四明洞朗天尊。
志心朝禮，真空辯智天尊。
志心朝禮，玄虛帝一天尊。
志心朝禮，威變自在天尊。
志心朝禮，安樂無爲天尊。
志心朝禮，收魔消惱天尊。
志心朝禮，光映真容天尊。
志心朝禮，玄上玉華天尊。
志心朝禮，金耀流光天尊。
志心朝禮，神耀洞量天尊。
志心朝禮，飛丹照極天尊。
志心朝禮，上玄沖用天尊。
志心朝禮，大帝玄真天尊。
志心朝禮，元皇廣化天尊。
志心朝禮，大羅圓極天尊。
志心朝禮，寶光通照天尊。
志心朝禮，瓊津流潤天尊。
志心朝禮，太淨安和天尊。
志心朝禮，明珠洞啓天尊。
志心朝禮，平等弘慈天尊。
志心朝禮，玉清玄上天尊。
志心朝禮，金簡法藏天尊。

志心朝禮，元和敬愛天尊。
志心朝禮，智明空解天尊。
志心朝禮，丹洞玉皇天尊。
志心朝禮，七曜神真天尊。
志心朝禮，天景玄微天尊。
志心朝禮，金映光華天尊。
志心朝禮，元陽量化天尊。
志心朝禮，玄都總聖天尊。
志心朝禮，慈恩萬善天尊。
志心朝禮，耀靈智海天尊。
志心朝禮，千真上妙天尊。
志心朝禮，流珠光照天尊。
志心朝禮，寶林元洞天尊。
志心朝禮，高仙等聖天尊。
志心朝禮，凝神靜惠天尊。
志心朝禮，玄真蒙惠天尊。
志心朝禮，保命長生天尊。
志心朝禮，洞靈玄照天尊。
志心朝禮，大慈大悲救苦真人。
志心朝禮，大慈大悲大惠真人。
志心朝禮，大慈大悲救苦真人。
志心朝禮，大慈大悲大惠真人。
志心朝禮，大慈大悲救苦真人。
志心朝禮，大慈大悲大惠真人。

志心朝禮，大慈大悲大惠真人。

禮三寶已，復次懺悔

志心歸命，十方常住三寶。臣等懺悔今生造作之罪。或曾操心不善，措意多愚，貪愛嗔癡，邪姪縱蕩，外真內偽，口是心非，嫉妬賢良，烹傷物命，六情三業，故作誤為。凡茲疊咎，无量无边。因今向十方天尊前，歸命懺謝，咸乞蕩除。

天尊言，若有善男子、善女人，在生之日，造諸惡業。或負人財寶，結彼仇讎，侵掠無厭，貪求不息。或用三寶財物，或偷公家財物，或為男女，或為鄉閭，或為己身，或為朋友，或自作，或教他。罔識善因，唯知念惡，如是等罪，无量无边，卒難可說。汝等過去亡者，男女魂靈，及以見世因緣眷屬，為其亡者，命終之後，建立道場，或一七、二七、三七乃止七七日內，即造繒幡二十一口，青黃碧綠，各長七尺，於道場之內，尊像之前，廣設香華，懸諸幡蓋，供養天尊，及其經法。但當精心營辦，隨力施為，寫造真經，綵繪尊像，及以

布施出家法身，或三日三夜，或七日七夜，轉經行道，讚詠洞章，旋遶法座，率領親屬，同詣道場，各勵本心，為其往逝，救拔苦厄，昇入天堂，謝過贖愆，同心懺悔，无有滯礙，克遂逍遙。若復眾中有人，心生懈怠，縱營功德，不勵精誠，如斯亡靈罪咎，難免更增苦報，無有出期。汝等男女，各自諦聽，虔心剋己，莫有稽疑，如上因緣，不可稱說，乘此善果，逕上南宮，削落罪名，去離幽閉，轉輪福慶，隨願往生。眾等迴心，歸命懺悔。

人各恭敬

- 志心朝禮，長生司命天尊。
- 志心朝禮，紫極流霞天尊。
- 志心朝禮，飛步太虛天尊。
- 志心朝禮，靈應无極天尊。
- 志心朝禮，流金紫極天尊。
- 志心朝禮，海量保真天尊。
- 志心朝禮，丹華勝上天尊。
- 志心朝禮，玄臺虛應天尊。
- 志心朝禮，深證空解天尊。
- 志心朝禮，玄珠耀彩天尊。

- 志心朝禮，法王皓素天尊。
- 志心朝禮，太極金華天尊。
- 志心朝禮，日耀流光天尊。
- 志心朝禮，碧落真容天尊。
- 志心朝禮，金華慈惠天尊。
- 志心朝禮，元靈寶相天尊。
- 志心朝禮，明霞洞煥天尊。
- 志心朝禮，延筭益壽天尊。
- 志心朝禮，慈雲普應天尊。
- 志心朝禮，圓極大哀天尊。
- 志心朝禮，紫蓋迴玄天尊。
- 志心朝禮，絳陵化度天尊。
- 志心朝禮，真氣湛常天尊。
- 志心朝禮，靈通福慶天尊。
- 志心朝禮，梵天皓景天尊。
- 志心朝禮，隨方救苦天尊。
- 志心朝禮，方開化度天尊。
- 志心朝禮，高上玉虛天尊。
- 志心朝禮，金真妙寶天尊。
- 志心朝禮，景皇淳素天尊。
- 志心朝禮，皓華真極天尊。
- 志心朝禮，妙極崇善天尊。
- 志心朝禮，真寂證空天尊。

志心朝禮，崇仙護命天尊。
志心朝禮，高真妙果天尊。
志心朝禮，崇開大惠天尊。
志心朝禮，醫王廣施天尊。
志心朝禮，上極元化天尊。
志心朝禮，威光遠感天尊。
志心朝禮，玄宗度世天尊。
志心朝禮，興隆法寶天尊。
志心朝禮，妙成惠解天尊。
志心朝禮，顯定真關天尊。
志心朝禮，龍威梵度天尊。
志心朝禮，混元至極天尊。
志心朝禮，明耀太華天尊。
志心朝禮，真源上妙天尊。
志心朝禮，玄明梵行天尊。
志心朝禮，玉真隱韻天尊。
志心朝禮，度生大明天尊。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。

禮三寶已，復次懺悔

志心歸命，十方常住三寶。臣等懺悔今生，過誤之罪。或曾明明造惡，都不自知；固固爲非，言猶自是。蓋緣性識，稟受低凡。心溺愛河，身沉欲海，一朝長逝，永墮幽關。無有出期，備經苦惱。非憑道力，何拔孤魂。

天尊言，汝等諦聽，凡有新亡，從初終之日，便捨資財，禮此經懺，一七、二七、三七之內，造諸功德者，最爲上法，但緣亡人，纔離人世，乍入泉扃，須藉良因，以憑薦拔。三七之中，造諸功德，是名爲次法。第一造像、第二造經、第三造齋戒、第四造旛華、第五燃香燈、第六修道場、第七贖生命、第八持布施、第九廣救濟、第十除心慳、第十一慈悲捨、第十二平等心。爾時，天尊說十二福，及諸功德因緣。若有善男子、善女人，能依此追修，營諸功德，其人孝道，必達天曹，決定亡人，永離地獄，逍遙快樂，長處福堂，衣食自然，登真悟道。所以爾者，薦導功德，最爲第一。昔有一人，曾將一文，捨入常

住，護福无量。又童子獻土，變成硃砂，報應因緣，如影逐形。譬如淨鏡照人，媿妍自別。善惡之業，理亦如然。所以孝思，其功最大。汝等男女，各審思惟，欲答劬勞，無先聖力。告諸賢者，宜各奉行。

太上慈悲九幽拔罪懺卷之五

太上慈悲九幽拔罪懺卷之六

爾時，元始天尊爲普救真人演說，西方七寶金門皓靈皇老七氣天君，金光境界、無極之國，利益莊嚴。既竟，重爲演說西北方梵炁天君，妙道境界，其有真人，名曰濟苦無極之國，真仙莊嚴。若人臨終之日，願生彼國，當潔己清齋，請師奉禮，西北方應號天尊，長跪懺悔，滅恒沙罪障，獲無量善因。鍊質澄神，登真悟道。衆等志心，歸命敬禮。

人各恭敬

志心朝禮，西北方無量太華天尊。
志心朝禮，常弘法果天尊。
志心朝禮，寶雲妙樂天尊。
志心朝禮，惠朗靜明天尊。
志心朝禮，真源妙解天尊。
志心朝禮，分形起應天尊。
志心朝禮，洞明世界天尊。
志心朝禮，應現真身天尊。
志心朝禮，無邊智惠天尊。

志心朝禮，隨物應形天尊。
志心朝禮，應現色身天尊。
志心朝禮，上品妙成天尊。
志心朝禮，降邪滅惡天尊。
志心朝禮，無方化度天尊。
志心朝禮，常龍德變天尊。
志心朝禮，廣常慈愛天尊。
志心朝禮，煥耀太虛天尊。
志心朝禮，洞虛浮景天尊。
志心朝禮，無量法身天尊。
志心朝禮，常修梵行天尊。
志心朝禮，萬品救苦天尊。
志心朝禮，應變無常天尊。
志心朝禮，闡揚奧義天尊。
志心朝禮，弘慈大量天尊。
志心朝禮，赴緣隨應天尊。
志心朝禮，梵行修功天尊。
志心朝禮，託身幽寂天尊。
志心朝禮，洞鑑無礙天尊。
志心朝禮，玉輿巡化天尊。
志心朝禮，赴難垂恩天尊。
志心朝禮，日月光耀天尊。
志心朝禮，太始凝寂天尊。

志心朝禮，六通四達天尊。
志心朝禮，萬願克成天尊。
志心朝禮，應生轉世天尊。
志心朝禮，演法垂文天尊。
志心朝禮，常傳妙化天尊。
志心朝禮，凝常歡喜天尊。
志心朝禮，常住護世天尊。
志心朝禮，普垂妙澤天尊。
志心朝禮，體道安靜天尊。
志心朝禮，無量道眼天尊。
志心朝禮，常施法潤天尊。
志心朝禮，逍遙十善天尊。
志心朝禮，開度無量天尊。
志心朝禮，闡法度緣天尊。
志心朝禮，威儀湛寂天尊。
志心朝禮，嚴潔己身天尊。
志心朝禮，智力威王天尊。
志心朝禮，善達物性天尊。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。

志心朝禮，大慈大悲大惠真人。

禮三寶已，復次懺悔

志心歸命，十方常住三寶。臣等懺悔六根之罪。自從誕育身形，染諸塵濁，眼觀五色，鼻嗅五香，耳滯五音，口貪五味。籠一身而昏昧，造眾罪以交羅。積集愆尤，標題簿籍，遂使生逢禍難，歿受辛酸，須憑眾聖之功，用滌九幽之苦。今日洗心歸命，面對天尊，懺悔所造之業緣，願冀當來之善果。於是，天尊復告道君言，此去之後，當為一切存亡眾生，造諸經懺。種種功德，皆有次第。若有眾生，得吾此經，香湯掃灑，沐浴身心，着鮮潔淨衣，燒香燃燈，幡華寶蓋，周帀圍繞，禮拜供養，歡喜踴躍，長跪叉手，護淨精進，受行讀誦，堅持敬奉。為諸人天未聞之者，皆悉遣聞；未見之者，皆悉遣見。若有善男子、善女人，捨施資財，請師禮懺，縱有黃金如崑崙山大，遍滿天地而將布施，其功甚大，猶復不如方便教人，一句一偈，經言永為身寶。黃金雖貴，不保我身；此經雖微，生死同果。汝

等男女，勿生癡故，吝此黃金，竟為愛惜，不修功德，與身為患，必无利益，即是煩惱，永被煎燒。若能周帀，作此功德，見世過去，一切宿罪，悉皆除滅，所在之處，快樂逍遙，淨土十方，隨心願往。若有出家供養三寶，如斯功德，不可思議。諸眾生等，既聞經已，稽首作禮，瞻仰尊顏，肘行膝步，擊拳叉手，尊奉至道，晝夜精虔，誠心懺悔。稽首十方，常住三寶。

人各恭敬

志心朝禮，廣惠法潤天尊。
志心朝禮，光明寶華天尊。
志心朝禮，仙真梵行天尊。
志心朝禮，真淨妙用天尊。
志心朝禮，無量妙行天尊。
志心朝禮，隨劫救苦天尊。
志心朝禮，洞靈无上天尊。
志心朝禮，尋聲救苦天尊。
志心朝禮，無邊普度天尊。
志心朝禮，勸進功德天尊。
志心朝禮，常不輕慢天尊。
志心朝禮，流光玄微天尊。

志心朝禮，常善誠勸天尊。
志心朝禮，清淨梵度天尊。
志心朝禮，無邊名號天尊。
志心朝禮，愍念萬兆天尊。
志心朝禮，重威德王天尊。
志心朝禮，保安國祚天尊。
志心朝禮，无量顯相天尊。
志心朝禮，常修妙行天尊。
志心朝禮，常救解脫天尊。
志心朝禮，宵冥護命天尊。
志心朝禮，常无色身天尊。
志心朝禮，無礙施行天尊。
志心朝禮，常無染滯天尊。
志心朝禮，弘道大意天尊。
志心朝禮，飛行世間天尊。
志心朝禮，靈寶洞淵天尊。
志心朝禮，廣攝諸惡天尊。
志心朝禮，廣常覆護天尊。
志心朝禮，无所畏懼天尊。
志心朝禮，不捨慈悲天尊。
志心朝禮，常沖謙和天尊。
志心朝禮，常湛寂然天尊。
志心朝禮，太極靜觀天尊。

志心朝禮，九幽拔苦天尊。
志心朝禮，寂寞端靜天尊。
志心朝禮，不盈滿相天尊。
志心朝禮，常念救世天尊。
志心朝禮，无量清淨天尊。
志心朝禮，等觀四生天尊。
志心朝禮，妙化無邊天尊。
志心朝禮，大威德王天尊。
志心朝禮，混合太无天尊。
志心朝禮，常勝不爭天尊。
志心朝禮，觀靜妙旨天尊。
志心朝禮，靜默沖和天尊。
志心朝禮，自在希微天尊。
志心朝禮，常施感應天尊。
志心朝禮，常无累繫天尊。
志心朝禮，大慈大悲救苦真人。
志心朝禮，大慈大悲大惠真人。
志心朝禮，大慈大悲救苦真人。
志心朝禮，大慈大悲大惠真人。
志心朝禮，大慈大悲救苦真人。
志心朝禮，大慈大悲大惠真人。
志心朝禮，大慈大悲救苦真人。
志心朝禮，大慈大悲大惠真人。

禮三寶已，復次懺悔

至心歸命，十方常住三寶。臣等今

復懺悔，六根耽染之罪。衆等耽染至重，累積不輕，雖具懺陳，猶疑未盡。或牽拘於業網，或構結於冤尤。目貪艷麗之姿，口嗜珍羞之味，耳歡絲竹之音。心起愛憎，手殺衆生，足履盜路，如斯之罪，積在己身。五帝四司，糾彈無失。玄曹長夜，考對無休。皆由造作之因，何免填還之豐。憑今懺悔，願得銷融。世世生生，永除冤對。

天尊言，若有善男子、善女人，得吾此經，生不相信，故不護淨。誹謗茲甚，輕慢恒多，穢手開張，葷口讀誦。或隔以雜語，或禮不精專。卷軸未終，便言畢竟。泄露聖旨，誑惑迷籠，傲慢生心，勤誠有墮。或毀滅尊像，敗壞靈壇，不敬幡花，不燃燈燭，輕洩齋食，侮戲尊賢，污觸道場，欺凌貧下，不敬師長，不養慈親，呵罵三光，瞋嫌四氣。聞善不集，見惡即隨，積此罪尤，當來惡報。或眉髮墮落，遍體生瘡，衣食不充，賤薄唯甚，死入地獄，無有出期。一日之中，萬生萬死，冥考累受，淨境不逢，縱得受生，永失人道。或作六畜，牛馬猪羊，生被憎嫌，死遭啖食。或爲飛鳥，鴟鳶鳩鴉，雖處羽毛，恒逢怪異。或爲鱗甲，長養池泓，莫識變通，惟憂枯涸。或爲蟲豸，蠕動醯鷄，遇暑暫生，逢寒即滅。緣茲報應，永失輪迴，灰土錙銖，超生隔闕。遂致沉埋九祖，絕滅七玄，若欲修行，悔之何益。衆等男女，咸自思惟，遇此人身，各須崇奉，持心孝敬，秉節清齋。日夜虔虔，晨昏濟濟，當保見世安樂，過去生天，不值惡緣，皆逢善果。乘茲洗懺，諦受諦聽，稽首皈依，常住三寶。

太上慈悲九幽拔罪懺卷之六

復懺悔，六根耽染之罪。衆等耽染至重，累積不輕，雖具懺陳，猶疑未盡。或牽拘於業網，或構結於冤尤。目貪艷麗之姿，口嗜珍羞之味，耳歡絲竹之音。心起愛憎，手殺衆生，足履盜路，如斯之罪，積在己身。五帝四司，糾彈無失。玄曹長夜，考對無休。皆由造作之因，何免填還之豐。憑今懺悔，願得銷融。世世生生，永除冤對。

太上慈悲九幽拔罪懺卷之七

爾時，元始天尊爲普救真人演說，西北方梵氣天君，妙道境界，無極之國，利益莊嚴。既竟，重爲演說北方洞陰朔單鬱絕五靈元老五氣天君，定真境界，其有真人，名曰救苦無極之國，救度莊嚴。若人臨終之日，願生彼國，當潔己清齋，請師奉禮，北方應號天尊，長跪懺悔，免恒沙罪障，獲无量善因。鍊質澄神，登真悟道，衆等志心，歸命敬禮。

人各恭敬

志心朝禮，北方玄上玉晨天尊。
志心朝禮，善緣勸化天尊。
志心朝禮，昇入妙境天尊。
志心朝禮，應化不倦天尊。
志心朝禮，玄微莫測天尊。
志心朝禮，柔弱至氣天尊。
志心朝禮，金華廣耀天尊。
志心朝禮，廣化三界天尊。
志心朝禮，住无名相天尊。

志心朝禮，冶鍊化身天尊。
志心朝禮，沖虛靜默天尊。
志心朝禮，大有見容天尊。
志心朝禮，玄都湛寂天尊。
志心朝禮，散景羅天天尊。
志心朝禮，常無疑辯天尊。
志心朝禮，應權方便天尊。
志心朝禮，靈真惠寂天尊。
志心朝禮，四梵行化天尊。
志心朝禮，無窮色像天尊。
志心朝禮，無極義海天尊。
志心朝禮，體證金剛天尊。
志心朝禮，海量惠王天尊。
志心朝禮，常惠廣度天尊。
志心朝禮，普入妙樂天尊。
志心朝禮，寶華流明天尊。
志心朝禮，普通津梁天尊。
志心朝禮，廣乘道惠天尊。
志心朝禮，常靜妙觀天尊。
志心朝禮，證寂妙相天尊。
志心朝禮，勸化無邊天尊。
志心朝禮，絕言光相天尊。
志心朝禮，凝湛常无天尊。

志心朝禮，善致福樂天尊。
志心朝禮，道德弘普天尊。
志心朝禮，無障礙意天尊。
志心朝禮，无等空寂天尊。
志心朝禮，善證道惠天尊。
志心朝禮，善破四魔天尊。
志心朝禮，善除生死天尊。
志心朝禮，妙光真理天尊。
志心朝禮，聖力无边天尊。
志心朝禮，飛丹照極天尊。
志心朝禮，上玄沖用天尊。
志心朝禮，金真精應天尊。
志心朝禮，无生滅相天尊。
志心朝禮，至道應世天尊。
志心朝禮，功德本藏天尊。
志心朝禮，常弘正道天尊。
志心朝禮，靜法无礙天尊。
志心朝禮，廣大慈悲天尊。
志心朝禮，誓弘真理天尊。
志心朝禮，常融觀惠天尊。
志心朝禮，大慈大悲救苦真人。
志心朝禮，大慈大悲大惠真人。
志心朝禮，大慈大悲救苦真人。

志心朝禮，大慈大悲大惠真人。

志心朝禮，大慈大悲救苦真人。

志心朝禮，大慈大悲大惠真人。

禮三寶已，復次懺悔

志心歸命，十方常住三寶。臣等懺悔，五逆不孝之罪。衆等爰從輪轉，便託胞胎，沉重難懷，喘息无定，父孃驚懼，恒畏損傷，及至分形，方難看視，如斯恩育，何以還酬。或曾不敬慈親，翻成五逆，應對罵詈，抵拒揚言，當面猶嗔，背身奚順，忤性剛強，智見羸疏，不狎朋友，唯生倨傲，甘鮮不獻，禮樂何施，空負劬勞，孰伸孝敬，如斯愆咎，咸乞懺除。

天尊言，若有善男子、善女人，生爲不孝，死後思酬，若演真經，必能洗蕩。既聞妙典，讀誦堅修，護淨燒香，秉持心口，浴身沐首，易食更衣，兢兢不虧，道心增長，不生懈怠，恒懷欣戴，踊躍長齋，修心入靖，忍辱受戒，布施行慈，供養出家，歸依三寶，放生贖命，濟拔亡魂，愛老怜貧，矜孤恤寡，施及貧下，敬奉尊親，一切慈心，平等无二。

或遇三元八節、甲子庚申、本命良辰、誕生吉日，皆可精嚴像設，羅列薰羞，贖罪於衆聖之前，滌豐於積生之內。故得已往者，超神有自；見存者，受慶無窮。其或輕凌於天真地聖，皆毀於靈文寶典，傷殘无度，貪愛彌深，爲臣不忠，爲子不孝，縱情極欲，口是心非，須向道前，明伸宣懺，則必致朱篇記善，黑籍除愆。當禮十方應號天尊，長跪懺悔，免恒沙罪障，獲無量善因。衆等至心，歸命敬禮。

人各恭敬

- 志心朝禮，勇猛斷惑天尊。
- 志心朝禮，威德重光天尊。
- 志心朝禮，增長壽惠天尊。
- 志心朝禮，廣深智惠天尊。
- 志心朝禮，无邊上善天尊。
- 志心朝禮，遍覺知恩天尊。
- 志心朝禮，妙思微遠天尊。
- 志心朝禮，恬和柔惠天尊。
- 志心朝禮，忘功濟物天尊。
- 志心朝禮，靈玄靜觀天尊。
- 志心朝禮，託現清宮天尊。

- 志心朝禮，光普容覺天尊。
- 志心朝禮，妙應權機天尊。
- 志心朝禮，萬變隨時天尊。
- 志心朝禮，精感至誠天尊。
- 志心朝禮，妙宰冲用天尊。
- 志心朝禮，永成無漏天尊。
- 志心朝禮，無極快樂天尊。
- 志心朝禮，常寂不動天尊。
- 志心朝禮，制命長存天尊。
- 志心朝禮，散威形影天尊。
- 志心朝禮，最上功德天尊。
- 志心朝禮，智惠藏王天尊。
- 志心朝禮，冲安清淨天尊。
- 志心朝禮，降魔度衆天尊。
- 志心朝禮，布化無邊天尊。
- 志心朝禮，遍光八極天尊。
- 志心朝禮，勸行不退天尊。
- 志心朝禮，永離愛欲天尊。
- 志心朝禮，輪轉萬變天尊。
- 志心朝禮，洞玄冥寂天尊。
- 志心朝禮，至道不渝天尊。
- 志心朝禮，神威禁約天尊。
- 志心朝禮，永超生死天尊。

志心朝禮，不住法界天尊。
志心朝禮，妙法流通天尊。
志心朝禮，智惠遠覃天尊。
志心朝禮，端靜處世天尊。
志心朝禮，靜默無爲天尊。
志心朝禮，三界宗元天尊。
志心朝禮，精進化世天尊。
志心朝禮，寂寥善入天尊。
志心朝禮，威儀庠雅天尊。
志心朝禮，善開玄關天尊。
志心朝禮，常大濟度天尊。
志心朝禮，正法威王天尊。
志心朝禮，還神寂寞天尊。
志心朝禮，廣流惠愛天尊。
志心朝禮，大慈大悲救苦真人。
志心朝禮，大慈大悲大惠真人。
志心朝禮，大慈大悲救苦真人。
志心朝禮，大慈大悲大惠真人。
志心朝禮，大慈大悲救苦真人。
志心朝禮，大慈大悲大惠真人。

禮三寶已，復次懺悔

志心歸命，十方常住三寶。臣等懺悔五逆不孝之罪，但以髮膚成長，不可

毀傷，禮義施爲，咸有儀則，多緣性行，或不遵承，失義忘親，疏姻背屬，敬上有闕，念下多乖，多足相疏，親戚違背。或憎嫌相薄，或狠恚相深，如上冤愆，何由懺滌。爾時，元始天尊告虛皇道君言，若有善男子、善女人，自從曠劫以來，至于今日，三業之罪，五逆之非，積疊無邊，如山比嶽。无因懺雪，不值良緣，恣縱狂言，欺心調道。輕忽三寶，誹謗聖文，指遠誓言，牽神呪咀，呵風罵雨，冒觸三光，不孝尊親，不敬天地，展轉迷惑，累劫纏綿，縱遇經科，罔知懺滌，欲超淨境，不入邪門。汝等善男子、善女人，能捨家資財，請師禮懺，持齋入靜，潔己修心，叩禮虔祈，燒香行道，散華供養，護淨莊嚴。或爲追遠薦亡，或爲消災請福，或爲七玄九祖，或爲父母兄弟，或爲交友親知，或爲己身眷屬，一切冥冥，三界含生，說如上因緣，禮天尊名號，即得先亡解脫，灾厄潜消，九祖昇騰，父母超適，交朋顯耀，眷屬諧和，冥冥慈柔，含生離苦，弘慈普蔭，惠澤遍霑，堅固修持，善緣增

進，傍羅八表，遍及遐方，宿業餘殃，咸成解脫，諦聽諦受，无使懈違。汝等男女，各相誘勸，始終一貫，内外咸符。精進依行，稽首而退。

太上慈悲九幽拔罪懺卷之八

爾時，元始天尊為普救真人，演說北方洞陰朔單鬱絕五靈玄老五炁天君，真定境界，無極之國，救度莊嚴。既竟，重為演說東北方梵炁天君，長樂境界，其有真人，名曰妙音無極之國，周帀莊嚴。若人臨終之日，願生彼國，當潔己清齋，請師奉禮，東北方應號天尊，長跪懺悔，滅恒沙罪障，獲无量善因。鍊魄朱陵，遊神紫府。衆等至心，歸命敬禮。

人各恭敬

- 志心朝禮，東北方度仙上聖天尊。
- 志心朝禮，智惠無盡天尊。
- 志心朝禮，大智成就天尊。
- 志心朝禮，歡喜清淨天尊。
- 志心朝禮，定生延壽天尊。
- 志心朝禮，廣度沉淪天尊。
- 志心朝禮，積功成聖天尊。
- 志心朝禮，凝神照境天尊。
- 志心朝禮，和神利物天尊。

- 志心朝禮，總領衆靈天尊。
- 志心朝禮，幽照無極天尊。
- 志心朝禮，善斷迷惑天尊。
- 志心朝禮，瓊瑤寶蓋天尊。
- 志心朝禮，朱景洞照天尊。
- 志心朝禮，體悟萬德天尊。
- 志心朝禮，大洞淵微天尊。
- 志心朝禮，萬行圓滿天尊。
- 志心朝禮，無極玉皇天尊。
- 志心朝禮，太乘空惠天尊。
- 志心朝禮，清淨遺慈天尊。
- 志心朝禮，還功報德天尊。
- 志心朝禮，隱跡全道天尊。
- 志心朝禮，法體圓滿天尊。
- 志心朝禮，高上玉皇天尊。
- 志心朝禮，紫霞浮蓋天尊。
- 志心朝禮，玄智遠照天尊。
- 志心朝禮，法雲流潤天尊。
- 志心朝禮，闡揚妙化天尊。
- 志心朝禮，行圓空界天尊。
- 志心朝禮，感降慈緣天尊。
- 志心朝禮，湛寂體玄天尊。
- 志心朝禮，玉京垂惠天尊。

- 志心朝禮，保度應權天尊。
- 志心朝禮，太微光範天尊。
- 志心朝禮，真相具足天尊。
- 志心朝禮，法緣常濟天尊。
- 志心朝禮，勸化無礙天尊。
- 志心朝禮，大光恒照天尊。
- 志心朝禮，道炁含育天尊。
- 志心朝禮，降伏強良天尊。
- 志心朝禮，延光布像天尊。
- 志心朝禮，永證道源天尊。
- 志心朝禮，志節微妙天尊。
- 志心朝禮，常傳真戒天尊。
- 志心朝禮，道惠圓滿天尊。
- 志心朝禮，光德具足天尊。
- 志心朝禮，无量慈惠天尊。
- 志心朝禮，沖和靜樂天尊。
- 志心朝禮，玄隱無為天尊。
- 志心朝禮，幽源不測天尊。
- 志心朝禮，大慈大悲救苦真人。
- 志心朝禮，大慈大悲救苦真人。
- 志心朝禮，大慈大悲救苦真人。
- 志心朝禮，大慈大悲救苦真人。
- 志心朝禮，大慈大悲救苦真人。
- 志心朝禮，大慈大悲救苦真人。

志心朝禮，大慈大悲大惠真人。

禮三寶已，復次懺悔

志心歸命，東北方無上天尊。懺悔受經破戒之罪。衆等自從无量劫來，至于今日，捨生受生，受諸報應。或曾尊受經戒，三戒、五戒、九戒、十戒、十二可從戒、二十四戒、一百八十戒、三百大戒。或曾親受，或見人受，皆不信敬，恒起慢心，穢犯過多，誹謗非一，以同戲謔，曾不護持，言行有違，書寫不敬，讀誦訛謬，文字參差。或曾讀上清經、靈寶經、正一經、道德經、西昇經、黃庭經、內觀經、太平經、消災經、報恩經、九幽經、救苦經，及諸經戒，或曾讀誦，或見人讀誦，以爲輕戲，不起虔心，侮聖人言，笑大道義。或供養有闕，或保護不專，或書寫紙墨，怯惡裝潢，卷軸欹斜。或脫落真文，或楷改義理，都緣愚昧，是有乖儀，浮世不堅，懺陳未遇，今遇大道、懇願消除。

天尊言，如上罪緣，其尤最甚。如不懺洗，永失輪迴。若未終年，即遇惡疾，形骸劣弱，肌骨尪殘，氣息微羸，言

辭拙惡，禮貌乖差，去就生疏。或已壽終，難逢淨土，遊魂北岱，量罪重輕，以其報對，苦惱無窮，輪迴無計。種種捶考，楚毒難言，啼叫難言，呻吟莫及，痛來傷骨，熱即連心。劍樹千尋，攀緣須上；鑊湯百沸，積壓須沉。消爛形軀，晝夜不捨，何緣託廕，無可受生。如此罪源，忽由前作。汝等男女，各自省心，勤奉至真，當求後果。請禮經懺，使入福田。已亡者，早得生天；未終者，皆希安樂。諦聽諦受，依法修行。懺悔道前，志心敬禮。

人各恭敬

- 志心朝禮，坤元保大天尊。
- 志心朝禮，后載博物天尊。
- 志心朝禮，無邊善達天尊。
- 志心朝禮，利育群生天尊。
- 志心朝禮，遐宣道廕天尊。
- 志心朝禮，設大慈惠天尊。
- 志心朝禮，去住无相天尊。
- 志心朝禮，陶化四生天尊。
- 志心朝禮，太虛常寂天尊。
- 志心朝禮，紫極觀相天尊。

- 志心朝禮，澄真靜意天尊。
- 志心朝禮，紫府凝神天尊。
- 志心朝禮，恒遊寂處天尊。
- 志心朝禮，信樂正法天尊。
- 志心朝禮，勝華潛耀天尊。
- 志心朝禮，默念無爲天尊。
- 志心朝禮，高真定智天尊。
- 志心朝禮，玄臺勤功天尊。
- 志心朝禮，羣靈普護天尊。
- 志心朝禮，揮靈妙用天尊。
- 志心朝禮，凝神生惠天尊。
- 志心朝禮，慈教廣度天尊。
- 志心朝禮，教度八難天尊。
- 志心朝禮，延壽无盡天尊。
- 志心朝禮，寂住玄都天尊。
- 志心朝禮，和光隱妙天尊。
- 志心朝禮，窈冥神光天尊。
- 志心朝禮，清淨真惠天尊。
- 志心朝禮，東華廣德天尊。
- 志心朝禮，至極安樂天尊。
- 志心朝禮，端靖凝和天尊。
- 志心朝禮，最勝妙果天尊。
- 志心朝禮，善救世界天尊。

志心朝禮，湛相淳寂天尊。

志心朝禮，應念救生天尊。

志心朝禮，百寶勝嚴天尊。

志心朝禮，廣啓神化天尊。

志心朝禮，高虛最妙天尊。

志心朝禮，廣化玄宗天尊。

志心朝禮，南丹輝惠天尊。

志心朝禮，朱靈寶德天尊。

志心朝禮，妙力寶王天尊。

志心朝禮，虛極垂感天尊。

志心朝禮，具教方便天尊。

志心朝禮，慈和忍愛天尊。

志心朝禮，尊貴無邊天尊。

志心朝禮，寧撫萬神天尊。

志心朝禮，晏豫景像天尊。

志心朝禮，總朝上帝天尊。

志心朝禮，玄理垂文天尊。

志心朝禮，大慈大悲救苦真人。

志心朝禮，大慈大悲大惠真人。

志心朝禮，大慈大悲救苦真人。

志心朝禮，大慈大悲大惠真人。

志心朝禮，大慈大悲救苦真人。

志心朝禮，大慈大悲大惠真人。

禮三寶已，復次懺悔

志心歸命，東北方無上天尊。懺悔破齋毀道之罪。衆等自從無始劫來，至于今日，捨身受身，受諸報應。

或曾修設齋醮，滄啖齋食，不生敬信。

或修上清齋、金籙齋、黃籙齋、靈寶齋、三元齋、北帝齋、八節齋、十直齋、五臘齋、庚申齋、本命齋。如是等齋，或曾親設，或曾親受。雖言名目，不起敬心，多有觸犯。或將葷辛混雜，腥穢同厨，不潔己身，但多慢易，過中更食，宿心不精，誹謗至真，將同邪僞，言猶虛誕，心豈虔恭。如上罪根，秤量最重，死入地獄，無有生全。或入酆都山，二十四地獄。或入監天地獄、虛天地獄、元正地獄、玄沙地獄、北緣地獄、刑正地獄、律令地獄、九天地獄、青冥地獄、天一地獄、河伯地獄、累劫地獄、女青地獄，如是等二十四獄，三寶五靈，三官九府，一百二十曹，千二百掾吏，執罰神兵五萬人，考掠罪魂。或足履刀山，或手攀劍樹，或抱銅柱，或卧鐵床，頭頂火山，身負鐵杖，飢則食炭，渴飲

鎔銅。或入鑊湯，或經爐炭，確擣磓磨，倒懸立鋸。或硤石逼身，針鋒貫體，足下煨燒，臂間杻鎖。

天尊言，如斯罪類，報應分明。若有善男子、善女人，得悟此經，心生信向，清淨供養，禮拜燒香，乞滅三塗，冥司罪累，億曾萬祖，過往亡靈。爰及己身、見存眷屬、所纏殃過，請乞解紛，即遣飛天神人，齎九龍之符命，歷諸地獄，悉令蕩滌。咸使消除，迴向發心。增修上善，稽首歸依，十方常住三寶。

太上慈悲九幽拔罪懺卷之八

太上慈悲九幽拔罪懺卷之九

爾時，元始天尊爲普救真人演說，
東北方梵炁天君，長樂境界，無極之
國，周帀莊嚴。既竟，重爲演說上方玄
都玉京紫微金闕七寶玄臺三清三界三
十二天帝君，妙行真人，神仙玉女，自
然無極之國，紫霄莊嚴。若人臨終之
日，願生彼國，當潔己清齋，請師奉禮，
上方應號天尊，長跪懺悔，滅恒沙罪
障，獲無量善因。鍊質澄神，登真悟
道。衆等志心，歸命敬禮。

人各恭敬

志心朝禮，上方玉虛明皇天尊。
志心朝禮，西那靈應天尊。
志心朝禮，善導洪源天尊。
志心朝禮，雲華見相天尊。
志心朝禮，凝寂金闕天尊。
志心朝禮，善消魔試天尊。
志心朝禮，萬道無爲天尊。
志心朝禮，喜悟善道天尊。
志心朝禮，靜念和光天尊。

志心朝禮，善應遠感天尊。
志心朝禮，常守正觀天尊。
志心朝禮，超勝萬法天尊。
志心朝禮，授道津梁天尊。
志心朝禮，開照上真天尊。
志心朝禮，妙相玄範天尊。
志心朝禮，浮空布化天尊。
志心朝禮，天寶施惠天尊。
志心朝禮，廣積善行天尊。
志心朝禮，福智成就天尊。
志心朝禮，相好奇妙天尊。
志心朝禮，常守定惠天尊。
志心朝禮，常住無爲天尊。
志心朝禮，應化齊均天尊。
志心朝禮，惠觀澄元天尊。
志心朝禮，玉華流煥天尊。
志心朝禮，金光晃耀天尊。
志心朝禮，常湛玉清天尊。
志心朝禮，常無礙惠天尊。
志心朝禮，變鍊有形天尊。
志心朝禮，玉妙有極天尊。
志心朝禮，靜觀儀形天尊。
志心朝禮，玄通惠域天尊。

志心朝禮，威神無邊天尊。
志心朝禮，長存無極天尊。
志心朝禮，普垂惠澤天尊。
志心朝禮，觀行成滿天尊。
志心朝禮，惠力無邊天尊。
志心朝禮，應感去來天尊。
志心朝禮，大乘敷化天尊。
志心朝禮，忘心空寂天尊。
志心朝禮，善積智圓天尊。
志心朝禮，彌綸萬化天尊。
志心朝禮，玄化積德天尊。
志心朝禮，傳真證寂天尊。
志心朝禮，大道無礙天尊。
志心朝禮，普照冥空天尊。
志心朝禮，淨至無染天尊。
志心朝禮，惠敬心玄天尊。
志心朝禮，常無彼我天尊。
志心朝禮，聖位增進天尊。
志心朝禮，大慈大悲救苦真人。
志心朝禮，大慈大悲大惠真人。
志心朝禮，大慈大悲救苦真人。
志心朝禮，大慈大悲大惠真人。
志心朝禮，大慈大悲救苦真人。

志心朝禮，大慈大悲大惠真人。

禮三寶已，復次懺悔

志心歸命，十方常住三寶。臣等懺悔瞋怒愚癡之罪。自從无量劫來，至于今日，父母兄弟、己身眷屬，捨生受生，曾無慚愧，起瞋怒心。或怒大道，言乏正真，祇起浮辭，恒无信意。或怒天地，呪咀寒暑，但積愚頑，不慚覆載。或怒日月，裸露身形，不愧照臨，常嫌遲疾。或怒經典，稱是虛言，不解披尋，多生誑毀。或怒父母，侍奉乖違，孝養全無，劬勞不報。或怒兄弟，義乏連枝，看若外人，恩同疏友。或怒眷屬，不起慈柔，敬上有乖，撫下無節。或怒齋戒，修奉不恭，觸犯常多，精虔有闕。或怒國主，不讚昇平，殺逆生心，忠良不立。或怒講說，不聽善緣，但起惡言，混雜真理。或怒宮觀，敬奉不生，誹謗過多，施捨殊闕。或怒先逝，竟乏追修，不作良善，助其冥路。或怒神理，無有祭祀，却信邪言，便行姪祀。或怒老耄，不生孝心，施惠豈曾，侮慢唯作。或怒六疾，不發慈心，

但出惡言，稱遭業報。或怒牢獄，不察言情，恒說艱難，助其桎械。或怒貧賤，枉壓无申，不念飢寒，每生苦楚。或怒禽獸，不念羽毛，祇縱貪婪，唯求烹宰。

天尊言，如是愚癡瞋怒，其罪滋深。不露懺宣，必沉惡道。是使先亡幽繫，見在遭疾，種種冤讎，悉皆臻湊。汝等男女，各發精誠，今日向十方天尊前，稽顙投誠，皆乞懺悔，歸命三寶。

人各恭敬

- 志心朝禮，法源長遠天尊。
- 志心朝禮，隨順得悟天尊。
- 志心朝禮，廣大无边天尊。
- 志心朝禮，常住法要天尊。
- 志心朝禮，妙頤玄通天尊。
- 志心朝禮，觀等无礙天尊。
- 志心朝禮，遍行世界天尊。
- 志心朝禮，惠觀弘道天尊。
- 志心朝禮，永絕塵累天尊。
- 志心朝禮，超真解脱天尊。
- 志心朝禮，大弘普濟天尊。
- 志心朝禮，寶洞垂光天尊。

- 志心朝禮，脫離垢濁天尊。
- 志心朝禮，七寶光明天尊。
- 志心朝禮，寶惠延慈天尊。
- 志心朝禮，歸用澄靜天尊。
- 志心朝禮，見大威力天尊。
- 志心朝禮，普護含生天尊。
- 志心朝禮，降伏羣魔天尊。
- 志心朝禮，飛軒赴感天尊。
- 志心朝禮，妙真弘教天尊。
- 志心朝禮，愍濟无常天尊。
- 志心朝禮，至極玄覆天尊。
- 志心朝禮，饒益一切天尊。
- 志心朝禮，照用歸空天尊。
- 志心朝禮，真性常湛天尊。
- 志心朝禮，示緣開化天尊。
- 志心朝禮，玄門啓祕天尊。
- 志心朝禮，習妙玄同天尊。
- 志心朝禮，洞真高惠天尊。
- 志心朝禮，淨業无边天尊。
- 志心朝禮，妙空凝定天尊。
- 志心朝禮，寶質純素天尊。
- 志心朝禮，法力致大天尊。
- 志心朝禮，功行常圓天尊。

志心朝禮，金真寶善天尊。
志心朝禮，凝常用一天尊。
志心朝禮，靈響普通天尊。
志心朝禮，常樂空同天尊。
志心朝禮，存爲道化天尊。
志心朝禮，遊宴三清天尊。
志心朝禮，法惠流通天尊。
志心朝禮，解脫无名天尊。
志心朝禮，真淨遍習天尊。
志心朝禮，清遠淨德天尊。
志心朝禮，增進階級天尊。
志心朝禮，教揚碧落天尊。
志心朝禮，慈誨悟緣天尊。
志心朝禮，飛昇頂極天尊。
志心朝禮，永離有无天尊。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心歸命，十方常住三寶。懺悔

禮三寶已，復次懺悔

殺生之罪。衆等自從無量劫來，至于今日，父母兄弟、己身眷屬，捨身受身，无量生身，所處人倫。未離愛欲，不逢善友，不遇明師，種習而成，薰蕕所染，造諸惡業，恣意殺生。或殺牛羊犴犬、麀鹿狐兔六畜等物，曾无憫物，唯務充腸。其或殺戮鳧鴈鷄鵝之類，或以羅網，籠罩一切飛禽之類；或以罾繳，張捕水陸鱗甲走獸之類；或焚山燒野，傷害含靈；或作堰開池，損動蟄伏；或摧巢破卵，探穴取雛，使子母分離，藏竄无地。或充口腹，或恣无辜，日往月來，結成冤對。或自作，或教他。凡此過尤，不可稱說。致使殃延眷屬，禍及己身，或減折壽年，或縈纏疾瘵，一沉長夜，永劫難原。如此之徒，皆由積惡，不憑懺拔，何致蠲除。

天尊言，道以好生，法弘開度。凡有此等，或謝人寰，見在子孫，急宜薦導，掃灑庭宇，齋沐身心，邀請法師，建茲勝會，廣營香燭，羅列幡華，瞻禮尊顏，轉讀經懺，旋回法座，讚詠步虛，瀝膽披肝，首愆謝過，精誠祈請，晝夜忘

疲。則往逝先靈，必蒙原赦，永離幽暗，克入光明，魂識安寧，仇讎罷對，遷神洞府，鍊質南宮，悟道登真，福生禍滅。汝等男女，宜當諦聽，遵受奉行，發回向心，登无上道。

太上慈悲九幽拔罪懺卷之九

太上慈悲九幽拔罪懺卷之十

爾時，元始天尊爲普救真人演說，上方玄都玉京紫微金闕七寶玄臺三清三界三十二天帝君，妙行真人，神仙玉女，自然無極之國，紫霄莊嚴。既竟，重爲演說下方九土高皇四司五帝，十二仙卿，九宮真人，神仙玉女，水運丹界，其有真人，名曰妙行極樂之國，淨土莊嚴。若人臨終之日，願生彼國，當潔己清齋，請師奉禮，下方應號天尊，長跪懺悔，免恒沙罪障，獲無量善因。鍊魄朱陵，遊神紫府，衆等志心，歸命敬禮。

人各恭敬

志心朝禮，下方真皇洞神天尊。
志心朝禮，法雨潤益天尊。
志心朝禮，普度災難天尊。
志心朝禮，知常容衆天尊。
志心朝禮，常用道德天尊。
志心朝禮，控御法輪天尊。
志心朝禮，護度無量天尊。

志心朝禮，還魂起死天尊。
志心朝禮，長生保命天尊。
志心朝禮，隨願往生天尊。
志心朝禮，妙寶上真天尊。
志心朝禮，開明祖劫天尊。
志心朝禮，普殖化生天尊。
志心朝禮，上極妙容天尊。
志心朝禮，梵炁普生天尊。
志心朝禮，周回度世天尊。
志心朝禮，大慈延壽天尊。
志心朝禮，圓極證空天尊。
志心朝禮，嚴校主錄天尊。
志心朝禮，削除罪譴天尊。
志心朝禮，威權自在天尊。
志心朝禮，超凌仙界天尊。
志心朝禮，乘神濟物天尊。
志心朝禮，舟航苦海天尊。
志心朝禮，保舉監生天尊。
志心朝禮，圓明智勝天尊。
志心朝禮，無我惠通天尊。
志心朝禮，緣慈親善天尊。
志心朝禮，威制群魔天尊。
志心朝禮，乘真御運天尊。

志心朝禮，景化凝玄天尊。
志心朝禮，示現萬像天尊。
志心朝禮，還元歸寂天尊。
志心朝禮，安樂常保天尊。
志心朝禮，含生護命天尊。
志心朝禮，主錄保年天尊。
志心朝禮，安鎮含識天尊。
志心朝禮，迴靈養素天尊。
志心朝禮，開度宿障天尊。
志心朝禮，保命延生天尊。
志心朝禮，終劫濟苦天尊。
志心朝禮，演流萬範天尊。
志心朝禮，運度八難天尊。
志心朝禮，威景金真天尊。
志心朝禮，一炁元經天尊。
志心朝禮，太皇鬱秀天尊。
志心朝禮，託化生因天尊。
志心朝禮，混合萬靈天尊。
志心朝禮，玄會八冥天尊。
志心朝禮，高真上智天尊。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。

志心朝禮，大慈大悲大惠真人。

志心朝禮，大慈大悲救苦真人。

志心朝禮，大慈大悲大惠真人。

禮三寶已，復次懺悔

志心歸命，下方无上天尊，懺悔偷盜之罪。衆等自從无量劫來，至于今日，父母兄弟、己身眷屬，捨身受身，無量生身，受諸報應，切慮不存廉直，起諸盜心。或盜天尊大道，供養財物，乃至碑礪碼礪、瑠璃琥珀、明珠璧玉、銅鐵金銀、錦綺綾羅、器用信施、齋食米麪、供養香油。或直一文、十文、百文、千文，乃至纖粟，俱有重罪。或盜國王財物，乃至割庫逾墻、開封擊鎖、改換印綬、移拆簽函，戎備軍資，稅賦科疋，一文一寸，以少及多，不務輸公，唯思利己。如斯侵竊，皆有愆尤。或曾偷盜宮觀起造財物、法師鎮信、物色經典、裝褫之物，法服裁割之物，行壇布施之物，新鮮未獻之物，慈親眷愛之物，鄉閭鄰里之物，孤貧老弱之物，三寶華菓之物，十方供設之物，經求貨易之物，田農種播之物，乃至一切所爲之

物，或偷盜，或隱藏，不計多少，皆有罪負。未常覺悟，咸乞懺除。

天尊言，若有善男子、善女人，過去今生，不弘正道，但起癡心，偷竊爲先，剝削利己，積多過類，損失身命，殃及九玄，災延七祖，生遭惡疾，死入重泉，計罪量功，即當受報。汝等男女，各生追想，咸洗前非，禮懺持經，設齋奉戒，勤心首謝，當得消除。懺悔道前，免離諸苦，志心敬禮。

人各恭敬

志心朝禮，浩劫玉虛天尊。
志心朝禮，流津布炁天尊。
志心朝禮，惣持衆行天尊。
志心朝禮，元梵度人天尊。
志心朝禮，洞幽凝寂天尊。
志心朝禮，天真太妙天尊。
志心朝禮，乘願往生天尊。
志心朝禮，法橋大度天尊。
志心朝禮，惠覺通元天尊。
志心朝禮，太極妙容天尊。
志心朝禮，招真會聖天尊。
志心朝禮，定光景耀天尊。

志心朝禮，觀明太虛天尊。
志心朝禮，真要匠道天尊。
志心朝禮，龍章萬變天尊。
志心朝禮，威光朗照天尊。
志心朝禮，觀玄品量天尊。
志心朝禮，玉真梵景天尊。
志心朝禮，大明七曜天尊。
志心朝禮，玄素保光天尊。
志心朝禮，景德冲用天尊。
志心朝禮，巡虛飛步天尊。
志心朝禮，十華上願天尊。
志心朝禮，大安梵度天尊。
志心朝禮，虛明惣鑒天尊。
志心朝禮，神真妙用天尊。
志心朝禮，玄功周濟天尊。
志心朝禮，玉明玄覺天尊。
志心朝禮，梵氣彌羅天尊。
志心朝禮，通玄萬範天尊。
志心朝禮，十聖輪迴天尊。
志心朝禮，長生護命天尊。
志心朝禮，普修萬行天尊。
志心朝禮，延和正化天尊。
志心朝禮，廣運慈善天尊。

志心朝禮，善濟智成天尊。
志心朝禮，遍空玄解天尊。
志心朝禮，玄機冥寂天尊。
志心朝禮，空惠弘通天尊。
志心朝禮，洞虛惠聖天尊。
志心朝禮，建德明和天尊。
志心朝禮，常善救物天尊。
志心朝禮，妙樂无等天尊。
志心朝禮，契寂昇玄天尊。
志心朝禮，興和德化天尊。
志心朝禮，崇仙布善天尊。
志心朝禮，慈愛愍苦天尊。
志心朝禮，開濟四生天尊。
志心朝禮，弘仙廣廕天尊。
志心朝禮，上德普聞天尊。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。
志心朝禮，大慈大悲救苦真人。

禮三寶已，復次懺悔

志心歸命，下方无上天尊，懺悔毀

壞之罪。衆等自從无量劫來，至于今日，父母兄弟、己身眷屬，捨身受身，无量生身，不效忠良，多懷毀損。或毀壞天尊大道形像，或毀壞宮觀靈壇玄域，或毀壞公廨廳堂，或毀壞大藏經書，或毀壞供養器具，或毀壞社稷靈祠乃至一切器宇物具。不生修奉，但積損傷。建造之功，其功不一；毀壞之意，舉念何難。積疊愆尤，咸希懺悔。

天尊言，起心著意，有善有非；報德酬愆，有福有禍。譬如聲響，其應如何。言凶則氣靡，聲和則意悅。汝等男女，咸自思惟，敬信爲先，莊嚴是首。如能悔過，須慕正真，勤發道心，廣禮經懺，即得存亡獲福，生死蒙恩，精懇投誠，至心懺悔。爾時，元始天尊時遊十方世界，放大光明，照諸國土，與虛皇道君，分身下界，安坐碧霞神光寶座，爲普救真人演說十方男女因緣事畢。寂絕影響，不知所之。普救真人及諸男女等，追慕傷嗟，叩頭禮拜，謹依演示，次第修行，遂得善信男女，銜恩洗雪。死者蒙祐，昇上天堂；生者

獲恩，常居樂土。遂使陰陽和順，國家清寧，蝗飛乘普度之功，蟠動賴生成之惠。於是三塗五苦、餓鬼孤魂，悉得超生，皆歸解脫。人天仰荷，家國依憑。稽首十方常住三寶。

太上慈悲九幽拔罪懺卷之十

（陳耀庭點校）

026 太上慈悲道場滅罪

水懺

經名：太上慈悲道場滅罪水懺。
三卷。底本出處：《正統道藏》
洞玄部威儀類。

太上慈悲道場滅罪水懺卷上

爾時，元始天尊在大羅天上，玉京金闕紫微天臺，大會羣仙，敷揚妙法，救度天人，咸使悟道，不歷諸苦，施大威力，放大光明，普照萬國。一切罪福，俱在目前，甚深微妙，方便開度，一切地獄窮魂，苦毒無量，痛楚難言，並蒙救拔，不溺沈淪，咸得超度。是時，元始慈尊慈悲廣演，更開要道，使過去未來，俱霑利益。再告左右侍真曰：人之稟生，同資一氣，及乎誕育，命係三元，夭壽吉凶，富貴貧賤，因緣罪福，善

惡生死，各逐夙命根源，悉有報應，隨其業力，永不差殊，如影隨形，似聲應谷。每年三元之日，三元官屬與三界十方、四司五帝、善惡童子、一切靈官，上朝金闕元始御前，考校男女生死之籍、罪福因緣及九幽地獄水府、窮魂姓名業簿。此時，若有善信男女，能發自然道意，建造紫微寶臺、玉京寶山、樓閣臺榭、百寶粧嚴，香花供養，燒香行道，吟詠洞章，然燈放生，步虛法事，布施發願，謝過上章，大建齋醮，虔告天地，晝夜不怠者，吾當遣十方天尊真人、諸天神仙、三界四司、救苦靈童，下降人間，齊到道場，為其滅罪，保佑生人。使國土安寧，男女歡泰，衆善齊降，諸惡不生。地獄苦魂，一時解脫，竟生天上，快樂無爲，功德巍巍，獲福無量。慈尊言，正月十五日，上元天官、主錄百司上詣天闕，進呈世人罪福之籍。今日道場懺主某是故回向，上元天界一切高真，皈依皈神，皈身皈命，大慈大悲無上天尊。

至心朝禮，玉清元始天尊。

至心朝禮，福生無量天尊。
至心朝禮，消災解厄天尊。
至心朝禮，延壽益筭天尊。
至心朝禮，長生保命天尊。
至心朝禮，紫清降福天尊。
至心朝禮，八卦護身天尊。
至心朝禮，九宮捍厄天尊。
至心朝禮，高真妙果天尊。
至心朝禮，十方靈寶天尊。
從此已上，禮念天尊聖號。乞懺某自從無始以來，至於今日，師資父母、六親眷屬，三業所爲，六根所造。是故身貪細滑，意起虛妄，眼觀惡色，耳聽邪音，鼻好惡香，舌貪滋味，心生嫉妬，口出穢言。如是等罪，無量無邊。今日虔誠，咸乞懺悔。次復回向，上元天界一切高真，皈依皈神，皈身皈命，大慈大悲無上天尊。
至心朝禮，青靈始老天尊。
至心朝禮，丹靈真老天尊。
至心朝禮，皓靈皇老天尊。
至心朝禮，五靈玄老天尊。
至心朝禮，玄靈元老天尊。

至心朝禮，嚴淨法惠天尊。

至心朝禮，應感威力天尊。

至心朝禮，無畏梵形天尊。

至心朝禮，大智惠海天尊。

至心朝禮，無量法藏天尊。

從此已上，禮念天尊聖號。乞懺某

自從無始以來，至於今日，師資父母、

六親眷屬，無量無邊殺生之罪。或殺

猪羊牛馬、雞犬鵝鴨。或殺飛禽走獸、

水族魚鱗、蠢動含靈、一切物命。或扶

持疾病、淫祀鬼神、殺害衆生。或遊獵

好戲、耕田掘地、養蠶煮繭、放火放水、

燒糞掃地、殺害衆生。或飲酒食肉。

或作醬鮓、焚樵露燈、熱湯潑地、殺害

衆生。或生分子母、斷其胎育。或殺

胎卵。或殺衆生命無頭數。或殺債主

冤家、四方良善。或因爭競欺妬、攘取

劫奪殺害。或因征戰讒佞、方便殺害。

或用邪教、埋名釘字、呪詛殺害。或為

官法、枉殺人命。或圖他財寶、證人入

死。或奪人妻子、爭人夫婿、遂成殺

害。或對天地日月、虛空廟社之所殺

害。或上引祖先、以為盟誓殺害。或

男婚女嫁、吉凶聚會、生男誕女、接奉

親朋、非時作樂、耽色好淫、眠花卧柳，

殺害無數，遂使怨氣，遍滿虛空。如是

殺害等罪，無量無邊，今日虔誠，咸乞

懺悔。次復回向，上元天界一切高真，

皈依皈神，皈身皈命，大慈大悲無上天

尊。

至心朝禮，大慈萬善天尊。

至心朝禮，玄微自在天尊。

至心朝禮，無邊明覺天尊。

至心朝禮，慈和妙寶天尊。

至心朝禮，端嚴威力天尊。

至心朝禮，昭明上照天尊。

至心朝禮，法橋大度天尊。

至心朝禮，弘通保命天尊。

至心朝禮，開顯妙門天尊。

至心朝禮，護魂慈救天尊。

從此已上，禮念天尊聖號。乞懺某

自從無始以來，至於今日，七祖九玄、

師資父母，存亡二世，一切眷屬，無量

偷盜之罪。或偷盜天尊形像、三寶種

種財物。或偷盜慈親、種種財物。或

偷盜富貴貧賤、種種財物。或偷盜國

家庫藏、輸貢科歛、官錢財物。或偷盜

妻妾、男女良賤財物。如是偷盜等罪，

無量無邊，今日虔誠，咸乞懺悔，次復

回向，上元天界一切高真，皈依皈神，

皈身皈命，大慈大悲無上天尊。

至心朝禮，流光法喜天尊。

至心朝禮，威聖化凡天尊。

至心朝禮，洞靈慈念天尊。

至心朝禮，慈惠緣成天尊。

至心朝禮，增益聖智天尊。

至心朝禮，功德嚴淨天尊。

至心朝禮，混成長樂天尊。

至心朝禮，寶光善寂天尊。

至心朝禮，相光自在天尊。

至心朝禮，金真度命天尊。

從此已上，禮念天尊聖號。乞懺某

自從無始以來，至於今日，存亡二世，

一切眷屬，無量姪慾之罪。或不避虛

空、日月星辰之下行諸姪慾。或不避

井竈門戶、社廟宮觀、聖跡之所行諸姪

慾。或六親通同行諸姪慾。或姪犯骨

肉。或染污出家、欺凌貞潔、捉人殘

害、奪人恩愛、行諸姪慾。或不顧老

少、穢亂羈迷、愚癡不返。如是邪姪愛慾等罪，無量無邊，今日虔誠，咸乞懺悔，次復回向，上元天界一切高真，皈依皈神，皈身皈命，大慈大悲無上天尊。

至心朝禮，清微天帝天尊。

至心朝禮，禹餘天帝天尊。

至心朝禮，大赤天帝天尊。

至心朝禮，金惠玄通天尊。

至心朝禮，垂慈溥濟天尊。

至心朝禮，洞暢高玄天尊。

至心朝禮，長生萬善天尊。

至心朝禮，真遊高上天尊。

至心朝禮，法流遠洽天尊。

至心朝禮，高德寶藏天尊。

從此已上，禮念天尊聖號。乞懺某

自從無始以來，至於今日，七祖九玄、師資父母，存亡二世，一切眷屬，僮僕上真之罪。或不敬上天、日月星辰之罪。或不畏風雨、雲霞、雷電。或瞻對北斗、不避諸天、赤身裸體、大小便利、披頭飲食、涕吐穢言、戲笑哭泣、種種乖非。如是觸犯等罪，無量無邊，今日

虔誠，咸乞懺悔，次復回向，上元天界一切高真，皈依皈神，皈身皈命，大慈大悲無上天尊。

至心朝禮，凝常轉命天尊。

至心朝禮，玄德定願天尊。

至心朝禮，總真應見天尊。

至心朝禮，妙成圓行天尊。

至心朝禮，龍德威嚴天尊。

至心朝禮，高玄太素天尊。

至心朝禮，靈真大帝天尊。

至心朝禮，金資妙相天尊。

至心朝禮，開明指要天尊。

至心朝禮，無上最勝天尊。

從此已上，禮念天尊聖號。乞懺某

身中所爲種種業障，伏乞無極大道、太上三尊、五老高真、十華上帝、日月星宿、璇璣玉衡、八十一天、三十二帝、三官九府、四司三界、魔王飛天大聖，未來仙宰，已往真官，大慈大悲，普濟普度，恩波滌罪，惠澤除冤，五道停酸，三元集福，功滿德就，與道合真。一切有情，齊登道岸，無上虛皇證真三寶。太上慈悲道場滅罪水懺卷上

太上慈悲道場滅罪水懺卷中

爾時，慈尊言，七月十五日、中元地官主錄百司，上詣天闕，進呈世人罪福之籍。今日道場懺主某是故回向，中元地界一切聖哲，皈依皈神，皈身皈命，大慈大悲無上天尊。

至心朝禮，上清靈寶天尊。

至心朝禮，九幽拔罪天尊。

至心朝禮，高上通明天尊。

至心朝禮，空惠凝常天尊。

至心朝禮，方便善救天尊。

至心朝禮，通真感應天尊。

至心朝禮，衆善惠施天尊。

至心朝禮，和光忍辱天尊。

至心朝禮，凝神玄覺天尊。

至心朝禮，轉輪運行天尊。

從此已上，禮念天尊聖號。乞懺某

自從無始以來，至於今日，師資父母、存亡眷屬，無量慳貪愛恪之罪。或見人教化，作善建功。或見貧窮疾病，不能減割，方便扶持。種種不能布施慳

貪等罪，無量無邊。今日虔誠，咸乞懺悔，次復回向，中元地界一切真聖，皈依皈神，皈身皈命，大慈大悲無上天尊。

至心朝禮，大慈無我天尊。

至心朝禮，運化微明天尊。

至心朝禮，靈通品量天尊。

至心朝禮，大惠衆善天尊。

至心朝禮，海量無涯天尊。

至心朝禮，興國太平天尊。

至心朝禮，光妙高玄天尊。

至心朝禮，常住虛極天尊。

至心朝禮，玄微德本天尊。

至心朝禮，輝靈度命天尊。

從此已上，禮念天尊聖號。乞懺某

自從無始以來，至於今日，師資父母、六親存歿，無量無邊嗔怒之罪。或嗔怒天尊經法，法師道士。或嗔怒帝王官宰，父母骨肉。或嗔怒道場法席，作諸功德。或嗔怒陰陽，風雨寒暑。或嗔怒虛空日月，星宿尊聖。或嗔怒正直鬼神，過往賢聖。或嗔怒春夏秋冬，晝夜長短。或嗔怒士農工商，鰥寡孤

獨，囚徒禁役，貧苦老病。或嗔怒門朋志友，妻子奴婢。或嗔怒牛馬六畜，飛禽走獸，一切物命。如是嗔怒等罪，無量無邊。今日虔誠，咸乞懺悔，次復回向，中元地界一切聖哲，皈依皈神，皈身皈命，大慈大悲無上天尊。

至心朝禮，會善開宗天尊。

至心朝禮，妙空真相天尊。

至心朝禮，含弘品量天尊。

至心朝禮，智藏微達天尊。

至心朝禮，惠解空寂天尊。

至心朝禮，普照微玄天尊。

至心朝禮，法空虛凝天尊。

至心朝禮，天寶自在天尊。

至心朝禮，平等善應天尊。

至心朝禮，光明濟物天尊。

從此已上，禮念天尊聖號。乞懺某

自從無始以來，至於今日，六親眷屬、存亡二世，有無量無邊、不信善惡因緣，愚癡執見。或於三寶之前，常行愚癡。或於帝王官宰之前，常行愚癡。或於父母骨肉之前，常行愚癡。或於人物所處之前，常行愚癡。如是愚癡

等罪，無量無邊。今日虔誠，咸乞懺悔，次復回向，中元地界一切聖哲，皈依皈神，皈身皈命，大慈大悲無上天尊。

至心朝禮，清微通悟天尊。

至心朝禮，大明空界天尊。

至心朝禮，高深妙惠天尊。

至心朝禮，開緣普救天尊。

至心朝禮，光明萬變天尊。

至心朝禮，紫虛玄聖天尊。

至心朝禮，飛空智聖天尊。

至心朝禮，梵寶太虛天尊。

至心朝禮，元靈等觀天尊。

至心朝禮，海空辨惠天尊。

從此已上，禮念天尊聖號。乞懺某

自從無始以來，至於今日，師資父母、六親骨肉，無量無邊、綺言妄語之罪。或背前面後，口是心非。或向此說彼。或向彼說此，離人骨肉。或破人良友。或不思己過，不察情由，論人是非，說人長短，不識人義，掩善揚惡，訕謗君王、父母，平薄師資、尊長，破壞忠良，埋沒勝己，讚詠邪音，誹謗正教。如是

綺言妄語兩舌等罪，無量無邊。今日虔誠，咸乞懺悔，次復回向，中元地界一切聖賢，皈依皈神，皈依皈命，大慈大悲無上天尊。

至心朝禮，尊勝妙果天尊。

至心朝禮，善願普因天尊。

至心朝禮，希微威德天尊。

至心朝禮，慈悲護度天尊。

至心朝禮，端靖梵行天尊。

至心朝禮，善成清淨天尊。

至心朝禮，仙靈正行天尊。

至心朝禮，慈施興善天尊。

至心朝禮，威力難思天尊。

至心朝禮，隨緣應化天尊。

從此已上，禮念天尊聖號。乞懺某

自從無始以來，至於今日，師資父母，六親眷屬，無量無邊罵詈之罪。或罵詈天尊大道之罪，或罵詈經法法師之罪，或罵詈國王官宰之罪，或罵詈知識朋友之罪，或罵詈妻妾男女之罪，或罵詈六親眷屬之罪，或罵詈根相不全、六疾百病之罪，或罵詈貧窮老小、鰥寡孤獨、奴婢下賤之罪，或罵詈天地日月、

星辰風雨、雲霞虹霓、雷電之罪，或罵詈晝夜長短、冬寒夏熱、四時八節、霜雪氣候之罪，或罵詈正直鬼神、蟲蝗水旱之罪，或罵詈五穀百果、絲麻布絹之罪，或罵詈牛馬六畜、飛禽走獸、蠢動之類，或囚禁罪人、愚癡良善。如是言詞麤獷、呼天叫地、牽引鬼神、毀罵等罪，無量無邊。今日虔誠，咸乞懺悔，次復回向，中元地界一切聖哲，皈依皈神，皈依皈命，大慈大悲無上天尊。

至心朝禮，香林定想天尊。

至心朝禮，無爲普濟天尊。

至心朝禮，保命上生天尊。

至心朝禮，至德無礙天尊。

至心朝禮，平等救苦天尊。

至心朝禮，演聖開元天尊。

至心朝禮，六通證悟天尊。

至心朝禮，分形通德天尊。

至心朝禮，寶頂大成天尊。

至心朝禮，至真幽寂天尊。

從此已上，禮念天尊聖號。乞懺某

身中種種罪業。伏乞九清三洞慈尊、五老十華大道、皇皇上帝、列列高真、

九帝仙官、十宮真宰、三元大帝、五嶽尊神、福地洞天、酆都岱嶽、四司曹吏、九府朝班、物外羣仙、壺中衆聖、洪恩普洽，惠澤滂流，釋解塵愆，消除世厄，哀矜庶品，開度幽冥，世世生生，咸躋大道。

太上慈悲道場滅罪水懺卷中

太上慈悲道場滅罪水懺卷下

爾時，慈尊言，十月十五日、下元水官主錄百司，上詣天闕，進呈世人罪福之籍。今日道場懺主某是故回向，下元水界一切仙哲，皈依皈神，皈身皈命，大慈大悲無上天尊。

- 至心朝禮，太清道德天尊。
- 至心朝禮，應見常容天尊。
- 至心朝禮，妙保上真天尊。
- 至心朝禮，還魂起死天尊。
- 至心朝禮，威權自在天尊。
- 至心朝禮，安鎮含識天尊。
- 至心朝禮，壽命無窮天尊。
- 至心朝禮，常善救物天尊。
- 至心朝禮，含弘德化天尊。
- 至心朝禮，發生萬物天尊。

從此已上，禮念天尊聖號。乞懺某

自從無始以來，至於今日，師資父母，六親眷屬，無量無邊、障礙人間種種之罪。又復行商坐賈，買賣博貨，邸舍交易，升斗秤尺，分毫銖兩之上，有諸增

損，瞞昧於人。或將麤易好，以短換長，虧筭人物，穿破墻壁，劫掠竊盜。或塞斷道路，抵諱債負。或放財本與人，過分取利。或假託非術，脫人財物。或妬人聰明富貴，恃官協勢，告人長短。或暗施弓箭，不合神明。或飲酒食肉，五辛三厭，穢慢功德。或爲官爲吏，治事不公。或居上不恭，爲下不敬，朝廷無爵，鄉黨無齒。如是等罪，無量無邊，今日虔誠，咸乞懺悔，次復回向，下元水界一切仙哲，皈依皈神，皈身皈命，大慈大悲無上天尊。

- 至心朝禮，演法混成天尊。
 - 至心朝禮，法澤流布天尊。
 - 至心朝禮，積功成聖天尊。
 - 至心朝禮，凝神照境天尊。
 - 至心朝禮，和神利物天尊。
 - 至心朝禮，妙解羅網天尊。
 - 至心朝禮，功行圓滿天尊。
 - 至心朝禮，還功報德天尊。
 - 至心朝禮，隱跡全道天尊。
 - 至心朝禮，紫霞浮蓋天尊。
- 從此已上，禮念天尊聖號。乞懺

悔某自從無始以來，至於今日，父母師資，存亡二世，道俗兩門，一切眷屬。或浮好三寶，執心不專。或負背師資，違盟負約。或不忠國主，不順時機，不崇大道，輕欺教法。或穢污江河，撈攬百川，取諸魚鱗，將充口味。或不生慚愧，輕賤衣食，拋撒五穀，呪詛牛馬，損害蠶蛾，不惜農桑。或見利忘義，不廉不恥，喜新棄舊，知恩不報。如是等罪，無量無邊，今日虔誠，咸乞懺悔，次復回向，下元水界一切仙聖，皈依皈神，皈身皈命，大慈大悲無上天尊。

- 至心朝禮，尊妙無雙天尊。
 - 至心朝禮，玉京垂惠天尊。
 - 至心朝禮，寶度應權天尊。
 - 至心朝禮，太微光梵天尊。
 - 至心朝禮，真相滿足天尊。
 - 至心朝禮，尊勝無爲天尊。
 - 至心朝禮，沖和淨樂天尊。
 - 至心朝禮，寂然無碍天尊。
 - 至心朝禮，幽源不測天尊。
 - 至心朝禮，默念無爲天尊。
- 從此已上，禮念天尊聖號。乞懺某

自從無始以來，至於今日，存亡二世，道俗兩門，不思父母劬勞，養育不報，十月懷胎，三年乳哺，回乾就濕，嘔苦吐甘，洗浣提撕，憂愛重恩，返生五逆不孝重罪。或爲男爲女，爲氣爲財，殫酒迷花，爲冤結呪，連累父母，怨氣無邊。或造宅創墳，犯多禁忌，罪盈惡貫，是致流殃。或報在冢訟徵呼，先亡勾連。或報在命運衰危，惡星行度，見世創爲種種花報，地獄則爲種種果報。慈尊言，如此生身果報，皆因前世犯於罪業，死經地獄，及至來生，受報六道，輪迴無有休息。今日虔誠，咸乞懺悔，次復回向，下元水界一切仙哲，皈依皈神，皈身皈命，大慈大悲無上天尊。

至心朝禮，功業無邊天尊。
至心朝禮，法雨霽霏天尊。
至心朝禮，廣大圓滿天尊。
至心朝禮，哀悲衆苦天尊。
至心朝禮，凝空法藏天尊。
至心朝禮，無碍惠王天尊。
至心朝禮，隨緣應化天尊。
至心朝禮，洞明世界天尊。

至心朝禮，應變無常天尊。
至心朝禮，弘慈大量天尊。

從此已上，禮念天尊聖號。乞懺某自從無始以來，至於今日，種種罪業。

爾時，慈尊復言，吾見下土兆民，多有凶禍，邪鬼所害。可爲先亡祖考、父母尊親，五臘之日是天地開赦，宜建齋醮，行道禮懺，上章救拔，先亡咸得超度。正月一日，天臘之日，五帝神仙，集於青天安寶華林青龍闕中，校定世人罪福之籍。五月五日，地臘之日，五帝神仙，集於丹天梵寶昌陽丹臺闕中，校定世人罪福之籍。七月七日，道中，校定世人罪福之籍。十月一日，民歲臘之日，五帝神仙，集於玄天洞陰黑靈闕中，校定世人罪福之籍。十二月，遇臘是王侯臘之日，五帝神仙，集於玄都玉京元靈戊己金闕元始八景殿中，校定世人罪福之籍。此日皆是合攢之日，定吉凶生死簿籍，皆是生人。九祖父母，幽獄鬼魂，此日爲酆都北帝引出責問。久處陰司，年代積

遠，罪結釁由，端及子孫姓名，墳墓所在。如積劫未有追贖，因此日延累生人，引問子孫親姻、九族姓名，爲生人罪狀，積釁幽都，九族延滅。此日可爲亡故父母，上表謝罪，懺悔追拔，皆令亡人一一得之。常日祭祀，不可得達。蓋爲酆都幽深，難爲通徹，沐賴真猷，皆得宿愆解釋，幽司不欲久滯。死魂久滯，則天曹責及，幽司官吏亦責及，生人轉福爲禍，災難自此而生。若有至孝男女，此日修奉齋醮，則黑籍除名，皆得超度。今日道場懺主某是故回向，下元水界一切仙哲，皈依皈神，皈身皈命，大慈大悲無上天尊。

至心朝禮，赴感隨緣天尊。
至心朝禮，梵行修功天尊。
至心朝禮，洞鑒無碍天尊。
至心朝禮，赴難垂恩天尊。
至心朝禮，日月光明天尊。
至心朝禮，無滯着相天尊。
至心朝禮，無方化度天尊。
至心朝禮，常慈愛憐天尊。
至心朝禮，無量法身天尊。

至心朝禮，周應法身天尊。

從此已上，禮念天尊聖號。乞懺某自從無始以來，至於今日，六親眷屬，存亡二世，輪迴六道因緣，四生捨身，不閑不歇，優饒三業，恣縱六情，殺盜邪淫，貪癡嗔怒，惡口兩舌，妄言綺語，不信因緣，不行方便，辜天負地，破齋犯戒，情故外人，返謀師父，爲冤結呪，引鬼牽神，不念四生，豈思一息，種種爲報，念念成非。總在身中，無由雪釋。或墮地獄，或爲畜生，不值聖文，何能超度。如是等罪，無量無邊，今日虔誠，咸乞懺悔，次復回向，下元水界一切仙哲，皈依皈神，皈身皈命，大慈大悲無上天尊。

至心朝禮，玉寶皇上天尊。

至心朝禮，玄真萬福天尊。

至心朝禮，太妙至極天尊。

至心朝禮，玄上玉宸天尊。

至心朝禮，度仙上聖天尊。

至心朝禮，好生度命天尊。

至心朝禮，太靈虛皇天尊。

至心朝禮，無量太華天尊。

至心朝禮，玉虛明皇天尊。

至心朝禮，真皇洞神天尊。

從此已上，禮念天尊聖號。乞懺某種種罪業。伏乞三境慈尊、十方至聖、三元大帝、五老高真、一百二十曹、七十二府、四司五帝、八海九江、十二河源、一切仙哲，普開救度，大設慈悲，垂大法雲，散大法雨，消除熱惱，洗滌愆非，頓爾清涼，了然雲淨，見存積慶，已往超昇。國安民豐，歡樂太平，功滿德就，生生悟道，世世聞經，一切有情，咸躋道岸。

太上慈悲道場滅罪水懺卷下

(陳耀庭點校)

027 太上玄司滅罪紫府

消灾法懺

經名：太上玄司滅罪紫府消灾法懺。一卷。底本出處：《正統道藏》洞玄部威儀類。

法事如儀，啓聖

香作通誠之信，心爲學道之門。人稟天地以生成，聖逐忱恂而赴感。以今恭運真香，虔誠上啓，三清上聖，十極高真，九天應元雷聲普化天尊，日宮至真大聖、太陽帝君，月府至真大聖、太陰皇君，五方五德星君，四炁四曜星君，南斗六司延壽上生星君，中天大聖北斗九皇尊帝星君，三台華蓋星君，二十八宿星君，十二宮神星君，斗中擎羊陀羅二仙使者，天罡大聖紫庭節度奎光星君。某人上屬當生本命星官、大小運限星官、命宮照臨星曜周天

躔度河漢星真，紫府高真百靈聖衆，太歲神君、斗中直使。法筵下降，鑒察威靈。悉仗真香，普同供養。臣今謹奏爲入意其諸丹悃，具載疏文。以今朝禮懺文，恭望恩光，垂慈鑒映。竊以龍城玉號，鳳苑瓊章，課之則可以懺贖罪尤，禮之則可以消除灾厄。於是備陳香燭，羅列幡花，設嚴潔之靈壇，對玄元之聖像。百念造爲障業，一心舉動貪饕，恒恣六情。積日之餘殃旋結，不思三善；今時之稔惡已成，將罄傾依。用伸禳謝，禮一百五十大尊睿號，契三十二重金闕宸聰。瓊藏開時，十洞之靈音乍奏；金鐘扣處，九清之寶殿潛通。伏惟無上元尊、中天至聖，俯納精虔之懇，特垂鑒照之恩。晨昏所犯之釁愆，庚甲儻臨之禍害，咸蒙開度。北都勾黑簿之名，潛會修持；中嶽奉丹符之命，善隨日長。灾逐冰消，用罄虔誠，躬伸敬禮，人各恭敬。

志心歸命，清都上帝天尊。
志心歸命，紫府高皇天尊。
志心歸命，燒香滅罪天尊。

志心歸命，建像消灾天尊。
志心歸命，傾心合道天尊。
志心歸命，靜念修真天尊。
志心歸命，懺除惡跡天尊。
志心歸命，資益善涯天尊。
志心歸命，瑤壇廣度天尊。
志心歸命，寶籍洞開天尊。
志心歸命，紫微金闕天尊。
志心歸命，清華玉宮天尊。
志心歸命，解除惡趣天尊。
志心歸命，結集良緣天尊。
志心歸命，懺消註誤天尊。
志心歸命，蕩滌瑕玼天尊。
志心歸命，得離罪障天尊。
志心歸命，不墮業輪天尊。
志心歸命，普承妙道天尊。
志心歸命，廣布靈慈天尊。
志心歸命，九靈玉洞天尊。
志心歸命，七寶金門天尊。
志心歸命，玄司垂惠天尊。
志心歸命，聖德潛通天尊。
志心歸命，慈恩鑒應天尊。
志心歸命，威力昭彰天尊。

志心歸命，常行拯物天尊。
志心歸命，無量度人天尊。
志心歸命，蠲消灾障天尊。
志心歸命，斷滅業根天尊。
志心歸命，靈通至廣天尊。
志心歸命，聖槩無窮天尊。
志心歸命，能消罪戾天尊。
志心歸命，得度灾殃天尊。
志心歸命，冰庭渙釋天尊。
志心歸命，火獄蠲除天尊。
志心歸命，長資利濟天尊。
志心歸命，永解牽纏天尊。
志心歸命，應念得度天尊。
志心歸命，會道合真天尊。
志心歸命，崆峒寶洞天尊。
志心歸命，紫碧玄臺天尊。
志心歸命，金城演化天尊。
志心歸命，玉殿含光天尊。
志心歸命，潛除萬惡天尊。
志心歸命，不墮九幽天尊。
志心歸命，消魔夙業天尊。
志心歸命，解摘餘殃天尊。
志心歸命，除灾集福天尊。

志心歸命，香林寶座天尊。
志心歸命，常樂玉臺天尊。
志心歸命，咸歸睿力天尊。
志心歸命，廣布玄恩天尊。
志心歸命，惟念好生天尊。
志心歸命，法燈普照天尊。
志心歸命，將度塵寰天尊。
志心歸命，無邊慧愛天尊。
志心歸命，莫盡威靈天尊。
志心歸命，金晨華闕天尊。
志心歸命，玉京玄臺天尊。
志心歸命，九色靈節天尊。
志心歸命，七暎雲輿天尊。
志心歸命，天慈廣大天尊。
志心歸命，觀登妙道天尊。
志心歸命，香光無礙天尊。
志心歸命，寶炬長明天尊。
志心歸命，龍城上聖天尊。
志心歸命，鳳闕高皇天尊。
志心歸命，無窮威力天尊。
志心歸命，不盡光明天尊。
志心歸命，變除罪釁天尊。
志心歸命，拯度業緣天尊。

志心歸命，常回慧日天尊。
志心歸命，永固玄風天尊。
志心歸命，得契真道天尊。
志心歸命，瓊天紫府天尊。
志心歸命，玉景清宮天尊。
志心歸命，金輪羽蓋天尊。
志心歸命，洞寶雲門天尊。
志心歸命，廣臻衆妙天尊。
志心歸命，普洽羣靈天尊。
志心歸命，威光莫測天尊。
志心歸命，聖槩難窮天尊。
志心歸命，懺除障業天尊。
志心歸命，分解仇讎天尊。
志心歸命，紫華金殿天尊。
志心歸命，清玄玉臺天尊。
志心歸命，九光丹輦天尊。
志心歸命，八色雲駟天尊。
志心歸命，洪恩普施天尊。
志心歸命，聖力無私天尊。
志心歸命，消魔罪跡天尊。
志心歸命，斷絕惡根天尊。
志心歸命，萬天回向天尊。
志心歸命，三界歸依天尊。

志心歸命，紫霞玉觀天尊。
志心歸命，青雲金城天尊。
志心歸命，龍威自在天尊。
志心歸命，月相端明天尊。
志心歸命，恒資百福天尊。
志心歸命，永殄千災天尊。
志心歸命，應感得力天尊。
志心歸命，隨念通玄天尊。
志心歸命，能彰妙善天尊。
志心歸命，克就良緣天尊。
志心歸命，天威感化天尊。
志心歸命，睿愛覃恩天尊。
志心歸命，能消積孽天尊。
志心歸命，可念羣生天尊。
志心歸命，千靈垂祐天尊。
志心歸命，萬禍俱沈天尊。
志心歸命，掃除業道天尊。
志心歸命，停轉苦輪天尊。
志心歸命，依憑聖力天尊。
志心歸命，思念玄慈天尊。
志心歸命，玉清聖德天尊。
志心歸命，金殿靈威天尊。
志心歸命，垂慈濟物天尊。

志心歸命，闡教度人天尊。
志心歸命，溥承妙道天尊。
志心歸命，廣布玄恩天尊。
志心歸命，斷除惡念天尊。
志心歸命，蕩滌塵心天尊。
志心歸命，超離三業天尊。
志心歸命，拔贖四生天尊。
志心歸命，上清至道天尊。
志心歸命，太極高真天尊。
志心歸命，慈悲五苦天尊。
志心歸命，出離三塗天尊。
志心歸命，應願感化天尊。
志心歸命，隨念解冤天尊。
志心歸命，增益玄功天尊。
志心歸命，資持法力天尊。
志心歸命，消滅火獄天尊。
志心歸命，泮釋冰河天尊。
志心歸命，太清至道天尊。
志心歸命，窮碧高皇天尊。
志心歸命，無邊福海天尊。
志心歸命，廣布慈光天尊。
志心歸命，永離障難天尊。
志心歸命，常斷業緣天尊。

志心歸命，懺除罪孽天尊。
志心歸命，解脫沈冤天尊。
志心歸命，普滋妙果天尊。
志心歸命，廣福良因天尊。
志心歸命，蕩非滌惡紫闕真人。
志心歸命，滅罪解尤碧霄真人。
志心歸命，扶衰捍厄絳苑真人。
志心歸命，禳災殄禍將臺真人。
敬禮已周，躬身禳謝。

竊以將盟回向，唯仗恭虔。欲除三毒之業根，當謹一心之善念。遂則依憑科教，披露襟懷。是知過咎可禳，迺遭能殄。冀容懺謝，都抹罪惡之書；俯納啓祈，岱嶽削過尤之籍。所犯平生之註誤，凡關旦夕之烹傷，皆起萬緣，盡歸一懺。靜扣西盈之韻，遙瞻南極之宮。伏願垂赦宥而軫天慈，敕真靈而回睿。賜校罪玄司之日，罪逐冰消；行災紫府之時，災隨霧掃。仰賴隆崇之德，獲諧墾禱之誠。儻描挂礙身心，咸得歸依洗滌。稽首虛皇無上正真三寶。

太上玄司滅罪紫府消災法懺

028 太上瑤臺益算寶籍

延年懺

經名：太上瑤臺益算寶籍延年懺。一卷。底本出處：《正統道藏》洞神部威儀類。

恭以玉京御號，金闕靈文。奉之，則可以永保遐齡；禮之，則可以常資上壽。於是爐凝翠靄，燭映紅蕖，課靈寶之妙音，瞻虛無之至聖。遂乃三元集福，八節祈恩。月殿登時，天寶之瓊鍾靜扣；星壇朝處，瑤池之玉磬輕敲。將揭法音，哦飄仙梵。

禮一百五十，天尊睿號；
應百千萬重，雲漢宸聰。

睿力潛臻，九轉之金丹益算；玄慈廣運，三清之玉籍上生。伏惟紫府高皇、清都至聖，續以椿松之盛，比其蘭桂之芳。握赤斧於掌中，覆白光於

頂上。真仙集慶，延年之祕錄護身；龍虎垂休，保命之靈符捍厄。壽增五嶽，福起十方。謹當虔誠，歸依朝禮。

志心歸命

每位先稱志心歸命，次念天尊聖號。

- 志心歸命，玄穹上帝天尊。
- 志心歸命，太極高皇天尊。
- 志心歸命，金輝紫殿天尊。
- 志心歸命，瓊寶丹臺天尊。
- 志心歸命，廣明德道天尊。
- 志心歸命，溥度人寰天尊。
- 志心歸命，福星垂祐天尊。
- 志心歸命，惠日回光天尊。
- 志心歸命，九宮益算天尊。
- 志心歸命，八卦延年天尊。
- 志心歸命，清微大帝天尊。
- 志心歸命，紫極元皇天尊。
- 志心歸命，浮羅翠袖天尊。
- 志心歸命，鬱察寶山天尊。
- 志心歸命，壽崇五嶽天尊。
- 志心歸命，福廣四溟天尊。
- 志心歸命，常臻鳳曆天尊。
- 志心歸命，克保龜齡天尊。

- 志心歸命，九天集福天尊。
- 志心歸命，十極垂休天尊。
- 志心歸命，虛無鳳闕天尊。
- 志心歸命，浩渺龜臺天尊。
- 志心歸命，能增百福天尊。
- 志心歸命，克納千祥天尊。
- 志心歸命，亭山受命天尊。
- 志心歸命，嵩嶽昇真天尊。
- 志心歸命，玉光照室天尊。
- 志心歸命，寶炬浮空天尊。
- 志心歸命，九靈消禍天尊。
- 志心歸命，二炁延生天尊。
- 志心歸命，九清聖德天尊。
- 志心歸命，八景虛真天尊。
- 志心歸命，壽星朗耀天尊。
- 志心歸命，福海澄清天尊。
- 志心歸命，飛昇十洞天尊。
- 志心歸命，應現三皇天尊。
- 志心歸命，常滋萬善天尊。
- 志心歸命，永協千靈天尊。
- 志心歸命，拜山得道天尊。
- 志心歸命，禮樹登仙天尊。
- 志心歸命，金天垂像天尊。

志心歸命，玉坐端明天尊。
志心歸命，咸承睿化天尊。
志心歸命，普洽真風天尊。
志心歸命，玄素妙道天尊。
志心歸命，青玉靈文天尊。
志心歸命，丹臺益算天尊。
志心歸命，寶籍上生天尊。
志心歸命，九天常樂天尊。
志心歸命，萬炁長存天尊。
志心歸命，七明鸞蓋天尊。
志心歸命，九色龍輿天尊。
志心歸命，飛騰八極天尊。
志心歸命，鑒映十方天尊。
志心歸命，感夢瑞相天尊。
志心歸命，顯現靈蹤天尊。
志心歸命，長增壽域天尊。
志心歸命，廣注福源天尊。
志心歸命，祛灾捍厄天尊。
志心歸命，保命延年天尊。
志心歸命，玉虛洞關天尊。
志心歸命，金華上宮天尊。
志心歸命，萬天師道天尊。
志心歸命，三界叅玄天尊。

志心歸命，西城感聖天尊。
志心歸命，南極通靈天尊。
志心歸命，功成虎壽天尊。
志心歸命，道契龍威天尊。
志心歸命，常臻萬福天尊。
志心歸命，克固千齡天尊。
志心歸命，玄龍法駕天尊。
志心歸命，素虎雲駢天尊。
志心歸命，光明月相天尊。
志心歸命，奇彩天儀天尊。
志心歸命，翱翔八景天尊。
志心歸命，絳綬九華天尊。
志心歸命，莊嚴殊勝天尊。
志心歸命，微妙洪因天尊。
志心歸命，嵩山成道天尊。
志心歸命，華嶽延齡天尊。
志心歸命，千春紫殿天尊。
志心歸命，七寶華林天尊。
志心歸命，金堂永壽天尊。
志心歸命，玉洞長春天尊。
志心歸命，萬靈集瑞天尊。
志心歸命，百福呈祥天尊。
志心歸命，昇平國土天尊。

志心歸命，化洽人天天尊。
志心歸命，應願至力天尊。
志心歸命，隨念遂心天尊。
志心歸命，百寶瓊殿天尊。
志心歸命，七映玉臺天尊。
志心歸命，九光鶴蓋天尊。
志心歸命，八景鸞輿天尊。
志心歸命，玄風廣洽天尊。
志心歸命，聖德高明天尊。
志心歸命，景榆恒盛天尊。
志心歸命，應念克就天尊。
志心歸命，保鎮長存天尊。
志心歸命，月桂常春天尊。
志心歸命，至極妙道天尊。
志心歸命，無上太虛天尊。
志心歸命，紫金仙界天尊。
志心歸命，黃玉玄堂天尊。
志心歸命，龍成自在天尊。
志心歸命，鑾閣長生天尊。
志心歸命，白光瑞彩天尊。
志心歸命，赤斧真文天尊。
志心歸命，廣臻福祉天尊。
志心歸命，恒集禎祺天尊。

志心歸命，翔鸞雲閣天尊。

志心歸命，迴龍寶闕天尊。

志心歸命，玉堂長慶天尊。

志心歸命，金殿常明天尊。

志心歸命，圓通莫測天尊。

志心歸命，慧愛無邊天尊。

志心歸命，遨遊玉洞天尊。

志心歸命，繽紛雨化天尊。

志心歸命，咸承睿祉天尊。

志心歸命，永益道緣天尊。

志心歸命，玉清上聖天尊。

志心歸命，金闕至真天尊。

志心歸命，九天集慶天尊。

志心歸命，十洞上生天尊。

志心歸命，蓬萊輕舉天尊。

志心歸命，崑閩冲昇天尊。

志心歸命，泓澄福海天尊。

志心歸命，嵯峨壽山天尊。

志心歸命，隨處安樂天尊。

志心歸命，所在太平天尊。

志心歸命，上清至道天尊。

志心歸命，虛闕高真天尊。

志心歸命，碧霞金殿天尊。

志心歸命，紫炁玉樓天尊。

志心歸命，廣施睿化天尊。

志心歸命，普洽天慈天尊。

志心歸命，咸臻百福天尊。

志心歸命，常續長年天尊。

志心歸命，功成淵備天尊。

志心歸命，道契玄虛天尊。

志心歸命，太清洞闕天尊。

志心歸命，上境雲宮天尊。

志心歸命，九虛玉觀天尊。

志心歸命，四明金闕天尊。

志心歸命，常臻廣福天尊。

志心歸命，永保長生天尊。

志心歸命，壽星永曜天尊。

志心歸命，福海無窮天尊。

志心歸命，赤城壽命天尊。

志心歸命，華嶽成仙天尊。

志心歸命，長生益算紫極真人。

志心歸命，廣福延年碧落真人。

志心歸命，玉符保命絳闕真人。

志心歸命，金籙護命丹青真人。

禮畢資脩，敬神祈謝。

竊以廣深崇奉，特罄精嚴，將求延

續之殊因，俯仗玄元之道化。遂則仰瞻聖像，躬對靈慈。是知壽算能資，神仙可學。切希睿澤，神明誕降於禎祥；仰托洪鈞，造化潛垂於衛祐。香爇氛氲之翠靄，燈然燦爛之紅蕖。用啓修崇，獲伸朝禮。一擊蓬壺之磬，遍聞秀洞之臺。伏願乘虹節而降道場，從霓旌而臨寶界。顯是人間甲子，鳳曆長新；密期壺裏光陰，龜齡永固。授以九宮之要，傳其六甲之文。盡令四海八方，咸得長生久視。稽首虛皇無上正真三寶。

太上瑤臺益算寶籍延年懺

（陳耀庭點校）

029 青玄救苦寶懺

經名：青玄救苦寶懺。一卷。
底本出處：《正統道藏》洞玄部
威儀類。

起敬讚 三皈依 敷坐讚

具法位 臣某恭謹焚香，虔誠奏啓：

至真無上道寶太上三尊，至真無上經寶三十六部尊經，至真無上師寶玄中大法師，黃籙大道師尋聲赴感太一救苦天尊，大慈大悲救苦真人，大慈大悲大惠真人，東極宮中、長樂境內、左右侍衛無鞅真仙聖衆。悉仗真香，普同供養。入意

伏以青華長樂界，本無聲無色之天；東極妙嚴宮，有大慈大悲之父。徧十方而救苦，歷浩劫以度人。廣開懺悔之門，大啓昇遷之路。幽明仰賴，凡聖皈依。苟運念以懇祈，悉隨聲而

赴感。今齋主追薦亡歿，崇建齋修。禮九九之拜以望塵，陳一一之誠而首過。伏願至仁從欲，上德好生。削右府之黑書，永銷孽咎；授東華之青簡，亟遂超凌。稽首皈依，無極大道。

舉按人各恭敬

至心皈命禮。玉清聖境，清微天宮。鬱羅蕭臺之中，森羅淨靈之上。現有爲之梵相，具無極之神通。敷演真玄，破無有色空之礙；拯提趣類，絕智愚高下之分。妙用難窺，靈機罔測。大悲大願，大聖大慈，無量度人元始天尊。

至心皈命禮。上清真境，禹餘天宮。紫微瓊臺之中，玄都玉京之上。接元始虛皇之統系，超西那玉國之根苗。入黍米珠，盡挹真玄之精粹；在香林苑，屢談祕要之筌蹄。妙德難思，神通莫測。大悲大願，大聖大慈，無量度人靈寶天尊。

至心皈命禮。太清仙境，太赤天宮。巍巍金闕之高，渺渺重霄之上。降生於無量數劫，說法於萬二千天。

五千祕言，融三才之妙道；八十餘度，接六趣之衆生。聖德崇高，玄功廣博。大悲大願，大聖大慈，無量度人道德天尊。

至心皈命禮。青華聖境，東極上宮。十方化號度衆生，百億瑞光瞻妙相。即隨機而赴感，由誓願之弘深。九色蓮花，作慈航之彼岸；一枝楊柳，開甘露之法門。無量度人，大慈仁者。大悲大願，大聖大慈，太一尋聲救苦天尊。

臣衆等至心皈身、皈神、皈命慈尊，投誠上聖。重念亡過某靈魂，爰從生育，乃至淪亡，不孝積愆，未伸懺悔。或逆父母而欺天理，罪莫大焉；或犯姑嫜而廢彝倫，是謂過矣。失尊卑，背忘親義；得富貴，違負師恩。禮貌敬讓之有虧，衣食奉養之不給。如斯罪咎，無量無邊。今對道前，虔心首謝。恭願頒行符命，拯濟亡魂。地獄無苦聲，息風雷之震怒；天堂享大福，昇霄漢之高虛。法衆皈依，至心朝禮。

至心朝禮，妙道真身太一救苦天

尊。

至心朝禮，紫金瑞相太一救苦天

尊。

至心朝禮，隨機赴感太一救苦天

尊。

至心朝禮，誓願無邊太一救苦天

尊。

至心朝禮，大聖大慈太一救苦天

尊。

至心朝禮，大悲大願太一救苦天

尊。

至心朝禮，十方化號太一救苦天

尊。

至心朝禮，普度衆生太一救苦天

尊。

至心朝禮，尋聲赴感太一救苦天

尊。

臣衆等至心皈身、皈神、皈命慈尊，

投誠上聖。重念亡過某靈魂，爰從生

育，乃至淪亡，不忠積愆，未伸懺悔。

或荷厚祿而不思補報，持節尤難；或

居賤役而罔效勤勞，偷安是務。臨患

難，不能一死；觀勝負，常懷二心。緘

口結舌而避嫌疑，欺衷矯情以邀聲譽。

如斯罪咎，無量無邊。今對道前，虔心

首謝。恭願頒行符命，拯濟亡魂。地

獄無苦聲，免銅柱炙身之焦爛；天堂

享大福，登瑤臺縱步以逍遙。法衆皈

依，至心朝禮。

至心朝禮，妙道真身太一救苦天

尊。

至心朝禮，紫金瑞相太一救苦天

尊。

至心朝禮，隨機赴感太一救苦天

尊。

至心朝禮，誓願無邊太一救苦天

尊。

至心朝禮，大聖大慈太一救苦天

尊。

至心朝禮，大悲大願太一救苦天

尊。

至心朝禮，十方化號太一救苦天

尊。

至心朝禮，普度衆生太一救苦天

尊。

至心朝禮，尋聲赴感太一救苦天

尊。

臣衆等至心皈身、皈神、皈命慈尊，

投誠上聖。重念亡過某靈魂，爰從生

育，乃至淪亡，殺害積愆，未伸懺悔。

或見死而不興慈救，如已殺之。或用

心而故欲殺之，非天數也。舍怨尤，適

從其便；受賄賂，枉入其愆。擠之溺

逼之縊，忍爲不仁；食其肉寢其皮，恬

不知慘。如斯罪咎，無量無邊。今對

道前，虔心首謝。恭願頒行符命，拯濟

亡魂。地獄無苦聲，脫火翳焦勞之

難；天堂享大福，樂煙霞清淨之居。

法衆皈依，至心朝禮。

至心朝禮，妙道真身太一救苦天

尊。

至心朝禮，紫金瑞相太一救苦天

尊。

至心朝禮，隨機赴感太一救苦天

尊。

至心朝禮，誓願無邊太一救苦天

尊。

至心朝禮，大聖大慈太一救苦天

尊。

尊。至心朝禮，大悲大願太一救苦天尊。

尊。至心朝禮，十方化號太一救苦天尊。

尊。至心朝禮，普度衆生太一救苦天尊。

尊。至心朝禮，尋聲赴感太一救苦天尊。

尊。至心朝禮，大聖大慈太一救苦天尊。

尊。至心朝禮，誓願無邊太一救苦天尊。

尊。至心朝禮，隨機赴感太一救苦天尊。

尊。至心朝禮，紫檀瑞相太一救苦天尊。

尊。至心朝禮，妙道真身太一救苦天尊。

尊。至心朝禮，紫金瑞相太一救苦天尊。

尊。至心朝禮，大慈大願太一救苦天尊。

尊。至心朝禮，普度衆生太一救苦天尊。

尊。至心朝禮，尋聲赴感太一救苦天尊。

尊。至心朝禮，隨機赴感太一救苦天尊。

尊。至心朝禮，誓願無邊太一救苦天尊。

尊。至心朝禮，大聖大慈太一救苦天尊。

尊。至心朝禮，尋聲赴感太一救苦天尊。

尊。至心朝禮，大慈大願太一救苦天尊。

尊。至心朝禮，普度衆生太一救苦天尊。

尊。至心朝禮，隨機赴感太一救苦天尊。

尊。至心朝禮，紫檀瑞相太一救苦天尊。

尊。至心朝禮，妙道真身太一救苦天尊。

尊。至心朝禮，紫金瑞相太一救苦天尊。

尊。至心朝禮，大慈大願太一救苦天尊。

尊。至心朝禮，普度衆生太一救苦天尊。

尊。至心朝禮，尋聲赴感太一救苦天尊。

行符命，拯濟亡魂。地獄無苦聲，免鐵杖金槌之拷；天堂享大福，遂蓬壺閬苑之遊。稽首皈依，至心朝禮。

尊。至心朝禮，妙道真身太一救苦天尊。

尊。至心朝禮，紫檀瑞相太一救苦天尊。

尊。至心朝禮，尋聲赴感太一救苦天尊。

尊。至心朝禮，大慈大願太一救苦天尊。

尊。至心朝禮，普度衆生太一救苦天尊。

尊。至心朝禮，隨機赴感太一救苦天尊。

尊。至心朝禮，紫檀瑞相太一救苦天尊。

尊。至心朝禮，妙道真身太一救苦天尊。

尊。至心朝禮，紫金瑞相太一救苦天尊。

尊。至心朝禮，大慈大願太一救苦天尊。

尊。至心朝禮，普度衆生太一救苦天尊。

育，乃至淪亡。嗔怒積愆，未伸懺悔。或無故而逞威怒，使人不安；或尋由而肆嗔兇，致天有罰。抗言則犯顏於上，惡聲或積怨於人。呼呵罵詈之無慈，捶楚凌遲之過虐。如斯罪咎，無量無邊。今對道前，虔心懺悔。恭願頒行符命，拯濟亡魂。地獄無苦聲，俾火車之停轉；天堂享大福，乘雲路而遨遊。稽首皈依，至心朝禮。

尊。至心朝禮，妙道真身太一救苦天尊。

尊。至心朝禮，紫金瑞相太一救苦天尊。

尊。至心朝禮，隨機赴感太一救苦天尊。

尊。至心朝禮，誓願無邊太一救苦天尊。

尊。至心朝禮，大聖大慈太一救苦天尊。

尊。至心朝禮，大悲大願太一救苦天尊。

尊。至心朝禮，十方化號太一救苦天尊。

尊。至心朝禮，普度衆生太一救苦天尊。

尊。至心朝禮，尋聲赴感太一救苦天尊。

臣衆等至心皈身、皈神、皈命慈尊，投誠上聖。重念亡過某靈魂，爰從生育，乃至淪亡，詐諂積愆，未伸懺悔。或巧言諂諛於君父，害理非宜；或陰謀賊害於善良，欺心尤甚。與朋友交而無信，指神明誓而多虛。飾詞矯行以難憑，面是背非真可惡。如斯罪咎，無量無邊。今對道前，虔心懺悔。恭願頒行符命，拯濟亡魂。地獄無苦聲，釋寒冰之楚痛；天堂享大福，瞻惠日之光明。稽處皈依，至心朝禮。

尊。至心朝禮，妙道真身太一救苦天尊。

尊。至心朝禮，紫金瑞相太一救苦天尊。

尊。至心朝禮，隨機赴感太一救苦天尊。

尊。至心朝禮，誓願無邊太一救苦天尊。

尊。至心朝禮，大聖大慈太一救苦天尊。

尊。至心朝禮，大悲大願太一救苦天尊。

尊。至心朝禮，十方化號太一救苦天尊。

尊。至心朝禮，大聖大慈太一救苦天尊。

尊。至心朝禮，大悲大願太一救苦天尊。

臣衆等至心皈身、皈神、皈命慈尊，投誠上聖。重念亡過某靈魂，爰從生育，乃至淪亡，驕傲積愆，未伸懺悔。或坐車馬而驕行輩，猶抱不平；或視土木以忽至真，誠為獲罪。藐公卿，同於民庶；見骨肉，如遇路人。尊賢長者，一揖為多；俗子庸流，中心是好。如斯罪咎，無量無邊。今對道前，虔心懺悔。恭願頒行符命，拯濟亡魂。地獄無苦聲，解鑊湯之沸熱；天堂享大福，飲甘露之清涼。稽首皈依，至心朝禮。

尊。至心朝禮，普度衆生太一救苦天尊。

尊。至心朝禮，尋聲赴感太一救苦天尊。

尊。至心朝禮，妙道真身太一救苦天尊。

尊。至心朝禮，紫金瑞相太一救苦天尊。

尊。至心朝禮，隨機赴感太一救苦天尊。

尊。至心朝禮，誓願無邊太一救苦天尊。

尊。至心朝禮，十方化號太一救苦天尊。

尊。

至心朝禮，紫金瑞相太一救苦天

尊。

至心朝禮，隨機赴感太一救苦天

尊。

至心朝禮，誓願無邊太一救苦天

尊。

至心朝禮，大聖大慈太一救苦天

尊。

至心朝禮，大悲大願太一救苦天

尊。

至心朝禮，十方化號太一救苦天

尊。

至心朝禮，普度衆生太一救苦天

尊。

至心朝禮，尋聲赴感太一救苦天

尊。

至心朝禮，尋聲赴感太一救苦天

臣衆等至心皈身、皈神、皈命慈尊，投誠上聖。重念亡過某靈魂，爰從生育，乃至淪亡，二心積愆，未伸懺悔。或奉法而不專不一，自觸憲章；或求真而將信將疑，反招殃咎。失誓違盟，而尤人怨鬼；破齋犯戒，而罔聖欺天。

待人口是而心非，作事始勤而終怠。

如斯罪咎，無量無邊。今對道前，虔心懺悔。恭願頒行符命，拯濟亡魂。地獄無苦聲，辭劍樹刀山之所；天堂享大福，侍騫林蓮座之傍。稽首皈依，至心朝禮。

至心朝禮，妙道真身太一救苦天

至心朝禮，紫金瑞相太一救苦天

至心朝禮，隨機赴感太一救苦天

至心朝禮，誓願無邊太一救苦天

至心朝禮，大聖大慈太一救苦天

至心朝禮，大悲大願太一救苦天

至心朝禮，十方化號太一救苦天

至心朝禮，普度衆生太一救苦天

至心朝禮，尋聲赴感太一救苦天

至心朝禮，尋聲赴感太一救苦天

至心朝禮，尋聲赴感太一救苦天

至心朝禮，尋聲赴感太一救苦天

至心朝禮，尋聲赴感太一救苦天

至心朝禮，尋聲赴感太一救苦天

至心朝禮，尋聲赴感太一救苦天

至心朝禮，尋聲赴感太一救苦天

至心朝禮，尋聲赴感太一救苦天

至心朝禮，尋聲赴感太一救苦天

至心朝禮，尋聲赴感太一救苦天

至心朝禮，尋聲赴感太一救苦天

至心朝禮，尋聲赴感太一救苦天

尊。

三啓 三禮

伏以有痛呼天，蓋人心之至理；好生救物，本我道之自然。惟在精虔，必蒙降格。今則琅函藥笈，悉已徹於披宣；素悃丹忱，幸克諧於通感。慶死生之蒙惠，諒幽顯以霑恩。伏願善見救苦，時徧沙塵而應化；常以威神力空地獄以昇遷。稽首皈依，稱揚功德。

諷經 回向

青玄救苦寶懺

(陳耀庭點校)

030 慈尊昇度寶懺

經名：慈尊昇度寶懺。一卷。
底本出處：《正統道藏》洞玄部
威儀類。

法事如式

具位臣某焚香奏啓：至真無上道寶太上三尊，至真無上經寶三十六部尊經，至真無上師寶玄中大法師，東極宮中大慈仁者、太一救苦天尊、青玄上帝，九幽拔罪天尊，十方救苦天尊，大慈大悲救苦真人，大慈大悲大惠真人，救苦會中無鞅真宰、傳奏香官、功曹使者，此間土地里域正神。悉仗真香，普同供養。臣今奏爲：

臣聞：三清上聖，布三洞以垂慈；十極天尊，徧十方而救苦。恩覃宇宙，惠及幽冥。六趣衆生，披雲霧而行瞻日月；九幽諸地，化沙塵而載度天人。

而況黃籙垂科，紫清設教，普資普度，無量無邊。今者奉爲亡過某靈魂，依九品之真科，禱十天之列聖。祇嚴淨宇，虔露哀忱。懺塵劫之愆尤，解多生之罪障。今則蘭場式備，寶炷凝煙。恭對至尊，宣揚懺法，稽首皈依，無極大道。

啓敬贊 三皈依

三寶既皈，十方洞鑒。以今奉爲亡過某靈魂，仰奉真科，輒憑道侶，用資冥福，超度往生，嚴潔香花，虔誠供養。

道場衆等

切以香者，騫林奇木，聚窟靈根，發揚道德之輝華，固結乾坤之瑞氣。寶奩纔出，金鼎初焚。願慈一瓣之香，徧御十華之境。法衆虔誠，皈依供養。

浮香遠覽天尊

沈壇百和藹祥雲，一瓣心香表至誠。救苦天尊垂降格，亡靈得度禮三清。

切以花者，閨苑傳根，靈臺結蕊。發五枝之仙桂，開十丈之芳蓮。繽紛落座隅，綽約縈空際。嚴持萬卉，散漫

十方。法衆皈依，虔誠供養。

寶花嚴淨天尊

天香國色自長春，燦爛盈盤表至誠。三境天尊垂證鑒，亡靈得度禮慈尊。

切以水者，淵源甚博，利濟無窮。

挹從東井之中，酌向十方之境。備雖簡易，貴在虔恭。法衆皈依，虔誠供養。

甘露流通天尊

沈沈玉海注靈波，淼淼泓澄潤澤多。十極天尊垂證鑒，恩霑亡者順離羅。

伏聞救苦天尊，徧滿十方界，常以威神力，救拔諸衆生，得離於迷途。衆生不知覺，如盲見日月。我本太無中，拔領無邊際。慶雲開生門，祥煙塞死戶。初發玄元始，以通祥感機。救一切罪，度一切厄，渺渺超仙源，蕩蕩自然清。如斯道力，無量無邊。今者仰對寶光，禮瞻玉相。奉爲亡過某靈魂，懺生前之罪咎，除歿後之愆尤。法衆虔誠，至心朝禮。

至心朝禮，大羅元始天尊。
至心朝禮，玉宸靈寶天尊。
至心朝禮，混元道德天尊。
至心朝禮，太一救苦天尊。
至心朝禮，九幽拔罪天尊。
至心朝禮，玉寶皇上天尊。
至心朝禮，玄真萬福天尊。
至心朝禮，太妙至極天尊。
至心朝禮，玄上玉宸天尊。
至心朝禮，度仙上聖天尊。
至心朝禮，好生度命天尊。
至心朝禮，太靈虛皇天尊。
至心朝禮，無量太華天尊。
至心朝禮，玉虛明皇天尊。
至心朝禮，真皇洞神天尊。
至心朝禮，大慈大悲救苦真人。
至心朝禮，大慈大悲大惠真人。

禮足 各長跪 皈命懺悔

臣法衆等至心皈身、皈神、皈命三
清上聖，十方救苦天尊。恭望大慈，洞
垂巨澤，俯降洪恩。以今行道，朝元焚
香，謝過懺悔。所薦亡過某靈魂，自從
生誕，乃至淪亡。舉止去來，滯染六根

之塵垢；虛華逸樂，滋生萬種之愆喜。
捨身受身，無邊無量。一切身業重罪，
願賜赦除。伏願三寶垂慈，十方救苦。
頒金書而赦罪，承惠澤以遷神。臣等至
心稽首禮謝，無上虛皇至真三寶。

步虛

臣等又慮亡過某靈魂，身業已斷，
心業未消。更爲重啓十方，告盟衆聖。
懺生前之罪咎，證今日之良因。法衆
皈依，再伸朝禮。

至心朝禮，大羅元始天尊。
至心朝禮，玉宸靈寶天尊。
至心朝禮，混元道德天尊。
至心朝禮，太一救苦天尊。
至心朝禮，九幽拔罪天尊。
至心朝禮，玉寶皇上天尊。
至心朝禮，玄真萬福天尊。
至心朝禮，太妙至極天尊。
至心朝禮，玄上玉宸天尊。
至心朝禮，度仙上聖天尊。
至心朝禮，好生度命天尊。
至心朝禮，太靈虛皇天尊。
至心朝禮，無量太華天尊。

至心朝禮，玉虛明皇天尊。

至心朝禮，真皇洞神天尊。

至心朝禮，大慈大悲救苦真人。

至心朝禮，大慈大悲大惠真人。

禮足 各長跪 皈命懺悔。

臣法衆等至心皈身、皈神、皈命三
清上聖，十方救苦天尊。恭望大慈，洞
垂巨澤，俯降洪恩。以今行道，朝元焚
香，謝過懺悔。所薦亡過某靈魂，自從
生誕，乃至淪亡。嗔喜愛憎，種種悉從
於心起；貪欲虛妄，念念皆屬於意萌。
故犯悞爲，無邊無量。一切心業諸罪，
願賜赦除。伏願慈恩廣布於十方，罪
根消滅；淨魂早離於九地，福境逍遙。
臣等至心稽首禮謝，無上正真三寶。

步虛

臣等又慮亡過某，心業既得以消
除，頓回正念；口業不經於懺悔，難斷
惡根。更爲重啓十方，併除三業，俾所
薦亡過某靈魂，悟身心口業之幻妄，罪
垢冰消；禮道經師寶之真乘，善芽增
長。法衆皈依，三伸朝禮。
至心朝禮，大羅元始天尊。

至心朝禮，玉宸靈寶天尊。

至心朝禮，混元道德天尊。

至心朝禮，太一救苦天尊。

至心朝禮，九幽拔罪天尊。

至心朝禮，玉寶皇上天尊。

至心朝禮，玄真萬福天尊。

至心朝禮，太妙至極天尊。

至心朝禮，玄上玉宸天尊。

至心朝禮，度仙上聖天尊。

至心朝禮，好生度命天尊。

至心朝禮，太靈虛皇天尊。

至心朝禮，無量太華天尊。

至心朝禮，玉虛明皇天尊。

至心朝禮，真皇洞神天尊。

至心朝禮，大慈大悲救苦真人。

至心朝禮，大慈大悲大惠真人。

禮足 各長跪 皈命懺悔

臣法衆等至心皈身、皈神、皈命三清上聖，十方救苦天尊。恭望大慈，洞垂巨澤，俯降洪恩。以今行道，朝元焚香，謝過懺悔。所薦亡過某靈魂，自從生誕，乃至淪亡。口是心非，恣啖傷於物命；華言綺語，騁巧佞於舌根。自

作教他，無邊無量。一切口業大罪，願賜赦除。伏願三業蠲消，六根清淨。悉仗十天之聖力，永離九夜之昏途。臣等至心稽首禮謝，無上真正三寶。

步虛 三啓 三禮

仰惟十方救苦天尊，化形十方界，普濟度天人。委氣聚功德，同聲救罪魂。過此境界，東極天中，長樂舍內，大慈仁者，救苦天尊，發弘誓願，普救衆生。億億劫中，度人無量。若能稱揚寶號，注想慈容。皈心不暫停，念誦無休息。即得離諸苦趣，證此勝緣。享大福於天堂，無苦聲於地獄。火翳成清署，劍樹化騫林。上登朱陵府，徑朝元始尊。更憑道侶，同爲稱揚。

舉青華寶號

已聞寶號，注想尊容。功德巍巍，除殃滅罪。更憑道力經力，資冥福以超昇；惟仗妙音法音，覺魂儀而解悟。真經有妙，祕典重宣。法衆皈依，至心持誦。

救苦妙經

今者，瓊札琅書，聲聞十極；玉音

寶號；響徹諸天。當願侍香金童，結香篆於天中；典經玉郎，進經文於簡上。即使罪消億劫，福降今辰。存亡承開泰之恩，動植感生成之德。如斯勝力，徧悉裝嚴。三途罷楚毒之勞，九夜絕辛酸之苦。泊乎，悠悠庶品，蠢蠢含生，俱登六度之舟，並上三清之界。臣等至心稽首禮謝，無上虛皇真正三寶。

向來 回向

慈尊昇度寶懺

(陳耀庭點校)

031 太上消滅地獄昇陟天堂懺

經名：太上消滅地獄昇陟天堂懺。一卷。底本出處：《正統道藏》洞玄部威儀類。

各整威儀 咸生虔敬

志心朝禮，運念誦持，祕密琅函，玄微瓊藏。當願天恩普度，地獄咸開，慧日照臨，慈光攝受。

志心朝禮，運念誦持，三寶靈文，九清聖範。當願大施利濟，遍及陰冥，度品南宮，化生北府。

志心朝禮，運念誦持，十洞真詮，萬天仙梵。當願靈慈拯拔，玄化敷弘，應處幽塗，悉沾殊勝。以今將修玉籍，特葺金科，至聖啓途，衆真浮駕。遂使九幽交會，五苦咸聽，迴向奉行，讚詠如法。

爾時，元始天尊，在九清妙境三元寶宮，御劫刃臺中，集騫木林下，與太上道君、太上老君、諸天衆聖、三界尊神、九府三官、四司五帝、察命童子、妙行真人，一時同至，皆駕八景琅輿、五色瓊輦、麟馭羽騎，鳳葆龍旗，吟誦洞章，朝贊玉座。於是元始天尊軫大慈悲，放諸光明，輝映九幽地獄，開通一切冥司羅網。衆曰：今日何緣，億劫所感。恒居黑暗，克賴照臨。元始天尊救命北都大帝、五帝考官、六宮掾吏、牛頭鬼卒、虎眼神王、三界大魔、九幽羣魂，有諸六宮，校集九府死生、一十二之河源、二十四之狴犴、南水會宮之府、北海長夜之庭，遂得大軫天慈，廣開聖道，顯說九真之妙戒，當資五業之幽塗。志誠纔起於焚修，玄感必彰於顯應。仰賴玄元之化，咸歸拯拔之門。稽首歸依，虔誠懺悔。

東方有諸罪人，處風雷之獄、霹靂之牢。劍樹刀山，飛戈飄戟，穿穴五藏，分解四肢。常處狴犴，不捨晝夜。謹當資薦，願遂往生。

志心歸命，清都闡教天尊。
志心歸命，紫府垂慈天尊。
志心歸命，乾坤開度天尊。
志心歸命，日月照臨天尊。
志心歸命，穹崇聖槩天尊。
志心歸命，廣大玄功天尊。
志心歸命，轉輪自在天尊。
志心歸命，受鍊更生天尊。
志心歸命，超凌上境天尊。
志心歸命，逍遙太虛天尊。
稽首歸依，虔誠懺悔。

南方有諸罪人，處烽輪之獄、欠山之牢。烈焱燎頭，猛燄燒面，骸骨灰粉，皮膚焦熬。常處狴犴，不捨晝夜。謹當資薦，願遂往生。

志心歸命，玄穹垂化天尊。
志心歸命，至聖覃恩天尊。
志心歸命，慈悲五苦天尊。
志心歸命，愍念三塗天尊。
志心歸命，沈冤罷對天尊。
志心歸命，滯魂超生天尊。
志心歸命，消滅惡趣天尊。
志心歸命，資益善緣天尊。

志心歸命，沖昇寶洞天尊。

志心歸命，飛陟朱陵天尊。

稽首歸依，虔誠懺悔。

西方有諸罪人，處金剛之獄、鐵圍之牢。金鎚塞心，鐵棒穿腹，骨肉爛壞，肢節分離。常處狴犴，不捨晝夜。謹當資薦，願遂往生。

志心歸命，咸承慧日天尊。

志心歸命，普度真風天尊。

志心歸命，玄慈拯濟天尊。

志心歸命，聖力開通天尊。

志心歸命，蠲除罪孽天尊。

志心歸命，懺拔湮沉天尊。

志心歸命，五道變跡天尊。

志心歸命，十轉迴靈天尊。

志心歸命，隨處應化天尊。

志心歸命，所在生仙天尊。

稽首歸依，虔誠懺悔。

北方有諸罪人，處溟泠之獄，沈沒之牢。寒丘冰池，雪戟霜刃，臭屍破壞，毒汁澆淋。常處狴犴，不捨晝夜。謹當資薦，願遂往生。

志心歸命，不盡道力天尊。

志心歸命，無極玄通天尊。

志心歸命，落除罪業天尊。

志心歸命，拔贖沈淪天尊。

志心歸命，刀山斷刃天尊。

志心歸命，劍樹摧鋒天尊。

志心歸命，飛度五戶天尊。

志心歸命，超轉八門天尊。

志心歸命，化生紫極天尊。

志心歸命，沖寂碧穹天尊。

稽首歸依，虔誠懺悔。

東北方有諸罪人，處鑊湯之獄，鑪炭之牢。煮潰四肢，烹離六府，筋骨臭穢，膿血消洋。常處狴犴，不捨晝夜。謹當資薦，願遂往生。

志心歸命，斷除障礙天尊。

志心歸命，消滅冤仇天尊。

志心歸命，煙牢息焰天尊。

志心歸命，火獄沈光天尊。

志心歸命，迴骸得度天尊。

志心歸命，鍊質受生天尊。

志心歸命，咸登福海天尊。

志心歸命，廣布法橋天尊。

志心歸命，神昇閻苑天尊。

志心歸命，魂陟梵天天尊。

稽首歸依，虔誠懺悔。

東南方有諸罪人，處銅柱之獄、鐵牀之牢。手抱足登，腹焦背爛，膿血潰滴，煙火燒焚。常處狴犴，不捨晝夜。謹當資薦，願遂往生。

志心歸命，上垂睿化天尊。

志心歸命，普度洪慈天尊。

志心歸命，太玄起死天尊。

志心歸命，寶籍生神天尊。

志心歸命，能蠲業道天尊。

志心歸命，得脫苦輪天尊。

志心歸命，飛昇慾海天尊。

志心歸命，離超愛河天尊。

志心歸命，逍遙真境天尊。

志心歸命，騰翥仙闕天尊。

稽首歸依，虔誠懺悔。

西南方有諸罪人，處屠割之獄、倒懸之牢。五藏皮膚，四肢筋脉，隨手刀刺，滿地血流。常處狴犴，不捨晝夜。謹當資薦，願遂往生。

志心歸命，天垂開度天尊。

志心歸命，身得上生天尊。

志心歸命，普施法雨天尊。
志心歸命，密布慈雲天尊。
志心歸命，潛超苦海天尊。
志心歸命，遽脫灰河天尊。
志心歸命，龍城化跡天尊。
志心歸命，鳳闕登仙天尊。
志心歸命，永離煩惱天尊。
志心歸命，感果逍遙天尊。
稽首歸依，虔誠懺悔。

西北方有諸罪人，處火車之獄、煙刃之牢。輪轉東西，支分四大，悉縈灰炭，遍受煎熬。常處狴犴，不捨晝夜。謹當資薦，願遂往生。

志心歸命，圓穹及物天尊。
志心歸命，上天度人天尊。
志心歸命，開度幽暗天尊。
志心歸命，蕩滌瑕疵天尊。
志心歸命，應念得力天尊。
志心歸命，隨念合真天尊。
志心歸命，消除罪跡天尊。
志心歸命，落滅惡根天尊。
志心歸命，悉生樂境天尊。
志心歸命，咸慶仙鄉天尊。

稽首歸依，虔誠懺悔。

中央有諸罪人，處普掠之獄，受拷之牢。劍樹斷筋，刀山流血，足落斧刃，身掛劍楞。常處狴犴，不捨晝夜。謹當資薦，願遂往生。

志心歸命，玄恩普及天尊。
志心歸命，法力無窮天尊。
志心歸命，神功拯物天尊。
志心歸命，仙化成人天尊。
志心歸命，宿命合道天尊。
志心歸命，死魂生身天尊。
志心歸命，盪除愆孽天尊。
志心歸命，懺滌縈纏天尊。
志心歸命，潛消業障天尊。
志心歸命，永離幽冥天尊。
稽首歸依，虔誠懺悔。

二千六百里之酆都，八萬四千重之鬼獄，茫茫苦海，翻雪浪之千尋；渺渺灰河，鼓煙波之萬狀。無樹不攢於霜刃，有山皆列於風刀。永無追薦之緣，堪歎沈淪之道。遂則仰憑寶炷，特演真詮。宣聖號，則溥應十方；揭梵音，則遙騰三界。當願上垂陰德，下及

幽魂。謹當精念道場，懺除地獄刀山劍樹，脫落地獄鑊湯鑪炭。燒煮地獄，鐵牀銅柱。焦然地獄，刀輪火車。霹靂地獄，拔舌耕犁。楚痛地獄，釘身鋸解。斷截地獄，鐵網肢節。分離地獄，火坑炮灸。猛烈地獄，刀兵爪距。搏撮地獄，虎狼鷹犬。殘害地獄，吞噉鐵丸。消爛地獄，暗冥肉山。斬剝地獄，洋銅飲鐵。爛潰地獄，鹹水寒冰。坼裂地獄，大鐵圍山門地獄，小鐵圍山門地獄，鐵馬鐵牛地獄，鐵驢鐵鳥地獄，鐵山鐵屋地獄，鐵車鐵衣地獄，飛刀掣電地獄，解身爪頭地獄，八寒八極地獄，兩舌兩石地獄，然手燒脚地獄，剥皮飲血地獄，糞尿地獄，鱸肉地獄，鏃鏢地獄，崩埋地獄，阿波波地獄，阿婆婆地獄，阿吒吒地獄，阿羅羅地獄。如是焦熬猛焰，凜冽寒冰，不以懺揚，難蠲罪業。遂乃用依科教，俯伏道緣，啓今晨香火之功，爲曩劫河源之苦，拯昏冥於九夜，拔楚痛於八門。念岱嶽之悲哀，闢酆都之壅滯，覬期睿力，獲沐靈慈。以今運心，謹當作禮。

志心歸命，蠲消宿業天尊。

志心歸命，超拔沈魂天尊。

志心歸命，斷滅三惡天尊。

志心歸命，出陟九幽天尊。

志心歸命，蓬萊化跡天尊。

志心歸命，崑閬飛身天尊。

志心歸命，沖昇鼇島天尊。

志心歸命，緣會麟洲天尊。

志心歸命，無所不度天尊。

志心歸命，有念皆通天尊。

志心歸命，大慈大悲救苦真人。

志心歸命，大慈大悲拔難真人。

志心歸命，大慈大悲滅罪真人。

志心歸命，大慈大悲度厄真人。

復懺諸大地獄，諸大鬼牢，七重鐵

城，七重鐵網，有牛頭獄卒，六十二眼

而八頭，一十八角而九尾，手中執其鐵

戟，目中放其鐵丸，罪人從頂而穿，從

足而出，痛連骨髓，苦切心肝，求生不

生，求死不死。石磨而輪迴歷劫，鐵碓

而上下無時，煙火交飛，鳥獸擊搏。悉

是惡道所感，皆由宿業所招。不睹三

光，不識三寶。於是元始天尊告曰：

若能繕寫斯經，葆稱其旨，靜念而建壇

立像，志心而行道散花，當遣金剛神

王、天丁力士、三界五帝、一切衆靈，大

布慈悲，廣臻福祉，迴骸起死，鍊質成

真。慈光俯鑒於有情，玄造遍施於無

礙。瓊鐘扣處，盡開利濟之門；玉磬

鏘時，悉導宣揚之路。賴其九清妙範，

託乎十洞真詮。冰庭而變作瑤地，火

屋而化爲寶地。鋒摧劍樹，刃斷刀山。

當令長夜之沈淪，盡遂今朝之解脫。

收經

聞經得道，隨念往生。無盡玄功，

無邊睿愛。復原解分宿對，緣會當來。

所墮三塗，悉蠲八難。

聞經得道，隨念往生。無量洪因，

無涯聖槩。復願潛停輪轉，永斷牽纏。

惡趣騰輝，死魂受鍊。

聞經得道，隨念往生。無極良因，

無窮妙力。復願四司無滯，九署潛通。

魂度朱陵，神遊紫府。以今懺揚已歲，

禮念將周。各擁慈雲，同超淨域。遂

得霓幢接步，羽駕來儀。飛陟太虛，逍

遙極樂。

歎經

詳夫上品玄科，中天寶藏，列鳳篆

龍章之跡，綴飛雲垂露之文。功乃變

通，力能昇進。是故因經所以明道，因

道所以立經。苟無敷誦之勤，焉解縈

纏之道。受罪之含齒被髮，銜冤之插

羽披毛，莫不水火風刀，輪迴生死，會

翕張於陰府，當拷訊於玄司。是用薦

資，將伸懺拔。伏惟侍香金媛、典經玉

郎，上啓八門，下通五戶，演死魂生身

之仙品，騰神公受命之靈音。能令歸

向者，開泰仙都；諦聽者，超凌惡趣。

息愛河之波浪，設苦海之舟航。廣布

法橋，俱躋道岸。速奉霓旌羽節，常陪

鶴馭鸞輿。徘徊於七寶經臺，娛樂於

三清洞闕。九華韻闕，萬石聲和。既

荷玄慈，咸歸妙道。謹值朝修之際，得

以香火之餘。伏爲上代祖宗，未能遷

適；近亡姻眷，尚在幽冥。乞使抹破

罪書，掃除惡跡，遂果韓司拯度，獲承

艷都開通，齊朝極樂之天，各會往生之

府。竊念臣等所造羸心惡跡，致涉因

依。凡貪爽口肆，情有傷物。命爲生

前之結鬻，當命盡之報身。不修懺贖之門，難解縈仍之路。銜冤負債，悉覲逍遙。羽族毛羣，咸蒙通變。懺滌有感昭之力，身口無挂礙之虞。恭惟金闕慈尊、玉京上聖，廣開愍惻，特納虔祈。俾令返朴之時，無經八障；還淳之日，不歷三塗。九景臺前，乘風御氣；五明宮內，會道合真。白簡上生，三十二天之赤書受命；黃籙削死，百二十曹之黑籍勾名。已往沾恩，見存獲慶。建一百紫虛之聖號，應萬重丹漢之宸聰。鈿軸啓時，更助修持之力；靈文誦處，當伸朝禮之心。寶香不斷於二時，慧炬常然於午夜。無盡妙善，無量勝因。大啓歸依，廣伸懺悔。

太上消滅地獄昇陟天堂懺

（陳耀庭點校）

032 太一救苦天尊說拔 度血湖寶懺

經名：太一救苦天尊說拔度血湖寶懺。一卷。底本出處：《正統道藏》洞玄部威儀類。

爾時，救苦天尊坐九色蓮臺，威光遍滿十方。諸大天尊、救苦真人，一切仙衆說諸血湖產亡血殂、罪業因緣。時有妙行真人出班長跪，告天尊曰：臣今下觀慾界酆都羅山諸獄異名九幽之獄，次有二十四獄、三十六獄、一百八獄、阿鼻地獄、岱岳鋒刃十八地獄、大小鐵圍無間地獄、五湖四海九江泉曲地獄、孟津黃波流砂地獄、應化牢檻八萬四千幽獄。凡遇赦恩，皆準仁慈，普霑大澤，殊不知有血湖一獄。在大鐵圍山之南，別有大獄，其獄名曰無間之獄。獄之有獄，號曰硤石之獄。獄

之東北，地號血湖。長一萬二千里，周回八萬四千里，下有一門，名曰伏波，乃血湖大神主之。其獄有五，一曰血盪之獄，二曰血冷之獄，三曰血汗之獄，四曰血資之獄，五曰血湖之獄。獨此一獄，又列爲五，有硤石無間之號，大小鐵圍之山，皆分拘帶血之魂、腥穢無邊之衆，以至食胎黃球之鬼興訟三官，青姑黑齒之神拘魂九地。天狼天狗競施吞啗之威，六甲六丁莫賜護持之力。動經億劫，無有出期。乃是世間產死之魂、血傷之魂，墜墮斯獄。緣此等罪報，蓋生前多有狼毒、損物傷人、不孝不忠、不仁不義，耽淫五濁，靈識沈迷，淪滯三塗，形神散亂。汝等罪魂，以夙生冤對，受報茲身，厄難血屍，命絕產死。或懷六甲，命屬三元，墮子落胎，因而悶絕。或母存子喪。或母喪子存。或母子俱喪，男女未分而俱死。或胚胎方成而遽死。或染患而將臨產月。或懷娠而失墜高低。或藥餌誤毒而中傷。或癰疽痢疾而身殞。或崩漏至死。或淋瀝而亡。或懷胞胎而

竟不分娩。或生男女而月內傾亡。或因血病至死。或被刀刃所傷，未盡天年，乃爲夭喪。或身歿干戈之下，魂飛矢石之場。或抱惡病而告終。或犯王法而受戮。形軀混濁，神氣昏濛，一切血死之衆遍體腥膻，形骸臭穢。千生萬劫，無有出期。況幽陰至苦，業報最深。硤石之獄不可聞見，鐵圍萬刃，劍刃千重。巨頂顛危，中開一穴。山漫黑霧，陰霾自然。惡毒之汁，交流沈浸罪人，煎煮身心，骨肉潰爛，苦楚難禁。動經億劫，不睹光明，天恩符命，未嘗能到。陰官拷掠，晝夜無停，啖髓食心，翻屍擲體，諸獄之苦，最重血湖。一入此局，何時解脫。

爾時，救苦天尊爲諸衆生宣說太上真符，流光寶符，丹臺玉冊，飛玄靈章，頒行諸獄幽局，徑到硤石血湖。普放光明，照燭幽闇，鐵城摧毀，血湖枯乾。灰河化碧玉之池，硤石變清涼之座。凡民積衅，報對莫逃。以宿世之冤仇，作今生之子女。豈謂熊羆入夢之始，常懷鴟梟食母之思。甫臨十月

之期，竟作九泉之鬼。呱呱孩提之在，悠悠魂魄何歸。或已分娩而兩殂。或未離析而全喪。形骸穢濁，神性昏冥，血湖之中，產死女魂。惟願已生未生，悉遂生成之快樂；前化後化，俱蒙化育之深仁。更有血氣之屬，必各有之民物之胞，悉本同體，傷胎破卵，茹苦銜冤。前世惡因，今生業報。不待日月滿足，已覺娠孕動搖。蓄鬼氣於無形，毒流臟腑；遭黃球之暗食，痛徹肝腸。或飲藥以自戕。或抱疾而隨喪。沈埋待替，痛苦誰憐。惟願血氣和平，早脫幽陰之界；魂神澄正，上升福慶之堂。及有爭地爭城，自昔有殺人之禍；圖王圖霸，不幸逢戰陣之時。方當披甲以從戎，所願執俘而獻凱。勢孤援寡，氣盡力疲。身膏血刃之場，骨埋青荒之野。望鄉間而甚遠，求祭享以何從。雪積冰堅，漠漠湖沙之上；天陰雨濕，啾啾哭夜之聲。雖報國以輸忠，實無罪而就死。或難逃於劫數，亦不免於傷殘。似此沈淪，實堪憐憫。血湖獄中，戰亡陣死男魂等衆。惟願

慶雲開生門，不墜昏迷之境；神功攝遊氣，託生忠義之家。再有奇疾縈纏，豈災迍之適至；宿緣幸報，宜善惡以無差。不因訾毀三寶而來，則是毒害衆生所至。抱風癩，則皮膚潰爛；苦癰疽，則血脉淋漓。吁吁枕上之聲，淹淹泉下之鬼。見之可惡，死亦誰憐。或因吐痢淋漓而殂，各有臭汗腥穢之氣。不因救拔，曷遂超昇。血湖獄中，一切癰疽、瀉痢、死亡、風癩、瘡疥等衆。惟願痼疾復形，早使六根清淨；慧光燭下，同瞻三寶提携。又有王法昭明，儼條章之具在；人心邪僻，陷刑辟而不知。豈不畏，三尺之嚴；終不忍，一朝之忿。狠鬥殺傷之衆，強梁劫掠之徒。魂飛伏鎖之時，身首異處；命斷登場之後，血肉淋漓。身雖棄於屍林，魂實拘於泉曲。業緣未盡，忿氣猶存。血湖獄中，一切冒犯王法死亡等衆，惟願聽生神章，使形神而復體；持元始籙，俾惡業以頓除。是以太乙救苦天尊，放九色祥光，遍照諸獄，赦宥罪魂，普使一切產厄血湖罪魂脫離

苦趣，得睹陽光。是故燒香，歸身歸命，五體投地，志心朝禮，三清聖衆。

按人各恭敬

志心朝禮，玉清元始天尊。
志心朝禮，上清靈寶天尊。
志心朝禮，太清道德天尊。
志心朝禮，昊天玉皇大帝。
志心朝禮，紫微北極大帝。
志心朝禮，紫微天皇大帝。
志心朝禮，后土皇地祇。
志心朝禮，太一救苦天尊。
志心朝禮，玉寶皇上天尊。
志心朝禮，玄真萬福天尊。
志心朝禮，太妙至極天尊。
志心朝禮，玄上玉晨天尊。
志心朝禮，度仙上聖天尊。
志心朝禮，好生度命天尊。
志心朝禮，太靈虛皇天尊。
志心朝禮，無量太華天尊。
志心朝禮，玉虛明皇天尊。
志心朝禮，真皇洞神天尊。
志心朝禮，流光救苦天尊。
志心朝禮，玉符赦罪天尊。

志心朝禮，大慈接引天尊。
志心朝禮，金闕化身天尊。
志心朝禮，九幽拔罪天尊。
志心朝禮，朱陵度命天尊。
志心朝禮，九炁生神天尊。
志心朝禮，慈航苦海天尊。
志心朝禮，法橋大度天尊。
志心朝禮，慈光拔度天尊。
志心朝禮，燈光普照天尊。
志心朝禮，日月普明天尊。
志心朝禮，流光梵現天尊。
志心朝禮，符光洞照天尊。
志心朝禮，轉輪聖王天尊。
志心朝禮，九光鍊度天尊。
志心朝禮，火鍊丹界天尊。
志心朝禮，蕩除昏翳天尊。
志心朝禮，清水度魂天尊。
志心朝禮，火鍊丹簡天尊。
志心朝禮，靈源普潤天尊。
志心朝禮，玉眸鍊質天尊。
志心朝禮，火鍊血屍天尊。
志心朝禮，蕩除血湖天尊。
志心朝禮，靈寶蕩穢天尊。

志心朝禮，清淨真意天尊。
志心朝禮，神功妙濟天尊。
志心朝禮，水鍊血屍天尊。
志心朝禮，金暎護魂天尊。
志心朝禮，解除冤業天尊。
志心朝禮，法雲流潤天尊。
志心朝禮，引魂光明天尊。
志心朝禮，高真妙果天尊。
志心朝禮，神光廣被天尊。
志心朝禮，逍遙快樂天尊。
志心朝禮，開光丹景天尊。
志心朝禮，丹天煥明天尊。
志心朝禮，湛寂法雲天尊。
志心朝禮，惠道照明天尊。
志心朝禮，慈暎度苦天尊。
志心朝禮，妙玄朱光天尊。
志心朝禮，拔苦慈恩天尊。
志心朝禮，度厄應變天尊。
志心朝禮，妙道光明天尊。
志心朝禮，惠炬大真天尊。
志心朝禮，開拔苦魂天尊。
志心朝禮，嚴淨無等天尊。
志心朝禮，救苦真聖天尊。

志心朝禮，萬靜真元天尊。
志心朝禮，普慈難賜天尊。
志心朝禮，上靈慧日天尊。
志心朝禮，拔苦真階天尊。
志心朝禮，贊輝法境天尊。
志心朝禮，雲華見相天尊。
志心朝禮，把真鍊妙天尊。
志心朝禮，慈雲法雨天尊。
志心朝禮，陽光朗照天尊。
志心朝禮，陶魂有魄天尊。
志心朝禮，全形變化天尊。
志心朝禮，廣度沈淪天尊。
志心朝禮，十方應化天尊。
志心朝禮，慈雲蔭禮天尊。
志心朝禮，常沾法雨天尊。
志心朝禮，解冤釋結天尊。
志心朝禮，斷除業障天尊。
志心朝禮，體神清靜天尊。
志心朝禮，天河灌沐天尊。
志心朝禮，黃華蕩形天尊。
志心朝禮，三界流通天尊。
志心朝禮，護魂無滯天尊。
志心朝禮，迴骸起死天尊。

志心朝禮，虛黃演教天尊。
志心朝禮，盪除血穢天尊。
志心朝禮，青帝葭魂天尊。
志心朝禮，白帝倚魂天尊。
志心朝禮，赤帝養炁天尊。
志心朝禮，黑帝通血天尊。
志心朝禮，黃帝中主天尊。
志心朝禮，玉帝生神天尊。
志心朝禮，五帝全形天尊。
志心朝禮，大慈至廣天尊。
志心朝禮，昭彰妙道天尊。
志心朝禮，開通業道天尊。
志心朝禮，光明普照天尊。
志心朝禮，法橋濟惠天尊。
志心朝禮，聖力無邊天尊。
志心朝禮，升入無形天尊。
志心朝禮，三光洞照天尊。
志心朝禮，甘露流通天尊。
志心朝禮，回光啓曜天尊。
志心朝禮，寧聲救苦天尊。
志心朝禮，寶座圓滿天尊。
志心朝禮，隨願往生天尊。
志心朝禮，大慈大悲救苦真人。

志心朝禮，大慈大悲救度真人。
志心朝禮，大慈大悲大惠真人。
志心朝禮，萬福真人。
志心朝禮，萬道真人。
志心朝禮，鬱羅真人。
志心朝禮，真定真人。
志心朝禮，觀妙真人。
志心朝禮，妙行真人。
志心朝禮，慈悲真人。
志心朝禮，太極真人。
志心朝禮，九華真人。
志心朝禮，拔度真人。
志心朝禮，普慈真人。
志心朝禮，太素真人。
志心朝禮，慈蔭真人。
志心朝禮，太妙真人。
志心朝禮，慈惠真人。
志心朝禮，正一天師。
志心朝禮，演教天師。
志心朝禮，啓玄天師。
志心朝禮，開化天師。
志心朝禮，進仙天師。
志心朝禮，化身天師。

志心朝禮，普攝天師。
志心朝禮，普救天師。
志心朝禮，拔難天師。
志心朝禮，救死天師。
爾時，救苦真人曰，再行懺悔，壇下善男信女及所薦亡魂，自從前世，迺至今生，受身女流，過多罪咎。婚姻之後，聚守成家，處事營生，故犯誤爲之罪。或不淨手漱口念經之罪。破齋犯戒不信陰陽之罪。飲酒醉亂心神之罪。己是他非說人長短之罪。重秤大斗，入己之罪。輕秤小斗，與人之罪。不忌三光，節屆姪慾之罪。生男育女，墮子落胎之罪。憎嫌男女太多用水，滄浸棄撇之罪。擅用水漿汗濁江河之罪。呵風罵雨，惡寒厭暑之罪。洗米澄泔，淘沙落粒之罪。厭賤穀米菜蔬之罪。剪截幣帛任意衣著之罪。故殺誤殺，教殺自殺之罪。熱湯潑地，損害一切蟲蟻之罪。輕凌翁姑父母、伯叔兄弟之罪。無辜叫喚鬼神，呪詛誣盟之罪。孤貧乞求不與之罪。富貴貪婪不知止足之罪。耕田種作，穿坑掘土，

損害含靈之罪。養育鵝蠶不節之罪。畜養犧牲貪財之罪。今對三清御前，一一懺悔之後，即俾生生雪淨，世世冰清，永消積罪之愆，尚納平康之慶。誓堅歸向，仰答生成，各各虔誠，志心信禮。

靈官。志心朝禮，酆都府主玄天上帝冥官。

冥官。志心朝禮，酆都左府太陽宮注生冥官。

冥官。志心朝禮，酆都右府太陰宮注死冥官。

靈官。志心朝禮，酆都鑊湯獄定罪考鬼靈官。

靈官。志心朝禮，酆都風雷獄定罪考鬼靈官。

靈官。志心朝禮，酆都銅柱獄定罪考鬼靈官。

靈官。志心朝禮，酆都火翳獄定罪考鬼靈官。

靈官。志心朝禮，酆都屠割獄定罪考鬼靈官。

志心朝禮，酆都金剛獄定罪考鬼

靈官。

志心朝禮，酆都火車獄定罪考鬼靈官。

靈官。志心朝禮，酆都溟泠獄定罪考鬼靈官。

靈官。志心朝禮，酆都普掠獄定罪考鬼靈官。

靈官。志心朝禮，酆都火坑獄定罪考鬼靈官。

靈官。志心朝禮，酆都糞穢獄定罪考鬼靈官。

靈官。志心朝禮，酆都硤石獄定罪考鬼靈官。

靈官。志心朝禮，酆都血湖獄定罪考鬼靈官。

靈官。志心朝禮，酆都大鐵圍山定罪考鬼靈官。

鬼靈官。志心朝禮，酆都小鐵圍山定罪考鬼靈官。

靈官。志心朝禮，酆都有間獄定罪考鬼靈官。

靈官。志心朝禮，酆都無間獄定罪考鬼靈官。

志心朝禮，酆都諸大地獄定罪考鬼靈官。

爾時救苦天尊再諭妙行真人曰：吾今以此經懺散布萬國九州、十方世界。若有奉道之民，世間男女，或遇三元八節、五臘直日、三伏齋日、生辰忌日，發無上道意，遇諸產難及一切厄難，說諸因緣，普得超度。燒香朝禮，諸大天尊真人、天師名位者，魂生天堂，逍遙自在。於是救苦天尊而說頌曰：

運真合靈會，寶勅召諸神。六天壘重陰，酆都九幽獄。典吏部冥洞，三官執九府。主典神吏衆，一切主錄罪。拔度產血難，出離三塗苦。流光玉元符，照破血湖獄。爐炭生青蓮，刀劍生騫林。火池化溫泉，鑊湯爲春圃。超度長夜魂，往生極樂國。

太一救苦天尊說拔度血湖寶懺

(陳耀庭點校)

033 太上靈寶三元三官

消愆滅罪懺^①

經名：太上靈寶三元三官消愆滅罪懺。一卷。底本出處：《正統道藏》洞玄部威儀類。

太上靈寶上元天官消愆滅罪懺上

爾時，太上道君於開光太初之先，集諸天神仙大聖衆十極真人飛天神王，同詣長桑林下、暘谷之壇，旋遶行道三匝，同心作禮，上白元始天尊。臣伏見凡人，不敬天地，穢觸三光，出入北斗之前，造種種惡業，欺天負地，縱橫兇愚。或貪愛悋惜，不肯布施，誹謗聖賢，致遣注名黑簿。善惡童子，四直功曹使者，日夜上奏上元天官洞靈元陽之府。遂使經年累月，輾轉競生，凶

喪破敗，錢穀耗散，非橫連綿，官司牢獄，繫閉不息。畜養不旺，田蠶不遂，運意乖錯，所作不成。臣等仰賴宿因，今身獲慶，值於此日得睹無上元始天尊，解釋愚懷，願垂哀愍。如蒙旨諭，斯乃朽骸重生，仰受恩育，難酬鞠養。於是元始天尊告太上道君曰：子今所說凶殃之理，實可哀憫，欲甦迷愚，咸居福岸，汝當復坐，諦聽訣言。天尊曰：人生富貴，衣食官職，奴僕牛馬，田蠶孳養，皆是前世供養三尊，歸命上元一百二十天尊而獲此報。如造惡不善之人，出生世間，便遭貧窮，衣食闕乏，雖是人身，形不具足。或聾盲啞，攣跛癡愚。或遭蛇虎所害。或被天雷霹靂。或野火焚燒，瘟灾瘴癘，兵傷獄死，所作不成，所求難遂。與諸眷屬不相和睦，累歲迍邐，連綿不泰，求安无路。蓋為前世造作惡業，故令受此苦厄，以報宿殃。若欲開度，可尋高上道士，明了經文，如靈寶自然典式。或一日、二日、三日并一夜行香，陞壇關奏，六時行道，轉禮上元一百二十天

尊名號，懺悔罪愆，免諸苦惱。

人各恭敬

- 至心朝禮，上元九炁天尊。
- 至心朝禮，嚴淨法力天尊。
- 至心朝禮，應變威德天尊。
- 至心朝禮，無畏梵行天尊。
- 至心朝禮，大智慧海天尊。
- 至心朝禮，無量法藏天尊。
- 至心朝禮，大悲萬善天尊。
- 至心朝禮，玄微自在天尊。
- 至心朝禮，無邊明覺天尊。
- 至心朝禮，慈和妙寶天尊。
- 至心朝禮，端嚴威力天尊。
- 至心朝禮，光明上照天尊。
- 至心朝禮，法橋大度天尊。
- 至心朝禮，開顯妙門天尊。
- 至心朝禮，弘通保命天尊。
- 至心朝禮，護魂慈救天尊。
- 至心朝禮，因緣濟度天尊。
- 至心朝禮，流光法喜天尊。
- 至心朝禮，玉真慈愛天尊。
- 至心朝禮，威聖化凡天尊。
- 至心朝禮，常安定慧天尊。

至心朝禮，洞靈慈念天尊。
至心朝禮，信慧匠成天尊。
至心朝禮，增益聖志天尊。
至心朝禮，功德嚴淨天尊。
至心朝禮，寶光慈救天尊。
至心朝禮，混成長樂天尊。
至心朝禮，普光淨愛天尊。
至心朝禮，乘光善寂天尊。
至心朝禮，相光自在天尊。
至心朝禮，金真度命天尊。
至心朝禮，金定玄通天尊。
至心朝禮，垂慈普濟天尊。
至心朝禮，洞暢高玄天尊。
至心朝禮，長生萬善天尊。
至心朝禮，至靈淨妙天尊。
至心朝禮，真遊高上天尊。
至心朝禮，法流遠洽天尊。
至心朝禮，高德寶藏天尊。
至心朝禮，凝常轉念天尊。
至心朝禮，玄德定願天尊。
至心朝禮，總真應見天尊。
至心朝禮，妙成圓行天尊。
至心朝禮，龍德威嚴天尊。

至心朝禮，高玄太素天尊。
至心朝禮，妙色金華天尊。
至心朝禮，靈真大帝天尊。
至心朝禮，金姿妙相天尊。
至心朝禮，開明旨要天尊。
至心朝禮，無上最勝天尊。
至心朝禮，長存駕景天尊。
至心朝禮，元靈妙本天尊。
至心朝禮，運度四生天尊。
至心朝禮，元流妙化天尊。
至心朝禮，應世法王天尊。
至心朝禮，仙遊淨妙天尊。
至心朝禮，無極玄微天尊。
至心朝禮，聖智飛玄天尊。
至心朝禮，超登寶海天尊。
至心朝禮，流光普壽天尊。

爾時上元天官、上元真人、諸飛仙衆，三十二天、大羅天上、無極世界，一切衆生，道俗男女，莫不傾心歸仰，稱揚讚歎六十天尊名號。是時生死報對，一切消滅。

太上道君及諸衆聖，聞此演說，不勝欣喜。普勸諸衆生皈依投懺悔。即

日歸身、歸神、歸命太上無極大道上元六十天尊無極聖衆，懺悔受性以來至于今日，觸犯上元天仙、日月星辰、二十八宿、南辰北斗出入衝突之罪。或有所犯、殺他畜生、資啖之罪，不肯布施、惟思貪惜、慳吝財寶之罪，啖食衆生血肉以自滋潤身口之罪，飛鷹走犬、放火燒殺山林百蟲鳥獸之罪，見人疾病困苦、不生救濟醫療之罪，攔截要路、不通往來之罪，不敬三寶、背師敗道之罪，訾毀風雷雨澤之罪，常行惡心、惟擬損人性命、圖他財寶之罪，盜人妻子奴婢之罪，盜人尊像鍾磬幡花、法席道具經典之罪。如是六根三業，諸惡罪愆，無量無邊，不可勝計，今生前世，所有一切罪過。今日至心發露懺悔，願乞蕩除。伏願上元飛天神王、十直真人、天帝使者，錄其罪目，改作齋功，將奏天曹。當令某過去見存，免受大災，得離苦源，受諸快樂，及諸仙衆，常賜護持。

人各恭敬

至心朝禮，上清玉真天尊。

至心朝禮，太皇黃曾天尊。
至心朝禮，太明玉完天尊。
至心朝禮，清明何童天尊。
至心朝禮，玄胎平育天尊。
至心朝禮，玄明文舉天尊。
至心朝禮，七曜摩夷天尊。
至心朝禮，虛無越行天尊。
至心朝禮，太極濛翳天尊。
至心朝禮，赤明和陽天尊。
至心朝禮，玄明恭華天尊。
至心朝禮，耀明宗飄天尊。
至心朝禮，竺落黃笏天尊。
至心朝禮，虛明堂曜天尊。
至心朝禮，觀明端靖天尊。
至心朝禮，玄明恭慶天尊。
至心朝禮，太煥極瑤天尊。
至心朝禮，元載孔昇天尊。
至心朝禮，太安皇崖天尊。
至心朝禮，顯定極風天尊。
至心朝禮，始黃孝芒天尊。
至心朝禮，翁重浮容天尊。
至心朝禮，無思江由天尊。
至心朝禮，上揲阮樂天尊。

至心朝禮，無極曇誓天尊。
至心朝禮，皓庭霄度天尊。
至心朝禮，淵通元洞天尊。
至心朝禮，太文翰寵天尊。
至心朝禮，太素秀樂天尊。
至心朝禮，太虛無上天尊。
至心朝禮，太釋玉隆天尊。
至心朝禮，龍變梵度天尊。
至心朝禮，太極平育天尊。
至心朝禮，華林主筭天尊。
至心朝禮，西靈記名天尊。
至心朝禮，丹闕上生天尊。
至心朝禮，朔方落死天尊。
至心朝禮，臨正大魁天尊。
至心朝禮，青天護魂天尊。
至心朝禮，白天侍魄天尊。
至心朝禮，赤天養炁天尊。
至心朝禮，黑天通血天尊。
至心朝禮，黃天中主天尊。
至心朝禮，保制劫運天尊。
至心朝禮，使天長存天尊。
至心朝禮，元始安鎮天尊。
至心朝禮，八威龍文天尊。

至心朝禮，玄中太皇天尊。
至心朝禮，上帝高真天尊。
至心朝禮，傾光回駕天尊。
至心朝禮，監真度生天尊。
至心朝禮，度人不死天尊。
至心朝禮，南昌上宮天尊。
至心朝禮，碧落宮殿天尊。
至心朝禮，疾除罪簿天尊。
至心朝禮，隨緣應化天尊。
至心朝禮，受鍊更生天尊。
至心朝禮，普度無窮天尊。
至心朝禮，時刻昇遷天尊。
至心朝禮，上元證果天尊。
至心朝禮，飛天游弈飛仙聖衆。

爾時，元始天尊重告道君曰：吾自從無始以來，應感十方，安鎮國土，教道衆生，開度一切。若是名山洞府，道士女冠，修奉禮拜上元天尊名號，度脫九玄七祖，上生天堂，身得成真，安閒自在。若國王帝主，州縣牧宰，官僚人民，長者居士，有諸災難，疾病纏綿，當於宮觀靈壇家宅，建置道場，然燈燒香，精心脩齋，皈命上元應感天尊無極。

聖衆，所有河沙塵數罪障，應時消滅，一切疾病，隨念解除。安鎮國祚，保天長存。天下太平，萬物甦息，人民歡泰，灾害不干，魂神超度，道炁冥扶。如是瞻敬之者，不問鄉村男女、官職人民，但於每年之內，三元八會、四時八節、五臘十直之日，燒香然燈，修齋行道，言功謝過，當獲洪恩。若要然燈之法，春則然九燈、亦可九十燈、亦可九百燈。夏則然三燈、亦可三十燈、亦可三百燈。秋則然七燈、亦可七十燈、亦可七百燈。冬則然五燈、亦可五十燈、亦可五百燈。如是依科，四時運炁，悉達天曹，各得福慶。或在名山靈壇宅舍、州縣鄉坊、江河水上、如是之處，以一日、三日、七日、建七七四十九夜，然燈修齋，禮誦聖號。所在人民，廣作道場，懺悔罪愆，俱蒙赦宥，悉遂消除，功德無量，不可思議。於是天尊及諸仙衆說是經已，作禮而退。敬奉教旨，志心稽首禮無上虛皇真正三寶。

太上靈寶上元天官消愆滅罪懺上

①此標題係整理者擬補。

太上靈寶中元地官消愆滅罪懺中

爾時，元始天尊在九土無極世界，廣演大乘，敷說道要，度脫衆生，離諸苦惱，咸令安樂。是時中元，一切道俗男女皆受護度，俱享逍遙。元始天尊復告中元地官及諸聖衆，自今已後，天下若有人民不安，三灾競起，五毒興行，盜賊侵陵，枉遭塗炭，人民失業，眷屬兢惶，州縣鄉坊田園蕪沒，生靈餓殍，親戚相疏，骨肉分離，死亡至甚，此是鬼兵魔王灾害興行。令中元之人受諸苦惱，無處存活。兩兩相看，不能爲計。惟宜率歛淨財，十家五家同心併力，市易香油，建置道場，虔請高行道士、明達經典者，禮轉中元一百二十天尊名號，至心皈命元始真像、五老上帝、一切仙聖，具陳情愆，感徹諸天。乃遣飛天神王、十極真人、四真功曹、察命察錄，司功考過，俱降道場，聽民所願，隨念受福，收擒爲害凶妖，除滅

五毒三灾，降下洪恩，保佑皈心。庶俗名上中元，齋籍玉曆，永受玄恩，道慈撫育，隨意所圖，剋皆成就，眷屬康泰，門昌族貴。平安之後，更專敬三光，崇仰一切靈祇，自然獲慶，除灾請福。中元地官及諸聖衆聞天尊演說，度人津梁，功德無量，不可思議。是時是男是女，莫不稱揚，讚歎一切，生死報對，悉皆消滅。幽關重閉，並受光明。苦爽窮魂，隨念往生。普勸衆生，至心懺禮。

人各恭敬

至心朝禮，中元真宰天尊。
至心朝禮，高勝玄通天尊。
至心朝禮，玄元誕妙天尊。
至心朝禮，空慧凝常天尊。
至心朝禮，方便善救天尊。
至心朝禮，通真應變天尊。
至心朝禮，衆善慈施天尊。
至心朝禮，香光忍辱天尊。
至心朝禮，凝神玄覺天尊。
至心朝禮，輪轉運度天尊。
至心朝禮，大慈無我天尊。

至心朝禮，靈通品量天尊。
至心朝禮，運化微明天尊。
至心朝禮，大慧衆善天尊。
至心朝禮，海量無涯天尊。
至心朝禮，光妙高玄天尊。
至心朝禮，常住虛極天尊。
至心朝禮，玄微德本天尊。
至心朝禮，輝虛度命天尊。
至心朝禮，會音開宗天尊。
至心朝禮，貪善樂法天尊。
至心朝禮，妙空真相天尊。
至心朝禮，含弘品量天尊。
至心朝禮，智藏微達天尊。
至心朝禮，慧解空寂天尊。
至心朝禮，普照幽玄天尊。
至心朝禮，法本虛凝天尊。
至心朝禮，天寶救苦天尊。
至心朝禮，無量自在天尊。
至心朝禮，智成大滿天尊。
至心朝禮，平等善應天尊。
至心朝禮，開光濟物天尊。
至心朝禮，清微澄悟天尊。
至心朝禮，太明空解天尊。

至心朝禮，高深妙慧天尊。
至心朝禮，開緣普救天尊。
至心朝禮，無量妙身天尊。
至心朝禮，光相萬變天尊。
至心朝禮，紫虛玄聖天尊。
至心朝禮，飛空智聖天尊。
至心朝禮，玉宸曜景天尊。
至心朝禮，梵寶太虛天尊。
至心朝禮，元靈等觀天尊。
至心朝禮，海空辨慧天尊。
至心朝禮，尊勝妙廣天尊。
至心朝禮，善願普音天尊。
至心朝禮，仙靈正行天尊。
至心朝禮，慈施興善天尊。
至心朝禮，威力難思天尊。
至心朝禮，常住慧能天尊。
至心朝禮，真游本行天尊。
至心朝禮，香林定想天尊。
至心朝禮，無爲普濟天尊。
至心朝禮，保命上生天尊。
至心朝禮，落滅惡根天尊。
至心朝禮，智德無礙天尊。
至心朝禮，平等善救天尊。

至心朝禮，演聖開元天尊。
至心朝禮，延福保神天尊。
至心朝禮，興行妙道天尊。
至心朝禮，金容感應天尊。
至心朝禮，照用國王天尊。
至心朝禮，觀照虛無天尊。
至心朝禮，六通澄悟天尊。
至心朝禮，玄真妙顯天尊。
至心朝禮，分形通德天尊。
至心朝禮，元靈端淨天尊。
至心朝禮，無量大度天尊。
至心朝禮，寶頂大成天尊。
至心朝禮，安演無爲天尊。
至心朝禮，至真幽寂天尊。
至心朝禮，法積光明天尊。
至心朝禮，寶花嚴淨天尊。
至心朝禮，應見常容天尊。
至心朝禮，普照緣感天尊。
至心朝禮，赴應隨緣天尊。
至心朝禮，念度羣生天尊。
至心朝禮，普光勸善天尊。
至心朝禮，入定體常天尊。
至心朝禮，還魂起死天尊。

至心朝禮，妙保上真天尊。
至心朝禮，開明祖劫天尊。
至心朝禮，普植化生天尊。
至心朝禮，長生保命天尊。
至心朝禮，周回度世天尊。
至心朝禮，上極妙容天尊。
至心朝禮，削除罪犯天尊。
至心朝禮，威權自在天尊。
至心朝禮，超凌上界天尊。
至心朝禮，乘神濟物天尊。
至心朝禮，示見萬像天尊。
至心朝禮，還元歸寂天尊。
至心朝禮，安樂保常天尊。
至心朝禮，全生護命天尊。
至心朝禮，示籙保年天尊。
至心朝禮，安鎮含識天尊。
至心朝禮，四靈養性天尊。
至心朝禮，保命受生天尊。
至心朝禮，壽命無窮天尊。
至心朝禮，流演萬範天尊。
至心朝禮，運度八威天尊。
至心朝禮，玄會八真天尊。
至心朝禮，普臨萬行天尊。

至心朝禮，延和正化天尊。
至心朝禮，廣運慈善天尊。
至心朝禮，善濟智成天尊。
至心朝禮，建德明和天尊。
至心朝禮，常善救物天尊。
至心朝禮，妙樂無等天尊。
至心朝禮，虛無至道天尊。
至心朝禮，興弘德化天尊。
至心朝禮，敬愛慈忍天尊。
至心朝禮，開濟四生天尊。
至心朝禮，思念三徒天尊。
至心朝禮，弘德廣蔭天尊。
至心朝禮，真靜應物天尊。
至心朝禮，變化飛空天尊。
至心朝禮，廣德妙行天尊。
至心朝禮，統乘玄都天尊。
至心朝禮，善證大慧天尊。
至心朝禮，五嶽名山府君聖衆。
即日至心歸身，歸神歸命，太上無極大道中元一百二十應感天尊。重念某自從累劫以來，至于今日，所犯拋擲經書、破壞漏爛、脫落輕慢聖文之罪，內外六親眷屬鬥爭妄言、結惡不解之

罪，誹謗出家、說無神理之罪，辜天負地、不生慚愧之罪，憎怨父母、憐惜妻子、五逆兄弟之罪，借貸人物金銀玉帛寶貨、以爲己用之罪，買賣孤虛、侵損別人、自利己身之罪，私心計度、大斗重秤、瞞昧王民、方便侵欺之罪，假託聖賢、丐求功德、將財入己、受用不爲、置造誑妄之罪，殺生淫祀之罪。如是等罪，無量無邊，以今發露懺悔，並乞消滅。伏願中元應感天尊無極聖衆敕下十直神仙天帝使者，錄其罪目，改作十齋功德，上奏天曹。當令某所懺罪愆，隨聲解脫，並獲消除。至心歸命禮，無上虛皇正真三寶。

太上靈寶中元地官消愆滅罪懺中

太上靈寶下元水官消愆滅罪懺下

爾時，元始天尊於金靈洞陰之館，演說法教。時有真人，號曰明羅，越班前進，上白元始天尊，臣宿緣流慶，獲侍尊顏，然大小九六之災，未蒙闡教，敢賴宣諭。

天尊告曰：四時遷謝，陰陽律呂，運動皆委於天地水三官。至於四海三河、溪澗川源、池塘湖堰、渚穴流泉、水類魚龍、龜鼉龜鼈等濕居之類，並年歲豐歉，人民休咎，悉付下元水官校定。吾昔於上皇元年，與五老上帝、陰陽二宮上真、五星七元、二十八宿、九州社令，於三天境內，配定分野，分別善惡。八卦九宮，皆有泉流。今觀此世界，福瑞希降，民多流亡，分野水旱，兵戈交戰，五穀不熟，皆是凡愚積惡所及。天尊於是放大威光普照十方國土，乃召諸天神仙聖衆、山川潭洞靈祇、四海龍王，雲奔雨驟，雷電震響，雨澤霽霽。

蘇此一國，窮民悉離憂苦。是時道俗男女，莫不欣喜，仰荷洪恩，遜謝不逮，讚歎無窮。

天尊復謂，下元水官、水府真人。一切衆生，生死因緣，無有間歇。父母懷耽，乳哺養育，漸至長成，乃能分別，即滯愛慾。罪根深重，報對罪福。一念成非，塵劫結習。久在身中，從劫至劫，不能出離，不值聖賢，難可解脫。久染六情，恩愛三毒。貪嗔愚癡，嫉妬賢能。一切罪犯，並願消除。須至投誠懇切，歸命大道，下元一百二十天尊，洗雪身中一切罪業。若不得師爲其演說經典，無由曉悟。若今日師尊，示我經法，度脫罪犯，出離沈滯。由師之恩，入於正道。普勸衆生，早回覺悟。

人各恭敬

至心朝禮，下元水官尊神。
至心朝禮，真皇洞神天尊。
至心朝禮，積功成聖天尊。
至心朝禮，凝神照境天尊。
至心朝禮，和神利物天尊。

至心朝禮，總監衆靈天尊。
至心朝禮，幽照無極天尊。
至心朝禮，好解羅網天尊。
至心朝禮，朱景洞照天尊。
至心朝禮，萬行圓滿天尊。
至心朝禮，大乘空慧天尊。
至心朝禮，還功報德天尊。
至心朝禮，隱跡全道天尊。
至心朝禮，法體緣成天尊。
至心朝禮，紫霞浮蓋天尊。
至心朝禮，法雲流潤天尊。
至心朝禮，葳揚妙化天尊。
至心朝禮，玄智遠照天尊。
至心朝禮，尊妙無雙天尊。
至心朝禮，行圓虛界天尊。
至心朝禮，玉京垂慧天尊。
至心朝禮，保度應運天尊。
至心朝禮，太微光範天尊。
至心朝禮，真相具足天尊。
至心朝禮，導世無爲天尊。
至心朝禮，法緣常濟天尊。
至心朝禮，永證道源天尊。
至心朝禮，常轉真戒天尊。

至心朝禮，沖和淨樂天尊。
至心朝禮，玄隱無爲天尊。
至心朝禮，幽源不測天尊。
至心朝禮，默念無爲天尊。
至心朝禮，留教廣度天尊。
至心朝禮，救度八難天尊。
至心朝禮，飛昇金闕天尊。
至心朝禮，遊宴玉京天尊。
至心朝禮，遊行太空天尊。
至心朝禮，離合自然天尊。
至心朝禮，本在空洞天尊。
至心朝禮，徧體虛空天尊。
至心朝禮，攝跡歸本天尊。
至心朝禮，十回度人天尊。
至心朝禮，營衛神文天尊。
至心朝禮，隨機開悟天尊。
至心朝禮，斷除邪障天尊。
至心朝禮，聖槩無窮天尊。
至心朝禮，開化玄宗天尊。
至心朝禮，百寶聖嚴天尊。
至心朝禮，廣布神化天尊。
至心朝禮，妙力廣王天尊。
至心朝禮，總朝上帝天尊。

至心朝禮，功能上善天尊。
至心朝禮，雲華見相天尊。
至心朝禮，凝寂金闕天尊。
至心朝禮，杳冥神化天尊。
至心朝禮，住七寶林天尊。
至心朝禮，通幽至理天尊。
至心朝禮，精勤進業天尊。
至心朝禮，真珠海潤天尊。
至心朝禮，遠離強名天尊。
至心朝禮，隨意會樂天尊。
至心朝禮，玉光流潤天尊。
至心朝禮，靈變光明天尊。
至心朝禮，最上妙行天尊。
至心朝禮，清淨智海天尊。
至心朝禮，德大無量天尊。
至心朝禮，凝安智慧天尊。
至心朝禮，功業無過天尊。
至心朝禮，寶羽瓊林天尊。
至心朝禮，周應無極天尊。
至心朝禮，廣大圓滿天尊。
至心朝禮，哀悲衆苦天尊。
至心朝禮，愍空法藏天尊。
至心朝禮，愍一切類天尊。

至心朝禮，流傳寶經天尊。
至心朝禮，無礙慧生天尊。
至心朝禮，玉清金相天尊。
至心朝禮，無滯著相天尊。
至心朝禮，寂妙上成天尊。
至心朝禮，洞明世界天尊。
至心朝禮，好生度命天尊。
至心朝禮，無方化度天尊。
至心朝禮，龍德變化天尊。
至心朝禮，常慈愛憐天尊。
至心朝禮，救度萬品天尊。
至心朝禮，應變無量天尊。
至心朝禮，弘慈大量天尊。
至心朝禮，周行救苦天尊。
至心朝禮，梵化修功天尊。
至心朝禮，洞鑑無礙天尊。
至心朝禮，赴難垂恩天尊。
至心朝禮，日月光曜天尊。
至心朝禮，六通四達天尊。
至心朝禮，萬願剋成天尊。
至心朝禮，應生轉世天尊。
至心朝禮，演法垂文天尊。
至心朝禮，凝常歡樂天尊。

至心朝禮，普垂妙澤天尊。
至心朝禮，體道安靜天尊。
至心朝禮，無量道眼天尊。
至心朝禮，常施法潤天尊。
至心朝禮，逍遙十善天尊。
至心朝禮，化度無量天尊。
至心朝禮，萬川還源天尊。
至心朝禮，演法度人天尊。
至心朝禮，龍興應變天尊。
至心朝禮，超越三界天尊。
至心朝禮，大施利濟天尊。
至心朝禮，清微至德天尊。
至心朝禮，常住護世天尊。
至心朝禮，轉滅障難天尊。
至心朝禮，紫極元皇天尊。
至心朝禮，圓通自在天尊。
至心朝禮，善誘愚迷天尊。
至心朝禮，五劫輪轉天尊。
至心朝禮，講道靜真天尊。
至心朝禮，宛味希夷天尊。
至心朝禮，永出生死天尊。
至心朝禮，法澤流布天尊。
至心朝禮，洞照冥空天尊。

至心朝禮，水府河海一切聖衆。
即日至心歸神，歸身歸命，太上無極大道下元一百二十應感天尊無極聖衆。重念某自從無始以來至于今日，恐積所犯，殺害賢良，元逆醜惡，非人所行，姪色盜竊，敗人成功，離人骨肉，奪人所崇，爲子不孝，爲臣不忠，悖逆君主，攻伐師宗，上不敬天地，下不敬鬼神，訾毀大道，褻慢靈文，口是心非，揚己嫉能，輕慢四大，觸穢三光，惡口兩舌，讒擊善人。種種罪咎，無量無邊，躬對道前，盡誠懺悔。伏願下元衆聖、察命童子、善惡功曹、十直神仙，錄其罪目，改作齋功，上奏天曹。當令某所懺罪愆。隨念消除，悉皆解脫。九玄七祖，遽至上生，一切有情，同登道岸。至心稽首禮，無上虛皇正真三寶。

太上靈寶下元水官消愆滅罪懺下

(陳耀庭點校)

034 玉皇宥罪錫福寶懺

雷霆猛吏都督辛漢臣著

經名：玉皇宥罪錫福寶懺。一卷。原題雷霆猛吏都督辛漢臣著。底本出處：《正統道藏》洞真部威儀類。

具錄職臣某等，謹炷真香，虔誠上奏：說經教主元始天尊，抱送玉帝靈寶天尊，流演聖教降生天尊，萬天至尊玉皇上帝，光嚴妙樂國王聖父天尊，寶月光皇后聖母元君，經筵啓問無鞅真聖，侍宸拱御一切真仙。

臣等恭聞，玄苑幽居，元始昇光明之座；化身來集，玉皇演本行之經。言往昔時，有妙樂國王號淨德、后寶月光，慮儲嗣之乏傳，勅道流而徧禱，已經半載，不退初心。感太上道君與諸至真駕五色輦，抱一嬰兒，毛孔放光，

宮殿改色，從皇后之懇請，賜太子以繼承，生而神靈，長而慈善。人歌謠於有道，化浹洽以無爲。既捨國以付大臣，遂入山而修至道，行藥治病，助國救人。初乃證於金仙，後方成於玉帝。昔未曾有，嘆莫能窮。臣等曠劫受恩，累生蒙化，恨以愚迷之性，積成深重之愆，敢不懺陳，以干原赦。爰仰遵於教典，庸力致於悔思，祈斷障以消愆，冀禳災而集福。隨心滿願，證聖成真。

方茲懺法之宣行，首望真仙之臨降，庶蒙哀憫，遂獲感通。伏願世界俱同琉璃，仙衆皆乘金碧九色瓊輪之輻輳，十絕羽蓋以飛揚。靈風奏樂，以相和寶，花成蓋而徧覆；鸞嘯鳳唱，龍戲麟盤，悉翔舞於天端。咸下臨於凡世，俾天人而悅慶，獲罪咎以蠲除。倘副禱祈，曷勝至幸。臣與弟子某等下情無任瞻望天威拱俟降臨之至，誠惶誠恐，稽首頓首，注想尊容，諒沐垂光，謹依經念高虛清明天主所說偈章，以伸讚歎。

金闕玄穹主，高上玉皇尊。妙相冠諸天，慈光燭三界。真聖妙道師，天

人依仗師。大乘垂法語，真一指迷途。功德若虛空，讚揚無窮盡。

具錄職臣某領錄奉大道弟子某等謹虔誠再拜，上奏三清上聖、玉帝至尊、帝父帝母，至聖至真，十方三界，一切真靈。

臣等伏聞聖德無窮，不容紀讚，凡情有感，當盡稱揚。妙見妙知，固無等倫；大慈大悲，有希哀憫。爰按經而稱述，庶隨念以皈依。一十號強名，未可讚難名之號，十七光雖盡，豈能窮無盡之光。大而曰天，天亦豈擬其倫；極而曰道，道則皆從所出。雖金口尤莫能盡，豈塵世所可得知。姑摭經言，以揚聖德。伏願口宣一善，在心之衆善皆生；聲讚十名，滿籍之罪名皆落。仁愛和遜，隨而增長，智慧辨才，漸可圓成。與諸有情，證無上道。臣與弟子某等下情無任懇祝之至，普與過往祖先、見存眷屬、塵寰品彙、長夜幽魂，傾倒虔誠，皈依信禮。

臣等志心歸命禮，玉皇大天尊玄穹高上帝。

臣等志心歸命禮，舉六通力，衆和玉皇大天尊玄穹高上帝。以下每一句衆和天尊聖號，各一拜

臣等志心歸命禮，放大光明，白玉京中。黃金闕內，七寶玄苑。大光明殿，光明座上。聖中最尊，清淨第一。身寶光燄，色相妙好。幻而敏慧，長而慈善。仁愛和遜，功成超度。割愛學道，行藥治病。拯救衆生，廣行方便。恢宣正化，敷揚神功。助國救人，行忍辱故。放大光明，現希有相。是穹蒼生，浩劫之尊。妙見妙知，無等無倫。湛寂真淨，杳亡杳存。上聖上靈，大神通。光明藏，大丈夫。開化人天，教道無窮。大慈大悲，流煥法輪。玄理幽深，生浩劫前。運化古今，號最上乘。威德希有，無量功德。清淨自然，神明堅固。威靈恢廓，名聲周徧。無幽不燭，神妙巍巍。多劫行化，具大神通。分身變化，應現隨方。利濟群生，普垂教法。開悟後人，神智妙達。莫可度量，大神通光，大慈悲光，大喜捨光，大忍辱光，大平等光，大柔和光，大自在

光，大利益光，大如意光，大智慧光，大吉祥光，大解脫光，大皈依光，大功德光，大圓滿光，大無礙光，無能勝光。穹蒼真老，妙圓清淨。智慧辯才，至道至尊。三界師，混元祖。無能聖主，四生慈父。高天上聖，大慈仁者。十號圓滿，萬德周身。無量度人，拔生死苦。

臣等志心歸命禮，太上彌羅無上天，妙有玄真境，渺渺紫金闕，太微玉清宮。無極無上聖，廓落發光明。寂寂浩無宗，玄範總十方。湛寂真常道，恢漠大神通。玉皇大天尊、玄穹高上帝。

具錄職臣某領錄奉大道弟子某等謹謹虔誠再拜，上奏三清三境天尊，昊天玉皇上帝，帝父帝母，至聖至真，三界十方，一切真宰。

臣等伏聞：造道成真，蓋本過尤之寡；從生入死，端由踐履之乖。性一縱，則過積甚於丘山；心一悔，則罪釋渙如冰雪。故本行經教之昭示，乃罪福因緣之了明，敢不萌於悔心，仍復由

其縱性。投誠懇切，望聖矜憐。十惡五逆，隨跪拜以消除；三業六根，逐稱揚而洗蕩。不敢覆藏而自隱，悉皆首露以力陳。庶沐慈悲，特垂原赦。伏願萬目千條之罪，言下立消；多生歷劫之愆，道前咸滅。更盡未來之世，長爲無過之人，與道合真，去聖不遠。上及九玄七祖，普同六道三塗，蠢蠢群生，茫茫下土，悉仗玉皇之大德，同消曠劫之深愆。寡過寡尤，盡善盡美。臣與弟子某等下情無任懇祝之至，普與過往祖先、見存眷屬、塵寰品彙、長夜幽魂，傾倒虔誠，皈依信禮。

臣等志心歸命禮，玉皇大天尊玄穹高上帝。

臣等志心歸命禮，願各各明了罪福因緣。

玉皇大天尊玄穹高上帝以下每一句，衆和聖號，各一拜

願是諸惡業悉皆消滅，
願五逆十惡悉皆消滅，
願一切惡業悉皆消滅，
願能滅惡心信向是經，

願無邊聖教累承救拔，
願上聖殊恩得離地獄，
願塵沙惡業隨心消滅，
願曠劫已來罪消滅，
願縱無明性罪消滅，
願六塵徧染罪消滅，
願三業縈纏罪消滅，
願肆意任心罪消滅，
願曾無覺悟罪消滅，
願日積月深罪消滅，
願背道違真罪消滅，
願順邪棄正罪消滅，
願舉心運念罪消滅，
願不孝父母罪消滅，
願不敬三寶罪消滅，
願殺生偷盜罪消滅，
願邪淫妄語罪消滅，
願剛強暴惡罪消滅，
願無恭敬心罪消滅，
願出誹謗語罪消滅，
願穢手污觸罪消滅，
願葦口讀誦罪消滅，
願講習俗語罪消滅，

願共生戲笑罪消滅，
願地獄中罪消滅，
願餓鬼中罪消滅，
願畜生中罪消滅，
願邊夷外域中罪消滅。

臣等志心歸命禮，太上彌羅無上天。妙有玄真境，渺渺紫金闕。太微玉清宮，無極無上聖。廓落發光明，寂寂浩無宗。玄範總十方，湛寂真常道。恢漠大神通，玉皇大天尊、玄穹高上帝。

具錄職臣某領錄奉大道弟子某等謹謹虔誠再拜，上奏三清三境天尊，昊天玉皇上帝，帝父母，至聖至真，三界十方，一切真宰。

臣等伏聞：障未斷，則蔽塞昏迷；礙一除，則通達明了。陰霾去，而日復晴朗；浮雲散，而天自光輝。倘未掃除，寧免固蔽。心未同於天日，障當去於雲霾。仰元聖之垂慈，宣斷障之妙法；俾諸塵之無起，庶真境之自明。奈何凡夫之愚迷，不能按法以修習，未免緣情而逐境，安能澄慮以凝神。容

夫外邪，亂其至道。敗靈根，而盜至寶；入俗網，以墮凡流。萬魔來攻，一真遂失。倘匪沐陶鎔之德，豈能成斷障之功。按妙典以懺除，求諸障而掃蕩。爰伸懇告，悉丐矜憐。伏願錫智慧劍以斷除，庶煩惱障而消滅。掃開浮翳，使慧日之光華；拂拭塵勞，俾心珠之瑩徹。凡身清淨，道果圓成，普同幽顯之兩途，俱識圓明之一性。永無流轉，長獲逍遙。臣與弟子某等下情無任懇祝之至，普與過往祖先、見存眷屬、塵寰品彙、長夜幽魂，傾倒虔恭，皈依信禮。

臣等志心歸命禮，玉皇大天尊玄穹高上帝。

臣等志心歸命禮以下每一句稱和天尊聖號，人各一拜

願無起疑惑，願無起貪嗔，願無起淫慾，願無起嫉妬，願無起殺害，願無起凡情，願無起凡思，願無起昏垢，願無起聲色，願無起是非，願無起憎愛，願無起分別，願無起高慢，願無起執著，願凝神澄慮，願萬神調伏，願心若

心虛，願內外貞白，願身得清淨，願超度諸難，願得睹慈顏，願咸蒙護度，願普聞妙法，願親奉供養，願永無流轉，願惡根斷絕，願玄都記名，願諸念不生，願萬緣頓息，願捨除妄想，願受持是經，願無所不容，願無所不納，願外邪不亂，願真宗不失，願靈根不敗，願不墮凡流，願不入俗網，願萬魔不攻，願得聞正法，願捨除結習，願修諸妙行，願具解脫門，願同清淨信，願同清淨解，願同清淨念，願同清淨行，願同清淨身，願同清淨心，願同清淨意，願同清淨果，願同清淨報，願同大慈心，願同大悲心，願奉戒專一，願冥心大道，願善護真宗，願孝養父母，願恭敬三寶，願竭忠於君，願不殺不盜，願不淫不妬，願不嗔不恨，願不驕不詐。

臣等志心歸命禮，太上彌羅無上天。妙有玄真境、渺渺紫金闕。太微玉清宮，無極無上聖。廓落發光明，寂寂浩無宗。玄範總十方，湛寂真常道。恢漠大神通，玉皇大天尊、玄穹高上帝。

舉

玉皇修證在香嚴，普放神通十七光。爲教衆生除斷障，法門真一廣宣揚。

和不可思議功德少息再起。

具錄職臣某領錄奉大道弟子某等謹謹虔誠再拜，奏啓三清三境天尊，昊天玉皇上帝，帝父帝母，至聖至真，天地水陽，十方印明真宰。

臣等伏聞：無形無名，獨高曰道；有體有相，寧免乎災。天地尤有否終，日月亦有薄蝕。矧爲人類，各豢凡軀。不能離乎數，而超乎緣；未免屬於星，而隨於運。前定之薄，夙緣之重。次舍以逆，時命以乖。豈免乎災，寧逃乎難。大而水火盜賊，甚則疾病逃亡，六極五衰，七傷八難，三灾四煞，九厄十纏。鍾於國而國不能安，移於歲而歲不能稔。兵戈水火，饑饉流離，既遵奉於教條，當懺穰於灾厄。伏願咸蒙護度，悉獲消除。回定數，而解前緣；退威星，而平舛運。在於一已，餘殃以弭而厄會以消；散及萬殊，劫運可逃而

洪灾可免。安處塵寰，而動與吉會；至度道岸，而無使灾侵。已健人安，天長地久。臣與弟子某等下情無任懇祝之至，普與過往祖先、見存眷屬、塵寰品彙、長夜幽魂，傾倒虔誠，歸依信禮。

臣等志心歸命禮，玉皇大天尊玄穹高上帝。

臣等志心歸命禮以下每一句稱和天尊聖號，各一拜

願苦惱痊平普蒙解脫，願山神衛護猛獸自退，願風浪頓止安穩達岸，願是諸惡賊悉自退散，願冤枉自伸即得解脫，願衆邪遠避自然安穩，願一切灾殃不能侵近，願一切重病便得痊愈，願諸惡鬼神盡自消滅，願呪詛蠱毒皆自消滅，願至度道岸無使灾侵，願保命度灾掃諸不祥，願一切諸魔自然殄滅，願消兵戈並起之灾，

願消疫氣大行之災，

願消水旱蟲蝗之災，

願消凶年饑饉之災，

願消種種惡病之災，

願消疥癩癰疽之災，

願消憂悲苦惱之災，

願消橫惡所加之災，

願消牢獄繫鎖之災，

願消非命自害之災，

願消毒藥所殘之災，

願消虎狼虫蛇之災，

願消冤債牽引之災，

願消值遇惡人之災，

願消被他屠割之災，

願消推落崖岸之災，

願消邪精殘害之災，

願消水火漂焚之災，

願消刀兵誅戮之災，

願消橫喪天年之災。

臣等志心歸命禮，太上彌羅無上天。

妙有玄真境，渺渺紫金闕。太微

玉清宮，無極無上聖。廓落發光明，寂

寂浩無宗。玄範總十方，湛寂真常道。

恢漠大神通，玉皇大天尊、玄穹高上帝。

具錄職臣某領錄奉大道弟子某等謹

謹重伸，奏啓三清上聖，玉帝至尊，帝

父帝母，至聖至真，天地水陽，一切真

靈。

臣等伏聞：福力崇高，始有福緣之

集；善念圓熟，方期善瑞之臻。非天

人而莫徵，惟仙徒而可繼。既未積修

真之行，而素虧好道之心。寧免禱求，

以干敷錫。按妙經之所載，謂持誦而

後能，既已歸崇，粗知習誦。罪福兩

途，罪既除則福必蒙賜；灾祥二理，灾

既消則祥必可儲。既除罪於前，定消

灾於後。諒蒙慈憫，必徇懇陳。敢伸

禮拜之恭，庶沐簡穰之降。露香懇請，

望帝仁慈。伏願德湛厖洪，恩施曠蕩。

祥風廣扇，普萬物以咸庥；惠澤旁霑，

俾一門而胥慶。五福斂錫，而凡民均

樂；百祥來介，而後裔繁昌。世躋仁

壽之鄉，長享綿延之福。如居塵外，不

異玄中。臣與弟子某等下情無任懇祝之

至，普與過往祖先、見存眷屬、塵寰品

彙、長夜幽魂，傾倒虔誠，歸依信禮。

臣等志心歸命禮，玉皇大天尊玄穹

高上帝。

臣等志心歸命禮以下每一句依前和號，

各一拜

願安樂快然神風遐著，

願貴遇人君職務遷轉，

願財寶充溢衣食自然，

願慶流子孫傳之後代，

願是諸惡星返降吉祥，

願心欲願者一切如意，

願衣食自然子孫榮貴，

願出言希聞所至恭敬，

願顯貴崇重光大其門，

願吉祥熾盛灾障不侵，

願道根深重夙有善緣，

願宿植道本廣種福田，

願心有所請一切應奉，

願仙丹妙寶隨意自取。

臣等志心歸命禮，太上彌羅無上天。

妙有玄真境，渺渺紫金闕。太微

玉清宮，無極無上聖。廓落發光明，寂

寂浩無宗。玄範總十方，湛寂真常道。

恢漠大神通，玉皇大天尊、玄穹高上帝。

具錄職臣某領錄奉大道弟子某等，謹重誠上奏三清三境天尊，金闕玉皇上帝，帝父帝母，至聖至真，天地水陽，十方一切列聖，恭望洪慈，洞回昭鑑。

臣等伏聞：衆寧無願，惟所願之不同；人各有心，豈其心之可一。墮者欲昇，而賤者欲貴；貧者欲富，而苦者欲安。或求證道成真，或務濟民利物，各有所求。豈無願者，必待其滿，而後釋然。仰惟妙道垂慈，能遂衆生所願，敢伸致禱，曲賴昭孚。伏願俯察凡情，特垂天聽，隨機赴感，應念從心。或利己利他，或爲幽爲顯，悉令志滿，毋使願違。臣與弟子某等下情無任懇祝之至，普與過往祖先、見存眷屬、塵寰品彙、長夜幽魂，傾倒虔誠，歸依信禮。

臣等志心歸命禮，玉皇大天尊玄穹高上帝。

臣等志心歸命禮以下每一句依前和號，各一拜

願天下歌謠欣國太平，

願地獄衆生化生諸天，

願三惡道苦一時解脫，

願普爲十方演說諸法，

願普放神光照燭法界，

願六凡四聖普叨道蔭，

願聖賢慶會普天興隆，

願國土清平人民樂業，

願凶寇自息邊城不爭，

願運推數周正道當行，

願一切枯槁復生枝葉，

願短命衆生各得長壽，

願六道衆生普蒙開度，

願一切天人五衰四相永得除滅轉

增天福，

願王臣兆庶即得人天長壽之樂，

願身或滅度乃得脫殼尸解之道，

願一切諸魔安處天宮鬥戰之苦各

得休息，

願一切衆生離地獄苦得淨土樂，

願一切餓鬼即得飽滿無饑渴惱，

願一切畜生脫畜生苦得智慧樂。

臣等志心歸命禮，太上彌羅無上天。

妙有玄真境，渺渺紫金闕。太微

玉清宮，無極無上聖。廓落發光明，寂寂浩無宗。玄範總十方，湛寂真常道。恢漠大神通，玉皇大天尊、玄穹高上帝。

具錄職臣某領錄奉大道弟子某等謹重伸，上奏三清三境天尊，昊天玉皇上帝，帝父帝母，至聖至真，天地水陽，衆聖十方，一切真靈，恭望洪慈，洞回淵鑑。

臣等伏聞：求道未勤，豈能成道；修真有素，自可成真。諦觀本行之經，深貴能持之者。凡讀是經，可稱真人之號；若習其奧，必臻仙道之成。既再三懇請，而斷障消災；當究竟證悟，而造玄入妙。爰伸懺謝，以丐周成。伏願道炁咸臻，天福益固，超沉尸而起飛魄，遊聖域而聽法音。身處五雲，神超八極，千靈敬仰，萬神懾伏，三界侍衛，五帝司迎，不失人身，克成真道。上資家國，下及民生，俱入法門，同登道岸。臣與弟子某等下情無任懇祝之至，普與過往祖先、見存眷屬、塵寰品彙、長夜幽魂，傾倒虔誠，歸依信禮。

臣等志心歸命禮，玉皇大天尊玄穹高上帝。

臣等志心歸命禮以下每一句依前和號，各一拜

願一切人民咸臻道炁，願白首面皺皆得化度紺髮朱顏，願少壯幼稚轉得形容光澤美好，願枯骨更生沉尸飛魄皆起復形，願得生十方諸大天宮，願仰朝玉帝各到道前，願嬉遊聖域餐聽法音，願依教奉行登真成道，願一切玉女持幢下迎，願獲宿命通遵奉大道，願展轉修持至登道岸，願神遷淨土蓮華化生，願了悟生死深入山林，願天魔外道悉皆懾伏，願自在逍遙號人中聖，願德慧長新同諸真人，願坐招自然天福益固，願身度三界與道長存，願得為九天真仙之人，

願天真御几玉妃拂筵，願萬神班列諸天臨軒，願三界侍衛五帝司迎，願身處五雲光明赫奕，願上昇天宮衆真下迎，願頓得超證無上妙道，願五帝輔翼召使群仙，願御役神官運導陰陽，願千靈敬仰萬神懾伏，願百邪避路群魔束形，願逍遙自在與道長存，願得證功德身一切有情被其蔭故，願得證神通身一切吉祥咸臻集故，願得證清淨身是諸惡業不能侵故，願得證威德身天魔外道不能攝故，願得證無等身上帝遙唱萬神敬故，願得證堅固身惡劫大難不能損故，

願得證道藏身口出語言鬼神仰故，願得證慈悲身六道衆生賴其善故，願得證大道身出入所在無怖畏故，願得證良醫身善行妙法安樂人故，願得證光明身常為帝光所攝受故，願得證自在身天宮妙境神能遊故，臣等志心歸命禮，太上彌羅無上天。妙有玄真境，渺渺紫金闕。太微玉清宮，無極無上聖。廓落發光明，寂寂浩無宗。玄範總十方，湛寂真常道。恢漠大神通，玉皇大天尊、玄穹高上帝。具錄職臣某領錄奉大道弟子某等謹謹重誠，奏啓三清三境天尊，昊天玉皇上帝，帝父帝母，至聖至真，天地水陽，道德衆聖，十方應感，一切真靈，恭望洪慈，洞回淵鑑。

臣等伏願玉帝功德，大能救度於衆生；凡俗罪愆，深敢歸投於洪造。既極稱揚之力，復伸懺謝之誠，諒沐慈悲，特垂赦宥。罪福之緣，可得明了；障礙之因，悉皆斷除。保命度災，延祥集福，在心之願得滿，修真之道可成。豈匪因緣，實爲慶幸，尚賴始終之相佑，必令懇禱之昭通。無願不從，有求皆應，保天長存而昌運再啓，致國太平而兇寇自夷。九幽破壞，長夜光明，五福歛錫，兆民歌唱，祖宗昇度，眷屬壽康。財寶充盈，而衣食自然；子孫榮貴，而吉祥熾盛。善芽增長，道果圓成，等與群生，普沾聖澤。臣與弟子某等下情無任懇祝之至，誠惶誠恐，稽首頓首，再拜謹言：

大哉至道，無宗上真。上度諸天，下濟幽魂。上無師祖，惟道爲身。丹臺紫府，金闕玉京。祕此妙法，溥福含靈。滅我萬罪，增我遐齡。萬神朝禮，魔王保迎。功德昌盛，黃籙書名。渺渺億劫，使我長存。

回向

向來禮懺功德，無量殊勳，謹以歸命，說經教主元始天尊，抱送玉帝靈寶天尊，流演聖教降生天尊，萬天至尊玉皇上帝，光嚴妙樂國王聖父天尊，寶月光皇后聖母元君，經筵啓問，無量真仙，天地水陽，一切衆聖。

恭望天慈，洞回昭鑑，以茲功德，專爲弟子某等悔過消災，延生集慶。伏願凡情通感，上帝矜憐，障業斷除，冀功成而滿，願吉祥駢集，獲增福以消災。九祖超昇，闔門康泰，身心清淨，處世昌隆，一切有情，成无上道。志心稱念，三清應化天尊，玉光普照天尊，无量不可思議功德。

玉皇宥罪錫福寶懺

（陳耀庭點校）

035 高上玉皇滿願寶懺

經名：高上玉皇滿願寶懺。十卷。底本出處：《正統道藏》洞真部威儀類。

高上玉皇滿願寶懺卷之一

序教

懺儀

齋戒事帝，冀肝蠻以潛通；馨香感神，仗氤氳而上達。恭運道香、德香、慧香、無爲香、清靜香、自然香、妙洞真香、超三界香、三境真香，滿瓊樓玉京，遍周天法界，普伸供養。

說經教主元始天尊抱送玉帝道君天尊、流演聖教降生天尊、諸天化身玉皇天尊、玄穹高上帝，帝父光嚴妙樂國王，帝母寶月光皇后，清靜自然覺王

如來高虛清明天主帝君。經筵啓問玉虛上帝，昊天上帝，三世金仙大乘菩薩，十方至聖無量帝君，天地始祖五老上帝，尋聲救苦、慈悲度厄、濟生度死、萬福護身四大真人，夜光玉女、一切元君，天真皇人一切大仙，北極佑聖真君玄天上帝，三天扶教輔元大法天師，九天開化主宰靈應帝君，演正警化純陽孚佑帝君，應感妙通慈濟朱真人，洞玄惠世玉蟾白真人，大慈永元普濟顯靈廣佑羅真君，清微、靈寶、道德、正一諸階演法垂文授受諸大祖師真人仙衆，雷霆諸司天將、法籙吏兵，飛天大聖無極神王妙行真人，靈妃玉女、十方三界、諸天地水諸大真人，一時會中、無量聖衆，悉伏真香，普同供養。

臣今奏爲某府某縣某處居，奉道臣某入意所伸凡悃，干冒天威，仰望洪慈，俯從丹禱。以今恭逢穀旦，式展芻忱，恭香花羅列以歸依，燈果廣陳而供養，恭望暫離帝闕，款駐凡筵。俯察精虔，鑒蘋蘩之報謝；洞矜懇切，副草芥之微誠。恭對天慈，宣揚懺法。

道場衆等人各運心 長跪禮懺

如法

具錄職臣某領錄奉大道弟子某等謹虔誠上啓，三清至真，玉皇尊帝，帝父母，至聖至真，三寶三界，一切真靈。

臣等恭聞七寶玄苑，玉皇殿宮，演今本行之因緣，言昔往時之勝事。國王淨德勅禱太子而未傳，皇后月光夢感道君而抱送，幼而敏慧，長而仁慈，捨國以付大臣，入山而修至道，證成玉帝，號曰金仙。大聖大慈，大悲大願，昔未曾有，嘆莫能窮。臣等下情無任懇祝讚揚之至，普與過往祖先、見存眷屬、塵寰品彙、長夜幽魂，傾倒虔恭，皈依敬禮，稱揚名號，著想尊容，如教奉行，依經祝願。

衆誦，玉誥曰：

太上彌羅無上天。妙有玄真境，渺渺紫金闕。太微玉清宮，無極無上聖。廓落發光明，寂寂浩無宗。玄範總十方，湛寂真常道。恢漠大神通，玉皇天尊玄穹高上帝。各一拜

臣等志心歸命禮，願舉六通力放大

光明，玉皇大天尊、玄穹高上帝。

臣等志心歸命禮，願分身十方諸大
天宮，玉皇大天尊、玄穹高上帝。

臣等志心歸命禮，願大光明殿昇光
明座，玉皇大天尊、玄穹高上帝。

臣等志心歸命禮，願演說清靜解脫
之道，玉皇大天尊、玄穹高上帝。

臣等志心歸命禮，願出大妙音普告
十方，玉皇大天尊、玄穹高上帝。

臣等志心歸命禮，願神通不動移接
天人，玉皇大天尊、玄穹高上帝。

臣等志心歸命禮，願拯救衆生令得
安樂，玉皇大天尊、玄穹高上帝。

臣等志心歸命禮，願廣行方便助國
救人，玉皇大天尊、玄穹高上帝。

臣等志心歸命禮，願啓諸道藏演說
靈章，玉皇大天尊、玄穹高上帝。

臣等志心歸命禮，願恢宣正化敷揚
神功，玉皇大天尊、玄穹高上帝。

臣等志心歸命禮，願教諸菩薩頓悟
大乘，玉皇大天尊、玄穹高上帝。

臣等志心歸命禮，願覆護衆生愛於
赤子，玉皇大天尊、玄穹高上帝。

臣等志心歸命禮，願爲度群生現玉
女身，玉皇大天尊、玄穹高上帝。

臣等志心歸命禮，願現希有相上照
諸天，玉皇大天尊、玄穹高上帝。

臣等志心歸命禮，願開化人天教道
無窮，玉皇大天尊、玄穹高上帝。

臣等志心歸命禮，願大慈大悲流煥
法輪，玉皇大天尊、玄穹高上帝。

臣等志心歸命禮，願多劫行化示大
神通，玉皇大天尊、玄穹高上帝。

臣等志心歸命禮，願應現隨方利濟
群生，玉皇大天尊、玄穹高上帝。

臣等志心歸命禮，願普垂教法開
悟，玉皇大天尊、玄穹高上帝。

臣等志心歸命禮，願慈念蒼生普放
神光，玉皇大天尊、玄穹高上帝。

臣等志心歸命禮，願生天立地開化
神明，玉皇大天尊、玄穹高上帝。

臣等志心歸命禮，願施鎮五嶽安國
康民，玉皇大天尊、玄穹高上帝。

臣等志心歸命禮，願惟願慈悲說利
益事，玉皇大天尊、玄穹高上帝。

臣等志心歸命禮，願無量度人拔生

死苦，玉皇大天尊、玄穹高上帝。

臣等志心歸命禮，願興方便意開利
益門，玉皇大天尊、玄穹高上帝。

臣等志心歸命禮，願宣玉匱科傳靈
寶法，玉皇大天尊、玄穹高上帝。

臣等志心歸命禮，願扶危拔苦利益
存亡，玉皇大天尊、玄穹高上帝。

臣等志心歸命禮，願上福諸天下消
毒害，玉皇大天尊、玄穹高上帝。

臣等志心歸命禮，願愍臣等故演斯
妙義，玉皇大天尊、玄穹高上帝。

臣等志心歸命禮，願遍傳十方覆護
受持，玉皇大天尊、玄穹高上帝。

臣等志心歸命禮，願保鎮國土拔度
生死，玉皇大天尊、玄穹高上帝。

臣等志心歸命禮，願生浩劫前運化
古今，玉皇大天尊、玄穹高上帝。

臣等志心歸命禮，願今說妙經愍念
有情，玉皇大天尊、玄穹高上帝。

臣等志心歸命禮，願保護天人四相
五衰，玉皇大天尊、玄穹高上帝。

臣等志心歸命禮，願破大地獄拔重
罪苦，玉皇大天尊、玄穹高上帝。

臣等志心歸命禮，願降暴惡魔護諸國土，玉皇大天尊、玄穹高上帝。

衆誦玉誥一遍畢，各一拜

臣等皈神皈身，皈命玉皇大天尊、玄穹高上帝，重念弟子某等曠劫受恩，累生蒙化，恨以愚迷之性格染成深重之愆，尤敢不悔。陳庸力精虔之懇請，以干原赦。仰遵教典以皈依，方祈斷障以除愆。惟冀消災而集福，隨心滿願，證聖成真。容陳懺法之宣行，首望真靈之降鑒。庶蒙哀憫，即遂原除。伏願世若瑠璃，九色瓊輪之輻輳；仙乘金碧，十絕羽蓋之飛揚。靈風奏樂以相和，寶花成蓋而徧覆。鸞嘯鳳唱，龍戲麟盤，普皆翔下於天端，時悉光臨於凡界。俾天人之悅慶，獲罪咎之蠲除。倘副所求，曷勝至願。臣與弟子某等志心稽首，禮謝无上至真三寶。

高上玉皇滿願寶懺卷之一

高上玉皇滿願寶懺卷之二

讚嘆

伏以齋戒事帝，冀肝鬻以潛通；馨香感神，仗氤氳而上達。恭運道香、德香、慧香、無爲香、清靜香、自然香、妙洞真香、超三界香、三境真香，滿瓊樓玉京，遍周天法界，普伸供養。

說經教主元始天尊、抱送玉帝道君天尊、流演聖教道德天尊、諸天化身玉皇大天尊玄穹高上帝，帝父光嚴妙樂國王，帝母寶月光皇后，清淨自然覺王如來高虛清明天主帝君。經筵啓問玉虛上帝，昊天上帝，五老上帝，三元三官大帝，北極四聖真君，南辰北斗、周天利曜、拱極群真，三世金仙大乘菩薩，十方至聖無量帝君，尋聲救苦真人，慈悲度厄真人，濟生度死真人，萬福護身真人，妙行真人，夜光玉女、靈妃玉女、一切元君，天真皇人一切大仙，三天扶教輔元大法天師真君，九天

開化司祿宏仁帝君，演正警化純陽孚佑帝君，清微教主紫虛保仙元君，靈寶、道德、正一、全真諸派演法垂文授道闡教宣科度人師尊、一切仙衆，雷霆諸司天將、法錄印令官君，十方飛天神王，五嶽真君，地水聖衆、城隍瘟火社令等神，三界四府萬靈、十方應感列聖。悉仗真香，普同供養。恭望天慈，俯垂降鑒。臣謹奏爲入意願冀感通，曲從所禱，以今恭逢穀旦，式展芻忱，香花羅列以皈依，燈果廣陳而供養，恭望暫離帝闕，款駐凡筵。俯察精虔，鑒蘋蘩之報謝；洞矜懇禱，副草芥之微誠。恭對皇靈，宣揚懺法。舉

道場衆等人各運心 長跪禮懺
如法

具錄職臣某領錄奉大道弟子某等謹謹虔誠上啓，三清至真，玉皇尊帝，帝父帝母，至聖至真，三寶三界，一切真靈。

臣等恭聞：紫金金闕，白玉玉京，應住妙有之境中，高處玄真之天上。功成道備，妙相卓冠於諸天；心廣體

胖，慈光遍燭於三界。大垂法語，直指迷途，位極無等無倫，帝尊至玄至妙。天人依仗，真聖宗師，大聖大慈，大悲大願。昔未曾有，嘆莫能窮。臣某等下情無任懇祝讚揚之至，普與過去祖先、見存眷屬、塵寰品彙、長夜幽魂，傾倒虔恭，皈依敬禮，稱揚名號，著想尊容，如教奉行，依經祝願。

衆誦，玉帝誥一遍，人各一拜

臣等志心歸命禮，願稽首讚嘆大神通光，玉皇大天尊、玄穹高上帝。

臣等志心歸命禮，願稽首讚嘆大慈悲光，玉皇大天尊、玄穹高上帝。

臣等志心歸命禮，願稽首讚嘆大喜捨光，玉皇大天尊、玄穹高上帝。

臣等志心歸命禮，願稽首讚嘆大忍辱光，玉皇大天尊、玄穹高上帝。

臣等志心歸命禮，願稽首讚嘆大平等光，玉皇大天尊、玄穹高上帝。

臣等志心歸命禮，願稽首讚嘆大柔和光，玉皇大天尊、玄穹高上帝。

臣等志心歸命禮，願稽首讚嘆大白在光，玉皇大天尊、玄穹高上帝。

臣等志心歸命禮，願稽首讚嘆大利益光，玉皇大天尊、玄穹高上帝。

臣等志心歸命禮，願稽首讚嘆大如意光，玉皇大天尊、玄穹高上帝。

臣等志心歸命禮，願稽首讚嘆大智慧光，玉皇大天尊、玄穹高上帝。

臣等志心歸命禮，願稽首讚嘆大吉祥光，玉皇大天尊、玄穹高上帝。

臣等志心歸命禮，願稽首讚嘆大解脫光，玉皇大天尊、玄穹高上帝。

臣等志心歸命禮，願稽首讚嘆大皈依光，玉皇大天尊、玄穹高上帝。

臣等志心歸命禮，願稽首讚嘆大功德光，玉皇大天尊、玄穹高上帝。

臣等志心歸命禮，願稽首讚嘆大圓滿光，玉皇大天尊、玄穹高上帝。

臣等志心歸命禮，願稽首讚嘆大無礙光，玉皇大天尊、玄穹高上帝。

臣等志心歸命禮，願稽首讚嘆無能勝光，玉皇大天尊、玄穹高上帝。

臣等志心歸命禮，願稽首讚嘆穹蒼真老，玉皇大天尊、玄穹高上帝。

臣等志心歸命禮，願稽首讚嘆妙圓

清靜，玉皇大天尊、玄穹高上帝。

臣等志心歸命禮，願稽首讚嘆智慧辯才，玉皇大天尊、玄穹高上帝。

臣等志心歸命禮，願稽首讚嘆至道至尊，玉皇大天尊、玄穹高上帝。

臣等志心歸命禮，願稽首讚嘆三界師混元祖，玉皇大天尊、玄穹高上帝。

臣等志心歸命禮，願稽首讚嘆無能勝主，玉皇大天尊、玄穹高上帝。

臣等志心歸命禮，願稽首讚嘆四生慈父，玉皇大天尊、玄穹高上帝。

臣等志心歸命禮，願稽首讚嘆高天上聖，玉皇大天尊、玄穹高上帝。

臣等志心歸命禮，願稽首讚嘆大慈仁者，玉皇大天尊、玄穹高上帝。

臣等志心歸命禮，願稽首讚嘆金闕玄穹主，玉皇大天尊、玄穹高上帝。

臣等志心歸命禮，願稽首讚嘆高上玉皇尊，玉皇大天尊、玄穹高上帝。

臣等志心歸命禮，願稽首讚嘆妙相冠諸天，玉皇大天尊、玄穹高上帝。

臣等志心歸命禮，願稽首讚嘆慈光燭三界，玉皇大天尊、玄穹高上帝。

臣等志心歸命禮，願稽首讚嘆真聖妙道師，玉皇大天尊、玄穹高上帝。

臣等志心歸命禮，願稽首讚嘆天人依仗師，玉皇大天尊、玄穹高上帝。

臣等志心歸命禮，願稽首讚嘆大乘垂法語，玉皇大天尊、玄穹高上帝。

臣等志心歸命禮，願稽首讚嘆真一指迷途，玉皇大天尊、玄穹高上帝。

臣等志心歸命禮，願稽首讚嘆功德若虛空，玉皇大天尊、玄穹高上帝。

臣等志心歸命禮，願稽首讚嘆稱揚無窮盡，玉皇大天尊、玄穹高上帝。

衆誦，玉誥一遍，各一拜

臣等志心皈神，皈身皈命，玉皇大天尊、玄穹高上帝。重念弟子某等稽首慈顏，傾心妙法。當盡凡誠而有感，固思聖德以無窮。稱十七光，句句仰朝於上帝；禮一十號，聲聲皈命於天尊。雖能異口而莫知，豈可同音而得見。極而曰道，大則爲天，庶隨典教以修行，爰按經言而讚述。妙知妙見，無等無倫。伏願身讚十名，滿籍之罪名即落；口宣一善，在心之衆善皆生。今

日咸仰於玄功，法筵普叨於道蔭，仁愛和遜，智慧辯才。隨而增長以從心，漸可圓成而滿願。利益十方三界，拯提六道四生。與諸有情，成無上道。臣等志心稽首，禮謝无上至真三寶。

高上玉皇滿願寶懺卷之二

高上玉皇滿願寶懺卷之三

皈依

伏以齋戒事帝，冀胎蠻以潛通；馨香感神，仗氤氳而上達。臣等恭運道香、德香、慧香、無爲香、清淨香、自然香、妙洞真香、超三界香、三境真香，滿瓊樓玉京，遍周天法界，普伸供養。

說經教主元始天尊、抱送玉帝道君天尊、流演聖教道德天尊、諸天化身玉皇大天尊玄穹高上帝，帝父光嚴妙樂國王，帝母寶月光皇后，清靜自然覺王如來高虛清明天主帝君。經筵啓問玉虛上帝，昊天上帝、五老上帝，慈悲度厄真人，尋聲救苦真人，濟生度死真人，萬福護身真人，妙行真人，夜光玉女、靈妃玉女、一切元君，三世金仙大乘菩薩，十方至聖無量帝君，三元三官大帝，北極四聖真君，南辰北斗、周天列曜、拱極群真，天真皇人一切大仙，三天扶教輔元大法天師真君，九天開

化司祿宏仁帝君，演正警化純陽孚佑帝君，清微教主紫虛保仙元君，靈寶、道德、正一、全真諸派演法垂文傳道授業闡教度人一切道德師尊仙衆，雷霆諸司天將、法籙印令官君，十方飛天神王、天丁力士、諸仙兵馬，五嶽真君，地水聖衆、城隍瘟火社令等神，三界萬靈，十方真宰。法筵應感，一切真仙。悉仗真香，普同供養，恭望洪慈，俯垂降鑒。臣謹奏爲入意願冀感通，曲從所禱。以今恭逢穀旦，式展芻忱，香花羅列以皈依，燈果廣陳而供養。恭望暫離帝闕，款駐凡筵。俯察精虔，鑒蘋蘩之報謝；洞矜懇禱，副草芥之微忱。仰對元慈，宣揚懺法。舉

道場衆等人各運心 長跪禮懺

如法

具錄職臣某領錄奉大道弟子某等謹謹虔誠再拜，上奏三清至真，玉皇尊帝，帝父帝母，至聖至真，三寶三界，一切真靈。

臣等恭聞：清微天上，太玄玉都，知時至舉六神通，分法身徧十方界。

無邊明鏡，照諸影會於天尊；廣大妙音，告十方諦於罪輩。巍巍無上，蕩蕩難名，明茲本行勝因，表以放光瑞相。大威德聖光明王尊，大聖大慈，大悲大願，昔未曾有，嘆莫能窮。臣某等下情無任懇祝讚揚之至，普與過往祖先、見存眷屬、塵寰品彙、長夜幽魂，傾倒虔恭，皈依敬禮，稱揚名號，著想尊容，如教奉行，依經祝願。

衆誦，玉帝誥一遍，人各一拜

臣等志心歸命禮，願皆得往生仰朝玉帝。玉皇大天尊、玄穹高上帝。

臣等志心歸命禮，願普皆來集天尊會前，玉皇大天尊、玄穹高上帝。

臣等志心歸命禮，願稽首瞻仰玉帝化身，玉皇大天尊、玄穹高上帝。

臣等志心歸命禮，願得睹天尊勝會道場，玉皇大天尊、玄穹高上帝。

臣等志心歸命禮，願踴躍歡喜一時作禮，玉皇大天尊、玄穹高上帝。

臣等志心歸命禮，願依諸科教懸諸旛蓋，玉皇大天尊、玄穹高上帝。

臣等志心歸命禮，願清靜嚴潔廣陳

供養，玉皇大天尊、玄穹高上帝。
臣等志心歸命禮，願六時行道徧禱真聖，玉皇大天尊、玄穹高上帝。

臣等志心歸命禮，願異口同聲嘆未曾有，玉皇大天尊、玄穹高上帝。

臣等志心歸命禮，願仰侍御前親奉供養，玉皇大天尊、玄穹高上帝。

臣等志心歸命禮，願奉戒專一冥心大道，玉皇大天尊、玄穹高上帝。

臣等志心歸命禮，願千萬劫中尊奉玉帝，玉皇大天尊、玄穹高上帝。

臣等志心歸命禮，願修奉經典如近是帝，玉皇大天尊、玄穹高上帝。

臣等志心歸命禮，願生尊重心著想尊容，玉皇大天尊、玄穹高上帝。

臣等志心歸命禮，願稱揚名號得睹慈顏，玉皇大天尊、玄穹高上帝。

臣等志心歸命禮，願聞已歡喜歎未曾有，玉皇大天尊、玄穹高上帝。

臣等志心歸命禮，願安置道場旛花供養，玉皇大天尊、玄穹高上帝。

臣等志心歸命禮，願起大悲心念帝尊號，玉皇大天尊、玄穹高上帝。

臣等志心歸命禮，願造作長旛書帝名號，玉皇大天尊、玄穹高上帝。

臣等志心歸命禮，願書帝名號有聲物上，玉皇大天尊、玄穹高上帝。

臣等志心歸命禮，願心生歡喜不勝踴躍，玉皇大天尊、玄穹高上帝。

臣等志心歸命禮，願瞻仰慈顏稽首讚嘆，玉皇大天尊、玄穹高上帝。

臣等志心歸命禮，願從座而起長跪帝前，玉皇大天尊、玄穹高上帝。

臣等志心歸命禮，願衆真稽首俱發聲言，玉皇大天尊、玄穹高上帝。

臣等志心歸命禮，願尊重景慕是此經典，玉皇大天尊、玄穹高上帝。

臣等志心歸命禮，願衆真班列咸聽帝言，玉皇大天尊、玄穹高上帝。

臣等志心歸命禮，願聞是帝名稽首恭敬，玉皇大天尊、玄穹高上帝。

臣等志心歸命禮，願持念此經受持帝名，玉皇大天尊、玄穹高上帝。

臣等志心歸命禮，願世間衆生得遇是經，玉皇大天尊、玄穹高上帝。

臣等志心歸命禮，願捨除妄想受持

是經，玉皇大天尊、玄穹高上帝。

臣等志心歸命禮，願宿有仙骨得遇斯文，玉皇大天尊、玄穹高上帝。

臣等志心歸命禮，願着新淨衣結壇誦經，玉皇大天尊、玄穹高上帝。

臣等志心歸命禮，願擇清淨處畫帝尊像，玉皇大天尊、玄穹高上帝。

臣等志心歸命禮，願日夜虔虔晨昏濟濟，玉皇大天尊、玄穹高上帝。

臣等志心歸命禮，願尊重供養稱名瞻禮，玉皇大天尊、玄穹高上帝。

臣等志心歸命禮，願稽首皈依奉辭而退，玉皇大天尊、玄穹高上帝。

衆諱

大哉至道，無宗上真。上度諸天，

下濟幽魂。上無師祖，惟道爲身。丹臺紫府，金闕玉京。祕此妙法，溥福含

靈。滅我萬罪，增我遐齡。萬神朝禮，魔王保迎。功德昌盛，黃籙書名。渺渺億劫，使我長存。

臣等志心皈神、皈身皈命，玉皇大天尊、玄穹高上帝。重念臣弟子某等百

拜朝天，五體投地，既極讚揚之福力，

復伸禳謝之凡忱。宿罪愆深，仰賴皈依於上聖帝，功德大能，令救度於衆生，當如典教以宣揚，姑摭經言而祝願。一朝一禮，同德同心，再三望帝以垂憐專一，露香而嘆述，容伸丹懇，俯念蒼生。伏願閉目靜思持經，捨除於妄想；存心默念稱號，得睹於慈顏。仰朝盡得以延生，踴躍普同而來集。有求皆應，無願不從。悉令懇禱之昭通，尚賴始終之護佑。保昌運於萬紀，得威鎮於四夷。道果圓成，善芽增長。臣某與弟子某等志心稽首，禮謝无上虛皇至真三寶。

高上玉皇滿願寶懺卷之三

高上玉皇滿願寶懺卷之四

除罪

伏以齋戒事帝，冀肝蠻以潛通；馨香感神，仗氤氳而上達。臣等恭運道香、德香、慧香、無爲香、清靜香、自然香、妙洞真香、超三界香、三境真香，滿瓊樓玉京，遍周天法界，普伸供養。

說經教主元始天尊、抱送玉帝道君天尊、流演聖教道德天尊、諸天化身玉皇大天尊玄穹高上帝，帝父光嚴妙樂國王，帝母寶月光皇后，清靜自然覺王如來高虛清明天主帝君。經筵啓問玉虛上帝，昊天上帝，五老上帝，慈悲度厄真人，尋聲救苦真人，濟生度死真人，萬福護身真人，妙行真人，夜光玉女、靈妃玉女、一切元君，三世金仙大乘菩薩，十方至聖無量帝君，三元三官大帝，北極四聖真君，南辰北斗、周天列曜、拱極群真自然大仙天真皇人，三天扶教輔元大法天師真君，九天開化

司祿宏仁帝君，演正警化純陽孚佑帝君，洞玄惠世玉蟾白真人，清微啓教紫虛保仙元君，靈寶、道德、正一、全真諸派演法垂文傳道授業闡教度人一切道德師尊仙衆，雷霆諸司天將、法錄印令官君，十方飛天神王、天丁力士、諸仙兵馬，五嶽真君，地水聖衆、城隍瘟火等神，功曹符使，里域靈官，三界萬靈、十方真宰。法筵應感，一切真仙。悉仗真香，普同供養。恭望天慈，俯垂降鑒。臣謹奏爲入意願冀感通，曲從所禱。

以今恭逢穀旦，式展芻忱，香花羅列以皈依，燈果廣陳而供養。恭望暫離帝闕，款駐凡筵。俯察精虔，鑒蘋蘩之報謝；洞矜懇禱，副草芥之微忱。仰對元慈，宣揚懺法。舉

道場衆等人各運心 長跪禮懺

如法

具錄職臣某領錄奉大道弟子某等謹謹虔誠再拜，上奏三清上聖，玉皇至尊，帝父帝母，至聖至真，三寶三界，一切真靈。

臣等恭聞：光嚴國內妙樂土中，聖

母凝夢於虛無，道君授子於恍惚。慈愛和遜，弗貪萬乘之尊榮；忍辱仁柔，不憚億劫之修累。十號圓滿，萬德周身，爲天主之至尊，證如來之大覺。功高無比，德重難逾，大聖大慈，大悲大願，昔未曾有，嘆莫能窮。臣等下情無任懇祝讚揚之至，普與過往祖先、見存眷屬、塵寰品彙、長夜幽魂，傾倒虔恭，皈依敬禮，稱揚名號，著想尊容，如教奉行，依經祝願。

衆誦，玉帝誥曰

太上彌羅無上天。妙有玄真境，渺渺紫金闕。太微玉清宮，無極無上聖。廓落發光明，寂寂浩无宗。玄範總十方，湛寂真常道。恢漠大神通，玉皇大天尊、玄穹高上帝。人各一拜

臣等志心歸命禮，願各各明了罪福因緣，玉皇大天尊、玄穹高上帝。

臣等志心歸命禮，願永滅惡心信向是經，玉皇大天尊、玄穹高上帝。

臣等志心歸命禮，願遇無邊聖累承救拔，玉皇大天尊、玄穹高上帝。

臣等志心歸命禮，願是諸惡業悉令

消滅，玉皇大天尊、玄穹高上帝。

臣等志心歸命禮，願五逆十惡罪消滅，玉皇大天尊、玄穹高上帝。

臣等志心歸命禮，願一切惡業罪消滅，玉皇大天尊、玄穹高上帝。

臣等志心歸命禮，願塵沙惡業罪消滅，玉皇大天尊、玄穹高上帝。

臣等志心歸命禮，願曠劫以來罪消滅，玉皇大天尊、玄穹高上帝。

臣等志心歸命禮，願縱無明性罪消滅，玉皇大天尊、玄穹高上帝。

臣等志心歸命禮，願造十惡業罪消滅，玉皇大天尊、玄穹高上帝。

臣等志心歸命禮，願六塵徧染罪消滅，玉皇大天尊、玄穹高上帝。

臣等志心歸命禮，願三業縈纏罪消滅，玉皇大天尊、玄穹高上帝。

臣等志心歸命禮，願肆意任心罪消滅，玉皇大天尊、玄穹高上帝。

臣等志心歸命禮，願曾無覺悟罪消滅，玉皇大天尊、玄穹高上帝。

臣等志心歸命禮，願日積月深罪消滅，玉皇大天尊、玄穹高上帝。

臣等志心歸命禮，願背道違真罪消滅，玉皇大天尊、玄穹高上帝。

臣等志心歸命禮，願舉心運念罪消滅，玉皇大天尊、玄穹高上帝。

臣等志心歸命禮，願順邪棄正罪消滅，玉皇大天尊、玄穹高上帝。

臣等志心歸命禮，願不孝父母罪消滅，玉皇大天尊、玄穹高上帝。

臣等志心歸命禮，願不敬三寶罪消滅，玉皇大天尊、玄穹高上帝。

臣等志心歸命禮，願殺生偷盜罪消滅，玉皇大天尊、玄穹高上帝。

臣等志心歸命禮，願邪姪妄語罪消滅，玉皇大天尊、玄穹高上帝。

臣等志心歸命禮，願剛強暴惡罪消滅，玉皇大天尊、玄穹高上帝。

臣等志心歸命禮，願無恭敬心罪消滅，玉皇大天尊、玄穹高上帝。

臣等志心歸命禮，願出誹謗語罪消滅，玉皇大天尊、玄穹高上帝。

臣等志心歸命禮，願偏眼邪視罪消滅，玉皇大天尊、玄穹高上帝。

臣等志心歸命禮，願不生敬仰罪消滅，玉皇大天尊、玄穹高上帝。

滅，玉皇大天尊、玄穹高上帝。

臣等志心歸命禮，願穢手污觸罪消滅，玉皇大天尊、玄穹高上帝。

臣等志心歸命禮，願葷口讀誦罪消滅，玉皇大天尊、玄穹高上帝。

臣等志心歸命禮，願牀榻不淨罪消滅，玉皇大天尊、玄穹高上帝。

臣等志心歸命禮，願講習俗語罪消滅，玉皇大天尊、玄穹高上帝。

臣等志心歸命禮，願共同戲笑罪消滅，玉皇大天尊、玄穹高上帝。

臣等志心歸命禮，願一切地獄罪消滅，玉皇大天尊、玄穹高上帝。

臣等志心歸命禮，願一切畜生罪消滅，玉皇大天尊、玄穹高上帝。

臣等志心歸命禮，願一切邊夷罪消滅，玉皇大天尊、玄穹高上帝。

臣等志心歸命禮，願一切外道罪消滅，玉皇大天尊、玄穹高上帝。

衆誦，玉帝誥，一遍

臣等志心皈神，皈身皈命玉皇大天尊、玄穹高上帝。重念臣某弟子某等背道違真，從生入死，蓋集過尤之積累，

端由踐履之乖非。無量無邊，萬日千條之罪障；難思難憶，多生歷劫之愆尤。豈敢不藏於悔心，是故當收於縱性。投哀引領，望聖矜憐，悉皆首露以力陳，再不覆藏而自隱。特垂原赦，庶沐慈悲。伏願三業七情，盡逐稱揚而洗滌；十惡五逆，並隨跪拜以懺穢。長爲無過之後人，更盡未來之末世。離凡睹聖，與道合真。福被於六道三途，惠及於九玄七祖。悉仗玉光之力，舉消塵俗之愆。寡悔寡尤，盡善盡美。臣等志心稽首，禮謝无上虚皇正真三寶。

高上玉皇滿願寶懺卷之四

高上玉皇滿願寶懺卷之五

斷障

伏以齋戒事帝，冀肸鬻以潛通；馨香感神，仗氤氳而上達。臣等恭運道香、德香、慧香、無爲香、清淨香、自然香、妙洞真香、超三界香、三境真香，滿瓊樓玉京，遍周天法界，普伸供養。

說經教主元始天尊、抱送玉帝道君天尊、流演聖教道德天尊、諸天化身玉皇大天尊玄穹高上帝、帝父光嚴妙樂國王、帝母寶月光皇后、清淨自然覺王如來高虚清明天主帝君。經筵啓問玉虚上帝，昊天上帝，五老上帝，慈悲度厄真人，尋聲救苦真人，濟生度死真人，萬福護身真人，妙行真人，夜光玉女、靈妃玉女、一切元君，三世金仙大乘菩薩，十方至聖無量帝君，三元三官大帝，北極四聖真君，南辰北斗、周天列曜、拱極群真自然大仙天真皇人，三天扶教輔元大法天師真君，九天開化

司祿宏仁帝君，演正警化純陽孚佑帝君，洞玄惠世玉蟾白真人，清微啓教紫虚保仙元君，靈寶、道德、正一、全真諸派演法垂文傳道授業闡教度人一切道德師尊仙衆，雷霆諸司天將、法籙印令官君，十方飛天神王、天丁力士、諸仙兵馬，五嶽真君，地水聖衆、城隍瘟火等神，功曹符使，里域靈官，三界萬靈，十方真宰。法筵應感，一切真仙。悉仗真香，普同供養。恭望天慈，俯垂降鑒。臣謹奏爲入意願冀感通，曲從所禱。以今恭逢穀旦，式展芻忱。香花羅列以皈依，燈果廣陳而供養。恭望暫離帝闕，款駐凡筵。俯察精虔，鑒蘋蘩之報謝；洞矜懇禱，副草芥之微誠。仰對元慈，宣揚懺法。舉

道場衆等人各運心 長跪禮懺
如法

具錄職臣某領錄奉大道弟子某等謹
謹虔誠再拜，上奏三清上聖，玉皇至尊，帝父帝母，至聖至真，三寶三界，一切真靈。

臣等恭聞：尊居帝位，高處天宮，

分身普現於十方，說法遍及於一切。定而能應，去來自在，以無拘合而可分，變化圓通而莫測，興方便意，開利益門。濟沉迷之苦徒，演清淨之妙道。非識可識，自然而然，大聖大慈，大悲大願，昔未曾有，嘆莫能窮。臣等下情無任懇祝讚揚之至，普與過往祖先、見存眷屬、塵寰品彙、長夜幽魂，傾倒虔恭，皈依敬禮，稱揚名號，著想尊容，如教奉行，依經祝願。

衆誦

太上彌羅無上天。妙有玄真境，渺渺紫金闕。太微玉清宮，無極無上聖。廓落發光明，寂寂浩無宗。玄範總十方，湛寂真常道。恢漠大神通，玉皇大天尊、玄穹高上帝。人各一拜

臣等志心歸命禮，願無起疑惑無起貪嗔，玉皇大天尊、玄穹高上帝。

臣等志心歸命禮，願無起姪慾無起嫉妬，玉皇大天尊、玄穹高上帝。

臣等志心歸命禮，願無起殺害無起凡情，玉皇大天尊、玄穹高上帝。

臣等志心歸命禮，願無起凡思無起

貪妬，玉皇大天尊、玄穹高上帝。

臣等志心歸命禮，願無起聲色無起是非，玉皇大天尊、玄穹高上帝。

臣等志心歸命禮，願無起憎愛無起分別，玉皇大天尊、玄穹高上帝。

臣等志心歸命禮，願無起高慢無起執着，玉皇大天尊、玄穹高上帝。

臣等志心歸命禮，願凝神澄慮萬神調伏，玉皇大天尊、玄穹高上帝。

臣等志心歸命禮，願心若太虛內外貞白，玉皇大天尊、玄穹高上帝。

臣等志心歸命禮，願無所不容無所不納，玉皇大天尊、玄穹高上帝。

臣等志心歸命禮，願無令外邪亂其至道，玉皇大天尊、玄穹高上帝。

臣等志心歸命禮，願真宗不失靈根不敗，玉皇大天尊、玄穹高上帝。

臣等志心歸命禮，願不墮凡流不入俗網，玉皇大天尊、玄穹高上帝。

臣等志心歸命禮，願萬魔不攻得聞妙法，玉皇大天尊、玄穹高上帝。

臣等志心歸命禮，願善護真宗無令喪失，玉皇大天尊、玄穹高上帝。

臣等志心歸命禮，願身得清淨超度諸難，玉皇大天尊、玄穹高上帝。

臣等志心歸命禮，願得遇斯文承斯緣故，玉皇大天尊、玄穹高上帝。

臣等志心歸命禮，願捨出結習煩惱行業，玉皇大天尊、玄穹高上帝。

臣等志心歸命禮，願故當依科閉心奉行，玉皇大天尊、玄穹高上帝。

臣等志心歸命禮，願咸蒙護度普聞妙法，玉皇大天尊、玄穹高上帝。

臣等志心歸命禮，願親奉供養永無流轉，玉皇大天尊、玄穹高上帝。

臣等志心歸命禮，願惡根斷絕玄都記名，玉皇大天尊、玄穹高上帝。

臣等志心歸命禮，願依此奉行不生邪念，玉皇大天尊、玄穹高上帝。

臣等志心歸命禮，願諸念不生萬緣頓息，玉皇大天尊、玄穹高上帝。

臣等志心歸命禮，願無量劫中修諸妙行，玉皇大天尊、玄穹高上帝。

臣等志心歸命禮，願具解脫門同清淨信，玉皇大天尊、玄穹高上帝。

臣等志心歸命禮，願同清淨解同清

淨念，玉皇大天尊、玄穹高上帝

臣等志心歸命禮，願同清淨行同清淨身，玉皇大天尊、玄穹高上帝

臣等志心歸命禮，願同清淨心同清淨意，玉皇大天尊、玄穹高上帝

臣等志心歸命禮，願同清淨果同清淨報，玉皇大天尊、玄穹高上帝

臣等志心歸命禮，願同大慈心同大悲心，玉皇大天尊、玄穹高上帝

臣等志心歸命禮，願奉戒專一冥心大道，玉皇大天尊、玄穹高上帝

臣等志心歸命禮，願一切衆生孝養父母，玉皇大天尊、玄穹高上帝

臣等志心歸命禮，願恭敬三寶竭忠於君，玉皇大天尊、玄穹高上帝

臣等志心歸命禮，願不殺不盜不姪不妬，玉皇大天尊、玄穹高上帝

臣等志心歸命禮，願不嗔不恨不憍不詐，玉皇大天尊、玄穹高上帝。

衆誦，玉帝誥，一遍

臣等志心皈神、皈身皈命，三清至真，玉皇尊帝，帝父帝母，至聖至真，三寶三界，一切真靈。重念臣某弟子某等，

礙緣不除，魔障未斷。奈何凡人之愚蔽，豈按妙法以能修容。乃外邪敗靈根，而盜至寶亂其妙道，入俗網以墮凡流。安能澄慮以凝神，未免緣情而逐境。一真遂喪，萬魔來攻，惟仰元尊之垂慈，當宣斷障之妙法。爰伸懇告，按典懺陳。伏願拂拭諸塵，瑩徹心珠而晃朗；掃開浮翳，頓使慧日以光明。錫智慧劍而削愆，除煩惱障而錄善。凡身清淨，道果圓諧。福沾幽顯之兩途，慧燭圓明之一性。陰霾去而日朗，浮雲散而天明。長獲逍遙，永無流轉。臣等志心稽首，禮謝无上虚皇至真三寶。

高上玉皇滿願寶懺卷之五

高上玉皇滿願寶懺卷之六

消災

伏以齋戒事帝，冀肸鬻以潛通；馨香感神，仗氤氳而上達。臣等恭運道香、德香、慧香、無爲香、清淨香、自然香、妙洞真香、超三界香、三境真香，滿瓊樓玉京，遍周天法界，普伸供養。

說經教主元始天尊、抱送玉帝靈寶天尊、流演聖教降生天尊、諸天化身玉皇大天尊、玄穹高上帝，帝父光嚴妙樂國王，帝母寶月光皇后，清淨自然覺王如來高虚清明天主帝君。經筵啓問玉虚上帝，昊天上帝，五老上帝，慈悲度厄真人，尋聲救苦真人，濟生度死真人，萬福護身真人，妙行真人，夜光玉女、靈妃玉女、一切元君，三世金仙大乘菩薩，十方至聖無量帝君，三元三官大帝，北極四聖真君，南辰北斗、周天列曜、拱極群真自然大仙天真皇人，三天扶教輔元大法天師真君，九天開化

司祿宏仁帝君，演教警化純陽孚佑帝君，洞玄惠世玉蟾白真人，清微啓教紫虛保仙元君，靈寶、道德、正一、全真諸派演法垂文傳道授業闡教度人一切道德師尊仙衆，雷霆諸司天將、法籙印令官君，十方飛天神王、天丁力士、諸仙兵馬，五嶽真君，地水聖衆、城隍瘟火等神，功曹符使，里域靈官，三界萬靈，十方真宰。法筵應感，一切真仙。悉仗真香，普同供養，恭望天慈，俯垂降鑒。臣謹奏爲入意願冀感通，曲從所禱。

以今恭逢穀旦，式展芻忱。香花羅列以皈依，燈果廣陳而供養。恭望暫離帝闕，款駐凡筵。俯察精虔，鑒蘋蘩之報謝；洞矜懇禱，副草芥之微誠。仰對元慈，宣揚懺法。舉

道場衆等人各運心 長跪禮懺如法

具籙職臣某領錄奉大道弟子某等謹謹虔誠，奏啓三清上聖，玉皇至尊，帝父帝母，至聖至真，三寶三界，一切真靈。

臣等恭聞：昔爲王嗣，苦建玄功，

拯度億萬之生靈，修行三千之餘劫。諒由聖體，故茲胎臍之胚暉；雖以法身，正本道原而變化。無比第一，名最上乘，玄理極而幽深，帝功德而重大。不壞不滅，杳亡杳存，大聖大慈，大悲大願，昔未曾有，嘆莫能窮。臣等下情無任懇祝讚揚之至，普與過往祖先、見存眷屬、塵寰品彙、長夜幽魂，傾倒虔恭，皈依敬禮，稱揚名號，著想尊容，如教奉行，依經祝願。

衆諱

太上彌羅無上天。妙有玄真境，渺渺紫金闕。太微玉清宮，無極无上聖。廓落發光明，寂寂浩無宗。玄範總十方，湛寂真常道。恢漠大神通，玉皇大天尊、玄穹高上帝。人各一拜

臣等志心歸命禮，願苦惱全平普蒙解脫，玉皇大天尊、玄穹高上帝。

臣等志心歸命禮，願山神衛護猛獸自退，玉皇大天尊、玄穹高上帝。

臣等志心歸命禮，願風浪頓止安穩達岸，玉皇大天尊、玄穹高上帝。

臣等志心歸命禮，願是諸惡賊悉自

退散，玉皇大天尊、玄穹高上帝。

臣等志心歸命禮，願冤枉自伸枷鎖解脫，玉皇大天尊、玄穹高上帝。

臣等志心歸命禮，願衆邪遠避所苦除愈，玉皇大天尊、玄穹高上帝。

臣等志心歸命禮，願魔鬼殄除精靈伏藏，玉皇大天尊、玄穹高上帝。

臣等志心歸命禮，願一切灾殃不能侵近，玉皇大天尊、玄穹高上帝。

臣等志心歸命禮，願一切重病便得痊愈，玉皇大天尊、玄穹高上帝。

臣等志心歸命禮，願諸惡鬼神盡自消滅，玉皇大天尊、玄穹高上帝。

臣等志心歸命禮，願至度道岸無使灾侵，玉皇大天尊、玄穹高上帝。

臣等志心歸命禮，願保命度灾掃諸不祥，玉皇大天尊、玄穹高上帝。

臣等志心歸命禮，願一切灾魔自然殄滅，玉皇大天尊、玄穹高上帝。

臣等志心歸命禮，願消呪詛蠱毒之灾，玉皇大天尊、玄穹高上帝。

臣等志心歸命禮，願消兵戈並起之灾，玉皇大天尊、玄穹高上帝。

臣等志心歸命禮，願消疫氣大行之灾，玉皇大天尊、玄穹高上帝。

臣等志心歸命禮，願消水旱蟲蝗之灾，玉皇大天尊、玄穹高上帝。

臣等志心歸命禮，願消凶歲饑饉之灾，玉皇大天尊、玄穹高上帝。

臣等志心歸命禮，願消貧窮困苦之灾，玉皇大天尊、玄穹高上帝。

臣等志心歸命禮，願消種種惡病之灾，玉皇大天尊、玄穹高上帝。

臣等志心歸命禮，願消疥癩癰疽之灾，玉皇大天尊、玄穹高上帝。

臣等志心歸命禮，願消憂悲苦惱之灾，玉皇大天尊、玄穹高上帝。

臣等志心歸命禮，願消日夜相煎之灾，玉皇大天尊、玄穹高上帝。

臣等志心歸命禮，願消橫惡所加之灾，玉皇大天尊、玄穹高上帝。

臣等志心歸命禮，願消牢獄繫鎖之灾，玉皇大天尊、玄穹高上帝。

臣等志心歸命禮，願消非分自害之灾，玉皇大天尊、玄穹高上帝。

臣等志心歸命禮，願消誤食毒藥之灾，玉皇大天尊、玄穹高上帝。

灾，玉皇大天尊、玄穹高上帝。

臣等志心歸命禮，願消虎狼毒蛇之灾，玉皇大天尊、玄穹高上帝。

臣等志心歸命禮，願消冤家讎對之灾，玉皇大天尊、玄穹高上帝。

臣等志心歸命禮，願消值遇惡人之灾，玉皇大天尊、玄穹高上帝。

臣等志心歸命禮，願消被他屠割之灾，玉皇大天尊、玄穹高上帝。

臣等志心歸命禮，願消推落崖岸之灾，玉皇大天尊、玄穹高上帝。

臣等志心歸命禮，願消邪精殘害之灾，玉皇大天尊、玄穹高上帝。

臣等志心歸命禮，願消水火漂焚之灾，玉皇大天尊、玄穹高上帝。

臣等志心歸命禮，願消刀兵橫誅之灾，玉皇大天尊、玄穹高上帝。

臣等志心歸命禮，願消橫喪天年之灾，玉皇大天尊、玄穹高上帝。

衆誦，玉帝誥，一遍

臣等志心皈神、皈身皈命，玉皇大天尊、玄穹高上帝。重念臣某弟子某等有體有形，無能無善，劫劫難逃乎厄

難，生生豈免乎灾愆。各受凡軀，未免管星而隨運；矧爲人類，不能離數而超緣。天地亦有於否終，日月尚聞於薄蝕。三灾八難，九厄十纏，鍾人而人不能安，移歲而歲不能稔。既遵典教，已罄懺禳。伏願悉獲消除，退嚴星而平舛運；咸蒙護度，回定數而解前緣。洪灾散於萬殊，厄會消於一己。餘殃以殄，劫運可逃，至道岸無使灾侵，處塵寰動與吉會。並與同居諸眷，更爲在世群生。命泰身安，日昌月富。臣等志心稽首，禮謝无上虚皇至真三寶。

高上玉皇滿願實懺卷之六

高上玉皇滿願寶懺卷之七

集福

伏以齋戒事帝，冀胥蠶以潛通；馨香感神，仗氤氳而上達。臣等恭運道香、德香、慧香、無爲香、清淨香、自然香、妙洞真香、超三界香、三境真香，滿瓊樓玉京，遍周天法界，普伸供養。

說經教主元始天尊、抱送玉帝靈寶天尊、流演聖教道德天尊、諸天化身玉皇大天尊玄穹高上帝、帝父光嚴妙樂國王、帝母寶月光皇后、清淨自然覺王如來高虛清明天主帝君。經筵啓問玉虛上帝，昊天上帝，五老上帝，慈悲度厄真人，尋聲救苦真人，濟生度死真人，萬福護身真人，妙行真人，夜光玉女、靈妃玉女、一切元君，三世金仙大乘菩薩，十方至聖無量帝君，三元三官大帝，北極四聖真君，南辰北斗、周天列曜、拱極群真自然大仙天真皇人，三天扶教輔元大法天師真君，九天開化

司祿宏仁帝君，演教警化純陽孚佑帝君，洞玄惠世玉蟾白真人，清微啓教紫虛保仙元君，靈寶、道德、正一、全真諸派演法垂文傳道授業闡教度人一切道德師尊仙衆，雷霆諸司天將、法籙印令官君，十方飛天神王、天丁力士、諸仙兵馬，五嶽真君，地水聖衆、城隍瘟火等神，功曹符使，里域靈官，三界萬靈，十方真宰。法筵應感，一切真仙。悉仗真香，普同供養。恭望天慈，俯垂降鑒。臣謹奏爲入意願冀感通，曲從所禱。

以今恭逢穀旦，式展芻忱，香花羅列以皈依，燈果廣陳而供養。恭望暫離帝闕，款駐凡筵。俯察精虔，鑒蘋蘩之報謝；洞矜懇禱，副草芥之微誠。仰對元慈，宣揚懺法。舉

道場衆等人各運心 長跪禮懺
如法

具錄職臣某領錄奉大道弟子某謹謹虔誠再拜，奏啓三清上聖，玉皇至尊，帝父皇母，至聖至真，三寶三界，一切真靈。

臣等恭聞：尊居無上北極真空。

是身，清淨之道身；本行，難行之苦行。濟幽拯顯，宣正化而揚神功；助國救人，施財寶而捨血肉。啓諸道藏，演說靈章，教菩薩之大乘，悟金仙之妙道。爲慈悲父，誠大丈夫，大聖大慈，大悲大願，昔未曾有，嘆莫能窮。臣等下情無任懇祝讚揚之至，普與過往祖先、見存眷屬、塵寰品彙、長夜幽魂，傾倒虔恭，皈依敬禮，稱揚名號，著想尊容，如教奉行，依經祝願。

衆誦

太上彌羅無上天。妙有玄真境，渺渺紫金闕。太微玉清宮，無極无上聖。廓落發光明，寂寂浩無宗。玄範總十方，湛寂真常道。恢漠大神通，玉皇大天尊、玄穹高上帝。人各一拜

臣等志心歸命禮，願安樂快然神風遐著，玉皇大天尊、玄穹高上帝。

臣等志心歸命禮，願婦人臨難母子平安，玉皇大天尊、玄穹高上帝。

臣等志心歸命禮，願才辯明慧人中尊貴，玉皇大天尊、玄穹高上帝。

臣等志心歸命禮，願貴遇人君職務

遷轉，玉皇大天尊、玄穹高上帝。

臣等志心歸命禮，願財寶充溢衣食自然，玉皇大天尊、玄穹高上帝。

臣等志心歸命禮，願慶流子孫傳之萬世，玉皇大天尊、玄穹高上帝。

臣等志心歸命禮，願五穀豐熟黎庶安泰，玉皇大天尊、玄穹高上帝。

臣等志心歸命禮，願是諸惡星返降吉祥，玉皇大天尊、玄穹高上帝。

臣等志心歸命禮，願是人功德坦然無礙，玉皇大天尊、玄穹高上帝。

臣等志心歸命禮，願殄滅凶殃安穩自在，玉皇大天尊、玄穹高上帝。

臣等志心歸命禮，願出言希聞所至恭敬，玉皇大天尊、玄穹高上帝。

臣等志心歸命禮，願顯貴崇重光大其門，玉皇大天尊、玄穹高上帝。

臣等志心歸命禮，願吉祥熾盛灾障不侵，玉皇大天尊、玄穹高上帝。

臣等志心歸命禮，願道根深重宿有善緣，玉皇大天尊、玄穹高上帝。

臣等志心歸命禮，願宿植道種廣種福業，玉皇大天尊、玄穹高上帝。

臣等志心歸命禮，願仙丹妙寶隨意自得，玉皇大天尊、玄穹高上帝。

臣等志心歸命禮，願坐招自然天福益固，玉皇大天尊、玄穹高上帝。

臣等志心歸命禮，願神生淨土蓮花化生，玉皇大天尊、玄穹高上帝。

臣等志心歸命禮，願天珍異寶莊嚴身相，玉皇大天尊、玄穹高上帝。

臣等志心歸命禮，願善言童子上奏三官，玉皇大天尊、玄穹高上帝。

臣等志心歸命禮，願黑簿除名青編注筭，玉皇大天尊、玄穹高上帝。

臣等志心歸命禮，願諸仙讚重先亡生天，玉皇大天尊、玄穹高上帝。

臣等志心歸命禮，願宿殃解脱所往通達，玉皇大天尊、玄穹高上帝。

臣等志心歸命禮，願無賊盜事所求遂心，玉皇大天尊、玄穹高上帝。

臣等志心歸命禮，願除水火厄橫事潜消，玉皇大天尊、玄穹高上帝。

臣等志心歸命禮，願夜夢吉祥疾病不臨，玉皇大天尊、玄穹高上帝。

臣等志心歸命禮，願智慧聰明人見

歡喜，玉皇大天尊、玄穹高上帝。

臣等志心歸命禮，願衣食豐盛子孫榮貴，玉皇大天尊、玄穹高上帝。

臣等志心歸命禮，願六親見喜門族和睦，玉皇大天尊、玄穹高上帝。

臣等志心歸命禮，願除三惡報轉女成男，玉皇大天尊、玄穹高上帝。

臣等志心歸命禮，願形容端嚴爲國大臣，玉皇大天尊、玄穹高上帝。

臣等志心歸命禮，願生逢大道鬼神欽仰，玉皇大天尊、玄穹高上帝。

臣等志心歸命禮，願得宿命通諸神護念，玉皇大天尊、玄穹高上帝。

臣等志心歸命禮，願九族受蔭處世長年，玉皇大天尊、玄穹高上帝。

臣等志心歸命禮，願有情賴善魔王保迎，玉皇大天尊、玄穹高上帝。

臣等志心歸命禮，願決超三界白日上昇，玉皇大天尊、玄穹高上帝。

衆誦，玉帝誥，一遍

臣等志心皈神、皈身皈命，玉皇大天尊、玄穹高上帝。重念臣某弟子某等輪轉塵寰，漂沉世域，不修善本之因

果，寧有福緣之集臻。福力崇高，必是仙徒，而乃可善念圓熟，即非天人而不能。既未及處於仙鄉，豈能得生於天界。以干敷錫，特致祈求。爰按妙典之載言，故謂持經而後得。露香懇請，望帝仁慈。伏願惠澤霽露，盡覃一門之殊慶；仁風瑞扇，廣布萬國之宏休。百祥來介而昌隆，五福歛錫而康義。恩垂曠蕩，澤沛厖洪，諒蒙慈憫以消灾，必冀哀憐而赦罪。均享綿長之福，咸躋仁壽之鄉。不異玄中，如居塵外。臣等志心稽首，禮謝无上虚皇正真三寶。

高上玉皇滿願寶懺卷之七

高上玉皇滿願寶懺卷之八

成真

伏以齋戒事帝，冀肸鬻以潛通；馨香感神，仗氤氳而上達。臣等恭運道香、德香、慧香、無爲香、清淨香、自然香、妙洞真香、超三界香、三境真香，滿瓊樓玉京，遍周天法界，普伸供養。

說經教主元始天尊、抱送玉帝道君天尊、流演聖教道德天尊、諸天化身玉皇大天尊玄穹高上帝，帝父光嚴妙樂國王，帝母寶月光皇后，清淨自然覺王如來高虚清明天主帝君。經筵啓問玉虚上帝，昊天上帝，五老上帝，慈悲度厄真人，尋聲救苦真人，濟生度死真人，萬福護身真人，妙行真人，夜光玉女、靈妃玉女、一切元君，三世金仙大乘菩薩，十方至聖無量帝君，三元三官大帝，北極四聖真君，南辰北斗、周天列宿、拱極群真自然大仙天真皇人，三天扶教輔元大法天師真君，九天開化

司祿宏仁帝君，演教警化純陽孚佑帝君，洞玄惠世玉蟾白真人，清微啓教紫虚保仙元君，靈寶、道德、正一、全真諸派演法垂文傳道授業闡教度人一切道德師尊仙衆，雷霆諸司天將、法籙印令官君，十方飛天神王、天丁力士、諸仙兵馬，五嶽真君，地水聖衆、城隍瘟火等神，功曹符使，里域靈官，三界萬靈，十方真宰。法筵應感，一切真仙。悉伏真香，普同供養。恭望天慈，俯垂降鑒。臣謹奏爲入意願冀感通，曲從所禱。以今恭逢穀旦，式展芻忱。香花羅列以皈依，燈果廣陳而供養。恭望暫離帝闕，款駐凡筵。俯察精虔，鑒蘋蘩之報謝；洞矜懇禱，副草芥之微誠。仰對元慈，宣揚懺法。舉

道場衆等人各運心 長跪禮懺
如法

具錄職臣某領錄奉大道弟子某等謹謹虔誠再拜，奏啓三清上聖，玉皇至尊，帝父帝母，至聖至真，三寶三界，一切真靈。

臣等恭聞光明座上，元始會前，親

探不二之法門，默顯具六之神力。妙圓清淨，周讚十號以度人；智慧辯才，故稱四生之慈父。上靈上聖，至道至尊。是帝身，即道身；爲法體，非常體。混元聖祖，三界尊師，大聖大慈，大悲大願。昔未曾有，嘆莫能窮。臣等下情無任懇祝讚揚之至，普與過往祖先、見存眷屬、塵寰品彙、長夜幽魂，傾倒虔恭，皈依敬禮，稱揚名號，著想尊容，如教奉行，依經祝願。

衆誦

太上彌羅無上天。妙有玄真境，渺渺紫金闕。太微玉清宮，無極无上聖。廓落發光明，寂寂浩無宗。玄範總十方，湛寂真常道。恢漠大神通，玉皇大天尊、玄穹高上帝。人各一拜

臣等志心歸命禮，願紺髮朱顏轉得形容，玉皇大天尊、玄穹高上帝。

臣等志心歸命禮，願少壯幼稚光澤美好，玉皇大天尊、玄穹高上帝。

臣等志心歸命禮，願得生十方諸大天宮，玉皇大天尊、玄穹高上帝。

臣等志心歸命禮，願嬉遊聖域餐聽

法音，玉皇大天尊、玄穹高上帝。

臣等志心歸命禮，願依按奉行登真成道，玉皇大天尊、玄穹高上帝。

臣等志心歸命禮，願勤行修奉尅致神仙，玉皇大天尊、玄穹高上帝。

臣等志心歸命禮，願一切玉女持幢下迎，玉皇大天尊、玄穹高上帝。

臣等志心歸命禮，願獲宿命通遵奉大道，玉皇大天尊、玄穹高上帝。

臣等志心歸命禮，願展轉修行至登道岸，玉皇大天尊、玄穹高上帝。

臣等志心歸命禮，願修真學道了悟生死，玉皇大天尊、玄穹高上帝。

臣等志心歸命禮，願自在逍遙號人中聖，玉皇大天尊、玄穹高上帝。

臣等志心歸命禮，願德慧長新同諸真人，玉皇大天尊、玄穹高上帝。

臣等志心歸命禮，願得爲九天真仙人，玉皇大天尊、玄穹高上帝。

臣等志心歸命禮，願太真御几玉妃拂筵，玉皇大天尊、玄穹高上帝。

臣等志心歸命禮，願萬神班列諸天臨壇，玉皇大天尊、玄穹高上帝。

臣等志心歸命禮，願三界侍衛五帝司迎，玉皇大天尊、玄穹高上帝。

臣等志心歸命禮，願身處五雲光明赫奕，玉皇大天尊、玄穹高上帝。

臣等志心歸命禮，願上升天宮衆真下迎，玉皇大天尊、玄穹高上帝。

臣等志心歸命禮，願頓得超證無上妙道，玉皇大天尊、玄穹高上帝。

臣等志心歸命禮，願五帝輔翼召使神仙，玉皇大天尊、玄穹高上帝。

臣等志心歸命禮，願御役神官運導陰陽，玉皇大天尊、玄穹高上帝。

臣等志心歸命禮，願千靈敬仰萬神懾伏，玉皇大天尊、玄穹高上帝。

臣等志心歸命禮，願百邪避路群魔束形，玉皇大天尊、玄穹高上帝。

臣等志心歸命禮，願逍遙自在與道長存，玉皇大天尊、玄穹高上帝。

臣等志心歸命禮，願證功德身一切有情被其廕護，玉皇大天尊、玄穹高上帝。

臣等志心歸命禮，願證神通身一切吉祥咸臻集故，玉皇大天尊、玄穹高上帝。

帝。

臣等志心歸命禮，願證清淨身是諸惡業皆不能侵，玉皇大天尊、玄穹高上帝。

臣等志心歸命禮，願證威德身天魔異道皆不能攝，玉皇大天尊、玄穹高上帝。

臣等志心歸命禮，願證無等身上帝。謠唱萬神敬護，玉皇大天尊、玄穹高上帝。

臣等志心歸命禮，願證堅固身惡劫大難不能損害，玉皇大天尊、玄穹高上帝。

臣等志心歸命禮，願證道藏身口出語言鬼神欽仰，玉皇大天尊、玄穹高上帝。

臣等志心歸命禮，願證慈悲身六道衆生賴其善力，玉皇大天尊、玄穹高上帝。

臣等志心歸命禮，願證大道身出入所在無諸恐怖，玉皇大天尊、玄穹高上帝。

臣等志心歸命禮，願證良醫身善行

妙法安樂於人，玉皇大天尊、玄穹高上帝。

臣等志心歸命禮，願證光明身常爲帝光之所攝受，玉皇大天尊、玄穹高上帝。

臣等志心歸命禮，願證自在身天宮妙境神常能遊，玉皇大天尊、玄穹高上帝。

衆誦，玉帝誥，一遍

臣等志心皈神、皈身皈命，玉皇大天尊，玄穹高上帝。重念臣某弟子某等求道未勤，修真有怠，再觀本行之經教，深貴能持之學人。凡讀是經，可得真人之睿號；倘集其奧，獲蒙仙道之圓成。敢疊伸禮拜之恭，庶可沐簡穰之降。一心發念，衆口宣揚，特祈斷障以消愆，故究造玄而入妙。爰伸禳謝，以丐提携。伏願道炁咸臻，超沉尸而起飛魄；天福益固，遊聖域而聽法音。神超八極以逍遙，身處五雲而赫奕。克成道果，不復凡身。三界侍衛而司迎，千靈敬仰而懾伏。上及過往祖禰，下同見在師資，俱入妙門，同登道岸。

某等志心稽首，禮謝无上虛皇正真三寶。

高上玉皇滿願寶懺卷之八

高上玉皇滿願寶懺卷之九

結意

伏以齋戒事帝，冀肸鬻以潛通；馨香感神，仗氤氳而上達。臣等恭運道香、德香、慧香、無爲香、清淨香、自然香、妙洞真香、超三界香、三境真香，滿瓊樓玉京，遍周天法界，普伸供養。

說經教主元始天尊、抱送玉帝道君天尊、流演聖教道德天尊、諸天化身玉皇大天尊玄穹高上帝，帝父光嚴妙樂國王，帝母寶月光皇后，清淨自然覺王如來高虛清明天主帝君。經筵啓問玉虛上帝，昊天上帝，五老上帝，慈悲度厄真人，尋聲救苦真人，濟生度死真人，萬福護身真人，妙行真人，夜光玉女、靈妃玉女、一切元君，三世金仙大乘菩薩，十方至聖無量帝君，三元三官大帝，北極四聖真君，南辰北斗、周天列宿、拱極群真自然大仙天真皇人，三天扶教輔元大法天師真君，九天開化

司祿宏仁帝君，演教警化純陽孚佑帝君，洞玄惠世玉蟾白真人，清微啓教紫虛保仙元君，靈寶、道德、正一、全真諸派演法垂文傳道授業闡教度人一切道德師尊仙衆，雷霆諸司天將、法籙印令官君，十方飛天神王、天丁力士、諸仙兵馬，五嶽真君，地水聖衆、城隍瘟火等神，功曹符使，里域靈官，三界萬靈，十方衆聖。法筵應感，一切真仙。悉仗真香，普同供養。恭望天慈，俯垂降鑒。臣謹奏爲入意願冀感通，曲從所禱。

以今恭逢穀旦，式展芻忱，香花羅列以皈依，燈果廣陳而供養。恭望暫離帝闕，款駐凡筵。俯察精虔，鑒蘋蘩之報謝；洞矜懇禱，副草芥之微誠。仰對元慈，宣揚懺法。舉

道場衆等人各運心 長跪禮懺
如法

具錄職臣某領錄奉大道弟子某等謹謹虔誠再拜，奏啓三清上聖，玉皇至尊，帝父帝母，至聖至真，三寶三界，一切真靈。

臣等恭聞：妙有真境，彌羅上天，

道妙而玄之又玄，位尊而上極無上。湛寂真靜，信常擬議之至難；恢漠神通，豈在形容之可盡。巍巍大範，寂寂無宗，爲玉皇高上尊，是金闕玄穹主。拔度生死，運化古今，大聖大慈，大悲大願，昔未曾有，嘆莫能窮。臣等下情無任懇祝讚揚之至，普與過往祖先、見存眷屬、塵寰品彙、長夜幽魂，傾倒虔恭，皈依敬禮，稱揚名號，著想尊容，如教奉行，依經祝願。

衆諱

太上彌羅無上天。妙有玄真境，渺渺紫金闕。太微玉清宮，無極無上聖。廓落發光明，寂寂浩無宗。玄範總十方，湛寂真常道。恢漠大神通，玉皇大天尊、玄穹高上帝。人各一拜

臣等志心歸命禮，願天下歌謠欣國太平，玉皇大天尊、玄穹高上帝。

臣等志心歸命禮，願長夜九幽即時破壞，玉皇大天尊、玄穹高上帝。

臣等志心歸命禮，願地獄衆生化生諸天，玉皇大天尊、玄穹高上帝。

臣等志心歸命禮，願普爲十方演說

諸法，玉皇大天尊、玄穹高上帝。

臣等志心歸命禮，願顏容姝妙端嚴奇特，玉皇大天尊、玄穹高上帝。

臣等志心歸命禮，願言音清徹衆所樂聞，玉皇大天尊、玄穹高上帝。

臣等志心歸命禮，願聞是香者普蒙開度，玉皇大天尊、玄穹高上帝。

臣等志心歸命禮，願心無退轉起大堅固，玉皇大天尊、玄穹高上帝。

臣等志心歸命禮，願是故身色神通智慧，玉皇大天尊、玄穹高上帝。

臣等志心歸命禮，願聞是說已心得開悟，玉皇大天尊、玄穹高上帝。

臣等志心歸命禮，願皆生諸天得受快樂，玉皇大天尊、玄穹高上帝。

臣等志心歸命禮，願普放神光照燭法界，玉皇大天尊、玄穹高上帝。

臣等志心歸命禮，願鬼籍盡除神生淨土，玉皇大天尊、玄穹高上帝。

臣等志心歸命禮，願國土清平人民樂業，玉皇大天尊、玄穹高上帝。

臣等志心歸命禮，願身心清淨命終生天，玉皇大天尊、玄穹高上帝。

臣等志心歸命禮，願聞者罪滅永出愛河，玉皇大天尊、玄穹高上帝。

臣等志心歸命禮，願朽樹故根已枯使榮，玉皇大天尊、玄穹高上帝。

臣等志心歸命禮，願蠢動蛸息長生化形，玉皇大天尊、玄穹高上帝。

臣等志心歸命禮，願亡者命過魂歸三清，玉皇大天尊、玄穹高上帝。

臣等志心歸命禮，願所有求願如意稱遂，玉皇大天尊、玄穹高上帝。

臣等志心歸命禮，願衣食自然子孫富貴，玉皇大天尊、玄穹高上帝。

臣等志心歸命禮，願精心恭奉家國安寧，玉皇大天尊、玄穹高上帝。

臣等志心歸命禮，願致國太平凶寇自夷，玉皇大天尊、玄穹高上帝。

臣等志心歸命禮，願運推數周正道常行，玉皇大天尊、玄穹高上帝。

臣等志心歸命禮，願一切枯槁便生枝葉，玉皇大天尊、玄穹高上帝。

臣等志心歸命禮，願南宮受鍊飛步上清，玉皇大天尊、玄穹高上帝。

臣等志心歸命禮，願上度諸天下濟

幽魂，玉皇大天尊、玄穹高上帝。

臣等志心歸命禮，願滅我萬罪增我遐齡，玉皇大天尊、玄穹高上帝。

臣等志心歸命禮，願功德昌盛黃籙書名，玉皇大天尊、玄穹高上帝。

臣等志心歸命禮，願渺渺億劫使我長存，玉皇大天尊、玄穹高上帝。

臣等志心歸命禮，願天人衰相永得除滅，玉皇大天尊、玄穹高上帝。

臣等志心歸命禮，願王臣兆庶得長壽樂，玉皇大天尊、玄穹高上帝。

臣等志心歸命禮，願一切諸魔無鬥戰苦，玉皇大天尊、玄穹高上帝。

臣等志心歸命禮，願一切衆生離地獄苦，玉皇大天尊、玄穹高上帝。

臣等志心歸命禮，願一切餓鬼無饑渴惱，玉皇大天尊、玄穹高上帝。

臣等志心歸命禮，願一切畜生得智慧樂，玉皇大天尊、玄穹高上帝。

衆誦，玉帝誥，一遍

臣等志心皈神、皈身皈命，玉皇大天尊、玄穹高上帝。重念臣某弟子某等洗懺愆瑕，朝修祝願，諒沐慈悲而相

佑，特垂原有以昭通。得睹慈顏，罪福之緣而明了；普聞妙法，障固之目而斷除。消災集福以成真，讚嘆皈依而滿願。實爲慶幸，豈匪因緣。庶蒙真境之自明，得俾諸塵之無起。悉令意遂，莫使心違。伏願江海山林，盡賴帝名之餘福；人天風雨，皆霑經力之大恩。庶民樂業以無虞，國土清平而有慶，稱心如意，與道合真。財寶充盈而自然，子孫榮貴而豐盛。七祖九玄超度，六親百眷和昌。永庇含生，普希大有。臣等志心稽首，禮謝无上虛皇至真三寶。

高上玉皇滿願寶懺卷之九

高上玉皇滿願寶懺卷之十

滿願

伏以齋戒事帝，冀肸鬩以潛通；馨香感神，仗氤氳而上達。臣等恭運道香、德香、慧香、無爲香、清靜香、自然香、妙洞真香、超三界香、三境真香，滿瓊樓玉京，遍周天法界，普伸供養。

說經教主元始天尊、抱送玉帝道君天尊、流演聖教道德天尊、諸天化身玉皇大天尊玄穹高上帝，帝父光嚴妙樂國王，帝母寶月光皇后，清淨自然覺王如來高虛清明天主帝君。經筵啓問玉虛上帝，昊天上帝，五老上帝，慈悲度厄真人，尋聲救苦真人，濟生度死真人，萬福護身真人，妙行真人，夜光玉女、靈妃玉女、一切元君，三世金仙大乘菩薩，十方至聖無量帝君，三元三官大帝，北極四聖真君，南辰北斗、周天列曜、拱極群真自然大仙天真皇人，三天扶教輔元大法天師真君，九天開化

司祿宏仁帝君，演教警化純陽孚佑帝君，洞玄惠世玉蟾白真人，清微啓教紫虛保仙元君，靈寶、道德、正一、全真諸派演法垂文傳道授業闡教度人一切道德師尊仙衆，雷霆諸司天將、法籙印令官君，十方飛天神王、天丁力士、諸仙兵馬，五嶽真君，地水聖衆、城隍瘟火等神，功曹符使，里域靈官，三界萬靈，十方衆聖。法筵應感，一切真仙。悉仗真香，普同供養。恭望天慈，俯垂降鑒。臣謹奏爲入意願冀感通，曲從所禱，以今恭逢穀旦，式展芻忱，香花羅列以皈依，燈果廣陳而供養。恭望暫離帝闕，款駐凡筵。俯察精虔，鑒蘋蘩之報謝；洞矜懇禱，副草芥之微誠。仰對元慈，宣揚懺法舉

道場衆等人各運心 長跪禮懺

如法

具錄職臣某領詞奉大道弟子某等謹謹虔誠再拜，上奏三清上聖，玉皇至尊，帝父帝母，至聖至真，三寶三界，一切真靈。

臣等恭聞：巍巍金闕，渺渺重霄，

弘為諸佛之聖師，證作萬天之帝主。慈悲一切，故放十七大光明；愍念有情，特示三十種功德。是穹蒼主為浩劫，尊每利濟於群生，常行化於多劫。普垂教法，周徧名聲，大聖大慈，大悲大願，昔未曾有，嘆莫能窮。臣等下情無任懇祝讚揚之至，普與過往祖先、見存眷屬、塵寰品彙、長夜幽魂，傾倒虔恭，皈依敬禮，稱揚名號，注想尊容，如教奉行，依經祝願。

衆誦

太上彌羅無上天。妙有玄真境，

渺渺紫金闕。太微玉清宮，無極無上聖。廓落發光明，寂寂浩無宗。玄範總十方，湛寂真常道。恢漠大神通，玉皇大天尊、玄穹高上帝。人各立拜

臣等志心歸命禮，願凡夫學士盡得飛昇，玉皇大天尊、玄穹高上帝。

臣等志心歸命禮，願一切人民咸臻道炁，玉皇大天尊、玄穹高上帝。

臣等志心歸命禮，願白首面皺皆得化度，玉皇大天尊、玄穹高上帝。

臣等志心歸命禮，願苦惱痊平普蒙

解脫，玉皇大天尊、玄穹高上帝。

臣等志心歸命禮，願沉尸飛魄皆起復形，玉皇大天尊、玄穹高上帝。

臣等志心歸命禮，願三惡道苦一時解脫，玉皇大天尊、玄穹高上帝。

臣等志心歸命禮，願六道衆生普蒙開度，玉皇大天尊、玄穹高上帝。

臣等志心歸命禮，願無諸繫滯皆得往生，玉皇大天尊、玄穹高上帝。

臣等志心歸命禮，願庫藏財寶盡將散施，玉皇大天尊、玄穹高上帝。

臣等志心歸命禮，願幽顯凡聖普沾聖澤，玉皇大天尊、玄穹高上帝。

臣等志心歸命禮，願睹此光明悉皆雲集，玉皇大天尊、玄穹高上帝。

臣等志心歸命禮，願一切衆生咸臻道化，玉皇大天尊、玄穹高上帝。

臣等志心歸命禮，願一切地獄盡承光力，玉皇大天尊、玄穹高上帝。

臣等志心歸命禮，願受苦衆生皆生諸天，玉皇大天尊、玄穹高上帝。

臣等志心歸命禮，願今日大吉咸仰玄功，玉皇大天尊、玄穹高上帝。

臣等志心歸命禮，願得睹慈顏咸蒙護度，玉皇大天尊、玄穹高上帝。

臣等志心歸命禮，願六凡四聖普叨道蔭，玉皇大天尊、玄穹高上帝。

臣等志心歸命禮，願末代烝民俱獲壽考，玉皇大天尊、玄穹高上帝。

臣等志心歸命禮，願同苦罪衆咸蒙護度，玉皇大天尊、玄穹高上帝。

臣等志心歸命禮，願承斯勝利皆生天上，玉皇大天尊、玄穹高上帝。

臣等志心歸命禮，願一切衆生皆沾勝利，玉皇大天尊、玄穹高上帝。

臣等志心歸命禮，願一切惡業悉得消滅，玉皇大天尊、玄穹高上帝。

臣等志心歸命禮，願衆魔外道悉皆懾伏，玉皇大天尊、玄穹高上帝。

臣等志心歸命禮，願蠱毒之類皆自消滅，玉皇大天尊、玄穹高上帝。

臣等志心歸命禮，願心欲願者一切如意，玉皇大天尊、玄穹高上帝。

臣等志心歸命禮，願玉皇開化溥度天人，玉皇大天尊、玄穹高上帝。

臣等志心歸命禮，願懷胎含孕俱得

生成，玉皇大天尊、玄穹高上帝。

臣等志心歸命禮，願無窮無極普監度生，玉皇大天尊、玄穹高上帝。

臣等志心歸命禮，願今日大吉皆得光明，玉皇大天尊、玄穹高上帝。

臣等志心歸命禮，願說是語時溥得開悟，玉皇大天尊、玄穹高上帝。

臣等志心歸命禮，願法筵清衆咸仰道言，玉皇大天尊、玄穹高上帝。

臣等志心歸命禮，願此經尊妙普度天人，玉皇大天尊、玄穹高上帝。

臣等志心歸命禮，願兆民歌唱普天興隆，玉皇大天尊、玄穹高上帝。

臣等志心歸命禮，願短命衆生各得長壽，玉皇大天尊、玄穹高上帝。

臣等志心歸命禮，願心有所請一切應奉，玉皇大天尊、玄穹高上帝。

臣等志心歸命禮，願祕此妙法溥福含靈，玉皇大天尊、玄穹高上帝。

衆誦，玉帝誥，一遍

臣等志心皈神、皈身皈命，玉皇大天尊、玄穹高上帝。重念臣某弟子某等人各有心，衆寧無願。豈有其心之可一，

惟無所願之不同。各有所求，或務濟民而利物；豈無要者，欲求證道以成真。墜苦常欲於昇遷，貧窮惟思於富貴，必待其滿而後釋。然仰惟妙道之垂慈，能遂衆生之所欲。用敢皈命，求乞從人。伏願俯察凡忱，尚賴隨機而赴感。特垂天聽，悉令應念以從心。先祈保國以保民，次冀利他而利己。爲幽爲顯，亘古亘今，見存眷屬以咸寧，過往祖先而普度。福利九幽破壞，功沾長夜光明。並與群生，同依衆善。臣等志心稽首，禮謝无上虚皇正真三寶。

回向

人情有恪，作善降之百祥；帝念無私，惟天祐于一德。向來臣法衆等，恭對大道，御前拜禮，《太上洞玄靈寶高上玉皇滿願寶懺》一部，計終十卷。以茲功德，專爲奉道弟子某悔過消災，延生集慶。伏願凡情通感，上帝鑑觀。障斷罪除，心願悉臻於滿足；灾消福集，玄功獲遂於圓成。與諸有情，證无上道，皈依三寶，回向九清，爲上因緣，

志心稱念：大聖元始天尊，上清靈寶天尊，太上道德天尊，玉皇宥過天尊。無量不可思議功德。

高上玉皇滿願寶懺卷之十

（陳耀庭點校）

036 中天紫微星真寶懺

經名：中天紫微星真寶懺。一卷。底本出處：《萬曆續道藏》。

伏以乾坤大德，廣覆載於羣生；日月光明，普照臨於萬彙。凡伸懇禱，仰冀鑒觀。臣謹運真香，虔誠奏啓，供養虛皇大道三境至尊，中天星主北極紫微大帝，斗父龍漢祖劫周御國王天尊，斗母摩利支天大聖，高上玉皇尊帝星君，北極玄卿大帝，日宮太陽帝君，月府太陰星君，五方五德星君，四炁四曜星君，天罡大聖星君，三台華蓋星君，二十八宿星君，十二宮辰星君，當生本命星君，上清福祿壽三老星君，流年運限照臨星君，三垣内外星君，周天列曜河漢星君，三界十方，千真萬聖。恭望洪慈，鑒今懺悔。臣聞：太極生兩儀而垂象，默運化鈞；高穹布列宿以

昭明，分輝大地。周天三百六十五四分之餘度，微數萬一千五百二十之隱名。見遲流，伏逆於星躔；循經緯，周旋於分野。恭惟星主紫微大帝，玉陛森嚴，瑶天高邈，權輿造化，掌握樞機。端居總理於三天，統治運行於九道。七政四炁，施正令於春夏秋冬；五斗衆星，鎮方維於乾坤離坎。本命元辰朗曜，福祿壽老光明。罡星環指於太空，宿曜照臨於大地。不言善應，有感必通。天無私親，常親輔於有德；人所稟命，蓋命屬於上穹。臣等皈依，恭修寶懺，望皇靈而稽首，仰斗極以傾心。以今奉為某自從無始，乃至有生。縱一念以冥行，六根纏結；恣三業而罔覺，十惡積增。若不懺陳，曷叨恩宥。是以列款上陳，皈命朝禮，仰望紫微，至聖璇璣，列真介景，福以均霑，降慈光而普照。蕩除三業，清淨六根，俾五福以茂隆，冀千祥而駢集。臣等瞻天望聖，激切屏營之至，志心朝禮。

人各恭敬
志心朝禮，

高上玉皇尊星大帝，紫微中宮星主北極大帝，紫微上宮南極天皇帝，

斗父龍漢祖劫周御國王天尊，斗母紫光金尊聖德巨光天后，日宮炎光太陽帝君，月府素曜太陰皇君，東方木德歲星星君，南方火德熒熒星星君，西方金德木白星星君，北方水德伺晨星星君，中央土德鎮星星君，交杵神首羅喉星星君，交中神尾計都星星君，天乙華陽紫炁星星君，太乙華陰月孛星星君。

北斗天樞陽明貪狼星星君，北斗天璇陰精巨門星星君，北斗天機真人祿存星星君，北斗天權玄冥文曲星星君，北斗天衡丹元廉貞星星君，北斗闔陽北極武曲星星君，北斗瑶光天關破軍星星君，北斗洞明左輔星星君，北斗隱光右弼星星君。

南斗天府司命星星君，南斗天相司

錄星君，南斗天梁延壽星君，南斗天同益算星君，南斗天樞度厄星君，南斗天機上生星君。

東斗蒼靈延生星君，東斗陵光護命星君，東斗開天大衛集福星君，東斗大明和陽保和星君，東斗尾極總監星君。

西斗白標星君，西斗高元星君，西斗皇靈星君，西斗巨威星君。

中斗赫靈度世星君，中斗幹化上聖星君，中斗冲和至德星君，天罡節度紫庭星君。

上台虛精開德星君，中台祿淳司空星君，下台曲生司祿星君。

角宿天門星君，亢宿天庭星君，氏宿天府星君，房宿天駟星君，心宿天王星君，尾宿天鷄星君，箕宿天津星君，斗宿天廟星君，牛宿天機星君，女宿天女星君，虛宿天卿星君，危宿天錢星君，室宿天廩星君，壁宿天市星君，奎宿天將星君，婁宿天獄星君，胃宿天倉星君，昴宿天目星君，畢宿天耳星君，觜宿天屏星君，參宿天水星君，井宿天

井星君，鬼宿天匱星君，柳宿天厨星君，星宿天庫星君，張宿天秤星君，翼宿天都星君，軫宿天階星君。

天秤宮辰星君，天蠍宮辰星君，人馬宮辰星君，磨蝎宮辰星君，寶瓶宮辰星君，雙魚宮辰星君，白羊宮辰星君，金牛宮辰星君，陰陽宮辰星君，巨蟹宮辰星君，獅子宮辰星君，雙女宮辰星君。

當生本命元辰星君，福星天德星君，祿星天佑星君，壽星老人星君，流年運限照臨星君，紫微垣內列曜星君，太微垣內列曜星君，天市垣內列曜星君，六十甲子江淮河漢星君。

禮足 各長跪 皈命懺悔

臣法衆等，志心皈身，皈神皈命，玄穹上聖，列宿星君，本命元辰，照臨真宰。恭望大慈，洞垂巨澤，普降洪恩。臣聞：煌煌列聖，朝拱北極之尊；燦燦七星，默運中天之化。有求必應，無禱不從。以今懺悔某自從無始，以至有生。或身口意之相違，廣營三業。或貪嗔癡之未所，放縱六情。殺盜邪淫，

綺^①言妄語。或裸露三光之下。或觸突衆聖之前。損害衆生，拋擲五穀，十惡障重，三毒業深，任性所爲，不知慚愧。或見聞而自作或想念以教他。種種罪根，一一懺悔。伏願星真，洞鑒斗極，垂慈元綱，流汗漫之恩法雨沛，汪洋之澤，矜憐愚昧，原有愆尤。幹運限以和平，順星辰於躔度，承斯懺力，仰荷玄功，嘉與群生，咸歸正道。志一心稽首，禮謝無上至真三寶。

伏聞：彼蒼者，天運一元而彰衆曜；至玄者，道錫五福以惠群生。臣等向來拜禮寶懺已在云周。伏願諸天洞鑒，廣施普博之恩；列曜高臨，大賜慈悲之澤。千愆萬過，咸乞蕩除。三業六根，悉蒙原赦。福資萬有，恩被十方，稽首皈依，無極大道。志心稱念，消愆滅罪天尊。

中天紫微星真實懺

①此字原缺，疑爲「綺」。

（陳耀庭點校）

037 真武靈應護世消災 滅罪寶懺

經名：真武靈應護世消災滅罪寶懺。一卷。底本出處：《正統道藏》洞神部威儀類。

爾時，天尊告妙行真人曰：常念衆生，處於三毒、十惡之世，被六天魔王、五府瘟曹不以尊卑，枉致傷害。或老或少，或男或女，未盡天年，遽違人世。故演伏魔經法，普救衆生，及以符圖神呪，付諸法學。乃勅北方真武神將，躬詣諸天，遍爲巡察。凡遇邪氣，及有妖星，逆次流躔，速須戮剪。又下人間，錄善伐惡，輔正除邪，濟拔人天，祛妖攝毒，救護一切，無有枉橫。然下元末世淺薄，人心破壞，五情雜亂，更相疑惑，所爲不實，惟用邪行，背真就僞，不義不仁，違天逆地，攻根伐株，不

忠不孝，無愛無慈，欺罔萬民，酷虐百姓，殺戮衆生，殘害物命，結諸罪孽，冤對無邊。是致動見患難，或爲劫賊之所傷命，或爲惡鬼之所滅身，或被蛇蝎虎狼百蟲毒螫之所加害。官司口舌，無故橫生。繫閉牢獄，鞭杖徒刑。或復家遭瘟疫，身染毒氣，大小疾病，人口死亡，六親斷絕，財物耗散。諸如等苦，並是六天故氣，北酆帝王、八部鬼帥、人間死將、五嶽之神，遍行天下，乘其罪孽，致其毒氣，以殺惡人。從年竟月，有遭不少，更相牽連，以致死亡。所在人民，無能免者，甚可痛傷。吾遣威神，分布世間，按行救度，人豈知之。今重告汝，真武大神將救護之法，不可思議，克感靈應。真人稱言，大慈大悲，能爲衆生，願垂開示。

天尊言，常以三元八節、甲子庚申、每月三七日下降之辰，此諸等日，不食辛膩葷穢，制斷六情，不生念想，即乃清淨，燒香持齋，念道歸命，北方四十九位靈應天尊。首謝己身，發露懺悔，消諸罪戾，免受厄難。水火刀

兵，虎狼毒獸，邪精異爽，永不干犯。今辰運心，仰佩玄言，當須精心禮諸化身尊號，願是功德，廣救衆生，普度一切。某甲生身在世，無量劫來，沉淪罪苦，未得解脫。今日伏爲某事，禮此懺文，五體投地，一心發念。稽首真容，敬禮尊號。

- 志心朝禮，壬癸至靈天尊。
- 志心朝禮，金闕化身天尊。
- 志心朝禮，日光瑞應天尊。
- 志心朝禮，太陰神化天尊。
- 志心朝禮，武曲昭靈天尊。
- 志心朝禮，虛危孕秀天尊。
- 志心朝禮，真相具足天尊。
- 志心朝禮，真相具足天尊。
- 志心朝禮，端嚴威力天尊。
- 志心朝禮，誓斷妖魔天尊。
- 志心朝禮，輔助玉帝天尊。
- 志心朝禮，冲和淨樂天尊。
- 志心朝禮，積功成聖天尊。
- 志心朝禮，神靈妙見天尊。
- 志心朝禮，慈惠助順天尊。
- 志心朝禮，威容感應天尊。
- 志心朝禮，最聖妙行天尊。

志心朝禮，功高龍漢天尊。
志心朝禮，顯靈上國天尊。
志心朝禮，威加九地天尊。
志心朝禮，德摧五嶽天尊。
志心朝禮，不言善應天尊。
志心朝禮，神力無礙天尊。
志心朝禮，威鎮六洞天尊。
志心朝禮，肅清寰宇天尊。
志心朝禮，協贊中興天尊。
志心朝禮，化育黎兆天尊。
志心朝禮，歲揚妙化天尊。
志心朝禮，常住護世天尊。
志心朝禮，化行六合天尊。
志心朝禮，恩霑萬彙天尊。
志心朝禮，威權自在天尊。
志心朝禮，威顯神力天尊。
志心朝禮，清寧國土天尊。
志心朝禮，降魔戒生天尊。
志心朝禮，代天演法天尊。
志心朝禮，延壽護身天尊。
志心朝禮，遣鬼滅祟天尊。
志心朝禮，法雲流潤天尊。
志心朝禮，普慈護國天尊。

志心朝禮，延福保神天尊。
志心朝禮，解冤濟苦天尊。
志心朝禮，常念救物天尊。
志心朝禮，削除罪犯天尊。
志心朝禮，救生起死天尊。
志心朝禮，護魂慈救天尊。
志心朝禮，保家安國天尊。
志心朝禮，威德無量天尊。
志心朝禮，自然真極天尊。
志心朝禮，消災降福天尊。
志心朝禮，玄天一切聖衆。

臣某志心歸神、歸身歸命，北方大道四十九位靈應天尊、一切聖衆。原夫人身難得，遇正法以尤希；天道貴生，全本年而甚少。念六根之未悟，惟五福以常虧。凡居覆燾之中，盡出鈞陶之下。或貧窮而多子，或富貴而絕兒。方當受用，而忽喪天年；未曉修行，而已終祿運。或兵戈而暴骨，或孕育以傷身，或邪鬼之欺誣，或上天之譴責。般般果報，種種因緣，但知逐利以貪名，豈顧欺天而罔地。不修戒行，殊乏陰功，臨期嗟歎，以徒勞遇事告投而

無訴。某切慮一生之內，三世以來，不孝不忠，行淫行盜，貪瞋業重，殺戮罪多，言語失真，癡頑染性，五逆在已，兩舌謗人，恐地獄之相仍，慮天曹之具錄。生死受拷，陰籍難除。仰憑上聖之恩麻，盡赦多生之罪障。次冀冤魂解散，人鬼分離，過去超生，見存獲慶。九幽息對，天下和平。一切含靈，悉蒙救度，俱登道岸，證入無爲。臣等志心稽首，禮謝無上虛皇正真三寶。

真武靈應護世消災滅罪寶懺

（陳耀庭點校）

038 北極真武普慈度世法懺

經名：北極真武普慈度世法懺。
十卷。底本出處：《正統道藏》
洞神部威儀類。

北極真武普慈度世法懺卷之一

爾時，無上赤文帝君、金闕化身天尊，於龍漢元年中元之日，在北極玄天紫微之殿，會集諸天上聖、十方至真、飛天神王、無極仙衆，考校三界之內，大千國土之中，修學功過，年命脩短，十方世界男女罪福考限之期，生死報對，宿命因緣。時有真人，名曰妙行，越班而出，稽首上言：末世凡夫，不明修學，貪瞋癡愛，口是心非，無明煩惱，積稔罪愆。或身遭疾病，牢獄拘囚，運

用乖違，所作不順。命沒之後，墮諸地獄，報對因緣，何由救免。

天尊曰：善哉言乎。吾昔於龍漢劫初，爲太始真人；中三皇時，爲太初真人；下三皇時，爲太素真人。開皇劫下生人世，乃玄元聖祖第八十二次應化玄天，修真成道，憫念凡愚，積惡造罪，無由冀仙。嘗爲演說，修真十戒，以度兆民。今得遵奉妙訓，離諸報對。於是妙行啓請而言，十戒靈文可得見授，宣告人天，普獲修持，日有所益。於是天尊慈顏，憫諭靈關，開出十品戒文，謂曰：偉哉妙行，能爲衆生，作是妙因。夫身爲患本，過逐心生。道乃法舟，懺之可度。積如山岳，隨念即消。若能終始受持，仙階可冀。第一戒者，不得陰賊潛謀，害物利己；二者，不得殺害含生，以充滋味；三者，不得淫邪敗真，穢慢靈炁；四者，不得欺人成功，析交離親；五者，不得露才揚己，讒毀善良；六者，不得飲酒過差，食肉違禁；七者，不得貪婪無厭，積財不散；八者，不得交游非賢，

居處雜穢；九者，不得不忠不孝，不信不仁；十者，不得輕忽言笑，舉動乖真。能依吾教，秉心無二，即得見世安樂，免遭困苦。若能於三元五臘、甲子庚申、三會十直之辰，於諸宮觀，或在家庭，備列香花，虔心懺禮，誓依吾教，改往修來，即得譴削黑書，名標丹籍，見存獲慶，過世超昇。於是妙行稽首瞻仰，永誓皈依，散布人間，流傳懺禮。志心敬禮，人各恭信：

起敬讚 三皈依

敷坐讚 一心皈命敬禮

虛無自然元始天尊，
玉宸道君靈寶天尊，
太上老君道德天尊。

步虛 太極分高厚

爾時，妙行真人告諸仙曰：昔我祖師，萬劫應化真元教主、太平金闕前聖虛皇大道君，乃大道之玄祖，三才之本根。太極之先，寥廓何有。道源肇啓，炁母混成，瀕洞溟滓，兆朕胚輝，中有真精，自然而生，是謂神明，強名虛皇。潛司玄化，道運御世，一炁分三，

爲玄元始。三炁混合，氤氳漸著，爲萬象之端，爲萬化之本。莫知其先，強名曰元；莫知其初，強名曰始。故曰元始天尊，三炁相生，九炁混合，化生諸天，成就三界。莫知其大，強名曰太；莫知其高，強名曰上。首出無極，仰之曰老；宰之無我，主之曰君。浩劫開化，普度天人。洪惟教主北極鎮天佑聖助順真武靈應福德真君、玉虛師相玄天上帝，神靈異稟，成功夙著於巍巍。造化既分，令德已形於顯顯。忘尊貴於淨樂國，鍊真純於武當山。八十一化，號爲老君。四十二年修爲玄武。列虛危之宿，按水火之精。尊居壬癸之方，助有甲庚之將。歷巡遊於下界，肅號令於上穹。迹屢表於至神，記具陳於啓聖。希夷莫測，渺漠無窮，在昔飛昇，弘開誓願，謂衆生之善惡，莫不齊身；欲天下之操修，同登妙果。保疾而能認厭，療明而使識奸。降粟濟飢，施符消疫，驅除妖魅，解釋冤憎，現海救危，錫棗得後。嗣昌見報而戒殺；元晏悟化而放生。遊奕授槍，以

却凶蠻；天罡帶箭，而誅叛寇。誠事者，無求不應；忠告者，轉危爲安。臣等闡事仙宗，實深慶幸。恭披寶蘊，仰奉靈光。稽首皈依，一心敬禮。

志心朝禮，法主玉虛師相玄天上帝。

志心朝禮，聖父明真大帝。

志心朝禮，聖母瓊真上仙。

志心朝禮，聖師豐乾大帝。

志心朝禮，西國紫玄元君。

志心朝禮，金闕化身天尊。

志心朝禮，玄元顯應天尊。

志心朝禮，太清靈變天尊。

志心朝禮，高上玉真天尊。

志心朝禮，日光開瑞天尊。

志心朝禮，武曲應化天尊。

志心朝禮，虛星應化天尊。

志心朝禮，危星應化天尊。

志心朝禮，天一應化天尊。

志心朝禮，太一應化天尊。

志心朝禮，辰星應化天尊。

臣等志心皈身，皈神皈命，玄帝顯靈應化諸天上聖，切念下民，居于塵網，莫知先業，罕究前因。自世遠於鴻荒，

真淳遽泯；逮俗逾於鹿野，矯僞迭興。險謀暗設於機關；殺物密投於陷阱。逐邪敗正，掩是徇非，矜銜而侮老成，沉湎而食猷穢。貪婪縱欲，交處多愚。五常汨而名分浸虧；一性昏而施爲實謬。擾擾七情之競起，紛紛十業之增添。銖較萬分，輪迴億劫，所受蓋原於所積，其來由肇於其因。若不際遇於善緣，安得懺陳於宿障。臣等恭承經寶垂訓曰：禍福無門，唯人自召；善惡之報，如影隨形。謹按修真第一戒云：不得陰賊潛謀，害物利己。切慮弟子某先世以來，今生之內，詭能求勝，挾數藏機，面從而退有言，色溫而潛懷狠。私衷毒虐，積恨愆尤，輕天民若剪菅茅，亂國政而浸隳綱紀。賞于非義，刑及無辜。窺伺錢糧，默寓攘奪之意；覬覦名位，暗生傾險之心。諂佞富榮，欺壓卑賤。舉諸枉而措諸直，匿其是而較其非。推過認恩，嫁禍賣惡，上來往業，見在世中，多招怨謗，橫起乖屯。死墮地獄，長劫受苦。苦盡復生，遂入惡道。報盡復還，生於茲世。

以前業報，尚有餘殃，受報未已。今則聞經所說，大可驚惶。仰對聖前，恭投懺悔。人各恭敬，志心朝禮。

志心朝禮，太始無形天尊。
志心朝禮，太虛無極天尊。
志心朝禮，太玄冥寂天尊。
志心朝禮，太元守樸天尊。
志心朝禮，太空自然天尊。
志心朝禮，太易混成天尊。
志心朝禮，太象可凝天尊。
志心朝禮，太古可名天尊。
志心朝禮，太有常道天尊。
志心朝禮，太靈空洞天尊。
志心朝禮，太清無爲天尊。
志心朝禮，太真演教天尊。
志心朝禮，太漠流神天尊。
志心朝禮，太華顯慶天尊。
志心朝禮，太曦圓照天尊。
志心朝禮，太霄輪彩天尊。
志心朝禮，太宸立極天尊。
志心朝禮，太微廣化天尊。
志心朝禮，太本流迹天尊。
志心朝禮，太理開教天尊。

志心朝禮，太智悟境天尊。
志心朝禮，太定凝神天尊。
志心朝禮，太白明素天尊。
志心朝禮，太老廣義天尊。
志心朝禮，太光廣德天尊。
志心朝禮，太朴致理天尊。
志心朝禮，太華混夷天尊。
志心朝禮，太學致奧天尊。
志心朝禮，太權啓迪天尊。
志心朝禮，太平萬化天尊。
志心朝禮，太幽抱一天尊。
志心朝禮，太機變運天尊。
志心朝禮，太曦鬱華天尊。
志心朝禮，太神清漢天尊。
志心朝禮，太清神漢天尊。
志心朝禮，太祝廣壽天尊。
志心朝禮，太皇廣成天尊。
志心朝禮，太帝赤精天尊。
志心朝禮，太和鬱圖天尊。
志心朝禮，太和務合天尊。
志心朝禮，太德允壽天尊。
志心朝禮，太行真妙天尊。
志心朝禮，太極傳教天尊。

天尊上聖，禮念既周。再竭一心，遙瞻神府。皈命紫皇天一真慶宮、元和遷校府、北極佑聖院諸真仙衆。今日道場大衆，虔叩教主，北極鎮天佑聖助順真武靈應福德真君、玉虛師相玄天上帝。伏願光浮丹闕，瑞應碧空，洞照塵寰，丕覃恩貺。今爲某求懺上來所犯第一品戒，陰賊潛謀，害物利己之罪。先世今生，遺殃往劫，上延祖考，下逮宗親。或起倖傷生。或含威戕物。或動違正理，諂用邪謀。或嫉賢妬能，虧人益己。外視雍容而可慕，中存乖惡以堪憂。送之治廩，以捐階；擠之入井，而下石。欺凌孤寡，酷虐庸庸，笑裏藏刀，眼中暗箭，罪將條列，惡已貫盈，撓亂靈司，糾錄不已。今憑懺力，願賜赦原，願望上真，宣恩人世，勅下元和遷校府，北極佑聖院、三元九府諸宮諸司仙曹。案據天官仙官、靈官真宰、佐巡僚吏，廣行慈憫，並賜赦原。求懺弟子某同法衆等，遵奉玄科，入道登真戒，當行無爲，精進修行。誓從今去，端懷忠節，退守恭謙，愛物憐生，視

人猶己。虚心實腹，敢懷狼顧之思；屏氣存神，擬效雀銜之報。即斯發露，徑此懺陳。伏願天官錫紀算之名，地簡列蠲非之字。身安命泰，志暢神清。七祖亡魂，永臻福果；三生障惱，悉殄惡因。常奉正真，永依玄教，以斯利益，遍悉莊嚴，嶽鎮浸隆，蘿圖永固。萬姓襟裾而向慕，百蠻冠帶以來朝。壽比南山，咸仰一人之有慶；星朝北極，鼎臻四海以無虞。一切有情，俱登道岸。

北極真武普慈度世法懺卷之一

北極真武普慈度世法懺卷之二

步虛

爾時，妙行真人告諸仙曰：謹按洞真本行經云，玉帝者，乃元炁之祖，造化之根。靜而聖，即元始天尊；動而神，即玉皇上帝。居玉清宮通明殿，統御萬天，化育羣品。萬彙之主，造化之原。在天為衆聖之尊，在世為萬教之主。而老君者，道之應形，名號無邊，洞真極聖，本無常形，消則為氣，息則為人。或於太虛之中，凝為真容，體大無邊，相好備足，上無所攀，下無所躡。或在雲華之上，身如金色，高真侍衛，百靈宗奉。或坐蓮花之內，建七曜玲瓏之冠，披九色離羅之帔，項負圓光，照耀天地，處寶臺金殿、珠玉帷帳。萬帝朝禮，神兵衛軒。或金容玉姿，黃裳繡帔。或素服玄冠，乘朱鬃白馬。或下治十天，封掌兆民，居紫微勾陳房，為天皇大帝。或春夏秋冬，變化無

量，此則返金闕之炁，更受煉飛玄通神之精也，故化身為真武。其神通自在，隨感則現，能白能黑，能方能圓，能屈能伸，能脩能短，能老能少，能一能萬。縱橫反覆，厥體靡常，亘古窮今，歷代演教，接引九界，濟度無邊。臣等歷世多緣，幸親至教，詳明經典，與善因緣，欽奉上真，知歸有自。一心發念，皈依敬禮。

- 志心朝禮，虛無自然元始天尊。
- 志心朝禮，玉宸道君靈寶天尊。
- 志心朝禮，太上老君道德天尊。
- 志心朝禮，玉虛師相玄天上帝。
- 志心朝禮，聖父明真大帝。
- 志心朝禮，聖母瓊真上仙。
- 志心朝禮，聖師豐乾大帝。
- 志心朝禮，西國紫玄元君。
- 志心朝禮，金闕化身天尊。
- 志心朝禮，玄元顯應天尊。
- 志心朝禮，太清靈變天尊。
- 志心朝禮，高上玉真天尊。
- 志心朝禮，日光開瑞天尊。
- 志心朝禮，武曲應化天尊。

志心朝禮，虛星應化天尊。

志心朝禮，危星應化天尊。

志心朝禮，天一應化天尊。

志心朝禮，太一應化天尊。

志心朝禮，辰星應化天尊。

臣等志心皈身，皈神皈命，玄帝顯

靈應化諸尊上聖。臣恭承太上垂訓

曰：夫人生天地之間，善惡不同，各自

先身業緣所致。修善善至，修福福來。

如影隨形，似聲應響。悟則見道，迷則

居塵。有如寶珠，照鑑隨物；又如明

鏡，黑白自彰。若修十善，克感天神，

扶護世族，克昌後世，衣食自然，無窮

壽量。若修十惡，凶神降附，苦病切

身，輪轉受生，應諸惡報。謹按修真第

二戒云：不得殺害含生，以充滋味。

切慮弟子某一真乖本，百念俱非，求適

口之肥鮮；稱快心之爽美。捕獵投林

之獸，搜邏飛野之禽。挾弓馳射於山

間，設網低沉於水底。託合藥祀神之

故，及佞官媚貴之爲。煮宰、烹炮、燂

燔、炙烙，豈念輪迴於惡道，安知人物

之一途。或眷屬以業報而改形。或姻

親以罪緣而受果。反滄其肉，欲潤爾

身。不復識知，未能傷愍。殺害愈甚，

舉動成愆。上來諸業，見在世中。疾

體纏綿，壽命夭促，死墮地獄，長劫受

苦。苦盡復生，遂入惡道。報盡復還，

生於茲世。以前業報，尚有餘殃，受報

未已。今則聞經所說，深可憂惶。仰

對聖前，恭投懺悔。皈命一心，虔誠信

禮。

志心朝禮，上通無始天尊。

志心朝禮，上極無窮天尊。

志心朝禮，上及無間天尊。

志心朝禮，上象宗無天尊。

志心朝禮，上契太元天尊。

志心朝禮，上炁通和天尊。

志心朝禮，上理存虛天尊。

志心朝禮，上造無違天尊。

志心朝禮，上達至理天尊。

志心朝禮，上教不言天尊。

志心朝禮，上清理炁天尊。

志心朝禮，上繼元迹天尊。

志心朝禮，上奉至柔天尊。

志心朝禮，上明嗣寂天尊。

志心朝禮，上宗無間天尊。

志心朝禮，上光有益天尊。

志心朝禮，上宗四白天尊。

志心朝禮，上洞元靈天尊。

志心朝禮，上靈高妙天尊。

志心朝禮，上文演法天尊。

志心朝禮，上元陽照天尊。

志心朝禮，上寶紫微天尊。

志心朝禮，上致希夷天尊。

志心朝禮，上證五果天尊。

志心朝禮，上登無極天尊。

志心朝禮，上妙通神天尊。

志心朝禮，上興法理天尊。

志心朝禮，上致不殆天尊。

志心朝禮，上慕大成天尊。

志心朝禮，上惠不窮天尊。

志心朝禮，上好清樂天尊。

志心朝禮，上學日益天尊。

志心朝禮，上澄無累天尊。

志心朝禮，上無攝有天尊。

志心朝禮，上建廣德天尊。

志心朝禮，上隆教法天尊。

志心朝禮，上行正法天尊。

志心朝禮，上化無迹天尊。

志心朝禮，上教去有天尊。

志心朝禮，上德無盡天尊。

天尊上聖，禮念既周。再竭一心，

遙瞻神府。皈命紫皇真一天慶宮、元和遷校府、北極佑聖院諸真仙衆。今日道場大衆，虔叩教主，北極鎮天助順真武靈應福德真君、玉虛師相玄天上帝。伏願垂象鳴鸞，驂龍馭鳳，洞昭感格，普救生靈，奉爲弟子某求懺上來，所犯第二品戒殺害舍生，以充滋味之罪。或先世今生，遺殃往劫，上延祖考，下逮宗親。或處口傳言殺。或延賓養已殺。或手揉腳踏殺。或目擊耳聞動作殺。或故殺誤殺，狼戾有毒，殘害無辜，求取膏粱，貪嘗筋血。罪將條列，惡已貫盈，撓亂靈司，糾錄不已。今懺懺力願，賜寬原顛，望上真宣恩，勅下所部考官、考吏、考兵、考士，一切玄司，曹按主者，廣行慈憫，願賜赦原。求懺弟子某並法衆等，遵奉玄科，入道登真戒，當行陰德，廣濟羣生，誓從今去，心懷慈惠，志務善修。剖析藩籬，

解除羅網。痛憐衆命，常存救援之思；愛同一身，不恣殺傷之欲。即斯發露，徑此懺陳。伏願金書錫贊衛之休，玉簡賜安寧之慶。削故殺誤傷之罪，拔積冤理對之仇。變化人身，脫離業障。償報之愆，盡滌；顯幽之際，俱安。常奉至真，永依玄教。以斯利益，遍悉莊嚴。上願寶鼎尊隆，金枝蕃衍。公侯效勤而盡瘁；官僚秉節以輸忠。任以無私論道，經邦而無異；施於有政安民，濟衆之有餘。一切有情，同登道岸。

北極真武普慈度世法懺卷之二

北極真武普慈度世法懺卷之三

步虛

爾時，妙行真人告諸仙曰：夫三寶大有金書，一炁分形三清，出號太初、溟滓、玄極。洪濛中有虛皇分置五劫：曰龍漢，曰赤明，曰上皇，曰延康，曰開皇。當斯時也，天光未分，清濁未判，則知三老各布始炁，化生四靈，以定四隅，周環六合，日月運乎其中，推成萬物明知。玄武乃天一之炁，五靈老君太陰天一之化。混沌赤文載，惟玄帝乃元始化身，太極別體。上三皇時，下降爲太始真人；中三皇時，下降爲太初真人；下三皇時，下降爲太素真人。至黃帝時，下降正上天。開皇劫初下世，紫雲元年，歲當甲辰，三月戊辰三日甲寅庚午時，符太陽之精，託胎化生淨樂國善勝皇后之腹，孕秀一十四月，即太上八十二化也。淨樂國，乃奎婁星之下海外仙國，上應龍變梵

度天，玄帝產母左脇。當生之時，異香瑞雲，地皆金色。七歲俯察仰觀，靡所不通，潛心念道，志契太虛，願事上天，溥福兆民。十五歲辭父母，受紫玄君無極上道，越東海，歷翼軫星，下於武當山修道四十二年，功成果滿，白日上昇。玉帝封爲玄武。五百歲後，攝坎離真精，歸根復命，上爲三境輔臣，下作十天大聖，方得顯名億劫，與天地日月齊并。是其果滿矣。臣等知因識果，感德蒙恩，先地先天，劫終劫始，長勞造化，仰俟裁成，敢效藿傾葵，專勤崇向，一心發念，稽首高真，志心敬禮。

志心朝禮，虛無自然元始天尊。
志心朝禮，玉宸道君靈寶天尊。
志心朝禮，太上老君道德天尊。
志心朝禮，玉虛師相玄天上帝。
志心朝禮，聖父明真大帝。
志心朝禮，聖母瓊真上仙。
志心朝禮，聖師豐乾大帝。
志心朝禮，西國紫玄元君。
志心朝禮，金闕化身天尊。
志心朝禮，玄元顯應天尊。

志心朝禮，太清靈變天尊。
志心朝禮，高上玉真天尊。
志心朝禮，日光開瑞天尊。
志心朝禮，武曲應化天尊。
志心朝禮，虛星應化天尊。
志心朝禮，危星應化天尊。
志心朝禮，天一應化天尊。
志心朝禮，太一應化天尊。
志心朝禮，辰星應化天尊。

臣等志心皈身，皈神皈命，玄天顯靈應化，諸尊上聖。臣聞太上垂訓曰：凡世衆生，自從有命，善心因被外色侵凌，耽諸愛欲。遂乃障蔽善事，積習惡緣。若能攝動歸閑，存心內覺。悟空非色，色想即空。不作淫欲之愆，悟我六炁之道。當常檢身心，每虞過失，見諸經戒，常懷畏慎，毋入魔界，自墜惡道。謹按修真第三戒云：不得淫邪敗真，穢慢靈氣。以今弟子某心猿縱欲，意馬奔馳。耳管絃鼓樂之音，欣欣有喜；目珠翠金瑰之色，念念無忘。悅遇紛華，愛貪奇麗。誼華淫佚，居中不固於閨庭；醉舞歌吟，樂外惟遊於里

巷。罔念精神之凋耗，第窮筋力以疲勞。葉脫根枯，灰飛烟滅。致疾縈纏於喘促，傳尸枉逝於伏連。人道乖離，鬼關淪沒。殆難超度，空極吁嗟。上來往業，見在世中。行已灾屯，受人厭棄；死墮地獄，長劫受苦。苦盡復生，遂入惡道。報盡復還，生於茲世。以前業故，尚有餘殃，受報未已。今則聞經所說，心切驚惶，仰對聖前，恭投懺悔。一心致敬，皈命信禮。

志心朝禮，至道集虛天尊。
志心朝禮，至神合無天尊。
志心朝禮，至清澄寂天尊。
志心朝禮，至元造化天尊。
志心朝禮，至寧含靜天尊。
志心朝禮，至寶吐虛天尊。
志心朝禮，至音冠漠天尊。
志心朝禮，至無應變天尊。
志心朝禮，至柔無間天尊。
志心朝禮，至靈無待天尊。
志心朝禮，至靈若昧天尊。
志心朝禮，至強不息天尊。
志心朝禮，至盈若冲天尊。

志心朝禮，至和達常天尊。
志心朝禮，至常發明天尊。
志心朝禮，至公治事天尊。
志心朝禮，至深固本天尊。
志心朝禮，至慈施行天尊。
志心朝禮，至美流言天尊。
志心朝禮，至仁進善天尊。
志心朝禮，至惟布化天尊。
志心朝禮，至大圖難天尊。
志心朝禮，至安持和天尊。
志心朝禮，至誠不動天尊。
志心朝禮，至學過衆天尊。
志心朝禮，至公輔物天尊。
志心朝禮，至智多治天尊。
志心朝禮，至式深遠天尊。
志心朝禮，至順反物天尊。
志心朝禮，至善不爭天尊。
志心朝禮，至化不辭天尊。
志心朝禮，至微幾聖天尊。
志心朝禮，至名不去天尊。
志心朝禮，至見無欲天尊。
志心朝禮，至聖覃恩天尊。
志心朝禮，至德太玄天尊。

志心朝禮，至真長樂天尊。

天尊上聖，禮念既周。再竭一心，遙瞻神府。皈命紫皇天一真慶宮、元和遷校府、北極佑聖院諸真仙衆。今日道場大衆，虔叩教主，北極鎮天佑聖助順真武靈應福德真君、玉虛師相玄天上帝。伏願寶劍橫空，旌旗擁駕。恢弘有願，救度無邊。今爲弟子某求懺上來，所犯第三品戒淫邪敗真、穢慢靈炁之罪。先世今生，遺殃往劫，上延祖考，下逮宗姻。或見美質，屬意貪汙。或凌貧素，捉人殘害。或間喋母子，攘奪男女。或隔斷親疏，眩惑賢良，裸露三光，穢觸諸聖，背馳正道，妄起邪謀，真炁消磨，靈姿昏濁，罪將條列，惡已貫盈，撓亂靈司，糾錄不已。今憑懺力，願望宣恩，勅下考校真司、巡按府署、司非執罰典錄大神，廣行慈憫。並賜赦原，求懺弟子某同法衆等，遵奉玄科，入道登真戒，當行柔弱，勿爲邪佞，誓從今去，內無愛想，外絕妄爲。視己同於視人，好德甚於好色。保存元炁，一毫不敢以懷欺；淨淪真心，萬慮悉消

而自守。即斯發露，徑此懺陳。伏願天地水府之霽威，上中下尸之釋罪。身康氣定，志得願從。妙化弘敷，永錫綿洪之祉；至靈不昧，庶全覆佑之休。常奉至真，永依玄教，以斯利益，遍悉莊嚴。國底蕃昌，民臻泰定。坐蔑抗衡之變，行占奠枕之歡。樂業安居，寧有詐祖之習，祈天永壽，曾何駭馬之虞。一切有情，同登道岸。

北極真武普慈度世法懺卷之三

（陳耀庭點校）

北極真武普慈度世法懺卷之四

步虛

爾時，妙行真人告諸仙曰：在昔，元始天尊生於太無之先，稟自然之炁，冲虛凝邈，莫知其極。天地淪壞，劫數終盡，而天尊之體常存不滅，或在玉京之上，或在窮桑之野，授以祕道，謂之開劫度人。然開劫非一度矣。原夫太上以龍漢元年分身降於中央大福堂國，出真文赤書，以化國民，人皆長生。又於南極赤明之國出火煉真文，故號洞陽之庭，有流火之池，凡煉其形，皆成金色。上立朱陵之館，以主生成。又於東極碧落之天浮黎之國，書真文於空青之林，遂成紫字。其林風度成音，鳥食其葉，身生文彩；人得其羽，即能飛行。其民長生，安樂無爲。又於西極衛羅世界西那玉國，出真文於浮羅之嶽，以度國人。玉池自生金精，流映人挹。其水身生金光，與天相逼。

又於北方鬱單之國，出真文於洞靈之觀，以度兆民。其下寒池靈津，自然流澳。人得飲之，無有終極。五土之內，皆稟太上靈寶之教，以得長生。因命五老上帝，以鎮五方，行道立教，和寧羣品。臣等恭聞天尊上聖，垂大慈之化，造立天地，剖判三才，令得受生人中，莫知所自。仰披典誥，實深負荷之恩。傾向虔誠，五體投地。稽首高真，皈依敬禮。

志心朝禮，虛無自然元始天尊。
志心朝禮，玉宸道君靈寶天尊。
志心朝禮，太上老君道德天尊。
志心朝禮，玉虛師相玄天上帝。
志心朝禮，聖父明真大帝。
志心朝禮，聖母瓊真上仙。
志心朝禮，聖師豐乾大帝。
志心朝禮，西國紫玄元君。
志心朝禮，金闕化身天尊。
志心朝禮，玄元顯應天尊。
志心朝禮，太清靈變天尊。
志心朝禮，高上玉真天尊。
志心朝禮，日光開瑞天尊。

志心朝禮，武曲應化天尊。
志心朝禮，虛星應化天尊。
志心朝禮，危星應化天尊。
志心朝禮，天乙應化天尊。
志心朝禮，太乙應化天尊。
志心朝禮，辰星應化天尊。

臣等志心皈身，皈神皈命，玄天應靈顯化，諸尊上聖。臣恭承太上垂訓曰：道有悟迷，言有浮僞。凡人三業，內則在心，外則因口。心間所有惡業，若口不能談，其惡亦不彰。心間雖無其事，口中妄有巧言。其業漸深，皆因惡口，鬥諍良善，讒譖愚癡，曲說華詞，妄談謬誤，不省正教，不誦仙經，裝飾非言，是名敗壞。若能口不作罪，意集希言，不言於惡口之中，回向於讚詠之上，即得常近經教，讚一善以報。謹按脩真第四品戒，不得敗人成功，析交離親。以今弟子某竊恐受性以來，至于今日，多起嫌疑，默懷嫉妬，祇爲利己，奚恤危人。孽其短而棄其長，旁覘有過；怒彼成而喜彼敗，深訝無功。誘引姻眷於燕齊，遊說朋儕於吳越。巧

言令色，但面是而背非；謀爲不忠，徒心傳而口授。道聽而塗說，隙窺而墻從。將有爲無，架虛作實。不及者，妄加訾毀；多能者，曲肆損虧。隔絕往還，結成怨惡。上來往業，見在世中，艱辛一己，憂慮百端，死墮地獄，長劫受苦。苦盡復生，生於茲世。以前業報，尚有餘殃，受報未已，今則聞經所說，大可驚惶。仰對聖前，恭投懺悔。人各運誠，虔心朝禮。

志心朝禮，一元混成天尊。
志心朝禮，一生有始天尊。
志心朝禮，一行柔慈天尊。
志心朝禮，一約儉約天尊。
志心朝禮，一持謙讓天尊。
志心朝禮，一致無爲天尊。
志心朝禮，一名可論天尊。
志心朝禮，一常三復天尊。
志心朝禮，一性無常天尊。
志心朝禮，一靈悟境天尊。
志心朝禮，一能攝善天尊。
志心朝禮，一形成勢天尊。
志心朝禮，一器畜物天尊。

志心朝禮，一智明守天尊。
志心朝禮，一利濟動天尊。
志心朝禮，一已襲常天尊。
志心朝禮，一真賦體天尊。
志心朝禮，一善潤家天尊。
志心朝禮，一慶資鄉天尊。
志心朝禮，一政護國天尊。
志心朝禮，一言善應天尊。
志心朝禮，一施不恃天尊。
志心朝禮，一切不履天尊。
志心朝禮，一棄三絕天尊。
志心朝禮，一事從容天尊。
志心朝禮，一中有信天尊。
志心朝禮，一爲品式天尊。
志心朝禮，一合符冲天尊。
志心朝禮，一教獨立天尊。
志心朝禮，一居四大天尊。
志心朝禮，一含四法天尊。
志心朝禮，一知三守天尊。
志心朝禮，一善五果天尊。
志心朝禮，一宗四具天尊。
志心朝禮，一居七善天尊。
志心朝禮，一存四身天尊。

志心朝禮，一利三能天尊。
志心朝禮，一無不活天尊。
志心朝禮，一含萬象天尊。
天尊上聖，禮念既周。再竭一心，遙瞻神府，皈命紫皇天一真慶宮、元和遷校府、北極佑聖院諸真仙衆。今日道場大衆，虔叩教主，北極鎮天佑聖助順真武靈應福德真君、玉虛師相玄天上帝。伏願神龜命駕，瑞鶴臨軒。拯濟凡庸，駢臻釐福。今爲弟子某求懺上來所犯第四品戒敗人成功、析交離親之罪，先世今生，遺殃往劫，上延祖考，下逮宗親，見利忘義而敗壞功勞，背恩絕愛而隔斷親友。暗生巖嶮，潛設機關。或交合妄起於紛爭，或諂佞橫生於間越。遞傳虛語，矯飾詐情，惟務圖謀，是名障礙。罪將條列，惡已貫盈，撓亂靈司，糾錄不已。今憑懺力，願望宣恩，勅下上天屋地、四時五行、六律七星、司功考過、一切神司仙曹主吏，廣行慈憫，並賜赦原。求懺弟子某同法衆等，遵奉玄科，入道登真戒，當行無妄，勿爲諂詐，誓從今去，言無口過，行

務已修，視人猶己之非殊，推功讓能而不伐。上和下睦，俾成勛績之隆；內撫外寧，肯使親疏之間。即斯發露，徑此懺陳。伏願玉音宣布於皇休，金闕旋頒於睿旨。庸覺非而悔過，俾解厄以消災。隱顯和同，俯仰庶期於無愧；幽冥超度，沾濡均濟於有緣。常奉至真，永依玄教。以斯利益，遍悉莊嚴，星曜順躔，雨暘應候。獲秀穎嘉禾之瑞，無飛霜隕草之虞。與時皆行，無旱乾而水溢；極天所覆，俾道泰以人和。一切有情，俱登道岸。

北極真武普慈度世法懺卷之四

北極真武普慈度世法懺卷之五

步虛

爾時，妙行真人告諸仙曰：夫三洞寶經，皆三清之上道也。故老君曰：吾昔受之於元始天尊，于今七億萬劫。天地成壞，萬品生滅，唯吾道獨在。今猶修之於景雲之上，嘗以玉清玄簡，出傳真公，於無量壽天。又傳於青童大君，依九天品格，萬劫一出。自開皇以來傳授後學，應為真者九千年。聽傳三人，或四十年，或九年中，遇有其人，聽願傳之。今末代澆薄，拯濟尤切，皆以齋戒為先，陰功為務，以拔九祖之罪，以度羣品之厄。後及己身，立功布德，上遵天憲，以期超度故有一十七等齋科、三十六品醮法。夫三籙者，曰金籙齋，調和陰陽，保鎮國祚；曰玉籙者，昌國化民，保安兆姓；曰黃籙者，拔度九玄七祖，永辭長夜之苦。七品齋者，一曰明真齋，超度幽爽，解諸冤

對；二曰自然齋，普為衆生，謝罪消災，學仙修行；三曰三元齋，自謝犯戒之罪，解考三官；四曰八節齋，謝玄祖及己身黑簿之罪；五曰洞神齋，以清潔守素為貴，救疾禳災為功；六曰塗炭齋，以苦節為功，悔過請福；七曰指教齋，上則以清虛簡寂為用，次則以吐納服御為階；下則以洗心悔過為宗，普則以後己先人為要，功滿三千白日昇天。臣等欣逢聖教，得遇真風，未能剋志奉行。惟當竭心崇嚮，一心發念，五體投誠。稽首皈依，志心朝禮。

- 志心朝禮，虛無自然元始天尊。
- 志心朝禮，玉宸道君靈寶天尊。
- 志心朝禮，太上老君道德天尊。
- 志心朝禮，玉虛師相玄天上帝。
- 志心朝禮，聖父明真大帝。
- 志心朝禮，聖母瓊真上仙。
- 志心朝禮，聖師豐乾大帝。
- 志心朝禮，西國紫玄元君。
- 志心朝禮，金闕化身天尊。
- 志心朝禮，玄元顯應天尊。
- 志心朝禮，太清靈變天尊。

志心朝禮，高上玉真天尊。

志心朝禮，日光開瑞天尊。

志心朝禮，武曲應化天尊。

志心朝禮，虛星應化天尊。

志心朝禮，危星應化天尊。

志心朝禮，天一應化天尊。

志心朝禮，太一應化天尊。

志心朝禮，辰星應化天尊。

臣等志心皈身，皈神皈命，玄天顯

靈應化諸尊上帝。臣等恭承太上垂訓

曰，凡世衆生，不悟宿因，不修善果，無

明所覆，有礙所通，不假懺陳，何由悟

解。且夫天與世雖異，其境界同；聖

與人雖殊，其義理等。三清道境、十方

天尊，亦在人修，皆與聖合。人之墮於

惡道，皆由在世三業最大作惡造業，顯

揚於外。若能內滅惡心，外忘惡口，不

談彼短，不銜己長，見人過愆，誓不傳

說，惜聲閉口，愛氣希言。忘心於綺麗

之中，回懺於敬信之上。在世即得身

貴，名高一善之報。履踐世間，人神安

妥。謹按修真第五品戒云，不得露才

揚己，讒毀善良。以令弟子某等切恐誠

心弗粹，浩氣至剛，恃己多謀，抑人未

悟。圭璋河漢，誇文海之波瀾；黼黻

雲烟，輝事功於山嶽。俊力俯欺於庸

懦，妙齡強壓於老成。萋菲巨賢，笑談

至善。勢多強悍，性匪柔和。賤踰貴，

卑襲尊，小陵大，下犯上。駸駸自言於

得志，囂囂不務於檢身。浸潤之譖，愈

萌；毀譽之私，迭起。上來往業，見在

世中，遭人詬責，觸事屯遭，死墮地獄，

長劫受苦，苦盡復生，遂入惡道。報盡

復還，生於茲世。以前業故，尚有餘

殃，受報未已，今則聞經所說，大可驚

惶。仰對聖前，恭投懺悔。志心朝禮，

人各恭敬。

志心朝禮，無始可元天尊。

志心朝禮，無為可任天尊。

志心朝禮，無法可說天尊。

志心朝禮，無言可論天尊。

志心朝禮，無視可見天尊。

志心朝禮，無聽可聞天尊。

志心朝禮，無廣不覆天尊。

志心朝禮，無微不通天尊。

志心朝禮，無感不應天尊。

志心朝禮，無幽不燭天尊。

志心朝禮，無化不周天尊。

志心朝禮，無遠不屈天尊。

志心朝禮，無理不悟天尊。

志心朝禮，無欲不靜天尊。

志心朝禮，無善不克天尊。

志心朝禮，無光不照天尊。

志心朝禮，無行不加天尊。

志心朝禮，無業不進天尊。

志心朝禮，無日不求天尊。

志心朝禮，無方不到天尊。

志心朝禮，無事不和天尊。

志心朝禮，無戒不持天尊。

志心朝禮，無謀不成天尊。

志心朝禮，無功不立天尊。

志心朝禮，無德不顯天尊。

志心朝禮，無人不施天尊。

志心朝禮，無義不為天尊。

志心朝禮，無問不對天尊。

志心朝禮，無教不言天尊。

志心朝禮，無機不轉天尊。

志心朝禮，無行不弔天尊。

志心朝禮，無妙不歸天尊。

志心朝禮，無名不可天尊。

志心朝禮，無有不供天尊。

志心朝禮，無轉不靈天尊。

天尊上聖，禮念既周。再竭一心，

遙瞻神府，皈命紫皇天。一真慶宮、元和遷校府、北極佑聖院諸真仙衆。今日道場大衆，虔叩教主，北極鎮天佑聖助順真武靈應福德真君、玉虛師相玄天上帝。伏願祥光俯御，瑞相端臨，濟衆施恩，釋冤寬罰。今爲弟子某等懺除上來所犯第五品戒，露才揚己，讒毀善良之罪，先世今生，遺殃往劫，上延祖考，下逮宗親，以英毫凌鑠寬和，以藝能笑侮庸瑣。揚揚自得，行行蔑如。或勢力不屈，而起怨嗟。或語言多諂，而生譏誚。但知有己，旁若無人。自負太高，肆欺逾甚，罪將條列，惡已貫盈，撓亂靈司，糾錄不已。今憑懺悔，願望宣恩，勅下所部繡衣使者、典錄大神、八方九州陰陽主吏、曹員務局、一切明神，廣行慈憫，並賜赦原。求懺弟子某同法衆等，遵奉玄科，入道登真戒，當行守恪，勿爲己先，誓從今去，至恭盡

禮，和光同塵。不矜而莫與爭能；見善而有如不及。謙冲退處，屏除矯僞之情；蹇諤優容，杜絕乖愆之念。既斯發露，徑此懺陳，願得帝澤下覃，皇威上暢。四序永消於坎坷，一門俱遂於泰亨。戴履無慚，庶悉依於護佑；照臨不忒，敢晦昧於行藏。常奉至真，永依玄教，以斯利益，遍悉莊嚴，百穀登成，五材並用，盡掃旱蝗之害，免爲魚鱉之災。足食足衣，無啼飢號寒之苦；多黍多稌，殫感恩荷德之思。一切有情，同登道岸。

北極真武普慈度世法懺卷之五

北極真武普慈度世法懺卷之六

步虛

爾時，妙行真人與諸仙子曰：昔九疑山女真王妙想朝謁精誠，忽有所感。一日，祥雲滿庭，光燭殿壇，旌幢鶴蓋，浮空而下，見一天官，羽衣寶冠，昇殿而坐，謂妙想曰，吾乃往昔有虞氏之君舜帝也。勞厭萬國，養道此山。每欲誘教後人，使之知道，世無可教授者。夫道在於內，不在於外。道在爾身，不在他人。玄經所謂修之於身，其德乃真。近者，地司所奏，汝守道不邪，遵稟玄戒，若無所證，乃道之棄人也。又玄經云，常善救物，故無弃物，而道之布惠周遍，則物物皆欲成之，人人皆欲度之。但世人福果卑微，道炁膚淺，不能精專，勤學道業，未就而已。中念是人自棄道，非道棄人。蓋上聖高真，愍歷劫不常代運，流轉陰陽，倚伏生死，推遷俄爾之間。至陽九百六

之會，孜孜下教，以救於人，尤切於世人之求道也。然世人求道也，若存若亡，繫念存心，萬中無一。天真愍俗，常在人間，隱影化形，隨方開悟。子欲長生，三一當明。子能守一，一亦守子矣，能變為精，精變為嬰兒，嬰兒上為真人，真人然後為亦子，此是真人一也。又曰偽道養形，真道養神，神真道通，能亡能存，神能飛形，亦能移山，形受灰土，其何識焉。身目聲色，為子留愆。鼻口所喜，香味是冤，身為惱本，痛痒寒溫，意為形累。愁毒憂煩，弗疾去之，則志氣自耗，壽命不延。臣等欽惟上聖，哀救世人，廣示訓章，開度羣品。當遵品戒，竭心修習，負荷至恩，不勝慚激。一心發念，五體傾依。稽首慈尊，敬禮真聖。

志心朝禮，虛無自然元始天尊。
志心朝禮，玉宸道君靈寶天尊。
志心朝禮，太上老君道德天尊。
志心朝禮，法主玄天仁威上帝。
志心朝禮，聖父明真大帝。
志心朝禮，聖母瓊真上仙。

志心朝禮，聖師豐乾大帝。

志心朝禮，西國紫玄元君。

志心朝禮，金闕化身天尊。

志心朝禮，玄元顯應天尊。

志心朝禮，太清靈變天尊。

志心朝禮，日光開瑞天尊。

志心朝禮，武曲應化天尊。

志心朝禮，虛星應化天尊。

志心朝禮，危星應化天尊。

志心朝禮，天一應化天尊。

志心朝禮，太一應化天尊。

志心朝禮，辰星慶化天尊。

臣等志心皈身，皈神皈命，玄天應靈顯化諸尊。臣等恭承經寶，太上垂訓曰，齋戒者，道之根本，法之津梁。子欲學道，清齋奉戒，念念正真，邪妄自泯。一切衆生，捨清淨域，耽嗜葷羶，而以觸法。譬如餓鬼啖食死屍，火燒飢腸，飢腸無飽。又如蠅蟲爭奪臭腐，妄為羶香，而以觸法，三宮溷濁，六腑不淨，尸魄欣昌，樂於死地。子當割嗜欲根，入真淨境，無作諸苦，無造諸惡，無生諸見，無犯諸邪。子觀戒文，如世

法律，欲有所犯，愆金木刑。子於戒文，精意奉持，凜然在前，如對所畏，秉心正嚴，滅一切想，諦聽不二，可會正真，是吾弟子也。謹按修真第六品戒云，不得飲酒過差，食諸厭物。以今弟子某等切慮，縱心侈欲，玩意貪觀。量吸鯨吞，日夕第從於酩酊；味耽鴆毒，歲時惟喜於腥羶。假名乎，仙境之瓊漿；求異乎，貴家之玉食。忘形嗜好，適興肥甘。百醉千場，裸袒轉成於放曠；五辛六厭，啖嘗務在於飽充。穢氣爍人，沈酗亂性。舉動第多於狂惑，語言罔顧於淫邪。矧當齋禱之辰，偏起穢殘之念。但資口腹，不謹身軀。遍街握腕以潛行，穢室躡蹤而競往。所為不擇，其處非良，踐履既虧，設施徒謬。上來往業，見在世中，立身譴薄，舉事卑汙，死墮地獄，長劫受苦，苦盡復生，遂入惡道，報盡復還，生於茲世。以前業故，尚有餘殃，受報未已，今則聞經所說，大可驚惶。仰對聖前，恭投懺悔。一心致虔，皈依信禮。

志心朝禮，靈元虛湛天尊。

志心朝禮，靈始象仙天尊。

志心朝禮，靈常淡寂天尊。

志心朝禮，靈達無爲天尊。

志心朝禮，靈爲悟本天尊。

志心朝禮，靈能合漢天尊。

志心朝禮，靈通無極天尊。

志心朝禮，靈一通神天尊。

志心朝禮，靈欲觀妙天尊。

志心朝禮，靈藏萬化天尊。

志心朝禮，靈當利用天尊。

志心朝禮，靈炁致柔天尊。

志心朝禮，靈昶微明天尊。

志心朝禮，靈顏瑞妙天尊。

志心朝禮，靈光及物天尊。

志心朝禮，靈音演妙天尊。

志心朝禮，靈文溥暢天尊。

志心朝禮，靈書紀教天尊。

志心朝禮，靈風傳瑞天尊。

志心朝禮，靈運陰陽天尊。

志心朝禮，靈彰造化天尊。

志心朝禮，靈周十地天尊。

志心朝禮，靈超萬慮天尊。

志心朝禮，靈光法性天尊。

志心朝禮，靈化無私天尊。

志心朝禮，靈轉無涯天尊。

志心朝禮，靈用不窮天尊。

志心朝禮，靈慶有性天尊。

志心朝禮，靈智不殆天尊。

志心朝禮，靈根持重天尊。

志心朝禮，靈無妄作天尊。

志心朝禮，靈無彼竟天尊。

志心朝禮，靈除我智天尊。

志心朝禮，靈機逐變天尊。

志心朝禮，靈根復命天尊。

志心朝禮，靈洞大無天尊。

志心朝禮，靈泉大有天尊。

志心朝禮，靈有大惠天尊。

天尊上聖，禮念既周。再竭一心，

遙瞻神府。皈命紫皇天一真慶宮、元

和遷校府、北極佑聖院諸真仙衆。今

日道場大衆，虔叩教主，北極鎮天佑聖

助順真武靈應福德真君、玉虛師相玄

天上帝。伏願甲騎前驅，丁神後從。

茂揚休祉，俯洽黎民。今爲弟子某懺除

上來所犯六品戒云飲酒過差，食諸獸

物之罪，先世今生，遺殃往劫，上延祖

考，下逮宗親。沉酣不已而溺志疏強，

遊宴無度而裸身廢禮。喜烹異味，不

知獸觸之愆；故殺含靈，專事膾炙之

美。誇恃酒聖，宰戮物牲，褻慢高真，

難逃重譴，罪將條列，惡已貫盈，撓亂

靈司，糾錄不已。今憑懺悔，願望宣

恩，勅下九府業道治罪冥官、主錄曹

僚，靈司掾吏、執法大神，廣行慈憫，並

賜赦原。求懺弟子某同法衆等，遵奉玄

科，入道登真戒，常行清淨，勿矜汙俗，

澄神淨慮，約己存神，飲無過多，食無

厭穢。守皆醉獨醒之悔，微以借紅；

循養生送死之規，資之斑白。即斯發

露，徑此懺陳。伏願澤沛乾坤，恩垂雨

露。原宥顛狂之譴，鑒觀改悔之私。

惠及草萊，咸享安康之樂；光浮蓬華，

永消暗昧之虞。常奉至真，永依玄教，

以斯利益，遍悉粧嚴，國治民安，莫匪

平寧而置器；官清道泰，曾何凌犯以

爭衡。一切有情，俱登道岸。

北極真武普慈度世法懺卷之六

北極真武普慈度世法懺卷之七

步虛

爾時，妙行真人告諸仙曰：昔，太上顯號靜天尊，行教五方，開度人天，乃先天地，以資萬類。上處玉京，為神王之宗；下在紫微，為飛仙之祖。千變萬化，有德不德，隨機應物，厥跡無常。授軒轅於崆峒，教帝嚳於牧德。大禹承長生之訣，尹喜受道德之旨。丹書紫字，昇玄飛步之經；玉石金光，妙有洞靈之說。如此之文，不可勝紀。自上古歷劫至黃帝、帝嚳、夏禹，並遇神人，咸受道籙。年代既久，經史無聞，迨及姬周，東辭函谷，西入闕寶。見恍惚之容，演希夷之訓。是以善利西方，化流中國。且夫人之生也，天傅之以神，地傅之以精，中和傅之以炁。人能保精、愛神、護炁，內則致身長生，外則致國太平。故為人臣者，當上忠其君，欲其長生；為人子者，當念父

母，懼其將老；為人弟子者，當念師恩。蓋受身於父母，成道德於真師，得水土之養於君尊。當念君父師之將老，無以復之。或行學修善，更師賢明求，奇才異術，而資益之。此乃太古上皇，嘗令修善之人，言行精實，心自克責，洗心易行，感動上玄，受天地恩，不忘報謝。精專弗怠，得致神仙。臣等幻化生身，叨承蓋載，君親寵渥，父母劬勞，得佩訓章，敢忘所自。式憑香火，用報洪恩。秉躬致虔，一心發念。稽首皈依，正真三寶。

志心朝禮，虛無自然元始天尊。
志心朝禮，玉宸道君靈寶天尊。
志心朝禮，太上老君道德天尊。
志心朝禮，玉虛師相玄天上帝。
志心朝禮，聖父明真大帝。
志心朝禮，聖母瓊真上仙。
志心朝禮，西國紫玄元君。
志心朝禮，金闕化身天尊。
志心朝禮，玄元顯應天尊。
志心朝禮，太清靈變天尊。

志心朝禮，高上玉真天尊。
志心朝禮，日光開瑞天尊。
志心朝禮，武曲應化天尊。
志心朝禮，虛星應生天尊。
志心朝禮，危星應化天尊。
志心朝禮，天一應化天尊。
志心朝禮，太一應化天尊。
志心朝禮，辰星應化天尊。
臣等志心皈身，皈神皈命，三寶至尊玄天上帝，顯靈應化諸大天尊。臣恭聞太上垂訓曰，一切衆生，處在浮世，百年幾日，如時餉間。石火電光，何能得久。如蛾撲燈，自取殞滅。不能明了，誤此縈纏。惟懷吝惜，常負貪求。聚積山高，心猶不足。一日之活，作千年計。生既不將一錢來，死亦不將一錢去。一朝身歿，萬事皆空。無量慳貪，盡成虛幻。在世積財不散，寧免水火盜賊之菑；用計謀人，豈免乏絕子孫之報。當此之時，英雄豪貴，頓爾俱消。高車大馬，何關人事。華堂峻宇，盡屬他人。姻眷吁嗟，有何所益。謹按修真第七品戒云，不得貪求無厭，積

財不散。重念臣等私憂過計，遐想貪圖，積貯務多，貪饕何已。兼并貨賄，欲此富而彼貧；攘取田廬，視我強而他弱。登龍斷而罔利，競蝸角以求贏。朝謀夕慮，而惟恐其無；左經右營，而不滿所欲。稻梁腐廩，肯分顆粒以賑飢；錢楮充梁，豈散一毫而濟乏。奉養且聞於薄鄙，困窮奚暇於憫憐。席卷猶求，囊慳愈澀。上來往業，見在世中，慮勤憔悴，禍遇寇攘，死墮地獄，長劫受苦，苦盡復生，遂入惡道。報盡復還，生於茲世，以前業故，尚有餘殃，受報未已。今則聞經所說，大可驚惶，仰對聖前，恭投懺悔。一心致虔，皈命敬禮。

志心朝禮，空戴大象天尊。
志心朝禮，空量太華天尊。
志心朝禮，空包妙寂天尊。
志心朝禮，空澄太定天尊。
志心朝禮，空清太漢天尊。
志心朝禮，空惟無作天尊。
志心朝禮，空處無爲天尊。
志心朝禮，空符至一天尊。

志心朝禮，空理無礙天尊。
志心朝禮，空藏常用天尊。
志心朝禮，空含法界天尊。
志心朝禮，空相不拘天尊。
志心朝禮，空谷妙利天尊。
志心朝禮，空顯淨明天尊。
志心朝禮，空傳大梵天尊。
志心朝禮，空虛示法天尊。
志心朝禮，空談妙理天尊。
志心朝禮，空文持妙天尊。
志心朝禮，空洞飛章天尊。
志心朝禮，空歌振響天尊。
志心朝禮，空韻流鈴天尊。
志心朝禮，空谷應聲天尊。
志心朝禮，空照靈境天尊。
志心朝禮，空成萬化天尊。
志心朝禮，空明太白天尊。
志心朝禮，空談清音天尊。
志心朝禮，空行清高天尊。
志心朝禮，空相無妄天尊。
志心朝禮，空智無境天尊。
志心朝禮，空妙非常天尊。
志心朝禮，空才廣德天尊。

志心朝禮，空靜無歸天尊。
志心朝禮，空不定應天尊。
志心朝禮，空歸無滯天尊。
志心朝禮，空來滅念天尊。
志心朝禮，空無不成天尊。
志心朝禮，空不碍色天尊。
志心朝禮，空體至無天尊。
志心朝禮，空法澄虛天尊。
天尊上聖，禮念既周。再竭一心，遙瞻神府，皈命紫皇天一真慶宮、元和遷校府，北極佑聖院一切仙衆。今日道場大衆，虔叩教主，北極鎮天佑聖助順真武靈應福德真君、玉虛師相玄天上帝。伏願履龜按蛇，駕鸞馭鳳，大開慈憫，廣濟凡庸。今爲弟子某求懺上來所犯第七品戒貪求無厭，積財不散之罪，先世今生，遺殃往劫，上延祖考，下逮宗親。採取人財，以爲己財，規圖人物，以爲己物。沉機不露，狡計妄施。或貿遷在市，而視有若無；或收藏潤屋，而用虛易實。數盈億兆，用恪纖毫。惟貪富積，以快心；不顧財多，能害己。罪將條列，惡已貫盈，撓亂靈

司，糾錄不已。今憑懺力願望宣恩，勅下司功糾非，陽官陰吏執籙把籍，掌憲天神，善惡明靈，校量宰佐，廣行慈憫，並賜赦原。求懺弟子某同法衆等，遵奉玄科，入道登真戒。當行知足，常守節操，誓從今去，善因早植，微利勿貪。囊箱隨分以貯儲，倉廩何憂於匱乏。知止知足，經營肯事於過求；可速可行，周急不爲之繼富。即斯發露，徑此懺陳。伏願生成廣佑於範圍，臨照不殊於覆蓋。門戶享興隆之福，尊卑承靖謐之庥。天相匪虛，俯仰各安於飽煖；日生不竭，散布庶盡於周流。常奉正真，永依玄教，以斯利益，遍悉莊嚴，隱顯交通，存亡超度，九幽開泰，八難消屯。出黑道，登朱宮。即膺拔，擢拜洪恩；承惠澤，咸使沾濡。一切有情，俱登道岸。

北極真武普慈度世法懺卷之七

北極真武普慈度世法懺卷之八

步虛

爾時，太玄真人於金華洞天，遇太上降駕，啓問不言之教。太上曰：天致其高，地致其厚，日月照，星辰朗，非有言也。正其道而物自然，陰陽四時，非萬物也。雨露時降，非養草木也。神明接，陰陽和，而物自生矣。夫道者，藏精於內，棲神於心。靜漠恬淡，悅穆胸中，廓然無形，寂然無聲。乃感朝廷晏安，官府清謐，林無隱士，野無逸民，無勞役，無冤刑，天下莫不仰上之德。絕國俗，莫不重譯而至。非家至，而人喻之也。推其誠心，施之天下而已。故賞善罰惡者，政令也。其所以能行者，精誠也。政令雖明，不能獨行，必待精誠。精誠形乎內外，浹於人心，此不言之教也。聖人在上，懷道不言，而澤及萬方。故不言之教，茫乎大哉。是以人主之思神，不馳於胸中，知

不出於四域，懷其誠心，則甘雨以時，五穀蕃殖，威厲而不試，法省而不擾，囹圄空虛，天下一俗。祥雲興，景星見，黃龍下，祥鳳至。醴泉涌出，嘉禾秀生，海不揚波矣。若逆天暴物，則日月薄蝕，五星失行，四時相乖，晝晦宵光，山崩水涸，冬雷夏霜，天文變異，國土不安。蓋天地之道，與人有以相通也。聖人與天地合德、日月合明，與鬼神合靈，與四時合信，懷天心，合天炁，執冲合和，不下堂而行四海；變易習俗，人皆遷善，蓋不言之教也。臣等生值明時，欣逢盛世，國王水土，天地裁成，感德荷恩，懷戴罔極。仰依真教，敢怠欽崇。恭對威光，志心朝禮。

- 志心朝禮，虛無自然元始天尊。
- 志心朝禮，玉宸道君靈寶天尊。
- 志心朝禮，太上老君道德天尊。
- 志心朝禮，玉虛師相玄天上帝。
- 志心朝禮，聖父明真大帝。
- 志心朝禮，聖母瓊真上仙。
- 志心朝禮，聖師豐乾大帝。
- 志心朝禮，西國紫玄元君。

志心朝禮，金闕化身天尊。

志心朝禮，玄元顯應天尊。

志心朝禮，太清靈變天尊。

志心朝禮，高上玉真天尊。

志心朝禮，日光開瑞天尊。

志心朝禮，武曲應化天尊。

志心朝禮，虛星應化天尊。

志心朝禮，危星應化天尊。

志心朝禮，天一應化天尊。

志心朝禮，太一應化天尊。

志心朝禮，辰星應化天尊。

臣等志心皈身，皈神皈命，玄天顯

靈應化諸尊上聖。臣等恭承經寶，太上

垂訓曰，上聖傳道應性，離言中真；傳

德寄言，通理下迷。傳經因言，修習將

來。末代道德將衰，若要修行，但憑經

教。經者，常也，實衆生常行之徑路。

下界無經，如行不由徑，出不因門，何

可登涉。且元始開圖之際，在龍漢劫

始青之中浮黎國內，出書度人，字方一

丈，八角垂芒，告盟十天，傳濟萬代，藏

之寶室，典以玉郎。視之不見其形，盲

者遂見；聽之不聞其道，聾者廼聞。

故得經教出興，人世皆度，若斷絕經

書，何異擿植索塗而行。已悟道真，方

離言象。未參道妙，須藉真經。因經

得濟，如乘巨舟，不溺波流，超于道岸。

如此則衆生耳有所聞，心有所淨，靈有

所轉，性有所通，即登覺悟。謹按修真

第八戒云，不得交游非賢，居處雜穢。

以今弟子某等言念，理由欲泯，習與性

移。背違乎睦姻孝友之箴，超軼乎規

矩準繩之誨。親炙惟先於狎昵，見聞

寧有於琢磨。聚結呼游，羣居宴飲，笑

談非益，強暴相凌。端人正士之弗交，

匹婦愚夫之樂與。中外捏成於鬥訟，

後先迭起於嫌疑。顛倒錯迷，塵垢汙

慢。上來往業，見在世中，昏蒙不立，

擯斥尤多，死墮地獄，長劫受苦，苦盡

復生，遂入惡道。報盡復還，生於茲

世，以前業故，尚有餘殃，受報未已，今

則聞經所說，大可驚惶。仰對聖前，恭

投懺悔。一心致虔，皈依信禮。

志心朝禮，有無大混天尊。

志心朝禮，有始開化天尊。

志心朝禮，有德契元天尊。

志心朝禮，有名制始天尊。

志心朝禮，有物成象天尊。

志心朝禮，有朴爲器天尊。

志心朝禮，有象未形天尊。

志心朝禮，有機潛運天尊。

志心朝禮，有正得一天尊。

志心朝禮，有言可建天尊。

志心朝禮，有欲觀妙天尊。

志心朝禮，有感若容天尊。

志心朝禮，有真不論天尊。

志心朝禮，有炁常冲天尊。

志心朝禮，有念能忘天尊。

志心朝禮，有萬能同天尊。

志心朝禮，有法成大天尊。

志心朝禮，有心無常天尊。

志心朝禮，有常能明天尊。

志心朝禮，有事宗無天尊。

志心朝禮，有威可畏天尊。

志心朝禮，有生不厭天尊。

志心朝禮，有功不恃天尊。

志心朝禮，有通三應天尊。

志心朝禮，有智自明天尊。

志心朝禮，有德化民天尊。

志心朝禮，有受不貴天尊。
志心朝禮，有大有逝天尊。
志心朝禮，有化能守天尊。
志心朝禮，有志強行天尊。
志心朝禮，有教不言天尊。
志心朝禮，有惟不累天尊。
志心朝禮，有善不求天尊。
志心朝禮，有微不守天尊。
志心朝禮，有知不解天尊。
志心朝禮，有情可得天尊。
志心朝禮，有信可傳天尊。
志心朝禮，有冲莫勝天尊。
志心朝禮，有強來往天尊。
志心朝禮，有與無混天尊。
志心朝禮，有能無用天尊。
天尊上聖，禮念既周。再竭一心，遙瞻神府。皈命紫皇天一真慶宮、元和遷校府、北極佑聖院諸真仙衆。今日道場大衆，虔叩教主，北極鎮天助順真武靈應福德真君、玉虛師相玄天上帝。伏願蔽教降靈，除邪輔正，周行六合，普護兆民。今爲弟子某求懺上來所犯第八戒交游非賢、居處雜穢之罪，先

世今生，遺殃往劫，上延祖考，下逮宗親。情分妄投，每背理而傷道；炁力威猛，務好勇以誇雄。或曠安宅而弗居，或捨正路而不適，措身多愧，攘臂自矜。孰云朽木之可雕，但見枯根之易滅。罪將條列，惡已貫盈，撓亂靈司，糾錄不已。今憑懺力，顛望宣恩，勅下左司陽官、右司陰官、中司察官、考官考吏、考兵考士、司禁定罪合部大神，廣行慈憫，並賜赦原。求懺弟子某等同法衆等，遵奉玄科，入道登真戒，當行無欲，勿執己見，誓從今去，交須勝己，取友必端，惡居下流，惟行中道。聞善則拜，敢萌自任之私；見惡則遷，益守無偏之禮。即斯發露，徑此懺陳。伏願福祿來崇，災禍不作，視聽言動，出入起居，常奉至真，永依玄教。以斯利益，遍悉莊嚴，教雨旁周，仁風遠暢，人皆趨於正道，世杜遏於邪謀。一切有情，同登道岸。

北極真武普慈度世法懺卷之八

北極真武普慈度世法懺卷之九

步虛

爾時妙行真人告諸仙曰：吾自往昔，聞太上妙訓曰，吾於無形無名、鴻濛瀕洞、溟滓之中，開道玄黃，分靈散炁，從大羅下生三境，次生九帝爲三寶之玄津，出三十六部爲三境之玄根，次而三十二天、三十二帝潛通開化，下分三界，傍貫璇璣二十八宿、五星躔度以明。五方清炁，上騰爲天，重濁下凝爲地，中生爲人。天地人物，無不備焉。故陽和正炁，化生元君聖后、仙妃玉女；剛烈英勇之炁，化生天丁力士、神兵將吏；陰陽五行之炁，化生男女。雜謬之炁，化生飛禽走獸。咸稟一炁，萬種不同。隨其化生，受性各異。出機入機，一往一返，長勞造化，仰賴甄陶。臣今恭披經品，實深負荷，因言開示了覺。前因省悟此身，至于今日；幸居人品之中，知過知非。恭禮天尊，

用祈大宥。一心敬禮，人各恭信。

志心朝禮，虛無自然元始天尊。

志心朝禮，玉宸道君靈寶天尊。

志心朝禮，太上老君道德天尊。

志心朝禮，玉虛師相玄天上帝。

志心朝禮，聖父明真大帝。

志心朝禮，聖母瓊真上仙。

志心朝禮，聖師豐乾大帝。

志心朝禮，西國紫玄元君。

志心朝禮，金闕化身天尊。

志心朝禮，玄元顯應天尊。

志心朝禮，太清靈變天尊。

志心朝禮，高上玉真天尊。

志心朝禮，日光開瑞天尊。

志心朝禮，武曲應化天尊。

志心朝禮，虛星應化天尊。

志心朝禮，危星應化天尊。

志心朝禮，太一應化天尊。

志心朝禮，天一應化天尊。

志心朝禮，辰星應化天尊。

臣等志心皈身，皈神皈命，玄天顯

靈應化諸尊上聖。臣等恭承經寶，太上

垂訓曰，三元八節、五臘十直、甲子庚

申、本命之日，一切仙真，四極十華、三

界四天、玉童玉女、金剛神王、善惡童

子、上聖高尊，飛天步虛，持幢建節，燒

香散花，執符把籙，按行人間，條錄善

惡。若有衆生，不作諸惡，能修諸善，

持齋奉戒，行道傳經，建立壇殿，開度

天人，施生布德，講說大乘，教化男女，

救度衆生。天仙即將人之善簿，奉上

元始，告下天曹，即令隨功補過，或遷

上天，或至得道，或有掌管職制簽書種

種仙階，隨功遷補。得登聖境者，亦由

積善所及，受茲福報。若有衆生，或爲

官長，酷虐萬民，或恃豪強，欺凌貧賤，

爲子不孝，爲臣不忠，裸露三光，不敬

三寶，怨天罵地，欺公循私，殺害犧牲，

傷人異物，十惡五逆，三業六根，結造

惡因，遞招業報。天仙即將人之惡簿，

奏上元始，告聞天曹，遍下地府，或令

惡病，或令死亡，或值冤家，或爲異類，

或入地獄，或入幽牢，經歷劫年，無由

得出。皆是人之作惡受報。謹按修真

第九戒云，不得不忠不孝，不信不仁。

以今弟子某等切慮外邪交蔽，下愚不移

命義之戒，不明言動之端。浸泯指鹿

爲馬，將竊柄以弄權；謂烏曰鸞，欲希

恩而示寵。博奕飲酒，而不顧其養；

私財慕色，而不念其親。詈怒父兄，讒

譖師友，違禮傷教，好勇疾貧。施爲屢

誚於鄉閭，篤敬弗行乎州里。徇名失

實，悖行違言。徙木予金，償城易玉。

矯枉輒欺於人己，虛辭不畏於神明。

坑陷賢能，弄擠慈善，毒痛庶類，虐害

群生。上來往業，見在世中，處事崎

嶇，遭人凌忽，死墮地獄，長劫受苦，苦

盡復生，遂入惡道。報盡復還，生於茲

世，以前業故，尚有餘殃，受報未已。

今則聞經所說，大可驚惶。仰對聖前，

恭投懺悔。

志心朝禮，大混凝空天尊。

志心朝禮，大樸澄元天尊。

志心朝禮，大器資治天尊。

志心朝禮，大象無形天尊。

志心朝禮，大冲隱名天尊。

志心朝禮，大梵彌羅天尊。

志心朝禮，大白光無天尊。

志心朝禮，大梵妙有天尊。

志心朝禮，大方不易天尊。
志心朝禮，大乘全用天尊。
志心朝禮，大羅曰上天尊。
志心朝禮，大量開明天尊。
志心朝禮，大行梵炁天尊。
志心朝禮，大明普鑑天尊。
志心朝禮，大洞真源天尊。
志心朝禮，大盈不溢天尊。
志心朝禮，大順至遠天尊。
志心朝禮，大黍縣空天尊。
志心朝禮，大法周行天尊。
志心朝禮，大數起元天尊。
志心朝禮，大志自強天尊。
志心朝禮，大不恃能天尊。
志心朝禮，大偽不爲天尊。
志心朝禮，大寡不逆天尊。
志心朝禮，大曆無疆天尊。
志心朝禮，大定有數天尊。
志心朝禮，大言不辯天尊。
志心朝禮，大雄不成天尊。
志心朝禮，大用無方天尊。
志心朝禮，大汎可恃天尊。
志心朝禮，大爲不爭天尊。

志心朝禮，大強不息天尊。
志心朝禮，大質不文天尊。
志心朝禮，大威不武天尊。
志心朝禮，大色一炁天尊。
志心朝禮，大全四域天尊。
志心朝禮，大可分時天尊。
志心朝禮，大貴常無天尊。
志心朝禮，大廣清虛天尊。
志心朝禮，大禮無窮天尊。
天尊上聖，禮念既周。再竭一心，遙瞻神府，皈命紫皇天一真慶宮、元和遷校府，北極佑聖院諸真仙衆。今日道場大衆，虔叩教主，北極鎮天佑聖助順真武靈應福德真君、玉虛師相玄天上帝。伏願厚澤無私，靈光有煒。鑑觀塵世，覆佑愚氓。今爲求懺弟子某求懺上來所犯第九品戒不忠不孝、不信不仁之罪。先世今生，遺殃往劫，上延祖考，下逮宗親。事君非禮，而不克盡忠；與人弗誠，而多行背約。罔忽親恩，而頑狠；觸犯長上，以欺凌。或多言數窮，不能守中。或用意大虐，不能慈忍。罪將條列，惡已貫盈，撓亂靈

司，糾錄不已。今憑懺力，願望宣恩，勅下考簿檢錄、執罰典刑、糾過司非、賞善紀籍、陰陽典吏、府署大神，廣行慈憫，並賜赦原。求懺弟子某同法衆等遵奉玄科，入道登真戒，當行遜讓，以道接物，誓從今去，結纓靖難，扇枕奉親。克復禮以爲仁，有諸己之謂信。四端有則，兢兢恐名教之虧；六典謹修，惴惴盡檢防之道。即斯發露，徑此懺陳。伏願化日昭垂，道風丕變。凡服膺於名節，均被冒於恩庥。落滅惡根，殄掃邪魔之撓；注題福籍，增延久視之齡。常奉至真，永依玄教。以斯利益，遍悉莊嚴。道極恢宏，德綿清淨。積善臻於餘慶，推誠立於良因。獲依寶祚之尊安，與天齊久；更底璇源之深廣，易地皆然。一切有情，俱登道岸。

北極真武普慈度世法懺卷之九

北極真武普慈度世法懺卷之十

步虛

爾時，妙行真人上白天尊曰：陰陽劫運之數，可得聞乎。天尊言曰：上天運紀，天圓十二綱，地方十二紀。綱運三百三十度，爲陽孛；紀推三千二百度，爲陰蝕。天綱一百三十日，運關一周。地紀二千三百日，推機一度。九千九百度，爲天地炁交，是名太陽。九百六十度，爲天地炁否，亦名大劫大運也。以數乘之，凡三百三十年一度陽孛，故爲小陽九之災。一百八十萬九千年，即天綱運關三千三萬周，地紀推機三千三百度，此大運之交也。夫天動地靜，陽躁陰遲，故有孛蝕之異耳。此時天炁窮於太陰，地炁極於太陽。陽極則孛，陰極則否。陽極則其精化爲水，陰極則其精化爲火。次漂之以大水，上至九天之下，下至九地之內。金玉化消，毫末無遺。然後九炁

復合，謂之混沌再分。則三天上聖，四天種民，下世教化亦如。此劫之初，三皇五帝相承而治矣。如此變革，總名爲元炁離合。太上歷此離合之數，經無量劫。故西昇經云：動則有載劫，自惟甚苦勤。又云驅除之後，開大有之民。於是妙行稽首而言，臣等不省本源，莫知先後，切恐世人生逢劫運，何以保身。今蒙所示，大生怖畏，是用竭心叩禮，惟道是依。此世來生，不值災屯，常親妙道，願爲一身，再秉虔誠。一心發念，敬禮真聖。

志心朝禮，虛無自然元始天尊。
志心朝禮，玉宸道君靈寶天尊。
志心朝禮，太上老君道德天尊。
志心朝禮，玉虛師相玄天上帝。
志心朝禮，聖父明真大帝。
志心朝禮，聖母瓊真上仙。
志心朝禮，聖師豐乾大帝。
志心朝禮，西國紫玄元君。
志心朝禮，金闕化身天尊。
志心朝禮，玄元顯應天尊。
志心朝禮，太清靈變天尊。

志心朝禮，高上玉真天尊。
志心朝禮，日光開瑞天尊。
志心朝禮，武曲應化天尊。
志心朝禮，虛星應化天尊。
志心朝禮，危星應化天尊。
志心朝禮，天一應化天尊。
志心朝禮，太一應化天尊。
志心朝禮，辰星應化天尊。
臣等志心皈身，皈神皈命，玄天顯靈應化諸尊上聖。臣恭承經寶，太上垂訓曰，吾念衆生，流浪沉淪，不出苦海。此之世界，名曰棄賢宛利天境，亦曰雜報世界染欲愛天。生在其中，暫生即滅，暫聚即散。如彼電光，須臾即逝，不淨臭穢，生老病死，痛痒疼酸，飢寒暑濕，水火刀兵，魔精鬼賊，毒風惡症，交相中害。念念無常，曾不暫住，苦惱幾何。目前行事，身自纏繞，尚不覺知，豈肯信有諸天道境，福地神仙，長生不死，自在無爲。世之受生，促於蜉蝣；世之快樂，何異糞蟲。猶不自知，常爲安樂，豈不是苦。復念人之受生，未有不從先業來者，故稟神挺質，各有

因緣，罪福吉凶，悉從其業。所有壽夭、貴賤、富貧、好醜、智愚等，各不同。乃至鳥獸、蟲魚、鷄犬、草木亦復然也。况以人生，受身甚難。逢遇一朝敗壞，萬劫何期。我故殷勤戒勸汝等，所以戒勸勤修，齋戒行道，誦經禮懺，燒香然燈，布施懺悔，發願濟生度死，造像寫經，度人立觀，水斷造橋，道邊立井，渡諸行人，濟諸困苦，種種方便，爲其衆生。作當來徑路，我豈有所求。一切衆生，各宜思惟。謹按修真第十戒云，不得輕忽言笑、舉動乖真。以今弟子某等竊慮蕩心駭目，奮臂搖身，湮沒五常，忽略三畏。饒饒不實，第多謗訕之辭；落落無稽，誰謂毀譽之直。談何容易，語本空疎，拍掌長呵，縱情大笑，捧腹至爲於絕倒，悅顏不憚於佞邪。撰造虛浮，褻慢戲狎，興居強誕，出入顛擠。凡綱常躬履之間，惟讒諂面諛之務。上來往業，見在世中，稟姿謬妄，措慮險巖，死墮地獄，長劫受苦，苦盡復生，遂入惡道。報盡復還，生於茲世，以前往業，尚有餘殃，受報未已。

今則聞經所說，大可驚惶。仰對聖前，恭投懺悔，志心敬禮。

志心朝禮，道元固一天尊。
志心朝禮，道烝淵冲天尊。
志心朝禮，道先大象天尊。
志心朝禮，道攄大樸天尊。
志心朝禮，道散成器天尊。
志心朝禮，道風無滯天尊。
志心朝禮，道不封治天尊。
志心朝禮，道成元梵天尊。
志心朝禮，道無可方天尊。
志心朝禮，道有可成天尊。
志心朝禮，道隨烝動天尊。
志心朝禮，道迎時運天尊。
志心朝禮，道開大古天尊。
志心朝禮，道御金有天尊。
志心朝禮，道展二儀天尊。
志心朝禮，道明三友天尊。
志心朝禮，道存帝一天尊。
志心朝禮，道臻化萬天尊。
志心朝禮，道上洞靈天尊。
志心朝禮，道潛入妙天尊。
志心朝禮，道性清靜天尊。

志心朝禮，道觀內外天尊。
志心朝禮，道能窮理天尊。
志心朝禮，道可盡性天尊。
志心朝禮，道居權世天尊。
志心朝禮，道凌常用天尊。
志心朝禮，道明博益天尊。
志心朝禮，道貴坐忘天尊。
志心朝禮，道光遺照天尊。
志心朝禮，道教圓明天尊。
志心朝禮，道文簡約天尊。
志心朝禮，道理散萬天尊。
志心朝禮，道情得一天尊。
志心朝禮，道運虛通天尊。
志心朝禮，道流無極天尊。
志心朝禮，道全本迹天尊。
志心朝禮，道周體用天尊。
志心朝禮，道明出入天尊。
志心朝禮，道合逍遙天尊。
志心朝禮，道常無爲天尊。
天尊上聖，禮念既周。再竭一心，遙瞻神府。皈命紫皇天一真慶宮、元和遷校府，北極佑聖院諸仙真衆。今日道場大衆，虔叩教主，北極鎮天佑聖

助順真武靈應福德真君、玉虛師相玄天上帝。伏願施恩報德，掃穢除氛，遍際乾坤，開甦困遯。今爲弟子某懺悔上來所犯第十品戒輕忽言笑、舉動乖真之罪。先世今生，遺殃往業，上延祖

考，下逮宗姻。興邦喪邦，謾一言之簧鼓；成德敗德，徒異意以錙銖。或以言廢人，或游談聚義。諂笑嬉戲，恣遊宴以無窮；狂狷剛強，務跳梁而罔忌。弗恒其德，難與爲仁，同而不和，驕而不泰。罪將條列，惡已貫盈，撓亂靈司，糾錄不已。今憑懺力，願望宣恩，勅下三官九府、百二十曹、福地洞天、名山仙境、考校考錄靈司大神，巡察冥官，主紀僚屬，廣行慈憫，並賜赦原。求懺弟子某遵奉玄科，入道登真戒，當行諸善，常務保持。誓從今去，修己以敬，出入起居之益欽。存誠不欺，舉措操修之加謹。即斯發露，徑此懺陳。伏願覆護匪私，監觀如在，施張大德，原宥積愆。時叙調和，疾疢灾迍之殄散；家門寧謐，水火盜賊之消除。常奉至真，永依玄教，以斯利益，遍悉莊

嚴，宗社綿洪，邊疆澄肅。疫疾不經於傳染，瘟瘧無致於流行。氣體充盈，時永臻於泰定；精神發越，壽可算於耆頤。一切有情，俱登道岸。

北極真武普慈度世法懺卷之十

（陳耀庭點校）

039 東嶽大生寶懺

經名：東嶽大生寶懺。一卷。
底本出處：《正統道藏》洞玄部
威儀類。

淨天地呪 淨壇

啓白

香騰瑞靄，溶溶徧滿於太虛；人秉精誠，翼翼敢違於咫尺。恭焚寶香，上啓供養，東嶽泰山青帝廣生帝君，東嶽天齊大生仁聖帝，九天司命上卿真君，上殿至聖威雄炳靈仁惠王，東嶽淑明皇后，護國西齊大王，蓬玄空洞洞天仙官，長白山儲副仙官，梁父山儲副仙官，聖嗣祐靈侯惠靈侯靜鑑大師宣靈侯，四嶽四天聖帝，左右上相張康二大聖，顯應千聖小王地府崔府君，蒿里丈人增福相公，昭惠靈顯王，護國顯應王，清源妙道真君，義勇武安王崇寧真

君，護國嘉應公涑河靈派侯，六部尚書、善部尚書、惡部尚書，六曹卿監鎮殿二將軍，左右金吾衛將軍，三元吳客三侯真君，左右二闕神白驪大王，地祇主令溫元帥，地祇院九大元帥，追魂朱太尉，協真侯劉元帥，七十五司判官、二十四案主者，三十六洞天仙官、七十二福地仙官、靖廬福地治化仙官，岱嶽朝班聖衆，今年太歲神君靈濟侯高都督，天下都大城隍主者，九州社令神祇，年月日時四直功曹，屬府州縣祀典廟貌神祇。悉仗真香，普同供養。香

乃紫虛鬱秀，靈風聚煙，香雲密羅，徑御洞天。當願香官使者，爲臣通奏，上聞帝前。令臣所啓，咸賜如言入意，具諸情愫，已露敷宣。伏望雲擁旌旗，離虎關而下邁；風清警蹕，聽鸞輅之和鳴。森羅百辟以駢隨，環列千官而扈從。齊臨塵陋，俯察精純。今則蘭場潔備，寶炷濃熏，對越聖真，宣揚懺法。稽首皈依，無極大道。

舉三皈依

志心皈依，十方道寶。當願衆生

起心回向，一切信禮。
志心皈依，十方經寶。當願衆生心開悟解，受持轉誦。

志心皈依，十方師寶。當願衆生普上法橋，無有障礙。

啓白

臣聞：渾淪未判，渺一炁以無垠；高下既陳，奠三才而有象。地爰分於五嶽，權莫重於泰山。標雄齊魯之邦，作鎮角亢之分。虞朝歲狩，禮重燔柴。周世時巡，禮嚴用幣。是宗是仰，無比無倫。恭惟東嶽天齊大生仁聖帝。應乎造化，生於混沌之初；立自陰陽，鎮彼幅員之域。與天齊久，大德曰生。仁以得仁，體乾元之發育；聖而益聖，居泰岱之岩嶢。五方端處於東方，三界獨尊於中界。奉行天令，宰御陰司。阿閣石閭，維神居之淵默；金篋玉策，知人壽之短長。設七十五司，以掌權衡；有三十六獄，以懲兇惡。永綏邦社，大庇民區。國家致祭於歲時，率土來朝於春月。聰明正直，有欲必從。罔罔威靈，無遠弗届。凡伸祈禱，諒沐

慈憐。是以潔蓬華之塵居，建香花之法會。拜手稽首，具瞻咫尺之威容；皈命投誠，期滌萬生之罪垢。洋乎如在，感而遂通。法衆虔誠，稱揚讚詠。

衆誦

仰啓天齊仁聖帝，五嶽最巨岱爲宗。分掌世界人間事，炁鍾神秀儼居東。截彼泰山高且大，四千九百丈凌空。山頂名爲太平頂，捨身臺與介丘峰。仁安殿宇瑠璃瑩，冠冕巍然御正中。上古帝王修封禪，升中告代勒成功。七十二君名具列，始自軒轅得上封。碑碣猶存秦篆刻，水池東列大夫松。唐皇鏤刻沉香像，宋室建置會真宮。國朝混一加尊禮，大生二字侈褒崇。至仁至聖爲民極，時雨時暘相歲豐。傾倒虔恭皈命請，遙瞻雲闕禮慈容。和不可思議功德。

舉三信禮

信禮，高上九炁天中東方靈寶天尊。

信禮，高上九炁天中青靈始老天尊。

信禮，高上九炁天中東華上相天尊。

臣聞：嶽居巽艮之間，主司考校；人處乾坤之內，動結愆尤。嚴簡冊以必書，雖毫分而無失。伏念求懺弟子某等，浮生寄世，托廕爲人。身體髮膚，受之父母；耳目鼻口，全爾形神。是爲萬物之靈，均稟五行之秀。經年累月，積日踰時。過咎若於丘山，善念微於塵露。罪根難滅，惡貫易盈。不知禳謝之門，莫曉首陳之路。靜思其故，何以自文。茲悔過以省愆，庸俯躬而請命。謹涓穀旦，傾向葵誠。爐焚芬馥之清香，燭秉輝煌之朱焰。扣鐘擊磬，聲相應於步虛；酌水獻花，禮不逾於誠實。祭效西鄰之禴，拜投東嶽之尊。用贖前非，期消宿業。敬憑懺悔，並乞宥原。法衆虔誠，皈依讚禮。

舉人各恭敬 衆和各一拜

志心朝禮，統御東方尊臨泰嶽青靈儲粹。儼然石像之威嚴，玉冊進封；加以帝君之謚號，廣生褒美。亘古垂休，大悲大願，大聖大慈，東嶽泰

山青帝廣生帝君。

志心朝禮，含德體仁，鎮茲東夏。岱宗稱長，統三宮空洞之天；福地推權，治鬼神考謫之府。祀爰崇於帝制，位乃主於玄枵，大悲大願，大聖大慈，東嶽天齊大生仁聖帝。

志心朝禮，自幼捨家，遍遊叅訪。受太一天尊之記，得道沖昇；降司命真君之名，同僉糾察。居治霍山司命府，渙膺東嶽上卿封。大悲大願，大聖大慈，九天司命上卿賜福佑聖真君。

志心朝禮，炁孕嶽靈，裔流天派。坤元合德，備仁孝以兼全；帝夢傳宗，謂威雄之可愛。爲儲宮之主器，受王爵之疏封。大悲大願，大聖大慈，上殿至聖威雄炳靈仁惠王。

志心朝禮，東嶽淑明皇后。
志心朝禮，護國西齊大王。
志心朝禮，蓬玄空洞洞天仙官。
志心朝禮，長白山儲副仙官。
志心朝禮，梁父山儲副仙官。
志心朝禮，聖嗣祐靈侯。
志心朝禮，聖嗣惠靈侯。

志心朝禮，聖嗣靜鑑大師。

志心朝禮，聖嗣宣靈侯。

志心朝禮，南嶽司天大化昭聖帝。

志心朝禮，西嶽金天大利順聖帝。

志心朝禮，北嶽安天大真玄聖帝。

志心朝禮，中嶽中天大寧崇聖帝。

衆誦呪

青玄真布，元品洞靈。扶桑總衛，

始生元英。丹林散明，育質生英。混

合玄景，消制魔羣。

志心朝禮，奄有大東，東嶽天齊大

生仁聖帝。

志心朝禮，羣嶽之長，東嶽天齊大

生仁聖帝。

志心朝禮，峻極于天，東嶽天齊大

生仁聖帝。

志心朝禮，齊同慈愛，東嶽天齊大

生仁聖帝。

志心朝禮，含弘光大，東嶽天齊大

生仁聖帝。

志心朝禮，覆被羣生，東嶽天齊大

生仁聖帝。

志心朝禮，一視同仁，東嶽天齊大

生仁聖帝。

志心朝禮，惟睿作聖，東嶽天齊大

生仁聖帝。

志心朝禮，尊號爲帝，東嶽天齊大

生仁聖帝。

禮足 各長跪 皈命懺悔

臣法衆等志心皈神，皈身皈命，東

嶽泰山廣生帝君、天齊大生仁聖帝，九

天司命真君，至聖炳靈王，岱嶽朝班真

宰，一切威靈。臣聞：嶽爾真形，兀若

尊安之勢；身爲大幻，寧無踐履之乖。

恭望聖慈，洞垂巨澤，普降洪恩。懺悔

今辰信士某等，億劫以來，立身之後，戴

天履地，負陰抱陽，螳聚而居，蠅營是

務。周旋進退，無片善之可書；出入

起居，聚百非而弗覺。或觸突於衆聖。

或裸露於三光。背禮而行，非義而動。

高車大馬，馳騁於名利之途；細葛輕

裘，服玩過奢華之麗。行多隱僻，分外

營求。徒受一形，罔知三省。積成罪

咎，無量無邊。伏願衆聖流恩，羣真錫

祉。以仁及物，解身業之縈纏；保命

延年，俾罪山之摧弭。更祈洪蔭，均及

含生。臣等志心稽首，禮謝無上至真道寶。

大聖道寶天尊

皈依無上道，大羅三境尊。懺悔

諸善信，願消身業愆。四非皆克去，見

善日能遷。檢身若不及，福祿自延年。

消除身業天尊

誦呪

盛德在木，上應歲星。五嶽之祖，

天帝之孫。日在於東，爲天之門。靄

郁紛紛，喜烝網緼。

志心朝禮，在東象日，東嶽天齊大

生仁聖帝。

志心朝禮，四嶽所宗，東嶽天齊大

生仁聖帝。

志心朝禮，溥博如天，東嶽天齊大

生仁聖帝。

志心朝禮，九炁齊并，東嶽天齊大

生仁聖帝。

志心朝禮，大而化之，東嶽天齊大

生仁聖帝。

志心朝禮，好生惡殺，東嶽天齊大

生仁聖帝。

志心朝禮，薰然慈仁，東嶽天齊大生仁聖帝。

志心朝禮，聰明聖智，東嶽天齊大生仁聖帝。

志心朝禮，合地曰帝，東嶽天齊大生仁聖帝。

禮足 各長跪 皈命懺悔

臣法衆等志心皈身，皈神皈命，東嶽泰山廣生帝君、天齊大生仁聖帝，九天司命真君，至聖炳靈王，岱嶽朝班真宰，一切威靈。臣聞：維嶽降靈，大闡慈悲之造；舉心運念，即爲禍福之門。恭望聖慈，洞垂巨澤，普降恩休。懺悔某爰從往昔，以迄于今。六鑿相攘，七情不節，巧生計較，恣起貪婪。欲縱所之，肆荒淫而無度；德忘攸好，唯富貴之是求。放僻邪侈，無弗爲，忿懣恐懼不得正。護己之短，挫人所長。妬賢嫉能，自昧靈臺而罔覺；凌孤弱寡，素爲閭室之可欺。以偽雜真，得新忘故。懵然方寸，未悟九思。結釁滋多，難名難述。伏願聖帝垂慈，真靈洞鑒。上孚仁意，赦諸心業之愆；下遂人情，熙

若春臺之樂。更祈洪磨，均及含生。臣等志心稽首，禮謝無上正真經寶。

大聖經寶天尊

皈依無上經，三十六部尊。懺悔

諸善信，願消心業愆。常清亦常靜，自然慾不生。內外俱貞白，永保道心寧。

消除心業天尊

衆誦呪

巖巖泰山，總制羣靈。受天明命，主宰人倫。其位則東，其德則仁。萬物資始，功濟生民。

志心朝禮，盛於東方，東嶽天齊大生仁聖帝。

志心朝禮，冠五嶽首，東嶽天齊大生仁聖帝。

志心朝禮，維天則靈，東嶽天齊大生仁聖帝。

志心朝禮，變化齊一，東嶽天齊大生仁聖帝。

志心朝禮，能成其大，東嶽天齊大生仁聖帝。

志心朝禮，與生俱生，東嶽天齊大生仁聖帝。

志心朝禮，顯仁藏用，東嶽天齊大生仁聖帝。

志心朝禮，乃聖乃仁，東嶽天齊大生仁聖帝。

志心朝禮，以德而帝，東嶽天齊大生仁聖帝。

禮足 各長跪 皈命懺悔

臣法衆等至心皈身，皈神皈命，東嶽泰山廣生帝君、天齊大生仁聖帝，九天司命真君，至聖炳靈王，岱嶽朝班真宰，一切威靈。臣聞：嶽鎮山川，妙無聲而無臭；口宣言語，多有是以有非。恭望聖慈洞垂巨澤，普降洪恩。懺悔某等粵自宿生，至于今日，華言綺語，利口惡聲，闊論高談，狂歌浪笑。沉酣麪蘖，從耽樂以無厭；食啗葷腥，謂肥甘之不足。或呵風而叱雨。或怨暑以咨寒。慢道諂神，輕儒毀釋。掉三寸舌，咨離間於六親；欺一片心，鬥是非於兩處。華言惑衆，誇富欺貧，每憑駟舌，莫謹三緘。稔積深愆，濯髮難數。伏願聖帝矜憐，真靈惻憫。德音宣布，冀口業之蠲除；寰宇清寧，獲教聲之

漸被。更祈洪磨，均及含生。臣等志心稽首，禮謝無上正真師寶。

大聖師寶天尊

皈依無上師，人天得道尊。懺悔諸善信，願消口業愆。如瓶能謹守，一語訂千金。言滿無口過，皆足清靜音。

消除口業天尊

舉步虛旋行 躡雲綱

散花

臣聞：為善為惡，固難昧於神明；降福降殃，乃各司於曹局。六合內外，萬物洪纖。凡有氣形，悉歸統隸。列錄過紀功之職，設掌生注死之官。總括幽明，典司民物。今求懺信士某等身居塵網，生係凡根。向平時，見義而不為；謂小惡，無傷而弗去。釀成衆罪，慮有百殃。爰仗至誠，仰祈丕應，導將來之福祉，謝已往之愆尤。稽首皈依，虔誠敬禮。

志心敬禮，左右二丞相。

志心敬禮，張康二大聖。

志心敬禮，顯應千聖小王。

志心敬禮，永嘉夫人。

志心敬禮，玉仙娘娘。

志心敬禮，謝恩娘娘。

志心敬禮，地府崔府君。

志心敬禮，蒿里相公。

志心敬禮，增福相公。

志心敬禮，昭惠靈顯王。

志心敬禮，護國嘉應公。

志心敬禮，清源妙道真君。

志心敬禮，義勇武安王崇寧真君。

志心敬禮，護國顯應王。

志心敬禮，滌河靈派侯。

志心敬禮，六部尚書。

志心敬禮，善部尚書。

志心敬禮，惡部尚書。

志心敬禮，六曹卿監。

志心敬禮，白驪大王。

志心敬禮，左右鎮殿二將軍金吾

衛將軍。

志心敬禮，三元吳客三侯真君左

右二闕神。

志心敬禮，翊靈昭武使溫元帥。

志心敬禮，順靈昭化使李元帥。

志心敬禮，協靈昭濟使鐵元帥。

志心敬禮，鎮靈昭贊使劉元帥。

志心敬禮，通靈昭佑使楊元帥。

志心敬禮，宣靈昭慶使張元帥。

志心敬禮，廣靈昭惠使康元帥。

志心敬禮，安靈昭應使岳元帥。

志心敬禮，顯靈昭利使孟元帥。

志心敬禮，永靈昭助使韋元帥。

志心敬禮，追魂朱太尉。

志心敬禮，協真侯劉元帥。

志心敬禮，天曹司地府司判官。

志心敬禮，注祿司長壽司判官。

志心敬禮，子孫司官員司判官。

志心敬禮，土地司財帛司判官。

志心敬禮，僧道司絲蠶司判官。

志心敬禮，總統司四生司判官。

志心敬禮，城隍司曹吏司判官。

志心敬禮，齋戒司風雨司判官。

志心敬禮，校量司勾願司判官。

志心敬禮，孤魂司地獄司判官。

志心敬禮，疾病司昧心司判官。

志心敬禮，功德司五穀司判官。

志心敬禮，放生司注福司判官。

志心敬禮，山林司孝順司判官。

志心敬禮，修廟司殺生司判官。

志心敬禮，六道司還魂司判官。

志心敬禮，忠直司驛客司判官。

志心敬禮，照正司毒藥司判官。

志心敬禮，水府司看經司判官。

志心敬禮，醫藥司燒香司判官。

志心敬禮，舉意司速報司判官。

志心敬禮，刑戮司陰謀司判官。

志心敬禮，追魂司發汗司判官。

志心敬禮，注死司惡報司判官。

志心敬禮，法水司枉死司判官。

志心敬禮，陳狀司索命司判官。

志心敬禮，推問司平等司判官。

志心敬禮，鰥寡司走獸司判官。

志心敬禮，門神司忤逆司判官。

志心敬禮，貧窮司貴賤司判官。

志心敬禮，掠剩司水怪司判官。

志心敬禮，山神司促壽司判官。

志心敬禮，姦邪司主禍司判官。

志心敬禮，失魂司飛禽司判官。

志心敬禮，精怪司墮胎司判官。

志心敬禮，冤枉司盜賊司判官。

志心敬禮，減壽司送病司判官。

志心敬禮，鬼魅司判官。

志心敬禮，二十四案主者。

志心敬禮，三十六洞天仙官。

志心敬禮，七十二福地仙官。

志心敬禮，靖廬福地治化仙官。

志心敬禮，火池四聖五道大神。

志心敬禮，岱嶽朝班官典聖衆。

志心敬禮，今年太歲尊神。

志心敬禮，歲分行瘟主火聖衆。

志心敬禮，福山東嶽行宮靈濟侯

高都督。

志心敬禮，天下都大城隍主者。

志心敬禮，九州社令之神。

志心敬禮，年月日時四直功曹。

志心敬禮，本府城隍之神。

志心敬禮，屬縣縣隍王者。

志心敬禮，祀典廟貌神祇。

志心敬禮，當鄉界土穀之神。

志心敬禮，今日虚空過往鑒察威

靈。

舉 消除業障天尊

步虛

臣聞：凡人有過，皆由一念之差；

主善為師，可致百祥之降。倘非預防

其患，必貽速戾于躬。開以自新，翻然

退省。皈依三寶，冀三業之冰消；朝

禮衆真，祈衆愆之電掃。六根清靜，萬

罪蠲除。故為誤犯之非，自作教他之

過。懺前隨釋，拜下咸源。重念臣等緬

想靈光，俯傾丹禱。日嚴祇敬，瀆不懼

於再三；天命靡常，福用敷於九五。

更錫有孚之惠，可為無過之人。伏願

大播仁風，扇業花而殞落；普沾聖澤，

滋善果以生成。臣等無任激切，荷恩之

至，謹啓以聞。

三啓

三禮

禮經

臣法衆等志心皈命，太上三尊、十

方衆聖，禮經如法。

志心稽首禮，太上無極大道。

志心稽首禮，三十六部尊經。

志心稽首禮，玄中大法師。

十二願

一願一人有慶，二願二景齋明，

三願三農樂業，四願四序和平，

五願五祠鞏固，六願六合澄清，
七願七星臨照，八願八節安榮，
九願九泉開泰，十願十類生成，
十一願福流善信，
十二願大道興行。

向來

向來朝修禮懺，並已周圓。回謝
東嶽天齊大生仁聖帝，岱嶽一切威靈。
伏望聖慈，曲垂洪覆。上願當今皇帝，
與天齊壽，祚衍無疆，偃武修文，兵期
永息。兆姓歌謠於有道，四方欣樂於
太平。陰暢陽舒，時和歲稔。次願求
懺信士某等黑簿除永劫之愆，青籍紀長
生之字。在在克蒙於元吉，人人咸囿
於安和。九祖齊仙，十方共慶。乃至
含生品類，均沾成遂之仁；長夜幽魂，
俱沐超凌之化。爲上因緣，念東方靈
寶天尊，青靈始老天尊，東華上相天
尊，福生無量天尊。不可思議功德。

東嶽大生寶懺

(陳耀庭點校)

040 太上正一朝天三八

謝罪法懺

經名：太上正一朝天三八謝罪法懺。一卷。底本出處：《正統道藏》洞神部威儀類。

開啓如儀

切以玄皇闡教，廣開度於冥迷；正一垂科，俾懺陳於罪垢。人孰無過，法許自新。奉道臣某以今焚香百拜，奏啓：三清上聖、十極高真，昊天玉皇大天尊、玄穹高上帝，天地水府三官大帝，祖師三天扶教輔元大法師、正一冲玄神化靜應顯佑真君，正一女師嗣師系師真君，王趙二真人，五帝六宮、四司九署、法錄官將、三界神祇、城隍祀典，應感真靈。威望垂光，鑒今懺悔。伏念臣某自從無始，以至有生。縱一念以冥行，六根纏結；恣三業而罔覺，十

惡積增。惟知馳驚於紅塵，豈慮記標於黑簿。捫心知懼，撫己若驚。以今恭值某節，謹遵天師科教，百拜朝天，一誠悔過。仰望高真哀愍，大道慈憐，念彼愚蒙，曲垂原赦。蠲其宿業之籍，免玄祖拘滯於幽關；開以遷善之門，俾方寸通明於真性。玄功克備，道行圓融。動止和平，眷緣亨泰。臣某下情無任，瞻天望聖，激切屏營之至。虔運一誠，至恭三禮。

太上無極大道。

至心朝禮，三十六部尊經。

玄中大法師。

昔祖天師居于閩州雲臺山上，歲在丙申永壽三年九月九日。太上遣使授以玉冊，賜三天扶教輔元大法師、正一真人之號，詔昇舉期，亭午之際，朱衣持版，綃衣捧函，二十四仙，龍虎鹿鶴，青幢絳節，綵雲紫霧，天香芬馥，仙樂徘徊。玉女二人，引天師真人與夫人雍氏，上登寶輦，昇舉雲霄，至太玄都省。其時從學弟子，三千六百餘人。攀慕無階，悲喜交切。口誦師號，求度

仙名。天師惟許王趙仙子，宿業清淨，功者行成，同登天闕，乃以太上所授符籙、印劍、三洞衆經、謝罪超度科式傳付嗣師。於是嗣師隱習先業，謝過修功，光和二一年正月十五日，干陽平山奉詔上昇。乃以是真科付度系師、隱系師。學道仙子，求度雖專，尚多宿累。修有勤惰，道無親疏，所以流轉三界五輪，爲有六根，結成十惡。積習愆尤，在於曩劫；障迷道業，在於今生。一曰眼根，二曰耳根，三曰鼻根，四曰舌根，五曰身根，六曰意根。因此六根遂生諸業，猶如草木，抽枝播葉，生花結實，展轉滋蔓。有能修之，得以正定六根，諸罪自然清淨。復次身三惡業，殺盜邪淫，身根結成。心三惡業，貪瞋愚癡，意根結成。口四惡業，兩舌惡罵，綺言妄語，舌根結成。因此三業，遂生十惡，猶如蛇蝎，搖毒自防，觸必傷人，展轉熾盛。有能修之，得以智慧，十惡諸罪，自然清淨。昔祖天師特修太上修真、謝罪超度、玄祖科式真文，故得宿業頓消，道功成就，先靈受度，身乃

飛昇。況今世人澆浮，人多過犯。欲使形神合道，須得障累頓消。當依三八謝罪之儀，懺述先世積生疊咎。一誠悔過，百拜朝天。至心皈命，玉皇大天尊、玄穹高上帝，各發誓願，以日爲年。三毒十惡之罪，誓願斷絕；一千三百之善，誓願進修。庶幾漸入仙宗，次第亦昇於天路。汝宜遞相授受，勉而行之。大道慈悲，隨心應感。懺罪罪滅，修福福生。今故歸依，至心朝禮。

志心歸命禮

太上彌羅無上天。妙有玄真境，渺渺紫金闕。太微玉清宮，無極無上聖。無無復光明，寂寂浩無宗。玄範總十方，湛寂真常道。恢漠大神通，玉皇大天尊、玄穹高上帝。

十拜

臣等至心皈神，皈身皈命，百拜朝天，一誠悔過。重念臣某爰從宿世，逮及今生。三毒業深，十惡障重。身業大罪，第一殺生，稟性兇殘，恣行殺戮，酷刑虐政，害物傷生，仰射飛禽，俯逐

走獸，傾巢發蟄，湯潑火焚，損子墮胎，烹雞破卵，資給口腹，諂祭邪神，謀殺教殺，故殺誤殺，展轉輪迴，互相殺害。從今懺悔，並冀赦原，願與一切衆生，俱入慈濟門，永斷殺生業。先靈受度，永免倒懸屠割報緣，弟子蒙恩，天上人間，願得久視長生福果。形神俱妙，與道合真。今故皈依，至心朝禮。

玉誥 如前十拜

臣等至心皈神，皈身皈命，百拜朝天，一誠悔過。重念臣某爰從宿世，逮及今生。三毒業深，十惡障重。身業大罪，第二竊盜，懷奸設計，偷掠穿窬，背公循私，明瞞暗騙。或盜父母財物，君王財物，三寶財物，五姓財物，駸駸不已，蠢蠢無知。侵攘劫奪，不恤恩義，不懼神明，不以失者爲憂，但以得之爲喜。從今懺悔，並冀赦除。願與一切衆生，俱入廉節門，永斷竊盜業。先靈受度，永免金鎚鐵杖報緣，弟子蒙恩，天上人間，願得富貴崇高福果。形神俱妙，與道合真。今故歸依，至心朝禮。

玉誥十拜

臣等至心皈神，皈身皈命，百拜朝天，一誠悔過。重念臣某爰從宿世，逮及今生。三毒業深，十惡障重。身業大罪，第三邪淫，性濁情浮，耽淫嗜欲，愛憎嫉妬，黷亂禮經，不避親疏，故違禁戒；邪思妄想，氣憊神狂，恣縱無明，逸樂無度，誘惑一切，裸露三光。男不忠良，女不貞潔，濫遊邪徑，迷失正途，沉溺愛河，流趨欲海。從今懺悔，並冀赦除。願與一切衆生，俱入清淨門，永斷邪淫業。先靈受度，永免冰戟霜刃報緣，弟子蒙恩，天上人間，願得隨意具足福果。形神俱妙，與道合真。今故皈依，至心朝禮。

玉誥十拜

臣等至心皈神，皈身皈命，百拜朝天，一誠悔過。重念臣某爰從宿世，逮及今生。三毒業深，十惡障重。心業大罪，第一口貪，貪毒驅馳，慳貪靳悋，貪取忘義，貪愛無厭，智取巧求，異術左道，損他益己，害物傷生，過索倍徵，強侵冒占，一如溪壑，百計經營，借貸

不還，寄托推失，倚恃聲勢，抗拒奸欺，負命負財，負恩負義。從今懺悔，並冀赦除。願與一切衆生，俱入施捨門，永斷慳貪業。先靈受度，永免鐵牀銅柱報緣，弟子蒙恩，天上人間，願得快樂安榮福果。形神俱妙，與道合道。今故皈依，至心朝禮。

玉誥十拜

臣等至心皈神，皈身皈命，百拜朝天，一誠悔過。重念臣某爰從宿世，逮及今生。三毒業深，十惡障重。心業大罪，第二口嗔，嗔火熾炎，業風飄蕩，恃強凌弱，鼓衆暴寡，傲上慢下，妬賢疾能。或對日月星辰，恣行瞋怒。或對父母師長，恣行瞋怒。枉役奴婢，恣行瞋怒，小失便宜，恣行瞋怒。口毒過於蜂蠆，心險利於風刀，外結冤憎，內懷忿怒，從今懺悔，並冀赦除。願與一切衆生，俱入歡喜門，永斷瞋怒業。先靈受度，永免飛戈飄戟報緣，弟子蒙恩，天上人間，願得體相端嚴福果。形神俱妙，與道合真。今故皈依，至心朝禮。

玉誥十拜

臣等至心皈神，皈身皈命，百拜朝天，一誠悔過。重念臣某爰從宿世，逮及今生。三毒業深，十惡障重。心業大罪，第三愚癡，不孝不忠，不仁不義，傲誕三寶，輕慢三光，公肆欺詐，陰懷賊害，違天犯地，背理恣驕，瀆亂典常，荒淫汙染，明明造罪，故故爲非。外忘廉謹之儀，內懷暴虐之志，褻狎邪穢，蔑視宗親，顛倒猖狂，狼戾妖幻，從今懺悔，並冀赦除。願與一切衆生，俱入智慧門，永斷愚癡業，先靈受度，永免刀山劍樹報緣，弟子蒙恩，天上人間，願得聰明智慧福果。形神俱妙，與道合真。今故皈依，志心朝禮。

玉誥十拜

臣等志心皈神，皈身皈命，百拜朝天，一誠悔過。重念臣某爰從宿世，逮及今生，三毒業深，十惡障重。口業大罪，第一兩舌，言辭悖戾，謗議善良，誑惑多端，強辯逆理，噴囁三寶，訾毀大乘，咨暑怨寒，呵風罵雨，妝唆詞訟，破壞規模，說誘勾索，鬥合爭競，面譽背

毀，口是心非，誇己之能，揚人之醜，間諜宗黨，起發風波，邪行邪言，無忠無信，從今懺悔，並冀赦除。願與一切衆生，俱入三乘門，永斷兩舌業。先靈受度，永免吞火食炭報緣，弟子蒙恩，天上人間，願得吉祥清慶福果。形神俱妙，與道合真。今故皈依，至心朝禮。

玉誥十拜

臣等至心皈神，皈身皈命，百拜朝天，一誠悔過。重念臣某爰從宿世，逮及今生，三毒業深，十惡障重。口業大罪，第二惡罵，久淪畜趣，乍入人身，臭語腥羶，熏穢天地，穢聲毒惡，觸突真靈，惱亂人民，恐脇淳弱，悖慢尊長，凌辱平人，恣醉佯狂，耽嗜香味，害物害命，資充啗食，倡打倡殺，曾不慈憐，廣結冤讎，恣加濁辱，從今懺悔，並冀赦除。願與一切衆生，俱入方便門，永斷惡罵業。先靈受度，永免燒炙焦爛報緣，弟子蒙恩，天上人間，願得福祿壽安福果。形神俱妙，與道合真。今故皈依，至心朝禮。

玉誥十拜

臣等至心皈神，皈身皈命，百拜朝天，一誠悔過。重念臣某爰從宿世，逮及今生，三毒業深，十惡障重，口業大罪，第三綺語。言乖禮法，行習輕浮，令色足恭，華音麗韻，淫辭褻瀆，緣飾風情，宛轉謳歌，起人邪念，變白爲黑，抑是爲非。虛妝繡綺之談，幻惑愚迷之聽。自昧陰隲，不覺不知；廣積愆瑕，無邊無量。從今懺悔，並冀赦除。願與一切衆生，俱入讚歎門，永斷綺語業。先靈受度，永免鑊湯鑪炭報緣，弟子蒙恩，天上人間，願得度品上仙福果。形神俱妙，與道合真。今故皈依，至心朝禮。

玉誥十拜

臣等至心皈神，皈身皈命，百拜朝天，一誠悔過。重念臣某爰從宿世，逮及今生，三毒業深，十惡障重。口業大罪，第四妄言。越禮飾辭，昧心巧舌，不尊君父、師友，不敬天地、神明。架說鑿空，更相誑惑，故起搖撼，護短抑長，以奸爲計，以妄爲常，指誓證他，自欺方寸，呪咀求直，弗顧幽冥，擅逞浮

華，猜嫌情實，先賢善訓，大道經書，罔克誦持，每加貶辟。從今懺悔，並冀赦除。願與一切衆生，俱入頓覺門，永斷妄言業。先靈受度，永免穿腸耕舌報緣，弟子蒙恩，天上人間，願得復本自然福果。形神俱妙，與道合真。今故皈依，志心朝禮。

玉誥十拜

爾時，系師復告學道仙子曰：人處塵凡，動成愆過，無邊無量，難述難殫。百拜朝天，悉已發露，十惡大罪，復竟披陳。一念改修，頓歸清淨，猶如明鑑，塵垢蒙蔽。忽遇良工，用藥磨洗，塵垢淨盡，還復光明，罪滅福生，亦復如是。諸天上聖，立教真仙，常勸世人，勤修懺悔。懺者，不敢隱於往咎；悔者，不再犯於前非。口既懺陳，身能拜跪，心須悔責，改過遷善。即有十天善神，同垂保舉，三界衆真，共作護持。其或不省不悛，不懺不悔，漸至罪根纏結，日積月深。即有陰陽曹局，考較兇邪，鬼魅侵凌，疾病不痊，災難競起，公私多滯，魔障多端，若有來世人民，遇

修此道，當感三官五帝、九府四司，察志觀勤，紀功宥過，疾病得愈，道業得成。仕宦得遷，羈囚得脫，一切苦厄，所不能加。壽命延永，身心安逸，若爲亡歿懺悔，追修即得，譴削黑書，魂昇紫府。若凶荒饑饉，水火旱蝗，瘟疫復連，兵戈劫掠，能依科法，懺禮消穢，即得國土清平，民物昌熾。若婦人懷孕，生育艱難。或鬼怪興妖，家門多變。能修香火，懺禮禱祈，即得母子全安，身位寧靜。若復有人，常勤懺禮，學道成道，求仙得仙。若復有人，因事懺禮所願者，合所爲者，成天上人間，他生見世，獲福無量，證果非虛，由是系師棄官精煉，紹襲仙宗。政始六年八月一日，亦於陽平山，奉詔上昇。以此真科，流傳後世。有緣緣會，自度度他。願與含生，同臻福慶。稽首禮謝，無上虛皇正真三寶。

太上正一朝天三八謝罪法懺

①「入」原作「人」，據上下文義改。

（陳耀庭點校）

041 朝真發願懺悔文

經名：朝真發願懺悔文。一卷。
底本出處：《萬曆續道藏》。

淨口業咒

綺妄諂讒兼兩舌，悖辭詬詆恣凌人。
願談道德改前愆，語合天心口靈聖。

淨身業咒

殺盜淫邪污行免，慈廉正直可通神。
是為清淨自然身，四獸百靈長擁護。

淨心業咒

道境清明無穢淨，貪嗔癡昧曰妖邪。
澄心滅念等虛空，是即大羅無色界。

祝香

神化無方誠可格，誠心有禱假香傳。
香雲浮蓋大羅天，仙仗浮空隨應感。

祝功曹

奉請功曹直符使，此間土地至靈神。
昇天入地徧幽明，達愜傳香聞聖哲。

啓聖

我等一心皈命禮，天靈神寶大慈尊，
玄穹九辰諸帝真，金母木公卿宰輔，
日月星辰司本命，符章經道總真文，
五老三官大帝君，四聖四相大法主，
傳道傳法傳經錄，流芳演派衆宗師，
諸階法部統真靈，雷霆岳鄴官將吏，
十方無量神仙侶，同垂應感赴靈場。
慈悲接引學仙人，隨願克成無上道。

經誥隨意，念誦畢，回向

經功號力不思議，回向十方諸聖衆。

願鑒真情求懺悔，河沙罪障盡消除。

懺悔願發

懺悔我等，自多曩劫，迺至今生，
假火風地水以成形，戀香味色聲而觸法。
貪嗔痴妬，惡口妄言，殺盜邪淫，恣情縱欲，
逆辱父母，背負君師。不敬天地神祇，
呵風罵雨；不信罪福因果，昧理欺心。
遂致報對，升沉輪迴。展轉受諸苦惱，
無有休停。皆由一念之差，陣迷自性；
妄認六塵之幻，沉溺愛河。今而既獲人身，
叨親正教；豈非

千生慶幸，一旦遭逢。自合省心，早求度世。若復似前流蕩，畢竟迷失本來。一墮冥途，化爲異類。是故思沉淪苦，發清淨心，皈奉聖真，特求懺悔，丐憐愚昧，原赦罪愆，解釋報緣，蠲消魔障。所覬命逢昌運，名注丹臺，際遇真師，親聞至道，精修妙行，增長善芽，盡節玄門，怡神真境。他日運應滅度，自性不至昏迷，徑生十善之家。能通宿命，還證上乘之道。臣事虛皇，尚願國安民豐，時和歲稔。願真風不闡，道化興行。願兇惡化賢，邪魔皈正。願兵刑罔措，囹圄空閑。願沉滯昇遷，冤仇和釋。願參玄學者，入道成真。願歷劫種親，均諧超度。願歷世師友，同證真常。願所有緣，增崇福慧。願所傷物命，早生人天。願節食酒葷，不相殺害。願持身端正，不履淫邪。願悉破慳貪，悉除嶮峻。願言無誑妄，行貴真誠。願弱己饒人，潛忍忿怒。願慈心下氣，恭敬一切。願不墮邊夷，不隨邪見。願結交仙友，栖集清虛。願智惠開明，神通恢廓。願廣行方便，普濟群

生。願永斷執迷，咸歸至道。塵劫有盡，我願無窮。端望帝真，曲垂濟度，皈命禮謝，無上正真三寶。

祝謝

向來禮念諸功德，全賴慈悲爲主盟。仰瞻仙仗隱空玄，法部真靈長擁護。稽首皈依，無極妙道。

朝真發願懺悔文

（陳耀庭點校）

042 洞玄靈寶河圖仰謝 三十六天齋儀

經名：洞玄靈寶河圖仰謝三十六天齋儀。四卷。底本出處：《正統道藏》洞玄部威儀類。

洞玄靈寶河圖仰謝三十六天齋儀卷一

壇燈幡文一

壇壇，方三丈六尺，纂開十方榜用傳授如外壇者。纂內去纂一尺方，然八燈，黑書白簡三十二天號，朱書，諱下黑書官治，依經次第。中央懸青幡，幡長一丈六尺，書三皇天文各十五字，令滿。竿長二丈四尺，找校使堅。行道時，數亦隨所，堪此爲告，請六爲勝，其有二異，餘悉效前。

禮謝三十二天二

捻香祝願畢，向北唱。

臣等歸命太黃皇曾天帝君再拜以次，八天竟伏，叩頭至懺竟。大灾，散髮。法師長小聲讀文，不須散髮。臣某等上啓太黃皇曾天帝君呼諱、紫極宮諸靈官以次盡八天心謹請北方東壁營室危虛須女牽牛南斗東北七宿八天帝君，賜降慈恩，開許大赦。原除肉人姓名宿世積罪，下及某身三曾五祖、七世父母，歷世愆惡，一切乞丐，從三赦之恩願，得上謝北方八帝君。解某生死所犯，天羅地網，基謫除散，增延年算，與之更始。自今已後，福業興隆，公私勝泰，宦學高通，功成德就，合門懽忻。所願諧果，仰受大恩。畢，齊起向東，次南，次西，禮謝。皆效前如此。恒能行此，免洪水之灾；永爲種人，保常存之樂。

禁斷一

中元祈請，日數積多，逆屏他事，供辦所須，別立齋所。禁斷四周雜人，雞犬不得聽入。入則犯禁，便應解別，受剋日障，隔唯堅預。齋供辦奉，洒掃飲食，簡擇良人，非事俗者。

道民法身，精謹忠信，潔淨堪使。計周事而已，不須多人。多人多罪，或病或者，或有公私非意，連建此壞。齋極爲不易，嚴加詳慎。同志玄靈，所齋之人，悉不出門。外人來者，市買所須，住門外並不得進內。人接取別屋淨之。若病慘公私，必是危急，出去勿還。還得至門，參承莫入。尤禁雞犬，嚴防竊盜。男女至親，雖是法身，皆不得共此齋所。

壇燈二

壇平廣淨，方十二丈。欄纂繩，榜三重，關門依如傳授，三壇壇廣爲異耳。欲近山水閑曠之地方。十八燈在外壇欄纂內，去纂三尺許，齊平堅安，同高五尺。城容斗餘，一香一油，間中六尺，大猛火光，煙不得中絕。若過風雨，移還大堂，堂方二丈。方十八燈，相去尺許，減此則許闕追補。無燈之夕，不得行道，指朝講讀修習而已。法燈之外，要處安之多少、大小，隨人所辦。

旛文三

壇中央，安材格堅長竿。竿用大竹，一尺餘圍，長四丈五尺。懸青旛長三十六尺，備書三皇文，令滿。上安鐵橫及鈎帶，豎係轆轤繩纜，上下流利，辟雨及風，精緊卷舒。纜斷竿折，皆為不祥。悉即懺悔，首罪乞原，依法更作，務使堅嚴。有善瑞來儀，雲氣交集，上清經文字有覺。如此者，啓告謝恩。建齋之夕，施安堂壇，連燈載旛，皆令整肅訖。素采依法，書三皇文，舒置三案上牀，楨磔兩邊，法巾藉之，露上勿覆行道，竟覆之。齋竟送天文維上，埋地文壇中，水文投流水，簡各隨之。

齋官同異四

法師、都講、監齋、侍經、侍香、侍燈六人入壇，同如前儀。有散齋為異耳。香燈既多，別立散官，壇外禮拜，亦不入堂。專營治香鍊油續火，不過九人，寧少而精，皆勤幹堪事，敬信可委者。此以外，一切勿至壇堂之所。都講、監齋，咨審法師，動

靜是非，諦明勿誤。誤辭首悔，禮懺乞願，不爾被考，明各慎之。

宿集同異五

宿集飲食，朝禮上啓，說戒讀簡，詮官拜受，復爐咏出，同如常儀。唯侍經、侍香、侍燈，使迎直壇為異。

正齋同異六

正齋日，平旦入壇，漱祝，巡咏，存思，禮祝，發爐，出官，上香，祝願，皆同常儀。唯出官上香辭中，言上啓，加云：三十六天帝，三十六土皇為異。

向東九天禮懺

臣等至心歸命第一無景無色無量天帝君再拜仍伏，叩頭五，心懺竟，齊起。大灾，重病，散髮叩頭，不須搏頰。臣某等上啓：太上無無至真、無上無為大道應感真精、第一無景無色無量天帝君諱缺。謹有當今皇帝遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民

庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯、非贊大猷之人，特念已叨已忝，敢負登盟之誓，謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，為某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖，一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節，黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。眾灾度脫，壽命延長。皇家道德日盛，四海灾消，禎祥雲集，八節安和。一切羣

生，咸蒙福慶，俱服正教，同歸自然。得道之後，與天帝合真。

畢 齊起 依次 至第二天 唯朱字諱異 餘悉同

臣某等上啓太上無無至真、無上無爲大道應感真精、第二無形清微天帝君諱馮提阿沙越家摩須雲持。謹有當今皇帝

遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物瘠，用叩天恩。冀社稷之尊隆，庶民物之康阜。今以至心，回向大道，

歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神

氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆災度脫，壽命延長。皇家道德日盛，四海災消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第三無精波羅摩振天帝君諱雲奎零漫真釋遮緣陀。謹有當今皇帝遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物瘠，用叩天恩。冀社稷之

尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆災度脫，壽命延長。皇家道德日盛，四海災消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合

真。

臣某等上啓太上無無至真、無上無爲大道應感真精、第四入色水無量億羅天帝君諱王阿衛 詣波若 運玄紫。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓。謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九

玄七祖、一切先亡，同得離幽苦，上昇福堂，轉輪成真，利祐見在。使陵廟墳墓肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第五無極洞清上上禪善無量壽天帝君諱靈靄 錫普 靈法波 頤。謹有當今皇帝，遇荷玄恩，幸藉餘慶，屬當今機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。

臣等誠愚誠魯，非贊大猷之人，特念已叨已，忝敢負登盟之誓。謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳墓肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第三無精波羅摩振

天帝君諱雲奎零瀑真釋遮緣陀。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物瘠，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，為某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖，一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一儀交泰，則七

曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。眾灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無為大道應感真精、第七玄清上氣那首約淨天帝君諱梵摩首波。難維那薩漢羅。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物瘠，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香

然燈，應三十六地。消釋幽闇，招引神明，為某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖，一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。眾灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無為大道應感真精、第八梵行上清氣稽那邊淨天帝君諱騫首苛恒摩羅羈鬱藍波。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯

舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓，謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙

差愈。或官司盜賊，即得免過隨事言之。衆災度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第九天窮洞虛極上監須延天帝君諱澤靈羅樂鄴育明沙。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓，謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之

恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙

恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆災度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

洞玄靈寶河圖仰謝三十六天齋儀
卷一

①「真」原作「應」，據文義改。

②「三」字疑誤，據上下文義應爲「六」。

③「波」原作「苛」，據《雲笈七籤》本改。

洞玄靈寶河圖仰謝三十六天齋儀卷二

向南九天禮懺

臣等至心歸命第十玄梵玉虛無精無羅迦淨明天帝君。

臣某等上啓太上無無至真、無上無爲大道應感真精、第十玄梵玉虛無精無羅迦淨明天帝君諱周阿迦須 迴素劫起飛陀。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招

引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖，一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆災度脫，壽命延長。皇家道德日盛，四海災消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第十一無玄元建上靈大赤天帝君諱清淨瑛 根植遂百無和。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。

道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖，一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。

衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第十二梵玄元氣離和行如天帝君諱 周分若 盈冲都 玄鏡車。

謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓，謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標靈真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造

之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖，一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第十三無極上虛玉竺玄同寂然天帝君諱 津霽靈 陀娥阿 森呵根。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻履，生靈曷遂於燕安。或旱澇之所灾，或民庶之多難。睹此物癘，用叩

天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓，謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖，一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。

得道之後，與天帝合真。

臣某等上啓太上無無至真、無上無爲大道應感真精、第十四寶梵無色上真潘羅玄妙天帝君諱 隋黎沐音 緣羅圓迦

摩騫。謹有當今皇帝，遇荷玄恩，幸藉餘

慶，屬當萬機，君臨億兆，任重嵩恒，道

慕堯舜。既續承於大業，每省惕於眇

躬。道俗凌夷，淳化難振。陰翊匪資

於鴻覆，生靈曷遂於燕安。或旱澇之

所災，或民庶之多難。睹此物瘠，用叩

天恩。冀社稷之尊隆，庶民物之康阜。

今以至心，回向大道，歸依天帝，委命

至真，携請臣等建三皇中元祈請大齋。

臣等誠愚誠魯，非贊大猷之人，特念已

叨已，忝敢負登盟之誓；謹共精嚴，依

洞神之法。立壇設位，象三十六天；

燒香然燈，應三十六地。消釋幽闇，招

引神明，爲某標露真文，揚旛請命，披心

散髮，謝過自新。伏願天帝君降大慈

之恩，流罔極之澤，垂救度之福，賜更

造之仁。使道達神氣，和合靈官，衛護

某身，原赦宿新無量罪咎，矜獎即今改

悔丹誠。以是功德，歸流某七廟之靈，

九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆災度脫，壽命延長。皇家道德日盛，四海災消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無

爲大道應感真精、第十五飛梵行真上

玄苓謾福德天帝君諱 王惟鉢離 波姨泥梵

寶真。謹有當今皇帝，遇荷玄恩，幸藉餘

慶，屬當萬機，君臨億兆，任重嵩恒，道

慕堯舜。既續承於大業，每省惕於眇

躬。道俗凌夷，淳化難振。陰翊匪資

於鴻覆，生靈曷遂於燕安。或旱澇之

所災，或民庶之多難。睹此物瘠，用叩

天恩。冀社稷之尊隆，庶民物之康阜。

今以至心，回向大道，歸依天帝，委命

至真，携請臣等建三皇中元祈請大齋。

臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆災度脫，壽命延長。皇家道德日盛，四海災消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無

爲大道應感真精、第十六靈梵流精中

元近懿際淳天帝君諱 朱黎藹 離奎提藍波

臻。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物瘼，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢

消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第十七玄上洞極無崖不驕樂天帝君諱凝覆霍世從那茂緣晨。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物瘼，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香

然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第十八天大梵玄青元精芩和近際天帝君諱 阿明秀 提揭沙入華田。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，

道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物瘼，用叩天恩。冀社稷之尊隆，庶民物之康阜。今以至心，回向大道，歸依天帝，

委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳墓肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所

苦某病即蒙差愈。或官司盜賊，即得免過隨事言之。衆災度脫，壽命延長。皇家道德日盛，四海災消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

洞玄靈寶河圖仰謝三十六天齋儀

卷二

洞玄靈寶河圖仰謝三十六天齋儀卷三

向西九天禮懺

臣等至心歸命第十九行梵紫虛上元首帶快見天帝君。

臣某等上啓太上無無至真、無上無爲大道應感真精、第十九行梵紫虛上元首帶快見天帝君諱 劉旦扇 提羅鬱頭阿呵。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道幕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物瘼，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招

引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第二十虛梵上清化靈須陀結愛天帝君諱 彭移那 幽津真釋維光那。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既纘承於大業，每省惕於眇躬。

道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。

衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第二十一上極無景洞微化應聲天帝君諱 暉蘇靈 品鬱爵定世和。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既纘承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更

造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第二十二大梵九玄中元氣阿那給道德天帝君諱捷尼姪 陰夜寶開緣沙。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物

瘡，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正

教，同歸自然。得道之後，與天帝合真。

臣某等上啓太上無無至真、無上無爲大道應感真精、第二十三行梵元清下靈氣須達天帝君諱周難首 法光量量國羅。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物瘡，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改

悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第二十四極梵洞微九靈炁須帶阿那天帝君諱 竺明和 波蜜 離提遮迦訶。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物瘠，用叩天恩。冀社稷之尊隆，庶民物之康阜。今以至心，回向大道，歸依天

帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第二十五無名至極洞微梵寶德天帝君諱 精霧雲釋。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物瘠，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇

福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第二十六微梵玄天氣帶扇給道德天帝君諱 洛須阿摩 風雲蘭丹寶林 謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之

人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第二十七虛梵元氣

蟬然識慧天帝君諱 云無施 杳量光洞此森。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消

除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

洞玄靈寶河圖仰謝三十六天齋儀

卷三

洞玄靈寶河圖仰謝三十六天齋儀卷四

向北九天禮懺

臣等至心歸命第二十八空梵中天續元伊檀天帝君。

臣某等上啓太上無無至真、無上無爲大道應感真精、第二十八空梵中天續元伊檀天帝君諱朱仲生緣那境入室瓊。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物瘡，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神

明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖，一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第二十九太極無崖紫虛洞幽梵加摩夷天帝君諱玄靈靈呵阿房薛故駢。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省

惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物瘳，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳墓肅寧，殃注斷絕，宮宅安穩，怪夢消除。一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免

過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第三十綠梵自然識慧入天帝君諱 迦釋文羅 七曜氣飛元青。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物瘳，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之

恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳墓肅寧，殃注斷絕，宮宅安穩，怪夢消除。一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第三十一玄梵大行無景無所念慧天帝君諱 教伊檀阿 定世陰結榮和。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱

澇之所災，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依天

帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳墓肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆災度脫，壽命延長。皇家道德日盛，四海災消，禎祥雲集，八

節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第三十二天雲梵上行維光阿檀天帝君諱 仲雲勳勃 中寶殊若來華。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護

某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳墓肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆災度脫，壽命延長。皇家道德日盛，四海災消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無爲大道應感真精、第三十三天無色玄清洞微波梨答和天帝君諱 王靈濡 黃原緣理雲阿。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物癘，用叩天恩。冀社稷之尊隆，庶民物之

康阜。今以至心，回向大道，歸依天

真。

帝，委命至真，携請臣等建三皇中元祈
請大齋。臣等誠愚誠魯，非贊大猷之
人，特念已叨已，忝敢負登盟之誓；謹
共精嚴，依洞神之法。立壇設位，象三

臣某等上啓太上無無至真、無上無
爲大道應感真精、第三十四洞微玄上
梵氣阿竭含那天帝君諱 桓墮世宗 條瓊
芥晋世羅。謹有當今皇帝，遇荷玄恩，幸

十六天；燒香然燈，應三十六地。消

藉餘慶，屬當萬機，君臨億兆，任重嵩

釋幽闇，招引神明，爲某標露真文，揚旛

恒，道慕堯舜。既續承於大業，每省惕

請命，披心散髮，謝過自新。伏願天帝

於眇躬。道俗凌夷，淳化難振。陰翊

君降大慈之恩，流罔極之澤，垂救度之

匪資於鴻覆，生靈曷遂於燕安。或旱

福，賜更造之仁。使道達神氣，和合靈

澇之所灾，或民庶之多難。睹此物瘡，

官，衛護某身，原赦宿新無量罪咎，矜獎

用叩天恩。冀社稷之尊隆，庶民物之

即今改悔丹誠。以是功德，歸流某七廟

康阜。今以至心，回向大道，歸依天

之靈，九玄七祖、一切先亡，同得離幽

帝，委命至真，携請臣等建三皇中元祈

苦，上昇福堂，轉輪成真，利祐見在。

請大齋。臣等誠愚誠魯，非贊大猷之

使陵廟墳基肅寧，殃注斷絕，宮宅安

人，特念已叨已，忝敢負登盟之誓；謹

穩，怪夢消除。二儀交泰，則七曜調

共精嚴，依洞神之法。立壇設位，象三

明，風雨以時，暄涼應節。黎庶咸安，

十六天；燒香然燈，應三十六地。消

兵戈止息，天下太平，醜虜歸降。某所

釋幽闇，招引神明，爲某標露真文，揚旛

苦某病即蒙差愈。或官司盜賊，即得免

請命，披心散髮，謝過自新。伏願天帝

過隨事言之。衆灾度脱，壽命延長。皇

君降大慈之恩，流罔極之澤，垂救度之

家道德日盛，四海灾消，禎祥雲集，八

福，賜更造之仁。使道達神氣，和合靈

節安和。一切羣生，咸蒙福慶，俱服正

官，衛護某身，原赦宿新無量罪咎，矜獎

教，同歸自然。得道之後，與天帝合

即今改悔丹誠。以是功德，歸流某七廟

之靈，九玄七祖、一切先亡，同得離幽

苦，上昇福堂，轉輪成真，利祐見在。

使陵廟墳基肅寧，殃注斷絕，宮宅安

穩，怪夢消除。二儀交泰，則七曜調

明，風雨以時，暄涼應節。黎庶咸安，

兵戈止息，天下太平，醜虜歸降。某所

苦某病即蒙差愈。或官司盜賊，即得免

過隨事言之。衆灾度脱，壽命延長。皇

家道德日盛，四海灾消，禎祥雲集，八

節安和。一切羣生，咸蒙福慶，俱服正

教，同歸自然。得道之後，與天帝合

真。

臣某等上啓太上無無至真、無上無

爲大道應感真精、第三十五玄上綠梵

滅然天帝君諱 朱靈陶彌 洞靈音解世陀

謹有當今皇帝，遇荷玄恩，幸藉餘慶，

屬當萬機，君臨億兆，任重嵩恒，道慕

堯舜。既續承於大業，每省惕於眇躬。

道俗凌夷，淳化難振。陰翊匪資於鴻

覆，生靈曷遂於燕安。或旱澇之所灾，

或民庶之多難。睹此物瘡，用叩天恩。

冀社稷之尊隆，庶民物之康阜。今以

至心，回向大道，歸依天帝，委命至真，

携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓，謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

臣某等上啓太上無無至真、無上無

爲大道應感真精、第三十六極色上行梵泥維先若那天帝君諱 袁員珠 金銀寶朱陽波。謹有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既纘承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物瘼，用叩天恩。冀社稷之尊隆，庶民物之康阜。今以至心，回向大道，歸依天帝，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓，謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願天帝君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。

使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與天帝合真。

洞玄靈寶河圖仰謝三十六天齋儀
卷四

①「教」原作「散」，據上下文義改。

（陳耀庭點校）

043 洞玄靈寶河圖仰謝 三十六土皇齋儀

經名：洞玄靈寶河圖仰謝三十六土皇齋儀。四卷。底本出處：《正統道藏》洞玄部威儀類。

洞玄靈寶河圖仰謝三十六土皇齋儀卷一

向東九地禮懺

臣等至心歸命第一壘色潤地第一土皇君。

再拜 叩頭五 心懺竟 齊起

大灾重病 散髮 叩頭不須搏頰

臣某等上啓太上無無至真、無上無爲大道應感真精、第一壘色潤地第一土皇君原缺諱。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每

省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳墓肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免

過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

畢 依次禮三十六 易朱字諱

餘異同依三十六天

臣某等上啓太上無無至真、無上無爲大道應感真精、第一壘色潤地第二土皇君諱 黃昌上文波泥。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。

伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第一壘色潤地第三土皇君諱青玄文其久難。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂

於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建

三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脱，壽命延長。皇家道德日盛，四海灾消，禎祥雲集，

八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第一壘色潤地第四土皇君諱黃陳忠皇。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量

罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第二壘剛色地第五土皇君諱 戊神文光。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，

歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第二壘剛色地第六土皇君諱 鬱黃母生。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利

祐見在。使陵廟墳基肅寧，殃注斷絕，宮宅安穩，怪夢消除。一一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第二壘剛色地第七土皇君諱 玄德維乾皇朝。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟

之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第二壘剛色地第八土皇君諱 長皇朝。今有當今皇帝，遇荷

玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一一儀交泰，則七曜調明，風雨以時，暄涼應節。黎庶咸安，

兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第三壘石脂色地第九土皇君諱 張維神保。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。

伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

洞玄靈寶河圖仰謝三十六土皇齋儀
卷一

洞玄靈寶河圖仰謝三十六土皇齋儀卷二

向南九地禮懺

臣等至心歸命第三壘石脂色地第十土皇君。

臣某等上啓太上無無至真、無上無爲大道應感真精、第三壘石脂色地第十土皇君諱 周伯上仁。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真

文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第三壘石脂色地第十一土皇君諱 朱明車子。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳

化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建

三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。

皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第三壘石脂色地第十二土皇君諱 康文敬士。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神

氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第四壘潤澤地第十三土皇君諱 賈雲子高。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，

庶民物之康阜。今以至心，回向大道，

歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合

真。

臣某等上啓太上無無至真、無上無爲大道應感真精、第四壘潤澤地第十四土皇君諱 謝伯無元。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，

同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第四壘潤澤地第十五土皇君諱 巳文秦陳。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大

猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第四壘潤澤地第十

六土皇君諱 行機正方。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一儀交泰，則七

曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第五壘金粟澤地第十七土皇君諱華延期明。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既纘承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十

六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第五壘金粟澤地第十八土皇君諱黃齡我容。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既纘承

於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得

免過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

洞玄靈寶河圖仰謝三十六土皇齋儀

卷二

●原有一『今』字，疑誤衍，刪。

洞玄靈寶河圖仰謝三十六土皇齋儀卷二

向西九地禮懺

臣等至心歸命第五壘金粟澤地第十九土皇君。

臣某等上啓太上無無至真、無上無爲大道應感真精、第五壘金粟澤地第十九土皇君諱雲採元淵。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既纘承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露

真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖，一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第五壘金粟澤地第十九土皇君諱萌通八光。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既纘承於大業，每省惕於眇躬。道俗凌夷，淳

化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向

大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆災度脫，壽命延長。

皇家道德日盛，四海災消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第六壘金剛鐵澤地第二十一土皇君諱李上少君。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既纘承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使

道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆災度脫，壽命延長。皇家道德日盛，四海災消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第六壘金剛鐵澤地第二十二土皇君諱范來刀安。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既纘承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物癘，用叩天恩。冀

社稷之尊隆，庶民物之康阜。今以至

心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。

得道之後，與皇合真。

臣某等上啓太上無無至真、無上無爲大道應感真精、第六壘金剛鐵澤地第二十三土皇君諱長李元。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物瘡，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切

先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第六壘金剛鐵澤地第二十四土皇君諱駟女容。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物瘡，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，

非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第七壘水制澤地第

二十五土皇君諱 唐初生暎。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既纘承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交

泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第七壘水制澤地第

二十六土皇君諱 吳正法圖。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既纘承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三

十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第七壘水制澤地第二十七土皇君諱漢高文徹。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承

於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得

免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

洞玄靈寶河圖仰謝三十六土皇齋儀
卷三

①「至」原作「主」，據上下文義改。

洞玄靈寶河圖仰謝三十六 土皇齋儀卷四

向北九地禮懺

臣等至心歸命第七壘水制澤地第
二十八土皇君

臣某等上啓太上無無至真、無上無
爲大道應感真精、第七壘水制澤地第
二十八土皇君諱 東仲龍首。今有當今
皇帝，遇荷玄恩，幸藉餘慶，屬當萬機，
君臨億兆，任重嵩恒，道慕堯舜。既纘
承於大業，每省惕於眇躬。道俗凌夷，
淳化難振。陰翊匪資於鴻覆，生靈曷
遂於燕安。或旱澇之所災，或民庶之
多難。睹此物癘，用叩天恩。冀社稷
之尊隆，庶民物之康阜。今以至心，回
向大道，歸依土皇，委命至真，携請臣等
建三皇中元祈請大齋。臣等誠愚誠魯，
非贊大猷之人，特念已叨已，忝敢負登
盟之誓；謹共精嚴，依洞神之法。立
壇設位，象三十六天；燒香然燈，應三
十六地。消釋幽闇，招引神明，爲某標

露真文，揚旛請命，披心散髮，謝過自
新。伏願土皇君降大慈之恩，流罔極
之澤，垂救度之福，賜更造之仁。使道
達神氣，和合靈官，衛護某身，原赦宿新
無量罪咎，矜獎即今改悔丹誠。以是
功德，歸流某七廟之靈，九玄七祖、一切
先亡，同得離幽苦，上昇福堂，轉輪成
真，利祐見在。使陵廟墳基肅寧，殃注
斷絕，宮宅安穩，怪夢消除。二儀交
泰，則七曜調明，風雨以時，暄涼應節。
黎庶咸安，兵戈止息，天下太平，醜虜
歸降。某所苦某病即蒙差愈。或官司盜
賊，即得免過隨事言之。衆灾度脫，壽命
延長。皇家道德日盛，四海灾消，禎祥
雲集，八節安和。一切羣生，咸蒙福
慶，俱服正教，同歸自然。得道之後，
與皇合真。

臣某等上啓太上無無至真、無上無
爲大道應感真精、第八壘大風澤地第
二十九土皇君諱 葛玄外先。今有當今
皇帝，遇荷玄恩，幸藉餘慶，屬當萬機，
君臨億兆，任重嵩恒，道慕堯舜。既纘
承於大業，每省惕於眇躬。道俗凌夷，

淳化難振。陰翊匪資於鴻覆，生靈曷
遂於燕安。或旱澇之所災，或民庶之
多難。睹此物癘，用叩天恩。冀社稷
之尊隆，庶民物之康阜。今以至心，回
向大道，歸依土皇，委命至真，携請臣等
建三皇中元祈請大齋。臣等誠愚誠魯，
非贊大猷之人，特念已叨已，忝敢負登
盟之誓；謹共精嚴，依洞神之法。立
壇設位，象三十六天；燒香然燈，應三
十六地。消釋幽闇，招引神明，爲某標
露真文，揚旛請命，披心散髮，謝過自
新。伏願土皇君降大慈之恩，流罔極
之澤，垂救度之福，賜更造之仁。使道
達神氣，和合靈官，衛護某身，原赦宿新
無量罪咎，矜獎即今改悔丹誠。以是
功德，歸流某七廟之靈，九玄七祖、一
切先亡，同得離幽苦，上昇福堂，轉輪
成真，利祐見在。使陵廟墳基肅寧，殃
注斷絕，宮宅安穩，怪夢消除。二儀交
泰，則七曜調明，風雨以時，暄涼應節。
黎庶咸安，兵戈止息，天下太平，醜虜
歸降。某所苦某病即蒙差愈。或官司盜
賊，即得免過隨事言之。衆灾度脫，壽命

延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第八壘大風澤地第三十土皇君諱 華茂雲長。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既纘承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神

氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。一儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第八壘大風澤地第三十一土皇君諱 羊真洞玄。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既纘承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所灾，或民庶之多難。睹此物癘，用叩天恩。冀社稷

之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，

與皇合真。

臣某等上啓太上無無至真、無上無爲大道應感真精、第八壘大風澤地第三十二土皇君諱 周尚敬原。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既纘承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切

先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，官宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第九壘洞淵無色綱維地第三十三土皇君諱 極無上玄。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既纘承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物癘，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠

愚誠魯，非贊大猷之人，特念已叨已，忝敢負登盟之誓；謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，官宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第九壘洞淵無色綱

維地第三十四土皇君諱 升虛元皓。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物瘠，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓，謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消

除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第九壘洞淵無色綱維地第三十五土皇君諱 趙上伯玄。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物瘠，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓，謹共精嚴，依洞神之法。立壇設位，象三十六天；燒香

然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙差愈。或官司盜賊，即得免過隨事言之。衆灾度脫，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

臣某等上啓太上無無至真、無上無爲大道應感真精、第九壘洞淵無色綱維地第三十六土皇君諱 演伏降。今有當今皇帝，遇荷玄恩，幸藉餘慶，屬當萬機，君臨億兆，任重嵩恒，道慕堯舜。

既續承於大業，每省惕於眇躬。道俗凌夷，淳化難振。陰翊匪資於鴻覆，生靈曷遂於燕安。或旱澇之所災，或民庶之多難。睹此物瘼，用叩天恩。冀社稷之尊隆，庶民物之康阜。今以至心，回向大道，歸依土皇，委命至真，携請臣等建三皇中元祈請大齋。臣等誠愚誠魯，非贊大猷之人，特念已叨已，忝敢負登盟之誓，謹共精嚴，依洞神之法。立壇設位，象三十六天；燒香然燈，應三十六地。消釋幽闇，招引神明，爲某標露真文，揚旛請命，披心散髮，謝過自新。伏願土皇君降大慈之恩，流罔極之澤，垂救度之福，賜更造之仁。使道達神氣，和合靈官，衛護某身，原赦宿新無量罪咎，矜獎即今改悔丹誠。以是功德，歸流某七廟之靈，九玄七祖、一切先亡，同得離幽苦，上昇福堂，轉輪成真，利祐見在。使陵廟墳基肅寧，殃注斷絕，宮宅安穩，怪夢消除。二儀交泰，則七曜調明，風雨以時，暄涼應節。黎庶咸安，兵戈止息，天下太平，醜虜歸降。某所苦某病即蒙

差愈。或官司盜賊，即得免過隨事言之。衆灾度脱，壽命延長。皇家道德日盛，四海灾消，禎祥雲集，八節安和。一切羣生，咸蒙福慶，俱服正教，同歸自然。得道之後，與皇合真。

洞玄靈寶河圖仰謝三十六土皇齋儀

卷四

①「七」原作「土」，據上下文義改。

（陳耀庭點校）

044 太上洞玄靈寶天尊說

羅天大醮上品妙經

經名：太上洞玄靈寶天尊說羅天大醮上品妙經。一卷。底本出處：《正統道藏》正一部。

爾時，玉清聖境清微天宮金闕上帝元始天尊，上清真境禹餘天宮玉晨道君靈寶天尊，泰清仙境太赤天宮太上老君道德天尊，昊天至尊金闕玉皇上帝，北極紫微大帝，南極天皇大帝，十方諸天尊、東方玉寶皇天尊，南方玄真萬福天尊，西方太妙至極天尊，北方玄上玉晨天尊，東北方度仙上聖天尊，東南方好生度命天尊，西南方太靈虛皇天尊，西北方無量太華天尊，上方玉虛明皇天尊，下方真皇洞晨天尊。道言十方諸天尊，八極真人，三官天地，日月星辰，回觀照耀。伏願真形八

方，鎮委天官、地官、水官，俱弗三方，和同萬彙，太一真形，變成本相，八十一天、三十六地。頭駕火叉，身騎猛獸，或跨蒼龍，擲火萬里。五嶽至尊，青龍白虎，朱雀玄武，真武大將，天蓬翊聖，黑煞天猷。羅叉從後，力士隨行。噉搖世界，倒嶽傾津，上至虛無，下至幽冥，乾坤五嶽四瀆尊神，須彌手弄，頂戴崑崙，地至九府，驅使力士，處分天神，六丁神兵、六甲神兵、天仙神兵、地仙神兵、水仙神兵，三三如九，億萬天兵。玉皇勅下，奉感威靈。群魔束手，戰懼兢兢，毒龍萬萬，豈敢爭迎，携劍斬鬼。日君月君，南辰北斗，九曜天輪，行年星曜。羅喉星君，計都星君，木德星君，水德星君，金德星君，火德星君，土德星君，紫炁星君，月孛星君，太陽星君，太陰星君。天河內宿，天河外宿，二十八宿，具數分明，天罡執劍。十二元辰，寅生屬虎，功曹元辰。卯生屬兔，太衝元辰。辰生屬龍，天罡元辰。巳生屬蛇，太乙元辰。午生屬馬，勝光元辰。未生屬羊，小吉元辰。

申生屬猴，傳送元辰。酉生屬雞，從魁元辰。戌生屬犬，河魁元辰。亥生屬猪，登明元辰。子生屬鼠，神后元辰。丑生屬牛，大吉元辰。十二相屬，注命六神。土金木水火，土木金火水，水土火金木，木水土火金，金木水火土。

老君曰：若有善男子、善女人，持念羅天大醮真經者，瘟災不染，橫禍不侵，行年星曜、羅喉計都、土火惡星，盡皆消除，不遭荒儉，不遭羅網，不遭劫殺，不遭刀兵，不遭火難，不遭水難，不逢毒蟲，不服毒藥。若有官私幹事，或誤道幽靜、深山孤莊、曠野園林、密閣之處，凶惡寺觀，鬼魅極多，妖魂不少。爾時結跏趺坐，擎拳稽首，默念此經一遍，感得諸天聖眾，擁護其人，然後玉符保命，金液鍊形，形神俱妙，與道合真，精神不散，萬災消滅。或家有衆魔，野道虛耗，精邪疾病，水火刀兵，災厄刑獄，一切不祥之事，聞其靈文之名，悉皆消滅，信受奉行。

太上洞玄靈寶天尊說羅天大醮上品妙經
(陳耀庭點校)

045 羅天大醮早午晚三朝科

經名：羅天大醮早午晚三朝科。一卷。底本出處：《正統道藏》洞玄部威儀類。

羅天大醮早朝科

各禮師存念如法

青陽虛映，曜日回靈。神虎辟邪，飛天流鈴。摧奸滅試，萬魔束形。九微回道，八威攝精。千真校錄，三元蕩清。左嘯中黃，右策六丁。七轉八合，周旋天經。聖化巍巍，三道順行。慶雲流布，合景黃庭。

鳴法鼓二十四通

無上三天玄元始三炁太上老君，召出臣身中三五功曹左右官使者、左右捧香金童、傳言散花玉女、五帝直符

直日香官各三十六人出。出者，嚴裝顯服，冠帶垂纓。關啓玄壇土地、方域神真，臣今早朝陞壇行道，朝謁帝真，謹奏爲入意，其諸誠意，具載緘牘。願得太上至真道炁，靈寶瑞光，下降流入臣等身中，令臣所啓之誠，速達徑御至真無極大道、三清上聖、昊天至尊金闕玉皇上帝神前。

請稱法位

具位 與臨壇官衆等，謹同誠上啓：虛無自然元始天尊、無極大道太上道君、太上老君、高上玉皇、十方已得道大聖衆，至真諸君丈人、三十二天帝君、玉虛上帝、玉帝大帝、東華南極、西靈北真、玄都玉京金闕七寶瓊臺紫微上宮靈寶至真明皇道君、三十六部尊經、玄中大法師、上相上宰、上保上傳、太平下教二十四真人、西城總真王君、太乙真人、東嶽上卿司命茅君定錄保命二真人、名山洞府得道神仙、三界官屬一切真靈，恭望洪慈，洞回昭格。

伏念臣久處法門，未明玄奧，勉持戒律，幸保簪裳。思進道以怡神，庸修

陽德；誓度人而救物，庶積陰功。凡有請祈，豈容抑塞，意有所出，情動于中。齋官心詞，謹當宣奏。

宣詞

具如詞言，灼見誠心，冒瀆玄慈，益深祇畏。

臣聞：三炁純精，五行麗質。清濁混成之始，先物肇形；圓方分判之初，含章發秀。氤氳交錯，非霧非煙；盤薄浮羅，或隱或現。靈風振激，抑揚流空洞之音；妙氣陶鎔，宛轉結飛玄之字。我太上留神於造化，命真人按筆以摹傳。以五靈所蘊者，爲五方之文；以八會所鍾者，爲八天之篆。黃籙白簡，赤書玉篇，所以合景層霄，範圍太極，肇乎不有，開化人天，隱於無言，資成動植。雖九壇之妙範，儀矩不同；而三籙之玄科，名實一致。今齋官某福緣素厚，信著於情，命祿方剛，財周於用。委誠心而皈命，伸志願以祈恩。信幣具陳，靈場肅備。今也，空歌奏響，祥開碧落之天；洞戶飄香，瑞靄黎元之蓋。九節導飛空之駕，三華浮

步景之壇。入靜朝元，真光洞徹，乘時觀妙，內景發輝。感格信誠，昭彰福善。

以今清旦行道，請法衆等運茲初捻。上香。

願此香煙騰空，徑上三清之境。臣等皈身，皈神皈命，首體投地。仰依太上三尊，以是捻香功德，上祝當今皇帝。伏願懋膺景命，遐保丕圖。不騫不崩，隆壽山而永峻；時萬時億，注福海以深深。如日之升，九有之山河盡照；猶天之覆，四時之風雨無愆。民樂昇平，物無疵癘。今故燒香，自皈依道尊大聖衆至真之德。得道之後，保天長存。

以今清旦行道，請法衆等運茲二捻上香。

願此香煙騰空，徑上三清之境。臣等皈身，皈神皈命，首體投地。仰依太上三尊，以是捻香功德。伏爲齋官祖孀姻親，先亡眷屬。伏願瞻啓明之星彩，出離泉扃；開碧落之空歌，回翔天際。罪落黑書之字，名標玉簡之科。

脫迹苦緣，生神樂土。九陽道岸，披拂仙風；八景真階，瞻依玉相。今故燒香，自皈依經尊大聖衆至真之德。得道之後，昇入無形。

以今清旦行道，請法衆等運茲三捻上香。

願此香煙騰空，徑上三清之境。臣等皈身，皈神皈命，首體投地。仰依太上三尊，以是捻香功德，奉爲齋官某入門眷屬。伏願輝華瑞日，照徹身宮，和煦晨風，開榮命宇。百關調暢，保四大以無虞；一炷委蛇，與五神而共理。德行流馨於蘭蕙，年齡比茂於椿松。百福駢臻，千愆永釋。今故燒香自皈依師尊大聖衆至真之德。得道之後，與道合真。

唱方

懺悔

命魔

三啓頌

三禮

重稱法位

具位 與臨壇官衆等，謹同誠上

啓：三境至尊，十方上聖、玉京金闕天帝天真、十方師尊聖衆、三界官屬、一切威靈。

臣聞：感著於誠，要歸乎道；情敷於信，能格乎天。由其始之有經，則必終然見效。臣等慚非明俊，謬處玄虛，久服訓辭，殊無識度。約性天而昧於恍惚，憫世態而惑於紛華。無奈自迷，固難獨立。幸寅緣之有素，得奉經科；雖黽勉之不辭，奚逃鬼責。伏念齋官某奉天祇戒，事帝推誠，思神念真，收視反聽。仰仙風而不遠，存道妙以惟勤。爰啓熏修，聿嚴齋醮，誦經行道。燒香散花，瞻寶座於瑤臺；祥煙絢彩，想圓明於法座。瑞日騰輝，將以感格上元，交通無間。首愆謝罪，保命延生，開濟苦輪，資崇善果。伏惟璇霄至聖，絳闕高真。羽衛森羅，徧周於下土；旌幢掩映，洞煥於太空。雅韻奏而上徹三天，闡靈音而該通八極。啓幽冥之苦趣，滋動植之生源。拯拔有情，提携未度。上願皇圖卜世，地久天长；臣子宣勤，雲行雨施。無一夫之失

所，與萬物以爲春。四海均庥，五兵不試。俾齋官某茂膺景貺，常沐真風。官資隨日以高遷，壽筭與天而齊久。家用叶時和而保養，德星臨命宇以光輝。道炁陶鎔，神垣湛徹，百靈保衛，萬聖匡扶，眷屬允諧，親姻叶又。九玄七祖，憑妙利以飛昇；五苦三塗，沐良因而開泰。一誠所感，百惡自消，萬善雲臻，千祥輻集。上明天尊大慈之澤，下副臣等皈命之誠。謹啓以聞。

發願

一願靈光下燭，二願道月揚輝，三願恩宣九地，四願誠達九天，五願真靈俱會，六願道炁周圍，七願天堂開敞，八願地獄隳摧，九願玄功普被，十願駕景空飛，十一願普天懷德，十二願道化無爲。

復爐

存神燒香

香官使者、左右龍虎君、侍香諸靈官，當令臣向來早朝陞壇行道之所，自然生金液，丹碧芝英，百靈衆真，交會在此，香火爐前。當願十方仙童玉女，

接待蘭蕙，傳臣向來所奏之誠，速達徑上至真無極大道、三清上聖、昊天至尊金闕玉皇上帝御前。

羅天大醮早朝科

①「直」原作「真」，據上下文義改。

羅天大醮午朝科

各禮師存念如法

丹靈朱火，炎霞激風。赤輪剛運，天光八衝。迸威包羅，交變萬方。流金豁落，群魔滅蹤。辟奸破妖，明耀元功。金符召制，躡雲策龍。謠歌慶會，散花太空。神化冥運，四極安隆。伏御帝前，罔有不恭。

鳴法鼓二十四通

無上三天玄元始三炁太上老君，召出臣身中三五功曹左右官使者，左右捧香金童、傳言散花玉女、五帝直符直日香官各三十六人出。出者，嚴裝顯服，冠帶垂纓。關啓玄壇土地方域神真，臣今午朝升壇行道，朝謁帝真，謹奏爲入意，其諸誠意，具載緘牒。願得太上至真道炁，靈寶瑞光，下降流入臣身中，令臣所啓之誠，速達徑御至真無極大道、三清上聖、昊天至尊金闕玉皇上帝御前。

請稱法位

具位 與臨壇官衆等，謹同誠上啓：虛無自然元始天尊、無極大道太上道君、太上老君、高上玉皇、十方已得道大聖衆，至真諸君丈人、三十二天帝君、玉虛上帝、玉帝大帝、東華南極、西靈北真、玄都玉京金闕七寶瓊臺紫微上宮靈寶至真明皇道君、三十六部尊經、玄中大法師、上相上宰、上保上傳、太平下教二十四真人、西城總真王君、太乙真人、東嶽上卿司命茅君定錄保命二真人、名山洞府得道神仙、三界官屬一切真靈。

臣聞：運值真風，職參道要。智不該於聞見；心未達於筌蹄。徇利酤名，屢移情於世習；望洋向漠，徒延想於丹華。若非竭蹶，以通靈第，恐因循而悔忤，故於懇請，敢不遵依，爰有忱詞，謹當宣奏。

宣詞

按如詞懇，備見忱誠，諒達天慈，必回聽覽。

臣聞：數起於一，位成乎三。一爲萬物之宗，三貫兩儀之序。兩儀合德，

三景著明，正晝夜而有經，運四時而不忒。大維四海，別分野之灾祥；微止一身，合年庚而陶鑄。所以星辰斗宿，隨陽道以流躔；祿相命財，屬天官主筭。貴賤任分，皆是夤緣。窮通有時，無非注賜。今齋官某慶逢昌運，生遇明時。身命祿財，諒必由於臨照；氣形質具，幸允襲於冲和。知寵若驚，畏天奉戒，潔蘭場而薦祉，嚴科範以伸虔。仰奉宸猷肅陳，祀事時也。烏輪停馭，玉宇消氛。葵影正而不偏，圭法明而易見。取驗中高之勢，深得其宜；坐觀斜側之端，獨超所寓。方士法之而觀空入靜，聖人用之而治世爲常。惟此正時，密符妙化。

以今臨午行道，請法衆等，運茲初捻上香。

願此香煙騰空，徑上三清之境。臣等皈身，皈神皈命，首體投地。仰依太上三尊，以是捻香功德，上祝當今皇帝，伏願九廟儲庥，三辰效祉。體堯仁而光被四表，繼周道而賴及萬方。橐弓矢而戢干戈，修文偃武；省刑罰而

薄稅斂，阜俗安時。再變淳風，重光邃古。今故燒香，自皈依道尊大聖衆至真之德。得道之後，保天長存。

以今臨午行道，請法衆等，運茲二捻上香。

願此香煙騰空，徑上供養三界十方、諸天大聖、齋官三代祖先亡過魂識。伏願陰境開明，陽魂審定。洞觀無礙，見真諦之皆空；反本還元，湛神襟之似海。參駕九苞之鳳，導迎十絕之幡。遊宴清都，超生樂國。今故燒香，自皈依經尊大聖衆至真之德。得道之後，昇入無形。

以今臨午行道，請法衆等，運茲三捻上香。

願此香煙騰空，徑上供養靈山海嶽、得道神仙、合家人眷、本命元辰。伏願景命緝熙，晨風扇祉。壽考延洪於星舍，康榮厚衛於生經。藹藹高門，時臻吉事；振振後緒，益熾徽聲。和順肅雝，樂育文明之化國；騰驤振起，隆光禮義之名家。儲慶有餘，延禧可大。今故燒香，自皈依師尊大聖衆至

真之德。得道之後，與道合真。

唱方

懺悔

命魔

三啓頌

三禮

重稱法位

具位 與臨壇官衆等，謹同誠上

啓：三境至尊、十方上聖、玉京金闕天帝天真、十方師尊聖衆、三界官屬、一切威靈。

臣聞：空相無門，外形聲而致禱；

道心有感，因視聽以發機。常無爲而無不爲，善救物而無棄物。臣等量惟至淺，德亦甚孤，進道階梯，渺然無際，修真事業，豈曰有爲。獨抱不移之愚，欲探無名之蹟。故每推誠之盡節，必須後己以先人。思濟苦輪，宜宣妙範。令時齋官某夙膺重契，仰戴大明，保儉安淳。早服事天之嗇，潔精澄慮；不忘祇戒之勤，嚴奉科條。肅明裡祀，蘭缸啓夜，想像星垣，梵韻騰空，聲聞霄極。冀款五明之仙馭，少停三境之宸

游。昭格上元，啓陳無極。恭望皇穹上帝、圓極高真、法界仙靈、羅天上聖。芝輶暉暉，千官絡繹以周流；聖筭無疆，保固山河而作鎮。齋官某伏願百靈拱衛，五物防閑。捍厄扶衰，屏妖魔之故氣；延齡益筭，沐仙聖之餘光。福嚴運用以時新，禍掩行藏而日替。操守，克全於富盛；溫恭，允著於名聞。家以慶傳，人從行顯，見存長幼，咸享歡康，過去宗親，悉蒙開度。城隍里社，翊衛靈壇。符使功曹，肅清黃道。各效功勤之力，竚陞品秩之階。一切含生，俱沾法潤。上明天尊大慈之澤，下副臣等皈命之誠。謹啓以聞。

發願

一願靈光下燭，二願道月揚輝，三願恩宣九地，四願誠達天威，五願真靈俱會，六願道炁周圍，七願天堂開敞，八願地獄隳摧，九願玄功普被，十願駕景空飛，十一願普天懷德，十二願道化無爲。

復爐

存神燒香

香官使者、左右龍虎君、侍香諸靈官，當令臣向來午朝陞壇行道之所，自然生金液，丹碧芝英，百靈衆真，交會在此，香火爐前。當願十方仙童玉女，接待蘭筵，傳臣向來所奏之誠，速達徑上至真無極大道、三清上聖、昊天至尊金闕玉皇上帝御前。

羅天大醮午朝科

羅天大醮晚朝科

各禮師存念如法

五星高耀，瑞氣虛浮。元始集神，天地交周。玉符寶節，嘯命微幽。擲火揚威，奸兇無留。萬魔振伏，紛葩却消。摧怪伐惡，道炁同流。神光照夜，陰翳俱收。萬神降格，扇景乘飈。群生咸遂，惠遍神州。

鳴法鼓二十四通

無上三天玄元始三炁太上老君，召出臣身中三五功曹左右官使者、左右捧香金童、傳言散花玉女、五帝直符直日香官使者各三十六人出。出者，嚴裝顯服，冠帶垂纓。關啓玄壇土地方域神真。臣今晚朝升壇行道，朝謁帝真，謹奏爲入意，其諸誠意，具載緘牒。願得太上至真道炁，靈寶瑞光，下降流入臣等身中，令臣所啓之誠，速達徑御至真無極大道、三清上聖、昊天至尊金闕玉皇上帝御前

請稱法位

具位某與臨壇官衆等，謹同誠上

啓：虛無自然元始天尊、無極大道太上道君、太上老君、高上玉皇、十方已得道大聖衆，至真諸君丈人、三十二天帝君、玉虚上帝、玉帝大帝、東華南極、西靈北真、玄都玉京金闕七寶瓊臺紫微上宮靈寶至真明皇道君、三十六部尊經、玄中大法師、上相上宰、上保上傅、太平下教二十四真人、西城總真王君、太乙真人、東嶽上卿司命茅君定錄保命二真人、名山洞府得道神仙、三界官屬一切真靈，恭望洪慈，洞回照鑒。

伏念臣謬因夙慶，早謝塵緣。得奉

上玄，獲參玄律。故每省循而知幸，嘗思勉勵以宣勤。凡有告祈，不容抑塞。齋誠既切，詞意庸伸。仰冀玄慈，洞回真聽。

宣詞

具如詞言，灼見誠心，冒瀆玄慈，益深祗畏。

臣聞：洞户三三，敞瓊門於帝闕；天闈九九，闕玉宇於宸京。視不見，而聽不聞；瞻彌高，而察彌遠。超出名

言之外，莫究微芒；不拘形器之間，難

窺香藹。靜應下生於漢世，玄元屢降於蜀都。祕演真經，密傳妙旨。青宮紫府，邈矣開津，黃道彤墀，豁然通晝。罄齋莊而皈嚮，一誠意以交孚。感倏忽變化之神，若俯仰屈伸之速。於是金關啓鑰，玉女飛函，親謁帝尊，敬陳詞表。上以消於災變；下以度於生靈。普率咸遵，幽冥是賴。齋官某伏念身居寰壤，志在道階，奉戒持齋，命羽衣而宣敷經教；謝愆引咎，尊師寶而開設壇場。存思而升炁朝天，俯伏而飛神謁帝。時感紫光，籠月金華，浮瑞靄之，馨丹焰藏，星玉篆絢，祥雲之彩。萬籟消聲於洞壑，羣飛斂翼於山林。鐘磬齊敲，與空歌而流響；坎離默運，周内景以發輝。三界齊臨，五輪偕度。以今靜夜行道，請法衆等，運茲初捻上香。

願此香煙騰空，徑上三清之境。臣等皈身，皈神皈命，首體投地。仰依太上三尊，以是捻香功德，上祝當今皇帝，伏願睿文星煥，神武龍驤，明燭四

方。誕布帝王之德，坐觀羣動適當，天地之心。車同軌而書同文，三邊寧靜；韶盡善而武盡美，四海和平。風行草靡，而化無不成；魚躍鳶飛，而人皆自得。今故燒香自皈依道尊大聖衆至真之德。得道之後，保天長存。

以今靜夜行道，請法衆等，運茲二捻上香。

願此香煙騰空，徑上三清之境。臣等皈身，皈神皈命，首體投地。仰依太上三尊，以是捻香功德，歸流齋官某三代宗親，眷屬魂識。伏願愆消慾海，罪滅愛河。三報豁除，八垢不留於心地；六根灑落，五神皆得於性天。煉形於流火之庭，育德於童初之府。乘雲馭氣，遊宴仙都，出陰入陽，逍遙聖世。今故燒香，自皈依經尊大聖衆至真之德。得道之後，昇入無形。

以今靜夜行道，請法衆等，運茲三捻上香。

願此香煙騰空，徑上三清之境。臣等皈身，皈神皈命，首體投地。仰依太上三尊，以是捻香功德，伏爲齋官某誠

存一念，醮設羅天，謝過消災，祈恩請福。伏願金書紀善，玉簡刊名。帝與其齡，年彌高而德彌劭；神介之福，老者安而少者懷。爰居爰處，而神相其麻；或止或行，而天授之契。歡洽門庭之內，慶傳閭里之間。家用平康，習學宜修於爵祿；人懷信義，循行可襲於簪纓。萬事咸亨，千災永殄。今故燒香，自皈依師尊大聖衆至真之德。得道之後，與道合真。

唱方

懺悔

命魔

三啓頌

三禮

重稱法位

具位某與臨壇官衆等，謹同誠上啓：三清至尊、十方上聖、玉京金闕天帝天真、十方師尊聖衆、三界官屬，一切威靈。

臣聞：一以無爲，得天人之旨要；靜而觀復，見道德之純全。含洪光大而邈矣難名，微妙玄通而深不可識。

離乎形器，與物無疵，要其始終，與道相保。臣等持心弗惠，立志非堅。窮恍惚而莫見其端；窺微妙而或乖其度。雖欲抱黃而回紫，豈能通真以達靈。徒負職名，濫行科教。齋官某浴身沐髮，備禮陳儀。欲款天階，爰修道範。五方雲篆，用收魔而束妖；三級靈場，敬瞻天而望聖。鳳燭搖紅而絢彩，龍煙散景以流馨。高敞八門，弘宣九籥。伏惟瑤京帝闕、瓊苑仙都、至聖元尊、羣司列職，九色煥飛空之駕，五明浮步景之壇。神動天隨，揭生源之大柄；灰飛煙滅，掃罪籍之繁文。一慶所資，無所不度。上願皇圖丕衍，帝業恢弘。梯山航海而入貢無違，外狄邊夷而朝宗不逆。次冀齋官，天鈞錫祉，道運儲麻，祖考來寧。叶詩人之雅詠，神祇順相；利君子之謙光，綿綿丕緒。以隆昌奕奕，徽聲而振作。門全忠孝，代繼簪纓，永却屯危。茂膺穰簡，先亡受度，近逝超生。或繫三塗，尚淪五苦。乘齋功而解脫，不溺報緣；準符命以化生，克膺福果。暨幽冥之未度，偕翊

衛之有勞。允賴恩光，俱超品秩。則上明天尊大慈之澤，下副臣等皈命之誠。謹啓以聞。

發願

一願靈光下燭，二願道月揚輝，三願恩宣九地，四願誠達天威，五願真靈具會，六願道烝周圍，七願天堂開敞，八願地獄隳摧，九願玄功普被，十願駕景空飛，十一願普天懷德，十二願道化無爲。

復爐

存神燒香

香官使者、左右龍虎君、侍香諸靈官，當令臣向來晚朝陞壇行道之所，自然生金液，丹碧芝英，百靈衆真，交會在此，香火爐前。當願十方仙童玉女，接待蘭筵，傳臣向來所奏之誠，速達徑上至真無極大道、三清上聖、昊天至尊金闕玉皇上帝御前。

羅天大醮晚朝科

（陳耀庭點校）

046 羅天大醮設醮儀

經名：羅天大醮設醮儀。一卷。
底本出處：《正統道藏》洞玄部
威儀類。

各禮師存念如法

宣衛靈呪

東方

九炁青天，明星大神。 煥照東鄉，
洞映九門。 轉燭陽光，掃穢除氛。 開
明童子，號曰玄卿。 備衛我軒，上對帝
君。 收魔束妖，討捕兇羣。 奉承正道，
赤書玉文。 九天符命，攝龍驛傳。 普
天安鎮，我得飛仙。

南方

三炁丹天，煥景流光。 熒星轉燭，
洞照太陽。 上有赤精，合契虛皇。 開
明童子，號曰華房。 總御火兵，備守玉
堂。 斬邪束妖，剪截魔王。 北帝所承，

風火衝當。 流鈴交換，翊衛壇場。 正
炁流行，敢有巴狂。 我享上功，坐運魁
罡。 億劫長存，保天無疆。

西方

七炁素天，太白流精。 光耀金門，
洞朗太冥。 中有素皇，號曰帝靈。 保
神安鎮，衛我身形。 斷絕邪源，玉道正
明。 宮殿整肅，三景齊并。 道合自然，
飛昇紫庭。 靈寶符命，普惠萬生。 元
皇正炁，來合我身。 功加一切，天地咸
寧。

北方

北方玄天，元始徘徊。 辰星轉燭，
洞煥太微。 黑靈尊神，號曰層威。 玄
冠飛天，仙裾羽衣。 備守五門，檢精捕
非。 敢有干試，豁落斬摧。 玉符所告，
神真八威。 邪門閉塞，正道流輝。 三
光映照，我身無衰。 策空駕浮，舉形仙
飛。

中央

黃炁中央，調理乾坤。 陶鎔陰陽，
總統玄真。 鎮星吐輝，流耀九星。 開
明童子，號曰天璘。 陽炁燄上，朱煥炎

精。 洞照內外，運我身形。 百邪摧落，
攝役鬼靈。 中山神呪，普天使聞。 五
靈安鎮，身飛上清。

鳴法鼓二十四通

無上三天玄元始三炁太上老君，
召出臣身中三五功曹左右官使者、左右
捧香金童、傳言散花玉女、五帝直符直
日香官使者各三十六人出。 出者，嚴
裝顯服，冠帶垂纓。 關啓玄壇土地、方
域神真。 臣今設醮謝恩，謹奏爲入意，其
諸誠意，具載緘牘。 願得太上至真道
炁，靈寶瑞光，下降流入臣等身中，令臣
所啓之誠，速達徑御至真無極大道、三
清上聖、昊天至尊金闕玉皇上帝御前。

請稱法位

具位臣某與臨壇官衆等，謹同誠上
啓： 虛無自然元始天尊、無極大道太
上道君、太上老君、高上玉皇、十方已
得道大聖衆，至真諸君丈人、三十二天
帝君、玉虛上帝、玉帝大帝、東華南極、
西靈北真、玄都玉京金闕七寶瓊臺紫
微上官靈寶至真明皇道君、三十六部
尊經、玄中大法師、上相上宰、上保上

傅、太平下教二十四真人、西城總真王君、太乙真人、東嶽上卿司命茅君定錄保命二真人、名山洞府得道神仙、三界官屬一切真靈。

臣聞：道不遠人，彰非色非空之象；天能覆物，仰不清不濁之機。苟一念之精通，則十方之咸集。今時齋官某夙嚴素念，少罄丹衷。久潔星壇，已肅六齋之禮；再迎雲躅，虔伸一醮之儀。嗟黍稷之非馨，念蘋蘩之可祀。香交朝霧，氣凝夏夏之龍車；磬遞曉風，聲雜寥寥之仙樂。敬之如在，感而遂通。伏願駕羽飛雲，十絕之旛幢隱映；出日入月，八珍之旌旆悠揚。三界侍軒，萬神就座。臣等誠惶誠恐，冒犯威嚴，謹當奏降。

請班

降聖

安座

進茶

鸞輿鶴駕，敢延琳宇之居；鳳餅龍團，敬效玉盃之獻。望天顏之咫尺，鑑人意之翹慙。上下交通，內外環應。

臣與齋官誠惶誠恐，稽首頓首，再拜謹陳茶獻。

法事

臣聞：天本不言，雖曰禍淫而福善；道無不覆，然常惡殺以好生。雷霆寓震動之威，雨露有沾濡之化。網恢恢而不漏，德蕩蕩以難名。吉凶非數之適然，禍福皆人之所召。苟知遷善而遠罪，自可轉禍而為祥。切念齋官某居兩儀博愛之中，為萬物最靈之數，被綸命牧民之際，目茲浩劫可憐外境之瘟災、兵戈、旱蝗、水災身若泰和或者蕭墻之釁起爰友乎分官列職，一鄉善士昭告于十極高真。乃陳伏地之詞，爰設羅天之醮，心存精白，儀備齋莊。蘭燭相輝，寶炬散六花之瑞；沉檀交馥，金爐薰五色之祥。春滿醮筵，雲開黃道，將伸獻禮，敢襲常程。懼蘋藻之為羞，未能齋潔；採參苓之仙藥，以代潢汙。物不足而誠有餘，心既精而文可略。一忱冒瀆，百拜震驚，清酒在樽，謹陳初獻。

法事

臣聞：可道非道，可名非名，莫究

玄玄之理；以神謂神，以聖謂聖，欽惟濯濯之靈。念此身如水上之漚，嗟光景若風中之燭。孽不可追，懼漢罔之可疏；善或可襮，見韓書之具載。鑑清八表，醮設羅天，冰潔五官，誠存一念。已徹潢汙之供，重伸採藻之忱。謝罪謝恩，愧獺豺之何似；成終成始，憐犬馬之惟勤。視無見而聽無聞，仰洋洋之在上；親有德而饗有道，鑑懇懇之由衷。消襮黑籍之愆，乞注清都之祿。介將來之景福，消已見未至之災危。臣等虔誠酒陳亞獻。

法事

臣聞：若存若亡，無聲無臭。上天之載，蕩蕩巍巍。至道之精，恍恍惚惚。輒殫愆素，仰叩圓青。顧有漏之幻軀，獲罪而無所祈禱；仰無名之妙道，大德而有以包容。是穀旦之謹嚴，肅蘭場而致潔。黃冠被羽，盡八日以七宵；紫府飛雲，建九節而十絕。決真文而斂席，陳芳醮以散壇。倏瞻奎壁之光，望鑑草茅之懇。罪山摧滅，增壽嶽之彌高；福海澄清，流祿河之不

竭。臣與齋官稽首再拜，設醮謝恩，酒陳終獻。

法事

具位臣某與臨壇官衆等謹同誠上啓：三境至尊、十方上聖、玉京金闕天帝天真、十方師尊聖衆、三界官屬、一切威靈。臣等多生幸會，宿命因緣。早沾楓陛之恩，簪星披羽；嗣拜芝壇之法，破券分環。既傳九等之規，難盡一心之懇。今承請命，輒效焚修。畫角收聲，玉珮響玎璫之韻；芳樽瀉翠，金盃飛皎潔之光。百拜三行，已盡欽崇之志；千愆萬罪，庸披首謝之文。齋官心詞。謹當宣奏。

宣詞

宣疏

宣進狀

具位臣某再拜上啓：三清上聖、十極高真，醮筵真宰，一切威靈，恭望天慈，俯昭謝悃。臣聞：大羅渺渺，瑤墀景麗於長春；雲層峨峨，貝闕輝凝於不夜。門敞黃金之殿，梯橫白玉之樓。霞爛圓光，映雍雍之御表；星分班次，

拱奕奕之微垣。矧至尊履位而見則猶難，況以臣召君而訓云不可。恃上帝勿嫌其卑賤，致下民僭屈於尊嚴。既畢朝儀，盍迎歸駕。伏想虛無元始，車回於大有妙庭；靈寶道君，輦向於上清真境。飛龍舞鶴，迎老君之還玉京；嘯鳳飛鸞，擁昊天之歸金闕。天皇回勾陳之位，紫微還北極之垣。后土地祇，勅地神而還御；長生大帝，同救苦以回轅。三皇五老以還宮，四梵九霄而回馭。然後餞諸天之復位，望羣仙而翼轅。拜送在會神仙歸天界者，伏想：鞭鳴雲路，戶敞天庭。濟濟仙班，肅若揖冕旒而入；巍巍法駕，森然擁旌節之回。羽衣翩而鶴唳頻聞，音樂奏而鸞聲漸遠。尚願兩儀交泰，二氣循常，景星出有道之邦，甘露液嘉禾之地。拜送在會神仙歸地府者，伏想：門開嶽府，鎖掣泉扃。整整鸞輿，翕爾向宮庭而入；翩翩鶴駕，依然從岳洞之居。珠簾捲而綵女歡迎，寶駕回而瓊仙笑揖。尚願佳祥啓運，聖澤漏泉，嶽神生盛世之賢，帝詔恤冥關之

類。拜送在會神仙歸水府者，伏想：龍回滄海，馬過洞庭。肅肅神遊，儼若自帝宮而入；森森法服，欣朝御座而回。軒車息而月印千江，琴劍收而煙籠三島。尚願恩波及物，惠渥沾民，四溟止鯨需之濤，三級助魚跳之浪。然後，拜送在會神仙歸陽間者，伏想：雲浮珍駕，星列珠幢。在在山川，久矣俟尊神而入；堂堂祠宇，肅然迎仙聖之回。靈旗捲而鐵馬嘶風，天仗隨而金貂帶月。尚願尊膺廟食，福畀邦民，慈雲遍化雨之施，和氣斂瘟風之散。次及靈歸家廟神鎮龕堂坊隅之內，各有司存欵儻之間，寂無遺響。臣等夕淹飈馭出斯語，以何顏遙望天階，恨此身之不羽，後啓奏迎之禮，尚希降格之慈。臣等下情無任俯伏攀戀之至，一心奉送。

羅天大醮設醮儀

（陳耀庭點校）

047 上清天寶齋初夜儀

經名：上清天寶齋初夜儀。一卷。底本出處：《正統道藏》洞真部威儀類。

上清天寶齋者，學道之人，求仙要訣。學授上清畢法之後，得行此齋。如授中法，不得行天寶齋也。先為帝王國主祈福，次為祖禰請恩，洗滌宿瑕，懺謝新過，功行圓滿，道德著充，自然成仙，白日騰翥。

天子鎮信

金龍五枚各重五兩，玉璧五枚各方三寸，東方青綾九匹，南方赤綾三匹，西方白綾七匹，北方黑綾五匹，中央黃綾一十二匹。已上鎮信綵繒，並須密緻厚實者。如是輕薄者，不用。

公侯鎮信

金龍五枚各重一兩，玉璧五枚各隨大小，東方青綾一匹，南方赤綾一匹，西方白綾一匹，北方皂綾一匹，中央黃綾一匹。

已上鎮信綵繒，並須密緻厚實者。如是輕薄者，不用。

庶人鎮信

東方青絹九尺，南方緋絹三尺，西方白絹七尺，北方皂絹五尺，中央黃絹一丈二尺。

已上鎮信綵繒，並須密緻厚實。輕薄者，不在用限。

青童君曰：若是修行志久，在山巖中，奉道誠深，求仙願切，但備香燈，無煩龍綵，精潔虔心，自然得道也。

凡欲修齋，先以黃書真文九道於青紙上，安在天門一小案上。還官之日，只於天門燒之。上至天子，下至庶人，於壇上級點三十二天燈，每位一盞。中級下級，隨力所辦。壇外，更點二十八宿燈及五星燈、本命五燈、行年九燈於本屬位上。蠟燭隨事充足。壇上門戶榜子，一如黃籙

齋法

先引齋主於玄師前，關告齋意

次唱道

次清三師

次華夏讚，引至地戶

次勅水

次昇壇呪從天門入

天玄炁清，三光洞明。金房道室，

五芝寶生。玄雲紫蓋，來映我形。玉

童玉女，為我致靈。五帝齊景，三光同

輶。騰駕龍鶴，昇入紫庭。齋主請福，

願保長生。通真使者，速達上清。

次旋行，上五方香晝從東，夜從北

次上御案香

次上本位香

次各禮師存念如法

次衛靈神呪

次鳴法鼓二十四通

次發鑪

上元五靈五老、虛無自然元一天尊，無上天寶君，直香金章、素靈玉女、左右玉靈自然通真、飛光龍騎各八十人，並出嚴莊，關啓此間土地里域真

官。臣今正爾燒香行道，奉爲齋主某官，修設上清天寶大齋，一宿道場，三朝法事，精排蘭味，嚴潔香花，繒綵金龍，祈恩請福。願得無上十方，金丹玉光，降流齋主身中，所啓速聞高上玉帝萬聖几前。

次各稱名位

具法位臣某奉行上清天寶大齋，初夜法事，及諸道衆齋主等謹同誠上啓：虛無自然無極大道元始天尊，無上天寶元君上清玉帝，太上道君，太上老君，太上丈人，無上玄老高上玉皇，西龜王母、南岳夫人，十方得道大聖衆，至真玄德諸君丈人，玉虚上帝，玉帝大帝，東華南極、西靈北真、玄都玉京金闕七寶玄臺紫微上宮靈寶至真明皇道君，三十二天帝，二十四高真，太平下教文始先生，天地水三官上相上宰，日月星辰四司五帝，天仙地仙飛仙神仙，玄中大法師，經籍度三師，三天大法師，五嶽四瀆、八海九江、名山洞府三界官屬，一切真靈。

臣聞：圓清方濁，孕无於玄關；稟

象分形，資靈於妙道。循環不輟，化育無遺，覆載生成，司明罪福。此即元皇演教，太上流科。飛法雨，以蕩塵勞；運慈舟，而超苦海。是以齋主某敢投切懇，上叩玄關，乞福祈恩，消灾散禍，羅列香燈、繒綵、金龍，建一宵之道場，赴三時之法席。臣以胎生陋質，乳哺凡庸，宿積慶緣，幸居玄化，早年冠褐，志慕真宗。受法錄於星壇，傳香燈於月殿。登壇之日，告盟之時，許闡玄猷，宣揚聖典。凡有歸向，敢不上聞。齋主青詞，謹當宣奏。

次讀詞

按如詞旨，祈福誠深，拔度存亡，資延福壽，發心舉意，三界遙知，謝過追愆，萬聖容許，手持香火，心祝虚無，行道三時，設齋一座，精修蘭味，嚴潔香花。延三島之高真，降十方之上聖。玄穹渺邈，啓告皆通，大道無涯，叩其深意。鑒察追非之懇，聆聞悔過之詞。俯賜玄恩，弘開宥典。念向來之愚短，捨已往之深非。前代之尤，今生之過。庶使百骸通悅，六府均調，五藏懽怡，

萬神安穩。丹宮有飛昇之字，黑府無朽敗之名。萬累俱消，千祥竟至。冤仇息對，債主停詞，故殺誤傷，咸令解釋。精心絕念，注想玄關。今夜略啓齋因，來日別陳祝懇。此間土地里域真官，錄此齋功，上聞真界。所有懇願，上徹三清無極道君玉帝几前。

次禮十方

臣等志心歸命，北方無極無窮元始高上天寶元君、上清天尊。每方做此各一禮

次各虔誠懺悔

臣等志心歸命，十方無極大道天寶元君、上清玉帝。臣等以今懺悔，散鑠咎愆，普降洪慈，深貽巨澤。遍禮東西南北、上下四維、日月星辰、名山洞府、五嶽四瀆、八海九江、三界官屬，一切真靈。上祝當今皇帝，聖算遐長，皇圖鞏固。懺悔臣等官寮文武及以齋主九玄先遠、內外宗親、四友三師、上下眷屬，前生今世，歷劫罪尤，輕聖慢賢，誘欺四輩，不忠不孝，毀像毀經，殘害無辜，損傷生類。如斯咎孽，堆積如山，

不憑道力消穰，無以得階仙果，願以舊愆消盡，新慶全臻。惟吉惟禎，真靈翼祐。冤仇息對，債主停詞。故殺誤傷，咸令解釋。丹宮署簡，黑部除名，永泰福鄉，長芳壽域。禍沉九夜，福起十方。稽首歸依，正真三寶。

次朗誦元始三天章

清微天頌

元始洞空無，三炁精上門。紫融灌大虛，四明植靈根。妙化發東瓊，三便啓西崑。浩映九玄清，五華帶錦雲。離羅煥神燈，七星耀北元。飄飄上清畿，翼翼帝一尊。落落高上張，羽童何紛紛。流香本無色，洞入萬仙羣。左迴三流劫，右轉九天關。金華纓素雲，八風舞空輪。四時無停機，青白早分明。九九改劫運，三三度一椿。天地有終會，否激歸任翻。洞明正一法，嚴修六天文。太平反空無，奉翼後聖君。

禹餘天頌

靈風起西門，錦雲生東瓊。三氣煥玉洲，流香乘煙輕。五花披風散，倏欵朗九清。騫樹耀朱日，黃華逐月生。

中有採芝童，衣羽帶飛青。飄景萬嶺峰，逍遙宴綠駟。控御九空輪，運開無稽程。左令三天文，右攝六天兵。檢炁反空洞，六度應運傾。劫運自有會，誰測敗與成。洪波淪雲網，六合無遺形。魄尸漂長流，孤魂湮復零。悲此去來際，乃覺正法明。至學加精修，東華結瓊名。欣有白簡人，相與樂太平。

大赤天頌

洞關運天經，五氣轉三微。紫戶吐瓊簡，金門納神暉。八會交真風，晃朗重冥開。天際九清外，落落高晨迴。三色反空無，四候應玉機。河侯已鼓筆，五行潛相推。六度無終劫，運極乘炁歸。萬魔羅天布，羣凶競吐威。兆民負災衝，積尸令人悲。妙哉正法文，履劫明不衰。至時相奉迎，契在九天扉。與爾期太平，放身無翼飛。

次三禮

志心稽首禮，無極無窮元始高上天寶元君上清天尊。
志心稽首禮，三十六部上清真經自然黃書至極靈文。

志心稽首禮，太上三尊玄中法師道德聖衆一切仙真。

次重稱名位

虛無自然無極大道高上元始天寶元君，玉皇上帝，太上老君，上相上宰，三界官屬，一切真靈。臣以忝逢道化，宿有靈源，參佩真符，獲披瓊韞。受道之日，告盟之時，許闡玄猷，宣揚聖典。齋官祈恩情切，謝過誠深，法中三朝，設齋一座，香飛八景，燈吐千花。禱祝於寶座之前，注想於碧霄之上。伏願虛無聖衆太上高真，監此精虔，厚貽禎貺。令臣得道，魔試不侵，萬聖護持，千靈翼贊。今依科法，說戒遶壇，明日燒香，更申啓奏。願開慈照，俯視精誠，拔度沉迷，早昇雲路，存亡獲泰，共保清貞，壽峻南山，福深東海。上明天尊覆育之澤，下副臣等歸命之誠。感謝正真，垂映下照，稽首再拜。

次八願

上清玉帝太素元君太上高靈仙都大神，今日上告，八願開陳：一願飛霄，長生神真；二願天地，合景風雲；

三願五嶽，與身長存；四願九祖，解罪脫愆；五願福壽，斷絕胎根；六願端正，智慧開全；七願滅鬼，斬馘六天；八願甘露，永劫長延。

次復鑪

仙靈仙官，金童使者，五帝五嶽，神仙真人，三光正真左右龍虎天仙，五靈香官，當令召致無上十方正真生炁，自然金液，丹精芝英，九天玉真，在此齋壇，洞觀齋主，覆護昇仙，飛行太空，騰景九天，玉童玉女，侍衛香煙。傳臣向來所啓，速達高真上清玉帝萬聖几前。

吟遊壇頌，一帀，下壇

衆仙出洞真，煥爛耀太清，奉者號仙人，形質永長生。逍遙戲玄虛，宮殿羅無形。蒨璨七寶林，晃朗日月精。龍鱗交橫馳，鳳凰翔悲鳴。太上治玄宮，衆真誦洞經。焚香稽首禮，左行遶宮城。三周歸高坐，天尊當應聲。一心弘至道，天下普安寧。

學仙注下壇呪從地戶出

福壽既往，殞籍落名。天帝有命，

億劫齊生。事畢復位，萬神咸寧。後有關啓，復降真靈。

至玄師前，拜謝而散

上清天寶齋初夜儀

（陳耀庭點校）

048 太上金櫃玉鏡延生

洞玄燭幽懺

經名：太上金櫃玉鏡延生洞玄燭幽懺。一卷。底本出處：《正統道藏》洞神部威儀類。

虛一真人序

夫清濁未分，無間昏曉。太極肇判，二儀乃分，皆本道之一炁而化者也。當龍漢、延康之先，道炁莽莽，質象未定，無復形器，但氤氳勃勃而已。至赤明之初，陽精始輝，迴運莫測，所謂非化而化，自然而然。龍漢之初，三千億萬九百五十一年。玉清交運，正度太初，流化萬象，纏結道炁。上清變化，七十九億萬三十九年，大丹成形，始有日月五星，道機沉蓄，微露化端。太清纏鍊，五十億萬一十二年，萬天棋布，神化洞明，造化發泄，景象列分，高

玄明豁，大道行焉。

元始天尊，於清微天神霄玉清妙境，傳教道君，玄一真經、靈寶金誥、無量妙訣，自開化已來，迄于茲世。道君凡萬有一千五百二十度降世。今當陽九運終，天地交變，民物夭傷。道君慈憫，敷宣此經三卷，遣左玄真人齎付蓬萊宮，宮中真人，刻書玉簡，日習誦詠。今見兆民受諸苦難，漂沉塗趣，難復人身。玉晨道旨，令降于世，傳付清信之人，護身保命。孽重不信之人，勿示窺笑，輕泄漏幔，殃及九祖，長役鬼官，勉而行之，祕而慎焉。此經凡有三名：一曰金櫃玉鏡真經，二曰洞玄燭幽懺，三曰神寶祕章。敷明妙紀，開悟有緣，修而進之，可以召靈炁於三關，藹寶華於九戶。功滿德就，名書玉庭。至孝之士，報先化根宗，遵奉禮誦，雖億曾之遠、萬祖之衆，魂繫幽苦者，承是功德，皆即受度，上登朱陵。在世之人，年灾月厄，非橫纏綿，禮誦修崇，則上消天灾，下禳毒害，保寧家國。與善因緣修真之士，究而悟之，則殃罪解於冥

塗，靈真備於純德，洞合妙道，身得神仙。更能立行立功，濟人及物，上超億祖，慶延子孫，世世昌榮，生賢出聖。此道尊妙，功德無邊。敬奉修持，無所不至矣。

凡禮誦此經，先香湯沐浴，齋戒七日。於淨室中，面東正坐，叩齒三十六通。閉目靜思，身坐青黃紫三色雲炁之中，存北斗覆頭、罡星指前、離已七尺次存青龍、白虎、朱雀、玄武各從本藏出，羅列左右前後。次存自己眉後兩小穴中，日從左出，紫赤九芒；月從右出，黃白十芒，各離已九尺，光霞滿室。次存前日月光芒，灌于鼻中，入腦後四寸金華宮，令項後生出圓象，大如車輪，光明炳然，如此分明，密念《開經玄蘊呪》。畢，然後焚香開經，跪拜禮念，天尊聖號。自有護法神兵營護，其人志誠，禮念其功，不可具悉。

開經玄蘊呪

天真丹華宮，清靈玉室中。翠玄都六一，元臺闕帝公。素念生精炁，高

虛飛駕從。心經隱三舍，薰鬱長生房。紫堂通絳闕，赤城妙田倉。神門正理觀，潔然道慧香。性命守虛無，懷珠抱玉陽。迴神本國富，明登紫壽方。

太上金櫃玉鏡延生洞玄燭幽懺

太上老君於太清天上、玄都山中，坐七寶臺，會諸天仙衆，燒自然梅檀真香，告諸仙曰：下方衆生，皆父母寄胎，誕育而得生身，受命於天，成形於地，以日爲魂，以月爲魄。靈備萬物，唯人是稱。初生之時，皆受天地清寧之炁，本來清靜，與天長久。朴散之後，染着愛欲，背真失性，逐物隨情，妄僞欺貪，姪狠殺盜，惡口兩舌，嗔癡嫉妬，不忠不孝，背義忘恩，毀道謗真，造諸罪業，流輪三塗，無期出離。或凌犯星辰，干冒天地，遂致兵災、水旱、疫毒流行，蟲蛇虎狼、精邪蠱魅，疾病、官刑、諸禍並起，絕滅家門，漂流苦海。時與會中，有一真人，名曰普救，即從座起，稽首禮拜，瞻仰尊顏，長跪告曰：如是衆

生，受諸惡報，作何因緣，得免苦難。願垂玄造，廣度沉淪。

太上曰：復坐靜念，爲汝敷宣。

清信男女，有諸災厄，橫事縈牽，無處解謝者，如法齋沐，謹於三清像前，清靜身心，用異花珍果、淨水名香、燈燭醴獻，虔心瞻敬，作懺悔言。弟子某甲於曠劫以來，至于今日，不信經教，唯罪是修。興十惡，心迷五毒；行三業，所造無邊之罪。惡惡相牽，多招災難。今日幸聞真教，省悔前非，懇禱至誠，一心懺悔。伏願聖慈，盡除往罪，志心敬禮。

志心敬禮，虛無自然元始天尊
志心敬禮，太上大道玉晨道君
志心敬禮，太上玄元聖祖老君
志心敬禮，長生保命護身天尊
志心敬禮，長生保命無上天尊
志心敬禮，消災除病無上天尊
志心敬禮，監生注祿延壽天尊
志心敬禮，定命檢簿靈寶天尊
志心敬禮，昊天勅下演法真人
志心敬禮，降世大慈救苦真人

志心敬禮，慈悲度厄真人
志心敬禮，尋聲救苦真人
志心敬禮，濟生度死真人
志心敬禮，萬福護身真人
志心敬禮，蓬萊扶教法師
志心敬禮，蓬萊通天法師
於是聖號，宜加敬禮。每日持念七七遍，乃至百遍，即有護法神兵、救苦真人，常隨護衛，克免災危。萬禍潛消，增延祿壽。若有衆生聞是聖號，恭敬頂禮，與前功德無異。禮竟虔誠，復當懺悔。

弟子臣某甲自從無始以來，至于今日，不忠君主，不奉尊親，不敬師徒，不友兄弟，諂上虐下，背親向疏，聽妻妾語，違父母訓。或爲婦人，性行不真，違背父母，不孝翁婆，撓亂六親，輕賤夫婿，拋擲五穀，非理裁剪，盜竊慵讒，鬥舌鄰里，常行妬忌，懷挾外心，如此罪愆，必招苦報。生遭人憎，死墮地獄。恭對聖真，咸悉懺悔。

弟子臣某甲自從無始已來，至于今日，非義而動，背理而行，富驕勢豪，貧

恣兇暴，以惡爲能，見殺加怒，殺人取財，傾人取位，誅降戮服，凌孤逼寡，撓亂國政，輕蔑天民，妬賢嫉能，掩善揚惡，教人爲惡，自罪引他，射飛逐走，發蟄驚棲，填穴毀巢，傷胎破卵，偷盜邪姪，妄言綺語，飲酒食肉，惡罵兩舌，慳貪瞋恚，狠戾愚癡，巧僞欺謾，陰賊殘害，知過不改，知善不爲，諸惡罪緣，無不備作。今茲發露，不敢覆藏。恭對聖真，咸乞原赦。

弟子臣某甲自從無始已來，至于今日，不識正道，多犯罪愆，恨天怨地，呵風罵雨，憎嫌寒暑，厭惡三光，訕謗聖賢，侵陵道德，輕誹聖典，魔障善緣，拒遏上真，污毀廟像，久視日月，輒指三光，指虹唾星，混穢井竈，呪誓呼神，違願犯戒，妄解聖論，輕泄天機。今茲首露，不敢復爲。恭對聖真，咸乞原赦。懺己虔誠，志心朝禮。

志心敬禮，虛無自然元始天尊
志心敬禮，太上大道玉晨道君
志心敬禮，太上玄元聖祖老君
志心敬禮，昊天玉皇上帝

志心敬禮，紫微天皇大帝

志心敬禮，紫微北極大帝

志心敬禮，南極注生大帝

志心敬禮，日宮太陽帝君

志心敬禮，月宮太陰皇君

志心敬禮，木德歲星君

志心敬禮，火德熒惑星君

志心敬禮，金德太白星君

志心敬禮，水德辰星君

志心敬禮，土德鎮星君

志心敬禮，神首羅喉星君

志心敬禮，神尾計都星君

志心敬禮，天一紫炁星君

志心敬禮，太一月孛星君

禮竟虔誠，復當懺悔。弟子臣某甲

自從無始已來，至于今日，多迷真道，廣造罪根，履乾坤而寧知覆載；瞻日月而曾感照臨。五常素昧於內修，六染難逃於後患。或有今生宿世，積疊餘殃，故殺悞傷之尤，害物傷人之罪。或則破齋犯戒，違願欺心，意有愛憎，心生蛆佞，對星辰而設誓，向神真而惡言。負債辜恩，貪婪不悉，千頭營運，

一向謀生。豈分善惡之規，莫曉存亡之度。今則退思補過，具述首陳，謹發虔誠，願垂慈宥，敢盡愚衷之懇，遙祈寥廓之尊。伏願少迴靈貺，俯鑒卑衷，咸除黑簿之愆，延注丹臺之善，神解災罹，運消屯滯，禍沉往劫，福降今辰。一切之中，常沐道蔭。臣無任惶懼，虔祝之至，稽首無上正真三寶。

老君曰：凡禮是經，皆當香湯沐浴，齋戒必獲感通，功德無量普救。曰齋沐之法，敢告指導。老君曰：香湯者，五香湯也。法取青木香、白檀香、茅香、沉香、薰陸香，多少隨宜，取淨水一石，先以桃白皮、竹葉下煎，數沸，濾去滓。次下五香，多少隨宜，若在山林幽棲，貧薄無力，止以桃竹爲善。先以沐髮，取木杓，以柄指月，建思五色雲炁滿室，三辰光照盆上。以杓左行攪香水三十六度，視香湯，呪曰：

太玄真液，鍊炁生雲。沐澤蒼華，誦詠洞經。七祖飛仙，我騰上清凡七遍，次就榻解衣，而呪曰：
五斗配衣，龍虎侍真。開明三景，

上登玉晨。解帶成仙，使我長生。次解髻就沐，呪曰。

神宮振天，黑雲散開。流金火鈴，燠擲無邊。使我通真，遊行諸天。無量度人，招靈命仙。次沐髮竟，撮髻戴冠，呪曰。

雲層碧玄，竦嶽瑤京。冠髻召仙，五炁攝真。神華發光，上昇帝庭。次入浴，執杓，取五方炁色入湯中，攪三十六遍畢，執杓向旺方，呪曰。

靈池玉泉，灌我身形。內鍊五藏，外通九門。使炁開通，尸穢蕩清。萬遍保舉，入登帝庭。次存三辰，入湯中良久，就浴訖，別取淨者五香湯飲之，一杯，即凝神默想內外貞白而乃呪曰。

黃神守關，青帝護魂。天驕咆哮，萬魔喪睛。尸血盡滌，青蟲滅形。七魄鍊化，紫雲自生。遊宴太無，高真併襟。次還著衣，呪曰。

神童侍衣，玉女燒香。登拜經寶，玉音琳琅。度我七祖，除滅禍殃。延年長壽，寶漿雲糧。

齋者，內齋其心，外齋其形；戒者，內持其志，外持其行。設醮奏章，

亦依是式。無災不滅，無願不成。修真之人，謹宜遵慎。

道言，德莫大於好生，功莫大於修成。凡處塵域之內，蠢動含生，稟受雖殊，性命惟一。見人疾病官刑，飢貧困厄。或水陸，或飛走，陷於難地，若能方便愍救，是謂好生之德。復有男女喜捨財物，修建宮殿，繪塑真儀，印寫經典，讀誦教人，製作幡花，施設燈燭，作諸布施供養，乃至平治道路，修疊橋衍，栽種樹木，補理隄渠，是謂修成之功。若有衆生恣縱愚昧，輕誹經典，損生毀成，當知是人，罪根難滅，命沉六趣，永失人身，劫劫生生，無由出離。信男善女，戒而慎之。

老君曰：此經是道君金口所宣，吾今授汝，傳教世間。誦之聲參紫極，嚮聞諸天。太上欣唱，衆真敬禮。故能拯死苦於三塗，超形神於上清。億曾萬祖，皆即受度。見存利益，福祿增延，更廣好生之德。修成之功，孝養尊親，敬奉師友，濟恤貧困，洗雪冤沉。如此功德，愈於茲矣。遵依是經，生成

兼備。吾遣察命錄子之行，奏上玉清，名標金格，隨行深淺，得爲真人。值遇是經，宜加勉力。於是普救，受得真經。歡躍非常，而說偈曰：

玄哉元老君，衆生慈父母。演教不思議，普救無邊苦。若能志心持，存亡皆濟度。功德貴生成，隨行登仙路。

爾時，普救說是偈已，諸天仙衆同聲稱善，稽首再拜至尊，敬禮而退。

太上金櫃玉鏡延生洞玄燭幽懺

(陳耀庭點校)

049 太上三五傍救醮五

帝斷殛儀

經名：太上三五傍救醮五帝斷殛儀。一卷。底本出處：《正統道藏》洞神部威儀類。

夫人家忽逢天灾厄難，家口癩疔，經一日五日者，此是宅舍前後，五帝神祇不衛於人，及有四方鄰里，忽被染剔，皆是天行疫鬼，雲中李子邀、張元伯、劉元達、烏丸鬼等病患人家。但是人家若患天行時疫，三年內，皆再發一度。可於醮曆，檢定良日，求一道士，延請就宅。若辦得修神呪齋一日兩夜、三日三夜。若不辦，只請一人醮五帝。所須色目，具列如後：

真乳頭香一兩半六爐。案六面，筆五管，墨五錠，五方綵各一段隨方色。手

巾五條各長四尺二寸，命祿米五盤每盤一斗二升，酒一斗盞子四十隻，信錢五分每分一百二十文，紙一束五帖作錢財，五帖鎮座。醮盤四十分餅餠、胡桃、乾棗、乾魚、鹿脯、時新菓子，茅香湯一碗，燈十二盞，桃牌六枚各長一尺一寸闊二寸。

師位居北，叩齒三十六通了，入

壇解穢

次禁鬼門

次衛靈呪

次發爐

弟子裝束冠帶如法，於齋壇前，虔誠告祝，設拜捻香，以俟通感

維某年某月某朔某日洞淵弟子臣

某等，謹為弟子某甲上啓：

上請東方青帝靈威仰勾芒君青帝夫人降下，

上請南方赤帝燁弩祝融君赤帝夫人降下，

上請西方白帝招矩少昊君白帝夫人降下，

上請北方黑帝叶光紀玄冥君黑帝夫人降下，

上請中央黃帝含樞紐軒轅君黃帝夫人降下。

上請五帝之子、五帝之孫、典籍功曹、司命司錄、好生司馬、大神解穢主者，左右尚書、前後僕射、延壽玉女、長吏司空、注年博士、上下大夫、虛無小吏、削死定生君、解衰脫厄君、保命益算君、治病下藥君、浮雲使者君、雷師電師君、四州九谷君、河上仙官、江湖玉女君、吞魔食鬼君、收殛食鬼君、斬鬼破鬼君、掃蕩不祥安隱六腑君、移名定籍君、各各諸座，歆饗微禮，符告上下。關啓天地大神、五帝仙官、並及此間土地真官、九江水帝、十二溪女、河伯水官、地下七神、土地之主五嶽四瀆護人長吏、加算主者、左右傳吏、解罪之君、一切神靈，各各執持玉板，聽臣口中詞語。今有弟子某家累年已來，居止不利，人口癩疔，死亡非一，經營不遂，官職不遷，所願不從，灾厄妄生，卜決憂忌，皆見八方四面、並有下官故炁，疫癘鬼兵，八部魔邪，暴害良善。門門唯聞哭屍之響，不聞雅樂之音。

大小哀哉，枉遭者衆。耳聞目見，非是吉祥。某等日夜驚惶，無方投趣。伏聞老君設教，授與仙真，下傳凡俗，大解妙法，殺鬼生人。今於當處結壇，奉獻酒脯，祠五帝之具，占得九章。今日吉良，宿得天倉。明如日月，比於三光。百味雜饌，不敢先嘗。清酒淨脯，甘美甚香。帝君受饗，賜福無量。七祖生天，解釋禍殃，逍遙雅樂，位等仙王。生人富貴，子孫滿堂，三十六代，及以先亡，昇入南宮，長樂福鄉，去離三塗，免墮鑊湯。長辭劍樹寒冰鐵床，不見銅柱牛頭阿傍。瘟疫疾病，萬代消亡。收攝百鬼，施於太陽。災害解散，永保吉昌。五帝之主，萬神之王，消滅惡業，知其柔剛。暉生枯榮，言成雪霜。能使官灾消散，疾病去床；能使春秋冬夏，上下玄黃；能使四時節炁，天圓地方。動作自然，五色玄黃，三明六律，七柔八剛，造作人形，無暗不照，無明不光。北斗七星，布置諸宿。角亢氏房心尾箕，配屬東方；井鬼柳星張翼軫，配屬南方；奎婁胃昴畢觜參，配

屬西方；斗牛女虛危室璧，配屬北方；魁魍魎魍魎魍魎，配屬中央五行。推節寒熱溫涼，使金剋木，木自折傷；使木剋土，土自潛藏；使土剋水，水不流行；使水剋火，火自無光；使火剋金，金自消亡。打考戮鬼，鬼走遠方。療治疾病，立即自康。規覓求官，宜奉公王。使神安宅，宅如金剛；使符指鬼，鬼即滅亡；使神斬邪，邪自破傷；使神治病，病人去床；使神防衛，行者吉昌；使神安墓，子孫滿堂；使神耕種，五穀滿倉；使神斷病，來者不當。天有九章，人有惡業，棄與八荒，蕩除街巷村陌，並及弟子某宅內，瘟疫斑黃。自家親之外，速去遠方，屯營百鬼之帥，捉搦付與鑊湯。吞噉精魅，五體消亡。老君口勅，誅斬不祥，何神能住，何鬼敢當。帝君降下，萬歲吉昌。行來出入，五神扶匡。官灾解散，鬼賊潛藏，弟子再拜。

次上香，上茶，上酒

謹啓五帝君等，若有邪精、五瘟、鬼炁，或復藏形隱影、變化百端、盤停

不去者。

上請五噉大將軍降下，放大威力，口吐神火，燒鬼頭破，然鬼身形，滅其根種，急急一如女青詔書律令。某七代已來，逮及今身，所造故違，無數重罪，賜乞原除某上祖父母，生存所犯，東方十惡、五逆之罪、不蒙解釋者。

上請角亢氏房心尾箕甲乙寅卯辰君，主爲某甲解釋，悉令原除某生存所犯，南方十惡、五逆重罪、不蒙解釋者。

上請井鬼柳星張翼軫巳午未丙丁君，主爲某甲解釋，悉令原除某生存所犯，西方十惡、五逆重罪、不蒙解釋者。

上請奎婁胃昴畢觜參申酉戌庚辛君，主爲某甲解釋，悉令原赦某生存所犯，北方十惡、五逆重罪、不蒙解釋者。

上請斗牛女虛危室璧亥子丑壬癸君，主爲某甲解釋，悉令原除某生存所犯，中央十惡、五逆重罪、不蒙解釋者。

上請中斗七星魁魍魎魍魎魍魎魍魎，主爲弟子某甲解釋，悉令原赦，若春之三月、有青瘟青疫行病之鬼，因木王

相欲行毒藥、傷害良善者。

上請西方白帝君，主爲弟子斬殺之不得，妄行毒害。若夏之三月，有赤殭赤疫行病之鬼，因火王相欲行毒藥，傷害良善者。

上請北方黑帝君，斬殺之不得，妄行毒害。若秋之三月，有白殭白疫行病之鬼，因金王相欲行毒藥、傷害良善者。

上請南方赤帝君，斬殺之不得，妄行毒害。若冬之三月，有黑殭黑疫行病之鬼，因水王相欲行毒藥、傷害良善者。

上請中央黃帝君，斬殺之不得，妄行毒害。若四季之月，有黃殭黃疫行病之鬼，因土王相欲行毒藥、傷害良善者。

上請東方青帝君，斬殺之不得，妄行忤犯。斷除一切群邪，悉令伏匿。方得天下太平，鬼神不起，風調雨順，萬民安樂。仰被重恩，弟子再拜。

次上香，上酒
上啓五帝君等，弟^②子叩頭稽顙，

賜乞一生一活、一度一脫，所有深重灾厄。至于某甲邊願爲度灾，安魂定魄，

防衛性命，救治疾病。唯願肉人闔家、大小等身，或受年窮算盡之厄，橫因上計，願爲解除，轉更注年，延生保命。

若有天羅地網，纏繞軀體，未蒙解脫。各請帝君，速爲斬截。一切邪精，願令消滅。若有百鬼妄生，拘錄肉人，家口男女，魂神不安者，重請五方斗中延命君、安生君、去死君、來生君，迎魂附魄，悉爲扶拔，魂神將附身體之中，調和六府。東斗請爲延算，西斗請爲記名，北斗請爲落死，南斗請爲上生。主

爲安魂司命，更賜益算。延壽星官，請爲消除死簿，定上生名。若有天上地下凶逆之鬼，滯在某家，村中巷陌、門前戶後，窺求血食，欲行凶傷。

上請三五大將軍，官吏將十萬人收魔，食鬼，唯願降下。

上請三五收殭食殭大將軍，官將十萬人降下。
上請三五收疫大將軍，官將十萬人具官降下。

上請三五收注大將軍，官將十萬人具官降下。

上請收精食精大將軍，官將十萬人具官降下。
上請收邪食邪大將軍，官將十萬人具官降下。

上請收毒食毒大將軍，官將十萬人具官降下。
上請收魅食魅大將軍，官將十萬人具官降下。

上請收凶食凶大將軍，官將十萬人具官降下。
上請五方五帝斬鬼大將軍，官將十萬人降下。主爲某甲家，同心併力，

收攝村中巷陌、家中宅內，行客魍魎之鬼、伏屍刑殺之鬼，次收門戶井竈之鬼，次收五虛六耗、凶吹惡逆之鬼，次收童男童女之鬼，次收殃殍土長之鬼，

次收獨歌自舞喜笑之鬼，次收蠱毒野道之鬼，次收山精崖石、百魅之鬼，次收八部行病之鬼，次收喚人魂魄之鬼，次收各有名字之鬼，次收明公石碇之鬼，次收無名脫籍之鬼，次收樹下犬子

之鬼，次收夜行兇逆之鬼，次收山林社稷、惡逆淫祠之鬼，次收天下四鎮死將之鬼，次收刀兵軍陣、無頭無手之鬼，

次收吳王子胥之鬼，次收赤眉盜賊之鬼，次收三王五霸、敗軍死將之鬼，次收下痢臍腫之鬼，次收魯丁斑黃、轉筋、警咳、吐逆之鬼，次收雲中李子邀、

千精萬魅之鬼，次收搖鈴吹角呼喚之鬼，次收縊死之鬼，次收落水之鬼，次收羌獠之鬼，次收六夷之鬼，次收胡狄蠻戎之鬼，次收東方青注之鬼，次收南方赤注之鬼，次收西方白注之鬼，次收北方黑注之鬼，次收中央黃注之鬼，次收絕戶之鬼，次收異病卒死之鬼，次收白禿癩病之鬼，次收瘡膿臭穢之鬼，次收市死斬頭絞刑之鬼，次收烏鵲亂鳴惡音之鬼，次收饑寒凍死之鬼，次收藏形隱影之鬼，次收口舌妄語之鬼，次收六畜之鬼，次收厭人魂魄之鬼，次收白骨不葬之鬼，次收新死破射取人之鬼，次收鼠頭人身之鬼，次收牛頭人身之鬼，次收虎頭人身之鬼，次收兔頭人身之鬼，次收龍頭人身之鬼，次收蛇頭人身之鬼，

身之鬼，次收馬頭人身之鬼，次收羊頭人身之鬼，次收猴頭人身之鬼，次收狗頭人身之鬼，次收豬頭人身之鬼。

右此鬼不承大道盟威禁律之命，專在人間，行其惡毒，令人遭官遇禍、疾病死亡，非所道理。非五帝之君天官，一一仰憑，次收討反縛逆鬼，付與都市一切絞刑，滅其根種。願令天下清寧，萬民安樂，五穀滋盛，闔家大小，魂魄或閉在天地水三官百鬼牢獄之中、不蒙解脫者。或為百鬼繫繫者，請五方五帝七星之君、壽命君、延命君、解厄治病君、却死來生君、保命衛護君，主為某甲安魂定魄，司命延年，益算七星，消除死籍。

東方青色衰厄，從今消滅青殭，鬼烝應時斷絕。

南方赤色衰厄，從今消滅赤殭，鬼烝應時斷絕。

西方白色衰厄，從今消滅白殭，鬼烝應時斷絕。

北方黑色衰厄，從今消滅黑殭，鬼烝應時斷絕。

中央黃色衰厄，從今消滅黃殭，鬼烝應時斷絕。

今日值建所請依願，福慶巍巍，更無所恨。

今日值除請福之後，灾禍消除，鬼賊殄滅，福慶有餘。

今日值滿與帝為伴，任意從容，萬事欣喜。

今日值平福有餘慶，神來降駕，所願皆成。

今日值定天地同慶，神靈飽滿，合家無病。

今日值執百福臻集，富貴忻歡，無有厭忌。

今日值破却除罪過，神來降福，消灾却禍，靈祇降駕，福祿更多。

今日值危永保無為，祈恩已後，所願皆遂。

今日值成男女長生，錢財聚集，五穀豐盈。

今日值收戶戶無憂，黃金入宅，代代不休。

今日值開仙官並來，真烝覆蔭，不

見禍災。

今日值閉百鬼消滅，住宅清寧，鬼神伏歇。

次上酒，行香

重啓五帝七星君等，臣所請仙官及同侍從，當預坐者，普願歆饗。降福重於太山，消災迅如電散。福逐神來，天神降重。應感斯須，拜謝既周，行觴已畢，詞不再陳，言無所重。龍車整轡，神馬急備，來如雲奔，去如風雨。迎神千里，送神不起。自東自西，各還宮府。後有祈請，別賜垂臨。臣及弟子誠惶誠恐，稽首再禮奉辭。

次送神讚

次十二願

次學仙讚，散如常儀

太上三五傍救醮五帝斷殛儀

①「解」原作「解解」，重文，刪一字。
②「弟」原作「第」，據文義改。

（陳耀庭點校）

050 太上消灾祈福醮儀

經名：太上消灾祈福醮儀。一卷。底本出處：《正統道藏》洞神部威儀類。

先奏告關牒，禁壇，祝如常式

次啓堂頌

次各禮師，存念如法

次宣五方衛靈神呪

東方

九炁青天，明星大神，煥照東鄉，洞映九門。轉燭陽光，掃穢除氛。開明童子，備守我軒。收魔束妖，上對帝君。奉承正道，赤書玉文。九天符命，攝龍驛傳。普天安鎮，我得飛仙。

南方

南方丹天，三炁流光。熒星轉燭，洞照太陽。上有赤精，開明靈童。總禦火兵，備守三宮。斬邪束妖，剪截魔

兇。北帝所承，風火八衝。流鈴交換，敢有不從。正道流行，我享上功。保天長存，億劫無終。

西方

七炁之天，太白流精。光耀金門，洞照太冥。中有素皇，號曰帝靈。保神安鎮，衛我身形。斷截邪源，正道開明。宮殿整肅，三景齋并。道合自然，飛升紫庭。靈寶符命，普惠萬生。功加一切，天地咸寧。

北方

北方玄天，五炁徘徊。辰星煥爛，光耀太微。黑靈尊神，飛仙羽衣。備衛五門，檢精捕非。敢有干試，豁落斬摧。玉符所告，神振八威。邪門閉塞，正道明開。映照我身，三光同輝。策空駕浮，舉形仙飛。

中央

黃中理炁，總統玄真。鎮星吐輝，流煥九天。開光童子，一十二人。元炁陽精，炎上朱烟。洞照天下，及臣等身。百邪摧落，殺鬼萬千。中山神呪，普天使然。五靈安鎮，身飛上仙。

次都講唱，鳴法鼓二十四通

次發爐

無上真玄五靈老君，當召功曹使者、左右龍虎君、捧香使者、三炁正神，急上關啓三天真元道君。臣今正爾燒香，修齋設醮，謹奉為醮主弟子臣某為齋意，其餘誠懇，具載青詞。願得太上十方正真生炁，降流入臣等身中，令臣所啓，速達逕御至真無極大道三清上聖，昊天玉皇上帝御前。

次衆官，各長跪出官

謹出臣身中五體真官功曹吏，出上三天，執法開化。陰陽功曹，度道消灾，散禍解厄君吏各十二人出。臣所受法錄治中建節監功大將軍前部，效功後部，效殺驛廷、令驛延丞，四部監功竭者，上仙上靈，直使功曹左右官使者，陰陽神決吏官，各二人出。出者，嚴裝顯服，冠帶垂纓，整其威儀。功曹弁朱陽之幘，冠通天之冠，衣皂紈單衣，腰帶龍頭之劍。捧持謁簿使者，弁玄陰之幘，冠九德之冠，衣絳章單衣，腰帶虎符，齊執玉版。直事功曹，住立

四方。正一功曹，住立中央。治病功曹，營衛臣身。左官使者，建節在前；右官使者，持幢在後。陽神決吏，立左；陰神決吏，立右。上部功曹，住立上方；中部功曹，住立身中；促炁功曹，催促十方。上部使者，遠望上天；

中部使者，遠瞻八方；都官使者，巾繞臣身。郎吏虎賁，察姦鉤騎，都官侯射，天丁力士治正，執正吏收神，食神吏收鬼，食鬼吏收炁，食炁吏收毒，食毒吏收精，食精吏收邪，食邪吏誅符，破廟吏剛風，騎置吏驛馬，上章吏飛龍，騎吏等並皆屯住臣左右前後，受臣詞語，關啓此間土地里社正神，監察考召甲子諸官君將吏，謹同誠上啓：太上無極大道太上老君，太上丈人，九老仙都君，九炁丈人，百千萬重道炁，千二百官君。太清玉陛下，恭以天人交感，在祈祐以所符；陟降中潛，非至誠之不能。唯精衷之內控，仰元鑒之有門。矧藥笈之真詮，廓靈科而示教。璇穹大象，霄景神輝。有躔次以下臨，有休祥之外繫。今醮主某爲某事，肅嚴壇

供，仰駐神遊。庶伸蘋藻之誠，以竣監觀之應。詞言通感，不負效心。伏乞功曹使者、將吏靈官，速上奏陳，應時感降。所祈獲遂，所願協從。臣與醮主誠惶誠恐，稽首再拜以聞。

次各稱名位

具法位臣某等謹同誠上啓：虛無自然元始天尊、無極大道太上道君，太上老君混元上德皇帝，太上開天執符御曆含真體道昊天玉皇上帝，紫微天皇帝，斗中天尊玉帝星君，十神太一真君，十一曜星君，北斗七元星君，左右輔弼星君，南斗六司星君，天地水三官，二十八宿星君，九天儲福定命真君，九天應元保運真君，九天司命司錄真君，九天掌籍掌算真君，九天監生延生大神，玄中大法師、正一真人、三天輔玄大法師，天曹太皇萬福真君，天曹定名玉曆真君，天曹延生保命真君，天曹扶衰度厄真君，天曹掌籍掌算真君，天曹財庫祿籍真君，天曹司命司錄真君，天曹司非司危真君，天曹門下引進

真官，天曹門下上章直日典者，洞淵水府福地靈曹，見生星斗真君，本命元辰真官，城隍里社土地真官，三界官屬，一切威靈。臣聞玉天嚴遠，難陞浩劫之家；金洞渺清，徒仰素靈之館。粵帝尊而在上，握化紀以居中。啓十方之無礙，心應物而動；號三界之大慈，父視人如殤。俯仰鬱羅之臺，卷舒投芥之劫。迴瞻萬兆，悲晉晷於蜉蝣；俯盼九塵，嗟漢宮於螻蟻。永惟下俗，本絕真階。蓋憑開度之科，許罄精微之懇。今醮主弟子某爲某事，嚴持信幣，密款仙庭，冀天貺以臨觀，庶人心而專達。伏望三清併軌，離曲密之華房；十極流輶，從飛虛之法駕。百億天帝，後轡丹旄；千二官君，前迎翠節。擲火萬里，下呼陽而召陰；旋香三輪，上出日而入月。極東浮於熾水，盡西景於虞汧。南造朱陵之宮，中盤黃炁之府。朔陰之館，北盡於夜城；丘寒之泉，下殫於神谷。至於魯，稱教父，由太極之從行。西號釋尊，自延真而密侍。元始符命，疇敢不祇。輒布菲詞，

仰披雲望。叩碧天而祀事，稱聖號以降神。伏願曲鑒凡情，允垂鸞駕。臣與醮主等謹稽首再拜上請：

次請聖位，上香，上茶，獻酒

次奏初獻法事

次重稱法名

具位臣某等謹同誠上啓：三清上聖，十極高真，醮位靈仙，三界主宰。臣聞：一真布景，本無高下之基；萬兆肖形，盡毓清和之炁。即生死而寢遠，遂好惡以森繁。穢身縱溺於沉迷，大道尚垂於營救。或罪根之彌甚，始陰責以潛加，苟悟百非，即消萬禍。今醮主弟子某識神冥滯，營魄振驚。由浩劫以淪胥，俾元靈而奔躁。不趨覺路，樂登陟於迷途；不憩真庭，甘奔馳於世網。念迴還於先日，歷勞苦於至艱。爰至今身，命亦危於晝電；再思積行，功未半於秋毫。或反道而欺天，或黷尊而犯上，或漏慢經法，或凌侮父師，或治家失孝悌之歡，或臨事濫公私之節，或殲穢於真館，或犯突於上靈，或冒大禁於三光，或墮嚴禋於七世，或傷

殘物命，或淫祀鬼神，或沉湎酒醪，或皆迷聲色，或積財於不義，或運智於多岐，或狠復自賢，或饕餮無狀，或奉道虧立功之行，或居家迷開訓之儀，或稟人倫，或沉女弱。共淪五欲，已劇千生。迪惟高聖之宣慈，大庇含生而開度。醮主某詣道自首，祈天博容，伏乞璇極上真玉虛大帝，垂恩枯骨，錫命行尸，解片體之陰愆，除億曾之冥考。閱罪先期於冰釋，逆釐次竚於雲臻。俯伏對敷，屏營待報，欲陳詞意，仰進丹闈。臣雖已考詳，尚虞踏駁。謹冒天禁，戰悸宣聞：

次宣青詞

具如詞旨，備極精虔。冀伸欽竚之心，用謝生成之賜。醮主弟子伏願齋功紀籍，道果資身，增壽祿於將來，保年齡於向去。仰荷真靈之德，惟蘄福祐之恩。臣與醮主等不任激切之至，謹稽首再拜。

次再上香獻酒

次奏亞獻法事

臣謹重誠上啓：三清上聖，十極威

靈。臣聞：玉帝鑒觀，金真洞察。感羣生而布款，采庶品以流恩。上士希仙，即萬仙而漿就；善人徼福，乃百福以妙嚴。理貴精微，事符歆答。今醮主弟子某伏爲某事，騰詞清夜，馳意紫闈。夙啓蘭科，仰膺靈貺。伏願醮主弟子某落除世網，進補仙階。許映全家，俱入華陽之洞；劉綱盡室，並昇丹綠之軒。陰陽之數已逃，生死之根永謝。或干祿仕，冀登踐於崇高；或計貨儲，俾豐盈於貨殖。尊卑福履，中外欣昌，幽冥息人鬼之非，出處有亨嘉之會。慶均嗣續，庇及親疏。水火兵賊之災虞，無侵里閭；日月星辰之否厄，不犯形軀。長邁百昌，永逃九厄。臣與醮主等不任祈祝之至，所獻錢馬都狀之儀，恭對醮筵，謹當敷奏。

次奏錢馬，三上香，獻酒

次奏終獻法事

臣謹重誠上啓：三清上帝，十極高真，三界官屬，醮席真靈。臣聞：瀆則不告，聖人垂簡易之文；天且弗違，大道順披陳之素。醮主某密形至懇，仰叩

靈恩。敢不盡畏丹心，動防司殺，奉明科而視履，約仙禁以踐言。一日告盟，百身無斃。伏況法事粗悉，罄寶目於鴻儀；夜如何其，落銀河於清漢。鳳冠燈焰，將暗於九光；鵲尾鑪香，欲殘於百和。洞章八闕，玉酒三終。燎朱火於天錢，即歸空際；促瓊鍾於仙籟，將返霄間。絳節逶迤，紫旂容與。還玉京者，無極之尊帝。復金闕者，太上之真皇。衆靈咸從於丹轅，列聖皆駢於紫策。傍飛月鳳，指洞室以分驅；俯控雲龍，瞰滄溟而下邁。神司復位，將吏還天，委禧福以充庭，瞥靈光而在目。至於生生萬品，皆均樂育之私；寂寂九幽，盡被超升之澤。臣與醮主等凝瞻法從，結想太空，泣恨塵岐，難留聖躅。臣等不勝攀戀禱祝望恩之至，謹稽首再拜奉送。

次送神頌

次遣官還位

臣醮奏事訖，向來所出功曹使者，各從衆妙門而入，在左還左，在右還右。直使功曹主領檢押，復安金堂玉

室，須召即到，一如故事。

次復爐

香官使者、左右龍虎君、侍香諸靈官，當令醮奏之所，自然生金液，丹碧芝英，百靈衆真，交會在此香火鑪前。伏願醮主受福，闔家蒙恩，十方仙童、玉女侍衛，香烟傳奏，向來所啓之言，速達逕御，至真無極大道、三清上聖，昊天玉皇上帝御前。

太上消灾祈福醮儀

（陳耀庭點校）

051 太清道德顯化儀

經名：太清道德顯化儀。一卷。
底本出處：《正統道藏》洞神部
威儀類。

上壽供獻

宣衛靈呪，請稱錄職

具職臣姓某上啓太清玄元無上三天無極大道太上老君、道德天尊，聖母先天大聖后、太乙元君，太清洞神諸君丈人、上相上宰上保上傅君，三天四相宰輔卿監諸司官典，列位仙曹靈官，三界真靈。咸望洪慈，洞回降鑒。臣聞：太虛寥廓，上有帝鄉，元炁微茫，中存道體。乃睠太清之境，是爲浩劫之家。道炁億萬，重界鴻濛，而是域官君千二百名，造化以爲臣。妙有妙無，惟恍惟忽。功雖不宰，由仁民愛育而功施；迹本難窮，因垂世立教而迹顯。臣某竊

稽紀傳，妄測聖神。昔武丁恭己之九年，當斗柄建寅之望日。謂混元之誕，實在茲辰。故賀典之修，盛行于世。此特表人心嚮慕云爾，烏足爲聖德光益者哉。今之日，弟子某等，欣戴深深，歌詠不已。闢清壇而設醮，遡丹陛以稱觴。伏願不棄賤微，特回宴蠻。青牛紫炁，儼如度函谷之時；白馬朱鬃，宛若降茅山之日。羣真共會，一念潛通。臣等瞻望天階，不勝凝俟之至。謹稽首再拜，奉請。

請聖

志心謹謹，奉請太清太上天帝君、太清天帝丈人、太清九老仙都君、太清九炁丈人、上相方諸宮青童君、上宰西城總真王君、上保太丹南極元君、上傅白山宮太素元君、玄中大法師河上丈人、文始先生尹真人、泰玄上相張真人、天機上相葛真君、天樞上相許真君、僉書上相浮丘真君、上元大有真人、中元太極仙翁、下元太清仙伯、洞神太極上相、洞神太極仙伯、洞神太玄上仙、統洞神三天護法都帥、洞神九天

大兵統、洞神太微僕射、洞神太極僕射、洞神木部尚書、洞神火部尚書、洞神金部尚書、洞神水部尚書、洞神土部尚書、洞神太微護兵大卿、洞神太極益筭大卿、洞神紫府上仙大卿、洞神大仙仙威監、洞神太極上仙大夫、洞神三天斬妖護尉、洞神碧虛上仙大卿、洞神九天保命上仙監、洞神紫微七政大監、洞神金闕盟威大監、洞神扶桑暘谷大監、洞神太極上仙監、洞神玄都仙令大監、洞神太極仙府兵錄、洞神九天護府司直、洞神九天雲霧大監、洞神紫府校尉、洞神明六明虛真監、洞神八極仙都護尉、洞神北極大監、洞神太極總神都司君、太清千二百官君、太清上章諸宮曹官、太清左右侍香金童玉女、太清左右侍衛龍虎君、琅琊干真人、嵩山寇真人、太清歷代授道真人、太清開化三界神仙、日直香官使者、當境土地正神。

降聖

臣等誠惶誠恐，稽首頓首，再拜謹謹，奏請太清玄元無上三天無極大道太上老君、道德天尊。臣等恭望洪慈，

流光寶座。

太清樂引

臣等不揣凡愚，僭邀天仗。伏想神龍驂駕，天馬啓途，十二衛官以前呵，九萬飛仙而後從。流霄建節，雲霞浮十絕之旛；大輅鳴鑾，日月耀五明之扇。臣等挹瑞彩於上古，依末光於中天。采一事之奇可，極鋪張之美陳。七珍之供願，將慶賀之儀。臣等無任稽首再拜、舞蹈之至。

步虛

寶座臨金殿，霞光照玉軒。萬真朝帝所，飛鳥躡雲根。

臣聞：昔既誕於仙姿，蓋先陳於神水。挹東井黃華之沼，體發金光；注西華流汨之池，身生玉澤。一自九龍之薦瑞，遂令千古以爲榮。茲取其名，載揚厥美。衍靈溪之一脉，流澤何窮；分東井之餘波，飛仙可託。臣等仰對道前，謹伸上獻。

法源流潤天尊

獻香

臣聞：在道之中，惟香是尚。出清

微者名解脫，有濟幽度顯之功；產聚窟者號返生，有起死迴骸之妙。蓋功非在物，而在德；亦聞不以鼻，而以心。若人間卉木之爲馨，豈天上神仙之所欠。然禮以少爲貴者，物取其奇，則誠之不可掩夫，天其可享。臣等仰對道前，謹伸上獻。

香雲結篆天尊

獻花

臣聞：仙苑羣芳，奇花萬種。常暘日窟，仰攀若木之華；玄圃騫林，採擷空青之蕊。繁英吐而靈風晝永，朱紫艷而道日春融。蓋非凡世之色香，宜備至尊之賞玩。把瓊芳於席上，願奉天歡；化寶蓋於空中，同依道蔭。臣等仰對道前，謹伸奉獻。

瓊英絢彩天尊

獻燭

臣聞：原燈燭之雖微，濟陰陽之不及。蘭膏繼晷，吐朱燄之熒熒；陽燧取精，揚丹輝之熠熠。乃若太清之仙境，豈資燭火之餘光。義或取於報陽，禮宜供於列炬。臣心如此，鑒一點之長

明；道力發之，徧十方而洞照。臣等仰對道前，謹伸奉獻。

慧光無礙天尊

獻茶

臣聞：凡卉木神奇之品，皆真仙服食之腴。七明石芝，西錫昆吾之貢；十結神草，北來空洞之深。況道家之衆藥尤多，豈人世之一茶足羨。然以奉至尊之壽，固宜效所貴之儀。蓬萊山有三，敢自詫通仙之妙；上清品第一，尚有希換骨之仙。臣等仰對道前，謹伸奉獻。

靈通品量天尊

獻酒

臣聞：大駕昔遊於四極，壽觴爭獻於羣仙。東海青童，奉碧醴金津之宴；九天上帝，開雲漿月液之筵。瓊花貢自朱陵，甘液來從紫府。遐想當年之美，再修今日之儀。援北斗，酌天漿，上奉九重之春色；釀西江，爲壽酒，願同六合於醉鄉。臣等仰對道前，謹伸奉獻。

玉光浮潤天尊

獻果

臣聞：乘輿，昔巡狩之時，仙果，省職方之貢。九靈西母，進金紫之交黎；南極夫人，上赤靈之火棗。東掇扶桑之椹，北收空洞之瓜。想遺美之如存，效凡儀而有獻。頌三千歲，方成之實，未足爲多；得七百年，不汗之枝，願言分賜。臣等仰對道前，謹伸奉獻。

宛味希夷天尊

進疏

臣聞天地之德，固無待於形容；日月之光，又何加於繪畫。况大道在名言之表，而重玄超思議之前。雖喻以塵沙萬劫，測量而莫盡；豈形諸案牘一言，褒讚之能詳。蓋露表之云云，實風刀之凜凜。河海於細流，不擇恃此無虞；天地之大德，曰生受之必至。所陳丹悃，謹用上聞。

宣疏，宣關，向來，回向

顯化禮文

步虛

臣聞：狀太虛之體，雖至人莫叩其

端倪；圓日月之容，縱巧匠難施其光彩。恭惟太清仙境、太上老君、混元上德皇帝、道德天尊玉陛下。生於無極之先，出於太虛之上。匪有匪無，匪聲匪色，獨爲至道之宗；能長能短，能方能圓，莫名萬物之母。大包宇宙，細入毫芒。巍巍蕩蕩，無能名；昏昏默默，不可識。粵自洪源肇啓，玄化潛流。高卑莫清濁之形，動靜制剛柔之體。風雷山澤，聯八卦以相生；春夏秋冬，運四時而不忒。日月星辰，麗乎上；人民品物，生其間。總總林林，生生化化，此則運元炁而開天地者也。及其九皇既立，歷代相承。乃降世以爲師，遂因時而設教。陳綱立紀，經論天下之大經；利用厚生，成就生民之衆務。此則隨世代而立人道者也。然後建道德之宗旨，作清虛之法程。七部妙經，隨三乘而接引；九還丹訣，付上士以修行。間陳禮樂之原，或演浮屠之學。本末畢具，精粗備陳。萬法千門，一致百慮，此則順時俗而立教化者也。以至分形三界，應迹十方。或耀魄句陳，

上理星象。或韜光柱史，下佐國家。指白骨以成人，救洪災而度劫。扶危拯難，無感不通，濟死度生。有緣者遇此，則亘古今而度人無量者也。故神通輝赫，功德崇高。在天爲萬聖之尊，在世爲三教之長。三十六天、三十六地，咸歸掌握之中；八十一歲、八十一身，始顯化生之迹。神明不能極其妙，聖智不能窮其源。雖萬聲萬舌而贊揚，窮劫難盡；若一話一言之陳述，於道何裨。以今臣與弟子某等，望滄海以神流，瞻泰山之目極，不量誑惑，輒效揄揚。取聖號以爲綱，刪成九禮；摘仙經而頌美，十不一存。惟其極愛敬之深，不自覺文辭之陋。伏願道心默感，天鑒潛通。以涓塵瑣瑣之言，固毋足采；然江海汪汪之量，何所不容。臣等各運誠心，共宣妙範。

舉，按人各恭敬

志心皈命禮，杳冥昏默，冥寂玄通。粵從空洞無本，太空爲道體；初發玄元始凝，祖炁立天根。造化三才，開張萬範，處無象無形之內，居太初太

易之前。神寶丈人，衆和太上老君、混元上德皇帝。

恍惚杳冥中有象，上無復祖道爲尊。包含造化運陰陽，剖琢虛無立天地。上輔大羅元始化，中弘靈寶道君風。尊居太清太極宮，是號無爲大道主。

志心皈命禮，鑿開混沌，剖破玄黃。道炁混凝，由大羅而生三境；元綱流演，從祖劫而化生諸天。上列九霄，下分三界，立境界之脩品，奠真仙之奧區。徧及大千，咸宗皇一。萬天教主，衆和太上老君，混元上德皇帝。

一自洪濛流梵炁，便從祖劫立天根。五千五百億重天，三洞三十六部教。各從境界明修品，悉爲真仙第等階。天人真聖盡師承，功德巍巍超萬劫。志心皈命禮，降九皇而設教，委歷代以爲師。自伏羲以至周康，閱世者數萬餘載，始鬱華而終郭叔，稱子者十有五名。體元長仁，開物成務，示百王之軌範，作萬古之楷模。歷代帝王師，衆和太上老君、混元上德皇帝。皇帝王風隨世立，通玄盤古古先生。

鬱華廣壽大成稱，廣成隨應赤精號。錄圖務成尹壽列，真行錫則燮邑名。育成經成郭叔終，歷代爲師茲可述。

志心皈命禮，因機立化，隨劫度人。道德五千餘言，開闢金丹之祖；符籙千五百卷，流傳正一之宗。教同出而異名，道並行而不悖。天人仰賴，仙聖依歸，玄中大法師，衆和太上老君、混元上德皇帝。

化身靜老初行教，東國君臣得度多。道歸文尹顯金丹，法付天師明正一。真多宋倫傅鍊養，謙之干吉得經科。糝糠陶鑄幾神仙，萬古玄風長不泯。志心皈命禮，闡真一旨，開不二門。通禮樂之原，明道德之歸。東魯起見龍之嘆，設泥洹之果，演浮屠之教；西胡來乘象之迎，自號古先生，時稱隱君子，名雖鼎立，德並川流。三教宗師，衆和太上老君、混元上德皇帝。粵自殷周初顯迹，周流夏世立規程。八十一國變胡風，九百餘年明道化。宣聖聞風師禮樂，煩陀稽首受浮屠。乃知三教本同歸，後學紛紛徒自苦。

志心皈命禮，道通古始，德妙玄同。上爲皇，下爲王，得之則可內治身，外治國，無所不宜。兼陰陽名法儒墨之長，極古今治亂天人之辯。深矣遠矣，至大順，恍兮忽兮，歸無名。道德天尊，衆和太上老君、混元上德皇帝。

道德二篇初降世，百家衆說總陳言。虚心實腹混希夷，復命歸根守玄牝。無爲無欲歸清靜，常德常名貴自然。修齊治平特其餘，今古神仙從此得。志心皈命禮，以無入有，委炁成形。自鬱單六炁，電之祥，難窮載劫；迨天水五色，珠之夢，始現其身。一從白鹿以昇天，再顯青羊而降蜀。非迹之迹，自然而然。降生天尊，衆和太上老君、混元上德皇帝。

衆仙捧日從天下，五色流珠結聖胎。歷年九九應乾元，誕日五三符洛數。得姓元因攀李樹，出塵生即步蓮花。天上天下獨爲尊，相好端嚴俱第一。志心皈命禮，變化無方，神通莫測。或爲千二百，老子應現諸天。或爲百八十，道君接引凡界。號不專於

三十六號，名非止於七十二名。雖法身充滿，如虛空而妙體，本來常湛寂，混沌萬變。衆和太上老君、混元上德皇帝。

妙體本來歸至一，化身千百未爲多。春爲上景夏老翁，秋化神光冬童子。世號福神現玄武，天稱星主理句陳。譬如寶月在虛空，凡有澄波無不見。

志心皈命禮，功高列聖，德冠兩儀。布惠行，仁如春生；於萬物，隨機赴感。似月現於千江，拯苦難於微塵，濟黎元於浩劫。四生慈父。三界仁師。無量度人，衆和太上老君、混元上德皇帝。

三界衆生真父母，劫終劫始度天人。翦凶示相滅龐勳，救疾垂慈起光映。華夏蠻戎俱受化，昆蟲草木亦蒙恩。分身應化若微塵，功德贊揚莫能盡。

上來禮讚功德，已遂周成。蓋以求太虛於言象，惡睹其真；盡盛德之形容，難加其美。况太清之爲妙，豈副墨之能知。藐然豹管之窺，甚矣龍墀之瀆。既周贊禮，諒沐鑒觀。切念臣等

鑽仰玄風，漸摩妙化。非不悅抱一守雌之道，其無如抗塵走俗者何。道愈遠，神愈卑，何自致內觀之地；心未澄，欲未遣，無由造常寂之天。哀此微生，爽然自失。惟願慈尊之矜憫，特施法，力以提携。令臣等懺斷業緣，早出沈迷之網；洗空結習，咸歸清淨之風。法衆虔誠，同伸懺悔。

稽首皈依三清上，無爲教主混元尊。太清道德衆真仙，太極洞神諸宰輔。臣等自從無始劫，無明貪愛蔽真心。或違千二百新科，或犯百八十大戒。是非人我生邪見，空色有無墮法塵。茫茫欲海了無津，袞袞愛河那有岸。自恨此身無定故，輪迴生死幾曾停。以今仰對大慈尊，懺悔願成無上道。重告道場同業衆，靜心攝念露真誠。受持十願結良緣，消滅塵沙千萬罪。一願聖人壽萬歲，二願天下溥安寧。三願道德常演化，四願風雨順時行。五願老幼行慈孝，六願天闕獲全生。七願三途無苦難，八願徧地息刀兵。九願水火不興害，十願疫瘴不流行。

罪從心起將心懺，心若滅時罪亦無。無心無罪兩俱空，此即是名真懺悔。

回向

向來朝禮至真，披陳懺悔，贊揚功德，並已周圓。伏願不捨慈悲，普施恩貺。削愆尤於黑簿，罪垢風清；紀福壽於丹書，善芽日長。爲上因緣，志心稱念太清顯化天尊，不可思議功德。

顯化設醮儀

宣衛靈呪，請稱法位

具位奉行，太清顯化醮法。祭酒臣某上啓太清玄元無上三天無極大道太上老君、混元上德皇帝、道德天尊，先天太后，太乙元君，太清諸君丈人，太清四輔河上丈人、文始先生，三天四相，洞神宰輔卿監、一切仙曹，太清千二百官君，左右金童玉女龍虎君，三界官屬，一切威靈。咸望洪慈，俯垂洞鑒。臣聞：有物混成，強名曰道。在希夷之表，無形無名；以無情於恍惚之中，有象有精，而有物。天地萬化由之，而出，陰陽四時得之而成。形色智力、消息之來者不窮，進退存亡、邪正之相

尋何已。苟無主宰於其間者，烏能悠久而不息哉。惟我混元，是爲道祖。念羣有皆吾之有，能不扶持；而衆生自我而生，奈何委棄。遂分靈於浩劫，將應化於微塵。爲皇者師、帝者師、王者師，更萬世而無倦；立天之道、地之道、人之道，使三才之咸安。化被洪纖，風行隱顯。萬物歸而不爲主，其德乃貞；百姓用而莫能知，可名爲大。臣某蓬華賤士，葛狗陳人。夙荷大造之恩，獲處下風之列。分於道，形於一，雖同委順之全；知其雄，守其雌，未悟谷神之妙。屬遇真元之令節，諉爲祖炁之降辰。八十一身，猶是太虛之全體；七億萬劫，不殊元始之初年。蕞爾寒微，亦念浮生之易失。慈尊哀憫，特施餘澤於含靈。復命歸根，咸使得長生之道；修緣證行，庶逢開大有之期。臣等致恭上香，初獻。

初獻，宣詞

按如詞旨，諒達天聰，仰覬道慈，俯垂省覽。臣聞：自然者，道由不生，所以生，生妙用謂；神以不有，而能

有，有况元象。隱於空洞而至真，本於太無。始乎無始，終乎無終，固難擬化生之事；今則非今，古則非古，豈容繫世代之時。惟其職教，化以爲心，不免和光，塵而示體。昔高宗御極，當歲在辰之九年，以殷正紀，時實斗柄，建寅之二月。忽睹陽景重輝之瑞，乃知真人出世之符。八十一年極太陽之九數，七十二相又元炁之一初。于北玄李谷以有光，視西蜀太官而爲盛。由是姓名始著，風化斯行。訪道元君，明學者必有師之義；隱德柱史，見聖人不遺世之心。流玄教，於中華；演浮屠，於西域。雖真仙隱顯，本非世俗之能知；而紀傳昭彰，證以天經而不惑。

臣某等聞風譙郡，訪古瀨鄉。撫遺迹之猶存，恨生世之不早。攀庭檜而鸞輪已遠，濯靈池而仙體難瞻。拜真像於丹青，無異睹青天於雲霧；考豐功於簡冊，僅能得泰山之毫芒。空懷睠戀之心，莫寓皈依之志。欽遇降生之日，敬修慶賀之儀。九光甘液，白玉文英，遐想羣仙之上壽；三玄紫柰，絳樹丹

實，緬懷萬帝之稱觴。正希林之宴方酣，豈濁世之歡肯顧。然道以慈悲而接物而。臣懷愛敬以事君，精念潛通，匪于其人，而于其意。高靈昭答，不享其禮，而享其誠。過望之私，不知其僭。臣等再拜致恭，上香亞獻。

亞獻，宣進狀

臣聞：太初太易，無象無形，大道莫窮其宗祖；生天生地，神鬼神帝，玄功靡得而名言。惟古今道術，雜出於百家；而儒釋黃老，並列於三教。雖禮樂，非名法兵權之比；然未如，無爲自化之尤高。雖禪空異堅白同異之辭，然豈若不言善應之爲，愈况靈寶真一之旨，洎金丹性命之方。大者，可以致神仙；小者，猶能芘家國。道尊德貴，是宜超上古而獨存；巧妙功深，以故非中人之能識。紛紛曲士，往往危辭。或日以異端，或毀爲外道。且自然至理，於茲又何加焉。彼小智自私，見其不知量也。臣謹與弟子某等，雖慚下俗，每誦玄經，聞神明之教而作興，慕清靜之風而洗濯。嘆聖去以踰遠，

憐世降而愈卑。吾道非乎，獨不見，太古義農之俗；微言絕矣，孰能明，陰符道德之書。幸吾師震夙之辰，爲我道興隆之託。伏願恢弘世教，振策宗風。三洞天書，願全文之復出；無爲上道，隨浩劫以長存。乃若任造化以爲功，齊太虛而比壽，皆真尊所宜素有，非小臣可得盡言。臣等拜手致恭，上香終獻。

終獻，宣疏

臣聞：天地相合，以降甘露；坎離既濟，則生黃芽。以丹鼎英精，既迴殊於流俗；則紅塵煙火，豈可奉於高仙。茲因酌水之儀，而效獻湯之禮。黃昏一匕，探囊願試於仙方；白雪九還，換骨蘄分於餘劑。臣等虔恭捧湯奉獻。

進湯，奉經

送聖

臣聞：神潛恍惚，無往不存。道在虛無，有求輒應。况渺渺大羅之境，而巍巍萬有之尊。且求於色相者已非，矧擬以去來者踰遠。然既因人，而做爲此禮；苟非循迹，而莫致其誠。是故香花燈燭，以表其宜；詞疏表章，以

通其意。荷高明之委鑒，懼褻瀆之貽誅。茲賀禮之告成，非飈旂之可挽。伏想九光鶴蓋，自碧落以來迎；八景龍輿，凌青冥而上返。臣等雲霄極目，涕泗交頤。言有盡而意無窮，形雖疏而心甚邇。當年白鹿尚可訪於譙城，異日青羊安得來於蜀郡。臣等下情不勝攀戀之至，謹稽首拜送。

回輶頌

太清道德顯化儀

（陳耀庭點校）

052 玄門報孝追薦儀

經名：玄門報孝追薦儀。一卷。
底本出處：《正統道藏》洞玄部
威儀類。

自然朝行道

師堂序立

步虛

啓師

恭以金真演教，弘敷拔度之文；
玉册垂科，茂著昇遷之法。存亡是賴，
幽顯均沾。由是東極垂救苦之慈，北
魁置拔亡之局，可使亡魂受度，能令枯
骨更生。輒冒崇嚴，俯垂鑑證。恭惟
玄中教主諸大宗師幕下，道貫三才，心涵
萬象，隨方設教，應物流形，爲生死之
津梁，作幽冥之主宰。切念臣某浮黎小
兆，靈寶微生，叨承無量之真梯，獲拜
玄中之師範，拯幽拔滯，濟物利人。臣

今謹爲入意，尚慮亡魂，無邊苦爽，自因
宿世，以至今生，萬罪千愆，陽非陰過。

罪既違於青律，名必記於黑書，囚閉寒
庭，拘留幽獄，若不皈投於玉陛，焉能
召到於皇壇。徑仰叩於天威，乞俯憐
於幽滯。拜貢素悃，上瀆青玄，請降恩
光，開明黑暗。伏願真慈汲引，聖德矜
容。告符命於河源，變劍樹而作瓊
樹；頒赤書於狴犴，化刀山而爲寶山。
願垂照燭之慧光，茂葳慈悲之誓願，煥
明長夜，輝映幽途。庶俾亡魂，均承道
果，脫重泉之報對，登仙境以逍遙。仰
賜玄恩，早垂昭報。但臣下情不勝虔禱
之至，領衆陞壇，恭行典式。

唱道

陞壇

燒香頌

各禮師存念如法

玄陰七靈，九炁合形。魂精魄爽，
二景回輪。飛光赫奕，煥耀長春。日
月吐輝，回合華英。大梵流布，奔飛火
鈴。魔王受事，朝謁帝京。含靈溥濟，
廣惠幽冥。玉文敷告，萬炁昇騰。和與

道合真。

鳴法鼓二十四通

無上三天玄元始三炁太上道君，
召出臣等身中三五功曹左右官使者、侍
香金童、傳言玉女、五帝直符直日香官
各三十六人出。出者嚴裝，關啓靈壇，
土地里域真官等神。臣今正爾陞壇，燒
香行道，謹奉爲入意，其諸情悃，已錄上
聞。願得玉清道炁靈寶妙光，流入臣等
身中，令臣所啓之誠速達徑御太上無極
大道、東極青玄慈父太一救苦天尊御
前。

請稱法位

具位臣某與弟子某，謹同誠上啓：

太上無極大道虛無自然元始天尊、太
上道君靈寶天尊、太上老君道德天尊、
高上玉皇上帝、句陳上宮天皇帝、中
天紫微北極大帝、東極青華大帝、后土
皇地祇、十方已得道大聖衆至真諸君
丈人、東華南極、西靈北真、玄都玉京
紫微上宮明皇道君、上相上宰上保上
傅、三十六部尊經、玄中大法師、五帝
三官、四司九府、九天天曹列位真宰、

地府水司五嶽四瀆名山洞府神仙聖衆、三界官屬、一切威靈，咸望洪慈，俯垂洞鑑。臣聞：古之聖人蓋與天地合其德，四時合其序。大哉，孝行。至於日月爲之明，王道爲之成。蘭公得其說於斗真，諶母傳其書於太史。是故淨明之法，本忠君孝親以存心；盟真之齋，以報祖薦親而立教。以此見學仙之士，曷嘗不篤意於親。謂滅其天常，是特儒者自私之論。若質諸道典，豈知天真大孝之心。伏念臣某猥以凡材，叨參玄學，奉經科而開化，佩戒律以焚修。離形去智同大通，雖有取顏淵之語。慎終追遠則歸厚，常思廣曾子之言。屬同門，志切於薦親。爲祭酒，義當於領奏。陟降在左右，幸瞻帝真穆穆之光，孝悌通神，明諒鑑人。子區區之請，既承詞旨，敢不上聞。

宣詞

按如詞言，備殫懇款，仰祈大道，俯鑑小心。臣聞：民生於三，事之如一。道出於一，教分於三。故資事父以事君，則忠孝之義盡；取於治身而

治國，則清淨之化成。其在棲真者流，尤以報君爲重。是以九真妙戒，以敬勤爲入德之門；三籙本科，以焚修爲祝釐之意。教所由來遠矣，學者所宜則之。

以今陞壇行道，請法衆等，運茲初捻上香。

願此香煙騰空，徑上供養無上至真道寶。臣等首體投地，皈命太上三尊、十方衆聖，以是功德，上祝皇帝聖壽萬安。伏願道參玄聖，德配皇天，眷命有德者昌，宗社衍萬年之慶；無爲而民自化，華夷歸一統之中。今故燒香，自皈依道尊大聖衆至真之德，得道之後，和保天長存。

臣聞：人本乎祖，孝始於親。自禮經而言，除七廟二祧餘不在烝嘗之列。以道書而論，則億曾萬祖猶應在薦拔之科。蓋有先亡未受度而不得仙，亦有前世不祀祖而猶爲罪。是故女青禁典，中存拔贖之文；靈寶本章，首列追度之品。凡道士修真，此爲先務。故天尊設教，具有明文。

以今陞壇行道，請法衆等，運茲二捻上香。

願此香煙騰空，徑上供養無上至真經寶。臣等首體投地，仰依太上三尊、十方衆聖，願以是功德，歸流報孝。弟子某道俗二門，玄祖上世先靈，俾沐善功，俱超仙界。伏願三境下雞竿之詔，九幽承龍簡之恩。緣本思舊宗，早拔籍於泉曲之府；混化歸元一，即遷神於朱火之宮。今故燒香，自皈依經尊大聖衆至真之德。得道之後，和昇入無形。

臣聞：廣大精微，君子之道可傳也；劬勞鞠育，父母之恩莫重焉。凡有血氣者，且知用其情；豈思道德者，而可忘其本。蓋有生未伸於榮養，死尤切於追資。王尊師依玉皇本行以薦親，卒如其志；莫氏子誦青霄隱書而拔母，果獲其成。仰前哲之耿光，宜後人之明鑑。

以今陞壇行道，請法衆等，運茲三捻上香。

願此香煙騰空，徑上供養無上至

真師寶。臣等首體投地，仰依太上三尊、十方衆聖，願以是功德，徑爲弟子某拔度所薦亡者某神魂，出離冥途，上昇仙境。伏願乘三化五鍊之功，出九夜重陰之苦。服飛根而生玉液，早遊神大渺之堂；咀靈芝而漱金泉，即飛步洞陽之館。今故燒香，自皈依師尊大聖衆至真之德。得道之後，和昇入無形。

禮方

各長跪懺悔

臣等伏聞：太史昇仙，傳九幽明真之典；天師得道，留三八謝罪之科。非祇徒薦拔於先亡，特所以發明於孝道。伏念亡者某浮生若夢，大患有身，六塵徧染，三業縈纏，滋生罪垢，五蘊非真，四大假合，動涉塵緣。顛連於是非物我之途，流轉於情慾愛憎之地。心生口語，日積月深。衡鑑無私，固莫逃於考覈；幽明異致，亦難憶其升沉。以今報孝，弟子某幼師道德之風，未報劬勞之德，倘先靈之未度，將此念以何安。庸奉玄科，以資冥福，謹齋香花、

燈燭、法信供養之儀，皈命太上無極大道十方靈寶天尊、十方救苦天尊、十鄉神仙諸靈官。伏願天恩昭曠，宇量含洪。念先親汨沒於世緣，未能自拔；凡平生註誤於憲網，咸與維新。俾脫籍於幽關，早化形於丹界。然願存亡兩世，俱逢天開地闢之時；道俗二門，均囿日照月臨之下。懺謝之後，昇入無形。

命魔

步虛

三啓頌

三禮

重稱法位

具位臣某等，重誠上啓三清四梵、八極九霄、紫闕黃房、雲宮星府、至真至大、無極無窮、三界高真，玄壇衆聖。咸望洪慈，俯垂洞鑑。伏念臣等樗櫟散材，醯雞小見。栖遲玄宇，雖知讀黃老之書；傳習齋科，豈盡得陸張之意。但以盟心於利濟，輒忘越分以行持。惟三綱五常乃立人之大本，而九幽十類皆失道之窮魂。爰謹薦揚，庶期開

度，以今奉爲某懺悔亡故某及祖宗父母，九幽長夜一切苦魂。雖廁處於人倫，自汨沉於天理。惟五教之有親有義，有別有序有信，雖曰有常；犯六刑之不孝不弟不睦不嫺不任，至於不恤。居上無道，爲下不忠。禮義廉恥之俗微，放僻邪侈之習勝。迷迷不覺，一旦花殘銀海而氣斷玉樓；戀戀相牽，萬劫足履刀山而手攀劍樹。以今弟子某求啓紫微之祕，特修玉匱之科。驛簡通幽，龍童效信。仰惟大造，特霽殊恩。神光所燭而無隱不通；惠澤所加而何冤不釋。拔出地戶，不爲地獄之沈囚；朝禮天顏，俱到天尊之法會。然願乾坤交泰，日月貞明。海宇承平，俱在八荒之壽域；天人受度，獲登無上之至真。至於神虎官君，龍符驛吏，承流宣化，俱有開通冥道之勞；崇德報功，宜在遷轉仙階之列。上祈天尊大慈之化，下副臣等皈告之誠，謹啓以聞。

發願

一願元始符命，二願幽夜開光，三

願金錄度命，四願黑簿除愆，五願苦海息浪，六願火獄沈煙，七願怡神快樂，八願解釋冤牽，九願聞經悟道，十願進品仙階，十一願酆都罷對，十二願學道成仙。

存神燒香

香官使者、左右龍虎君、侍香諸靈官，當令臣行道朝修之所，自然生金液，丹碧芝英，百靈衆真，交會在此香火爐前。當願亡魂受度，弟子蒙恩，十方仙童玉女接待，蘭煙傳臣向來所啓之誠，速達徑詣太上無極大道、東極青玄慈父太一救苦天尊御前。

出堂頌

下壇

謝師

天門九重開，式展朝元之禮；地獄五苦解，均承度命之功。謹扣謁於師垣，特恭伸於謝悃。臣某適來謹爲報孝弟子某恭依教典，宣闡朝儀。慮有犯於繩規，恐難逃於斧鉞。仰祈慈造，俯賜矜容。伏願金符度命而九地皆春，丹簡宣恩而諸囚罷對。亡爽悉超於道

岸，永證逍遙；玄門茂振於宗風，均沾化育。臣干冒崇嚴，下情不勝，恭謝之至。

回向

設醮謝恩

步虛

灑淨

宣衛靈呪

請稱法位

具位臣某等，同誠上啓列聖，咸望

洪慈，洞回昭鑑。

臣聞：道者羣心之用，物莫能違；

孝爲百行之先，人當自勉。惟父母之功莫大，與乾坤之造同符。是故謀母歲教於黃堂，先明孝道；玄帝傳經於玉篋，具述報恩。豈徒養生喪死之盡情，亦欲積行修緣而入妙。蘇仙留橘井與慈母以立功；真武宴谷巖爲二親而修果。以此見人倫之大，最爲學道者之先。伏念今時報孝弟子某寄跡法中，違離膝下。奉甘食美服，以養其口體。既不能盡世俗之孝心，求奇方妙藥，以延其壽年；又安得如太平之經

訓，念捐世之太早，莫殺身以相從。履霜露以興懷，望松楸而掩淚。歲月逝矣，不知魂魄以何依；夢寐見之，宛若音容而相接。爰修道果，少福冥途。然燈燒香，按玉匱盟真之典；陶魂鑄魄，行紫樞飛梵之科。幸法事之告成，諒靈光之響答。伏願皇皇大道，赫赫高真，俯憐至隱之情，特廣好生之德。九龍傳驛，風雷渙汗於幽都；萬犴停刑，雨露昭蘇於罪爽。俾魂神之超度，獲時刻之昇遷。九祖生天，庶不負出家之意；一心慕道，敢忘加修己之功。臣等下情不勝凝俟之至。

請班

降聖

宣詞

臣聞：天雖高而聽甚卑，惟誠能動；子欲養而親不待，從古皆然。故曾參有三釜之悲，而文正懷一衾之恨。以賢者尚篤此事，豈方外獨無是心。未能盡養於生前，必抱遺哀於身後。幸天尊垂玉匱拔亡之典，使人子伸昊天罔極之情。比之廬墓，以終身執喪

過禮；效乎刻木，以爲象事亡如存。論孝忱則有之，皆無益於死者。豈若綠章封事，陳哀悃於帝前；白簡飛符，拔死魂於地下。既鬼有所歸矣，於人獨無校乎。乃知道教之垂科能濟禮經之不及。伏念報孝弟子某自憐薄命，少遭閔凶，鞠育劬勞，其何能報，焄蒿悽愴，徒切于懷。爰修鍊度之科，少益幽冥之福。荷真旂之委鑑，設清醮以謝恩。伏願帝度其心，天從所欲。念先親積德而未食其報，憫微臣思孝而莫致其情。特頒渙汗之恩，一洗沈冥之苦。庶令逝魄，早脫幽關。玉眸鍊質，黃華蕩形，即化形於丹界；綠字返生，金房度命，獲飛步於上清。蛻質登真，轉輪得道。臣等致恭上香，謹陳亞獻。

宣進狀

臣聞：乾元坤元，乃人元之資始；父相母相，即我相之肇基。生生不窮，念念相續，艱難苦惱，緣茲而后。有長育，顧復何思之能耐至；人達道，本原大意識真父母。滅貪嗔，除險峻，所以報恩；空結習，割愛情，自然去累。使

有相歸於無相，號真空而實不空。是爲入解脫門，可以到逍遙境。伏念亡故某羈縻世網，汨沒妄緣。慾海愛河，易縱無明之性；電光石火，難留觀化之身。命奄泉扃，名登鬼錄。顧九結十纏之未淨，在三途五苦以何逃。念當年，遣子以出家，固其心之有托；在今日，濟幽而拔苦，諒我道之垂憐。伏願特推錫類之恩，丕廣度人之德，勅陶公仙伯以校籍，命韓君司馬以度魂。庶令亡者某受事朱宮，書名黃錄。一百八十煩惱業障俱消，八萬四千塵勞妄緣都盡。永辭苦趣，頓入仙宗，從茲出入於六虛，不復輪迴於三界。然願弟子某賞延先世師資宗祖，以同昇裕，及後昆道俗眷，緣而迪吉。學仙有遇，進道無魔。正妙通妙，顯言有修，誓不負報恩之訓；始相我相，悉歸無着，願早登真一之門。臣等致恭上香，酒陳終獻。

宣疏

送神

臣聞：道非可象，散則成炁，聚則

成形。神本無方，聽之不聞，視之不見。惟精神之默感，則陟降之如存。適舉朝儀，今當拜送。伏想三清上聖遊神寥廓之鄉，九地冥官復職幽陰之境。倏忽不知其所在，彷徨恨莫以相從。臣某等骨肉行尸，塵泥賤品，叨逢道化，備在真階。或俯仰之失儀，或步趨之失節。存奏昧飛神之法，書符違按筆之規。仰祈棄過以錄功，庶免因齋而獲罪。德何以報，當益勵於焚修；威不違顏，願常蒙於賜對。臣等下情不勝攀戀之至，瞻望霄衢，一心拜送。

回軒頌

送出化財

玄門報孝追薦儀

（陳耀庭點校）

053 諸師聖誕冲舉酌獻儀

經名：諸師聖誕冲舉酌獻儀。
一卷。底本出處：《正統道藏》
洞玄部威儀類。

玉帝聖誕酌獻儀 正月初九日

虹流藹瑞，瞻香案於昊天；鵠立
馳誠，薦芳罇於福地。恭炷道德真香，
虔誠奏啓供養，太上開天執符御曆含
真體道昊天玉皇大天尊、玄穹高上帝，
光嚴妙樂國王聖父天尊、寶月光皇太
后聖母元君、金闕彌羅聖衆、玉京侍衛
高真，悉仗真香，普同供養。再炷真
香，奏啓供養虛無自然三清三境天尊、
北極紫微大帝、南極天皇上帝、承天效
法后土皇地祇、三界萬靈十方真宰，是
日朝賀一切真靈，恭望洪慈，俯垂洞
鑑。

宣意

伏以大道無形，妙萬物而資始；
至真罔象，制群品以御圖。妙用難窺，
靈機莫測。庸假無文之敬，式殫慶聖
之恭。恭惟昊天玉皇大天尊、玄穹高
上帝，天地同明，日月合德。浮黎真
境，記傳受道之初；紫微上宮，顯示度
人之旨。出寶書於天篆，發金紐於霞
文。乃大梵之天章，實諸天之隱韻。
煥爾不言之教，超乎無朕之機。八角
垂芒，孰窺浩劫；二儀應運，莫測真
源。允希監宥之私，少副依歸之志。
諸天慶會，三境非遙。玉樹仙花，睇玉
虛之咫尺；琅輿碧輦，演瓊韻以雍容。
謹運虔恭，禮伸初獻。

伏以鬱羅蕭臺，現有爲之梵相；
溟滓大梵，具無極之神通。斯玄祖之
靈樞，實穹皇之要旨。昏衢慧燭，溟渤
舟航，上則安國康民，下而扶危度厄。
拯提趣類，絕智愚高下之分；敷暢真
玄，破無有色空之礙。顧惟菲薄，莫匪
甄陶。伏念某等，浪聽法音，普沾聖澤。
聞演說而歎希有，益開悟而感弘慈。
游逢降世之佳辰，用謹朝元於平日。

如無邊明鏡，在供養尊禮以奚爲；若
大音洪鍾，雖寂寞扣求而必應。不遺
再瀆，尚賜居歆，再拜上香，禮伸二獻。

伏以妙有真境，普示現國王之
身；彌羅上宮，即根本帝尊之位。具
一氣胚胎之萃，全三光浩渺之真。妙
德難思，神通莫議。隱隱玉京之上，巍
巍金闕之高。五千祕言，融三才之大
道；八千餘度，接六趣之衆生。自然
而然，非識可識；定而能應，去來自
在。以無拘合而可分，變化圓通而莫
測。演清淨解脫之旨，濟沈迷憂苦之
途。周遊於三境之中，溥現於十方之
上。伏願不違童瀆，惟簡帝心。鑑齋
戒沐浴之虔；開覆燾載持之造。照臨
有赫，喜慶難言，傾倒虔恭，禮終三獻。

宣疏

回向

伏願天聽惟明，帝心有鑒。長而
不宰，與天地以爲宗；仰之彌高，超形
名而獨立。恩全民物，澤被邦家。

祖天師誕辰 正月十五日

天上蘅薇，記千載生仙之旦；人

間蕉荔，表一時慶聖之心。恭炷真香，供養祖師三天扶教輔元體道大法天師、正一冲玄神化静應顯佑真君、六合無窮高明大帝降魔護道天尊，聖祖漢師相留文成侯、正一聖父桐栢真人、正一聖母元君，嗣師太清演教妙道真君，系師太清昭化廣德真君，正一女師元君、左右侍宸王趙二真人、正一文姬仙女、文光仙女、玉蘭仙女、芳芝仙女，奉車都尉樓亭侯、義陽太守閔中侯、南郡太守侍御史，正一歷代天師真人元君仙姑仙祖仙宗飛騰仙眷，本觀香火高真，雷霆法部官將真官、土地江東之神，三界朝賀、一切真靈。悉運真香，普同供養。

宣意

伏以啓運鶴鳴，丕闡無窮之靈化；分榮魚鬣，誕膺太上之休光。由漢室以著稱，繼留侯而濟美。山林瞻仰、海宇歸崇。恭惟祖師正一真君，正一之宗，玄元之主。代天濟世，以寶籙而傳後人；度地修真，養金丹而成大道。印劍之纂承悠遠，功行之表著恢

弘。綠輦丹輦，感金闕至真之降；龍章鳳篆，探紫陽內典之藏。奉聖朝褒錫之尊，見師造覆持之廣。神風遐著，紫霧彌羅。龍戲麟盤，仰翩翩而下逮；鸞鳴鳳唱，斯秩秩以居歆。輒運虔恭，禮伸初獻。

伏以天爲星辰，地爲河嶽，關百世之盛衰；衣之冠冕，水之本源，寄後人之瞻仰。三天具慶，四海歡騰，自惟至道儲精，寔乃先天毓秀。流芳根本，茂枝葉以光榮；沃潤山林，如草木之衣被。伏念某等仰依師廕，寓處琳庭。每依倣以有懷，惟奉持而弗替。尚監勤拳之至，俯垂享格之私，休有烈光，洞融妙義。天顏有喜，春浮芝臉以增輝；雲氣祥光，日近薇垣而藹瑞。際會風雲於天上，近瞻日月於人間。再運丹衷，禮伸二獻。

伏以六龍駕山，雙鳳扶輦，游惟慶誕之良時；五老啓途，群仙翼轅，用致贊揚於今日。轉鈞有造，覆錦惟懷。巍乎泰省之崇，翊此清門之化，無往不在，與時偕行。魚鬣端披，喜共睹天人

之相；虬髯正視，若再瞻日月之光。方蘅薇之香氣，又新念葵藿之丹誠。難泯三薰，益謹百拜。惟恭奉疏牘以敷言，潔壽解而稱頌。恩庥知自，悃款奚殫。伏願鑑行潦之微芹，沃餘波於奕葉。明明在上，永垂耀於真風；赫赫厥靈，尚依光於化日。德輝無盡，仙道彌昌。傾倒虔恭，禮終三獻。

宣疏

回向

伏願執道之樞，與天同運。教宗蒙潤，魚衣承雨露之恩；帝所垂光，鳧鳥履星辰之上。琳庭清肅，道衆安和。

道祖降誕獻文

二月十五日

大道無名，式際降生之日；至神有赫，庸殫慶贊之誠。恭炷道德真香，虔誠奏啓供養，太清仙境太上老君道德天尊、混元上德皇帝。恭望道慈，洞回昭鑑，再運真香，虔誠奏啓。供養玉清元始天尊、上清靈寶天尊、金闕諸天上帝、大羅妙有高真、法主玄天上帝、祖師正一真君、三界十方千真萬聖、雷霆法部官將、江東土地之神，是日朝賀

一切真靈。悉運真香，普同供養。

宣意

伏以生無始而隨無終，玄通冥寂；可常名而非常道，清淨自然。稟妙氣於玉虛，現粹容於神室。恭惟太上老君混元皇帝，主玄元教，居太赤天，立民物而運乾坤，宰陰陽而行日月，甄陶品類，拯濟顯幽。方青陽時序之中，乃紫府真元之節。九清慶洽，三極祥開。流瑞藹於玄樞，煥靈光於壽域。爰伸賀悃，敬奉慶儀。白鹿引車，若光臨於漢室；青牛擁駕，猶下逮於周朝。謹運丹衷，禮伸初獻。

伏以九龍擁瑞，紀毓聖之昌辰；八鸞同鳴，游迎真於穀旦。闡揚大化，演繹靈音。儼日淵月角之尊，仰天步星行之道。綱維萬化，宰制三才。伏念某等職守琳庭，率循科範，奉清光而對越，瞻紫氣以彌高。戒蓬島之羽流，潔林居之藻薦。祇修玄典，仰冀鑑觀。自本自根，等乾坤而同久；非空非色，超象數以獨尊。再運丹衷，禮伸二獻。伏以金簡玉書，闡神真於三洞；

父言聖訓，垂道德於千齡。誕揚清淨之風，茂啓希夷之化。開雲弁霞裾之緒，發赤書玉字之玄。教被中華，恩周下土。關令方深於望氣，天人有待於傳經。搏不得，聽不聞，雖大道獨超乎語嘿；存者神，過者化，惟盛德則可以形容。何以贊揚，第勤薰沐，伏願先天傳道，浩劫指迷，長爲下土之津梁，悉化群黎於方域。馴至空同之間，自無姑射之疵。道統儲祥，琳庭協慶。傾倒虔恭，禮終三獻。

誦經

宣疏

回向

月惟春仲，風光已及於花辰；壽與天齊，道德斯臨於仙旦。諸天同慶，三界均歡。伏願玉几高明，丹扃通徹。國家寧一，遵道德之常經；天地後先，超形名而獨立。各諧清淨，共底雍熙。伏願道尊德貴，林泉永樂於昇平；日富月昌，雨露均沾於化育。

高真降誕 三月三日

三月三日，正蘭亭修楔之辰；一

德一心，慶金闕化身之聖。恭炷真香，虔誠供養，萬法教主玉虛師相玄天上帝、金闕化身蕩魔天尊，聖父淨樂天君明真大帝、聖母善勝天后瓊真上仙，聖師豐乾大帝、祖天師泰玄上相正一真君、虛危二宿星君、應化武曲星君、文昌梓潼帝君、武當山得道五伯靈官、北極佑聖府天乙真慶宮元和遷校府官君將吏、觀庭香火高真、雷霆法部官將真官、土地江東之神，是日朝賀三界真靈，玄虛過往糾察真司。悉仗真香，普同供養。

宣意

伏以夢日儲祥，慶玄天而應化；披雲望幸，伏厚地以陳情。諸天齊臨，萬神唱奉。恭惟教主玄天上帝，得天之道，執帝之符。淨樂孕靈，鍾五嶽三光之間炁；虛危應宿，合九霄八景之元和。宜尊居北極之高，益光贊東吳之盛。屢沐聖朝之華袞，誕臻人世之葵傾。細酌流霞，順下風而獻奠；庸修澗藻，祈上聖以光臨。謹運丹衷，禮伸初獻。

伏以玉虛師相，仰北極之崇高；金闕真尊，寄後人之瞻睹。靈光奕奕，聖德巍巍，然有願以皆從，故無幽而不燭。魁罡激指，掃妖魔於六洞之中；

人鬼分離，著功行於七日之內。顯幽俱泰，今古攸遵。伏念某等叨沐甄陶，惟深慶贊。行藏用舍，莫非聖訓之依；覆燾匡扶，所異靈休之及。洵逢此日，再啓玄風。輒陳潢潦之儀，以答鴻龐之貺。不違童瀆，尚鑒時忱。瑤珮瓊裾，下雲霄之浩蕩；金錢寶馬，略塵世之恭虔。再運虔誠，禮伸二獻。

伏以瀆則不告，敢忘慶賀之私；感而遂通，仰藉好生之德。神洋洋乎如在，皇剡剡兮揚靈。第切瞻依，肅嚴獻奠。伏望迂臨下土，惠鑒微忱。蘋藻將誠，三侑殷勤之禮；山林多幸，一瞻只尺之光。庸罄一忱，禮終三獻。

誦經

宣疏

回向

春日融融，開遍上林之桃李；天顏穆穆，敬修南澗之蘋蘩。萬倍歡榮，

一誠慶賀。伏願高真洞鑒，列聖垂慈。格一念之精誠，錫九疇之洪範。冠裳興盛，琳宇昌安。

高真祖師冲舉獻文 九月九日

乘雲謁帝，當九日之再臨；酌水朝真，仰三天之孔邇。恭炷真香，虔誠供養祖天師、三天扶教輔元體道大法天師、正一冲玄神化靜應顯佑真君，六合無窮高明大帝、降魔護道天尊餘聖位，同前，再炷真香，供養萬法教主玉虛師相玄天上帝、金闕化身蕩魔天尊，聖父淨樂天君明真大帝、聖母善勝天后瓊真上仙，武當山得道靈官聖衆、觀庭香火高真、雷霆法部官將真官、土地江東之神，是日朝贊一切真靈，悉仗真香，普同供養。

宣意

伏以玉珮秋風，記重陽之昇舉；金莖曉露，對佳節以獻酬。諸天下臨，萬神唱奉。恭惟祖天師正一真君，執天之樞，與天同運。瑤峰玉局，親傳九鼎之書；絳節霓旌，光被三天之詔。由漢室龍興之世，至蜀都鶴去之時。

益衍宗風，光于今日。載惟法主玄天上帝，得天之道，執帝之符。淨樂孕靈，鍾五嶽三光之間氣；奎婁應宿，合九霄八景之元和。宜尊居北極之高，益光贊東吳之盛。俱沐聖朝之華袞，誕臻人境之葵傾。細把茱萸，順下風而獻奠；庸修蘋藻，祈上聖以光臨。謹運丹衷，禮伸初獻。

伏以紫芝眉宇，仰師省之崇高；玄武旌旗，寄後人之瞻睹。靈光奕奕，天視昭昭，蓋與時以偕行，乃無幽而不察。鹿堂鹽井，著功行於豐碑；鍼澗榔梅，重懷恩於下土。無窮傾慕，敢後朝修。伏念某叨沐甄陶，惟深慶贊。行藏用舍，莫非聖訓之依；覆燾匡扶，所冀靈床之被。苻逢此日，再啓玄風，輒陳潢潦之儀，以答鴻龐之貺。不違童瀆，尚鑒時忱。瑤珮瓊裾，下雲霄之浩蕩；寒泉秋菊，略塵世之恭虔。再運丹衷，禮伸二獻。

伏以鸞書鳳誥，承三天眷命之隆；羽葆霓旌，際九日昇真之會。神洋洋乎在上，皇剡剡兮揚靈。乘白雲

至帝鄉，功成別館；受素書傳真訣，威制群魔。綿數千百年正一之傳，恢二十八治宗風之盛。化巢之功勳，若被鎮天之威武。非虛莫既贊，宣肅嚴獻奠。伏望迂臨下土，惠鑒微忱。茱菊流芳，三侑殷勤之禮；山林多幸，一瞻只尺之光。庸罄一忱，禮終三獻。

宣疏

回向

鸞鶴浮空，降威容於只尺；冠裳列序，致禮敬於再三。八表秋清，諸天雲會。伏願歆格微誠，顯敷大教，傳經玉局，永光道德之宗；主法玄天，茂衍厯鴻之慶。琳庭清肅，道衆和安。神靈孚佑，教弘道德之光；儀相崇嚴，運啓雍熙之治。冠裳興盛，琳宇昌安。

請師聖誕冲舉酌獻儀

（陳耀庭點校）

054 地府十王拔度儀

經名：地府十王拔度儀。一卷。
底本出處：《正統道藏》洞真部
威儀類。

法事

普獻無邊聖，香煙散大羅。諸天無量聖，日月斗星辰。玄師經籙祖，天府衆高真。願垂大慈力，超度此亡靈。和不可思議功德。

普獻無邊聖，香煙透冥關。酆都岱嶽府，考校罪魂司。幽牢遍諸獄，地府衆威靈。願垂大慈力，超度此亡靈。和不可思議功德。

普獻無邊聖，香煙遍博桑。江河淮海濟，雷電雨龍神。十洲三島谷，水府衆仙真。願垂大慈力，超度此亡靈。和不可思議功德。

啓聖 入科

伏以天高地下，布品彙以昭彰；

日往月來，成四時之代謝。有生必盡，無始不終。睹山澤之難藏，知形數之不免。皇天有監，造物無私。生雖貴賤之殊，死無高下之間。人生一世，幻化非堅，假合形軀，強成四體。似枕前之春夢，如石中之火光；似猛風之徹燭，如水上之浮漚。變滅須臾之間，成壞俄頃之際。形歸於地，魄返諸幽。惟彼至人，超於妙外。行乎萬人之上，坐閱古人之徒。千載歸來，嘆城郭之猶是；一朝頓悟，雖宇宙之難籠。苟非自得，其方難免，同歸於土。今齋官某伏爲亡過某恐緣在世之時，身有無邊之罪，歸依真教，大啓琅函。恭對高真，稱揚聖號。

大聖三寶天尊

爾時，元始天尊在西那玉國鬱絕之山，長樂宮中黃金殿內，與太上道君演教世界衆生死經十大地獄，因緣罪福，報對無休，敕妙行真人，承此光明，下入九幽，普拔亡靈，悉令超度。以今懺悔，說此善緣。各啓虔誠，同聲讚

詠。

信禮無上大羅天三清三境三寶天尊

三尊聖號，功德無邊，可以超度亡靈，可以保扶見在。今亡過某追修冥路，早遂超昇。先請五分冥香，供養三清上聖，降臨道場。次請大德法師，行持法事，仰憑法衆，齊聲讚嘆大不可思議，道香、德香、無爲香、解脫香、自然微妙返生香。香冉冉，珮玲玲，唯聞法師讚嘆聲。寶蘊一開天地靜，逡巡早見異光生。一炷冥香蕪返魂，望空供養玉晨尊。願降大慈無礙力，使令亡者早超昇。和不可思議功德。

和不可思議功德。

焚香仰啓法中王，禹餘天中爲教主。傳經傳教傳萬法，高上玉晨大道君。和不可思議功德。
焚香仰啓法中王，太赤天中爲化主。造化三才運五行，高上五靈玄老君。和不可思議功德。

爾時，元始天尊告妙行真人曰：北方溟海之外，十萬餘里，有一世界，名曰洞陰。朔單鬱絕之國中，有一帝君，號曰五靈元老黑帝天君，統領北鄉無鞅聖衆。有一大山，號曰酆都山，上接閭風之臺，週迴五萬餘里；下有六洞，謂之曰陰景天宮，即太溟水帝、北陰天君、酆都大帝之所治也。諸天直使、五斗靈君、東斗生炁君、南斗司禁君、西斗生形君、北斗司命君、中斗總錄君，九合土主五嶽大神，以爲僚屬，分司佐治十位真君。諸大地獄，校量善惡，拷掠魂神。應是亡歿之人，遍須經詣。是時，坐中有一真人，名曰妙行，瞻依天尊，作諸是頌，拔度亡人。今日敷揚，用伸懺念。

太一救苦天尊

焚香供養，冥府第一宮、泰素妙廣真君。世人所謂，秦廣大王。其中地獄，長蛇吐焰，鐵狗噴煙。亡人一七，先到此宮。天尊哀憫，救度亡魂，出離冥塗，迺稱偈讚。

玉寶皇上天尊

茫茫苦海實堪哀，惡業於身手自栽。魂魄已歸司命府，幽關鎖閉幾時開。長蛇吐焰炎如火，鐵狗噴煙陣陣來。稽首諦聽三寶頌，普令超度出泉臺。

和不可思議功德。

爾時，真人聞是頌已，懽喜踴躍，仰謝天尊，再稱偈讚。

九幽拔罪天尊

無邊聖力不思議，盡釋幽牢拷對詞。一道祥光來接引，亡靈隨逐上丹墀。

和願薦此亡靈，往生極樂國。

焚香供養，冥府第二宮、陰德定休真君。見世名曰，初江大王。其中地獄，刀山劍樹，火翳寒冰，亡人一七，須詣此宮。天尊哀憫，拔度亡魂，出離冥塗，迺稱偈讚。

玄真萬福天尊

衆生成造惡因緣，孰爲回心見福田。劍樹刀山屠一體，湯隨烈火恣烹煎。無明種種欺方寸，一念思惟祇罪愆。汝等歸依無上道，當來速得往生天。

和不可思議功德。

爾時，真人聞是頌已，心大懽喜，

稽首天尊，再吟偈讚。

十方救苦天尊

悠悠長夜可悲傷，一切衆生苦莫當。仰賴慈尊垂救度，須臾熱惱化清涼。

和願薦此亡靈，往生極樂國。

焚香供養，冥府第三宮、洞明普靜真君。世人所謂，宋帝大王。其中地獄，吞火食毒，屠割身形。亡人三七，須詣此宮。天尊大慈，不令經涉，迺作偈頌。

太妙至極天尊

冥冥幽府九重根，長夜唯聞苦毒聲。獄卒強教吞毒炭，牛頭屠割汝形身。前生業果重重積，歿後悲酸一一經。今日聽宣無上道，此身速離廣寒庭。

和不可思議功德。

爾時，真人聞是頌已，說大慈心，讚嘆天尊，而作偈頌。

朱陵度命天尊

天尊說教大慈悲，惡業衆生盡得離。五色祥光開道路，從今同會入無爲。

和願薦此亡靈，往生極樂國。

焚香供養，第四宮，玄德五靈真

君。世人所謂，忤官大王。其中地獄，負沙運石，無有休息。亡人四七，須詣此宮。天尊大慈，廣垂哀憫，救度衆生，而作偈頌。

玄上玉晨天尊

酆都六洞大冥鄉，窈窕窮魂實可傷。惡業沉魂歸地府，善功圓滿上天堂。負沙運石無休息，滾滾長河似沸湯。諦聽慈悲無上語，今爲甘露入飢腸。

和不可思議功德。

爾時，真人聞是頌已，稽首天尊，讚嘆無量，再吟偈頌。

法橋大度天尊

天尊無量救衆生，白簡丹書地獄迎。一切愆尤俱解釋，從今拷掠頓超昇。和不可思議功德。

焚香供養，冥府第五宮、最聖耀靈

真君。世人所謂，閻羅大王，乃北陰天君之上佐，諸大地獄之總司，號同九幽，位齊五斗。亡人五七，當至此宮。業鏡現形，隨緣報對。天尊慈憫，普爲衆生。拔度亡魂，而作偈頌。

度仙上聖天尊

衆生顛倒昧元因，慾海茫茫錯用心。金玉如山難濟死，臨行惟有業隨身。三塗渺渺無超度，長夜冥冥正拷魂。地獄須臾皆解脫，一心恭敬大慈尊。

和不可思議功德。

爾時，真人聞是慈悲，稽首作禮，上白天尊，再吟偈頌。

火鍊丹界天尊

衆生業障本由心，解脫須憑無量因。稽首虛皇無上道，一言寶偈勝千金。

和願薦此亡靈，往生極樂國。

焚香供養，冥府第六宮、寶肅昭成真君。世人所謂，變成大王。其中地獄，金釘拔舌，鐵斧剗胸。亡人六七，當詣此宮。晝夜拷魂，被受諸苦。天尊慈憫，奉爲一切窮魂，而作偈頌。

好生度命天尊

刀山劍樹鐵成林，惡業衆生正苦吟。浮世電光來快樂，冥塗千劫永湮沉。陰司報對無容隱，拔舌剗胸痛莫禁。爲汝滅除無量業，當來稽首謝三清。

和不可思議功德。

爾時，真人聞是頌已，頂禮恭敬，

上白天尊，再吟偈頌。

金闕化身天尊

慈尊惠度說因緣，接引衆生上法船。鍊度此形成妙質，當知聖力大無邊。

和願薦此亡靈，往生極樂國。

焚香供養，冥府第七宮、泰山玄妙真君，見世名曰，泰山大王。受上帝敕命，佐理北陰，晝居東嶽，夜入冥府。亡人終七，須詣此宮。拷定因緣，校量罪福。天尊救度，普使超昇，爲諸衆生，而作偈頌。

太靈虛皇天尊

人間禍福本無門，汝等親栽善惡根。方寸但知藏垢穢，百年數盡作孤魂。業風吹處生還死，萬劫悲辛不忍聞。爲汝滅除無量業，當來來敬大元君。

和不可思議功德。

爾時，真人聞是妙音，發無上道心，稽首天尊，再吟偈頌。

逍遙快樂天尊

悠悠五苦報囚徒，高上慈尊盡拔扶。倏忽遍蒙甘露洒，幽關無數出泥塗。

和願薦此亡靈，往生極樂國。

焚香供養，冥府第八宮、無上正度真君。世人所謂，平等大王。其中罪人，手抱銅柱，身卧鐵牀。死經百日，方到此宮。罪業大深，拘留此獄。天尊大慈，哀憫衆生，濟度罪魂，而作偈頌。

無量大華天尊

冥官鼓筆怒威驚，拷掠悲辛不忍聞。人世百年無片善，亡靈過惡似沙塵。陰關未隔陽光界，骨肉爲誰救拔人。惟願脫離幽鎖去，得生恭敬大慈尊。

和不可思議功德。

爾時，真人聞是頌已，禮謝天尊，再吟偈頌。

隨願往生天尊

虛皇一念向衆生，地獄咸聽大法音。倏忽超昇三界土，永離幽夜劍林中。

和願薦此亡靈，往生極樂國。

焚香供養，冥府第九宮、飛魔演化真君。世人所謂，都市大王。其中地獄，鋸解鑊湯，萬死千生，無有休息。死經周歲，方詣此宮。天尊布化，普爲衆生，大啓慈悲，救苦度厄，而作偈頌。

玉虛明皇天尊

冥關一閉永無光，溟漠幽昏去路長。浮世何由通信息，酆都境界隔陰陽。危冠朱吏司刑剎，獄卒牛頭掌鑊湯。稽首慈尊來救苦，願乘超度入仙鄉。

和不可思議功德。

爾時，真人聞是頌已，懽喜讚嘆，功德無邊。稽首天尊，再吟偈頌。

乘功託化天尊

天尊法力不思議，一切天神願賴依。白簡真符來地獄，威光前路引魂儀。

和願薦此亡靈，往生極樂國。

焚香供養，冥府第十宮、五靈威德真君。見世名曰，轉輪大王。應諸罪魂，死經大祥，方至此宮。天尊憫濟，救拔亡靈，而爲偈頌。

真皇洞神天尊

虛皇演教說真詮，普爲衆生度有緣。行滿登高無色界，罪根深重入冥泉。逍遙宴處金華館，累劫應知見福田。一切幽魂咸解脫，盡披重霧睹青天。

和不可思議功德。

爾時，真人聞是頌已，讚嘆無量，

再吟偈頌。

寶華圓滿天尊

天尊哀憫救群迷，九夜幽魂盡出離。徑上南宮咸受度，普皆同會入無爲。

和願薦此亡靈，往生極樂國。

天尊言，一切衆生，死經地獄，魂繫酆都，備受諸苦，時時拷掠，刀山屠割，銅柱鐵牀，火鑿寒池，無邊苦惱。吾今爲汝稱吟寶偈，舉無量音，響徹十方，聲聞九地，拷對悉皆解脫。魂神受鍊，徑上南宮，劫劫生生，長居快樂。

向來演說天尊偈頌，十王真君名號，功德圓成，超度亡過某人，往生天界。伏願承茲妙果，盡釋愆尤。速離幽暗之鄉，徑達往生之路。然冀福流見在，慶及家門。一切有情，同登道岸。

諷經 宣疏 向來 回向

地府十王拔度儀

(陳耀庭點校)

055 紫皇鍊度玄科

經名：紫皇鍊度玄科。一卷。
底本出處：《萬曆續道藏》。

法事如儀，侍職焚衛靈符，都講舉

各禮師存念如法

請宣神咒

五星列照，煥明五方。始皇護魂，丹老衛形。皓靈侍魄，黑帝攝生。中央黃帝，總御萬真。元皇告下，幽夜開光。罪消北府，名列南宮。金籙受籍，玉字除殃。朱陵受鍊，飛神太蒼。三宮九府，無極神鄉。普受開度，鍊化天堂。和與道合真。

都講舉

侍職焚發爐符

鳴法鼓二十四通，高功念

無上三天太冥天乙之炁紫皇天

君，召出臣身中三五功曹，左右官使者，左右捧香驛龍騎吏，侍香金童，傳言散花玉女，五帝直符直日香官使者，各三十六人出。出者，嚴裝顯服，冠帶垂纓，關啓此間土地、方域神真。臣今正爾鍊度，陞壇謹奏，爲入意其諸丹悃，已具奏聞。臣今關□，願得北方五靈元之炁，下降流入臣等身中，令臣所啓之誠，速達徑詣，無上至真三寶、祖師教主玄天紫皇上帝。

御前

都講舉

請稱法位

具位臣某誠惶誠恐，稽首頓首，上啓三清三境天尊，昊天至尊玉皇上帝，北極紫微伏魔大帝，勾陳星宮天皇大帝，承天效法后土皇帝祇，神霄真王長生大帝，太乙尋聲救苦天尊，十方靈寶天尊，五方五老上帝，九天生神上帝，三十二天帝君，東華木公元陽慈父，西靈金真祖母元君，日宮太陽帝君，月府太陰皇君，南斗鈎魂星君，北斗鑄魄星君，南極朱陵大帝，南昌上宮司命司籙

延壽益筭鍊化尊神，迴骸起死監生大神，主鍊九華真人，南昌上下朱陵火府真宰，三元三品三官大帝，靈寶五師真君，西瑤主法冲天正一元君，雷霆三省上相真君，祖師教主玉虛師相紫皇玄天上帝，祖師西河救苦薩真人，清微靈寶紫庭鄧都東嶽諸法傳派師真，童初聚魂五府真君，太陽火官、太陰水官，水府扶桑大帝，南昌鍊度司火沼水池使者，玉眸鍊質尊神，金液鍊形尊神，丙丁朱雀神君，黃華蕩形尊神，石景水母元君，壬癸玄武神君，北都寒池使者，化魂育魄尊神，混元十二炁化生大將軍，天醫大聖，神虎何喬二元帥，玄都茭龍驛吏火府賚簡童子，九龍符命使者，五方五靈童子，醮筵真宰，合座威靈。恭望道慈，洞回淵鑒，以今奉爲，奉道追鍊某伏爲亡過某從傾逝，莫測升沉。仰惟太上之慈悲，特啓玄科而濯鍊。敬資玄造，俾遂超昇。臣幸以宿緣，冒行秘法。真水真火，罔明昇降之功；靈府靈源，曷知燥濕之本。匪憑道力，何以鑄鈎，輒據懇切之誠，敢

瀆高真之聽。伏望命五色浮雲之駕，豎九光流景之旌。金童玉女以雍雍，將吏神兵而赫赫。俯降法筵，主盟鍊度，具有表文，謹當宣讀。

宣紫皇表

宣關畢

高功作聲念

臣聞：日精月華，廣照臨於下土；

離南坎北，共炎潤於生靈。欲聚魂於形神，須皈依於慈造。伏望師慈，特佈真水真火，降赴華池，容臣鍊度。專祈救命，告下日中炎光洞明太素真人，火光童子，鬱璣將軍，火鈴童子，月中黃華石景流光夫人，圓光童子結璘將軍，雷門陰陽荀畢二雷神，天蓬門下四目老翁、高刁北翁，素臬三神長顛巨獸四大將軍，陳唐宋薛四元神，太玄斷症陳元帥，離宮辟惡溫元帥，追癆攝瘵開心符使伊祈大將，地祇翊靈昭武溫元帥，主水主火趙陶二元帥，水池使者鄭大神，火沼使者白大神，守雄抱雌二大將，無義斷恩王大神，合形復體大神，混元十二炁化生大神，只今下降法壇，

助臣鍊度，務令受鍊亡魂，業垢冰融，冤尤燼滅，承功托化，隨果受生。臣不漸愚昧，叨冒行持，全資真馭，大賜正真。道炁、生炁、梵炁，三光真炁，流入臣身，容假慈光，以成勝事。所有真水、真火，臣謹懇請飛入明池，以副效信。臣干冒道威，緬想玄恩，潛垂昭報。

高功變神，建火沼水池，水火混合

提魂訣存祕旨內，朝座前念偈

高功陞座，左手捻香真念

此香，雲凝三素，氣藹七靈。丹谷流精，離坎混金華之粹；玄臺孕秀，雌雄符玉笈之祥。

香，焚爐內

熱向爐中，遙空供養

元始法王，洞真天寶，奉祝正薦亡靈。伏願千愆解釋，萬罪消除。北鬱升神，白簡煥慈雲之渥；南陵度命，丹符融惠日之祥。絕塚訟於門庭，息灾殃於嗣續。

高功左手捻香，祝

此香，月窟分精，天根毓秀。騰紫煙於碧落，光煥陽靈；飛彩霧於黃道，

祥開陰曜。

香焚爐內

熱向爐中，遙空供養

太上玉宸，洞玄靈寶，奉祝係薦，祖考先靈。伏願各明正性，頓悟本來，憑金簡以出幽，聞經悟道；仗玉符而度品，鍊質登真。快樂無為，逍遙自在。

高功右手捻香，祝

此香，三極騰芳，五靈委炁，耀玉華於地藥，翠焰玲瓏；施金景於天葩，玄煌煒燁。

香焚爐內

熱向爐中，遙空供養

道德高尊，洞神神寶，奉祝齋主某東華錫慶，南極增齡。七葉聯芳，萬里快雲鵬之運；五枝挺秀，九臯和鳳鶴之鳴。敦詩禮於松蘿，耀弦歌於桑梓。

知磬舉

太乙救苦天尊

高功直念

伏以乾稱父，坤稱母，乃資生資始之元。陰為魄，陽為魂，成有形有靈之

命。蓋萬物各存於性命，惟一真不失於根源，而况最靈者人。自是秉彝之道，一日是非善惡，或罹果報，或致昇沉。百年臭腐，神奇難免。輪迴難逃，變化，所以既沒之後，飛爽浮幽，寥未生之前，故根離昔愛。幽夜淪遐劫者，對盡而大運必通；乘晨希陽翹者，靈存而正覺有想。仰惟太上，佈大法橋。以好生而施仁，流真科而度世。天一生水，地二生火，鉤鍊玉粹而火降水升。兑七化虎，震三化龍，守護金丹而龍吟虎嘯。非水火交妬，何以復其形；非龍虎混合，何以全其神。用此生成，謂之煉度。紅鉛黑汞，以我之靈，合彼之靈；絳宮丹田，以道之體，合彼之體。肝心脾肺腎之氣質，載育載生；金木水火土之英華，以茲以養。時也，佈日月星景，建水火華池。遵紫皇教法，以奉行鉤魂鑄魄；命南宮官吏，而顯助濯質全形。所冀在壇，受度亡魂，鍊胎返本，初再稟五行之秀，斬根斷死；戶重爲萬物之靈，克符齋主之虔誠，益廣紫皇之教法，共揚聖號，

恭假恩光。

知馨舉

度人無量天尊

高功直念

宣告亡魂，地水火風，假合成人之形；癢痲疾痛，縈纏爲心之恙。深慮陽間所患，其在陰境亦然。今者雖寂，色身未除，惡相先當去病，乃可合真。某司謹召天醫使者，治病功曹，嘗藥靈童，針砭神吏，六職治官，諸部功曹。准紫皇玄天上帝符命，先爲亡魂攝召生炁，醫治在身，生前一切疾病，解釋宿業，一切苦根。蕩除血穢，整具形神，符令自性靈明，克膺鍊化。

侍職焚天醫符

玉清元始尊，敕下天醫神。

完全枯朽質，普濟度天人。

高功取五方炁，佈壇上水火混合之所

太上慈悲，符命頒行。生者能全，死者能完。形神俱妙，上朝玉堂。流通五炁，落滅惡根。紅杏佐左震，癱孿者伸。磨針佐右兑，疾廢者平。襪臘下下離，跛痲起行。墨墨上上坎，耳目聰

明。靈寶中中玉，身強體輕。青帝護魂卯，肝木長榮。赤帝養炁午，心火光亨。白帝侍魄酉，肺金生成。黑帝通血子，腎水澄清。黃帝中主中，脾土安寧。梵炁彌羅，自然成真。回屍起死，白骨成人。濟度垂死，絕而得生。九和十合，變化上清。

高功又念

四生六道，十類有情。萬死所苦，一切成章。天光一接，符命得昌。

侍職焚血湖符，圍樓符，衆念

太上丈人，昇度南宮。三宮變化，保命自然。日宮帝君，列照下土。月宮皇君，蕩滌血湖。元皇下降，灌溉群生。對司侍宸，罪滅三途。洪流蕩穢，洗濯冥津。元陽玉曆，積善建功。三界所舉，骨像合仙。善功徹天，幽夜開明。陽九到陽，陰六召陰。陰陽交合，敕斷死戶。

侍職梵分胎符，衆念

三清至化，立像兩儀。烹煉魂識，玄應神機。周全經絡，百骸四肢。五臟俱備，上昇紫微。

侍職梵出胎符，衆念

上帝敕命，下降幽扃。燒蕩穢濁，速得生成。

侍職梵蕩胎符，衆念

玄靈太微，精鍊夷夷。亡魂得度，洞達無爲。上天垂象，制鍊亡魂。十類孤爽，咸得通明。仙化成人，三宮悉明。九竅齊并，南昌上生。

侍職梵淨屍符，衆念

五行之炁周流，三光之炁飛浮。靈漿下灌，玉液洞幽。魂神澄正，皈上天，會合萬神玉京遊。天澄炁清，五色高明。日月吐華，灌鍊身形。神精內灌，香湯鍊精。光景洞耀，煥映上清。炁不受塵，五臟納靈。罪滅三途，禍消九冥。惡根斷絕，福慶自生。今日大願，一切告盟。身受開度，昇入帝鄉。急急如律令。

元始符命，拔度亡靈。血屍臭穢，兇惡潛寧。七液得注，五臟化生。常持神呪，元亨利貞。急急如元始上帝律令。

高功取五方炁、三光炁、布亡魂，默念

真中有神，長生大君，無英公子，

白元尊神，太乙司命，桃康合延，執符把籙，保命生根。上遊上清，出入華身，泥丸絳宮。中理五炁，混合百神。十轉回靈，萬炁齊仙。

知磬舉

火鍊丹界天尊

高功召火鍊官將

謹召丹天流火主者、鍊度真人，火池使者，火池童子，火府神吏，雷門忠孝陽雷荀元帥，紫皇鍊度一行官將吏兵，引魂使者，引導亡魂，入火沼鍊度。務令業垢烟消，冤尤燼滅，濯形太陽，再生人質。一如紫皇玄天上帝符命，疾速奉行。

侍職焚火鍊符，于火沼內

衆誦元始中篇

高功默念

南方之君，赤帝之精。熒熒使者，丙丁將軍。朱雀炎神，赫赫陽精。五行造化，萬物化生。天帝有敕，使者須聽。攝亡召魂，鍊度身形。

高功以雙目，炯動電光

左手剔午火，呵炁入

想火沼，真火炎炎，衆念

炎精之神，三台流光。鍊胎易質，魄鍊魂更。穢炁殂落，乘烟飛揚。陰炁消釋，陽炁混康。精神益壯，洞入火鄉。混合九炁，總契虛皇。昊天有敕，流金散芒。九天煥落，貞利無疆。

想亡魂，在火沼受煉

六甲六乙，鍊汝肝經。生汝威神，體健身輕。六丙六丁，生汝心經。鍊汝神氣，保汝長生。六庚六辛，生汝肺經。大腸小腸，萬炁潛明。六壬六癸，鍊汝腎經。華精盈池，骨髓安寧。六戊六己，鍊汝脾經。長生久視，骨肉輕清。鍊身復形，化體三清。

高功玉文青炁布亡魂，衆念

龍漢蕩蕩，無形無名。渺渺億劫，黃道開明。神澄朗曜，九魂吐精。玉虛澄暉，太霞高明。元始開化，諸天齊并。三元道炁，二象攝生。已度者度，未成者成。已死即生，已枯使榮。蠢動蛭息，一切冥靈。懷胎含孕，咸得長

生。亡者命過，魂歸三清。魄受鍊度，南宮變形。今日大吉，皆得光明。五帝鑒映，普告萬靈。天神地祇，及諸河源。五嶽四瀆，及諸名山。洞玄洞虛，洞空洞仙。無極大聖，至真尊神。無窮無極，普鑒度生。地根斷絕，玄都紀名。衆真普應，一切咸聽。

高功直念

火沼官吏，鍊度既周，出火沼，詣水池受鍊。一如紫皇玄天上帝律令。

知磬舉

黃華蕩形天尊

高功召水鍊官將

謹召天河東井、玉眸黃華大神，煉度真人，水池使者，水池童子，水府神吏，雷門忠孝陰雷畢元帥，紫皇鍊度一行官將吏兵，引魂使者，引導亡魂，入水池煉度。務令業垢冰清，冤污蕩滌，凝神太陰，再生人質。一如紫皇玄天上帝符命，疾速奉行。

侍職焚水鍊符，于水池內

衆誦中篇

高功默念

北方之君，黑帝之精。辰星使者，壬癸將軍。玄武陰神，肅肅清音。五行造化，萬物發生。天帝有敕，使者須聽。攝召亡魂，灌鍊身形。

高功以鼻出氣，化水入

左手剔子文吹入

想水池，真水茫茫，衆念

東井黃華，石景王精。飛玄水母，金體玉津。滔滔源源，不竭池庭。九龍灌溉，三光垂精。仙人吐潤，濯鍊亡魂。內外朗徹，表裏俱清。百關九竅，元炁滋榮。五臟六腑，萬神自生。胞胎結節，隨水開扃。死根斷滅，惡根沉淪。我今煉化，死骸生魂。返故改貌，玉體金容。變化蕩穢，飛昇紫庭。

想亡魂，在水池受鍊

衆念

紫微黃書，名曰太玄。致月華水，養魄和魂。身中養素，發身玄關。藏天隱地，五靈夫人，飛光九道，映朗泥丸。黃炁陰華，陽精鍊仙。沐浴九魂，冠帶金晨。圓明啓告，玉胎鍊仙。華光交映，流芳淘津。九陽齊化，玄和降

津。元景徘徊，曲降我身。飛升上宮，洞視瓊軒。

高功玉文，中天青炁，噓佈亡魂

又念

龍漢蕩蕩，無形無名。渺渺億劫，黃道開明。神澄朗耀，九魂吐精。玉虛澄暉，太霞高明。元始開化，諸天齊並。三元道炁，二象攝生。已度者度，未成者成。已死即生，已枯即榮。蠢動蜎息，一切冥靈。懷胎含孕，咸得長生。亡者命過，魂歸三清。魄受鍊度，南宮變形。今日大吉，皆得光明。五帝鑒映，普告萬靈。天神地祇，及諸河源。五嶽四瀆，及諸名山。洞玄洞虛。洞空洞仙。無極大聖，至真尊神。無窮無極，普鑒度生。地根斷絕，玄都紀名。衆真普應，一切咸聽。

高功直念

水池官吏，鍊度既周，引領亡魂出水池，伺候生化，一如紫皇玄天上帝律令。

知磬舉

受鍊更生天尊

高功直念

惟人之生，有物混成。乾道成男，坤道成女。帝君品命，太乙執符，司命定筭，太乙度符，五帝監生，九天稱慶，司命敬諾敬順，萬神唱奉。恭天地神示，三界備守，如此化結，方能成人。今日在壇，受度亡過某魂，曩因命過，遞返泉扃，氣散神遊，身亡形滅。所幸一靈不滅，本真未離。變化更生，太上有法。十二炁混元能生十二經絡，返生人道，自有高上神霄玉清玄一六陽混元十二炁化生大將軍主之。今為奉行紫皇玄天上帝，鍊度符法。請降太上正真生炁，九天生神梵炁，混合己身元神正炁，各命將吏，化生如法。

靈寶自然九天生神玉章，大衆虔誠，異口同音，緩聲演誦。

二助道，各執水火爐，領衆念生神章，一順

一逆，遶行交煉法

侍職焚化生腎臟、膀胱符

高功默念

腎神玄真君、字育嬰攝，一炁混元將軍楊文光，膀胱神太虛君、傳送攝，

六炁混元將軍張同。

存子文中天炁北方水炁，咽人丹

田與腎炁、膀胱炁混合

黑黑

一炁六遍吹佈亡魂，化生腎、生膀胱

高功默念

腎部之宮玄闕圓，中有童子冥上玄。主諸六部九液源，外應兩耳百液津。蒼錦雲衣舞龍蟠，上致明霞日月煙。百病千災急當存，兩部水玉對生門。

侍職焚化生心臟、小腸符

高功默念

心神丹元君、字守靈攝。二炁混元將軍丁忠，小腸神太靈君、字水谷攝，七炁混元將軍李淵。

左午文中天炁、南方赤炁，咽入

丹田與心炁、小腸炁、混合

默念，襪臘，一炁七遍

呵佈亡魂，化生心小腸

高功默念

心部之宮蓮含花，下有童子丹元家。主適寒熱榮衛和，丹錦衣裳披玉羅。金鈴朱帶坐婆娑，調血理命身不枯。外應口舌吐五華，臨絕呼之亦登蘇，

久久行之飛太霞。

侍職焚化生肝臟、生膽符

高功默念

肝中龍淵君、字合明攝，三炁混元將軍丁遷善，膽神龍耀君、字威明攝，八炁混元將軍申孚。

左卯文中天炁、東方青炁，咽入丹田

與肝炁、膽炁混合，默念，紅杏

一炁八遍，噓炁佈亡

魂化生肝、生膽

高功默念

肝部之宮翠重裏，下有青童神公子。主諸關鏡聰明始，青錦披裳佩玉鈴。和制魂魄津液平，外應眼目日月精。百病所鍾存無英，同用七日自充溢。垂絕念神死復生，攝魂返魄永無傾。

侍職焚化生肺臟、生大腸符

高功默念

肺神皓華君、字虛成攝，四炁混元將軍陳志元，大腸神元王君、字治和攝，九炁混元將軍周自然。

左酉文中天炁、西金炁，咽及

丹田，肺炁、大腸炁，混合默念，磨針

一炁九遍，咽佈亡魂，生肺、生大腸

高功默念

肺部之宮似華蓋，下有童子坐玉關。七元之子主調氣，外應中嶽鼻齊位。素錦衣裳黃雲帶，喘息呼吸體不快。急存白元和六炁，神仙久視無災害。用之不已形不滯。

侍職焚化生脾、生胃符

高功默念

脾神常在君、字安停攝，五炁混元將軍王先知，胃神靈源君、字太倉攝，十炁混元將軍章修。

左玉文中天土炁，咽入丹田，與脾炁、胃炁

混合，默念

靈寶一炁十遍，呼佈亡魂，生脾、生胃

高功默念

脾部之宮屬戊己，中有明童黃裳裏。消穀散氣攝牙齒，是為太倉兩明童。坐在金臺城九重，方圓一寸命門中。主調百穀五味香，辟却虛羸^③無病傷。外應尺宅氣色芳，光華所生以表明。黃錦玉衣帶虎章，注念三老子輕翔。長生高仙遠死殃。

侍職焚化生三焦、生心、生胞絡符

高功默念

三焦神羅列君、字玄液攝，十一炁混元將軍王卓立，心胞絡神赤珠君、字靈運攝，十二炁混元將軍鄭明。

左玉文中天炁、中央三色青白黃炁，咽入

丹田，與胞絡三焦心混合。一身結節百脉

之炁，吹佈亡魂，生三焦、生心胞絡、生結

節、生百脉

混元育形神，主領寅一方。

天朗司陽炁，化生三焦臟。

混元一炁神，主領戌乾方。

天朗司真炁，化育成胞絡。

侍職焚全形符

高功左手玉文取五方真炁十二口，咽作一

神狀，如嬰兒，衣白霞，衣項有圓光，神放

祥光，下佈一形之內，散入九孔之中，聚在

舌尖吹佈。亡魂全一身五臟、六腑、四肢、

百脉俱全矣

太上洞明，飛景九元。結精凝炁，

化形變神。司命混合，散形億分。千

乘火甲，萬騎揚旛。俱與太乙，上造帝

仙。伯無起非，仲成曲文。一合我炁，

再合我神。三合我魂，四合我魄。五

合我清，六合我形。成身六合，洞霞啓

真。八景虛駕，三素浮輪。我與帝一，

俱升玉宸。重華累枝，混合天仙。身

有道籍，世有生根。金簡羽符，名刊日

軒。所願既從，天祿誥誥。所向如心，

萬神盈門。常存太乙，帝一泥丸。雌

雄混合，百靈纏綿。誦經萬徧，靈駕來

迎。携宴五帝，日月九君。得為神仙，

上清真人。

想亡魂形體，俱全矣

衆再念

龍漢蕩蕩，無形無名。渺渺億劫，

黃道開明。神澄朗耀，九魂吐精。玉

虛澄輝，太霞高明。元始開化，諸天齊

並。三元道炁，二象攝生。已度者度，

未成者成。已死即生，已枯使榮。蠢

動蛭息，一切冥靈。懷胎含孕，咸得長

生。亡者命過，魂歸三清。魄受煉度，

南宮變形。今日大吉，皆得光明。五

帝鑒映，普告萬靈。天神地祇，及諸河

源。五嶽四瀆^④，及諸名山。洞玄洞

虛，洞空洞仙。無極大聖，至真尊神。

無窮無極，普鑒度生。地根斷絕，玄都

紀名。衆真普應，一切咸聽。

高功直念

恭運真香，重伸奏啓，三清三寶上帝，五靈五老帝君，童初五府聚魂真君。伏願再降五方真炁，三色混沌之炁，灌注亡魂，俾九天之炁生其神，三元之真保其命。黃白夫至，內外合形，六甲周流，五行交感，法天象地，含陰育陽，合道成真，既尊且貴。以首爲崑崙，髮爲星辰，眉爲華蓋，眼爲日月，鼻爲天柱，爲天窗，口爲天門，面爲天鏡。一元之炁爲真神，二元之炁爲精光，三元之炁爲三宮，四時之炁爲四關，五行之炁爲五臟，六律之炁爲六腑，七星之炁爲七竅，八風之炁爲八表，九天之炁爲九宮。外炁以符內炁，內神以符外神。神父祖母，和合元神，元炁相因，五行會聚成鍊。須謝元尊，允符懇禱。

知磬舉

五神混合天尊

衆誦

千和萬合，自然成真，至萬炁齊仙。

高功行五府事，默運

功都成卯 切角鎮午 興生轉酉

獨隸遷子 可韓明玉 功都聚魂攝

取巽炁發訣，佈亡魂

紅杏持列，震 墨墨捷白。坎

磨真計力，兌 襪臘收成。離

靈寶萬物，玉 清和合通。玉

正一成法，智益可真，取驛令下攝。

左三指掐大指中節，中天炁發訣，佈亡魂

青帝護魂，卯 白帝侍魄。酉

赤帝養炁，午 黑帝通血。子

黃帝中主，中 萬神無越。

高功握五嶽訣，取五方炁，發訣佈亡魂

已枯復榮，已滅復生。得生天上，

更稟大靈。九天之劫，返胎復嬰。穢

炁蕩滅，身屍更生。

舉

解冤釋結天尊

侍職焚解冤符

高功默念青華誥一遍，默告

救苦天尊，紫皇上帝，請爲亡魂，

解冤釋結，三生四負，冤家債主，不爲

留難。

玉訣青 炁佈亡魂，默咒

神符告下，解冤釋結。永脫仇讎，

執對分別。孽緣俱盡，不生惡業。出

離寒庭，罪根消滅。

亡靈得全身體，是謂死而復生；

重整衣冠，當悟來而不往。不以凡間

衣服爲獻，謹用符呪，助化身章，高登

道岸。

舉

金容玉相天尊

侍職焚化衣符

衆誦玉誥，三遍

高功默念

絳章丹衣，飄飄楚楚。元始符命，

佩之輕舉。唵嘑吱噶，急急如南方丹

天火帝君律。

侍職焚冠帶符

高功玉文中天炁佈亡魂，想衣冠楚楚，伺

候傳戒

知磬舉

常傳真戒天尊

道言戒者，止也。所以止人非心，

歸於正定，故戒生定。儒者亦謂，知止

而後有定，但三洞諸經，四部祕典，說

戒法，種種不同。惟無上靈寶九真妙戒之旨，天人共仰，幽顯咸遵。無上之上，洞玄之玄，萬神之靈，一炁之寶，妙貫三才，戒制六情，數定於陽，故分於九，脩而不偽，故名爲真。凡世仰之，以爲城廓；幽顯資之，以爲梯航；靈魂受之，以爲法藥。然受戒之法，靜默爲先；持戒之功，勤拳爲上。法衆皈依，同誠讚詠。

知聲舉

按人各衆和恭敬

夫三皈依者，即爲皈依道，皈依經，皈依師也。是故衆魂，皆當信禮。第一皈依無上道寶，舉道寶天尊。第二皈依無上經寶，舉經寶天尊。第三皈依無上師寶，舉師寶天尊。皈依既畢，戒法將傳，幽壤豁若春回，冤對渙然永釋。罪花凋落，功果圓成。法衆虔誠，宣傳九戒：

- 第一戒者，克勤忠於君王。
- 第二戒者，敬讓孝養父母。
- 第三戒者，不殺慈救衆生。
- 第四戒者，不淫正身處物。

第五戒者，不盜推義損己。
第六戒者，不嗔兇怒凌人。
第七戒者，不詐誣賊害善。
第八戒者，不驕傲忽至真。
第九戒者，不二奉戒專一。
如上九戒，乃九天帝君，親口宣說。佩奉者，昇入九天；輕慢者，墮入九地。今對亡靈，依科傳受，切宜諦聽，終始勿忘。所有功德符籙，逐一宣示。

表白宣長生符，生天籙

妙戒靈文，黃籙白簡，既備敷於妙典，當敬奉于靈文。夫心之難制，故九戒則可歸心於太虛；形也未超，以二符則可鍊形於上境。亡靈直斯，生生勿忘於戒言，劫劫常存於符券。澄神物外，塵緣永斷於多生；受質陽間，善果自臻于妙有。流芳現在，慶及無窮。少頃發遣，保舉登仙。

高功遣將

某司謹召九天普度院、守雄抱雌二大將，本壇主將副將，護道監壇四大元帥，疾速部衛，亡某徑詣朱陵火府、南昌

上宮。上帝有敕，風火無停舉

寶華圓滿天尊

汝等亡魂某騰光南極，離暗北鄩。禮道、禮經、禮師，一真日皎；鍊形、鍊神、鍊炁，萬妄風清。茲登寥廓之鄉，徑達虛無之境，永脫輪轉，自在逍遙，辭筵好去，毋忘道恩。

知聲舉

超凌仙界天尊

高功召溫帥，發護送牒

辭謝下座，升送畢

高功回壇，都講舉

存神燒香

高功念

香官使者，左右龍虎君，侍香諸靈官。當令臣向來陞壇鍊度之所，自然生金液丹碧芝英，百靈衆真，交會在此香鼎爐前。當願齋壇，係薦衆魂，無邊滯爽，鍊形清淨，見性圓明，妙凝水火之真，生化人天之界。玄恩廣彼，善利均霑，十方仙童玉女，接待蘭香，傳臣向來所啓之誠，速達徑詣無上至真三寶，祖師教主玄天紫皇上帝御前。

紫皇鍊度玄科

① 疑缺字。

② 疑缺字。

③ 『羸』原作『羸』，疑誤，據文義改。

④ 『瀆』原作『瀆』，誤，據文義改。

⑤ 『三』原作『二』，誤，據文義改。

(陳耀庭點校)

056 諸師真誥

經名：諸師真誥。一卷。底本出處：《正統道藏》洞真部贊頌類。

元始至尊號

志心歸命禮，三界之上，梵炁彌羅。上極無上，天中之天。鬱羅蕭臺，玉山。上京。渺渺金闕，森羅淨泓。玄元一炁，混沌之先。寶珠之中，玄之又玄。開明三景，化生諸天。億萬天真，無鞅數衆。旋斗歷箕，回度五常。巍巍大範，萬道之宗。大羅玉清、虛無自然、至真妙道元始天尊。

上清號

志心歸命禮，居上清境，號靈寶君。祖劫化生，九萬九千餘梵炁；赤書煥發，六百六十八真文。因混沌赤文而開九霄，紀元洞玉曆而分五劫。

天經地緯，巍乎造化之宗；樞陰機陽，卓爾雷霆之祖。大悲大願、大聖大慈、玉宸道君靈寶天尊。

泰清號

志心歸命禮，隨方設教，歷劫度人。為皇者師，帝者師，王者師，假名易號；立天之道，地之道，人之道，隱聖顯凡。總千二百之官君，包萬億重之梵炁。化行今古，著道德凡五千言；主握陰陽，命雷霆用九五數。大悲大願、大聖大慈、太上老君道德天尊。

彌羅號

志心歸命禮，彌羅無上天，妙有玄真境。渺渺紫金闕，太微玉清宮。無極無上聖，無無復光明。寂寂浩無宗，玄範總十方。湛寂真常道，恢漠大神通。穹蒼真老，妙圓清靜。智慧辯才，至道至尊。三界師，混元祖。無能聖主，四生慈父。高天上聖，大慈仁者。十號圓滿，萬德周身。無量度人，拔生死苦。諸佛之師，衆聖之王。太上開天執符、御曆含真、體道金闕、雲宮九天。

穹、歷御萬道、無為大通明殿、昊天玉皇天尊、玄穹高上帝。

天皇號

志心歸命禮，紫微宸極，勾陳天宮。九光寶苑之中，五炁玄都之上。體元皇，而佐司玄化；總兩極，而共理三才。主持兵革之權衡，廣推大德；統御星辰之躔次，毋失常經。上象巍巍，真元恢漠。大悲大願、大聖大慈、勾陳上宮天皇帝。

星主號

志心歸命禮，大羅天闕，紫微星宮。尊居北極之高，位正中天之上，佛號金輪熾盛，道稱玉斗玄尊。璇璣玉衡，齊七政；總天經地，緯日月。星宿約，四時行，黃道紫垣，萬象宗師，諸天統御。大悲大願、大聖大慈、萬星教主、無極元皇、中天紫微北極大帝。

后土號

志心歸命禮，九華玉闕，七寶皇房。承天稟命之期，主陰執陽之柄。道推尊而含弘光大；德數蓄於柔順利貞。效法昊天，根本育坤元之美；流

形品物，生成施母道之仁。嶽瀆是依，山川咸伏。大悲大願、大聖大慈、承天效法、后土皇地祇。

神霄號

志心歸命禮，高上神霄府，凝神煥照宮。會元始祖炁以分真；應妙道虛無而開化。位乎九霄之上，統理諸天；總乎十極之中，宰制萬化。宣金符而垂光濟苦，施惠澤而覆育兆民。恩溥乾元，仁敷浩劫。大悲大願、大聖大慈、玉清真王、南極長生大帝、統天元聖天尊。

救苦號

志心歸命禮，青華長樂界，東極妙嚴宮。七寶芳騫林，九色蓮花座。萬真環拱內，百億瑞光中。上清靈寶尊，應化玄元始。浩劫垂慈濟，大千甘露門。妙道真身，紫金瑞相。隨機赴感，誓願無邊。大聖大慈、大悲大願、十方化號、普度衆生、億億劫中、度人無量、尋聲赴感、太一救苦天尊、青玄上帝。

可韓號

志心歸命禮，高上丹霄，隸元上

府。朱宮絳闕，毓神光於浩劫之家；寶木騫林，現瑞相於太清之境。運大化慈悲之造，降真精橐籥之機。削死上生，廣天地一元之德；陶魂鑄魄，回幽靈萬類之生。煥發陽明，普疏陰境。大悲大願、大聖大慈、九天青城、可韓丈人、朱陵度命天尊。

普化號

志心歸命禮，九天應元府，無上玉清王。化形而滿十方，談道而跌九鳳。三十六天之上，閱寶笈，考瓊書；千五百劫之先，位正真，權大化。手舉金光如意，宣說玉樞寶經。不順化作微塵，發號疾如風火。以清淨心，而弘大願；以智慧力，而伏諸魔。總司五雷，運心三界。羣生父，萬靈師，大聖大慈、至皇至道、九天應元雷聲普化天尊。

雷祖號

志心歸命禮，高上玉霄府，雷霆洞淵宮。三境分真，九天演化，光會大羅之表，神通浩渺之天。拯水旱於下方，祛蟲蝗於歷劫。發弘誓願，利濟衆生。

大聖大慈、大悲大願、九天雷祖大帝、除災濟物天尊。

太一號

志心歸命禮，高上琅霄府，紫微碧玉宮。光煥鬱蕭，真凝太極。發妙炁於金闕，烜大化於混茫。回淳風於澆漓之餘，保制劫運；恢利澤於寰宇之表，陶育黔黎。大聖大慈、大悲大願、上清紫微碧玉宮、太一大天帝、保制劫運天尊。

洞淵號

志心歸命禮，高上太霄境，六天洞淵宮。瑞相端嚴，現光明於碧落之境；真身廣博，敷妙澤於種民之天。遏五府之魔靈，蕩萬方之瘴癘。躋民生於仁壽，撫治化於希夷。大悲大願、大聖大慈、六天洞淵大帝、伏魔上上太一天尊。

六波號

志心歸命禮，紫霄上境，六波天宮。妙相光明，現慈顏於天一；宸居寥廓，施福惠於人寰。捍浩渺之洪災，濟炎威之回祿。陶鎔萬彙，綜理一元。

大聖大慈、大悲大願、六波天主帝君普
施法潤天尊。

採訪號

志心歸命禮，紫玄景曜府，九天保
運宮。至道分光，總十方之梵炁；真
常顯妙，回浩劫之澆風。采錄諸天，紀
善功而消惡籍；恩融萬化，標祿字而
上生名。大聖大慈、大悲大願、九天採
訪朱陵上帝、應元保運妙化天尊。

斗母號

志心歸命禮，西天竺國，大智光
中，真空妙相法王師，無上玄元天母
主。金光燦處，日月潛輝。寶杵旋時，
鬼神失色。顯靈蹤於塵世，衛聖駕於
閻浮。衆生有難，若稱名；大士尋聲，
來救苦。大悲大願、大聖大慈、聖德巨
光天后、摩利支天大聖。

三官誥

唯三聖人，乃一太極。晉受浩劫
家之命，鼎膺無量品之褒。紫微清虛，
洞陰總領，功過賜福，赦罪解厄，溥濟
存亡，道冠諸天，恩覃三界。大悲大
願、大聖大慈、三元三品三官大帝、三

官九府應感天尊。

火官誥

四元四品，考較火官。運扶乾健，
德合離明。居太陽丹天之中，統左府
注生之籍。盛德在火，炎帝持衡。功
參佐於三元，氣運行於四月。駕赤龍
而行南陸，照明熒惑之宮；燭朱陵而
顯丹臺，煥赫文昌之府。輝輝朗耀，炳
炳照臨。大悲大願、大聖大慈、赤皇上
品三炁火官炎帝真君、洞陽大帝南丹
紀壽天尊。

玄天誥

混元六天，傳法教主，修真得道，
濟度羣迷，普爲衆生，消除災障。八十
二化三界祖師、大慈大悲、救苦救難、
三元都部署、九天遊弈使、左天罡北極
右垣大將軍、鎮天助順、真武靈應、福
德衍慶、仁慈正烈、協運真君、治世福
神玉虛師相玄天上帝、金闕化身蕩魔
終劫濟苦天尊。

祖天師誥

本來南土，上泝蜀都，先獲黃帝九
鼎之丹書，後事老君兩度於玉局。千

軸得修行之要，一時成吐納之功。法
籙全成，受盟威品而結璘訣；正邪兩
辯，奪福庭治而化鹹泉。德就大丹，道
齊七政。大悲大願、大聖大慈、三天扶
教輔玄體道大法天師、雷霆都省泰玄
上相都天大法主、正一沖玄神化靜應
顯佑真君、六合無窮高明大帝、降魔護
道天尊。

路祖師誥

誕生漢室，錫號晉朝。惟布炁以
降邪，曾吞虎而救世。管玉霄洞真之
法，傳玄室內教之經。掌雷府刑，行都
督府便宜之事；授天師職，昇紫微天
右相之班。判保陽宮，主混元教。大
悲大願、大聖大慈、真元清皇上帝太虛
普惠真君、九天寶冊司命天尊。

魏祖誥

元皇演化，妙有真身。光明滿月
現慈容，清靜玄風開正教。道尊聖祖，
德重醫王。主三界之雷霆，校羣生之
祿籍。祖師大慈仁者、宸照法王南嶽
總仙上真、九天司命金闕上保高元清
真紫虛元君。

仙公誥

天台得道，閻皂成真。昔受東華，復傳西蜀。詔命玉京金闕，位登太極仙班。慈憐拯拔於沈淪，思念普資於苦爽。葛天氏遺風，顯著勾漏；今丹砂具存，括蒼任遊。羅浮乃止脩間，玉笥修理金書。大悲大願、大聖大慈、太上玉京東吳太極左宮仙公、雷霆玄省天機內相玉虛紫靈普化玄靜常道沖應孚佑真君、蚕恩廣救慈悲大帝、度人無量天尊。

真君誥

混元始祖，一炁分真。多劫之前，積修至道。勤苦備悉，經緯逾深。萬法千門，罔不斯歷。救災拔難，除害蕩妖。功濟生靈，名高王籍。衆真推仰，宜有甄陞。大悲大願、大孝大仁、九州都仙太史高明大使雷霆泰省天樞伏魔上相、至道玄應神功妙濟掌九天司職太一定命注生真君、三天按察都檢校普奏諫議大夫、天醫大帝、度人祖師、淨明普化天尊。

華蓋誥

玉清高聖，虛皇至真。混元仙主，應化分靈。含真體道，功行圓成。驅雷役電，福國康民。輔佐忠孝，滅罪延齡。華蓋祖師，人天教主。僉書雷霆三省上相金闕大仙、孚佑顯靈超應護國真君、九天掌祿上卿高玄上帝妙道教主、三五飛步正佑妙靈沖應太虛真君、南極注生仙卿玄明上帝、克誠教主九一上清顯佑感靈誠應妙遠真君、北極考校仙卿大明上帝、三境化身天尊。

梓潼誥

不驕帝境，玉真慶宮。現九十八化之行藏，顯億千萬種之神異。飛鸞開化於在在，如意救劫以生生。至孝至仁，功存乎儒道釋教；不驕不樂，職盡乎天地水官。功德難量，威靈莫測。大悲大願、大聖大慈、九天輔元開化主宰司祿職貢舉真君、七曲靈應保德弘仁大帝、談經演教消劫行化更生永命天尊。

三茅真君誥

天人道德，仙聖真師。孝悌通於

神明，恩澤被於家國。隱恒山而悟道，棲句曲以昇天。主岱宗恒霍之山，職赤城華陽之洞。劫運陰陽而統幹，雷霆水澤以兼司。接二弟之英資，授登真之祕訣。咸領神仙之籍，共膺玉冊之榮。德博幽明，仁霑普率，隨機赴感，誓願弘深。太元妙道沖虛聖佑真應真君、地仙上真定錄右禁沖靜德佑妙應真君、地仙至真三官保命沖惠仁佑神應真君、九天司命三茅應化天尊。

麻姑元君誥

圓通湛寂，定應慈仁。崑崙山示現妙身，青城洞光顯聖迹。過吳度蔡，善應誠而感通；擲米成丹，常遊戲而變化。總領羣仙之上，包羅萬彙之中。鍊體九和，超功十極。大悲大願、大聖大慈、麻姑真寂沖應仁佑妙濟元君。

洪崖仙伯誥

一炁分真，五行毓質。作上古，神農之師表；受二儀，靈寶之真機。常示現於晉唐，每垂光於今昔。跨雪精於西嶺，劃長嘯於開元。音動宸旒，清絕湛露之殿；法傳羽褐，綿洪道日之

輝。澤被寰區，恩周普率。大悲大願、大孝大仁、洪崖先生青城仙伯、淨明經師應化真君。

全真五祖誥

大道開先，玄元闡化。教垂今古，示號東華。接漢室之將軍，隱終南而仙契。過化每超於劫運，示現常在於人寰。啓唐朝之英賢，悟神仙之祕訣。飛劍貨藥，警化無方。金廷丞相之高標，寶印力辭之勇決。霞裾上陟，南北統宗。天復挺於人豪，道遍通於四海。發金蓮之七朵，演仙派於十方。長生理被於于今，玄妙天垂於率土。恢弘至道，廣度愚迷。全真祖師東華紫府輔玄立極大道帝君、正陽開悟傳道垂極帝君、純陽演正警化孚佑帝君、海蟾明悟弘道純佑帝君、重陽全真開化輔極帝君、五祖闡道天尊。

祖元君誥

元始化炁，清微正宗。廣大高明，悟心全於道體；剛健純粹，生性稟於神靈。致雷霆於無爲之中，包天地於有象之外。上極無上，會四派之真

源；玄之又玄，參三乘之妙義。闡揚大教，利濟羣生。洞照宮中清微師祖、元上侍宸金闕昭凝妙道保仙通化一輝元君。

北七真誥

道先一氣，世顯七真，悟五行不到之言，得九轉返還之訣。甘泉潤物，變朽回春。金國仙姿，得四言而契道；衛州變化，坐十載以成真。壁間墨迹之非凡，雪竹月松之姿異。二井有多生之記，一時著顯化之功。礪六年、龍門七載。道功備，而名聞時主；丹符錫，而掌握神仙。石上談玄，空中飛蓋。元主屢宣而問道，甘霖剋日以濟民。蚤窮易道之言，晚造神仙之訣。卦圖斯演，至道大成，清靜散人，探玄得道，蓬萊仙路，億劫獨持，慈悲濟苦，全真祖師。丹陽抱一無爲普化真君、長真凝神玄靜蘊德真君、長生輔化宗玄明德真君、長春全德神化明應主教真君、玉陽體玄廣慈普度真君、太古廣寧通玄妙極真君、清靜淵貞玄虛順化元君，七真演化天尊。

南五祖誥

明真證道，行化南天。九皇降迹於天台，一脉浚通於劉祖。采瓊花之仙異，著悟真之丹書。道付杏林，不日還元之篇集；法通雞足，于焉丹髓之書成。真人挺出惠州，性地悟超神俊，刀圭入口，神化無邊。施雷雨於掌中，甦民生於世外。德彰南海，獲瓊玉之英標；道徧遐荒，飮法言之靈妙。龍虎浮羅之迹，武夷玉隆之區。過化多方，真文備著，爲神仙之首冠，集前代之範模。誓願弘深，慈悲仁聖祖師。悟真紫陽真人、杏林翠玄真人、道光紫賢真人、泥丸翠虛真人、瓊瑯紫清真人。

虛靖天師誥

白雪丹消，黃芽舊積。文章星斗，老君授三五飛步之玄；玉局籙符，漢祖傳正一斬邪之旨。于以登名於紫府，于以掌握於雷霆，伐疵癘於青城，滅妖氛於下界。巍巍蕩蕩，妙妙玄玄，去太極，登紫微，聚三華，朝五炁。隨機格物，閑邪存神。祖師三十代天師

虛靖冲弘悟道真君，玄風演化天尊

侍宸誥

高上神霄，玉清雷府。光分一炁，鍾秀君峰；道運五行，侍宸徽廟。掌中雷雨，救旱消災，指顧陰晴，安邦護國，功齊億劫，教法祖師，德濟羣迷，衆生慈父。冲虚通妙靈慧真君。

雷真人誥

高上神霄府，玄都執法尊，演教大真人，玉帝侍御史，九天都糾察。闡教慈父，濟世真師，提點三界，統攝萬靈，瓊都上相，混元妙道普濟真君、雷聲演教天尊。

辛天君誥

高上碧霄上清華王，東極注生青華大帝，南昌火府通明猛吏陽晶鍊度執法真人，分權定衡真王玄都玉府太極先天冲玄上吏，太乙木郎先天都元帥，九天考較使司元儲福定命真君，鐵筆注律大神光寂通天演法大元帥，掌風雲雷雨、電霜雪雹、銀牙耀目、提點三界，三十六天雷霆大都督青帝天君，元始一炁節制萬靈太乙五雷判府天

尊。

鄧天君誥

高上神霄玉清真王，南極長生朱陵大帝，太陽九龍皇君，南昌上宮受鍊真人，至真霹靂大仙，玄都九嶷九夷蓬萊滄水使者，上清三境都元帥、九天採訪使應元保運妙化真君，欵火律令大神、光妙橫天演真大元帥、掌行風催雨誅邪破廟祛諸潭洞、總統三元八十一天雷霆都總管炎帝天君、元始祖劫一炁分真太一雷聲普化天尊。

張天君誥

高上神霄玉清真王，南極保生洞陰大帝，暘谷神君清都律令蓬萊都水使九天採察大元帥，統攝三十三天雷霆都總管，掌雷雲電雨部，玉府持奏禦魔天君，校籍三界洞淵真宰，誅滅五逆賞善罰惡使者，飛捷報應真君，元始一炁宰御萬靈太乙五雷廣應天尊。

趙元帥誥

靈通丕演，聖德昭彰，凝形於大梵之初，顯化乎無窮之世，持鞭提索，馭虎降魔，飛行三界鬼神驚，呼吸一聲天

地振。威光景朗，無願而弗從；玄鑑靈明，有求而皆應。救生靈疾苦，保家國安寧，贊揚道法以無窮，宣鎮玄風於永劫，大悲大願、大聖大慈、扶天廣聖如意冲和大神君。

諸師真誥

(陳耀庭點校)

057 廣成集

經名：廣成集。十七卷。唐末五代杜光庭撰。底本出處：《正統道藏》洞玄部表奏類。

廣成集卷之一

上都太清宮內供奉應制文章大德賜紫杜光庭撰

代陶福太保修瀝口化請額表

臣某言，伏以瀝口化者，即二十四化之第十八也，節應配於小滿，列宿應於畢星。陳安世白日昇天臺蹤尚在，褒女仙乘車得道轍跡猶存。每歲春秋，準敕祈醮。頃自用軍之後，併已摧殘。古殿空壇，僅餘基地。仙儀像貌，盡翳榛蕪。往來絕瞻敬之門，仕庶無歸依之所。豈期福地，一旦蕭條。臣輒備興修，願資聖壽。伏惟陛下，軒帝靈

源，緱山仙緒，繼天御極，用道臨民，萬方榮廣覆之慈，三教被惟新之澤。芝田柰苑，咸荷精嚴。古廟儒宮，亦蒙繕飾。況是長生之教，敢申崇葺之儀。旋以剪薙蒿菜，興營宇室。像設免嗟於暴露，簪冠克遂於焚修。邈彼靈蹤，還爲勝槩。香燈有託，齋醮無虧。兼召道士楊玄敬、獨孤知元、何某等三人，就觀居住訖。但以荒涼既久，門額全無。敢祈雨露之恩，特飾神仙之境。其化伏乞聖慈，依瀝口舊名，仍賜給聖壽額。許臣自製造懸挂。庶使琅書銀榜，長懸日月之輝；漢水仙山，永祝聖明之壽。臣某無任之至。

謝新殿修金籙道場表

臣某言，伏奉聖旨，與右街威儀何冲徽等二十一人，於新殿內修金籙道場七晝夜，今月十四日開，至二十日散，供奉官楊紹業依時設拜，言功表贊訖者。伏以天贊聖功，鼎新大內。瑤軒玉砌，超三島之鼇宮；青瑣丹扉，逾九清之鳳闕。叶皇居之壯麗，睹帝宅之深嚴。萬國仰瞻，千靈森衛。纔畢

瓊宮之製，先開金籙之壇。鋪舒而一精新，祇敬而重重蠲潔。龍香上達，依稀而萬聖俱臨；蟾月低光，彷彿而千真入會。延洪睿筭，遐永皇圖。近臣拜手以投詞宰輔，齋心而瞻祝，殊禎允集，巨貺無涯。隆大寶於千春，總八絃於一統。臣等叨膺科教，獲備焚修。豐玉膳於天厨，躡雲庭於仙境。兢榮已極，頒錫荐臨。伏蒙宣賜觀錢、銀器、疋段等，澤深溟海，恩重嵩衡。顧慙鷦鷯之微，何報聖明之獎。臣無任之至。

謝恩除戶部侍郎兼加階爵表

臣某言，伏蒙恩勅，除授光祿大夫、尚書戶部侍郎、上柱國蔡國公、廣成先生者，睿慈春煦，宸翰雲敷。叨榮而但覺逾涯，荷渥而罔知所措。臣某中謝。臣聞聖明居上，是必授任才能。俊又在官，乃貴陳力。就列皆以道包，經濟言達變通，上有致君之能，下盡爲臣之節。處既得地，用務適時。苟虧利物之期，必致取容之誚。如臣幽懦，榮奉休明，循顧庸襟，敢臻殊寵。伏惟陛下，披圖創曆，握紀繼天。明逾兩曜之

懸，德合二儀之普。蕩滌氛垢，蘇泰寰區。功宣而萬有同心，化被而八紘繞指。夢通巖壑，股肱符命說之求；景仰煙波，輔弼契非熊之兆。元勳貞佐，捧日扶天。人傑時英，誕星降嶽。青宮翼贊，日月重光；朱邸忠貞，盤維增永。臣某江湖賤質，簪褐微才。爲儒，既昧於成麟；學道，甘期於畫虎。矧復辭吳歲久，奉聖年深。杳無山水之恩，每感風雲之會。歸棲照育，三十餘秋，施重嵩衡，遇深溟渤。變枯荻爲茂草，起敗骨爲豐肌。徒曰奇功，難偕聖獎。是以臣俯盈丹懇，積感皇慈。曉動神魂，夜驚形影。效報未申於絲髮，憂惶空溢於肺肝。况復啓運之初，垂裳之始，錫峒山之美號，如北省之華資，無以身諭國之譚。上裨天聽，乏造膝沃心之議；仰副宸衷，揣身世而榮顯居。多於爵位而貪饗已極，豈可重塵清級，更履殊榮。紹碧落之嘉稱，集玄關而璣質。且如漢推曼倩，晉有雉川。未聞聯居清重之司，再踐非常之秩。揣量戰越，進退兢兢。仰對宸嚴，無階陳

讓。唯虔砥礪，永答鴻恩。臣不任。

謝恩奉宣每遇朝賀不隨二教獨引對表

臣某言，伏蒙聖慈，以臣每有起居稱賀，皆與道衆僧人齊班，特降宣旨，令臣自今已後，獨入引對，不隨衆例者。禮加異等，事越常倫。褒稱，發自於聖心；榮盛，獨光於道域。隆恩顯示，負戴難勝。臣某誠榮誠懼，頓首頓首。伏惟陛下，誕睿承天，執符御曆。包乾坤而覆載，懸日月以照臨。炫金鏡之光華，無幽不察；調玉燭而亭育，有物皆春。由是露灑天根，澤流地表。肅武功而定氛祲，桀黠悛心；修文德而服要荒，奸凶革面。毳幕穹廬之俗，冰居穴處之鄉。重趼來庭，占風入貢。理定而樂作，功成而禮行。舉三代之頽綱，興百王之墜典。有泐有革，無黨無偏。至若群后朝元，垂衣當宇，儼三傑十臣之佐，冠非熊審像之賢。文物羽儀，輝今映古。其或雲衫羽服，仰丹階而效嵩呼；白足方袍，列彤庭而申華祝。此時微臣，常依旅進，得面雲階，

每驚巖壑之微，獲在煙霄之上。今則迴隆睿獎，頓革前儀。念臣雖迹預簪冠，而身叨爵秩清級。纔移於北省華資，又接於南曹。特令敷奏之時，不雜緇黃之侶，俾其獨引，顯示優恩。昔者魏重謙之梁尊貞白，漢稱曼倩秦有子平，禮容靡睹於新規，朝挹皆循於常度。今者降九天之明命，垂萬世之宏規。退省幽辱，但切凌兢之感；顧慙纖弱，何勝雨露之恩。惟勵丹誠，永酬鴻澤。臣某無任之至。

謝獨引令宣付編入國史表

臣某言，伏蒙聖慈，特降宣旨，賜臣不隨一教，獨引對敷。以臣謝恩表，宣付史館者。迴自宸表光申異禮，仍編信史永載優恩，祇荷難任寵榮增極。臣某中謝，伏惟陛下，大明御曆，至聖宣功，廓覆載以軍恩，並曦舒而流照。賢良入輔，庭多命世之臣；夷夏歸仁，府積殊方之貢。有俗皆臻於富壽，無爲欲蹈於華胥。由是蓬島芝宮，咸加炳煥。祇林柰苑，畢集精嚴。四靈挺質以呈休，六氣調時而表貺。玄儒鼎盛，緇褐

同歡，臣猥以常倫，榮逢景運，道籍雨塵於美號，官榮再履於崇班。別顯殊恩，賜其獨對。緇黃班裏，受宣而徑上雲天；鵷鷺庭中，顧影而疑生羽翼。今則寵編國史，昭示寰區，迴隆非次之恩，永載不刊之典。荒愚有素，難勝雨露之深；蕭芥至微，何報乾坤之德。唯虔修勵，上答聖明。臣不任。

賀黃雲表

臣某伏睹鴻臚卿趙溫珪奏，今月二十三日，皇帝駕幸得賢樓，看閱將士。皇太子自城南閱馬帳頭迴入城，至西時，城上有黃雲兩片，狀如華蓋，逡巡變爲紫色者。臣謹按堯之誕生，常有黃雲垂覆；舜之御宇，常有黃雲凝空。又漢宣帝幸甘泉宮，紫雲入殿；宋世祖踐祚紫雲，見於端門。黃帝有瑞雲，以雲紀官。今者德動天休，瑞呈雲物。華夷共仰，海嶽同勸。臣某，中賀伏惟陛下，體道握符，惟天縱聖，仁周動植，惠普寰瀛。柔遠俗，以文明；懾凶奴，以武略。蓋以中原未泰，品物未寧，將申戡靜之機，用拯生靈之弊。授律則南

摧醜虵，鑿門則北掃煙埃。鐵軸牙檣，水耀龍驤之旅；霜戈雪戟，陸陳隼擊之師。振動山川，奔驅雷電，仁閒恢拓，以廓乾坤。爰命皇太子，訓整六軍，申明三令。蒙輪挾輶之士，壯氣凌空；拔山扛鼎之夫，雄心貫日。皆堅金石，咸勵忠貞，允合天心，果昭靈貺，輪困對起，蕭索齊凝，成金柯玉葉之奇。高浮帝座變紫，蓋如葩之狀，低接皇城。初呈蔭鼎之姿，漸結臨關之色，有以見圓穹贊祐，皇德升聞。越唐堯虞舜之徵，超宋祖漢宣之感。自此率賓八極，文軌萬方，增聖壽於億千，固宏基於隆永。臣躬深睿獎，叠睹殊祥，敢謠詠以抒情誠，效謳誦而頌聖德，詩一首陳進。

賀雅川進白鵲表

伏睹嚴道縣多功團崇善里百姓李彥韜，於楠樹上，獲白鵲進獻者。五行表瑞，見金運之隆昌；百辟同瞻，賀玉京之賁貺。臣某，中賀臣聞王者正名立訓，體乎天意，勝殘去殺，慰此人心。則有異木珍禽，來儀朝闕，霜毛動色，

紺趾標奇。斂羽呈姿，應見徒誇於漢魏；傳聲送喜，翱翔顯奉於皇明。伏惟陛下，瑞冠百王，功超三古，協序而風調禹律，燭昏而鏡滿軒臺。亭毒萬方，再樹乾坤之本；照臨下土，重懸日月之光。鄙炎漢之息肩，邁唐堯之鼓腹。人謠歲稔，物賴時康。况乃萬旅貔貅，千營鎧甲，擒凶剪弊，撫弱字孤。雷掀鉦鼓之行，雲黯旌旗之舉。發令而雄豪踴躍，申恩而疲瘵昭蘇。五星運度以垂休，八海承風而寢浪。遂至山河效祉，禽羽呈祥。遠離海上之巢，來對雲中之闕。觀其玉籠，乍啓雪姿。不驚望聖苑以徊翔，對天慈而鼓舞。往來瑤陛，棲泊珠簾。認素羽以難分，聽新聲而已熟。不是成橋之侶，殊非繞樹之群。既彰團雪之容，實煥來金之盛。佇見千戈載止，奸邪屏除。蕩疆場之煙烽，永歸北極；靜寰區之榛梗，自我西方。信超魏德之雄，更掩漢成之代。臣獲逢昌運，累睹殊祥，輒陳謠頌之詞，上浼聖明之鑒。臣謹課頌聖德紀瑞詩一首陳進，千瀆冕旒，無任之

至。

賀天貞軍進嘉禾表

臣某伏睹天貞軍留後崔善進射洪縣百姓王友田上嘉禾合穗圖者。聖德遐通，祥符疊至。文武瞻睹，中外歡呼。臣某謹按瑞圖云：嘉禾者，美瑞也。稔歲精王者，德至於土，則二苗同秀。昔者唐叔得禾，異畝同穎。成王問周公曰：二禾一穗，意天下和同乎。王命唐叔作嘉禾篇，由是九土會同，八紘歸化，旅獒西貢，越雉南來，三十世之宏基，七百年之大業，輝前映古，逾夏掩商。今在聖明，復彰斯瑞。伏惟陛下紹軒皇之聖緒，承周帝之洪源。應曆數以配天，總華夷而類帝。惟恭惟儉，絕嗜音酣酒之娛；乃聖乃神，有明目達聰之美。弘武德而先懲不軌，電掃奸妖；播文風而旋撫戎羌，雲奔驟賚。憂勤黎獻，軫憫耕農。歲致豐穰，田無炎潦。德通于地，見共秀於二苗；應達乎天，果異畝而同穎。契聖祖，興周之瑞；表吾君，拓土之徵。昔則和天地爲一同，今則包萬方爲一統。

况屬王師薄伐，誓農弔民。雄稜已懾於彼方，禎異先呈於近境。伫觀收剋，永蕩氛霾。開九天日月之光，顯符周卜；合四海生靈之望，同比唐禾。臣竊仰瑞圖，賡誦聖感。願預採詩之錄，思陪唐叔之篇。謹課頌聖德嘉禾合穗詩一首進。

請駕不巡幸軍前表

臣某伏睹宣旨，駕幸北路軍前者。臣聞展義巡功，禮經垂典，誅凶伐叛，有國通儀。蓋欲迴廣照於一方，輯五瑞於群后。剪其暴亂，慰彼蒸黎，况蠢爾邠岐，久迷大順，匪朝伊夕，即睹殄平，不足以親駕戎車，遠臨狡穴。顛顛衆懇，僉用驚疑。伏惟陛下，逾舜文明，超周神武。稟秋霜之令，敷春育之息。委以至公，推其大信，覆載之內，風偃化行，而隴渭之鄉，岍岐之俗。甘寒谷之氣，自棄陽和；息惡水之陰，顯孤臨照。恃蟻封而稱固，巢鷲幙以偷安。今則上將專征，雄師薄伐，遠憑宸筭，必剋根荄。竊惟漢曲褒川，方當寒沍。霜雪嶮棧，豈易躋登。况射鮒穿蠅，詎

用千鈞之弩；孤城荒堞，寧銷萬乘之威。伏乞聖慈，俯徇群心，特寢成命，佇觀剋捷，永統華夷。干冒宸嚴，無任戰越、兢懼迫切屏營之至，謹詣閤門，奉表陳謝以聞。

第二上表

臣某伏睹宣旨，駕幸北路軍前皇太子宰臣百官等，上表陳請，未賜俞允者。省方風俗，雖經典之舊儀；慰撫師徒，乃君父之慈照。但以道途險阻，水陸嚴凝，遐邇群心，實實憂灼。伏惟皇帝陛下，體堯慈惠，逾舜欽明。欲令寰海之人，盡沐雍熙之化。憬茲汧隴，密邇封隅，久負歡盟，深辜恩信。識變通者，已束身效順；迷向背者，猶掩耳偷安。致一境之生靈，銜積年之怨抑。狗吠堯而有日，思慕舜以無由。所以授姜鉞以整師，築韓壇而誓衆。風馳號令，雨驟雄豪，上將等威震雷霆，心堅鐵石，指期剋日，必就削平。豈勞親駕翠輿，躬麾白羽。六龍八馬，驅馳嶮棧之中；萬騎千官，迢遞層峰之外。方零霜雪，漸逼沍寒。伏乞聖慈，俯聆

億兆之情，特駐省方之命。上爲宗社，下慰華夷。佇對捷書，更開土宇。臣叨深睿獎，倍慊明誠，塵浼宸嚴，不任待責，望恩迫切，禱祈之至。

謝恩賜興聖觀弘一大師張潛修造表

臣某伏奉恩勅，宣賜左街興聖觀弘一大師張潛令修葺住持者。寵自宸衷，榮臻道域。簪裳增抃，芝朮騰輝。臣某中謝伏惟陛下，道均軒后，聖並放勛。凝懷於姑射之峰，寄夢於華胥之境。睠言大教，理契生津。栖神泯合於無爲，屬念潛期於有德。化合清靜，善利邦家。觀宇蕭條，像設塵翳。爰敷綸渥，載俾葺崇。伏以前件觀，地接玉清，昔爲道學，尋改真元之宇，復標紫極之宮。至德年中，易名興聖，前臨廣陌，東距錦江，宛是靈墟，實惟勝所。况門庭具設，像貌儼存。誠歷代之仙蹤，乃皇都之福地。今則重加繕飾，盡撤葦腥。拂塵埃於湫陋之中，還瞻玉相；蕩瓴甃於蒿榛之內，別築瑤壇。灑雨露而騫樹增榮，薦沈麝而辟容伊穆。張潛等精專剖劂，恪勵住持。夕

磬晨鍾，祝遐長於聖壽；朝香暮燭，期隆永於皇圖。臣某獲列教門，躬榮睿澤，不任之至。

謝恩宣賜衙殿點鐘表

臣某蒙聖旨，宣賜衙殿前點鐘一口，於日院內，充齋醮扣擊者。恩垂霄漢，榮及簪裳，抃蹈無階，輝華增極。伏惟陛下二儀，覆燾三景。照臨澤浸無涯，惠敷有載。故得八溟息浪，長鯨將殄於昌時；五緯循常，巨彗欲銷於永夕。削平夷夏，倒戢干戈。而復俯軫皇情，留慈玄教。致感應於洞府，符應見於靈仙。固當齊聖壽於日月星辰，隆寶祚於乾坤海嶽。今者念臣院宇之內，簏簾未全。每於齋醮之辰，尚闕春容之響。既乏通真之器，莫諧集聖之儀。輟瑤階，泛日之音，來從天上；頒豐嶺，含霜之韻，降在人間。事超錫樂之榮，恩重點鐘之賜。永當炷焚芝朮，禱祝真靈，冀啓禎休。仰酬聖獎，所宣賜鍾臣謹以焚香祇受訖不任。

謝恩賜玉局化老君表

臣某言伏奉恩勅，宣賜舊玉局洞門

石像老君，歸龍興觀御容院閣下西間奉安供養，其蓋石舍一區，移拆就觀起立，並賜錢設齋道衆，將幡花引歸觀表讚等者。皇澤霽臨，玄門增耀，康莊改觀，道俗同歡。臣某，中謝伏惟陛下，法道披元，垂衣運化。暢清靜無爲之理，敷希夷不宰之功。已洽大寧，將臻一統。以玄元像貌，容邇宸居。雖香燈無曠於常儀，而供養合歸於法宇。爰申明命，豐備齋羞。焚蘭朮以飄香，森幢幡而成列。鐃金鳴玉，纓離象闕之庭；雲邁風行，遽入龍興之閣。群心瞻仰，萬衆歡隨。雷誼讚悅之音，霧集聖明之福。臣與道衆等，獲栖大教，叠荷隆恩，永勵修持，上酬睿獎，不任之至。

賀收隴州表

臣某伏睹北面軍前隴州節度使桑簡以手下兵士及城池歸降收復隴州者。睿筭遐宣，元勳效節，纓申薄伐，已復雄城。臣某，中賀伏惟陛下，聖邁黃軒，威超周武。運神機於掌內，動有成功；料勅敵於殼中，舉無遺策。自岐郊負義，關外隳盟。深辜敦好之儀，遽

絕陸鄰之分。擁豺狼之一旅，恃疆土於三洲。巢折葦以偷安，坐積薪而稱固。小不事大，春秋所誅。所以義士盱衡，謀臣扼腕，皆期殄掃，遂舉戈矛。六軍奮躍以爭先，八校暗鳴而致勇。蹴土仞摧於吳岳，飲馬將謁於渭流。桑簡以智合變通，心明向背，倒戈銜璧，效命投誠。獻千里之山河，不施寸刃；復一方之戶口，無損秋毫。便迴毫社之鋒，自收商受之衆。想回中之路，絕退且無歸；顧灞上之讎，深竄將奚適。料其無醜，即見梟擒。看通於八水三山，永統於九州四海。俱頒舜曆，盡入禹封。臣獲奉昌期，累觀大捷，無任之至。

壽春節進章真人像表

天漢元年二月八日

臣某伏以皇圖昭永，上帝開祥。北極瑤樞，煥虹光而誕睿；中天玉斗，飛紫電以凝華。萬國歡瞻，羣心增抃。伏惟陛下二儀炳靈，九清集瑞。至化塞乎天地，清明肅於鬼神。肇三十世之宏基，方隆周業；興四百年之景運，

伋越漢圖。浸德澤於玄儒，鼓薰風於夷夏。今屬壽春大節，祝聖昌辰，賅賚雲馳，梯航波委，咸修芹禮，以繼山呼。臣與當院道士等，虔拂華壇，精依祕格，諷琅書寶，軸披霧韞。霜羅克嚴，蠲潔之誠，永廣乾坤之福。鑒聖真人，昔師道祖，躬受靈篇。傳真記於先天，緘瓊文於福地。豫明皇業，洞達玄樞。嵩公之識神堯，貞白之知梁武，以之校美，詎可同年。是敢藻績縑繒，式資瞻仰，庶因焚炷，克嗣禎休，干冒宸嚴，臣無任祝聖虔切屏營之至，其畫像功德數等，謹詣閣門，奉進以聞，伏聽勅旨。

黃萬祐鄧百經賜紫衣師號謝恩表

臣某伏觀恩勅，夔州道士黃萬祐賜

紫衣仍師號，羅江縣道士鄧百經賜紫者。大聖御天，神功及物。庭有賢良之佐，野無遺逸之人。率土朝宗，允當聖日。臣某，中謝伏以黃萬祐等，林永得志，麋鹿爲羣，深處巖蘿，罔窺名利。或丹華救物，有迴生駐景之能；朱篆誅邪，有蕩魅除凶之效。皆張道用，潛贊明時。遽捧鶴書，來朝鳳闕。萬祐

既趨於錦水，百經至自於羅江。共仰堯天，俱榮舜澤。歷觀前史，莫得比倫。伏惟陛下，道邁唐堯，功高軒后。想汾水凝神之日，尚遠九重；比峒山請益之辰，猶勞載駕。今則蒲車允至，桂檝云來，徑捨煙蘿，躬朝旒宸，顯封嘉號，俱錫服章，美輝簡編，光揚簪褐，不任之至。

廣成集卷之一

廣成集卷之二

上都太清宮內供奉應制
文章大德賜紫杜光庭撰

詔與黃萬祐相見謝表

臣某言伏奉宣旨，令臣就內樞密院，與弘道大師黃萬祐相見者。天慈軫念，俯及孱微。荷戴難勝，兢榮增極。臣某，中謝伏惟陛下，化弘有道，理尚至仁。憂勞普及於萬方，軫念無遺於一物。故得眠雲逸士，遙馳向闕之心；傲世高人，盡識朝天之禮。弘道大師，夙探至術，深隱巖巖，名姓可聞，儀形莫睹。今者爰隨徵詔，直詣闕庭，捨草帶荷裳，寵紫衣師號。事光史筆，榮耀道門。伏蒙聖慈，宣命微臣與之相見，獲奉睿明之獎，得瞻雲鶴之容。步武壺天，躋昇蓬島。祇膺異渥，榮耀萬生。顧惟鷦鷯之微，何報乾坤之德。臣某不任。

奏於龍興觀醮玉局劄子

右臣先蒙今年十月二十二日，宣賜

舊玉局洞門官舍一所，並石像老君一座，移在當觀其舍。今於殿後講堂基上，起立功畢，便用安置石像老君，焚修供養。伏以名山大川，二十四化，春秋常祀，著在舊儀。其玉局化所修常醮，伏請起天漢元年二月八日，委本府縣祇，就龍興觀玉局石像老君前修設。冀免曠闕，以叶敬恭。又北邙化在雋州，積年已來，醮祝皆闕。汎居率土之內，宜申咸秩之文。前件已化，今亦欲就龍興觀一處，與玉局同用。延祝景貺，永福聖朝。謹舉如前，伏聽勅旨。

皇帝為太子生日設齋表

右臣伏奉聖旨，為皇太子生辰，宣賜莊宅庫錢陸拾貫文。省除於北帝院，差選道衆二十一人，於七月八日開置黃籙道場七晝夜，至十五日散齋者。伏以紫氣充庭，青宮誕睿。動歡聲於六合，凝喜氣於九重。凡在寰區，皆虔祝賀。伏惟陛下恩周中外，念軫臣寮。以皇太子素切修行，常思儉約。懼無名之破費，使衆力之煩勞。應諸司，欲有齋修，並令止約。頒賜內庫錢物，特

開仙觀壇場，祈玉京金闕之真，廣宸殿離方之福。美高典冊，事邁古先。臣某獲奉絲綸，將申焚祝。睹惟新之寵澤，垂鴻大之宏規。不任抃蹈之至，謹錄狀陳賀，謹奏。

諸老君殿修黃籙齋表

臣某伏奉宣旨，於北帝院奉太上老君，修黃籙道場三日，設齋散壇，給內莊宅庫錢陸拾貫文，省除差選道衆二十一人，行道禮懺，須令精潔。伏惟陛下，功包五帝，德懋三皇。凝旒敷有道之風，端宸暢無爲之化。宸心密感，萬靈響應以潛通；睿想遐周，四海雲隨而奉聖。故得乾坤交泰，日月貞華，歲阜年康，風恒雨若。神戈所指，長蛇與封豕皆誅；惠渥所覃，虐魅與潛螭自屏。由是仙山邃洞，休瑞繼聞；玉印銅符，楨祥間出。今則拯橫流之難，興時雨之師。將廓八溟，同歸一統。而猶翹心玄教，讓德皇穹，於中元齋潔之期，備三境香花之會，上答玄元聖力，持開黃籙寶壇。用臻巨福，洪休克固，瑤圖睿壽。臣獲隆聖獎，祇奏德音，唯

勵精誠，以虔焚祝。不任荷載之至。

宣示解泰邊垂謝恩表

臣某伏奉聖旨，宣示東北面軍前所奏，得鳳翔出歸官健王彥劉等分析賊中事宜，並有謠言，泰邊垂曲子待來年者。臣某言伏以天道玄微，潛司兆朕，神功幽晦，實主福祥。必憑謠詠之言，以告休禎之旨。昔吳時青童謠於廣陌，尋驗吳亡；陳時異鳥下於高臺，果彰陳滅。五星飛落，爲虞舜受國之期；一馬化龍，乃元帝興王之應。斯皆發於天意，感契人心。詳考嘉言，尤歸聖德。伏惟陛下，繼天誕睿，應運啓圖。徇億兆之樂推，撫臨海嶽；承昊穹之睠命，拯救生靈。國寶珍符，不求自至。夷賧塞費，望日爭來。而猶北境負恩，孤城背義，坐積薪之上，即致焚燒巢，折葦之端，立期齏粉。果見明神示讖，里巷傳謠。竊聞所告之詞，便生剋平之義。所言邊垂者，乃國家散關之外即是。國之時，雨之師，神道言，祥光陳。後后之詠，成功克敵，翹足可期，即當蕩定三秦，統臨萬國。瑤圖寶

曆，地久天長。臣獲奉天慈，躬聆吉語，輒陳淺見，干浼宸嚴，不任之至。

謝宣賜天錫觀莊表

臣某伏蒙聖慈，宣賜漢州通記縣天錫觀唐友則莊壹所，永充常住者。伏惟陛下，繼天受命，應運垂裳。鴻圖豫定於上清，寶冊遽呈於厚地。鼎新觀宇，允答休禎。三殿之像貌崇嚴，終歲之香花精潔。今則特頒睿澤，廣錫莊田，輟彼膏腴，永爲常住，皇慈迴降，玄教增榮。自茲日給齋羞，免有旁求之闕；晨香暮燭，益專焚祝之心。祈聖壽之延洪，保宏基之隆永。臣某叨榮聖獎，躬荷殊恩，不任之至。

謝恩令僧行真修丈人觀表

臣某伏睹惠進大師僧行真狀奏奉聖旨，修青城山丈人真君殿功畢者。伏惟陛下，恩撫萬方，仁深二教。祇園蓬島，咸均崇飾之慈；鹿苑鼇宮，俱被興修之賜。爰於仙宇，特命高僧，載申剖劂之功，克就莊嚴之勝。俄成邃殿，永鎮福庭。期五山十洞之靈，增彌劫齊天之壽。臣獲居玄教，躬荷皇慈，不

任之至。

宣為皇子修生日道場散齋表

臣某伏以九天集貺，三景凝祥。動樞殿以飛光，降春宮而誕秀。華夷增抃，億兆同歡。皇帝廣捨緡錢，精崇齋福。必冀上清照鑒，隆萬壽於聖躬；至道貽休，介千祥於儲后。克昌大寶，永統九圍。臣某等獲勵焚修，榮頒餽錫，不任惶懼之至。

謝允上尊號表

臣某伏奉恩制俞允宰、臣等所上尊號者。丹懇上陳，皇明下矚。自天有命，率土同歡。中謝伏惟皇帝陛下，玄鳥誕商，赤符興漢。救焚拯溺，神資命世之才；日角月玄，天啓乘時之瑞。懋宏勳而崇睿德，功蓋前朝；總曆數而廓洪基，祇膺寶運。由是三靈改卜，萬國攸歸。鄙成湯周武之君，陳師用鉞；笑創魏開隋之主，侮寡凌孤。振衣而康濟九圍，凝旒而光臨太寶。承耀魄中黃之祚，執招拒西白之符。握金鏡而照寰瀛，人神交泰；撫璿璣而觀海島，億兆樂推。故得御端門，而嘉

氣橫軒；登圓丘，而神兵扈仗。謁清廟而玄雲四卷，月瑩中宵；膺鴻名而白氣輕飛，煙籠廣砌。麟呈沼沚，龍躍江湍，草樹含文，雲霞綉綵，金符踴篆，玉璽流光。雖讓德於上玄，已盈編於太史。又若天涯地表，右塞南荒。列奇貨於明庭，貢神駒於天廐。寶香來於絕域，美玉薦於殊封。漢孝武之四隅，請頒正朔；唐高宗之諸國，願混車書。將復禹封，更開堯土。百揆時叙，六樂克和，信及豚魚，恩加動植。矜逋已責，恤獄省刑。天無入牢之星，地絕成牛之氣。俘囚繫頸，咸蠲鈇鉞之威；孽黨臨誅，特有緡錢之錫。牲牲肥膾，粢盛潔豐。敢昭事於神明，致仁賢乎絨冕。達誠心於天地，罄恭恪於郊裡。感無不通，動叶喜應。不炫奢靡，不御纖華。無恣酒之遊，無恣滯之惑。不尚馳騁，靡徇畋漁。靜必肅嚴，舉惟典禮。豐財和衆，禁暴安人。大閱以正武威，大蒐以示軍實。貔貅百萬，皆蒙輪拔。拒之豪駭牝千群，盡驥子龍；孫之駿延獎忠孝，博採器能。

片善無遺，微功必錄。專經雉子，激之以高科；靖節幽人，縻之以好爵。賞勤敦本，務穡勸農。歲多栖畝之糧，時豐廩實；野有如雲之稼，國富家肥。四隅無烽燧之勞，百里有詞謠之樂。星芒武將，功高而武列泐泐；嶽秀儒臣，業贍而儒風穆穆。雖仲謀之興江表，玄德之有坤維。較美籌功，曾何仿佛。今則關河克靜，鞞柝無誼，鄰封之王帛交馳，近境之干戈載戢。人歡富壽，政治雍熙，文武誠臣，願增徽懿，中外瀝懇，華裔同辭。果迴日月之光，俯降允俞之詔。戴圓履矩，率土普天。觀盛禮而有期，仰高穹而增抃，臣與道衆等，不任踴躍、歡呼激切之至。

代人請歸姓表

臣聞磐石之宗，義非他族；維城之重，實自本枝。將垂久大之規，合定親疏之分。臣自乘文律，識昧武經，獲履戎行，早塵天渥。提戈擊劍，惟傾報主之心；北伐南征，每誓勤王之節。伏自皇帝陛下，駕驅豪傑，掃蕩寰瀛。念其纖芥之勞，假以殊常之澤，賜爲骨

肉，列在宗枋。但勵捐軀，冀酬睿造。今屬以，乾坤改卜，天地降休，土德潛移，金行啓運。徇華夷之推戴，副億兆之歸依。端居而神器自來，遙同舜禪；恭已而龍圖肇創，不假周征。緱山之寶祚天長，淮水之瑤源地久。魏峨帝緒，須承綿瓞之宗；浩蕩皇基，難雜蓬門之子。循襟省己，榮極增憂。輒披昧死之誠，甘真逆鱗之罪。期分貴賤，永叙仙凡。伏乞聖慈，許臣却還本姓，干冒宸嚴，無任待罪，望恩涕泗，隕越之至。

賀太陽合虧不虧表

臣某伏睹司天奏今月一日丁未巳時四刻太陽合虧於軫宿十一度，至未時四刻復圓，今測驗不虧者。日華騰景，君德齊尊。超術曆而不虧，彰睿明之通感。中謝伏惟皇帝陛下，元陽誕聖，二曜均明。昇若木於震宮，曜貞輝於乾道。體冬曦而流愛，九有咸恩；比春煦以延慈，一無並照。故得大明增彩，推筴難窺。契覆載之殊休，越陰陽之常度。祥光彌盛，玄德動天。逾漢

日之再中，邁堯輝之合璧。書之青史，實冠瑤圖。臣獲奉昌期，叨觀嘉貺。退顧桑榆之景，倍傾葵藿之心。不任歡躍之至。

謝恩宣示修丈人觀殿功畢表

臣某言伏睹長平山惠進禪師行真奏，伏惟宣旨重起立丈人觀真君大殿功畢者。聖造旁敷，仙祠重創。巨功克懋，靈跡增榮。伏惟陛下，德洽萬方，惠分二教。文風遐布，殊庭效柔服之誠；武烈光宣，異俗稟雪霜之令。蓬宮柰苑，咸遂興修。寰區瞻禮樂之容，夷夏識玄緇之訓。功侔太古，美冠前王。去冬，以丈人觀置立年深，堂廡凋壞。命高僧而制度，賜物力以興隆。於是運石他山，伐材幽谷，榱桷入用，剗削程能。俄成大壯之功，克致齊天之固。虛簷瞰日，廣砌橫空，雲拂危梁，風生疏牖，垣墉不改，圖畫如新。截岡阜而豁庭除，闢溝源而護階磴。衝流莫及，迸石難侵。遙符睿聖之慈，顯此殊常之績。集奇功於不朽，增聖壽以無疆。臣叨列玄關，夙深皇澤。唯

虔焚炷，上答休明。不任。

宣醮丈人觀新殿安土地迴龍恩表

臣某伏奉宣旨，以青城山丈人觀新殿功畢，修醮安謝者。伏以陛下，仁周海岳，澤溥儒玄。翹屬靈山，垂恩仙觀。殿宇之凋摧既久，教門之興葺無由。詔命真僧，頒宣國力。宏麗有疑於化出，巍峨遽比於神功。鎮彼福承，與天齊永。臣獲承睿獎，虔啓醮壇。嚴香燭以焚修，遍真靈而告謝。霞峰雲壑，如聆萬歲之音；玉曆金符，更廣千椿之壽。以今月二十三日設醮訖却迴，謹詣閣門，奉表起居以聞。

賀獲神劍進詩表

臣某言伏睹今日趙匡業所進，合州江上得神劍一口，宣示中外者。伏以將啓昇平，祥符必降。欲清凶孽，神劍斯呈。助聖明斬斷之功，表天地匡扶之力。伏惟陛下，功超三五，威肅寰瀛，仁格幽明，道均天地。故得山川林谷，吐金焰於層崖；風雨雷霆，見霜鋒於萬里。一條秋水，初觀出地之姿；數尺練光，宛耀倚天之勢。仍彰變化，

顯著神奇。昔嬴帝得之於水心，果吞六合；今陛下獲之於江上，即統萬方。荆鍾切玉者，詎可比倫；斬馬斷蛇者，那堪儔擬。臣榮逢昌運，獲睹殊祥。輒貢詠譎，願揚睿感。謹課頌聖德七言四韻詩一首陳進，干浼宸嚴無任之至。

賀誅劉知俊表

臣某伏睹勅旨，劉知俊以凶橫暴常已誅戮訖者。罪惡貫盈，人神共憤。允符聖斷，克正嚴誅。臣某誠抃誠快，頓首頓首。伏惟劉知俊性惟凶狡，器本凡庸。有貪狼苟且之心，無報德懷恩之志。傾思危迫，歸我大朝。顯敷雨露之慈，旋受節麾之寄。委之非次，待以不疑。更隆推轂之恩，特付專征之任。而咆哮自恣，殘忍爲懷，屠害黎元，罔遵刑憲。隳大國撫柔之旨，辜聖朝吊伐之仁。既負鴻慈，難逃顯戮。伏惟陛下，恩弘天地，仁冠堯湯。體至道以好生，布春和而照物。夷蠻戎狄，皆知慈育之深；日月星辰，共鑒包荒之廣。而知俊獨違聖造，肆用淫刑，致遐激之未通，阻四方之向化。今則雷

霆震令，斧鉞興誅。使普天率土之人，荷去惡除凶之德。克昌祚曆，永福生靈。臣某獲睹宸威，無任歡躍快抃之至。

賀鶴鳴化枯樹再生表

臣某伏睹，邛州團練使張敬周奏，大邑縣鶴鳴化玄一大師郭昭美申，當化有古栢樹內有七株枯多年，今再生枝葉鬱茂異常，州司差人覆驗有實者。仙山表貺，嘉樹呈祥，符睿德之感通，彰神功之茂育。臣某誠歡誠抃，頓首頓首。臣按瑞圖云：帝王德及草木，政致昇平，則松柏常生，木有禎異。伏惟陛下，膺圖啓運，握紀承天。修文化而服遐荒，耀武威而平九有。恩周草木，惠及蚺蜍。窮蕃解辯以歸仁，獷俗梯山而納賚。由是涵濡異類，感動殊倫，雪兔霜禽，栖翔接影，應龍神蔡，表見爲常。今者玉洞雲峰，靈墟古化，當炎漢理平之際，乃天師修道之鄉，林麓森疏，煙霞煥施。蒼崖蘚織，凌空之轍跡猶存；翠墀莎封，化鶴之壇基尚在。而巖前古栢，枯朽多年。霑雨露以重榮，吐黃芽而再茂。喬柯裊翠，密葉凝

陰。彼王廙之豫章，難偕繁盛；雖瀨鄉之仙檜，莫繼禎祥。惟七栢之興榮，契卜年之遐永。祥編瑞牒，古昔無倫。臣獲奉昌期，頻聆嘉瑞。敢陳謠詠，願播寰瀛。謹課頌聖德七言四韻詩一首陳進，稱賀以聞。

賀西域胡僧朝見表

臣某伏以西域天竺僧到闕朝覲者。天慈遐被，異域懷歸。致萬里之蕃僧，朝千年之聖主。華夷率化，億兆同歡。臣中賀伏惟陛下，繼聖統天，體元立極，惠周覆載，仁匝寰區。戎蠻夷狄之鄉，皆遵聲教；舜禹商周之德，莫繼欽明。由是賅寶川馳，梯航霧集，貢無虛月，史不絕書。今者天笠遠戎，葱山復俗，在積雪流沙之外，比峰岑鹿島之間。遙望干霄之雲，遂起朝天之意。言須重譯，路想經年。崎嶇不憚於窮荒，匍匐願瞻於聖日。雖圖澄入夏，祇辭于闐之東；羅什依秦，亦自龜茲之北。校其迢遞，亦驗專勤。緬惟臣子之心，允自聖明之感。永編國史，克廣聖功。臣獲奉天光不任。

壽春節進元始天尊幀並功德疏表

臣某伏以九曲澄瀾，二儀交泰。星渚表流虹之應，斗樞開飛電之祥。瑞葉千年，歡周萬國。伏惟陛下，握符受命，端宸承天。弘至道而繼三皇；敷上德而超五帝。化覃海嶽，恩普華夷，辦髮氈裘，常修職貢。四荒八極，畢贄琛珍。平六府而天降殊祥；洞三泉而地呈嘉貺。莫不書彼玉篆。波躍金鱗，獸顯霜婆，禽飄雪翅，芝英菌蠢，膏露葳蕤。靈仙時見於煙巖，貞檜重榮於雲谷。瓊儲歲稔，寶貨川臻，無向隅不獲之夫，有比屋可封之俗。故得遐方慕聖，異域歸庭。鼓舞翹誠，歡呼率化。桑乾瀚海，僧法靜則稽首朝天；身毒罽賓，三滿多則傾心入貢。皆瞻北極，共祝南山。今屬日麗九芒，風和八景，壽春大節，誕聖昌辰。輒繪真容，願崇睿福。臣某與當院道衆，起今月一日，開置靈寶延壽道場七晝夜，香燈蠲潔，焚誦精虔。冀憑妙道之功，永祝無疆之壽。前件畫像及功德疏一通，謹輒陳進，干冒宸聰。無任。

謝恩賜陽平山呂延昌紫衣表

臣某伏奉勅恩，賜陽平山主呂延昌紫衣，仍補充內殿焚修大德者。恩垂霄漢，榮及巖林。草木增輝，煙霞動彩。凡栖簪褐，共感休明。臣某，中謝伏惟皇帝陛下，惟睿開圖，握符御宇。仁覃九土，咸臻禎昱之私；政布八荒，已洽雍熙之化。由是群方述職，重譯賓庭。屬祝聖之昌辰，標壽春之大節。布鴻私於二教，灑皇澤於萬區。呂延昌久處煙羅，深精藥餌。方專心於葺理，敢企望於寵榮。豈謂陛下，念切勳臣，獎深術學。以呂延昌醫方著效，致

廣成集卷之二

□，此處原空缺。

廣成集卷之三

上都太清宮內供奉應制
文章大德賜紫杜光庭撰

宣進天竺僧二十韻詩表

臣某伏睹西天三滿多到闕朝對者。

伏以北通玉塞，西渡金河，路出重關，程逾萬里。班定遠之經歷，才及烏孫；張博望之訪尋，祇過青海。或蛇州魅磧，人跡莫窮；或飛雪流沙，馬蹄難至。由是聲教或異，職貢少修。崑嶠白環，首標瑞典；鍾山火玉，顯謂祥珍。况身毒居葱嶺之陰，于闐隔雪峰之外。天竺遼復，跋涉辛勤。慕中華億兆之尊，嚮大蜀聖明之主。專申朝覲，實美簡編。伏惟陛下，縱聖體乾，膺圖啓運。德逾義頊，仁冠堯湯。修文德而御要荒，耀武功而安寰海。故得西夷率服，萬宇知歸。南通交趾之鄉，北聚穹廬之俗。獻琛奉贄，無曠歲時。竊惟聽政之餘，每降自天之澤。興弘玄釋，勸獎崇修。梵刹精嚴，道宮

煥麗。一心齊致，二教俱榮。紫霞洞之仙客效祥，天竺國之胡僧入貢。咸歸睿感，共福皇圖。率土臣寮，同深抃蹈。臣某芝田末學，蓬岫孤蹤，獲奉天慈，俯宣明命。謹課頌聖德七言詩二十韻一首陳進，冒黷宸嚴，無任兢懼戰越之至。

賀封資王忠王表

臣某伏睹降制，封資王忠王者。絲綸顯降，典禮昭行。宗社貽休，寰區增抃。中賀伏惟皇帝陛下，仁推立愛，道慕篤新。增玉曆於延洪，固瑤枝於遠大。鳳書錫命，麟趾增華。浮喜氣於絳霄，集榮光於朱邸。臣歡逢聖運，仰睹威儀，不任。

賀新起天錫殿表

臣某伏睹恩勅，大內新殿成賜名天錫殿者。鼎新正寢，光錫嘉名。中外榮瞻，華夷增抃。臣，中賀伏惟皇帝陛下，承樞啓運，握斗垂衣。包九土以君臨，闢四門而敦睦。法天構宇，隆帝宅於上京；括地開基，壯皇居於億世。由是前羅象門，遐敞龍庭。總日月之

貞華，高嚴秀闥；集星辰之瑞彩，廣啓文軒。巍峨壓參井之墟，岌業應氏房之狀。莫不嶽靈飛碣，川后貢材，人以子來，功資神助。雖鎬宮魯殿，彼鏤細以難儔；漢闕周堂，固尋常而莫並。功云告畢，寶額爰新。顯神授於上玄，以符天錫；耀宏圖於八極，永播聖功。臨海嶽而閱琛珍，會諸侯而朝萬國。將陳大禮，以福群方。叶神明贊助之期，廣天地遐長之壽。臣某榮逢聖日，仰睹神功，不任。

賀聖體漸痊愈表

臣某言伏審，昨日已來，聖體頓就安愈。臣某誠歡誠躍，頓首頓首。伏惟皇帝陛下，深仁御宇，至道垂裳，惠匝萬區，恩周品物。晝乾夕惕，焦勞而腠理愆和；盱食宵衣，憂軫而寒暄爽候。今則神明幽贊，川嶽效靈，清廟貽祥，玄穹降福。克安聖寢，彌增雨耀之輝；廣納洪休，益永萬年之壽。華夷抃悅，億兆歡呼。臣某日旬以來，眼疾未減，不獲趨馳玉闕，蹈舞天階，瞻望煙霄，不任。

賀疾愈表

臣某言伏審，聖體已就痊愈，中外臣寮，咸增踊躍。臣某誠歡誠抃，頓首頓首。臣聞五緯經躔，尚有差其行度；四時運動，猶或爽於慘舒。雖寒暑之乖宜，蓋陰陽之常數。伏惟皇帝陛下，順時設教，以德臨人。萬機每繫於宸襟，六氣稍違於聖體。今則神靈叶贊，宗廟垂祥，廣集天休，頓安聖寢。足嗣唐堯之一統，永延周帝之遐齡。頒賞錫於醫功，恩流海內；帑鼓呼於品物，聲震層霄。臣昨自三月已來，偶縈疾苦，不獲隨倒舞蹈堯階，無任歡呼屏營之至。

謝手詔表

臣某言今日伏奉恩旨，以臣今月十一日，上表稱賀聖體痊愈復事，賜手詔獎飭者。降闕流恩，紫泥頒寵。仰承天造，俯慰几庸。臣某誠榮誠恐，頓首頓首。竊以臣叨將疏野，幸列班行。雖焚修每祝於龍圖，而且夕合趨於鳳闕。泊嬰疾苦，稍曠朝天。昨日以皇帝陛下，庶政懷勞，萬機闕念。偶致違裕，

尋就痊愈。是以臣稽首歡呼，飛章稱賀。寶簪裳之素分，乃周列之常儀。豈謂皇慈，曲頒紫詔。臣謹已焚香跪受。無任瞻天荷聖，激切屏營之至。

謝宣賜道場錢表

臣某言今日伏奉聖旨，以臣自前月二十一日，就當院集在觀道衆老宿等，於三清壇上爲皇帝陛下開置靈寶消灾轉經禮念道場，伏蒙宣賜錢二十貫文省除者。伏以中朝錫寵，內庫頒財。仰奉天慈，倍銘凡懇。臣中謝伏以叨爲教主，深受國恩。凡日焚修，皆歸職分。豈期聖造，仍降寵私。仰天上之龍顏，已增感聖；捧禁中之鵝眼，更切祝堯。其所賜錢，臣已依數跪受，俵給道衆訖。臣與道衆等，無任感恩激切屏營之至。

賀嗣位表

臣某言伏審，今日皇嗣寶位，光御洪圖。率土歡呼，普天欣載。臣中賀，臣聞成王嗣位，舉千載之徽猷；舜帝繼明，爲百王之茂典。上膺天命，下契人情。伏惟皇帝陛下，道比成湯，仁同大

禹。德宜符於五緯，運潛契於一儀。是以克紹宗桃，光昇寶位。鼎祚彰惟新之命，洪基顯隆永之期。即使車書混同，夷夏清泰。九土有歸山之馬，四溟無橫海之鯨。克振皇綱，永安大業。臣叨榮昌運，獲列簪裳，仰馳捧日之心，雖同龜抃；俯抱卧漳之恨，莫遂鳧趨。臣無任瞻天望聖，踊躍屏營之至。

賀德音表

臣某言，今日皇帝御殿宣降德音者。臣聞聖德法天，應候每行於亭育；神功體道，順時克布於生成。莫不澤被九黎，惠敷萬國。凡居覆載，咸動歡呼。臣某，中賀伏惟皇帝陛下，宅據寰中，日臨天下。克儉而茅茨不剪，栖神而金鏡高懸。是以鴈塞窮荒，雲奔玉帛，雞林絕域，霧集梯航，運在無爲，俗欣有道。今則普宣德教，克順正陽。安地表之遺黎，高開壽域；御天錫之新殿，更扇薰風。慰征役於藩方，免逋懸於郡縣。魅鄉遷客，俱從釋宥之恩；囹圄縲囚，盡舉寬明之典。式因三赦，將俟一同。臣伏恨疾瘵所縈，不獲隨例

蹈舞玉階，無任歡呼踊躍屏營之至。

又賀德音表

臣某言，今日皇帝御殿宣降德音者。雷雨作解，渥澤滂流，而九土以無遺，致群生之咸泰。華夷億兆，孰不歡呼。臣某，中賀伏惟皇帝陛下，嗣聖繼明，握圖御宇。蒸蒸大孝，同漢惠以承祧；翼翼小心，比周王之纂極。文懷遠俗，武戢遐荒。膺乾而化洽無垠，出震而仁周有截。今則凝旒御宇，正殿天中之德澤，更扇薰風。憫征戍之勤勞，釋賦租之逋滯。投荒遷旅，囹圄縲囚。俱從赦宥之私，盡舉寬明之典。騰歡聲於域外，浮喜氣於雲間。車軌書文，佇歸一統。瑤圖玉曆，克保千春。臣獲以衰遲，躬逢睿聖，方嬰疾疹，不獲蹈舞堯階，瞻戀天慈，無任歡呼踊躍屏營之至。

謝批答表

臣某言，伏奉恩勅，以臣今月二日上賀登極表一道，賜批答獎飾者。寵降丹青，榮臨玄教。綸垂五色，出仙禁以

昭彰；日煥九芒，向芝田而照燭。驚榮失次，抃蹈無階。臣，中謝伏惟皇帝陛下，珠衡誕瑞，玉斗縱神。出震域以重光，爲乾樞而纂聖。德超啓誦，弘孝德以垂衣；明繼勛華，宣太明而御宇。湛恩遐布，惠渥旁敷。歡呼振野以成雷，喜氣凝空而作蓋。華夷億兆，就日瞻雲。臣某限以衰遲，兼嬰疾恙。仰龍墀而潔懇，陪獸舞以無因。遂貢封章，遙陳誠悃。豈謂特隆睿獎，俯降天章。成行之瑞露葳蕤，聯幅之卿雲芬郁。捧對而嵩衡未重，感恩而溟渤非深。鷓鴣至微，乾坤難報。所賜批答，臣謹已焚香跪受訖，無任荷聖戴恩之至。

慰中祥大祥禱制表

臣某頓首頓首言，日月不居，大行皇帝，奄及某祥。伏惟皇帝陛下，攀號痛慕，聖情難居。上爲宗祧，下徇億兆。俯全大禮，永福華夷。臣衰疾所縈，不獲隨例起居奉慰。無任殞越屏營之至。謹奉表陳慰以聞。

慰釋服表

臣某頓首頓首言，日月不居，大行

皇帝，崩背如昨，奄經禮制。伏惟皇帝陛下，攀慕永遠，聖情難居。四海臣妾，服制終禮。瞻天靡及，履地無容。臣伏限衰疾所縈，不獲趨詣闕庭哀慟。臣無任感咽摧慕之至。謹奉表陳慰以聞。

慰冊廟號表

臣某言，今月某日，追冊大行皇帝尊謚及廟號者。伏惟大行皇帝，應天誕睿，乘運開圖。豐沛振衣，功超於漢祖；邠岐枝筆，仁邁於周文。考唐堯翊善之名，遵虞舜盛明之號。今則式崇尊謚，爰美聖功。億兆咸哀，寰區共感。伏惟陛下，悲纏罔極，孝理萬方。仰弓劍以難追，奉冊書而增感。溥天率土，哀殞同深。

慰啓攢表

臣某言，伏承大行皇帝，今月某日啓攢宮者。哀纏百辟，號慟六宮。伏惟陛下，攀慕哀號，聖情難處。對弓劍而增感，歎光景以冥懷。臣伏限衰疾所縈，不獲隨例哀慟。無任殞越屏營之至。

慰祔廟禮畢表

臣某頓首頓首言，伏承某皇帝祔廟禮畢者。禮重宗祧，序申昭穆。克遵嚴祀，永耀神功云云。伏惟陛下，順考禮經，欽明孝德。正春禘秋嘗之典，宗配天奉聖之儀。允集鴻休，永崇清廟。普天率土，哀慕同深。

慰封陵表

臣某頓首頓首言，伏睹大行皇帝陵寢封爲某陵者。臣竊惟大行皇帝，吞日叶祥，履星應夢。握乾元而啓曆，拓坤野以開基。鄙吳魏之三分，廣行恩化；欲華夷之一統，將混車書。陵寢正名，允符聖德。伏惟陛下，纂承事重，追美爲先。光顯遺功，輝華盛禮。仰瞻懿躅，稍慰聖情。凡在臣寮，同深哀慕。

慰發引表

臣某言，伏惟大行皇帝靈駕，以今月某日發引者。二儀交感，兩曜無光。億兆銜哀，雲霞共慘。臣某誠摧誠咽，頓首頓首。伏惟陛下，孝思罔極，聖情難居。望仙駕以漸遙，聽薤歌而增咽。

追攀不怠，號慕難勝。

賀登極後聽政表

臣某言伏審，今月九日皇帝御明德殿聽政者。文物羽儀，初陳於玉砌；行鵷振鷺，乍列於瑤墀。中外同歡，寰瀛共賀。臣某誠歡誠躍，頓首頓首。伏惟皇帝陛下，九天誕聖，七政縱神。執玉斗而御乾龍，將寧四海；握璿衡而司大象，爰牧萬方。敷啓后之文明，懋成王之道德。今則雲開碧落，齊瞻北極之尊；霞散滄溟，共奉大明之照。恩覃有截，惠洽無退。臣跡滯芝田，榮逢寶運。悲越吟而自感，趨漢殿以無由。瞻望堯天，不任抃蹈歡呼激切屏營之至。

慰山陵畢表

臣某言，伏承大行皇帝山陵禮畢者。神宮長閉，仙寢永安。率土生靈，不任號慕云云。伏惟皇帝陛下追慕不怠，聖情難居。對馬鬣以增悲，攀龍髯而永而。遊衣尚在，仙駕已遙。追想英威，摧慕何及。臣某伏限衰疾，不獲奉慰闕庭。不任號殞摧咽之至。謹奉表

以聞。

請不赴山陵表

臣某言，竊承山陵俯逼，皇帝陛下哀慕無窮，欲躬赴陵寢者。恭聞中旨，實駭人情。凡被照臨，莫不惶惑。臣某誠惶誠恐，頓首頓首。伏以帝王之孝也，法天順人，緣理制禮，俾生靈咸若而宗廟永安。未聞以弓劍之哀誠，履曾閔之獨行。遽勞警蹕，親奉告修。伏惟皇帝陛下，考百王之舊儀，徇歷世之成典。特迴聖鑒，俯契禮文。遵前古之通規，示後王之令範。彌彰孝理，以慰萬方。臣不任瀝懇虔望迫切之至。謹奉表陳乞以聞。

廣成集卷之三

廣成集卷之四

上都太清宮內供奉應制
文章大德賜紫杜光庭撰

戶部張相公修遷拔明真齋詞

臣聞，太上開圖，元皇演教。三籙定金明之典，功被人天；九幽懸玉匱之科，惠周存歿。竊尋經旨，遵按玄文。仰祈遷拔之恩，輒備懺陳之懇。今月二十五日，是臣先妣唐楚國夫人、蜀追封宋國太夫人劉氏忌辰。今月三十日，是臣先考唐丞相太子太師、致仕蜀追贈太尉忌辰。謹賫油燭香化供養之具，於成都府玉局化北帝院，奉修靈寶明真道場，一晝一夜。道士一十四人，三時行道，三時轉經。對乾象以披心，馳香龍而上奏。伏惟高尊憫鑒，衆聖垂光，普告四司，闡明三界。降九龍符命，開長夜寒庭，鍊沐形魂，遷拔神爽。出玄陰之府，入洞陽之宮。罪咎蠲消，冤讎解釋。落名地簡，列籍道階。輪轉福鄉，克登仙品。九玄幽識，

咸遂超昇。誓勤修奉之心，上答真靈之澤。

張氏國太夫人就宅修黃籙齋詞

伏以妙道玄功，濟時佐國。真經祕旨，拯物救人。肇宏規於億劫之前，弘大化於萬天之內。宗之者，儲祥納祐；修之者，駕景登晨。披究古今，昭彰典誥。張氏克承禎貺，運偶聖明。被沐天光，輝華帝澤。循懷顧分，常抱兢憂。省己修躬，每爲炯戒。實恐往世之積瑕未懺，此生之累覺將深。幽陰有註訟之書，冥漠有考延之籍。又張氏今年，天符臨於木墓之位，暗曜住於飛化之年。火星照於身宮，仍當剋之性分。大運逢王金之上，火力稍微；小運值生金之鄉，木氣已薄。緬思厄會，倍用憂虞。竊惟大道無方，施恩普洽。式申虔祝，必介休祥。是用蠲潔丹心，修崇黃籙。像瑤壇而肅列，按瓊韞以敷陳。質信諸天，燭蘭缸於午夜；告明三界，飄檀蕙於九時。露懇馳誠，希恩悔過。伏惟高尊太上，萬聖千真，憫鑒叩祈，昭宣渥澤。勅天司

地府，命陰職陽寮。黑簿落名，青宮著錄，和平債訟，消解冤讎。北都除執對之篇，年齡增遠；南極定延長之紀，祿祚尤宜。五行祛災滯之文，九曜息照臨之咎。常歡舜日，永廢堯天。眷屬樂康，子孫忠孝。九玄七祖，往逝先亡。或拘滯昏衢，未超福路，願承道力，便遂往生。利祐見存，允蒙貞吉。其有三徒六趣，夜府寒鄉，亦因懺滌之緣，盡獲逍遙之果。陰陽將吏、宅宇龍神，長悅豫以安寧，俾凶衰而殄息。上願皇圖遐廣，聖壽延洪。卜年克大於姬周，享祚更隆於炎漢。寰瀛一統，書軌混同。共傾捧日之心，咸沐自天之祐。

奉化宗祐侍中黃籙齋詞

伏聞，道本無爲，降元精而生二象；象而後數，羅五緯而備群形。維地麗天，無違於律曆；陽舒陰慘，咸繫於裁成。由是善惡循環，吉凶倚伏。乾剛坤載，不能排九六之期；蟾魄烏輪，不能革盈虧之勢。况乎二儀稟質，三命定生。未超變化之機，固有推遷

之理。是宜兢懷省己，審過知非。常加策勵之心，冀動真靈之鑒。臣夙承玄廕，早沐洪休，運偶睿明，身叨寵任。推忠陳力，未申匡濟之勞；翊聖扶天，累荷超逾之渥。將壇相印，委遇益隆。蒼珮行師，徽榮彌厚。戒滿盈而徒切，報君父以何階。尚恐動靜行藏，有乖於素分；屬心舉念，有忤於神明。或在公有失於賞刑，統衆有愆於裁斷。或往世之尤違未解，或積生之冤債未祛。有一於斯，皆宜懺滌。又今年，二運俱逢於墓位，飛天仍值於火星。雖居華蓋祿德之方，恐有刑剋照臨之數。以茲兢懼，倍切懇誠。徐氏年運之中，亦有災滯。大小二運，金火氣微，飛宮遇於計都，天符臨於生月，恐爲災滯，志在懺祈，是敢恭備信儀，虔申齋潔。按玄都品格，修黃籙道場。嚴香花於二日六時，召真聖於諸天諸地。凝神注念，瀝懇披心。伏惟萬聖迴光，衆真流鑒，憫其丹款，錫以休祥。赦已往之罪瑕，息將來之厄滯。明星暗曜，無臨照之凶；三命五行，除衝妨之會。冤

仇和釋，債訟消平。嗣胤繁昌，壽祿延益。九玄蒙福，幽夜開光。眷屬康寧，龍神安豫。上願聖躬萬壽，大業永昌。布聲教於九圍，咸歡舜澤；混車書於八極，共樂堯仁。百穀豐盈，六氣均暢。誓傾忠孝，上酬英睿之慈；克勵精誠，仰副真靈之祐。

上官子榮黃籙齋詞

伏以大道玄功，至真妙感。隨方流貺，應念垂慈。佐國濟人，恩周於動植；祛災降福，惠及於幽明。凡所啓祈，必蒙昭鑒。某氏以今年大小行運之內，恐三命衰微；陰陽宿曜之中，恐五星臨照。致成災厄，無所告祈。竊聞黃籙妙齋，功德廣大，無災不解，無厄不攘。輒罄丹誠，冀蒙玄祐。謹依科法，開置壇場。三日香燈，九時懺謝。至真冥應，有感必通。伏願三境諸天，高真衆聖。降無涯之澤，垂廣覆之恩。爲某氏解除積世罪瑕，多生冤債。隨懺消平，應時除蕩。眷屬安貞，公私和泰。誓傾忠孝，永奉聖期。

飛龍唐裔僕射受正一籙詞

伏聞，冥寂之初，混元之首。道生一氣，分彼兩儀。陰陽有昇降之殊，清濁有仙凡之異。是則紫清金闕，高居太妙之庭；黃軸風關，下鎮窮泉之域。隨機染惑，因生進退之疑；委跡沉浮，遂有飄零之痛。既非先覺，必在指迷。玄元皇帝，當東漢之季年，啓南宮之寶笈，首傳真籙，大拯群生。修之則駕景冲虛，行之則濟人佐國。或蕩平氛沴，或懲革凶妖。正日月之天元，風雲叶候；靜灾邪於地紀，生植無愆。歷代所尊，垂休靡極。臣夙承道蔭，獲奉皇慈。功輕而渥澤愈隆，力薄而君親未報。常思稟窺祕籙，宗受靈文。勤旦夕之香燈，勵精虔而禱祝。所冀家國，同納福祥。今則嚴備信儀，恭開壇墀，通宵懺滌，稽首歸依。蘭燈夜燭於九冥，檀炷晨飛於三境。恭馳懇款，冀達尊靈。伏惟太上三尊玄元大帝，十方衆聖，三洞威神，鑒丹懇之誠，賜感通之應。靈官真氣，咸賜授傳。使內保身安，外祛灾沴。名臻道籍，罪滅陰

曹。九玄離積夜之鄉，永棲長樂；舉族享無涯之善，常奉休明。算壽遐延，公私清泰。上願龍圖攸久，鳳曆延洪。增聖壽於無疆，乾坤共永；布皇恩於有截，海岳咸安。同爲至道之風，共暢無爲之化。

皇太子青城山修齋詞

臣聞，靈寶陳規，齋戒感希夷之兆；真文設教，行藏通修鍊之功。莫不啓之於心，弘之於道。上可以虔祈穹昊，昭達玄微；次可以宣布情誠，祇延福祐。永言清信，敢薦虔恭。伏以皇帝，劃地開基，法天垂覆。定禍亂而爰承土德，闡真明而克應金行。翼翼小心，弘朽索薄冰之懼；乾乾夕惕，有櫛風沐雨之勞。備歷歲時，益勤祇敬。是致年豐歲稔，國富兵強。定蜀漢之疆圻，扼黔巫之襟帶。允文允武，咸序彝倫。至公至平，式崇治本。四方慕義，萬里歸仁。梯航無隔於高深，書軌盡同於風教。蓋九霄之靈蔭，信大道之冥扶。是使帝圖聿昌，宸算永言。戴仰彌切，兢持近者。以星象留行，稍

淹時景。分野觀矚，實資禱祈。是用潔志清心，忘機滌慮。召十洲之法侶，約三洞之玄科。敬設清齋，仍修大醮。伏願上真降鑒，衆聖宣慈。迴機軸於玄關，啓輝光於丹道。凡言灾沴，並獲消除。但有吉祥，皆承應感。增聖壽於千秋之外，播皇猷於萬宇之中。壽山深峻於五山，福海更深於八海。與乾坤而齊固，共日月而合明。叶華戎推奉之情，遂臣子依憑之懇。盡繫至教，俯契微衷，冒瀆真仙。無任兢惶戒懼，激切屏營之至。謹遣得一大師賜紫張茂卿等一十四人，虔修法事，願鑒丹誠。

普康諸公主為皇帝修金籙齋詞

伏聞，道混虛無，泮玄黃爲九玄之始；象凝恍惚，標化育爲獨化之源。於是覆載以乾坤，照臨以日月。三才共道，剛柔之用。迭興品彙，攸生善惡之端，遂列然後，降之以君父，佐之以股肱。法高皇不宰之慈，體大帝無言之煦。弘安疆域，大庇黎甿。伏惟皇帝陛下，出震臨人，承乾御曆。稟樞機

之精耀，含嶽瀆之靈源。明契三辰，運符四序。當天人之允屬，表讖瑞之咸臻。因念陵夷，遂康烝庶，鎮寧郡國，割裂江山。辛勤侔大禹之功，化洽媿成周之德。豈忘宵旰，莫憚焦勞。是用和平，永期清泰。某等今以時當端月，節遇正陽。屬二氣之將交，處午位之炎景。思弘百福，用薦千齡。啓金籙之靈壇，造玉京之勝地。伏願皇帝，明齊月桂，壽比天榆。握金鏡以御寰瀛，致衢樽而歡億兆。垂旒問道，睹元凱之忠貞；負宸調元，獲夔龍而翊贊。四三皇而永固，一六合以無虞。仰奉虛皇，俯垂玄造。冀納虔祈之志，獲申懇禱之誠。

皇太子為皇帝修金籙齋詞

伏以浩邈無涯，育乾坤者至道；彌綸莫極，運造化者玄功。凝一氣，以生三才；周六虛，而吹萬有。所以春皇秋帝、雲紀火官，承妙用以御寰瀛，體無爲而統天地。曷常不含，和韞粹端。拱穆清執，大象以臨，人乘飛龍。而布化雖流金燦石，湯德彌光。懷山

襄陵，堯風益扇。皇帝應圖負宸，握鏡開基。慕玄元慈儉之宗，仰黃帝華胥之躅。日慎一日，雖休勿休。故得聲教旁敷，京坻積稔，俗臻暇豫，民樂雍熙。交歡自洽於鄰封，踈讎爭來於絕域。倍增寅畏，祇荷穹旻。昨以垂象飛芒，天文炯戒。躔次雖殊於分野，禱祈勵切於焚修。恭啓皇壇，敢希鴻福。仰玉清之玄化，稽首知歸；開金籙之道場，齋心發願。所貴者，達誠碧落，薦壽皇躬。與日與月之同明，共地共天之咸久。青詞奏御，俾金慧以韜光；丹表通真，致珠囊之叶度。災纏永息，禎瑞常臻。鳳曆克調，狼煙不警。政隆三五，祚越億千。位忝儲宮，實欽仙境。輒傾素懇，仰望玄慈。

中元衆修金籙齋詞

伏聞，至道希夷，真精玄寂。弘化於混元之表，凝光於太極之先。散淳一之根，潛分步驟；鼓生三之氣，以制寰瀛。所以乘龍襲氣之君，畫卦垂衣之后，順敷道要，創厥皇基。恢妙用而福寰中，布神功而利天下。昭彰帝紀，

炳蔚人文。允屬睿朝，誕應天睭。皇帝儀乾受命，應運開圖。繼軒黃帝項之靈源，茂宣父文王之至德。纂承土運，光啓金衡。端旒宸以穆清，慕唐虞而真正。思洽大同之理，以康九土之民。稼穡連豐，華戎咸泰。皇儲輝重明之美，遐方贊有道之風。中外恬夷，生靈輯睦。况屬三元令序，大有昌辰。宜虔齋潔之誠，共祝君親之壽。拂瑤壇而展禮，按金籙以陳儀。龍綵質心，香花備信。焰九光之蓮炬，下照冥津；飄三素之檀煙，上聞真域。必冀三天降祐，萬聖延慈，宗社隆昌，寶圖安鎮。齊乾坤於聖壽，等日月於睿明。文德武功，綏寧八極。天枝寶胤，輝映萬齡。儲皇享椿桂之年，常扶大業；妃后潔蘋蘩之德，共翼宸居。朱邸清朝，彌臻景貺。外藩內輔，益履殊榮。常樂雍熙，皆登富壽。其有宿殃積孽，往債前冤、年辰命運之災，算紀飛旗之厄，乘茲懺謝，並乞消平。即冀宗廟尊靈，生神三境，臣等九玄七祖，受福諸天，貽祚流祥，傳休無極。上願天文昭

著，象緯澄清。回直符太一之旗，息玉
慧金芒之耀。蕩憂患於井參之野，延
福祥於梁益之墟。九穀無虞，五兵斯
戢。螟蝗水旱，無肆沴於農功；疫癘
凶荒，靡非災於閭里。幽關舒泰，品類
滋榮，海岳歸仁，寰區稟化。至有立功
將士、往逝都頭、勤著勤王，忠推致命，
每因齋薦，皆爲懺祈。必離冥漠之鄉，
更遂逍遙之適。或幽陰尚滯，渙澤未
霑。或嗣續已無，莫羞多闕。九宮符
命，卽爲遷神。三籙洪恩，俱令濟苦。
勿爲疵癘，速詣福廷。動植飛沉，盡登
真道。

皇帝修符瑞報恩齋詞

蓋聞歷代帝王，受天符命，咸宗至
道，以御鴻圖。莫不用慈寶以臨人，仗
玄功而濟物。克致雍熙之運，仍頒祥
瑞之文。顧以薄躬，猥臨大寶。寰區
尚擾，思偃武而未臻；法令頒行，念措
刑而莫得。內惟兢業，莫敢違寧。今
年七月，漢州十邠縣百姓郭迴芝，於仙
居觀，採藥耕地，掘得銅牌，長七寸，廣
四寸，上有六十字。老子通天記云：

丁卯年甲戌乙亥，人王生，享二百年。
天子王從建，王元膺，王萬感，王嶽，王
則，王道宜。五字篆文後云：北邙化
張弘道，天寶留此明聖代。欽承玄貺，
虔佩靈符。識大道之垂休，知卜年之
惟永。爰傾丹懇，用答殊休。按九等
之科儀，修靈寶之法事。所願丹心，徑
達聖鑒。俯臨社稷永昌，休徵必應，四
時合序，萬物以嘉。俾令率土之賓，盡
保無疆之福。稽首謹詞。

黃齊助中元黃籙齋詞二首助然燈詞

伏聞，三元大有，乃諸天降福之
辰；九夜長幽，是厚地重陰之境。將
消積暗，爰假神燈。上納三光，下照群
爽。經科所重，濟護攸先。今屬序屆
中元壇，開黃籙三時朝懺，萬罪蠲消。
輒備香油，同申供養。伏冀鸞輝鳳焰，
凝光地府之中；星布蓮敷，散景泉扃
之內。盡超苦趣，永出冥津。九祖生
天，六親介福。灾祛未兆，善洽無疆。
奉上安家，並希元吉。

黃齊為二亡男助黃籙齋詞

臣聞包容萬象，至道爲亨育之尊；

弘濟群生，天尊演虛無之道。莫不恩
覃纖芥，澤普存亡。明真開玉匱之書，
長夜釋重陰之苦。丹誠上感，玄貺必
臻。臣過咎夙彰，神明垂譴。纔逾一
月，繼喪二男。憔悴中年，寂寥孤影。
痛蒸嘗之時，絕念冥漠。以何依懼彼
營魂，尚爲拘滯。伏思遷拔，唯仗焚
修。捨其服用之資，助此香燈之會。
涼颯韻磬，應聞泉曲之中；秋月凝壇，
想照夜臺之下。願乘齋福，俱出幽關。
鍊魄朱宮，生神絳府。各遂逍遙之路，
盡登清淨之鄉。永奉正真，長居道域。
人間天上，終際會於善緣；萬劫千生，
更團圓於眷屬。昭昭願力，真聖鑒知。
不任涕咽虔祈之至。

趙部助上元黃籙齋詞三首

至道流慈，元皇垂貺。三宮四赦，
爰孚作解之恩；品物昭榮，共樂如春
之澤。皇壇巨祐，幽顯無遺。臣以庸
愚，叨逢聖運，早承寵祿，常戒滿盈。
猶恐年歷之間，星辰之內，因纏厄會，
尤切兢憂。輒因黃籙道場，虔申悔謝，
仰希上聖，俯鑒冲襟，密賜福祥，潛祛

灾咎，壽年增益，家眷康宜，存歿幽明，同臻景祐。

中元

律移朱夏，節應素秋。鼓夷則於西郊，斂火雲於南極。裁非戒惡，允屬茲辰。猥以塵凡，叨親道化。身參丹籙，名隸玄臺。而過尤易結，世網難祛。動靜行藏，未混融於大道；年辰宿曜，猶纏集於衆灾。輒因黃籙寶壇，助營香供。冀蒙聖力，俯鑒愚衷。開罪書而解救愆尤，豁塵累而蕩蠲厄難。九玄受賜，舉族霑榮。永承祐護之恩，誓竭歸依之願。

下元

臣以宿因，獲承積祐。早參職務，族忝官榮。而所主重難，常深憂懼。尚慮行年灾滯，星曜加臨。遂履困蒙，莫知祈告。今屬玄冥屆節，水帝司辰。星杓方指於孟冬，朔氣正雄於北陸。年光遷貿，修奉彌專。敢因九奏之壇，虔瞻上聖；盡瀝萬重之懇，願降殊慈。賜臣罪咎消平，灾凶殄息。前冤宿債，乘功德以和寧；往世今生，荷懺祈而

濟拔。九玄享福，舉族霑榮。克承憫祐之功，永勵歸依之懇。

馮涓大夫助上元齋詞

伏以大道垂文，澤周存歿；天尊演化，恩及幽明。廣敷九等之科，以拯重冥之苦。敢持哀懇，仰叩玄關。今月二十六日，亡妣隴西郡君贈隴西郡太夫人李氏忌齋，詣玉局靈壇，因上元勝會，同修香供，用禱福祥。伏願亡妣，鍊景朱陵，棲神玄圃。悟恬澹希夷之道，契長生永劫之真。玄會無爲，克臻妙果。

中元

伏聞，黃籙明科，紫陽具典，玄元勝力，丹簡宣恩，拯拔幽沉，照臨冥夜。古今宗稟，生死銜恩，有感必通，所祈克應。今月二十六日，是臣亡妣贈隴西郡太夫人忌辰，輒因玉局壇場，中元齋薦，同申修奉，冀達真靈。伏願亡妣，乘此福緣，高昇道境，遊神碧落，蛻影丹臺。永登快樂之鄉，克證希夷之道。

下元

伏以黑帝御時，玄冥肇序。下元

勝會，大有昌辰。所宜虔祝，上真勵精，下土用祈，禎貺以福存亡。今以玉局靈墟，瑤壇展禮，輒持法信，用助齋誠。敢希衆聖鑒臨，萬真昭祐。九玄開度，超離冥漠之鄉；五族叶和，長荷安貞之福。灾凶殄息，罪咎消平。永誓丹襟，仰承洪澤。

周庠員外助上元齋詞

伏聞，齋敷九等，節啓三元。是萬方禱福之辰，是衆聖宣恩之日。今屬玄元真化玉局靈壇，陳黃籙之儀，按玄都之品，九時奏御，三日焚修，精助香燈，同申懺滌。伏冀高尊錫祐，大道流慈，採納精誠，降頒鴻福。九祖遂超昇之願，六親霑覆護之仁。消厄滯於將來，解冤讎於既往。罪咎原釋，疾苦痊平。壽祿增延，凶灾除蕩。克叶發生之德，敢忘大道之恩。

下元

伏以玄帝司辰，水官統序。乃請福延恩之節，是凝心滌慮之期。况玉局仙蹤，瑤壇盛禮。九時焚祝，必介於休禎；三日齋莊，敢同於懺謝。所冀

灾纏殄息，冤債消平。罪咎咸蠲，存亡共泰。永虔修奉，以答玄慈。

盧蔚大夫助上元齋詞

伏以大道周行，三元立訓，陟明考校，毫末無遺。臣早慕玄虛，夙宗清淨。每展恪勤之懇，以祈昭祐之慈。今以玉局靈壇，上元福會，輒賫香燭，同助焚修。所祈消解灾凶，滌除罪咎，蠲平疾厄，延益年齡。善功克被於存亡，禎貺旁周於眷屬。永勤丹慊，仰副玄慈。

上元

伏以考校良辰，先春令序。當上元陟明之節，乃群生舒泰之期。式罄齋誠，以申虔祝。今屬錦都靈化，玉局瑤壇，啓黃籙之真儀，展玄科之盛禮。輒持香信，同助良因。伏惟衆聖垂慈，萬真昭鑒。憫其修奉，錫以禎祥。惠普存亡，遐祛罪咎。解灾纏於未兆，增祿壽於惟新。永勵丹心，上副玄貺。

中元

伏以四始周行，三元定籙。陟明顯晦，考校無遺。臣素奉道科，早師玄寂。每逢良會，必勵修崇。今以玉局

朝元霜壇歲事，輒賫香燭，潔助齋功。所祈大有之恩，允降自天之澤。疾恙痊愈，祿筭增延。仰薦先靈，旁沾眷屬。永承丕祐，欽贊元勛。不任歸命丹切之至。

下元

伏以水德配時，玄冬叶候。當二氣謹藏之節，是諸天校會之期。所宜勵志重玄，凝心至道。滌瑕悔過，請福希恩。况玉局皇壇，錦城福會，敢營香幣，同助齋修。三日肅虔，九時朝懺。冀蒙昭祐，廣賜休祥。賜臣玄祖超昇，陰冥開泰，存亡濟度，灾咎銷平。釋冤債於夜庭，落罪尤於地簡。疾厄痊愈，筭紀遐長。誓傾嚴奉之誠，常副真靈之祐。

廣成集卷之四

廣成集卷之五

上都太清宮內供奉應制
文章大德賜紫杜光庭撰

上元玉局化衆修黃籙齋詞

伏聞，道出虛無之表，職在生成；德超仁義之先，功包慈育。化綿億劫，教普群方。由是三皇以道御乾坤，五帝以德承天地。人臻福壽，俗致雍熙。雖金木運遷，步驟時革。理家康國，惟道爲先。行之則四海晏清，代還淳樸；違之則中原版蕩，物變澆漓。我國家師太古之風，紹玄元之訓。懷道抱德，祖舜述堯。故能縱神武以滌埃氛，中興鳳曆；光聖文而安社稷，克固鴻圖。臣等夙荷道慈，獲逢昭運。微功未著，寵澤已深。思虔齋潔之誠，仰報君親之德。今屬天官統序，木帝司方。當上元校戒之期，是下土精修之節。共賫法信，同詣靈壇。備玉籙金豆之儀，陳十極四華之禮。蓮缸散焰，續陽景以燭幽關；蘭炷飄煙，御星躔而達

卑懇，必冀衆真迂駕，萬聖迴軒，俯鑒群心，洪流巨福。上扶宸極，安帝業以天長；仰奉廟謀，鎮坤維而地久。邊烽不警，氣序式和，穀稼滋豐，生靈舒泰。寰瀛輯睦，車軌混同。妖沴不興，禎祥荐委。臣等存亡介福，七祖生天；族屬沾榮，三灾弭息。或前生今世，罪網未祛。或往債宿冤，過尤未解。或刑章有失。或宰割不明。或故殺誤傷，因成報對。或運心履行，有犯神明。或土木奢華，服用繁侈。三官紀過，五帝司非。憑此懺祈，皆希洗蕩。賜臣等壽齡延永，祿祚遐長，灾厄蠲消，冤讎和釋。其有同心事主，戮力勤王。風露先驚，古今俄隔。緬惟夜府，願享福緣。爰伸濟拔之因，俱遂超昇之路。其次蒸嘗曠絕，冥漠無依。亦俾往生，勿爲淪滯。龍神正秩，五廟靈司。乘黃籙之殊恩，沐玄都之景貺。肅清風景，安鎮方隅。疫毒無侵，干戈不作。蛸翹異品，動植殊形。六趣四生，三途五苦。九龍符命，三寶威光。普沐神功，並登真道。

白可球明真齋讚老君詞

伏聞，道本至無，化分妙有。功包覆燾，恩普幽明。家國稟之以安寧，存亡得之以開濟。神威靈澤，妙用無窮。臣以玉局洞天神仙奧府，將申瞻敬，式表宸儀。遂爲玄祖幽扃，塑造真像。眸容端穆，侍衛駢羅。疑珠宮下降之初，若玉座浮空之際。巨功既就，妙相益嚴。日角月玄，煥矣群生之主；綠眉皓髮，巍乎萬聖之尊。永福一方，以鎮靈化。是用虔修表讚，載展誠祈。披玉匱之科，備明真之典。轉經行道，然燈炷香，瀝懇上玄，冥心下土。伏冀傾光三境，迴駕九清。憫鑒塵微，降流禎貺。潛扶寶祚，密祐聖朝。契自然清淨之風，臻太古無爲之理。次願坤維肅穆，川境晏安，符瑞有聞，灾凶不作。臣九玄幽爽，七祖魂神。出長夜之庭，昇洞陽之館。毀絕地錄，超翫天衢。洎乎有識含生，三徒六趣，俱霑景福，各遂生成。臣積罪銷平，宿瑕除蕩。灾纏霧廓，道化風行。得罔象之玄珠，入希夷之祕籙。誓精修奉，以答玄恩。

温江縣招賢觀衆齋詞

伏聞，妙道融真，高出混元之表；天尊立教，光敷浩劫之先。歷代化人，隨機濟物。大惟邦國，普及幽明。俱賴神功，咸承景貺。臣等叨逢聖運，夙稟真詮。欽玄元道德之宗，睹烈祖神仙之躅。尚拘世網，未脫樊籠。分地用天，恭守玄儒之訓；節財約己，敢忘覆載之私。今屬至聖垂衣，元勛撫俗，五兵罷警，百穀荐登。野洽謳謌，人歸富壽。當九井降生之月，是三台誕瑞之期。將報洪恩，莫先黃籙。是敢博求衆力，同備信儀，嚴飾仙蹤，遵依秘格。披心十極，歸命諸天。然燈炷香，馳誠達懇。伏冀三尊駐景，下察丹襟。萬聖迴軒，傍流玄澤。上扶社稷，配天地以安禎；仰贊聖躬，同日月而輝煥。台星福曜，常鎮坤維。將略廟謀，永宣井邑。一方昭泰，四境乂安，疫毒無侵，戈鋌不作。臣等九玄七祖，超度泉扃；五族六親，允蒙禎祐。銷平罪咎，和釋灾凶。農蠶克保於豐穰，幽苦咸期於扶濟。龍神鎮守，風雨均調。道

化周行，靈威廣被。茫茫九土，擾擾四生。承黃壇普懺之緣，因太上九龍之命。俱昇道果，普陟仙階。飄浮花祭之魂，霜露霑零之魄。勿爲疵癘，各遂往生。道力所覃，永叶元吉。

尾浦劉殷費順黃籙齋詞

伏以清淨之宗，託重玄而設教；生成之本，資妙用以宣功。家國稟之而允昌，古今運之而不竭。粵惟道化，首出帝先。今屬睿聖御天，元台分闔，敷弘道德，字育蒸黎。法伊堯媯舜之仁，邁后稷皋陶之德。萬方有泰，四境無虞。共感殊恩，何階上答。是用率勉寮屬，考按經科，嚴飾壇場，備申齋潔。精香燈而達懇，奉信幣以表誠。注念九清，馳心三境。伏冀玄光下燭，至聖冥通，俯鑒群情，滂流巨澤。上扶帝業，光讚聖朝。比三辰以並明，媿兩儀而等固。鯤池鳳穴之野，聲教遐傳；桑津蒙谷之鄉，車書混一。保寧藩部，匡佑元戎。天祿永增，壽涯彌廣。臣九冥玄祖，超苦趁於幽關；五族周親，享善緣於道域。封隅之內，三農

有積於倉箱；政化之中，群瑞日編於簡冊。干戈靜息，疵癘無侵。其有滯骨飄魂，久悲風露，傷墳敗廟，常苦凋荒。乘此勝因，咸臻妙樂。龍神安鎮，士庶昭甦。蠢動有生，同昇福界。

飛龍使唐裔為皇太子降誕修齋詞

臣聞，惟道爲大，運玄功而生育乾坤；惟帝爲尊，握洪樞而主張造化。廣司萬國，遐統群生。承景命於三清，定宏基於九土。由是瑤圖積瑞，銀漢騰華，載誕元良，恢弘大業。今屬祥虹泛綵，寶電飛光。當重離啓耀之期，是率土虔誠之節。敢披雲笈，恭詣仙壇。備靈寶之道場，儼長生之勝會。鯨鍾鳳磬，飄逸響於九天；鶴焰龍煙，達精誠於三境。伏冀皇圖隆永，均雨露以無窮；聖壽高崇，與八溟而比大。六宮內職，協讚宸居，萬彙群方，昭宣睿德。皇太子龍文鳳質，嶽固松貞，超漢盈周，賢扶一統，大同均化，旁及黔黎。共宗有道之期，並洽無爲之運。臣某不任禱祝虔祈歸命之至。

興州王承休特進為母修黃籙齋詞

臣聞，上聖垂科，天真設教。神功救物，無遺動植之中；惠力宣恩，普及昇沉之內。粵自玄古，逮于茲辰。荷澤蒙慈，莫知紀極。由是鄴山北部，潛祛邪沴之塵；斗極南昌，廣布生成之煦。必資虔潔，方獲感通。臣猥以凡微，叨榮道廕，遭逢睿獎，踐歷官裳。入侍天階，高陟九霄之上；出持符竹，寵臨千里之中。或齊肅師徒，須行刑憲，輯寧封部，須舉威章。慮乖折衷之宜，自掇過尤之目。以茲兢兢，常實肺懷。今則臣母寶氏，本命甲子某月日，生，災運所纏，遂嬰疾苦。雖勤服餌，未獲痊平。恐是往債宿冤，尚爲注訟。前生今世，旋結罪名。或星曜所臨，或年辰所歷。凶灾凌撓，命祿衰微。曉夕憂惶，罔知救護。況臣主持王事，迢遞道途，不得躬奉庭闈，親調藥膳。心馳萬壑，目斷千山。惟憑大道之慈，冀集感通之效。是用歸依靈觀，稽首華壇，修黃籙道場，告玄真上聖。願迴聖鑒，俯介福祥。賜臣母氏，易短促之

齡，益遐長之祚。蠲消厄會，蕩滌灾衰，使六氣均調，百關康愈，咎瑕除解，冤債和平。克瞻日月之華，別降生成之福。三途幽夜，六趣殊倫，同享勝因，共臻善貺。九玄開度，五族安寧。微臣常奉二親，得勵旨甘之願；榮朝聖主，永勤忠赤之誠。惟誓丹襟，上副玄祐。不任瀝懇望恩虔祈之至，謹詞。

胡常侍修黃籙齋詞

臣聞，妙本希微，至真虛寂。運神功而化育，陶品物以生成。應感無私，周流靡倦。所以九玄三古，咸宣燾載之慈；天上人間，共沐涵濡之澤。金科玉律，雲篆瑤章，先萬法以垂文，具九流而拯世。大哉至教，無得而稱。臣夙荷道恩，欣逢景運，優游玄造，沐浴皇風。逸豫順於天和，俯仰榮於大化。早參祕籙，常勵明誠。燧燭焚香，每肅虔於曉夕；瓊儀寶韞，敢有怠於敬恭。族屬周親，常臻廕護。是用精修黃籙，上奉玄休。案十華三境之儀，備羽磬霜鍾之禮。歸心萬聖，稽首諸天。伏惟俯鑒丹襟，曲垂玄造。憫茲誠款，錫

以休祥。賜臣九祖七玄，生天證道；六親五族，受福霑榮。存亡均康濟之仁；動靜獲安貞之賜。灾凶殄息，冤債和平，罪咎蠲銷，祿筭延益，普天含識，率土懷生。俱承道德之緣，永樂雍熙之化，不任歸命虔祈之至，謹詞。

李玄傲為亡女修齋詞

臣粵自塵微，早依真教。叨深玄渥，夙荷靈休。迫以俗機，縈纏世網。久拘職宦，罔遂初心。思羽褐以未期，欲奮飛而徒切。依棲修敬，敢怠私誠，而過咎所鍾，女子殞逝，光陰遄往，傷痛難勝。但女于初笄之年，歸于儀氏。夫歿之后，誓志道門。已造製法衣，繕寫經籙，永期頂冠佩服，虔奉修持。值臣以王事征行，未果前願。俄嬰疾恙，奄此淪亡。抱幽懇而莫申，念冥關而增恨。伏惟三尊慈憫，衆聖哀憐。曲迴鑒祐之恩，特降遷昇之澤。俾其魂魄，得契歸依。積生之冤債銷平，在世之罪瑕蠲釋。拔度幽泉之苦，獲居善爽之中。道力玄功，常加祐護。其亡女所修寫法籙道衣等，謹於道場前，焚

燒上奏。伏惟至聖，鑒照愚衷，勅其魂神，開度領受。臣不任瀝懇虔祈哀痛迫切之至，謹詞。

天冊巡官何文濟為東院生日齋詞

臣聞，天地分靈，君臣定位，必資輔贊，用致昇平。猶風虎以相須，若雲龍而感契。由是吹塵入夢，諭鼎膺求。審像生賢，熊氏卜臯夔之旦；堯曆元凱，虞朝齊軒后之風。莫不輝灼帝圖，光昭史筆。以康億兆，以福寰區。今屬歲紀壬辰，日秉庚午，朔居天候，月合水衡。凝南斗之禎休，集東陵之瑞彩。景風入律，星火開祥，誕昂降嵩，允當令序。叨備青襟之列，輒祈玄聖之恩，虔詣華壇，願崇鴻福。蘭釭夜燭，檀穗朝飛。仰陳三奏之儀，必達九天之鑒。伏冀青函紫筆，延生題東極之書；絳簡朱編，得道署南昌之籍。壽同山峻，祿並海深。樂境增澄，萊衣顯德。鴈序繼三台之美，鯉庭超七葉之雄。陶冶九圍，匡扶元聖，政歸一統，俗洽大同。普覃夷夏之方，永鎮雍熙之化。臣，某受恩隆異，省己虛辱，惟

叩靈真，曾明感激。不任瀝懇虔心歸命之至，謹詞。

宣勝軍使王謙為亡男昭胤明真齋詞

伏聞，大化無方，神功廣被。洞幽明而赴感，普生死以垂恩。拯度無遺，古今蒙澤。臣頃者專征北陸，統領師徒。橫黑稍以臨戎，誓傾臣節；奮凋戈而效命，志洗國儲。山川有登涉之遙，糧饋有輓輸之重。惟期辦集，正切憂兢。又一軍之人，苦於瘧疫，死傷枕藉，相望道途。兼小男昭胤，疾恙所嬰，性命懸迫。發丹誠而啓願，冀玄聖之鑒臨。尋遂迴戈，免貽曠闕，再朝丹陛，祇奉皇慈，恭荷道恩，敢申昭謝是用。按洞玄品格，披靈寶典儀。考九幽長夜之科，遵玉匱明真之式。精修齋直，上答靈慈。伏冀三界照臨，諸天憫護。賜九玄七祖，超苦趣於幽關；眷屬親緣，享福祥於昭代。臣積生孽咎，往世冤讎，及主務已來，公私負犯。或賞刑不當。或裁斷失宜。俗有怨嗟，過書陰隲。致使動貽障塞，莫值亨通。晝夜循懷，常增憂惕。因今齋謝，

並乞懺除。亡男昭胤，未及壯年。飄魂異境，憫其淪謝，悲痛尤深。或有邪沴侵傷。或是幽靈拘制。虔祈道力，俾遂生神。度南丹流火之庭，昇上境洞陽之府。參玄證品，悟道登真。罪咎蠲除，冤債和釋。臣等災纏超解，厄運清消，祿秩壽涯，更期延益。惟勤誠節，永酬聖主之恩；克勵焚修，仰副真靈之祐。

王承鄴為亡考修明真齋詞

伏聞，至道開圖，三尊垂教。惠覃幽顯，澤浹死生。遊觀八門，播弘慈而濟苦；憫傷幽夜，迴法炬以流光。南宮闕鍊化之庭，丹簡啓超昇之籍。上智童子，願開罪福之由；飛天神人，請示懺陳之品。敷明真奧典，拔度幽關；披玉匱靈科，解銷考對。玄清昏翳，灑潤焦勞。拯拔窮魂，咸爲善爽。終天載劫，俱沐玄慈。臣先考運偶道風，常參寶籙。身逢聖日，累踐官榮。處世網之中，寧無過悞；履塵寰之內，必有愆違。况職主庖羞，須行宰戮；旋司戎伍，每舉刑章。出領郡符，入居

近密。或抑強撫弱。或三令五申，既爽重輕，即爲覺咎。又自鄉關隔越，兵火亂離，故里墳塋，或有侵毀，塚訟延注，逮及子孫。兼割貨所居，移易門巷，土木修造，有觸明神。以此憂惶，皆祈懺謝。是敢遵靈寶科格，修明真道場，精潔香燈，豐嚴信幣，披心露懇，悔過希恩。伏惟太上三尊，十方衆聖，神光下燭，惠渥滂流。赦先考累世已來，深殃積罪，削名地簡，濯質天衢。故傷誤殺之愆，往債前冤之目，後嗣考延之咎，先人怨責之瑕，並賜原除，內外清淨。即乞鍊神丹霍，列籍青華。不經於岱嶽艷山，克證於福堂天路。上願九玄開度，七祖超昇，墳墓安寧，幽冥潛靜，三途六趣，共洽勝功，內族外親，俱臻景祐。剗心投血，拜手祈天。不任號殞激切涕咽之至，謹詞。

皇太子宴諸將祈晴感應靈寶齋詞

蓋聞至道應機，有同響答。明神赴感，無異影隨。緬惟幽贊之私，每荷垂休之力。六月二十一日，皇太子之會諸將，已上下吉辰。方當暑雨之時，

遂有清明之禱。果蒙靈貺，叶此誠祈。不移頃刻之間，驟止滂沱之勢。群山曉碧，天高而屏翳收雲；六合風清，日迫而羲和弄轡。讌筵克備，中外同歡。今則旋整車徒，爰申弔伐。千軍雷動，山川絕泥潦之虞；萬馬星馳，戈甲曜晶熒之色。伫平凶梗，大拯黎元，思答真官，式陳齋薦。蓮燈夜簇，蘭穗朝飛。儀禮精嚴，香花紛郁。必達清都之聖，更崇紫府之勳。仰叩玄功，以昌鴻業。不任虔祝之至，謹詞。

皇帝為老君修黃籙齋詞

蓋聞混漠之先，希夷之表，厥惟至聖，光宅九清。敷澹然冲寂之宗，行不宰無為之教。上自三古，旁逮萬區。欽若真風，贊孚成化。粵自經綸之始，洎膺推戴以來。常慊明誠，每申瞻奉而光靈累洽，禎貺繼臻。仙居賜受命之符，顯隆基業；宣室發祝祈之念，必至感通。由是風雨常均，氛邪不起，四封無警，百穀常登。祈荷恩休，寔思昭謝。爰因令序，特啓齋壇，三日精嚴，六時蠲潔。冀憑關奏，上答玄功。今

則方命師徒，將平凶醜。猶資道力，俾殄梟巢。借豐隆列缺之威，掃鑿齒貪狼之族。更垂熹祐，永泰寰瀛。不任祝望之至，謹詞。

蜀州孟駙馬就衙設銷災遷拔黃籙

道場詞

臣聞，至道深微，玄功廣大。包萬天而布化，周品彙以流恩。故能下拯冥關，廣寧邦國，鎮安土地，和喻神明。皆遵宰制之歡，盡悅慈悲之力。古今共稟，幽顯無遺。臣夙奉玄休，早承皇澤。未展涓埃之效，驟叨符竹之榮。汎累掌重難，兼司刑憲，詳評獄訟。慮乖仁恕之規，主領兵師；實寡訓齊之要，動貽過咎。常切兢憂。自臨莅郡城，每懷兢慎。遽鍾殃罰，敢望生全，禮制所拘，殞絕無所。偷延視息，又降渥恩。泣血籲天，瑩瑩何訴。竊聞玄元設教，紫陽有遷拔之儀；正一垂科，黃籙懺祈之路。是敢肅嚴公署，崇設齋壇，拜表九清，騰詞三界。伏冀三尊衆聖，弘憫濟之慈；夜府泉扃，遂超昇之路。賜鄖國夫人某氏魂神安泰，福善

資薰。積過深瑕，皆從蕩滌。不拘地府，徑上天堂。七祖九玄，前亡往逝，俱昇道力，齊會福庭。又宅宇之中，累經修改，恐因觸動，未獲安寧。願憑齋謝之緣，旁解犯違之過。龍神復位，土地安和，居止利宜，凶災銷殄。城隍社廟，里域真官，密享神功，永居福地。上願帝圖隆固，聖壽延洪。太子諸王，擁宏休而奉國；后妃嬪主，承景貺以匡朝。中外寮臣，六軍萬姓，同歡昌運，克遂安貞。歲有豐登，俗無疵癘。率土之內，一統萬方。並臻仁壽之鄉，咸奉昇平之化。不任歸命披心虔誠懇願之至。

邛州刺史張太博敬周為鶴鳴化枯

柏再生修金籙齋

伏聞，至道玄通，神功廣運。裁成天地，敷讚帝王。羲軒融燧之君，堯舜禹湯之主，莫不師資冲漠，啓迪雍熙。致祚曆之厯洪，俾聲明之振赫。或乘飈滄海。或證品紫庭。光燭九遐，壽均三景。伏惟大蜀皇帝，乘樞御運，握斗故元。執大象而撫華夷，駕六龍而

綏億兆。德逾堯禹，聖越羲融。穹廬窮髮之君，奉睽向化；靡漢渥涯之虜，重譯來賓。澤浸山川，仁覃草木。靈禽棲於內苑，嘉獸宅於上林。三秀呈祥，十朋表異，而猶勞謙恭己，讓德於天符；將溢簡編，益深於撝挹。今則

神仙幽贊，靈化垂休。渥澤潤洽於朽根，枝榦再榮於枯栢。風來翠壁，重飄遠近之香；月過華壇，復睹扶疏之影。其爲嘉瑞，實冠古先。有以見天枝帝葉之繁昌，聖壽寶圖之永遠。雖禾生清廟，莫吐彤庭。徒美前聞，難偕聖感。臣榮逢昌運，叨領郡符屬邑之中。睹茲上瑞，藻繪朝陳於龍闕，絲綸夕降於鳳牋。旋錫御詞，嚴申醮祝。褒稱顯煥，榮耀優隆。量恩而溟海未深，荷聖而乾坤難報。敢因皇帝本命之日，修金籙道場，翹罄丹襟，仰祈玄貺。伏冀諸天降鑒，萬聖昭臨。流巨福於社稷尊靈，增景祐於宗祧先聖。二儀並固，萬國同文。皇帝壽等岷峨，明齊日月，普頒正朔，一統寰瀛。皇后受福紫宸，增齡丹籙；皇太子永扶皇極，養德

青宮。公主嬪妃，榮匡聖日。諸王百辟，欽贊皇基。九土又康，五兵韜戢。煙塵殄息，稼穡豐登。動植飛沉，三途六趣，俱承惠渥，咸詣福庭。臣誓傾忠孝之規，上答聖明之澤。

廣成集卷之五

廣成集卷之六

上都太清宮內供奉應制
文章大德賜紫杜光庭撰

衆修北帝衙醮詞

伏以五氣玄天、北宮太帝，司明善惡，統御死生。壽祿吉凶，咸資校錄。臣竊恐天文宿曜，有臨照之災；本命行年，有刑妨之咎。仰祈真聖，特具修禳。虔罄丹誠，同伸醮禮。伏乞解除災厄，延益年齡。落死籍於北酆，上生名於南極。公私和泰，眷屬安寧。即仰荷帝君慈祐之恩。

三會醮籙詞

臣獲奉正真，參受玄籙。內期修鍊，以保身心。外冀威靈，以禳災沴。依科佩受，早遂寶持。但慮世務所拘，塵機所役。齋戒之日，朝謁有虧。修行之辰，香燈或闕。善功未立，過咎易彰。真氣靈官，未垂應祐。玄司天府，譴責不專。三命五行，災衰未蕩。旦夕憂懼，冰炭在懷。今以上會之辰，天

官考校之日，功過善惡，巨細無遺。是敢瀝懇披心，虔誠悔過，精修醮禮，拜奏章文。伏惟衆聖垂慈，赦其愆咎。降流靈應，銷解災凶。三部吏兵，常加祐護。動息康泰，永享利貞。即仰荷法錄真官濟護之恩。

軍容安宅醮詞

伏以二象既陳，三靈配位。陰陽陶鑄，天地權輿。巢居穴處之君，澆漓未作；上棟下宇之制，締構云興。由是取則五行，定規六紀。順之，則福延善著；違之，則禍起災生。考其主張，實惟五帝。臣所居之處，經始有年，土木之用繼新，畚鍤之功累作。竊恐上千五帝，旁犯衆神。又今歲興修，當行年之位。近則馮氏，忽嬰疾苦，懼因犯觸所成。輒按玄科，虔伸醮謝。備三天之舊格，請五帝之靈符。乞降正神，俯流真氣，永錫安鎮，俾獲乂寧。凶邪不侵，內外康泰，疾厄蠲蕩，眷屬咸和。青宮增祿祚之文，黑簡息災蒙之數。克勤修奉，以答神功。不任。

王虔常侍北斗醮詞

臣以凡微，獲逢道化。常承覆祐，實荷真慈。自頃以龍紀元年，奉使支郡，方傳上命，遽蹈禍機。危懼之中，真靈俯祐。獲全形命，盡脫憂疑。而兩地未通，三年隔絕。臣男延龜，懇伸禱祝，累告神明，天鑒誠深，親承應兆。仰惟至聖，介此殊恩。思罄丹心，克伸報謝。今則上元大節，啓福良期。輒備醮筵，上酬明貺。伏冀省臨薄禮，采納菲誠。答往願於當年，期降恩於此日。永當修奉，以荷神庥。不任。

馬尚書南斗醮詞

伏聞清濁分形，高卑定位。南北御死生之籍，陰陽有舒慘之殊。由是南斗尊神，六宮衆聖，紀功舉善，克揚不死之文；主錄定年，唯啓長生之本。欲使物皆歸道，人盡登真。副天尊廣濟之慈，遵大道好生之理。而塵波易溺，意馬爭馳。罪網牢籠，莫有奮飛之路；情關固閉，曾無開拓之門。臣跡處人寰，心拘俗役。機權在握，須行懲勸之文；刑賞是司，難徇冲和之用。慮

其過咎，累積陰曹。更屬災凶，便爲厄會。雖繼伸祈懺，上扣於天曹；而未吐明誠，仰陳於南極。今則考祥吉日，崇設醮筵，輒按真科，盡披丹懇。元元下土，虔露於瑤階；昭昭上真，必降於瓊席。敢期哀宥，俯念凡微。釋罪除災，落北宮之陰簡；錫年增祿，上南斗之陽篇。六宮永紀其姓名，五緯潛資其福祐。乞使九玄七祖，介福朱陵；五族六姻，延祥紫府。誓勤精奉，以答鴻慈。不任。

李綰常侍九曜醮詞

伏聞二氣降和，乃形品物；三光布象，以育群生。惟茲最靈，仰承明祐。至於行藏善惡，動息吉凶，咸繫上天，以司下土。臣幸承前福，叨沐道風。事主立身，得罄忠誠之節；循懷省己，常持兢慎之心。祿秩所霑，神明是貺。每增憂灼，實慮玷危。而眼疾所嬰，累年爲苦。針藥雖至，服餌益勤。未獲痊瘳，倍增驚懼。恐陰陽年運，遇此重災；宿曜循行，成其困厄。曾申禱醮，冀獲安寧。今又身宮之中，暗虛所歷，

當茲久疾。值此灾期，啓向無門，彷徨失據。伏聞真科有格，醮酌垂文。輒竭丹誠，上希神鑒。精修醮禮，延降尊靈。伏惟九曜威神，分光照納。解其宿咎，和釋冤尤。銷彼灾纏，蠲除疾厄。使紫童守衛，眼宮無痛惱之侵；青帝護持，肝臟有安平之候。凶衰永息，祿算惟新。敢忘修勵之誠，以答照臨之賜。不任。

馬尚書北帝醮詞

臣獲以凡微，早聞道化。栖心澹泊，注念正真。每展祈誠，必蒙昭祐。昨以公田既闢，壠麥初齊。遲遲之春日載陽，霽霽之油雲未布。眷茲農畝，正切憂惶。輒扣玄關，果垂鴻澤。爐香散處，便呈潤石之容；禁水暎時，已變如膏之雨。遂使西成有望，東作無愆。可俟京坻，以豐川蜀。上聖之延祥既厚，下臣之報德何階。虔拂翠壇，式陳單菲。蘋蘩蘊藻，誠非仰薦之儀；繒燭香花，敢備上酬之禮。伏惟采納，永錫嘉祥。謝過祈恩，不敢繁啓。不任。

又馬尚書南斗醮詞

伏聞大聖無私，隨機赴感。至真下濟，應念降靈。變通不間於塵凡，救度豈遺於微眇。臣自惟幽陋，竊慕玄虛。洗心依冥漠之都，潛希懺罪；稽首仰鴻蒙之境，冀滌前非。上祈拯拔於七玄，次乞和寧於四境。纔披素款，遽降鴻慈。爰俾神交，授其嘉夢。魂清氣爽，全殊化蝶之時；捫腹安懷，有類得鮫之夕。固可表豐歲之兆，知灾息之微。緬惟神功，申茲景貺。兢榮先次，感激難勝。思答靈恩，重修醮禮。駕燈吐焰，參差玉斗之光；龍霧飄香，散漫瑤池之色。全祛萬慮，共運一心。伏惟丹府上真，六宮高聖，俯迴鶴轡，暫降霓旂。采納寸誠，哀憐末俗。拂長生之金札，開大有之洪休。賜其延永之年，增以自新之祿。主務則三農告稔，訓戎則七德申威。罪咎蠲銷，公私昭暢，存亡介福，眷屬延生。北元除錄過之書，九府錫增年之籍。況復五緯循行，或逢臨照三元，繫命時有屯亨。遇灾生福盡之期，當減祿奪

年之數。常情罔測，揣分懷憂。非仗道慈，無由自濟。伏聞太上啓修禳之典，天師著祈醮之科。謝罪必銷，祈恩克降，今以本命之日，輒披正一之文。虔拜靈章，式陳微醮。三宮五緯，咸罄誠祈；六府七元，普申懺謝。伏冀衆尊昭祐，大聖鑒臨。赦已往之過尤，錫將來之福慶。三灾淨息，九厄蠲消。壽紀潛延，祿祚興益。七玄九祖，超度幽扃；五族六親，均承道蔭。公私永泰，存沒康寧。即仰荷大聖罔極之恩，不任。

唐洞卿本命醮詞

臣宿運所鍾，遭值道化。佩奉真籙，獲以稟修。而功業未彰，愆尤易積。陰陽爽候，疾疹所嬰。憂迫既深，扣祈是切。果蒙昭祐，旋獲痊平。又於中元之辰，欲陳黃籙之會。仰告真聖，願遂丹心。今則壇席克終，功德成就。關盟有應，風雨無侵。冥感聖慈，效酬難盡。敢因本命，虔備科儀。設微醮以展誠，拜靈章而請福。伏冀高尊鑒領，衆聖照臨。前願已圓，殊祥下

及。使臣罪銷厄滅，業著功充。奉親既保其安寧，薦遠必霑其遷拔。永堅誠礪，以答真靈。不任。

告修青城山丈人觀醮詞

伏以青城仙山丈人靈觀，開九室而數洞，觀群嶽以稱尊。自軒后錫封，漢皇望秩，玄宗構宇，先帝增崇，仙室益嚴，清壇彌肅。近則良宰興葺，靈宮鼎新，而正寢之西，猶虛隙地；邃牖之北，或睹餘基。玄元之像設未陳，帝子之遺蹤宛在。輒欲興修祖殿，經始齋房。永資焚謁之儀，克壯清虛之境。將施畚鍤，慮犯龍神。敢備醮筵，虔伸昭告。伏惟允茲丹懇，降以玄休，使功用必成，上下無撓。工徒安泰，福善攸新。不任。

嚴常侍丈人山九曜醮詞

伏聞天地分靈，三官定死生之格；陰陽懸象，九曜垂照燭之功。南宮開延壽之符，北府顯繩違之簡。星躔嶽瀆，考校無私。凡在人寰，咸由統御。臣自惟微薄，獲奉玄慈。而履行之間，恐乖陰鷲；運心之際，未合神明。

因遇灾凶，復兼愆咎。遽成厄會，莫遂懺祈。今年中宮則天符所臨，身位乃土星對照。大運猶居於劫殺，飛旗又寄於行年。三命五行，恐逢刑剋；列星九曜，更慮照臨。所以轆軻未寧，灾危頻作。非憑至聖，無路扣祈。是敢虔罄丹誠，克申大醮。伏惟衆聖，俯降福祥。銷灾咎於將來，釋過尤於既往。六曹司命，增福算於丹天；七紀尊神，介休祥於玄極。公私清泰，眷屬安康。即永荷衆聖祐護之恩，不任。

青城令莫庭乂為副使修本命周天醮詞

伏聞道化宣行，玄功覆載。陰陽不測，亨育無私。由是五帝三皇，御六儀而統物；天官水府，司八會以持綱。南宮明錄善之科，北極總繩非之品。吉凶罪福，咸繫靈曹。竊惟全蜀奧區，華陽會府，隄封八國，柔服諸蕃。玉帳既崇，金臺實峻。外清殊俗，威懷則文武兼資；內握雄兵，申令則賞刑俱用。臣切以張某，久持重柄，獨運赤心，上稟聖謀，仰遵廟略。或指蹤貔武，清蕩邊陲。或恢復城池，削平疆土。或誅鋤姦猾，摧挫兇豪。或督課賦輿，經營軍食。以茲多事，詎可禁刑，深虞斬決之間，重輕有失，因成譴咎，曾未懺祈。又恐三命五行，或逢衰厄；明星暗曜，或值照臨。神道至幽，常情靡達。非聞至聖，難滌深瑕。是敢依詣靈山，修崇大醮。遍天地陰陽之府，周星辰日月之宮。瀝懇披心，祈恩悔過。伏願靈光迴鑒，除已往之愆違，惠澤下臨，息將來之灾否。允垂嘉祐，永介福祥。延壽紀於丹篇，落罪名於黑籍。以康川境，永保群生。不任。

莫庭乂為川主修周天醮詞

伏聞元聖開光，高尊俯化。澤周品彙，慈覆萬天。懸罪福之明科，標死生之大法。上惟邦國，下及人臣。同歸統御之門，咸宗沮勸之訓。古今不紊，纖芥無遺。臣伏念佐聖立功，非賢不濟。扶危拯難，非德靡先。節度使王某義貫神明，忠衛社稷，耀武略而先朝返正，鼓仁化而今聖理平。用是茂勛，錫茲巨鎮。其間或剋收宮禁，誅蕩

妖兇。秦甸行師，褒川振旅。廓清庸蜀，底定天彭。外靜邊方，下戢姦暴。蓋不得已，未能去兵，至乃宣天子之威，用將軍之鉞。無非仗順，必在爲時，尚慮故殺誤傷，因成釁咎。天曹地簡，或紀愆違。又恐宿曜所臨，行年有厄，曆運衰否，分野灾凶。須備懺陳，以期昭洗。臣叨居寮屬，輒按經圖，仰罄丹誠，恭申大醮。潔禮頌於仙嶽，奉捧糈於靈壇。上扣虛無，極諸天而禱祝；旁周海宇，俯九地以虔祈。冀達精思，曲流真祐。願北宮赦罪，南極延生。五行之否塞清銷，三命之灾衰弭絕。壽將川廣，祿與山崇。穀稼豐穰，蒸黎輯悅。常扶聖日，永福群生。上願國祚遐長，聖朝寧泰，戈鋌自息，文軌大同。三光順度於上玄，萬類繁昌於下土。幽明異趣，水陸殊階。咸沐真慈，共臻鴻澤。不任。

莫庭乂周天醮詞

伏以天地萬神，陰陽具職。敷舒道化，拯育群生。北極西官，秉刑章而定罪；南躔東府，播含養以宣功。粵

自帝王泊諸臣庶，咸歸宰執，以判吉凶。臣夙荷福因，叨塵官籍。蹈艱危之路，當戈甲之秋。一從戎旃，再居名

霑茲福利，亦契逍遙。不任。

莫庭乂青城山本命醮詞

邑，而疆陲遐邈，征税繁豐。寬柔則徵督無功，剛峻則疲羸有怨。類驅鷄而豈易，顧馴雉以殊難。況未洽和平，猶資刑賞。雖絕私自勵，惟理是從。尚慮重輕，或乖中道。深憂故誤，遂結瑕疵。又恐辰耀所臨，行年所歷，因其厄滯，以構灾衰。境麗仙山，雲藏真觀；洞包雷雨，地集龍神。仰靈都於罔象之中，願披丹懇；瞻玉相於煙霞之表，必降玄慈。是用按靈寶舊科，設周天大醮。普九圍之官府，遍十極之威神。拜手歸依，傾心祈懺。洪纖罪目，今昔愆違，未兆之灾，將來之咎，並期蠲赦。曲賜消禳，衆厄清夷，宿冤和釋，更增微祿。俾遂遐年，九祖超升，三塗開泰。臣一家骨肉，兩地親緣，早獲團圓，俱賜貞吉。頃因修造，慮有侵傷。冀獲安寧，共貽祥祉。當境靈廟，川澤職司，俯祐生靈，旁祛氛沴。邑無水旱，俗富倉箱。其有冥漠無依，漂零魂爽，

伏聞三光表瑞，九曜凝輝。配金木以司方，四時攸叙；定陰陽而立象，萬彙生成。主宰幽明，統臨罪福。臣自惟凡陋，獲奉真靈。懼履行之間，易成衍咎；修持之道，未契神明。況職務所司，重輕咸繫，恐乖彝法，更積過尤。唯夙夜在公，敢忘虔恪，而吉凶難測，倍切兢憂。兼以宿曜所臨，輒罄懺祈之懇。爰因本命，恭備醮筵，備香火以貢誠，列星燈而展禮。所冀希夷至聖，俯鑒丹心；九曜上尊，曲流玄貺。釋罪尤於既往，解厄運於將來。冤債銷平，凶衰除蕩，更增壽福，永介祉祥。眷屬乂安，公私和泰。不任。

丈人觀畫功德畢告真醮詞

伏以青城仙山，丈人靈觀，久無營葺，近再修崇。既畢巨功，爰徵繪事。輒於廣殿，圖肖真儀。鶴貌雲容，疑謁潛虛之府；瓊姿淑態，似來澄碧之宮。莞爾可瞻，肅然如在，必冀降靈威於水德，流福澤於人寰。克展醮祈，仰希鑒

祐。無任。

畫五嶽諸神醮詞

伏爲丈人觀久爲荒毀，近畢修營。土木之役既興，粉繪之功是設。爰於闕殿，圖貌靈儀。翠雲丹錦之袍，玄壁黃琮之器，星景日精之品，五華七稱之殊，一驂六馬之車，雲翼霞駟之輦。儲副二職，佐命八山。嶽君水帝之儀，溪女河侯之列。山林孟長，沼沚靈司，帝王咸秩之曹，典策所封之位。或傍司海裔，東距方諸。或別領洞天，西鄰崑嶠。莫不振揚雷電，嘯嘩蛟鯨。按察幽明，掌錄川澤。贊太上正真之理，宣帝王亭育之恩。歆彼六氣，成乎大化。比秋冬春夏，遵時令以無虧；風雨雪霜，均歲功而不爽。俱奉軒轅之命，皆持宰執之權。與嶽瀆衆靈，供上司之職。則希夷真君，居丈尊之重，當臨御之嚴。頒序朝宗，所宜森列。今則揮毫匠手，彩布循垣，燦若星陳，轟如雲擁。由是宏裾褒袖，玉劍珠旒。火佩含星，瑤珪斂月。或瓊顏蒨袖，若辭姑射之峰；異狀奇姿，似照潯陽之浦。

丹青式備，絢煥如生。固當契彼神明，藂茲福祉。上扶邦國，傍祐黎元。調十雨五風，以登稼穡；普九州六合，以致雍熙。洪圖齊日月乾坤，玄化匝蜺蜃動植。虔修醮酌，恭罄祝祈。佇降威靈，允孚禎貺。謹詞。

廣成集卷之六

廣成集卷之七

上都大清宮內供奉應制
文章大德賜紫杜光庭撰

莫庭乂本命醮詞

伏以三官領籍，五帝定生。南天司祿算之文，北斗統糾繩之目。至于嶽瀆真府、本命宮曹，主張而罪福無差，考校而死生攸繫。臣竊慮謬膺撫字，有曠輯和。刑章或爽於重輕，教化未臻於德義。因成罪咎，錄在靈司。未申祈謝之儀，恐致灾凶之兆。又慮天文宿曜，或值照臨；本命行年，或逢否塞。兼天符五鬼，在坤艮之位，居本命之辰。況正月對衝，尤懼衰厄。敢因元命之日，虔詣靈山，修設醮筵，披露誠款。伏惟天曹釋過，地簡祛灾。凶咎潛銷，福善昭集。克延算祿，永錫利貞。然乞邑境安寧，生靈康泰。穀稼豐植，水旱無侵。人無疾癘之傷，俗洽和平之美。不任。

莫庭乂本命醮詞

伏聞大道生成，元和鼓簡。流形品物，布化群靈。申上玄宰制之功，垂下土吉凶之戒。是則懲惡勸善，信爲格言。害盈福謙，固惟常訓。臣夙聞玄旨，敢不冥心揣分，兢懷省躬。思道而叨居祿秩，未脫囂氛。秉朝憲則筆定典刑，督邦賦則庭施檟樅。功或興於土木，膳未罷於炮燔。故誤之罪，莫知重輕之文。或爽以茲憂懼，恐結尤違。況臣今年，天符臨本命之辰^①，太白居愁滯之位。竊恐志隨灾易，留連於聲欲之間；情逐禍移，沈湎於杯觴之內。因思警慎，仍切懺陳。敢於命命之辰，虔罄焚修之禮。濯心靈洞，歸款名山。仰斗極星躔，冀銷往咎；瞻鳳軒龍蓋，願降新恩。使罪戾蠲平，冤尤和釋，灾凶寧息，祿算遐長。骨肉則兩地樂康，生靈則一邑豐泰。兵鋒永偃，疾癘無侵，水旱勿興，農桑滋阜，龍神安鎮，遠近昭穌，誓策丹心，上副玄造。不任。

晉公南斗醮詞

伏以朱陵闕境，南昌上宮，御正陽

長育之方，行大道生成之化。凡所祈啓，必賜降臨。臣以愚蒙，叨逢聖日，參榮禁密，荷寵雲天。常慮庸虛，難勝恩遇。恐行年厄運，宿曜灾凶，有加臨剋之期，有滯塞遭迪之數。惟增惕懼，罔敢自安。輒罄丹誠，虔修醮禮。特希憫護，俯降威光。銷已往之過尤，解未萌之灾咎。續南極丹書之簡，更益年齡；除北都黑錄之文，重新祿祚。克垂濟度，永荷靈恩。無任。

晉公后土醮詞

伏以惟地惟天，厚載廣覆。生成庶品，孕育群靈。坤德母儀，光被萬有。粵自君臣父子，泊于動植飛潛。厥有誠祈，盍申昭告。臣封境之內，戈甲屢興。害及丘墳，戮兼嬰耄。遠近塗炭，人鬼不寧。痛彼一方，毒深骨髓。念茲萬姓，誠切禱祈。瀝血披心，仰希鑒祐。伏冀曲哀虔祝，俯借威靈。命山川嶽瀆之神，助平灾沴；勅雷電風雲之吏，共靜郊原。大開倚劍之門，不隔朝天之路。昭穌疲俗，洗滌深冤。豈伊項籍之祠，能祛蜀難；無使蔣山

之廟，獨助晉師。奉畢陳詞，言興涕實。不任。

晉公北帝醮詞

伏以五緯在天，三元運氣。上宗斗極，下統人倫。陰陽有休否之期，躔次有照臨之數。伏慮元命之內，宮宿之中，因遇衝妨，遂成厄滯。敢憑吉日，虔備醮筵，上叩尊靈，特希鑒祐。使三命九宮之厄，盡獲銷禳；明星暗曜之灾，並蒙寧息。一川康泰，萬姓輯和。解甲偃兵，年豐俗阜。永虔素懇，以答玄慈。不任。

晉公太白狼星醮詞

伏聞垂象上玄，各有主宰。或統兵軍之會，或司氛祲之源，仰矚光華，繫其休戚。臣封疆之內，戈甲逾年。野廢農蠶，人罹塗炭。念茲冤抑，痛迫肺肝。是敢稽首炷香，馳心禱福。冀因感激，俾獲照臨。伏希運金方肅殺之威，垂大義裁非之力。助茲武旅，清彼郊畿。拯一川墊溺之憂，活萬姓倒懸之命。弓弢戢偃，雨順風調。百穀有年，五兵永息。不任。

晉公北斗太帝醮詞

伏以斗御中天，旁周八極。招搖所指，邪正聿分。今以節及正元，時當考校。群物，被惟新之澤；萬方，承煦嫗之功。念此封隅，尚纏兵甲，生靈塗炭，壠畝榛蕪。當發生播植之功，曠黎庶耕桑之業。以茲憂痛，倍切扣祈。伏惟北極宮中，七元籍內，輟衆庶凋傷之日，改一方淪喪之灾。克睹和平，永銷鋒鏑。臣或身逢厄塞，罪繫星辰。甘寘明科，以謝群品。不任。

馬玄通火醮詞

伏聞乾坤覆載，陰陽有消息之殊；日月照臨，寒暑有推遷之候。吉凶在運，否泰相沿。雖曆數使然，有堯水湯灾之變；而修禳有道，見返風退舍之文。惟此郊原，方當厄會。蒸黎未泰，戈甲繼興。徵彼星圖，寔逢火曜。是用歸心大道，虔扣上玄。開太一之壇，行三五之法。躡紅飆而請福，步玄斗以祈天。所希列火騰威，應星芒於上境；陽光散焰，蕩陰穢於下方。仰福聖躬，大庇川蜀。人登福壽，野息

戈鋌。同沐神功，永銷憂患。不任。

晉公北帝醮詞

臣聞斗極居尊，統臨八表。指揮萬象，總御衆靈。构建所加，灾凶自息。今以封疆之內，兵革尚興。人未息肩，時方震懼。既勞備禦，必廢耕桑。念彼榛蕪，益深憂歎。敢憑醮酌，重罄祈誠。伏惟太宰揚威，七元振令。使雷車電騎，掃蕩四方，畢雨箕風，穌舒品物。克清境域，大庇生靈。如臣躔次有灾，陰陽構厄，乞當天譴，用息人殃。元元丹誠，仰俟昭鑒。不任。

川主太師北帝醮詞

伏聞垂象表靈，位尊北極。統臨萬有，照燭羣生。八十一變之威容，三十六兵之神武。肅清造化，臨察幽明。殄惡誅邪，安人護國。今以朱陽屆候，赤帝司方。南風資長育之恩，四叙叶清和之節。蠶功將就，農務方繁，而疫癘兼行，鉦鞞未止，民多殍仆，野困逋逃。既投足無場，豈息肩有所。叨居鹽護，實切憂傷。更因衙醮之辰，再布誠祈之懇。伏冀神兵助役，蕩氛翳於

郊畿；雲騎騰威，掃疾癘於閭里。生靈有泰，遠近無虞。昏霧永銷，見三蜀山川之色；浮雲自滅，開九天日月之光。厄運蠲平，灾危靜息。常傾丹素，以副玄休。不任。

晉公北帝醮詞

伏以六氣周流，天道爲生成之本；七星杓準，斗君爲統制之元。罪福吉凶，咸歸校錄。臣以近畿未泰，戈甲猶興。四野靡安，疾疫斯構。念茲疲瘵，痛逼肺肝。敢因衙醮之辰，更達扣祈之志。伏冀曲迴聖力，俯借神威。垂景貺於四人，息灾危於三蜀。休兵偃革，時泰民安。厄運銷平，福祥臻會。不任。

謝恩北斗醮詞

臣以凡愚，叨依簪褐。修持多闕，過咎易盈，譴責所臨，疾瘵斯構。羸形幾喪，微喘偶全。三洞法師杜弘廣，情切本枝，念深危疾。式披丹懇，冥扣玄真。果蒙降以殊休，續其餘算。仰荷真靈之祐，再窺日月之光。螻蚋力微，乾坤恩重。用伸醮酌，仰報生成。伏

惟聖慈，俯賜歆鑒。不任。

五星醮詞

伏以三光垂耀，五緯流輝。盈縮有常，古今無紊。循環列次，主宰羣生。影響靡虧，吉凶攸繫。臣叨膺命秩，獲履土疆。惠未洽於飛沉，境方纏於灾沴。兵鋒凌暴，士庶流移。千里瘡痍，一方殘毒。念茲憂痛，實切肺肝。竊惟上聖好生，至真育物。敢憑慈煦，再專罄醮祈。伏希太白揚威，助武功於原陸；歲星舒彩，播仁澤於郊圻。五辰順軌以呈祥，萬類承風而納祐。野無悲怨，俗洽和平。誓竭丹襟，仰酬玄貺。不任。

本命醮北斗詞

伏聞，斗正中天，杓臨八極。魁綱所指，福祚必臻。臣行運之中，土居身位。遊年之內，灾向離方。今屬斗在南天，日躔命宿。仰申告醮，冀獲感通。願垂宰制之威，以靜晦蒙之數。克垂玄祐，敢負明恩。不任。

本命醮南斗詞

伏聞，南上六宮，文昌衆聖。壽涯

所繫，生錄是司。動植幽微，咸資主統。祈生請福，蓋露明誠。臣叨荷寵恩，謬司藩部。功無塵芥，過積丘山。而行運之中，方當否塞，宿曜之內，併有照臨。敢因章奏之壇，重有禱祈之望。伏冀朱宮上聖，丹闕高尊。垂迴凶度厄之慈，開輟死上生之路。使一境之兵銷革偃，四時之雨順風調。拯癘魄於窮泉，拔遊魂於長夜。降元和之澤，濟冥漠之鄉。浮雲不蔽於青天，忠懇獲申於白日。元元之志，仰伫鴻休。不任。

本命醮三尊詞

伏聞，大道昭明，獨著好生之化；天真慈惠，偏弘濟物之仁。亭育必均，撫臨無失。臣自惟凡陋，叨荷寵榮。未著勛勞，存深渥澤。而維鷦起誚，聚鷁為灾。蓋薄德而招，亦迍蒙所萃。三命之內，或有刑衝；九曜之中，仍聞臨照。敢因元命，虔扣上玄。伏希迴此凶衰，錫其禎貺。赦過尤於既往，解厄會於將來。得傾忠赤之心，上答乾坤之澤。誓當砥礪，以奉玄慈。不任。

周天醮二十八宿詞

伏聞，玄象在天，萬有成照。動植荷無私之德，幽明承不宰之功。臣早被寵光，謬司藩翰。誠慙薄德，繼履深灾。羣邑凋夷，生靈淪斃。於茲傷痛，須勵誠祈。伏惟允降玄休，克寧疲瘵，使兵旗永卷，無聞冤訴之音；稼穡惟豐，自洽和平之化。至於山川之內，地分灾期；躔次之中，天文厄運。並希銷解，俾獲乂康。誓竭丹誠，仰副鴻澤。不任。

禮記博士蘇紹元九曜醮詞

臣以凡微，叨逢聖日。荷三境照臨之賜，承二儀亭毒之恩。常慮跡處昏衢，身拘俗網。修持有闕，罪咎易增。雖佩奉祕文，尊參寶錄，香燈怠惰，葷濁侵凌。道氣不降於百關，靈官暗遷於六府。由是虛邪內集，疾恙旁縈，夙夜兢憂，懼不全濟。又慮五行三命，運遇凶衰。兼以土曜木星，仍臨宮宿。顧惟凡眇，素寡善功，當此灾期，倍深惶惕。是敢河圖舊典，披啓醮壇；依靈寶尊文，請求天象。伏冀玄慈俯矚，

靈貺遐霑。洗滌過尤，解銷灾咎。明星隱曜，共介禎祥。八卦九宮，並祛刑厄。疾患痊復，邪癘蠲除。增祿秩於惟新，續年齡於延永。行年神將，法籙吏兵，輟罪舉功，成賜昭祐。永當修勵，以答玄恩。不任。

川主天羅地網醮詞

伏聞，一氣肇胎，三靈資始。乾奇坤偶，定彼陰陽。金革土浮，明其次舍。九興於坎戊亥，謂之天羅；六起於離辰巳，謂之地網。乃二體升淪之所，是兩儀代謝之鄉。陽伏而不能剛，陰絕而不能繼。行年所歷，寔日灾期。况天地中和，圓方化育，流形挺質，命世降奇。皆歸鼓鑄之權，難追興衰之數。顧臣凡昧，敢避晦蒙。丙辰當厄會首臨，丁巳乃灾期將解。惟茲二歲，實抱百憂。上祝玄穹，敢希銷解。伏惟聖鑒，俯念誠祈，顯降威靈，大祛灾釁。使乾綱坤紀，息氛沴於一方；地網天羅，解凶期於小運。行歌擊壤，歸聖朝朴素之風；束甲弣弓，副玄祖希微之教。永勤香火，以答玄慈，不任。

川主醮九曜詞

臣叨荷國恩，謬分戎閫。西南粵壤，髮蜀雄都。三舍當參井之躔，八國控羌蠻之域。區封既廣，統制所難。常慮非才，有負殊奇。夙夜憂懼，不敢違安。近歲以來，凶灾未息，疾癘時起，干戈日尋。今按考黃圖，驗求玄曆，分野之內，太白將臨。況運兵籌，方連武旅。仰裁非之義，仗肅殺之威。伫靜四郊，以康萬姓。伏冀天光俯鑒，聖力潛資。濡渥澤於九重，救懸危於千里。橐弓解甲，鑿井耕田，里閭無瘥疫之家，遠近有歡呼之俗。長庚所指，幽滯俱通。即永荷昭祐之恩不任。

楊鼎校書本命醮詞

伏以斗御中天，杓移列次。乾帝車而獨運，浮華蓋以高臨。吉凶得以司明，罪福由其考校。雖塵凡杳隔，仰星晷以無階；而天聽甚卑，有心誠而必鑒。丹襟所叩，玄應攸彰。臣頃以灾蒙，偶逢艱梗。道途阻塞，骨肉支離。因與幼男，兩地睽隔。蒼惶相失，音信莫通。唯晝祝長天，夜瞻斗極。冀其

通感，再獲團圓。炷香而血淚共垂，拜手而心魂俱往。果蒙昭祐，遽遂歸還。常懷再造之恩，未答自天之澤。兢憂度日，芒刺在躬。今值玉局仙居，錦都靈化。下藏洞府，上屬星躔。肝蠻可期，真靈朔會。輒投勝境，願展醮祈。將酬福祐之慈，少達敬恭之禮。伫迴真鑒，俯納塵心。小男以壬子主生，微臣以庚申定命。常希聖力，永賜保持，祛五行三命之灾，解宿度天文之厄。得勤修勵，克奉休明。黍稷非馨，真仙是鑒。不任。

廣成集卷之七

①「辰」原作「長」，誤，據文義改。

廣成集卷之八

上都太清宮內供奉應制
文章大德賜紫杜光庭撰

川主令公南斗醮詞

伏聞，天覆地載，資大道以生成；稟質孕靈，由至真而潛運。用能彌綸不極，生化無窮。真宰主張，玄功統御。雖太虛遼邈，劫曆遐長。庶品誼闡，九闈曠蕩。刑政繁雜，分野幽深。灾福攸司，安危是繫。臣遭逢聖運，塵忝恩榮。授以節旄，委之輔相。地雄巴蜀，境控羌蠻。慙無綏撫之能，常切兢憂之懇。況舉善瘳惡，須用賞刑，伐叛誅兇，仍施斧鑕。戎祀有牲牲之具，賦輿有徵督之勞。有土有之，蓋不得已。實恐詮材不當，委任失宜，因起怨咨，遂成灾沴。今又土星行度，對照此方。地一移宮，將離益部。五鬼臨於坤位，火曜躔於升宮。又臣大運在衝破之鄉，小運當命墓之歲。木既薄弱，火亦衰微。天符臨於行年，遊行逢於絕

命。土方對照，又在妻宮。金火伏行，亦居滯位。木星處愁煩之宿，暗曜出乖背之方。垂象至明，陰陽有數。得無警懼，以自勵修。尚恐過咎易深，尤違旋積，因其愆失，灾及生靈。省己拊心，不遑寧息。竊聞正陽之月，丙午之辰，是六星降鑒之期，南斗定生之會。滌瑕介福，宥罪覃恩。輒按明科，願申昭謝。詣玄元真府、玉局靈壇，精備信儀，肅虔香火。普日月星辰之界，遍山川海嶽之司。咸罄丹心，恭脩大醮。伏冀迴無私之鑒，垂不測之神。降彼南宮，盼茲下土。共流真貺，俯察微誠。解地分之灾躔，銷天文之謫見。息三命五行之厄，除九宮八卦之凶。靜土星所照之方，克承嘉祐；穰地一將移之數，允錫休禎。黎元咸保於乂康，穀稼必期於豐衍。連營有泰，四境無虞。疫毒不侵，戈鋒弭戢。上願三光表瑞，循黃道而福；帝躬五緯順常，扶紫微而拱。玄極龍圖，永固鳳曆，攸昌其有。境土龍神，山川祠廟，共延祥祉。用拯幽明，至於地府陰關，遊魂苦

爽，蛸翹飛走，水陸沉潛，仰承濟護之恩，永享安寧之祐。不任。

川主周天南斗醮詞

伏以蜀之星躔，上當鶉首；蜀之分野，下接坤維。當申未之方，在參井之度。今以土星對照，金火正臨。五鬼方寄於二宮，地一將移於益部。恐政乖慈育，法爽哀矜，野有怨嗟，人罹灾眚。又行年之內，本命之中，刑剋衰微，慮成灾厄。敢以正陽令月，丙午良辰，虔備醮祈，以申懺滌。伏冀大開恩宥，俯念精修。解天文地分之凶，去三命五行之咎。曲迴禎貺，永錫乂安。誓傾求理之心，以答好生之澤。不任。

川主周天地一醮詞

伏以天皇帝，司察萬方；太一十神，巡遊八極。垂灾降福，巨細無遺。凡在君臣，敢忘炯誠。今以地一行位，將出蜀鄉。深虞刑政之間，必有愆違之失。唯增震惕，輒備懺祈。虔修香火之儀，用表依歸之懇。伏願鑒其虔切，錫以禎祥。俾境宇安寧，生靈蘇泰。時和歲稔，偃革弢弓。克新憫

祐之恩，敢負照臨之賜。

周常侍序周天醮詞

伏以道氣運行，元和亭育。分萬靈而布化，垂列宿以麗天。凡曰含靈，咸歸稟受。仍俾主宰，以定吉凶。臣猥以庸虛，叨承渥澤。運籌藩閫，慙無制勝之謀；剖竹方州，實寡綏懷之績。況地連夷落，境控巴寶，短才常慮於闕遺，雜俗尤難於撫諭。惟精兢慎，獲保初終。既卷隼旗，復依戎幕。顧恩榮而益厚，在循省以何安。憂畏所深，疾恙因作。每慮積生之始，以泊此身。三業構非，六情結釁。前冤未弭，往債所纏。或理務之間，賞刑不當；烹殺之際，故誤難明。或天文宿度之中，有逢臨照。或三命之五行之內，有值刑衝。又今年五鬼在於妻宮，天符入於財位。小運則丙祿值墓，大運則子水向衰。金火行於身宮，綱星加於驛馬。皆爲厄會，倍切危疑。所以疾苦之時，冥心禱祝，伫其銷解，用展效酬。今則萬聖垂慈，衆真憫祐。拯其疾厄，賜以痊平。仰玄造以知歸，感鴻恩而上答。

披河圖真格，詣玉局靈壇。備蠲潔之儀，設周天大醮。星辰日月，畢罄誠祈；地府天關，遍申昭謝。伏願鑒臨丹懇，采納素誠。永錫吉祥，克加濟護。使罪尤除蕩，算紀遐長。冤債和平，灾凶超度。誓勤修奉，以副玄慈。不任。

王宗琢六甲醮詞

伏以大道凝華，元尊布化。肇分一氣，品列五材。終始循環，生成萬有。上惟劫曆，資運數以推移；下統人倫，配吉凶而陶鑄。稟形毓質，咸賴玄功。臣早慕清虛，志親沖漠。獲參祕籙，常冀遵修。昨以奉使京華，經途險遠。每虞曠闕，冥有祝祈。果蒙道力潛扶，殊休密衛。達秦甸有安貞之吉，迴蜀城無敗累之憂。仰感靈恩，實思昭報。今屬重陽懿節，甲子佳辰，虔備菲誠，恭申醮禮。伏冀神威俯鑒，微願克酬。採納丹襟，頒宣洪澤。使罪尤蠲蕩，冤債和平，灾咎清消，福祥臻會。事親奉國，常蒙憫護之恩；守職進身，永荷真靈之貺。不任。

孟彥暉西亭子南北斗醮詞

伏聞，大道孕靈，天尊演化，乘機誕瑞，命世降賢。所以匡國濟時，宣功利物。稟星辰之正氣，總嶽瀆之英華。莫不受命上天，凝神中土。恢弘器業，極祐生靈。臣以節度使瑯琊郡王，生屬休期，累承聖澤。以武威扶持唐祚，以忠節翼贊睿圖，光啓中興，克安天步。貢賦常盈於內府，明誠首冠於藩維。推此勛備，宜承禎祐。今以誕生令序，禱福佳辰，輒備信儀，虔修醮禮。依太一祈真之品，詣真人朝斗之壇。香散虛庭，燈繁靜夜。傾心上奏，冀獲感通。普垂象以冥思，遍真靈而醮祝。伏願星躔日域，地局天司，衆聖迴光，萬神昭鑒。錫祥符而延巨貺，開壽域而懋鴻勛。永佐聖朝，長扶帝座。然願龍神叶贊，川境安寧。百穀滋豐，五兵韜戢。俗洽和平之美，年無灾沴之虞。動植幽明，同臻道化。不任。

勇勝司空恪九曜醮詞

伏以大道垂慈，萬靈分職。陰陽布化，星象垂文。照燭幽明，裁成品

彙。主張有度，罪福無差。臣獲以塵微，仰蒙覆燾。謬叨寵祿，早忝恩榮。久統師徒，仍分符竹。實慮才輕任重，福過災生。夙夜兢憂，不敢寧處。又以今年行運，天符入於中宮，寄王之方復臨大運，況驛馬爲五鬼所對。小運與大運相衝，生月及本命之辰皆遇。土星所歷，遂成災疾，未獲痊平。省己循懷，伏增憂懼。竊聞天曹上聖，主錄死生，北斗南宮，司明罪福。是敢披心瀝懇，拜醮希恩，虔詣靈壇，精修奏薦。雖物儀單菲，而誠願拳勤。伏惟萬聖衆尊，開恩鑒祐。赦臣積生罪咎，解臣三命災凶。落北斗之死名，上南宮之生錄。銷平厄會，和釋冤讎。疾苦蠲除，祿算延益。誓勤修勵，以答玄恩。不任。

衙內宗夔本命醮詞

伏以大道生成，陰陽亭育。主張有度，罪福無遺。臣叨荷恩榮，常增戒懼。雖側身思過，省己捫心。每虞操履之間，難免纖微之失。今年三命之內，土木氣微；行運之中，命祿皆薄。

天符臨官祿之位，遊年當絕命之方。大運則土曜所加，小運乃元辰所主。計都居鈍滯之宿，金星入乖背之鄉。旦夕憂兢，恐爲災厄。是敢按尊科典，精潔醮祈。望靈化以馳神，仰玄穹而勵懇。伏願天司地府，九曜南宮，克鑒丹誠，俯垂玄祐。賜臣自新之澤，赦臣既往之非。解五行三命之災，銷列宿暗虛之厄。罪瑕清滌，冤債和平。遂推公去己之心，傾奉主事親之懇。公私昭暢，家眷康宜。普及存亡，咸希福利。不任。

徐耕司空九曜醮詞

伏聞，天府地司，主張命籍。南宮北斗，統錄死生。三官持考校之文，五帝領裁成之籍。顧惟下土，寔繫上玄。況乎處世立身，善功難著，乘非蹈過，罪目易盈，早忝殊榮，靡申績效。或理務有刑章之失，或專城有賞罰之差。積尤違於地府天曹，結罪咎於星躔日域。曾無悔謝，莫遂蠲除。又自行運之中，方當厄會。火星飛於小運，天符入於中宮。水曜伏刑厄之鄉，土星退

愁煩之宿。祿火雖王，辰土尚衰。數年以來，疾苦未減。元元之懇，實切憂惶。竊惟上聖至真，垂慈育物。冥心注念，有感必通。輒憑香火之緣，精展醮祈之禮。虔誠悔過，稽首希恩。伏惟愍鑒庸微，俯弘慈祐。解已成之災厄，赦既往之罪尤。南斗延生，北宮落死。潛增年算，克賜乂安。疾瘵痊平，眷屬康泰。即永荷衆聖再生罔極之恩，不任。

川主太師南斗大醮詞

伏聞，大化權輿，元精剖判。生成天地，陶鑄陰陽。正三統以疏基，役四時而成歲。由是萬靈受職，五氣分鑿。天府地司，領生校籍。罪福以之銓叙，報應以之弛張。毫末無遺，古今不紊。況復上標躔次，下制山河。隨運曆而慘舒，因恭惕而昭戒。仰窺玄訓，得不稟修。臣夙荷天慈，克符睿獎。峻台衡之位，提斧鉞之權。玉律金科，慮爽重輕之信；五申三令，慙乖訓撫之宜。雖盡力匡君，傾心許國。剪長蛇而復宮闕，清巨浸而息戈矛。再拔城池，頓

摧寨壘。變蟻結蜂攢之俗，穆爲賓向化之人。三蜀又寧，四民和穆，實乃上資聖力。明稟靈恩，猶恐政理。或虧罪瑕，難道審已。或違於道德，遊心未契於神明。或分野灾期。或行年厄會。臣今年小運逢於劫殺，大運遇於天符。土曜對於身宮，行年衝於命位。每懷憂戒，思展懺祈。竊以丙午良辰，是南斗降真之日。六宮衆聖，主籍是司。輒申醮酌之儀，願達依歸之懇。伏冀天關流貺，斗極延慈。赦既往之尤違，錫將來之休祐。灾凶弭息，境寓安寧。遠近昭蘇，龍神輯睦。風雨均暢，疾癘清銷。以俗泰爲嘉祥，以年豐爲上瑞。忠以扶於社稷，靜以答於神祇。虔肅丹誠，上副玄澤。不任。

賈璋醮青城丈人真君詞

伏以岷蜀雄都，西南巨鎮。下蟠萬壑，上拱九清。爲造化之殊庭，乃神仙之奧府。瑶宮璿闕，深秘於洞臺；翠壁丹崖，仰呀於雲霧。高真之所棲息，上聖之所宴遊。實掌休祥，以福寰海。臣獲逢道化，夙荷玄慈。慙無塵芥

之功，難報乾坤之德。而立身處俗，易結罪尤。往世此生，寧無過咎。五行三命，恐值灾衰。躔次星文，慮爲臨照。或冤讎所滯。或債訟未明。有一於茲，是用憂懼。輒敢披心靈嶠，稽首仙都，輒備信儀，遙申禱祝。伏願鑒其丹懇，錫以玄恩，使景福潛，資壽涯延，並灾凶銷蕩，罪咎蠲除，冤債和寧，祿祚繁永。兼乞子孫嗣續，宗緒昌隆。拆傾虔奉之心，以答仙靈之祐。不任。

蜀州宗夔爲太師於丈人山生日醮詞

伏聞，道化裁成，天元立極。申命真宰，主張衆靈。於是乎賦命稟神，流形挺質，咸資籙籍，以繫上玄。臣荷大道生成，感睿明倚；注地分岷楚，任極鈞衡。功業所彰，未禪於造化；恩榮所錫，已冠於古今。況屬天步艱難，星輿省狩。恨不得手扶宸極，身衛帝車，克定乾坤，重清日月，永安大寶，以致中興。唯叩真靈，冀扶忠節。仰惟青城臣鎮，天國仙都。群聖依棲，列真統制。必能振揚神力，驅役陰兵。蕩灾運而靜中原，拯橫流而匡大業。爰遵

祕格，虔啓醮壇。願迴不測之威，以介無疆之福。使妖氛寧息，帝祚隆昌。鳳曆龍圖，天長地久。臣積生咎孽，未兆灾蒙。因此懺祈，咸希消解。臣今年大小二運，俱在酉鄉，與命辰對衝。又火星所照，既臨分野，仍在身宮。土躔厄會之方，金伏乖背之宿。年臨三殺之位，仍當六害之門。恐灾咎所加，伏深憂惕。惟憑醮酌，以達精虔，所祈灾數剋平，忠誠大展。盡報主酬君之節，成摧兇定難之謀。光佐聖朝，實仁靈祐。不任。

宴設使宗汝九曜醮詞

伏以二象炳靈，三元運化。稟形毓質，仰資大道之仁；賦命受生，率荷神明之德。臣獲承玄蔭，叨偶休期。累忝恩榮，載塵職祿。顧勛勞而未立，感寵澤以殊深。而慎行謹身，敢忘惕勵。運心屬念，尚慮曠遺，況所至重難，務當宰膳，宴賓犒士，須備烹羞，撫衆訓戎，時行懲賓。實恐刑章之內，或爽於重輕；庖割之中，寧無於故誤。因成冤債，遂積罪瑕。或往世此生，宿愆未

解。五行三命，厄運未祛。今年則暗曜土星在身宮之上，天符五鬼臨行運之方。火星近刑厄之宮，金星躔剋性之位。忽成疾苦，久未痊除。伏恐灾咎方深，扣祈無所，竊惟至真濟物，大道好生。廣開禳謝之門，俯示感通力。是敢按遵科典，虔啓醮壇，遍九曜以披心，瞻列星而瀝懇。伏冀天光下鑒，聖造旁資。解故傷誤殺之冤，赦積世他生之罪。銷平厄會，清蕩灾凶。六氣宣通，百痾痊復。績將盡之福，祿祚增延；賜再生之恩，算命遐益。公私昭泰，眷屬乂安，仰望玄慈。不任。

遂府相公周天醮詞

伏以虛無大道，孕育於群生；天地萬神，主張於庶品。至于誕形稟氣，垂象縱靈。咸資鼓鑄之功，率賴生成之力。臣內惟涼德，夙荷道慈。勛勞未贊於聖朝，寵遇已隆於藩翰。隼旟龍節，疊奉殊榮。相印兵符，頻叨睿獎。顧茲虛薄，實切憂兢。每慮賞罰不明，刑章不當。舉措有乖於理體，綏和未叶於物情。與修，有土木之煩；宴犒，

有烹燔之費。故傷誤殺，往債宿冤，兼此罪尤，成其譴貴。或五行三命，暗曜列星，共結灾纏，遂爲疾厄，尚未痊復，倍用驚危。臣今年大運居衰氣之鄉，小運在馬破之位，木星退身宮之上，土星照三合之方。金水二星乖背之宿，飛天火曜居本命之辰。九宮土星復當生月。睹此灾運，深切禱祈。是敢按靈寶玄科，河圖秘格，設周天大醮，懺謝上玄。伏冀萬聖感通，衆神昭鑒，納其懇志，介以福祥。解宿債前冤，赦深灾重過。續其祿祿，增其壽年。五星四景之中，永銷危厄；天府地司之內，別注休禎。所疾蠲平，克賜安豫。益堅忠孝，上奉君親。即仰荷衆尊祐護之恩，不任。

親隨為大王修九曜醮詞

臣聞，垂象炳靈，代天行化。發揮道用，昭著神功。粵自剖判之初，即顯司明之力。生靈動植，咸賴玄恩。臣獲稟天慈，深叨帝澤。功業未酬於覆載，寵榮已冠於人臣。常慮紋無乖宜，賞刑有失。金科玉律，或爽於哀矜；伐叛

誅兇，或輕於鈇鑕。前代之冤讎未解，此生之過咎旋彰。以此省循，常懷震惕。又臣今年大小一運，俱值對衝。首尾蝕神，皆爲臨照。支干火木，在衰氣之中；天符飛行，居驛馬之上。併爲灾滯，尤切憂惶。近則微恙所嬰，尚未痊復。希恩謝過，倍切禱祈。輒因本命之辰，虔誠奏醮。伏惟至聖俯鑒丹襟，赦已往之罪瑕，解將來之厄會。增延算祿，和釋冤疑。得以罄竭微衷，扶持大寶，撫安疲俗，匡讚中興。誓傾修勵之心，永答真靈之貺。不任。

廣成集卷之八

廣成集卷之九

上都太清宮內供奉應制
文章大德賜紫杜光庭撰

青城鄭瑱尚書本命醮詞

伏以稟氣分靈，全資大道。挺生毓質，仰繫上玄。壽祈延永之期，終始吉凶之分。五行倚伏，二氣推移。實憑宰制之功，敢怠敬恭之懇。臣今年火曜，居本命之方；九宮金星，在行年之上。久纏疾苦，未獲痊平。竊慮履行運心，有虧陰鷲。字人育物，有曠政經。或積生孽咎未除，或往世冤讎未解。構茲重厄，無路懺祈。況境控仙山，地當洞府，明誠可告，真鑒難誣。敢因本命之辰，虔備醮祈之禮。洗心謝過，瀝懇希生。伏惟少駐鸞驂，下臨塵壤。愍其歉迫，假以恩休。輟死籍於黑書，再延命祿；定生名於丹錄，盡赦深瑕。冤債和平，災凶銷解。公私昭泰，眷屬安寧。敢忘策勵之心，上副真靈之祐。不任。

果州宗壽司空因齋修醮詞

伏聞，三光麗天，下司羣品。死生是繫，罪福攸同。臣以塵微，仰蒙鑒祐。而三命之內，水火力微。值辰戍魁綱，為天羅地網。二運逢墓，併屬灾期。又火星到元首之宮，暗曜在命宮之位。灾數重疊，憂懼殊深。是敢遵按明科，虔申醮奏，仰崇齋福，精備醮祈。三日恭嚴，九時關奏。伏冀玄慈俯燭，洪澤濡臨。賜臣灾運銷平，凶衰超度。克延祚祿，允介福祥。永保又安，常加護祐。奉親事主，報國寧家。誓罄丹誠，上酬玄澤。不任。

楊神湍謝土醮詞

伏以道氣分光，玄功宰制。下鎮靈化，上配列星。萬聖之所宴遊，群仙之所棲息。肇于歷劫，以逮茲辰。玉女上賓，認香泉於江滸；玄元駐駕，留玉局於城隅。耀天目之祥華，以安井絡；啓洞宮之徑隧，以福坤維。為錦都靈勝之墟，乃蜀國神仙之府。而繕營久曠，蕪蒼幾侵。清壇為蹂踐之場，闕殿染膾腥之雜，我蜀王迴開神鑒，矚

此玄關，遽命澄清，俾其嚴飭。拂煙煤於石壁，章挹仙儀；薙蒿篠於荒階，再窺靈洞。邇後累加締葺，漸獲精新。堂宇相望，樓臺櫛比。復遷門闥，俯及康衢。夕磬晨鍾，得以備朝修之禮；朝香暮火，得以申蠲潔之儀。報德何階，感恩有自。輒陳醮祝，冀達真靈。伏惟廣灑神休，大頒嘉貺。增聖主遐長之算，寧謐萬方；延蜀王椿桂之年，又安三蜀。連營將校，各崇竹帛之勛；比屋生靈，共樂和平之化。龍神悅豫，稼穡豐穰。疵癘無侵，鋒鋌永戢。其有薰腥穢瀆，穿鑿侵傷，承此懺祈，咸蒙銷解。臣等佐時濟俗，行教立功，奏御上通，尊修咸契，公私貞泰，眷屬利安。然願往化法流，先師舊德，冥關無滯，道果速圓。內外職寮，陰陽將吏，遷功加品，永贊福庭。克弘至道之風，常荷尊靈之澤。不任。

忠州謁禹廟醮詞

伏以三氣肇胎，九元裁質。清浮濁厚，真精鑠造化之鑪；出震乘乾，大易啓乾坤之韞。堯天繼覆，舜日傳明。

五教允敷，未革懷襄之數；四門是闢，尚纏昏墊之憂。惟我睿明，拯茲下土，驅馳四載，勤瘁萬方。浩浩無虞，百谷識朝宗之路；巖巖可仰，羣山知維嶽之尊。區別九州，撫寧庶彙。鑄鼎之功既集，錫班之報攸彰。懋此宏勛，光于終古。臣夙承洪澤，獲奉仙祠。巴雨巫雲，捧臨瑤殿；岷江楚望，瑩蕩瓊階。願迴疏曠之慈，俯鑒虔祈之懇。探經玉洞，展醮靈岑。副蜀王遐祝之誠，遂微臣歸還之願。不任。

蜀王仙都醮山詞

伏以真精表瑞，元氣分形。積秀累於人寰，凝爲仙嶽；集幽奇於物外，嚴設洞天。上屬星辰，下福邦國。由是瓊宮珠闕，祕邃難窺。羽蓋霓幢，飄颻特降。二真人，三都跡顯，九鼎功成。白晝登真，丹青控景。威靈益振，物象長新。寶冊真經，琅函玉篆。貯雲宮而作鎮，與嘉躅而常存。遐想玄風，遙馳素懇。今以三川觀化，累遇干戈。鳳札龍書，靡存於魯壁；虎符龜錄，難訪於秦坑。大教凌夷，所宜弘

拯。是用翹慙翠巘，稽首白雲。申醮酌之儀，冀神仙之鑒。輟鶴洞緘藏之本，爲人天宗奉之經。仁畢殊功，却還舊所。竊惟道無不在，法許流通。仰望鴻休，允諧丹款。亦願潛迴禎貺，普及寰瀛。玄元之祚胤繁昌，聖主之宮城匡復。九圍寧謐，萬彙昭融。臣境宇乂安，生靈康泰，灾躔自息，算祿增延。永持忠赤之心，上副至真之佑。不任。

自到仙都山醮詞

伏以元化既分，茲山作鎮。前臨楚望，旁控巴城。衆流迴環，嚴設龍蛇之府；群峰拱衛，秀爲真聖之都。二真騰翥於前朝，千載昭彰於懿躅。巖巒燦日，松檜參雲。禎祥時耀乎簡編，福祉潛資乎邦國。蜀王扶天，茂績命世。雄姿八國二江，早列封圻之內；黔城楚峽，皆歸陶冶之中。惟此仙山，光于境宇。仰靈蹤而稽首，遙展誠祈；望闕境以馳心，虔修醮酌。將以求書禹穴，仁逢八會之篇；探簡洞庭，願值五符之訣。敷弘奧蹟，演暢真宗。況屬大教凌遲，中原多難，俾其紹習，須

俟流通。某躬泛長波，式遵成命。焚香昭告，願鑒丹誠。所期汜水橋邊，不獨傳於漢相；曲陽泉上，豈止授於干君。捧秩西歸，中興聖教。不任。

李延福爲蜀王修羅天醮詞

伏以道冠虛無，功先覆載。陶甄有物，亭育無私。綿劫歷以長存，後天地而攸久。裁成不竭，生化彌彰。臣夙荷玄休，克承道運。功輕塵露，任重台衡。數千里之山河，周旋六鎮；十七年之臨撫，宰制一方。每虞福過爲灾，力微成釁。兢榮循省，憂懼難勝。況復大駕未還，中原多壘。訓兵勵士，徒懷於報國勤王；望闕馳心，其奈於天高日遠。微勛靡效，孤懇何申。令復大遊四神，方在雍秦之野；小遊天一，仍臨梁蜀之鄉。地一次於坤宮，月孛行於井宿。仰茲緯候，緬彼灾蒙。深慮鳳輦鸞輶，百二之關河未復；陵園寢廟，九重之城闕猶虛。惟切禱祈，仁迴鑒祐。是用按依玄格，遵鍊明科，修黃籙道場，設羅天大醮。九清三界，咸陳懺謝之儀；天真地靈，備展奏祈之

禮。普日月星辰之域，遍山川嶽瀆之司。畢罄齋莊，周期通感。伏冀天尊降命，聖祖貽休，俯借神功，載康國步，鴻圖克固，鼎祚中興。齊北極以常寧，比南山而共永。臣允承天澤，長奉唐年。享椿松延廣之齡，竭金石忠貞之節。境無災沴，歲洽豐穰。雨澤不愆，干戈不作。龍神安鎮，士庶乂寧。幽岫霑開度之慈，絕域慕和平之化。誓弘清淨，以答真靈。不任。

羅天中級三皇醮詞

伏以玄蓋上浮，黃輿下鎮。元精降瑞，應運開圖。握六紀以君臨，恩周率土；體三才而司牧，惠洽群生。塞寰區而聲教攸傳，亘今古而光靈不泯。臣謬膺天澤，作鎮坤維。荷覆燾以難勝，誓忠貞而有守。屬乾綱未舉，天數中微。瞻雲而河洛方遙，捧日而山川尚阻。徒傾丹赤，莫展勤勞。今又大遊四神，在雍秦之分；小遊天一，次梁蜀之鄉。地一鎮於坤隅，月孛行於井宿。考遵緯候，伏切憂虞。是用披按明科，修崇黃籙。備羅天大醮，祈三界

真靈。願假神休，共迴天數。使忠貞義烈，振風雷掃蕩之威；文武尊神，借戡定經綸之力。重昌祚曆，永息妖氛。九圍睹清晏之期，三蜀荷安寧之賜。灾祛未兆，福降無窮。動植存亡，同臻恩祐。不任。

羅天醮太一詞

臣伏按曆緯，今年大遊四神，在雍秦之分；小遊天一，次梁蜀之鄉。地一屆於坤宮，月孛臨於井宿。仰披天度，緬屬灾期。省己拊心，伏增憂惕。是敢按遵玄格，崇啓壇場，修黃籙寶齋，備羅天大醮。輒披玄蘊，敷露真文。伏冀尊神，迴景上玄，貽休下土，旁垂禎貺，永息灾躔。賜臣封境乂安，龍神輯睦，生靈康泰，遠近昭蘇，疵癘無侵，干戈弭戢。唯虔修奉，上副神功。不任。

羅天醮嶽瀆詞

伏以二象升淪，剛柔定位。三靈恢廓，川嶽裁形。坤儀彰厚載之功，品物荷資生之德。雖混淪莫極，猶虞九六之期；廣博無疆，以繫屯亨之數。

今以陰陽所運，曆緯所甄。天一小遊，既移於梁蜀；四神太一，亦次於雍秦。地一屆於坤宮，月孛行於井宿。仰惟天度，伏用震惶。竊以臣叨荷寵恩，久司藩屏。封圻六鎮，襟帶重江。水惟四瀆之尊，山居五嶽之長。仙壇靈化，皆駢虬馭鶴之蹤；珠岸金堤，乃禹導秦通之野。真靈攸處，祥應寔繁。必介休符，以副虔祝。是敢齋陳黃籙，醮啓羅天。冀衆聖之垂光，會萬靈而降福。共安天步，永奉帝圖。蕩昏瞶於神京，重瞻聖日；混車書於海宇，克保唐年。臣境土安寧，生靈舒泰。邊無烽燧，俗洽謳謠。息未兆之灾纏，解已往之衍咎。誓虔砥礪，以答神功。不任。

羅天普告詞

伏聞玄功宰制，道化宣行。稟象流形，凝神運氣。天覆地載，爰起於渺茫；日照月臨，肇分於萬有。至於陰陽升降，劫曆推移。乾坤有九六之期，烏兔有盈虧之數。將期拯護，元杖真靈。臣以微躬，遭逢昌運。叨塵異渥，踐歷殊榮。龍節虎符，裂封壤山河之

重；金科玉律，掌生靈性命之權。常慙撫育非才，每以滿盈爲戒。而屬中原多難，天步方艱，社稷綴旒，寰瀛塗炭。訓齊武旅，徒懸報國之誠；迢遞神都，莫得扶天之路。今者稽求曆緯，考察經圖。大遊四神，方在雍秦之野；小遊天一，傍臨梁蜀之鄉。地一

屆於坤宮，月孛纏於井宿。緬惟天度，彌切憂兢。是敢披靈寶簡文，按河圖品格，設羅天大醮，開黃籙寶壇。仰金闕玉京，虔祈萬聖；遍寰中象外，普告衆靈。馳意馬以披心，託香龍而薦懇。冀蒙鑒祐，允降威神。伏惟三界諸天，四司五帝，乾元主宰，地府尊靈。降陰

陽不測之神，假變化無窮之力。神兵密助，真應潛彰。大業中興，萬方安泰。皇基永固，四海澄清。掃彗孛於長空，勦鯨鯢於巨浪。常瞻聖日，共戴堯天。賜臣境域安寧，灾凶弭息，五兵

韜戢，四氣均調。黎元無瘥疫之虞，稼穡有豐登之望。三川六鎮，士庶龍神，克洽歡康，同臻貞吉。其有幽魂滯識，六趣三塗。沐玄澤以生神，詣朱陵而

受福。存亡開度，動植蘇舒。誓傾忠孝之誠，仰副神明之鑒。不任。

羅天醮衆神詞

伏以人爲神主，神依人以變通；神福於人，人資神而讚祐。承天統地，有國有家，惟古及今，率由斯道。我大唐臯陶種德，聖祖垂休，光宅中原，傳二十帝。玄風扇於萬寓，皇澤浸於九圍。徧彼群倫，咸蒙覆燾。而運鍾艱否，時屬播遷。天數未寧，帝車未復。忠臣義士，皆懸報國之心；望日瞻天，敢怠勤王之志。今以小遊天一，纏梁蜀之鄉；大遊四神，在雍秦之野。月孛行於井宿，地一次於坤宮。緯候所明，兢憂是切。是敢按遵玄格，披考靈科，修黃籙寶齋，設羅天大醮。下窮九壘，上極三清。嚴陳懺謂之儀，願假感通之應。伏惟尊神衆聖，憫鑒丹誠。雷發神威，風回景貺。掃攬搶於碧落，殄氣翳於皇都。永固鴻圖，中興大業。次願封疆分野，銷解灾蒙。祛厄會之期，致和平之氣。龍神輯睦，風雨均調。疵疫無侵，戈鋌允戢。誓勤握政，

上副神功。黍稷馨香，必虔於蠲潔；蘋蘩蘊藻，克展於齋莊。瀝懇陳情。不任。

蜀王本命醮葛仙化詞

伏以圓穹列耀，上表於龍星；方局裁形，下分於仙化。實司命籍，以統人倫。臣獲稟玄機，夙臻景祐。早塵寵渥，牧此蒸黎。縮六鎮之封疆，德慙涼薄；控諸化之靈勝，誠切欣榮。常虞政理之乖，莫副真仙之鑒。今屬太一，行運分野。慮灾或臨，梁益之方。或在雍秦之境，月孛纏於井宿，地一灾於坤隅。稽考緯書，伏增憂懼。況歲當丁卯，是臣元命之年；月屆仲春，是臣稟生之節。詣本命之化，以本命之辰，虔備香燈，精申禱祝。伏冀元尊憫矚，衆聖鑒臨。騰素款於上宮，錫鴻休於下土，帝圖興復，息灾期而輦蹕還秦；境宇康寧，銷否運而禎祥介蜀。俾罄報君之節，允符憂國之心。百穀豐登，群生和泰，龍神貽貺，疵疫無侵。臣七祖生天，年齡增永。誓弘道化，以答靈恩。不任。

恩。不任。

恩。不任。

莫令南斗醮詞

伏以玄道聿分，化機肇啓。清濁定昇淪之位，陰陽運刑德之樞。南斗主生，垂吉昌而勸善；北宮紀死，編罪惡以繩非。神明用之以化人，帝主用之以致理。纖微不失，今古攸同。臣宿稟真謨仰宗，謨玄訓。敢忘勗勵，以自秉修。而叨備官榮，屬茲多事。雖加勤恪，實有懼於曠違；徒切兢憂，固取譏於尸素。誅奸瘴惡，或舉刑章，或督懲憊，或施鞭楚。犒士或開其宰戮，宴賓難廢於烹燔。恐因故殺誤傷，遂結深冤厚釁。又臣行年所歷，小運逢災。宿曜所纏，火星爲照。月臨申未，天符居本命之辰；位對丑寅，飛旗當衝破之地。慮成厄會，彌切震驚。雖省己循懷，寬刑慎行，減饌節酒，遠色防非。猶慮凶咎未蠲，福祥莫應。恭披典冊，虔詣靈山。按南斗文儀，法上玄分緯。九微燈影，星羅透擬於六星；一德香煙，雲色高連於三素。竹殿既招其虛實，松軒可降於真靈。向此披心，敢期符祐。伏願六宮上聖，輟死錄以延

生；五緯尊神，碎禍車而流福。冤尤銷解，災厄和平。骨肉安寧，境邑康泰。風雨調順，穀稼豐登。寇盜不興，疹瘥無作。所請靈寶玉篆、赤帝天書，伏願解臨照於南丹，錫恩慈於下土。永承貞吉，以遂禱祈。不任。

鄭頊別駕本命醮詞

伏聞，玄天垂象，斗極居尊。統萬彙以無私，御四時而成歲。下司命籍，總制吉凶。有感必通，有祈皆應。臣粵自童卯，竊仰威靈。以七星爲天地之樞，五氣爲裁成之本。主張禍福，制錄鬼神。傾心每奉於上玄，有難必存於北斗。疊蒙昭祐，累降禎祥。動若影隨，事猶響答。至或願捐所職，謝病尋醫。或懼履禍機，違凶就吉。或雪志於侵誣之際。或滌瑕於猜忿之中。潛瀝懇於長天，暗馳誠於永夜。至真在鑒，有願咸從。而多事所縈，靈恩未報。常期精潔，冀啓醮筵。今者天徇深衷，神諧夙望。幸叨攝任，獲在仙鄉。玉闕、瓊都咫尺封隅之內，凝嵐積翠、高低城邑之旁。況屬命辰，仍當秋景。

遂得躬披松檜，深躡雲霞。展三獻之禮容，猶申公務；酬積年之祈禱，兼遂私心。省分循懷，既榮且抃。是敢捧持詞款，營備香燈。雖澗蘋行潦之微，難迴聖鑒；在隨感赴機之德，願納愚誠。所期答已往之恩，伫將來之澤。賜其禎吉，介以康寧。俾縣境無虞，農功有歲，人和俗阜，遠睦邇安。臣或本命五行災衝所及，天文九曜臨照所經。或政理有所未明，賞罰有所未當。新冤往債，故殺誤傷，並乞蕩除，永恩因祐。不任。

孫途司馬本命醮詞

伏以二氣肇分，五行運化。鼓陰陽之橐籥，執生死之樞機。亭毒無私，陶融靡倦。司短長於五帝，校善惡於三官。維斗居尊，總御群品。臣自惟幽陋，仰荷裁成。獲備冠裳，每憂叨竊。遵素儒之明訓，守玄聖之格言。尚慮動息成非，行藏乖道。難階福善，易結過尤。仍恐三途推移，或逢災數九曜，躔次或在厄宮。況命年天符臨勾絞之方，小運當伏吟之位。十三宿內，月孛

所經，大運行年，猶居衝破。以茲疑懼，恐履災凶。敢因本命之辰，虔申醮謝。伏惟真聖，俯鑒誠祈。赦已往罪尤，和冤釋結；錫將來福祉，增祿延年。眷屬安寧，公私和泰。即永荷衆尊慈祐之恩不任。

廣成集卷之九

廣成集卷之十

上都太清宮內供奉應制
文章大德賜紫杜光庭撰

李仇中丞命醮詞

伏以二象陶融，三元生化。裁成品物，亭育群方。受命稟形，上繫天府。至於壽算遐促，祿祚短長。立身有罪福之因，行運有吉凶之數。天司地簡，主宰無私。臣伏恐三命五行，或逢災咎；九星七曜，或值照臨。陰陽有刑剋之期，祿算有凶衰之會。又恐積生所犯，冤債未除；積世所行，過尤旋結。常情罔測，神道難知。非託醮祈，無由解謝。輒因本命之日，虔備香燈。仰玄象以披心，對星壇而瀝懇。敢希至聖，俯鑒丹誠。三官落罪簡之文，五帝削災妨之籍。臣宿瑕蕩滌，積釁銷平。輟死北宮，上生南極。天曹增祿，司命延年。眷屬和寧，公私清泰。即荷衆聖之恩不任。

張道衡常侍還願醮詞

伏聞，垂象九天，流光萬有。帝車周運，聖力遐通。裁四海以無私，福群生而不宰。惟祈必應，有願克從。臣頃以大順二年，遭逢危厄，憂逾蹈火，危甚履冰。既難保於朝昏，敢望全於形命。元元丹懇，啓懇無門。惟注念蒼穹，冥祈玄斗。潛興大願，冀贖深災。果蒙大道鑒臨，至真通感。垂好生之澤，開罔極之恩。獲洗罪尤，盡消冤戾。仰天慈而積感，報玄造以無階。旋屬公役所拘，道途無暇。歲華累改，誠願未申。況復水陸經過，江山往復。幾逢俶擾，頻值艱危。幸脫鋒鉞，免罹凶橫。皆承廕護，倍切兢榮。今以本命之辰，於玉局靈化，詣北斗七元之殿，當玄卿大帝之前，虔備醮壇，恭酬往願。昔所許奏，錢若干貫。請至今年八月，五度奏納取畢。伏惟斗中衆聖，玄府上司，鑒領丹誠，曲迴鴻造。使宿願周備，賜靈澤遐霑。赦過除災，延祥介福。年祿增益，危厄銷平。眷屬乂安，公私貞吉。即永荷斗極衆尊

覆祐之恩不任。

周庠員外郎為母轉經設醮詞

伏聞三洞寶經，九天真訣，虛無凝炁，混合成文。龍篆鳳章，發跡杳冥之始；瓊編玉檢，敷宣天地之先。大則制御乾坤，保鎮劫運，安寧祚曆，昭祐帝王；次則和揖五行，調平六氣，蠲邪度厄，濟物利人。遵修則灾咎可銷，諷誦則禎祥可降。臣等以母行年衰厄，疾苦所嬰。憂懼但深，告祈無所。敢憑玄聖，披瀝丹心。伏願勅三寶威神，命侍經寮屬，解五行刑剋，却三命凶衰。增祿南天，延生司契。六府調理，百疾痊平。永垂覆祐之恩，克享遐長之福。謹於玉局化，轉經設醮，冥扣至真。不任。

莫庭又為張副使本命甲子醮詞

臣聞，天道無親，輔茲有德。功或及物，福必無涯。當川安撫副使張琳，奉主無私，酬知盡節。初終一致，雖風雨而不渝；籌畫萬端，越歲寒而彌勁。頃以四郊，多壘兩鎮。稱兵物力將虛，經費逾廣。厚斂則生靈必困，薄賦則

供億不充。出自良謀，豐其軍食。糗糧山積，戈甲雲屯。人不告勞，物無失所。益振貔貅之勢，佇成弔伐之功。但以張某三命之中，猶逢灾厄；二運之內，甲祿氣微。天符臨受命之宮，土星逆愁煩之位。慮為灾咎，輒罄誠祈，爰託皇壇，旁希玄祐。伏願十華降福，三聖迴光。錫善貺於諸天，灾殃自息；蕩過尤於九府，祿算增延。永俾安寧，共康藩屏。臣情誠迫切，冒瀆高明。不任。

駱將軍醮詞

伏以二氣清凝，表天地亨貞之道；五材倚伏，荷乾坤成育之恩。至於命籍短長，祿祚豐薄，立身罪福，行運吉凶。莫不上自天司，旁資元命。主張考校，巨細無遺。臣竊慮列宿五行，躔次有照臨之咎；九宮三命，陰陽有厄會之期。以此憂兢，恐成灾厄。今以立冬令節，祈福良辰，虔罄丹誠，精陳醮禮。仰天闕而瀝懇，瞻地府以冥心。佇降恩慈，曲流洪福。使灾凶殄息，過咎蠲銷。錫以嘉祥，增其壽

祿。落罪書於北府，紀生籍於南昌。眷屬安寧，幽明康乂。徊翔天路，長親日月之光；棲息人寰，永沐真靈之祐。不任。

馬尚書醮詞

伏聞，曆象推移，運三元而成歲；陰陽變化，資天道以宣功。澤霈幽明，事均今古。其有弘仁秉義，體順和光，則天錫禎符，神彰吉貺。或動乖守慎，志協回邪。乃蹈彼艱虞，兆茲否塞。影響之報，理實昭然。臣迴以庸虛，早塵職祿。雖肅恭自立，畏慎推誠。常懷聚鷓之譏，每懼維鷓之誚。況復訓齊戎伍，祇奉藩垣。鋒鏑猶施，鉦鞞未息。摧堅挫銳，徒申擒討之謀；故殺誤傷，慮構幽冤之咎。以茲屬念，深用真懷。今則秋帝考功，地官校籍。罪福咸舉，毫末無遺。或臣有塵忝之非，有殺傷之過，有六情之罪，有三業之辜，有注訟未除，有冤仇未釋。事題黑簿，名挂陰曹。乞垂悔謝之緣，並降蠲消之澤。俾其克勵，得以自新。至於宿曜垂灾，行年值厄，亦希超度，獲保

又安。上祈九祖，生天三塗。離苦飛沈，遂性生植。無傷四方之戈甲，早寧萬戶之農蠶。畢就俗聞謠詠，野息氛埃。咸歸清淨之風，大洽希夷之道。虔修醮酌，懇薦章詞。遙祝仙壇，仰望真祐。不任。

馬尚書本命醮詞

臣以庸微，叨承宿運。謬參職秩，繼忝官榮。統御戎車，襲行條令。或剋收境邑，除蕩奸兇。外禦寇仇，內綏疲瘵。而宴賓犒士，須有宰傷。去弊誅邪，必資刑律。誠非徇己，務切安人。竊慮斬決之間，重輕有失；傷殺之際，故誤難明。以此憂惶，恐貽譴責。又慮臣行年三命，或值凶衰；宿曜五星，或逢臨照。因其厄會，遂履凶危。又恐九祖幽儀，未蒙遷拔；六親滯識，猶有拘留。緬長夜以魂驚，念陰關而心懼。思罄歸依之懇，仰申薦奉之誠。輒憑本命之辰，式備資薰之力。冥心靈化，遐想寶壇。陳醮禮以肅恭，貢章詞而精禱。伏冀玄元錫祐，大道流慈。光開泉曲之庭，詔下酆都之府。使九

玄超度，衆苦蠲銷。生神碧落之天，蛻影朱陵之洞。福延後嗣，惠被宗親。其有往世愆瑕，無窮冤對。咸承懺滌，並使和平。乞臣罪簡落書，生宮注籍。灾凶弭息，祿算遐長。兼祈福介川源，澤覃遠近，戈鋌早戢，疵癘不生。野復耕桑，人歸富壽。泊乎沈潛異質，溟漠殊庭。同沐玄風，咸昇道域。誓虔丹懇，永奉鴻慈。不任。

司徒青城山醮詞

伏以灑氣漸凝，群山挺秀。高扶宸極，厚鎮坤輿。惟彼西南，上通參井。結靈積瑞，含藏日月之華；疊翠堆嵐，包括神仙之宅。位崇衆嶽，秩亞三山。爲天下之福庭，冠域中之勝槩。崇臺比立，黃軒之祕跡猶存；巨浸旁分，大禹之神功可睹。每彰符應，以祐生靈。頃屬雨澤踰旬，泉源空涌。丹崖翠巘，雖傳隕圮之聲；紺殿彤軒，靡有震驚之變。緬茲羣異，益驗光靈。臣叨荷殊恩，膺茲重寄。綏撫之能未著，兢憂之懇常深。恐臣過咎所招，仙嶽降異常之兆；灾蒙所襲，神峰垂警告之

祥。夙夜省循，若據冰炭。莫展披陳之路，惟虔禱謝之誠。輒按明科，恭申大醮。庶蒙鑒祐，以贖愆違。不任。

馬尚書本命醮詞

伏聞，元化運行，三才資始。體乾坤而成象，感陶煦以凝神。由是懸命籍於天關，繫生死於斗極。其有行藏巨細，舉措纖微。八靈伺察以無遺，十直考讎而畢至。善功潛著，則名列仙曹；過目所彰，則書編鬼錄。用茲懲勸，以導于人。其惟本命尊神，主張校錄。緬思玄旨，實切稟修。臣猥以凡微，曾無機略。唯奉公克己，效命爲時。未展勞能，累驚塵忝。揣循增懼，委任益深。況封畿戈甲之餘，壠畝榛蕪之後，疲羸未復，瘡痍未平。撫之則濡沫纔通，撓之則溝湟甫及。而驟司六邑，務彼三農。暑耨寒耕，雖勤劬於人力；有秋望歲，殊即俟於天時。但罄丹心，顛祈玄祐。敢因本命之日，虔申醮謝之儀。所期真聖鑒臨，福祥臻萃。赦臣叨據之過，獎臣肅奉之誠。使鋒鏑早寧，京坻有積。人無疵癘之苦，

年祛水旱之虞。俾臣九祖超升，三塗清晏。其或宿曜運行之厄，歲年刑剋之災，淫刑濫賞之非，故誤殺傷之咎，並希昭祐，普錫蠲消。永誓歸依，以酬真贖。不任。

莫庭乂青城本命醮詞

日伏以稟氣分形，上資玄化。主算定祿，仰繫真曹。臣伏恐履行之間，或貽愆咎；年運之內，或遇災凶。非仗神功，難申懺滌。輒干真鑒，虔備醮儀。頃以此山，嶽瀆上司，神仙福地。洞裏之玉樓金闕，塵俗難窺；人間之古殿荒臺，蹤基易變。梁摧蟬竦，瓦落鴛鴦。若無營葺之興，已雜蒿萊之徑。某叨居宰字，竊備繕修。既俾功庸，仍申藻績。圖五嶽九江之像，貌河侯溪女之真，肅穆冕旒，駢羅珠翠。如登貝闕，似挹驪宮。既輝煥於素垣，益深嚴於玄德。所冀少城天府，永賴休禎。秋報春祈，克承嘉祐。敢因元命之日，虔修讚祝之筵。伏惟應念迴軒，分靈降澤。錫臣以增延祿算，助臣以消解災凶。兩地之骨肉安寧，一境之牛靈蘇

泰。誓傾丹悃，上副鴻慈。不任。

莫庭乂青城甲申本命周天醮詞

伏聞，妙本應期，元精啓運。三光分照，萬有陶形。圓清方濁之間，遞爲主寄；日域星躔之內，各備職寮。大則司劫曆施張，小則察人倫善惡。有逾衡鏡，無隱鋒毫。竊惟九室洞天，羣真會府，丹崖蕩日，翠谷呀雲。鸞旂之所往還，霓節之所遊集。叨膺宰字，獲詣仙山。雖食蘗苦心，飲冰潔己。功應無補，過必彰聞。況於咫尺之中，敢罔真仙之鑒。更慮九辰行運，三命推移。福善不常，災凶靡測。拳拳素懇，若履顛危。輒因本命之辰，載申祈醮之禮。天衢地壤，水府星宮，咸罄血誠，仰祈明祐。伏乞解災釋過，延贖垂祥。壽祿惟增，凶危自息。已往則九玄開度，見存則兩地安寧。一境生靈，同承福廕。兵車休駕，封部無虞。長欣靜謐之期，永荷靈真之澤。不任。

莫庭乂九曜醮詞

伏以二象分華，三元列曜。司悔吝吉凶之契，操死生罪福之權。主宰

無遺，幽明咸繫。臣自惟凡昧，夙奉正真。叨荷寵章，獲參位祿。循涯省分，常懼於曠官；恤物安人，敢忘於勵己。尚慮動違恭慎，日積愆瑕，上瀆真靈，潛貽厄會。又恐五星進退，四曜運行。或居身命之宮。或臨惡弱之位。況臣今年天符臨於命卦，木星未出身宮。第二十宿中，蝕神所歷，小運行直，又值天羅。竊憂福過災生，命衰祿薄。按河圖內品，太玄祕文，瀝懇貢詞，披心備禮。仰華蓋儀璘之闕，若對九芒；瞻星辰日月之宮，盡傾丹款。伏冀宸光下燭，開昏晦而洗沈冥；靈景延暉，碎禍車而焚罪網。使年齡克保，品秩攸升。一境之士庶康寧，兩地之親緣安泰。仙山表贖，人無瘥疫之傷；靈府垂禎，歲有京坻之望。唯虔素悃，上答玄功。不任。

川主相公北帝醮詞

伏以七政上尊，五靈玄老。位司北極，部制中天。至於地分吉凶，天文災福，五行六氣，三命九宮，萬彙慘舒，咸歸考校。臣以兵戈既久，殘瘁逾年，

念彼生靈，痛深肌骨。敢因醮謁，載罄祝祈。瀝懇紫微，扣心玄象。實希憫鑒，俯降禎祥。消沴氣於郊原，退灾星於井絡。一川康泰，萬有昭蘇。永戢戈矛，惟新祿算。九天霧卷，重披日月之光；三蜀煙清，再播雲雷之澤。即仰荷帝君憫護之恩不任。

川主相公周天后土諸神醮詞

伏以天府名區，少城奧壤。龍神福地，天帝雄藩。豈以凡微，叨茲臨鎮，而謬分朝寄，總此封疆，十載于茲，日深兢懼。但以粵初莅任，便屬艱難。黃巾犯秦，翠輿幸蜀，行朝萬衆，駐蹕五年。力盡扶天，誠深報國，功宣匡復。以及迴鑾其間，有師立稱兵，旰能竊發。秀升擁師於下瀨，郭琪奮臂於中軍。咫尺乘輿，震驚輦轂。上資睿武，旁假神威，相繼克平，以安大駕。感茲靈祐，常貯血誠。今則時未底寧，人方肆亂，帝車順動，又幸陳倉。中原有焚燎之灾。六合靡晏寧之所。雖誠深憂國，志切匡君。難申嵇紹之忠，山川杳隔；空杖袁安之淚，扈衛無由。

緬想神功，必垂濟祚。爰申醮禮，仰冀靈通。希迴助順之恩，共安天步；少借害盈之力，遠掃兇渠。復黃屋於上京，延寶圖於萬葉。椒漿之奠，永答明慈。臣不任歷懇，披心虔請之至。

葛仙山化醮詞

惟彼仙山，鎮茲坤壤。八十一洞，分日月於地中；二十四峰，繚煙霞於天際。潛司罪福，以統生靈。臣夙慕玄微，早崇清靜。躬逢聖日，既叨輔贊之榮；夢想靈山，常貯逍遙之志。尚縈多事，徒鬱素懷。今節及仲秋，禮當望秩。遐瞻翠巘，杳隔紅塵。虔備醮壇，用申誠祝。伏冀虎旗龍旆，遠辭八極之宮；鶴馭鴻驂，聊降三仙之駕。歆茲薄禮，錫以殊休。俾稼穡有年，凶灾不起，幽明共福，家國咸安。比帝祚於崇岡，續唐年於劫曆。必期修潔，以奉靈光。不任。

川主九星醮詞

臣聞，九元御極，綜列宿於紫微；七政垂光，統衆星於黃道。指攝提而臨萬象，運招搖而主百靈。生死吉凶，

咸繫司牧。臣以受年之時，此月火星，及暗曜罡星，皆臨本命。以茲戰悚，恐蹈灾危。敢以丹誠，上祈玄祐。虔修大醮，備瀝微衷。伏惟九聖延慈，乘帝車而降福；七真垂貺，迴杓建以祛灾。二十八宿行藏，皆資祥慶；一十二宮分度，永息屯蒙。誓勤忠赤之心，以答靈真之念。不任。

中和周天醮詞

臣以庸虛，猥當大任。極台衡之扶，居藩屏之崇。雖傾捧日之心，莫著匡君之績。頃以四郊多壘，中國不寧。戒馬載馳，兵車尚駕。或近臣肆逆。或遠鎮辜恩。纔滅梟巢，初迴鑾輅。又聞薄伐，再致省巡。凡在人臣，豈勝憤惋。惟炷香冥想，望聖祖之貽休；拜表祈真，待陰兵之助役。果見僞王孽相，連頸殲夷；兇帥朱致，繼蹤斬馘。緬惟幽讚，更切明誠。近又太一運行，已照蜀分。五星移度，或在身宮。慮薄德所招，即凶灾荐至。常加惕勵，罔敢違寧。遂有鄭君雄、韓球，兩地結連，遽興兵甲。隔絕恩信，凌犯聞防。

殘掠生靈，焚燒郡邑。數州塗炭，千里傷夷。憫此幽冤，痛深骨髓。臣所以上祈至道，明禱真靈。志先憂國憂人，誠匪爲家爲己。由是上天悔禍，大道降靈。包藏者，尋就誅鋤；黨附者，皆從剪撲。封疆繼靜，凋瘵旋蘇。韓球敗亡，君雄梟戮。漸通道路，將雪冤沈。

尚以芟刈之時，殺傷非一；仰則好生之旨，震悼何安。俯嗟遊岱之魂，淒涼莫已。是用凝神扣寂，拜手歸心。陳謝恩謝過之儀，瀝祝地祝天之懇。庶祈玄聖，曲鑒丹誠。輝映清壇，降流洪澤，蠲除愆咎，弭息災凶。使生者又寧，幽途開泰；臣又聞，衆星拱極，百谷朝宗。蠢彼不庭，敢違天道。更鄰近境，綿亘數州。山寨相望，久爲兇逆欲恃。其蜂合蟻聚之勢，伏鋤耨白挺之徒。垂二十年，不賓睿化。擬因揭瓴之便，將申破竹之功。爲國誅奸，與人除害。重希神力，克震軍聲。鄆都以三十萬兵，常祛沴氣；洞泉有二十五將，懜制妖徒，正道殛邪，神明助順。敢緣斯旨，再罄赤心。伏惟俯鑒奏陳，克迴明

祐。使昌瀘梓遂，永無蛇豕之災；草木藂林，盡化鋒鋌之狀。咸知帝力，主復王謠。然後疇賞龜城，拜章鳳闕，弢弓解甲，歸馬休牛。長諧魚水之歡，克暢君臣之道。明明血懇，大道鑒之。不任歸命祈恩屏營憤切之至。謹詞。

廣成集卷之十

廣成集卷之十一

上都太清宮內供奉應制
文章大德賜紫杜光庭撰

程德柔醮水府修堰詞

伏聞，大道垂功，裁成品物。真靈設位，主宰群生。至於水府明神、山林正職，各司罪福，以庇烝黎。當縣地控上游，素名劇邑。賦輿重大，耕稼茲繁。堤堰所防，安危是繫。某所修堰分，當彼濬流。自汎溢以來，累有摧壞。雖俾夜作晝，竭力焦心。旋有葺完，尋聞傾陷。豈水脉所注，不可備防；豈龍神所爲，未容障塞。憂惶迫切，無所告祈。且食乃民天，人爲邦本。或虧秋稔，必致年凶。況天府膏腴，勢連下瀨，少城戶口，旁接通波。若爲侵軼之災，必有泥沙之變。救茲墊溺，須仗玄威。伏惟大道開恩，明神流鑒，愍其農畝，念彼生靈。迴不測之神功，借無私之聖力。特垂濟護，俾獲安全。使黍稷永豐，京坻有望。息襄

陵懷山之禍，叶年豐俗富之期。蘋藻效誠，敢負靈貺。不任。

川主醮五符石文詞

三寶開光，五文孕化。凝水火木金之氣，成雲霞龍鳳之書。保制乾坤，鎮寧天地。洎乎降傳下土，濟護群生。夏禹得之以成功，仲尼奉之而興詠。有家有國，罔不遵修。所以伏御神祇，鎮安川嶽，禳除氛沴，清肅宮城，至於居宅之興，亦在鎮禳之例。臣頃於所部，特創新居。既畢巨功，爰申大醮。按河圖品格，依靈寶文儀，篆刻真符，清修香火。所冀解銷犯觸，安集正神。召彼靈官，永垂擁衛。伏惟玄元鑒祐，衆聖流慈。勅勒職司，錫其禎貺。居止寧泰，眷屬康安。分近天皇大火之鄉，況屬身宮，或鄰對照。捫心震惕，循己驚虞。是用瞻本命福山，仰列仙靈化。歷三元而禱祝，遍九曜以虔祈。伏冀洞府神真，披香奉御，玄天尊聖，垂澤降臨。賜臣以景貺禎符，解臣以灾期厄會。克承祐護，允洽康寧。上願皇業天齊，聖圖嶽鎮，伊川洛汭，運叶

中興。八水三山，俗諧昭泰。戢鋒鋌於九野，共文軌於萬方。臣得勵忠貞，永扶英睿。不任。

蜀王為月虧身宮於玉局化醮詞

伏聞，大道縱靈，元和肇化。燭三光而上列，運六氣於中天。播裁成字育之功，物無不遂；持寒暑暄涼之柄，政無不均。所以五星秉大帝之符，司明罪福；十神行太一之令，統御吉凶。律曆難欺，古今所稟。臣遭逢聖運，塵忝殊榮。山河控井絡之雄，封壤握坤維之重。常虞福過，實懼灾纏。今則涼德靡修，太穹垂戒。月朔則太陽薄蝕，當對照之方；既望則太陰變虧，在身宮之位。飛天火曜，臨於命辰。干祿納音，仍逢衰氣。恐成灾咎，彌切憂惶。是用遵按玄科，勵精丹懇。奉香羞於玉局，陳醮禮於瑤壇。仰三景以希恩，普周天而禱福。伏冀昭彰俯鑒，胖蠻垂休。錫禎貺於三命五行，解灾期於身宮分野。至有故傷誤殺，往債宿冤，咸賜蠲除，永俾貞吉。上願皇圖攸久，聖壽延長。還秦符大漢之隆，宅

洛契宗周之盛。干戈偃戢，夷夏昭蘇。得傾報國之心，克叶自天之祐。不任激切虔祈之至。謹詞。

安宅醮詞

伏聞，道氣流布，三才乃分。陰陽陳變化之機，水木肇相生之象。巢穴之風，即替宅宇之作。遂興順二氣以營修，體五行而制度。實資神化，大庇生靈。臣以庸愚，不明玄理。因時改作，隨力興修。土木之功，曾無避忌。穿鑿之處，深有驚喧。或抵犯王方。或背違天道。致使龍神未守，居止非宜。恐迫凶衰，更延灾厄。謹歸心大道，稽首三尊，按靈寶明科，修五帝大醮。虔恭懺謝，拜請符文。懺已往犯觸之非，祈將來安寧之福。伏冀二儀介瑞，五帝垂祥。凶惡蠲除，龍神鎮守。人口清泰，動靜康寧。營運興生，常蒙利祐。公私和暢，眷屬乂安。即永荷太上衆尊、五帝祐護之恩。不任。

八節醮詞

伏以大道垂化，元氣流形。鼓鑄群生，有清濁剛柔之異；舒張八節，定

春秋冬夏之方。所以考校吉凶，司明罪福。惠既周於家國，恩亦普於存亡。臣等獲值昌期，早欽道化。資神功而生育，荷聖力以裁成。竊慮處俗立身，寧無過咎。前生今世，必有愆瑕。或五行三命之中，遭逢厄會。或暗曜明星之下，因值照臨。以此兢憂，輒思祈醮。爰逢令節，同竭丹誠。是天元啓候之期，當大聖延慈之日。翹心靈化，稽首瑤壇，精潔香花，虔恭醮祝。伏冀高尊鑒祐，衆聖哀憐。垂罔極之慈，賜無疆之澤。使積生罪惱，累世冤仇，已往愆非，將來戾運，乘八節自新之力，降三官肆赦之恩。並賜蕩除，永錫貞吉。使臣等九玄七祖，受福祉於南宮；眷屬親緣，落死名於北府。公私和洽，壽祿遐長。即永荷衆聖祐護之恩。不任。

都監將軍周天醮詞

伏聞，大道混融，群材昭著。陰陽升降，吉凶之理肇分；善惡循環，罪福之文是啓。玉虛大帝，金闕元皇。申命真靈，俾其主宰。三官五帝，爰居勸

沮之司；南斗北元，以統死生之錄。洪纖備舉，億劫無差。所以丹簡玄經，有修禳之祕訣；祈天悔過，有懺滌之明科。竊仰弘慈，敢陳微願。臣獲膺宿會，運偶昌期。猥以凡庸，遭逢異寵。伏念戴清履濁，寓世立身，事主奉親，自家刑國，雖忠貞勵節，勤瘁在公，而休祉難臻，愆違易集。況臣頃因扈衛，時尾艱憂。豺豕欺天，霧霾蔽日。層岩瑞氣，但布護於帝車；九陌妖塵，正昏蒙於輦道。乃忠義奮身之際，是人臣效命之期。得以手捧天樞，身排鯨浪。克寧皇極，以罄丹心。遂叨非次之恩，遽荷重難之寄。連營貔武，千里隄封。慙無監撫之能，但切兢憂之懇。竊恐臣前生今代，歷劫以來，未達正真，動成罪目。或上虧天理，下犯地宜，中忤人情，旁違物性。十纏外積，三業內興。或助順除奸，誅邪佐命。或故傷誤殺，秉法持綱。或星曜運行，時逢臨照。或三命經歷，因值衰危。八卦九宮，有刑妨之數；冤仇債訟，有考對之文。幽晦常情，眇然難測。唯資修奉，

上叩玄虛。冀獲感通，克承覆祐。是用按河圖真格，披正一靈科。溥海嶽以貢誠，遍乾坤而瀝懇。恭陳醮禮，以展肅虔。伏惟三寶迴光，衆聖流鑒。赦其宿過，錫以殊休。罪簡蠲消，生名列品。和平免債，清蕩災凶。九玄七祖，同霑洪澤。六姻九族，咸沐玄慈。俾川境安寧，生靈輯睦。俗無疵癘，野有謳謠。幽府冥司，神輝朗徹。飛行蠢類，惠渥滋濡。上願國步夷平，聖躬和暢，五兵弢偃，萬寓乂康。鑿旂早復於秦京，象法重懸於魏闕。瞻天望日，言發心馳。不任。

衆修本命醮詞

伏聞，大道垂光，三靈資始。人天設位，萬化互分。稟氣有清濁之殊，賦運有吉凶之異。昏明既判，罪福亦彰。於是太上弘慈，元尊愍護。南上闕延生之府，北都陳銓善之科。兩曜列星，布無私而照燭；三官五帝，開大有以君臨。蓋欲使共洽無爲，俱臻清靜。品登道果，名列真階。臣等叨沐神功，幸逢昌運。聞玄儒之妙旨，履仁義之

康衢。坐挹堯樽，行誦睿德。揣躬省己，榮抃伏深。但慮往劫此生，立身舉措。動成違戾，率忤幽明。六情之愛染難祛，三業之愆非易積。文昌簡上，未紀善名；酆部宮中，已標罪目。又恐行年灾咎，宿曜加臨。或土木興功，犯干禁忌。或故傷誤殺，結聚冤尤。遂使暗奪年齡，潛消福祿。非憑勝會，難寫深誠。今屬白露凝晨，清秋屆節。是懺罪祈真之日，乃延恩致福之期。輒率慕同誠，歸依至道。齋持法信，稽首靈壇。遍天府以披心，望星宮而注想。伏冀三元上聖，十界衆尊，南極威神，北臺寮輔，念其虔懇，降以光靈。流福祚於存亡，息灾凶於永遠。使臣等九玄七祖，咸得生天；五族六親，並蒙安泰。罪瑕除蕩，祿壽延長。門宇清寧，運求諧遂。五行三命，永無刑剋之灾；私室公庭，長荷利貞之福。不任。

張道衡還北斗願詞

伏以玄象垂先，物無不照。帝車周運，感無不通。臣以幽微，仰蒙鑒祐。頃以大順二年，身陷危厄，性命是虞。

輒瀝丹心，上祈玄造。遂發誠願，奉錢十萬貫文。旋獲安寧，克蒙清雪。螻蟻之生已保，真靈之澤未酬。尋以奔迫道途，辛勤南北，難逢良會，莫報宿恩。冰炭在懷，寢食增懼。今則歸心靈化，稽首瑤壇。虔備香燈，精修醮酌。自今年四月，至今月，五度奏錢，滿十萬貫。兼於玉局化北帝殿，塑造北斗真君八身功德，用申素懇，上答玄恩。伏惟聖慈曲賜昭納，使誓圓昔日，願滿茲辰。宿罪蠲消，餘灾蕩滌，冤仇和解，年祿增延。公私叶貞吉之期，眷屬享乂寧之福。存亡咸泰，品彙沾恩。不任。

行軍僕射醮宅詞

伏聞，大道融真，天尊演教。赤明御運，靈寶開圖。八會成文，凝結太空之表；五符流跡，昭宣大有之中。五帝受之以度人，九天得之以定位。降於下土，護國濟人。摧伏兇祿，誅滅邪惡。凡所興造，皆許遵行。臣頃以營繕所居，土木將畢。恐有干犯，難備考詳。竊按玄科，請行符命。修崇黃籙，

關奏清都。刻五方太帝之文，依三洞鎮禳之格。下告五土，上奏九微。伏願衆聖垂慈，萬靈孚祐，勅命符吏，頒示職司。降以威靈，布其真氣。蕩除魔怪，安靜龍神。八卦九宮，五行六甲，陰陽刑殺，太歲將軍，各鎮方隅，永祛灾咎。其有伏尸故氣，金土邪精，滯爽遊魂，幽靈暗魄，各乘善力，俱遂逍遙。克保安寧，永臻福祐。不任。

衆補修三會醮詞

伏聞，人之稟生，資於二氣。陰陽定體，魂魄守身。稍或愆和，即成灾否。三會之日，是三魂攢奏之辰。罪福吉凶，纖毫無失。增壽奪算，賞罰甚明。所宜積善，除非立功補過，用祈吉應，以保遐齡。玄聖格言，真經明訓，敢不遵守，以戒身心。臣等數年以來，於下會之日，共申祈醮，以罄焚修。昨者迫以塵緣，偶過佳節，中心憂惕，不敢違安。今則別選良辰，旁招善友，同營香火，特展醮祈。靜夜寒更，冥心注念，真靈必降，誠願冀通。伏惟萬聖迴光，千真鑒映，錫其禱祝，除彼灾凶。

制魄拘魂，各遂修生之望；迴凶變吉，咸開遐永之程。臣等或三命衰微，九宮厄滯。或星文臨照，災運縈纏。或宿債未平，餘殃未息。或故傷誤殺，積過深瑕。俱乞蕩除，克賜昭祐，合家蒙福，九祖生天。公私有通泰之祥，眷屬荷乂安之澤。不任。

皇帝設南斗醮詞

伏以三光麗天，照臨萬有。衆星垂象，統御群形。南斗文昌，實掌主籙，爲正陽煦物之本，乃帝王壽命之司。按天元上清等經，若五月五日，值丙午之辰，則啓福延恩，濟生利物，和寧品類，安鎮邦家。陽德所資，普亨其福。今年以火水金土四星，聚於實沈之墟。又逢日度所經，皆爲順伏。五月合朔，太陽當蝕而不蝕。洎乎既望，太陰當虧而不虧。斯乃五日，得丙午之辰。純陽所應，顧惟寡昧，欽荷玄功。慙化理之未周，念聲教之未普。敢期流貺，以及微躬所願，大道延慈，上天錫祐。俾九州四海，俗泰民康。年豐而六氣均調，候正而四時和暢。

弋弓偃革，歸馬休牛。咸臻保命之祥，克廣好生之德。冥心丹禁，稽首玄壇。瞻八景以低臨，冀九光之遐燭。鑒茲醮酌，介以禎休。辰輝炳靈，幽讚之功已著；人天交感，協符之契可期。佇混車書，大同寰宇。式虔祗荷，上副玄慈。不任。

皇帝周天醮詞

臣聞，風雨霜雪之不時，則星辰示象；蘋蘩蘊藻之可薦，乃天地垂休。緬是前修，實爲通論。臣恭臨大寶，虔奉丕圖。不敢違寧，若臨冰谷而頻移；圭律七變，槐檀慮兆庶未康。恐一物失所，或刑政乖謬，或恩信未孚。干戈猶駐於疆場，正朔未同於夷夏。水旱不節，富庶莫臻。昏墊札瘥，繼聞於郡縣；盜賊欺誑，尚恣於鄉閭。雖則務嗇勸分，貶食省用，不邇聲色，永絕畋遊。瓦器蚌盤，敢忘於刻己；雉頭虎魄，豈事於娛情。猶慮上曹，重書厥罪。顛蒙有愧，首謝無由。近則金火二星，水土兩曜，併聚蜀分，皆次實沈。日月爲薄蝕之期，朔望却史臣之

筆。太陽順伏，分野垂休。豈此禎祥，併歸冲渺。益勵退修之志，彌彰戒懼之心。敢因午日之嘉辰，聊答上玄之厚貺。靈官渺遠，紫府深嚴。雖昭告之備申，慮誠明之莫達。齋潔選日，懇悃陳詞。寂寂玄壇，儼威儀泠乙夜；飄飄仙賢，降福祐於人寰。伏冀八表乂安，黎民清泰，邦家鞏固，社稷永寧。六府孔修，九功攸叙。簪裾奉職，書軌同文。不任。

醮瀘州安樂山詞

伏以楚蜀連封，西南重地。江馳萬派，嵐積千峰。天帝以之會昌，龍神以之固護。惟茲奧壤，獨擅雄名。三層燭煙月之光，八洞闕靈仙之宅。常弘勝利，以祐蒸人。年無旱潦之傷，俗保安貞之吉。致泝泐之攸濟，俾絲枲之蕃豐。銜三觀威靈，荷二真慈貺。傳諸遠近，載彼經圖。翹首注心，共譟玄澤。臣名拘輦轂，望切林泉。每憐素豹玄猿，常戲芝巖；桂岫延頸企踵，跡滯神遊。輒贊微香，遙陳孤懇。臣以所居北帝院，齋醮所給，鍾籩未周。雖申降

福之儀，幾闕飛霜之韻。始聞仙山之內，法器且多。既無考擊之期，虛蔽鏘洋之美。道隨誠感，鍾固可移。願減有餘，資其不足。輟於翠嶽，遷就皇都。清聲漸遠於彤雲，洪響佇聞於紫禁。願俞誠祝，永鎮京華。不任。

廣成集卷之十一

廣成集卷之十一

上都太清宮內供奉應制
文章大德賜紫杜光庭撰

醮名山靈化詞

伏以大道融精，是分二象。元尊布化，以播萬靈。咸稟運於裁成，共輯寧於邦國。欽哉群望，寔總休禎。伏自應天順人，開基創業。雖不致升平之理，而幸成富庶之鄉。四國爰來，百辟咸在。人心允若，天意昭然。而或教失義方，情牽慈愛。付粢盛之大任，委監撫之重權。庶人元膺，益恣胸襟，都忘孝敬。用奸邪之扇惑，興背叛之兇狂。矢石欲及於乘輿，金鼓近宣於侍從。猶賴上天垂祐，靈化降祥。不容梟獍之心，坐殄豺狼之薰。未更昏旭，悉已蕩除。中外再寧，寰海稱抃。爰擇良日，仰報威靈。遠中昭告之誠，輒罄潢污之薦。敢期鑒祐，永叶安貞。不任。

鎮江侍中宗黯解纜醮水府詞

伏以道化所覃，神休普被。上惟邦國，下及人倫。咸資拯護之功，潛假保持之力。古今無爽，水陸攸寧。臣猥以常材，叨逢聖運。經綸締構，慙無竹帛之勞；渥澤超升，累荷乾坤之造。遽蒙睿獎，顯授兵符。登韓信之齋壇，授呂侯之金鉞。錫茅分闕，推轂專征。省循徒切於兢榮，倚注靡容於陳讓。選辰揀日，造命啓行。況楚碛上游，錦江下瀨。舳艫則千艘拯駕，泝泐則萬派爭奔。寔用真靈，總斯陰鷲。皇帝宸襟所屬，每切敬恭。思布化以睦鄰，亦申謀而懷遠。雄師銳旅，首在此行。將解纜以乘流，爰潔誠而致醮。伏惟玄元大聖，五老高尊，命靈將玄司，助洪休巨福。迅浪皆期於利涉，驚湍盡變於安流。萬里通津，百神加祐。克昌大業，更廣鴻基。外屏中朝，共臻禎福。不任。

周庠員外填本命醮詞

伏聞，天鑒孔明，有感斯應。神道正直，無祈不通。每垂拯護之仁，以副

禱祈之願。祛灾流貺，猶響應聲。竊佩斯言，常虔片志。每因元命，得備焚修。式勵深誠，實荷明祐。但慮塵機未息，過咎易盈。宦路所拘，悔尤難道。因星辰臨照，值年運衰危。但懼灾纏，敢思福會。自從軍鄰部，寓跡外封。一駐戎軒，兩周天序。既闕奏陳之禮，必招逋慢之愆。本俟凱還，併申醮謝。今則方當劇壘，未議橐弓。久曠香燈，不遑寧處。是用馳心靈觀，遐叩至真。備三醮之物儀，同一壇之關告。伏惟玄聖，俯鑒丹誠。解厄消灾，延生保命。宿瑕蕩滌，往咎蠲平。克睹成功，永臻多福。不任。

大王本命醮葛仙化詞

伏以二氣資靈，五行稟象。法圓穹而定命，體厚地以流形。罪福吉凶，皆由陰騭，運心履行，咸繫主張。況荷殊榮，久叨重寄。循涯省分，常切兢慙。每因章醮之壇，敢忘敬恭之禮。冀憑修奉，上答君親。今屬元君之辰，詣本命靈化，精誠香火，祈扣真仙。願鑒丹襟，俯頒鴻福。俾臣罪瑕除滌，壽

祿增延。疆寓乂安，生靈康泰。灾毒無侵於四境，農桑克美於有年。得傾葵藿之心，永奉升平之運。不任歸命虔誠之至。

大王初修葛仙化告真詞

伏以九隴名區，三仙化跡。上通心宿，下鎮錦川。雲霞疊綺繡之光，松桂竦煙嵐之色。五官高闕，狀西靈南極之儀；四輔交輝，列東華北真之像。最標形勝，獨占幽奇。斜界玉輪，旁臨石磧。而屬師徒俶擾，鉦鼓震驚，火彗橫空，霜戈照野。熊經鳥申之士，抗步不還，漱流枕石之人，拂衣長往。眷茲勝異，一變榛蕪。崇樓之金碧塵銷，廣座之儀容薜剝。緬惟殘毀，深可歎嗟。況某本命之辰，配於茲化。宜申締膏，用答真靈。乃命三洞道士唐洞卿，伐木鳩工，揆星選日。得風箕直事，當甲子良辰。虔告至真，恭修大醮。伏冀鑒其誠懇，錫以休祥，灾沴無侵，功庸速就。續昔賢之遺構，成曠劫之良規。播美洞天，勒銘雲谷。然願真靈誕祐，川境謐寧，稼穡滋豐，灾氛殄息。受靈

丹於九輔，聞至理於重玄。常傾拱極之心，仰副上真之貺。不任懇願之至。

親隨司空為大王醮葛仙化詞

伏以上清仙山，葛真靈化。為川中之勝境，乃天下之福庭。呀玉洞以藏雲，從瓊巒而蔽日。彩霞朝散，神燭夜飛。乳滴幽巖，泉鳴深竇。九井之光靈自顯，三真之胎蠻常存。拱鶴觀於中方，應龍星於上境。紅軒紺宇，舊制相望。蕭殿韋碑，古跡鱗次。每彰休瑞，以及寰瀛。臣以本使蜀王元命之辰，配屬茲化。頃申締膏，遽獲周圓。飛閣層樓，奪晨輝於峭壁；風窗雲棟，增異境於崇林。再敞洞天，用安錦府。四十州之封域，歲稔京坻；五千里之山河，俗臻富庶。人皆受賜，孰不知恩。臣曲荷陶鎔，實深造化。唯虔禱祝，少答恩慈。輒備醮筵，上祈道力。伏惟九天孚祐，眾聖鑒臨，下燭丹誠，廣垂洪澤。三川鏡廓，八國塵清，稼穡蕃登，灾氛蕩滌。神傳靈藥，克享於遐年；功讚聖朝，永隆於大寶。再安社稷，常福寰區。臣不任禱福希恩虔誠歸

命之至。謹詞。

冉處儔還北斗願詞

伏以垂象上玄，照臨下土。帝車運載，杓的指揮。罪福吉凶，咸歸主宰。臣等頃因銜命，遠涉道途。踐歷艱危，登臨險阻。每持丹懇，潛祝玄真。果蒙鑒祐之恩，克獲安寧之貺。仰承靈澤，志切上酬。敢因某日之辰，虔備焚修之禮。炷香答願，拜荷玄恩。仰冀高真，採納微款。祛災蕩厄，增祿延齡。來往坦夷，公私貞吉。路岐無滯，眷屬咸安。常親日月之光，克奉休明之主。不任。

紫霞洞修造畢告謝醮詞

伏以大道希夷，神仙變化。示無方之妙用，垂不測之玄功。幽讚帝王，潛扶邦國。惟今及古，史冊煥然。所以唐堯姑射之遊，軒后具茨之竭。周穆之登瑤水，漢皇之幸崑山。皆披眇煙霞，瞻窺冰雪。是用享年遐永，致理和平。克振宏休，允彰道祐。顧惟涼德，啓創丕圖。金闕玉京，敢怠敬恭之禮；九清三境，每懷寅奉之誠。粵以

永平二年壬申七月二十一日丁卯，漢州什邡縣，獲太上老君錫命讖文。留玉篆於仙居，刻銅符於厚地。生辰命屬，時日姓名。叙奕世之蟬聯，明卜祚之延久。四年八月二十四日戊子，利州團練使王承賞奏，此山靈洞，顯見神仙。遂命威儀任可言高品楊知淑專申告謝，仰答光靈。十月一日甲子，纔啓醮筵，再聞應見。雲旌羽旆，參差崖壁之中；鶴態神儀，羅列洞門之內。事邁於回山瑤水，美超於姑射具茨。祇荷禎祥，彌增震惕。是用考諸典禮，特舉封崇。以是月甲申，改道長山爲玄都山，陽謨洞爲紫霞洞，景谷縣爲金仙縣。封玄都山神，爲玉清公。創厥壇場，鼎新觀宇。自初揆構，逮于畢功。累見真儀，益彰靈貺。謹遣金紫光祿大夫、左諫議大夫、廣成先生、蔡國公杜光庭等一十二人，賫信幣香花，按玄科具典，於紫霞仙觀，修金籙道場。況屬下元，允當大節，式陳昭謝，再顯旌封。伏惟洞府衆聖高真、仙官寮宰，鑒茲丹懇，錫以玄休。使九土乂寧，萬方

平一。天宮地府，常垂愷悌之恩；卜世享齡，克叶延洪之福。稽首謹詞。

洋州宗夔令公本命醮詞

伏聞，誕質流形，咸資大道。稟生賦命，必繫上玄。荷乾坤覆載之慈，均氣運陶甄之力。惟精修勵，寅奉真靈。伏念臣獲以微塵，累叨皇澤。入參輔衛，出領藩維。曾無涓露之功，常切流盈之懼。今則曆象之內，身宮之中，暗曜正臨，火星對照。慮成厄會，無所告祈。竊惟太上垂文，元皇設教。正一著修禳之品，河圖有陳醮之科。苟罄精勤，必蒙昭祐。敢因本命之日，爰伸九曜醮祈。蠲潔丹心，歸依玄極。伏惟衆真大聖，俯鑒明誠。蕩滌罪瑕，解除冤債。消平災厄，延續年齡。增祿祚於南昌，落凶衰於北府。洗心克己，上酬真聖之恩；奉國推忠，永答君親之德。臣不任。

又本命日醮詞

臣聞天地之德，以生爲先。生成之恩，以福爲本。臣叨承福會，獲奉昌期。蒙三光照燭之慈，荷聖主儀隆之澤。

便藩寵遇，履歷顯榮。每虞於福過灾生，惟切於持盈約己。彌增惕懼，豈敢違安。今則躔次之中，身宮之位，火星對照，暗曜正臨。仰垂象以冥心，何階告謝；顧微生而勵志，但切憂兢。是敢於本命之辰，備河圖醮禮，虔披丹悃，冀降玄慈。伏乞賜臣灾咎消平，凶衰殄息。壽年增益，祿祚豐延。得傾嚴奉之誠，永答至真之祐。

越國夫人為都統宗侃令公還願謝

恩醮詞

伏聞，至道玄通，隨機赴感。冥丹心於下土，動玄鑒於上清。響答無私，影從靡隔。妾夫王宗侃、男承肇等，去年以統戎伐叛，勤國勤王，俯迫孤城，遽淹旬月。烽煙警急，音問寂寥。瞻寰沔以魂馳，望山川而目斷。憂危徒切，祈叩無門。遂虔詣道宮，乞申章奏。嚴陳法席，降請天兵。肸鬻，感通真靈保佑。俄開堅壁，大破兇狂。成掃蕩之功，副聖明之獎。骨肉團聚，師旅凱還。剋平實自於睿謀，護助亦兼於道力。輒因良日，昭答玄休。重申章

醮之儀，式馨謝陳之禮。精心備信，拜手然香。仰真駕於三十六宮，祈大儀於八十一好。庶祥輝烜爛，低臨壇墀之前；巨貺滂洋，永錫邦家之吉。聖圖遐永，舉族蕃昌。誓勤嚴奉之誠，克副靈真之煦。不任荷聖謝恩虔切之至。

司封毛絢員外解灾醮詞

伏聞，道氣宣行，玄功鼓鑄。三靈資稟，乾坤司覆載之權；五緯操張，寒暑柄推遷之運。由是挺生賦命，咸繫天關。福善禍淫，畢由神化。是宜恪勵，以奉靈休。粵自幼沖，即逢聖日。便藩異獎，寵沐殊恩。北省南宮，亟榮於踐歷；紆朱曳紫，已極於輝華。常推報國之誠，每切律身之戒。尚慮陰陽揆課或值凶衰，厄曜運行或為臨照，興功動土有忤於龍神，履行立身或虧於畏慎。未申祈懺，倍用兢憂。今則立運臨於命辰，天符飛於艮地。大運在戌，仍值魁罡。土星方伏於身宮，所照對衝於丑位。懼成灾咎，彌用驚危。伏聞南府文昌，主生銓善；北宮斗極，

舉過懲非。吉凶無爽於錙銖，報應有同於鏡象。真教開懺陳之格，惟感必通；玄經垂醮謝之儀，有祈皆應。輒因吉日，虔備醮筵。披瀝丹誠，冀迴真鑒。伏乞賜臣解消灾滯，蠲釋凶衰，厄會平夷，過尤除蕩。更增祿算，允介福祥。誓勤忠孝之規，上答君親之念。永銘素懇，祇荷玄慈。不任謝過祈恩懺灾之至。謹詞。

張崇胤修廬山九天真君還願醮詞

伏以軫翼雄區，匡廬真躅。位尊

五嶽，地控九江。玉闕金城，包括神仙之奧府；鑪峰雲蓋，含藏真聖之高都。宛然凝碧之中，迴秀洪波之上。每申瞻禱，必介福祥。臣頃歲以謫宦九重，漂蓬一葉，途經闕境，心禱上真。冀迴濟祐之慈，必備椒漿之獻。精誠既啓，肸鬻垂徵。尋以路阻戈矛。波驚艫艦。孤帆有隔，假道言歸。常貯素誠，未酬玄祐。今則頒宣聖澤，棲憩蜀都。尋禮道宮，追思宿願。輒申醮酌，恭達明誠。竊聞惟感必通，道無不在。期迴羽仗，豈云萬里之遙；少降科車，不

以三川爲遠。納茲丹懇，顯錫鴻休。前願克圓，殊恩遐被。乞爲臣更蠲罪錄，永削災躔。成匡堯讚禹之功，享二首六身之壽。得傾忠孝，以奉君親。誓當修勵虔恭，依歸道力。不任。

張崇胤本命南斗北斗詞

伏聞，三靈肇位，萬象稟形。體陰陽之至和，韞天地之真系。於是挺才賦命，各有職司。主死領生，互分關鍵。纖微具舉，考校無遺。臣伏慮前世今生，至于累劫。愆違易結，罪咎旋彰。秉持未契於神明，履行或虧於恭恪。因星文臨照，值年命凶衰。遂構灾危，罔知禳謝。今則躬依玉化，虔對瑤壇，選卜良辰，肅陳醮禮。伏冀南宮六聖，別賜生名；北斗七真，明祛死籍。三官削罪，五帝除灾。酬往願於名山，降休祥於聖澤。又臣既頒詔命，將赴闕庭。江山有登泛之憂，水陸有舟車之險。實資明祐，俯契深誠。獲達帝鄉，克賜元吉。敢忘修奉，上答真靈。臣不任。

漢州王宗夔尚書安宅醮詞

伏聞，太朴肇分，三靈設位。巢穴之風，既替棟宇之制；聿興太古，聖人隨時立教。蓋所以庇寒暑燥，濕備風雨，晦明其後。象類滋繁，擬議殊廣。錯之以乾坤震兌，體之以徵羽宮商，推彼陰陽，運其刑德。乙辛庚癸，互列職司；子午丑寅，旁羅主宰。六神四殺之界，龍虎交馳；五黃九紫之鄉，禎祥藜萃。法覆載而成用，揆星日以程功。

冀三尊降鑒，五帝垂光，勅八會威靈，命三元將吏，保寧宅宇，清肅方隅。赦已往之罪尤，賜將來之貞吉。允膺祐護，永遂乂安。其有住宅之中，土地之主。古今遷易，五姓雜居。因此醮壇，兼申奠祝。歆茲誠禮，各保逍遙。往陟福庭，勿爲疵癘。俾臣舉家蒙澤，九族同榮。常傾忠孝之心，以奉君親之德。不任。

馬師穆尚書土星醮詞

乃考吉凶，實聞顯據。所以鵲隨太歲，鷲避將軍。況在最靈，敢忘戒懼。臣頃以所居室宇，淋陋非宜。遂卜良辰，再申締構。取諸大壯，棄彼僭奢。慕剪茅築土之風，佩山節藻稅之戒。污漫云畢，土木告周。竊慮畚鍤所興，或違禁忌；功用之際，或犯神靈。乖五姓之宜，虧二宅之要。或侵傷地脉。或穿鑿岡原。或污瀆吉神。或鎮壓凶位，因成灾咎，曾未懺陳。是用詳按玄經，勵精丹懇。虔修大醮，恭請真文，啓靈寶赤書，依洞玄符命，辟斥凶惡，安復龍神。謝過延恩，祛灾請福。伏

伏以一氣分華，三光摘耀。照臨群品，司牧萬方。遵黃道而有常，麗玄穹而不紊。大則繫乾坤劫曆，邦國興亡，否泰所宗，安危攸屬。次則人倫善惡，年運吉凶，祚曆短長，咸歸主宰。臣以身宮之內，土耀所經。本宿之中，暗虛所歷。大小行運，皆值衝妨。命位之鄉，天符所駐。灾危重疊，疾厄嬰纏。徒訪三醫，未祛久疾。恐是積生罪目，構此凶衰；往世愆違，成茲滯厄。或理務之所，刑賞不明。立身以來，過尤結集。神明咎責，年命屯蒙。夙夜憂競，願申祈謝。是用考詳纏緯，

披按科文，恭詣靈壇，虔修醮禮。仰中方而瀝懇，瞻列象以馳心，拜手炷香，披誠悔過。伏冀玄司衆聖，垂大有之慈；至道高尊，降載生之澤。蠲除罪犯，解削灾期；和釋冤仇，銷平殃對。使百關宣暢，六氣均調。疾苦痊瘳，福祥臻會。延生南斗，落死北宮。克承覆祐之仁，敢負真靈之貺。

廣成集卷之十二

廣成集卷之十二

上都太清宮內供奉應制

文章大德賜紫杜光庭進

莫庭乂為安撫張副使生日周天醮詞

伏聞，道分一氣，人配三靈。善惡發於丹誠，吉凶應於玄極。苟興嘉願，必叶殊祥。況在名山，俯臨仙洞，炷香

祈願，瀝懇陳詞，必能響達神明，顯垂福祉。伏以當川安撫副使張琳，稟澄遠之識，秉清正之心。穎鑒無私，忠貞不撓。推公奉主，虛懷同止水之明；御下恤人，從善有轉規之易。況連營貔虎，四時之犒賞皆豐；積歲干戈，千里之輓輸無闕。言惟憂國，志絕營家。每切勤恭，動忘寢食。人皆受賜，孰不知恩。臣孤子官名，低擢翅羽。恃其拯護，方果奮飛。思禱真靈，用申答效。今屬陽和動煦，林谷舒春。爰記生辰，虔修大醮。仰星文而貢懇，遍川嶽以歸心。香雜溪雲，燈和嶺月。千巖景寂，午夜風清。展肅恭莊敬之儀，備蘊

藻蘋繫之禮。伏願光迴三景，飈降十仙。鑒茲醮酌之誠，錫以昭彰之福。延二首六身之壽，除五行三命之灾。善功克懋於仙階，陰德光隆於世緒。然後封隅寧謐，邊徼晏清。瘡痍無侵，戈鋌罷用。聖主洽垂衣之理，藩垣著柔服之恩。幽顯咸安，飛沈各遂。敢忘砥礪，以奉休明。不任。

莫庭乂九宮天符醮詞

伏以博厚成形，中黃定位。統水火而稱長，冠金木以居尊。孕育萬靈，苞含五緯。上惟邦國，下及人倫。凶吉攸司，安危是繫。臣本宮震卦，五鬼所臨。運氣飛旗，仍當此月。恐為灾厄，尤切憂惶。虔考吉辰，精修醮禮。伏惟鑒其丹懇，錫以鴻休。迴危就安，變凶成吉。解灾除厄，增祿延年。眷屬康寧，公私和泰。不任。

衆修南斗醮詞

伏以大道凝真，玄功化育。清濁之源既異，陰陽之位亦殊。南斗上宮，實司生籍。上惟邦國，遍泊人倫。壽紀短長，祿祚豐薄。咸歸主宰，無間纖

微。臣等獲遇聖朝，躬逢道運。覆載稟質，動用愆違。處世立身，寧無過咎。未申懺謝，因構灾危。又恐宿曜行年，九宮三命。或逢灾厄，或遇刑衝。神道難知，凡情罔測。須資香火，用罄禱祈。敢以吉辰，虔申大醮。伏願流光下燭，玄鑒俯臨。察丹切之心，降厯洪之福。祛灾度厄，增祿延年。削罪目於陰曹，上生名於陽籍。公私和暢，眷屬康宜。存歿沾恩，幽明蒙祐。不任。

胡賢常侍安宅醮詞

伏聞，易象垂文，取諸大壯。聖人著法，代彼層巢。棟宇聿興，古今是則。由陰陽而定位，配刑德以裁規。爰命衆神，各司其職。逆之則凶而獲戾，順之則吉而降祥。臣頃以所居，不庇風雨。因時改作，隨便營修。越月逾時，巨功告畢。但慮起土運石，增下損高，畚鍤所侵，不知禁忌，穿鑿所及，有犯神明。未申醮謝之儀，常切兢憂之懇。兼以所居之地，五姓相因。歲月既深，主宰非一。慮其神識，尚有淹延。憑此醮禘，俱令遷拔。是敢肅嚴

庭宇，恭啓法壇。請靈寶符文，按太玄科典。降延真聖，披露懇誠。伏惟五帝鑒臨，衆神昭祐。勅下符吏，宣告地司。安鎮龍神，銷平犯觸。使凶殍殄息，真氣滂流。禳未兆之灾衰，納惟新之福祚。蕩伏尸故氣，遷滯魄遊魂。自明及幽，咸得其所。六甲五行之象，九宮八卦之方。各靜封隅，永垂貞吉。闔門清泰，舉室康宜。勉勤修勵之心，以副真靈之貺。不任。

胡璠尚書地網醮詞

伏聞，五緯稟生，三才列位。荷陶鈞於至道，感孕育於上玄。而曆運推移，陰陽升降。吉凶倚伏，寒暑循環。否往泰來，灾生福過。考諸物理，斯爲格言。況在庸虛，敢忘戒懼。臣行年之內，併屬灾期。大運居甲辰之中，小運當丁巳之上。又茲兩月咸直，四宮是地網之鄉，兼本卦之位，恐成厄會，無所告禳。更慮宿曜加臨，飛旗應變。五行刑尅，三命衰微。雖驛馬臨年，恐灾能制福。退思履行，內省身心。須在懺祈，用明哀懇。爰憑吉日，虔備醮

壇，延降尊靈，以希照鑒。伏惟三官五帝，下燭丹誠，斗極星君，俯流鴻澤。注延生之錄，錫以福祥；焚積罪之書，赦其瑕咎。解灾凶於地網，銷厄運於異宮。使壽紀增新，休貞允萃。公私和泰，眷屬安寧。永承濟護之恩，敢負真靈之祐。不任。

尹居紘辛酉本命醮詞

伏以大道宣功，三靈資始。稟形賦命，表識定生。體化育於坤偶乾奇，配吉凶於天曹地府。三官考校，罪福無遺。五帝主張，死生咸繫。臣顧惟塵陋，獲奉休明。籍係中樞，名參內署。駕鸞闕下，叨步武以多慙；日月光中，揣分涯而增懼。微功未著，積過必深。每慮前世宿瑕，此生罪咎。未申懺滌，難遂原除。又恐三命五行，天文年運，或逢厄會，或值灾期。犯神明主宰之司，違仁義玄儒之訓。或侵人利己，或故殺誤傷。罪目易盈，善功難就。或壽齡促少，或稟祿單微。常於元命之辰，式備醮祈之禮。兼將課念，上奉明靈。旋以天步艱危，神州紛擾。或脫

身林嶺，或奔命道途。五任于茲，不違
奏醮。香燈既曠，寢食難安。今屬銜
命西南，稅鑣岷劍。道路無阻，關梁大
開。帝澤天波，遐通於四裔；歡聲喜
色，震曜於一方。況此少城，實惟仙
府。可以冥心貢懇，可以禱福祈真。
爰卜命辰，仍當本命。賫持信禮，撰備
香花。併以此時，追填往醮。精誠有
達，靈鑒必通。伏惟採納丹襟，降流洪
福。獲酬昔願，更洽新恩。賜臣灾厄
蠲銷，祿筭延遠。存亡俱泰，眷屬咸
安。上願社稷興昌，乾坤肅靜。三光
順軌，六氣均調。武偃文修，時和俗
阜。克迴鑾輅，永固龍圖。俱諧虔祝
之心，盡睹太平之運。不任。

皇后本命醮詞

伏聞，大道垂文，玄元演教。佐時
助國，宣化度人。功格象先，惠周物
表。寶章上御，人間之懇願必通，天澤
下臨，真境之休貞允降。羣生蒙祐，巨
細無遺。某今年大運，所值三殺之位。
小運支木，當衰弱之中。干祿納音，俱
逢土塞。飛旗四殺，仍在寅鄉。羅喉

躔尅姓之宮，土星臨乖背之宿。火曜
行度，將入身宮。行年所經，況當地
網。又醫方所診，臟氣未調。榮衛未
和，正氣衰薄。六脉未復，九府猶虛。
恐構灾凶，更深厄運。又恐積生往世，
冤債未除。運意行心，罪瑕旋結。須
憑章奏，冀達懺祈。是敢依按明科，選
求良日，列詞備信，拜奏章文。請天官
吏兵，降鑒營護。某內安腑臟，外却灾
凶。上解星辰臨照之期，下銷年命刑
妨之咎。冤仇和釋，債訟蠲平。六氣
舒通，百關調理。衰危超度，命祿增
延。北宮迴短促之年，南極注遐長之
壽。伏惟至真大道，太上三尊，常弘憫
濟之慈，允錫安真之福。誓虔忠孝，克
勵身心。讚明君化育之仁，報至道生
成之澤。不任。

道門為皇帝醮太一并點金籙燈詞

伏聞，一氣肇胎，萬形資始。高垂
象緯，明判剛柔。統御之權，歸于至
聖。天命帝以司牧，帝承天而撫臨。
攝提握耀之初，君臣定位；揖讓干戈
之世，道德兼行。時危則玄德彌彰，運

否則洪休息廣。大蜀英武睿聖光孝皇
帝，德符穹昊，功被生靈。受命儀乾，
永康三極。神明符讚，人間之玉燭調
時；律曆均和，天上之珠囊叶度。俗
臻豐衍，歲有蕃登。美瑞嘉祥，日書月
至。猶復晝乾夕惕，恭己奉天。夤敬
幽明，憂勤億兆。專極關救焚之念，無
蕩心悅目之娛。軫慮萬方，期于仁壽。
昨者以四神行運，在咸池之宮。直符
所臨，次明堂之野。旋興戈甲，尋致尅
平。彼背盟構逆之徒，思漂杵燔枯之
敗。斯則神歆睿德，天助皇威。睹變
灾成福之祥，示國泰祚延之兆。今則
歲聿云暮，氣序將交。荷即日之玄恩，
禱新春之景貺。願酬聖力，輒罄齋誠。
燃金籙神燈，備河圖大醮。伏惟高尊
鑒省，大帝感通。十神常介其休光，三
載允承於福祐。寶圖隆永，宗廟安寧。
皇帝等壽五山，齊明二景。八紘順化，
萬國宅心。皆臻有道之風，盡掃不庭
之孽。皇太子重明耀彩，文教聿昌。
輔贊睿謀，延洪大業。六宮百揆，咸均
翼戴之心；兆庶六軍，俱享乂康之福。

龍神密衛，川嶽恒安。幽顯飛沈，永承洪澤，不任。

太子為皇帝醮太一及點金錄燈詞

伏聞，玄化肇分，二儀構象。融結定陰陽之位，神明司匡御之權。太一天尊、高皇大帝，坐勾陳而臨察，命神使以周行。於是，五行八風，天一地二，揚鑿雲露，駕景星躔。順九野以遐觀，潛施燭誠；歷諸方而俯燭，顯示吉凶。惟古及今，敢忘砥礪。臣以直符所屆，在明堂之宮；四神所行，居咸池之位。所宜蠲潔，用罄禱祈。皇帝受命上玄，握符承統。弘慈儉之化，敦清淨之基。思洽太和，以康萬國。昨者以鄰封背義，越境于盟。殘剽蒸黎，侵凌郡邑。旋平凶孽，盡廓氛埃。指麾元自於睿謀，讚助實資於神力。今則封疆寧晏，褒漢肅清。星紀迴天，歲律云暮。當此月壬申之日，乃新歲首直之辰。輒備壇場，虔申告謝。修太一大醮，燃金錄神燈。下照幽關，上通玄極。蕩祛災滯，延降福祥。伏願宗廟安昌，往稷隆固。寶圖攸永，聖壽遐

長。繼雲官火紀之崇，邁炎漢姬周之業。速臻一統，克致大同。六宮式表於匡扶，百揆共傾於忠讜。三光昭朗，四序均調。歲有豐登，俗無疵癘。龍神悅豫，成五風十雨之祥；川嶽乂康，流澤馬器車之瑞。昭明丹懇，上達真靈。仰祈鑒祐之恩，廣錫延洪之福。不任。

靜遠軍司空承筆本命醮詞

伏以至道生成，玄功陶鑄。陰陽主宰，品彙區分。稟質誕形，仰資神化。臣獲逢道蔭，叨荷朝恩。被服寵光，主張戎忤。省功庸而未著，顧塵忝而已深。夙夜揣循，敢忘惕勵，尚慮秉修或闕。履行多違，旋積愆瑕，未申懺滌。或五行三命，有刑尅之期；九曜列星，有照臨之數。或宿仇未釋。或往債未祛。神道難明，常情靡測。因成災滯，悔謝無由。輒於本命之辰，虔申醮酌。依天真科格，拜伏大章。伏惟高聖感通，真靈鑒護。察其丹懇，降以玄恩，災厄銷平，壽涯延益。潛增祿祚，廣赦罪衍。解已往之冤讎，錫將來

之福祐。誓傾忠孝，永奉君親。不任。

皇帝於龍興觀醮玉局化詞

伏以天分列宿，地布名區。燦垂象於圓羅，儼福庭於方澤。明施主掌，以祐邦家。竊惟玉局洞臺，玄元降跡。鎖茲都會，密邇城闈。年紀徒深，光靈不泯。虛寂靡殊於林谷，貽祥每及於蒸黎。常切敬恭，敢忘瞻奉。伏自祇膺曆數，啓創朝庭。象闕端門，須就正陽之位；霜壇羽殿，遂從遷革之宜。而石室洞門，老君真像。陳暮燭朝香之禮，惟務恪虔；接龍墀鳳闕之嚴，彌加崇潔。固可以與天共永，終古長存。尚慮主宰龍神，陰陽官屬，興功擾動，衆役喧驚。既踐暴以為憂，憑醮祈而懺謝。爰自吉日，式備香壇。翹注匪遐，真靈必鑒。伏惟玄元降祐，大道開恩。赦已往之尤違，錫將來之禎祚。使寶圖延永，社稷安寧。風雨均調，龍神輯睦。灾期蕩滌，罪咎銷平。其有直符太一之運行，將移地分；火曜土星之臨照，欲及身宮。願迴力以護持，致微躬之昭泰。烽燿不飛於四境，沴

瘥無撓於兆人。永誓丹襟，上奉玄貺。不任。

勅醮諸名山大川詞

伏以道列三界，地載羣生。或仙人修鍊之鄉，或真官總治之所。靈基有睹，神化無方。朕寅奉上玄，光膺大寶。俯循區域，在潔禋祠。邇者軍國事繁，干戈歲用。未遑周普，常抱惕兢。思述虔恭，庶消灾咎。今命三洞道士，并遣使臣，嚴備醮儀，潛通玄鑒。所願四時有裕，六氣不侵。壽命延長，邦家興盛。皇枝帝祚，百辟千官，內自朝廷，外及區宇，億兆之衆，福祐咸均。敬託青詞，粗陳丹懇。不任。

皇帝醮仙居山章仙人詞

大蜀皇帝謹稽首，北邙化得道章真人。夫以紫府高真，玄洲上士。乘鸞駕歛，坐有立無。升汗漫以遊神，入鴻濛而隱景。或明符邦社，旁濟生民。或幽贊帝王，共清否塞。李順興保持靜帝，陶真白佐佑蕭王。子年潛諫於府君，意期密悟於昭烈。稟之則受禧介福，忽之則違吉貽憂。煥彼縑緗，皎

同日月。今者百姓，郭迴芝採藥於仙居觀，得真人天寶年所留銅牌，六十字之周旋，名姓與年辰備在；二百年之藏秘，錢文與篆跡皆全。嗣續具明，日時無爽。苔侵土蝕，固當靈將護持；應驗合符，實荷真人示見。顧惟蕩德，顯契休徵。事超於赤伏黃圖，理冠於鳳銜龍負。既睹延長之數，敢忘兢業之懷。爰啓醮壇，冀酬玄德。仍薙藜刈棘，揆日僦工。俾翠檻朱簷，鼎新舊址；柳樓遼柱，重認歸途。虔祝真靈，鑒茲昭報。三十六天宮之遠，必降威光；萬四千甲子之期，永言佩服。不任。

皇太子醮仙居山詞

伏以日闕霞房，爲天中之都會；瑤壇桂殿，乃人世之福庭。或真聖之所宴遊。或神仙之所窟宅。莫不藏奇韞秀，演貺流祥，濟祐人天，幽贊邦國。惟茲古觀，果顯殊禎。得天寶真符，出老君秘記。金文鳥印，篆字虬蟠。分明而瑞跡如新，拂拭而苔痕尚在。幾千年之前，定聖主開圖；二百歲之昌，

期吾皇享國。御名國姓，生日年辰，一指陳，重重符驗。繼書薄德，備列姓名。載詳圖錄之文，益切兢營之懇。遐瞻煙岫，仰感靈恩。輒因醮酌之筵，遙真焚修之念。上願洪基克固，比溟渤以無涯；聖壽增延，並岷峨而更峻。九圍順化，萬寓歸仁。誓虔忠孝之誠，以副真靈之祐。不任。

廣成集卷之十三

廣成集卷之十四

上都太清宮內供奉應制
文章大德賜紫杜光庭進

皇帝醮仙居山詞

伏以聖主明王，必臻符瑞。膺圖受籙，爰著謳歌。即居億兆之尊，遂忝帝王之命。洎臨大寶，將及六年。教化未泰於生靈，華裔尚乖於正朔。兢兢業業，罔敢違寧。慮刑法之不均，恐賞罰之非當。屯兵絡野，念富庶之未臻；暴骨盈川，固殺傷之不一。每思首謝，用贖愆尤。敢言圖讖之文，併屬庸虛之士。今年七月八日，漢州什邡縣百姓郭迴芝，於仙居觀採藥，掘地得銅牌，長七寸，廣四寸，上有六十字云：老子通天記云：丁卯年甲戌乙亥王生享二百年。天子王從建、王元膺、王萬感、王岳、王則、王道宜。五字篆文未詳。後云：洛州北邙化章弘道，天寶年留。此明後聖代。顧惟薄德，遽捧殊祥。云曆數之延長，紀子孫之

次第。佩服玄貺，益用兢兢。敢罄深衷，專申醮謝。伏冀畢朝福地，總召名山，各駕仙車，共歆丹懇。示安社稷，咸泰人民。致風雨之不愆，俾干戈之載戢。繫賴靈貺，深寘于懷。不任。

皇帝修靈符報恩醮詞

伏聞，惟天降祐，彰瑞於河圖洛書；惟帝法天，受命而膺符執契。古今所稟，曆數迭興。臣運偶玄休，德慙寡昧。承土德陵夷之後，億兆無依；叶金莖啓創之初，寰瀛推戴。恭膺天寶，于茲六年。常以未明求衣，日旰忘食。兢兢業業，上奉穹旻。今則銅版靈文，出於古觀。示太上降祥之兆，應承乾受命之徵。名姓具彰，年辰畢載。斯乃豫定於九天之上，先期於億歲之前。秘篆昭宣，真文煥赫。告延洪於寶祚，表遐永於孫謀。省己循懷，以兢兢以懼。欽惟靈睭，彌切勵修。是用虔肅寶齋，依歸至道。庶諧多福，永庇萬方。不任。

聖上於葛仙本命化醮詞

伏以景列上玄，山分下土，乾坤交

應，罪福攸司。緬彼靈蹤，鎮于天府。藏雲噴雨，旁資生化之功；玉洞瓊巖，深闕神仙之宅。果叶殊休之運，爰膺開國之祥。惟此命辰，配茲真境。契清明之嘉候，耀大火之靈光。當人天禱福之期，是鸞鶴上賓之日。式陳醮祝，用達精誠。坐宣室以馳心，望白雲而稽首。所冀旁流景貺，幽贊鴻圖。羣生共樂於和平，萬國必同於書軌。永言修奉，以答玄功。不任。

皇帝又醮葛仙化詞

伏以列宿麗天，羣山鎮地。爰通氣象，以福邦家。每申望秩之儀，必介惟新之祐。皇帝承天啓曆，應運執符。本命之山，實惟茲化。洞含雲雨，峰夏煙霞，必有光靈，潛弘讚祐，況當令序，式備醮祈。翹首歸心，恭希景貺。伏惟諸天上聖，俯鑒明誠；三真衆仙，同流巨渥。使帝圖延永，社稷隆昌。二十四峰，克膺於聖壽；百千萬歲，長固於皇基。四海九州，咸資睿化。五兵戢息，百穀豐穰。俱登仁壽之鄉，並契正真之道。不任。

威儀道衆玉華殿謝土地醮詞

伏聞，三境九清，林房日闕。凝雲結氣，宅聖棲真。因法象於上天，授規模於下土。觀宇之製，其在茲乎。所以進退全和，必資嚴潔。朝元降福，固在清虛。況乎仙跡，靈壇所務。蠲邪蕩穢，用期安靜。以契修焚，當觀鳳闕。乾崗龜城，福地肇興。隋運綿歷，唐年呈祥。則瑞露凝甘，發地則香泉涌浪。累彰禎異，煥彼簡編。碑鏤天章，額題御筆。崇樓夏漢，玉殿參雲。披文則劉美才盧照鄰，金玉相宣；闡教則黎元興蔡守冲，英奇間出。昭灼蕃盛，垂二百年。偶以蠻蜚憑凌，王師禦捍。撤我層閣，壞我循廊。庭荒而綠草欺人，樓碎而洪鍾委地。或瞻軍之日，彤階爲著宰之場。或屯旅之時，繡檻爲狴牢之所。腥羶溢鼻，褻瀆傷神。寂寂虛壇，久息吟玄之韻；蕭蕭古牖，空餘擁座之塵。肸鬩不虧，光靈有待。我皇帝承天啓祚，縱聖康時。駕豪傑而濟橫流，攬英雄而拯危運。超羲掩皞，邁舜逾堯；屬念重玄，凝情

大教。以爲清靜者，理人之要；無爲者，成化之源。三皇則務道爲先，五帝則弘德爲本。爰敷渥澤，載葺凋零。浹旬而碧嶂層分，不日而飛軒四合。瓊舒御殿，將嚴當宇之容；嶽立麟臺，即寫扶天之貌。香花芬馥，繕飾周圓。徒榮廢祐之恩，未展醮祈之禮。言念于此，憂心怒然。又自去載以來，繼有危懼。講堂摧圯，道侶淪亡。慮虧昭謝之儀，是獲真靈之譴。敢虔衆懇，恭啓福筵。伏惟大聖貽休，元尊降鑒。錫殊祥於金運，增福壽於聖躬。一統寰區，大同文軌。五兵韜戢，百穀豐登。咸承不宰之功，共樂太平之化。道衆等同臻景貺，各沐玄慈。法教隆昌，龍神和豫。旁資幽顯，普及生靈。克遂逍遙，盡蒙禎泰。往逝者，生神丹霍；見居者，耀籍青元。法界含生，光承道廕。犯觸之咎，俱乞銷平。臣等不任。

御史中丞劉滉九曜醮詞

伏以太上玄元，陶融萬化。五老上帝，統御羣生。九曜宣照燭之光，三

官主賞刑之籍。共司品彙，以播玄功。由是北臺陳校勘之科，南府示獎延之錄。蓋欲使人倫之內，知懲勸之方。各勵精修，用寡尤悔。有過者，可期於懺滌；有灾者，可至於祈禳。廣此洪私，大彰神化。真經奧典，幽顯蒙恩。臣猥以塵凡，早崇至道。棲心稽首，常依清靜之門；世網俗纏，莫遂逍遙之願。久嬰微恙，猶未痊除。近屬傷寒，尤增羸瘵。值大運小運，與生日相刑。土星火星，照行年之位。天符飛旗，臨本宮之上。飛天火曜，居今歲之中。支命納音，氣皆衰薄。以茲厄會，倍切兢憂。是敢虔罄丹誠，叩祈玄聖。恭修醮禮，披瀝上聞。伏惟大道弘慈，至真下濟。垂好生之澤，降罔極之恩。賜臣以罪咎原除，冤仇和釋。灾凶銷解，疾疹瘳痊。續將盡之年齡，錫惟新之祿祚。息幽陰之債訟，絕往世之考延。六氣內調，衆邪摧殄。得勵爲臣之節，永奉昌期；誓勤修道之心，常弘大教。不任。

先鋒王承璫為祖母九曜醮詞

伏以列曜五行，是司罪福。上棟下宇，亦有主張。於成生孕育之間，寧無凶吉在應護。居棲之內，必有愆瑕。須憑道力玄功，以解深災重過。元皇立教，三洞垂文。敢按經科，虔祈福祐。臣祖母代國太夫人某氏年八十歲；本命乙卯三月十三日戊午生。今以土火二曜居三合之方，天符飛旗衝大運之上。五土尅於子水，仍臨生日之辰。以此刑妨，因成微恙。兢憂戰越，罔敢自安。伏念臣叨奉聖時，獲承福緒。而早悲孤藐，繼履家艱。惟祖母慈顏，得晨夕侍奉。刳心瀝懇，願祝遐年。今則所疾瘳，仍災躔臨照。竊恐居宅之所，或有犯違。積世以來，或有冤債。或往逝有考延之豐。或幽陰有訟逮之文。搆此衰危，盡希懺解。是用選求吉日，恭備醮壇。伏惟大道垂光，衆尊憫鑒。為臣祖母某氏，解鎮災咎，延續年齡。增生祿於南宮，落罪名於北府。疾瘳除蕩，腠理和調。神藥潛資，靈官密衛。克蒙平愈，永賜安貞。洎乎宅

宇之中，常諧吉祐。龍神鎮守，邪惡銷亡。唯冀勵修，上答玄造。不任。

蜀王青城山祈雨醮詞

伏以五嶽上司，總真粵府。雄稱天國，峻極仙都。鎮厚地以巍峨，捧太穹而峭拔。真靈所會，水陸攸尊。敷惠育於羣方，廣包容於三蜀。陽崖蕩日，陰壑藏雲。讚時則表貺垂禎，叶聖則呈祥薦瑞。古今宗仰，遐邇依憑。臣叨荷聖慈，鎮臨重地。兼梓遂黔巫之境，巨微瀘蠻蠻之封。位極台衡任崇將相。每慮功輕恩厚，福過災生，循分兢榮，拊心憂惕。自青春屆序，甘雨愆期，農畝虧功，驕陽害物。雖歷申祭祀，遍告神明。密雲但布於西郊，膏雨未霑於南畝。皇皇衆庶，叩向無門。竊惟大道垂文，天師演教。有章奏之品，有祈醮之科。將展焚修，須依靈勝。是用披心雲洞，拜手仙峰。佇真侶之感通，冀明誠之御達。賜臣以時和歲稔，拯臣以雨順風調。驅肥遺於窮荒，舞商羊於中境。巖蠻曹屬，鼓列缺以舒威；洞府龍神，震靈籟而助化。

消除虐魃，蘇息枯苗。克歆黍稷之馨，允洽京坻之望。臣當悅心求理，勩力徇公。上答靈慈，求承道祐。謹差尤都押衙檢校尚書右僕射前黎州刺史曹嶽，與左右街弘教大師賜紫杜光庭，虔誠章醮，歸命希恩。不任。

蜀王葛仙化祈雨醮詞

伏以四七在天，垂文定位。三八鎮地，設象分靈。列宿所以統幽明，諸化所以司罪福。況心宿為天皇之府，上清乃神仙之都。迴控長川，倚玉輪之聳秀；雄臨巨屏，面銅馬之膏腴。緬彼福庭，廣廕庸蜀。臣本命所係，獲在茲山。而謬握珪符，仍居仙域。每慮位崇任重，力寡才輕。超五爵以疏封，制六鎮而為政。或賞刑乖當。或撫字失和。下有怨咨，上虧仁育。兢憂未暇，咎戾旋加。粵自仲春，即愆時雨。塵侵壠畝，赫日騰威。風鏢郊原，油雲匿影。生靈歎息，懼失於農功；沼沚魚喁，將懸於枯肆。焦勞在念，叩啓無由。至於餽膳精豐，備陳於廟貌；牲牢肥腍，無吝於禱祈。徒罄誠

心，靡聞響答。仰惟神仙濟物，罔間幽明。大道好生，普均慈施。太上著修禳之品，三天開奏醮之科。恭望神峰，遠傾凡懇。虔申大醮，仰叩至真。伏惟憫鑒所陳，大私恩宥。赦其愆咎，賜以福祥。使雷電揚威，龍神悅豫。霈霑渥澤，克致豐穰。南山騰虺虺之音，東作盛芄芃之稼。永諧望歲，允契有年。誓勤修奉之儀，上副真靈之貺。不任。

什邡令趙郁周天醮詞

伏以天地分靈，統之者至聖；陰陽不測，體之者至神。主宰死生，司明罪福，有祈必應，無感不通。臣謬以非才，理茲劇邑。賦輿所總，徵督所難。鄉里凋荒，緝綏尤切。洗心求瘼，克己徇公。果蒙道力，潛資真靈。密助微科，辦集境土。又安疫毒不侵，生靈以泰。思酬玄造，衆竭丹誠。共崇黃籙之壇，虔備焚修之會。兼申大醮，上答靈恩。況境接仙山，人懷道化。李相國之神功宛在，羅真人之聖力時彰。控諸觀之福庭，標二化之真府。必垂

昭鑒，納此誠祈。伏惟太上延慈，衆神孚祐。普資幽顯，遐及存亡。俱錫福祥，咸蒙濟祐。使一方清謐，百穀滋豐。疫癘兵戈，永無侵軼。飛沈蠢動，各遂安全。臣等九祖七玄，生天受福；三途九夜，離苦參真。然乞灾厄蠲銷，罪尤除蕩。潛增祿祚，克保年齡。同力運心，俱霑巨祐。不任。

嘉州王僕射五符鎮宅詞

伏聞，大道開光，五篇垂教。凝自然之氣，成空洞之文。上正天元，下安地紀。中制劫運，旁福生靈。三界所宗，萬神所稟。其或葺修之地，土木興功，暗犯神靈，明干禁忌。皆憑秘篆，以鎮方隅。臣頃以所居，須資揆構。巨功既畢，輒備焚修。啓黃籙之壇場，廣申懺拔；展五符之醮酌，通用鎮安。伏冀太上弘慈，至真流鑒。使龍神寧謐，灾咎蠲銷。永無干犯之虞，常荷乂安之福。其有從來，主宰五姓。神靈各遂往生，並獲開度。即仰荷大道罔極之恩不任。

張相公九曜醮詞

伏聞，大道凝光，上玄垂象。照臨九土，覆育群生。主錄吉凶，司明罪福。洪纖備察，毫末無遺。而金簡垂文，玉書演法。開懺祈之路，懸悔謝之儀。虔罄明誠，必賜昭祐。臣某顧惟虛薄，運契遭逢。位極台衡，務專繁劇。詳評獄訟，裁制典刑。或爽重輕，慮招咎讟。或操心屬念，偶結尤違。或積世此生，未祛冤債。靜言循度，每用兢憂。今則迺滯宮中，土星所歷。身位之內，計都所臨。神首火星，仍居對照。生月命位，俱值天符。以此灾躔，遂成灾厄。捫心震惕，瀝懇歸依。仰玄象以扣祈，竭丹誠而醮酌。伏惟至真上聖，列曜高尊。憫鑒塵凡，降流恩宥。釋前冤往債，原重過深瑕。增續年齡，銷平灾厄。賜臣以百關調豫，六氣和平，盡解凶衰，全除疾苦。推忠效節，永酬睿主之恩；潔己凝心，上副尊靈之祐。不任。

衆修三元醮詞

太上無極大道元始天尊，太上大

道君，太上老君，十方自然靈寶天尊，

五老上帝三元君，天地水三官，三十六

部尊經，玄中大法師，太極真人三天法

師，天曹地府三界真靈，三官曹府一切

玄司。臣等塵世凡微，積生福會。得遇

玄化，參奉至真。而跡處人寰，身拘俗

網。沈浮聲利，流浪死生。未窮超拔

之源，徒慕清虛之旨。六情三業，動結

罪條。陰簡黑書，旋增疊咎。或前冤

往債，尚繫冥關。故殺誤傷，未申懺

露。或五行三命，災運所臨。暗曜明

星，凶神所犯。常情靡測，祈謝無由。

三元有考定之期，五帝無陟明之典。

至或九玄七祖，猶滯三途。注訟相延，

愆過委積。福盡禍至，首悔何門。因

今某官校錄之辰，衆申祈醮之禮。願迴

玄鑒，俯察丹誠。介福垂恩，延生保

命。九玄開度，除右簡之罪名；衆厄

清銷，上左宮之生錄。永蒙道廕，常荷

鴻休。上願帝祚，延洪天元。玄晏生

靈和泰，遠近乂安。九稼惟豐，五兵自

偃。九幽六趣，罪爽窮魂。俱承曠蕩

之恩，各遂逍遙之性。不任歸命虔誠

懺請之至。謹詞。

王宗瑒等下會醮六甲錄詞

臣等早以庸虛，志希玄奧。凝心妙

道，歸命真乘。參六甲之神祕文，慕長

生之要旨。而寄身名宦，莫遂精修。

三元四始之辰，香燈或闕；五臘六陽

之會，存注莫專。恐兼故殺誤傷，仍有

前冤往債。或行年厄運，或宿曜災期。

曾未懺陳，但增憂惕。敢以下會吉日，

醮錄希恩。伏冀五帝高尊，降流禎福。

六甲真吏，洗滌罪瑕。上生籍於天曹，

削死名於地簡。舉家蒙祐，七祖生天。

祿筭增延，公私貞泰。永勤焚炷，以答

玄慈。不任。

三會為弟子醮詞

臣以庸微，負荷大法。敷弘真訓，

開度天人。授道傳經，濟時行化。弟

子某等夙慕大道，歸命至真。奉信玄

科，參受符籙。傳付之後，已歷歲年。

或慮未受道之前，及佩籙之後，立身注

意，動有罪條。三業十躔，恣其愆過；

三元八節，朝竭不專。本命庚申，修行

有闕。或噉食葷血，穢亂正真。或嗜

欲繁華，負違禁戒。非憑三會，難遍懺

祈。今因某會之辰，考校之節，同申大

醮，拜章言功。謝罪十天，歸誠三寶。

並乞宿殃清蕩，衆罪蠲除。善簿定名，

生宮列籍。冤仇和解，債訟夷平。真

氣內充，百關悅豫。靈官外護，萬惡銷

沈。五行三命之中，暗曜明星之內，永

無臨照，長息災凶。九祖生天，六親蒙

福。公私貞吉，動靜康宜。年命增延，

福祚遐廣。誓令修勵，上答玄恩。不

任。

廣成集卷之十四

廣成集卷之十五

上都太清宮內供奉應制

文章大德賜紫杜光庭進

皇帝本命醮詞

太上無極大道，玄元老君，五老上帝，天地水三官，天曹四司君，北斗七星君，高上玉皇玄卿大帝，嶽瀆地府，甲子衆神。伏以二氣裁形，五行構象。稟大道生成之德，荷元和亭育之恩。至於命錄興衰，祿祚豐薄，立身罪福，行運吉凶。上自天司，旁資本命。主張考校，巨細無遺。某夙荷洪休，仰承玄澤。繼天立極，應運撫時。慙德教之未孚，慮賞刑之或失。循懷增懼，馭朽兢憂。惟仗神功，以康黎獻。是用冥心宣室，稽首靈壇。冀道力以潛資，佇靈真而幽贊。俾五兵戢戰，百穀滋豐。中外和寧，生靈舒泰。誓傾修奉，用副玄慈。不任虔祝之至。謹詞。

皇太子本命醮詞

伏以大道分光，天元布化。生成

萬象，孕育三才。爰命真官，以司錄籍。五行休王，皆稟於神功；三命興衰，悉宗於靈府。臣夙叨洪澤，備位青宮。侍膳問安，惟勵恪恭之懇；資忠弘孝，難酬君父之恩。敢於元命之辰，虔備醮祈之禮。所願祛灾悔過，介福延休。增萬壽於聖躬，永安大業；降千祥於寶運，長奉昌期。仰罄丹誠，敢希玄祐。不任歸命之至。

崔隱侍郎玄象九宮醮詞

伏聞，上玄垂象，則七政循環；下土推機，則九宮飛化。因其履歷，以示吉凶。由是三命五行，有灾祥之應；陽奇陰偶，有善惡之徵。臣今年九宮飛旗，天符臨於中位；五星行度，火曜對於命宮。行年當地網之鄉，大運與小運衝破。因成疾厄，未獲痊平。敢緣大道慈救之門，遵太上醮祈之旨。披心靈觀，翹注虛壇。普玄象以告虔，遍靈真而悔謝。伏冀南宮六聖，開長生致福之文；北斗七元，賜輟死降祥之力。增延祿筭，消解灾凶。示遐永之期，迴短促之紀。使百關舒泰，六氣均

調。釋往債前冤，赦深瑕重過。九玄介福，舉族安貞。克勤修勵之心，上副尊靈之祐。不任。

醮閬州石壁玄元觀石文老君詞

伏以造化靈都，神仙奧壤。秀橫空際，翠竦江干。煙靄峰前，聖祖之宸儀迴出；松篁林內，玉童之真相旁分。非雕鏤藻繪之能，運天地自然之妙。所以潛流景貺，貽福烝人。常祛旱潦之灾，幾叶休禎之應。況今鑿凝漢渚，路隔秦川。祈玄祖之光靈，極神孫之播越。克清萬寓，以泰羣生。無俾沂水橋邊，獨掃龐勛之黨；霍山祠畔，空摧劉武之鋒。虔俟玄威，載昌鴻祚。不任祝望希恩之至。

醮閬州天目山詞

伏以山鎮地心，洞開天目。含藏煙雨，韞蓄風雷。崖秘仙經，泉澄神沼。觀署福唐之美，邑標奉國之名。憑此禱祈，必符禎貺。今則翠輿順動，丹闕貽灾。虔希幽贊之功，共啓中興之運。敷聖祖重玄之力，更炫重瞳；揚宣尼四教之宗，克明四目。無使壽

春山上，猶傳助戰之威；濟順祠前，獨美迎鑾之事。克弘道化，以廣真風。不任虔誠祝望之至。

皇后修三元大醮詞

伏聞，道化裁成，神功亨育。氣分二象，垂包容覆載之私；節啓三元，定罪福賞刑之柄。所以北都泉曲，常爲銓赦之期；南極文昌，每洽超升之澤。至於人倫之內，善惡吉凶。虔啓丹誠，即承鴻臚。周某叨榮宿福，運履昌期。備位彤官，輔寧皇極。每慙涼德罔答殊，休恐往世積生，疵瑕未蕩。五行三命，厄會或臨。火星將及於身宮，天符又居於生日。懼成灾咎，志切懺祈。屬中元大有之辰，是率土希恩之節。冥心靈觀，稽首醮壇。歷真府以輸誠，期迴鑿祐；遍靈曹而露懇，願釋尤違。賜周某以冤債和平，罪瑕除滌。灾凶消解，年祿延長。疾急無侵，福祥臻萃。九玄七祖，證品仙庭。眷屬親緣，臻榮聖日。上願宗祧安鎮，聖壽遐延。紫禁青宮，匡扶大業。維城盤石，保乂洪基。群僚畢契於忠貞，萬寓咸歸於撫

御。式虔丘禱，洪望玄慈。不任歸命瞻天望聖之至。

趙球司徒疾病修醮拜章詞

伏聞，妙應無方，道推濟物。玄慈廣運，惠普羣生。開祈真悔罪之門，垂拯厄希恩之品。功成不幸，澤布無涯。敢緣覆育之仁，輒罄歸依之懇。臣自惟福運，榮奉昌期。自參扈衛之班，遂陟煙霄之路。功輕任重，效寡恩深。常切兢憂，難酬寵擢。近以灾殃所迫，疾瘵斯嬰。軫聖慮以慰安，降名醫而撫視。未蒙痊減，倍用兢惶。伏念臣跡處塵寰，素昧修稟。立身履行，寧免愆違。或害物傷生，曾無惻憫。或摧鋒禦敵，輕賜誅鋤。總戎乖申令之宜，爲政有賞刑之失。幽夜致冤仇之訐，微躬成滯疾之危。又恐往世積生，尚縈豐咎。五行九曜，兼值灾蒙。或興修有犯觸之非，或土木有侵傷之所。捫心省過，惟切懺祈。是敢拜奏寶章，崇修大醮。告虔下土，謂命諸天。伏惟大道垂慈，至真鑒祐。勅靈司而解灾度厄，流神貺而祛疾延生。落死錄於

陰曹，定仙名於陽簡。故傷誤殺，冤債和寧。新罪宿瑕，玄慈蕩滌。誓期勵節，永答道恩。臣某不任。

張道衡塑造北斗七星真君醮詞

臣粵自幼沖，恭聞大道。歸心斗極，屬念玄虛。每有啓祈，克蒙慈祐。感靈休而罔極，報鴻澤而無階。今考卜吉辰，以天德合直之日，於玉局北帝之殿，塑瑶樞中斗之尊。兼以輔星，列于八位。狀虹睨之彩服，寫龍鶴之神姿。列於大帝之前，儼若中天之會。輒備聞告，爰命興功。伏惟七聖降臨，衆靈昭祐。永垂響應，長介福祥。俾羣心有禱祝之門，品彙得依歸之路。永虔香火，以答至真。不任稽首歸命之至。

杜元繼常侍醮火星詞

伏聞，陽靈表瑞，火德承天。分日域以繼明，御離方而定位。爰因夏曆，以正歲功。由是出入絳霄，循環黃道。應期不紊，謫見無私。雖懸象著明，繫諸邦國。而垂灾介福，亦及纖微。臣叨荷玄休，蹈茲昌運。立身潔己，未階無

過之場；元命遊年，實配五行之內。竊披術曆，方有照臨。恐構灾蒙，伏增憂懼。是敢精陳禮物，虔備香燈。上祝靈華，仰希昭祐。伏冀顯消灾咎，潛釋過尤。錫以福祥，賜其貞吉。永勤丹懇，上答玄慈。不任。

王宗壽常侍丈人山醮詞

天地分靈，三官定死生之格；陰陽懸象，九曜垂照燭之功。北府繩違，南宮延壽。星躔嶽瀆，考校無私。凡在人寰，皆歸統御。臣自惟微薄，獲奉玄慈。而履行之間，恐乖陰騭。運心之內，未合神明。日遇灾凶，復兼愆咎。或成厄會，莫遂懺祈。今年中宮則天符所臨，身位乃土星對照。大運猶居於劫殺，飛旗又寄於行年。三命五行，恐逢刑剋。列星五緯，更慮照臨。所以轆軻未寧，灾危頻作。非憑至聖，無路懺祈。虔罄丹誠，克申大醮。伏惟上玄衆聖，俯降福祥。銷灾咎於將來，釋過尤於既往。六曹司命，增祿筭於丹天；七紀尊神，介休禎於玄極。公私清泰，家眷安寧。即永荷

衆聖，弘濟之恩。不任。

鮮楚臣本命九曜醮詞

伏聞，三光表瑞，九曜凝暉。配金木以司方，四時攸叙；定陰陽而立象，萬彙生成。主宰幽明，統臨罪福。臣自惟凡陋，獲奉真靈。懼履行之間，易成愆咎；修持之道，未契端真。況職務所司，重輕咸繫。恐乖省慎，更結罪尤。雖夙夜在公，敢忘恪勵。而吉凶難測，倍切兢憂。兼以宿曜所臨，輒罄懺祈之懇。爰憑本命，恭啓醮筵。陳信幣以貢誠，列香燈而展禮。伏冀希夷至聖，俯鑒丹心。辰曜高尊，曲流景貺。赦罪尤於既往，解厄運於未然。冤債銷平，凶衰除蕩。更增祿筭，永賜禎祥。眷屬乂安，公私清泰。誓勤修奉，以答靈恩。不任。

衆修甲子醮詞

伏以大樸既分，元精獨運。陰陽肇化，支干承基。六十正神，統四時而司晝夜；八百符吏，行凶吉而定死生。大則天地邦家，咸遵曆象；小則灾祥罪福，必繫主張。考龍胎石室之經，披

鳳篆琅函之要。既明宗旨，倍切依歸。臣等仰賴神功，獲逢道運。塵機久閉，俗網未祛。行藏不合於儒玄，動息必貽於過咎。又恐五行之內，或有刑妨。三命之中，因逢否塞。非憑至道，難懺深瑕。輒因六甲之辰，五元之首，同誠勵志，瀝懇祈恩。仰碧落以降真，拂玄壇而展禮。伏冀洪休允洽，昭鑒無私，咸賜吉祥，永銷灾厄。青宮增祿，丹簡延生。存歿俱安，公私並泰。克勤精奉，永答靈慈。不任。

衆修本命醮詞

臣等宿植福緣，獲逢道化。至真垂教，玄旨宣行。仰承覆祐之恩，常切兢營之懇。但慮行乖禮讓，動履愆瑕。處俗順時，率成罪目。積生今世，罕有懺祈。伏聞三天垂章醮之科，正一著修禳之格。敢因吉日，同勵丹誠。恭詣壇場，虔申祝謝。伏惟三官九府，五帝高尊，斗極真君，命辰靈將，錄其素懇，降以鴻慈。赦已往之過尤，釋將來之灾厄。星曜息照臨之數，行年除妨剋之凶。年祿增延，福祥繁會。公私

貞吉，族屬康寧。常期祐護之恩，永誓焚修之志。不任。

庚申醮詞

臣以仰披真訣，虔按玄經。庚申爲修奉之辰，大帝降考讎之簡。是曰三尸陰魄，標奏罪名，巨細無遺，纖微必紀。始定籍於太玄之府，終寓書於泉曲之庭。凡在修心，實切憂戒。冀因令序，同懺深瑕。輒備香羞，恭申醮謝。伏惟三尊憫護大帝鑒臨，斥陰尸妄奏之文，降大道好生之澤。使臣等災銷過滅，善積福臻。九玄離寒夜之鄉，五族獲安寧之祐。所爲貞吉，立願亨通。常傾修勵之心，上答正真之貺。不任。

南斗北斗醮詞

伏聞，大象既分，三靈設位。各稟自然之道，俱垂不宰之功。無爲則天地長存，有用則衰榮易變。吉凶悔吝，由此而成。於是南極丹篇，生名所繫。北都黑簡，死錄所歸。二宮之考校無私，萬兆之死生攸屬。臣夙資善貺，獲履昌時。沐浴皇風，稟承玄化。但慮

運心動念，乖越五常。累過積非，彰明二簡。五行三命，陰陽有刑尅之期；暗曜列星，遲速有照臨之數。未伸祈懺，因結災凶。敢以吉辰，虔修醮禮。虛壇夜靜，靈化晨清。玄念必通，真靈可降。伏冀丹臺六聖司命，開延永之符；玄極七真大帝，除促齡之日。憂危自泰，年祿更增。幽明同洽於殊恩，眷屬咸均於巨福。公私貞吉，老少安康。即永荷二宮衆聖罔極之恩不任。

龍興觀御容院醮土地詞

伏以瑤闕琳宮，星房羽殿。森列三清之上，宏開八景之中。萬彙之所朝宗，羣真之所遊息。於是裁模世域，垂象人寰。周穆西歸，擬層臺而結宇；漢皇南矚，遵太一以疏基。由是仙觀靈墟，駢羅海嶽。風簷霞棟，煥麗煙林。爲真聖之所棲，亦福祥之所萃。頃以龍興觀，肇基隋運，歷載唐年，日月既深。凋摧云久，是用鼎新營構，特懋功庸。况越歲時，深虞撓觸。爰伸醮酌，安復龍神。所期國泰民和，時康俗阜。克隆鴻祚，永錫玄休。不任虔

祝之至。

中和秦中化龍池醮詞

粵若三氣是分，五靈惟龍。司造化之機，運降升之妙。寄神功於乾象，孕玄德於坎宮。昔我祖明皇，巡功蜀甸，果聞飛躍，寔效禎祥。爰俾濬池，用資安處。今則年光遞易，堤址荒殘。草積波痕，砂封泉脉。應靈未爽，肝蠻猶傳。每垂霖雨之恩，以濟嗇夫之望。眷言故實，深用軫懷。朕寡德承圖，撫時有寇。省方巡俗，尚駐坤郊。龍其申彼靈威，震其風令。掃渠兇於北陸，清氛霧於中原。克洽理平，永臻多福。不任。

皇太子為皇帝生日醮詞

臣聞，玄穹廣覆，無勞仰祝之辭；碧海周涵，亦納涓添之露。敢緣斯旨，輒罄明誠。某月日是皇帝生日，本命甲戌之辰。錫秘記於先天，豫昭露貺；涌珍符於厚地，潛契明文。卜年開萬葉之榮，推策彰百神之助。爰申大醮，虔俟鴻休。集三元萬聖之祥，永北極南山之壽。昭明丹懇，恭望玄恩。臣某

不任稽首虔祈激切之至。

川主大王為鶴降醮彭女觀詞

伏以道化無方，真仙有應於恍惚。希微之內，示玄黃變化之容。下盼塵寰，以度羣品，考諸事跡，載彼經圖。所以丁令歸時，曾窺丹頂；蘇耽降日，亦顯霜翎。流萬古之美譚，標當年之瑞牒。今者忽聞，靈鶴棲止雲峰，乃玄壇元行化之山，是彭祖升天之所。玄壇翳蒼，久無焚薦之蹤；林木陰森，果致感通之事。實聖朝之上瑞，豈藩閩之所招。願祈山壽鶴年，以奉龍圖鳳曆。遐瞻煙嶠，伏切懽愉。冀憑奏醮之儀，以達歸依之懇。謹差賜紫大德上官知真兵馬使王承琛，精誠香火，上告真靈。不任歸命虔祝之至。

廣成集卷之十五

廣成集卷之十六

上都太清宮內供奉應制

文章大德賜紫杜光庭進

天錫觀告封章李二真人醮詞

伏以稽考前王，握圖受命。必荷玄貺，以贊洪基。須屬海嶽多虞，生靈靡託。遂膺推戴，奄宅岷嶓。四方之賅貢雖來，中土之山川或阻。凝懷求理，夕惕晝乾。砥礪戈矛，申嚴號令。佇行弔伐，以拯顛危。非有尚於佳兵，蓋欲靖其多難。以茲軫念，倍用焦勞。而郡國諸侯，頻獻祥瑞。鱗介羽毛之品，聚林竹樹之間。或挺質稱奇，或成文顯迹。每加撝讓，累抑奏陳。永平二年秋七月，於仙居靈山，獲古篆銅識，乃太上通天之記，是章真所鑄之文。名姓生辰，子孫年數。重重顯述，一一合符。周公探策之求，郭璞揲著之得。真為天授，克驗神功。顧寡昧以多慙，豈欽承之敢怠。是用創新觀宇，別署嘉名；備像設之儀，改鎮縣之

額。齋修金籙，醮啓瑤壇。雖陳昭報之誠，難答上玄之賜。章真人親緘秘字，李真人首鎮仙山。共洽休禎，光于群國。須展褒封之禮，以旌贊助之功。爰舉彝章，式陳款款。今封章弘道為鑒聖真人，封李八百為玄應真人。謹遣廣成先生金紫光祿大夫左諫議大夫蔡國公杜光庭，精備香燈，虔申醮告。伏惟闢九清之日闕，降八景之雲輿。俯鑒明誠，滂流惠渥。俾九州六合，蕩氛靄以為家；地久天長，混車書而成化。誓遵玄訓，永勵丹襟。不任虔祈之至。謹詞。

天錫觀告封章真人詞

惟君名標丹簡，天付仙才。人間之玉軸珠軒，何嘗眄顧；物外之雲棲霞飲，自得貞閑。早受靈書，精窮緯候。鉤深索隱，藏往知來。鏤銅篆於仙山，證金行於蜀國。二百餘年，緘祕蹤迹。長新五十八字，周旋禎祥盡驗。顧惟薄德，祇奉靈休。雖揆構華居，崇嚴塑貌。新邑市之額，展齋醮之科。尚歎素懷，未酬玄貺。爰申典禮，特舉

褒崇。今封君爲鑒聖真人，謹遣杜某虔啓霜壇，恭申昭告。鸞輜鶴轡，將從文始之遊；綠室瓊幃，叙列太元之品。真人更垂幽贊，常假靈光。俾一統於九圍，度永昌於大業。唯勤宵旰，以泰生靈。謹詞。

封李真人告詞

惟君仙李芳枝，闢雲金緒。玄丘自誌，元非促景之才；道骨真風，本列長生之品。振衣世表，抗跡雲間。厭駒窗電逝之勞，得鼇嶺雲行之趣。棲遊蜀國，顯晦塵寰。三隱靈峰，八百餘歲。神丹化石，猶存昌利之山；拔宅升天，遂表仙居之宇。爰於舊址，果獲靈文。緘藏久祕於瑤墟，出見克符於金運。緬惟涼德，祇荷殊休。雖繕飾蹤基，肅嚴像貌。率齊莊而告謝，命羽褐以焚修。尚歉素懷，未酬玄德。今則考茲具禮，薦以嘉名。想星珮霞裳，早升真位；而芝泥露篆，願表勤誠。循省冲襟，良多靦愧。今封君爲玄應真人，謹遣杜光庭恭設醮壇，虔申昭告。冀流玄蔭，永福皇基。聞宣室以

遐思，佇高真之俯鑒。謹意。

漢州太尉於仙居醮詞

臣聞，至道無爲，包萬天而成化；玄功有作，運四象以陶鎔。覆載含弘，古今無爽。由是三靈克叙，五緯循常。景福被於幽明，鴻休覃於邦國。人天荷賴，渥澤遐霑。臣夙感靈慈，獲逢昌運。累歷殊寵，出居符竹之榮；頻洽隆恩，入奉重難之寄。顧惟虛薄，未著勞能。省分憂惶，兢懷震惕。雖傾心勩力，誓酬君父之私；懼福過灾生，或履晦蒙之數。竊恐主張戎伍，宰制封疆。理民有獄訟之繁，奉職有賦輿之廣。沮勸有賞刑之用，送迎有宴犒之常。殺傷有故誤之憂，裁斷有重輕之失。因成罪目，曾未懺祈。或往債前冤，未蒙和釋。或星文命運，猶值灾期。粵自夏初，至于秋月。久嬰微恙，未獲痊除。非憑至道之緣，孰致真靈之祐，今屬醮陳翠墀，詔降紫泥。高仙胖蠻以停輿，萬聖昭彰而介祉。敢因勝會，輒備香餼。披寫丹誠，虔祈玄蔭。伏惟鑒護，賜以福祥。俾臣罪咎蕩

平，冤仇和釋。灾凶超度，年祿增延。疾厄蠲銷，休禎臻集。將壇師律，勵陳翼聖之勤；青蓋朱輪，敢怠行春之至。不任歸命披心之至。謹詞。

前嘉州團練使司空王宗玠本命詞

伏以二氣運行，五材生化。稟形賦命，咸繫上玄。顧惟微眇之資，叨荷裁成之澤。克逢昌運，累冒寵榮。入居近密之司，出領河山之寄。主張戎伍，臨莅黎元。慙非經濟之才，常懼滿盈之戒。果乘厄會，遂蹈危機。實深睿聖之慈，再齒簪裾之列。夙興夜寐，感聖懷恩。寸心徒切於勤劬，微效未酬於君父。伏自累年之內，灾滯縈仍。中秋已來，疾恙頻作。雖加醫砭，靡就痊瘳。竊以土星居身命之宮，于茲數歲。火曜臨田宅之位，猶在子方。太歲爲六害之辰，小運當歲破之上。雖冬首有木星之福，而即時值行運之灾。履此凶衰，倍深憂懼。又恐理民主務，皆繫重難。用刑或寡於哀矜，主膳或誤於烹宰。久爲冤債，未遍懺祈。又恐往世罪瑕，幽關註注。或住宅有龍

神犯觸。或鄉關有塋壠損傷。流逮於身，致茲危厄。拊心思過，惟切禱祈。敢因本命之辰，虔備香燈之禮。仰玄穹而請命，罄丹懇以希恩。伏惟天地真靈，陰陽主宰。降流巨祐，采鑒深衷。蕩滌罪尤，銷除灾厄。和平冤讐，解釋殃流。先人獲泰於冥津，後嗣期安於聖日。三關腠理，無壅閼之虞；六腑機衡，有均調之望。賜其痊愈，介以福祥。續年齡於將盡之秋，保形命於再生之日。剴心投泣，瀝懇祈真。誓傾修奉之誠，上答尊靈之祐。臣某不任虔祝之至。謹詞。

前漢州令公宗夔上元醮詞

臣聞，裁成天地，陶鑄陰陽。三元爲布化之辰，五絳爲主生之紀。總其宰制，歸乎至真。用能福被邦家，惠兼幽顯。南昌丹籙，式弘進善之階；北部黑書，爰示繩非之旨。是申戒勸，廣庇人天。臣獲奉真宗，常遵明訓。惟勤惕勵，上副玄慈。伏念荷國恩深，致君力寡。功未刊於鼎鉉，賜已冠於人臣。出擁節旄，總司戎旅。荐新寵澤，載踐

崇榮。青瑣位隆，黃樞寄重。循懷增懼，報主無階。但虔焚祝之儀，冀答君親之德。今屬天官御節，太皞司方。少陰敷煦育之仁，大有布生成之令。是敢精持香火，恭啓醮祈。仰景象以冥心，佇休禎之應念。上願寶圖悠久，聖壽延長。中外樂康，寰區寧泰。八紘九土，咸歸一統之尊；歲稔氣和，永叶無爲之理。冥關朗晏，動植舒榮。率土普天，咸登壽域。臣某乞灾凶蕩滌，冤債和平。罪咎蠲銷，福祥臻萃。公私有泰，眷屬常寧。誓傾忠孝之心，克贊休明之運。不任。

趙國太夫人某氏疾厄醮詞

妾聞，天真憫物，大道好生。常弘拯護之慈，俾遂安全之願。顧惟至化，育此含靈。氤氳之二氣裁形，昭灼而三元定命。吉凶罪福，上稟天司。妾以命祿俱衰，納音在墓。雖值舍神之吉，又當衝破之凶。遊年既值於天符，本命仍逢於五鬼。身宮之內，暗曜所纏。鈍滯宿中，土星所歷。刑厄位上，復值火星重疊。灾衰遂成疾瘵。未復痊

退，彌切憂惶。竊恐前代今生，罪尤未解。負財負命，冤債未除。非憑大醮之筵，難罄懺祈之懇。是敢捨其服玩，備此香羞。嚴設壇場，虔申禱祝。伏惟諸天憫護，衆聖矜憐。申再造之仁，全好生之德。三官五帝，暗曜七元，南斗北辰，天司列宿，嶽瀆尊聖，地府明靈，及妾本宮遊年，八卦內外，應感三界靈司，賜於曹府之中，簡籙之內。有冤仇罪犯，厄運灾期，勅命所司，特賜原赦。續其祚祿，加以年齡。蕩滌凶衰，蠲平疾苦。百關宣適，六腑安和。重睹天光，再履人事。推心勵節，永酬濟祐之恩；念善參玄，上副真靈之澤。不任瀝懇披心，希生請命，迫切虔祈之至。謹詞。

王宗玠宅弘農郡夫人降聖日修大醮詞

妾聞，玄元道祖，太上老君，凝神三界之中，屬念普天之下，將加拯度，爰降真儀。垂太陽五色之華，駕旭日九龍之輦。夢渦川而寓景，攀仙李以誕生。陸地開蓮，初承玉步。虛庭涌井，

瑩濯瓊姿。宸容彰挺特之儀，睿旨闡希微之教。萬天宗稟，歷代師資。標令節於昌辰，錫殊休於品物。宜崇勝會，用表精誠。妾早悟真乘，嘗參寶籙。延生妙篆，紫陽丹殿之文；飛化靈圖，絳闕朱宮之籍。正身心於九室，檢神氣於三關。滌過蠲邪，利幽濟顯。每勤修敬，敢怠香燈。爰因大有之期，恭備醮真之禮。是用馳誠鶴宇，矚想龍輿。瀝丹款以騰詞，拂碧壇而薦事。天闕地府，日域星躔。三官五帝之曹，北部南丹之署。下周川嶽，旁遍幽靈。畢罄明誠，冀蒙昭鑒。上願皇基隆永，睿壽遐長。道化和昌，聖教宣布。九區四裔，常尊道德之風；庶類羣生，共樂升平之運。妾九玄七祖，往逝先靈，擢質丹陵，生神碧落。灾祛未兆，善降無涯。年筭更增，罪瑕俱釋。誓虔注念，上副鴻慈。不任歸命之至。

洋州令公生日拜章詞

伏以三天布化，正一垂文。煥啓玄功，廣濟羣品，欲使天光下燭陰關，息幽翳之悲；凡懇上陳陽景，遂宣通

之願。由是敷二十四錄，命千二百官，統領人倫，主張真籍。騰心靈爲騎吏，飄香穗爲驛龍。積思而感契可期，拯護而誠明必達。古今宗奉，惠渥昭彰。臣夙慕正真，常叨廕祐。將壇相印，未申報國之勞；潔己澄心，每切修生之願。今則虔膺綸詔，暫撫遠邊。爰屬生辰，輒祈靈貺，恭陳醮禮，精備章文。伏惟大道延慈，天師鑒祐。降兵官將，覆祐護持。俾其戍遏成功，烽煙罷警。殊方革面，咸襁負以歸仁；獷俗悛心，盡梯山而向化。佇清寰海，永致雍熙。臣祿筭增延，灾凶殄息。道運寧泰，將吏輯和。普及幽明，俱承玄祐。不任歸命虔祈之至。謹詞。

東院司徒孟春甲子醮

伏以大道開光，玄元垂化。氣分五緯，五帝操代謝之權；節布三元，三官主死生之錄。由是百神受職，品物知歸。寒暑推遷，成歲功而明罪福；支干配合，統人事而定吉凶。今古攸遵，應靈無爽。臣叨承玄廕，獲佐昌時。福過灾生，每切持盈之戒；才輕任重，

惟虔報國之誠。今者候及上元，序新六甲。考校當天官之首，司明值甲子之初。屬此令辰，恭修大醮。敢期玄聖，俯鑒丹誠。臣某伏念身遠庭闈，禮遙溫清。今茲迎侍，尚阻江山。況隴碛縈紆，江波濬險。惟憑神力，冀保畏途。伏惟五帝高尊，三官大聖，六十甲子，應感威神。俯迴肝鬻之靈，特降昭彰之祐。使輕舟利涉，萬里無虞。靡勞陟屺之吟，速遂綵衣之養。俾諸懇願，敢負明恩。誓勤嚴奉之誠，永答真靈之祐。不任歸命披心，禱祝祈恩，激切之至。謹詞。

刁子趙太尉陽平化醮詞

伏以至道分光，仙曹列品，上浮辰曜，下結名山。包洞府以深嚴，擁雲霞而秀異。潛符邦國，大庇生靈，統錄人天，主張命籍。除灾降福，有感必通。臣獲奉聖明，叨榮爵秩。總領戎伍，慙無韓白之功；部握魚符，愧乏龔黃之政。常虞盈滿，以致灾衰。早罄丹心，歸依玄教。傳修經籙，宗仰真靈。所願國祚延洪，堅壽遐永。萬方一統，四

海會同。臣某削落灾危，蠲銷罪咎。六親蒙福，九祖生天。祿筭惟增，功名克著。誓虔忠孝，永奉休明。庶期修勵之心，上副真仙之祐。恭修醮酌，庶達明誠。不任歸命虔祈之至。謹詞。

廣成集卷之十六

廣成集卷之十七

上都太清宮內供奉應制

文章大德賜紫杜光庭進

宣醮鶴鳴枯栢再生醮詞

惟彼仙山，奠茲南土。雄盤厚地，秀拱穹旻。控綿洛之川原，總岷峨之形勝。巖巒捧日，洞府棲真。連空之松檜扶疏，千載之威靈肅穆。果聞祥異，顯此福庭。垂至陽生化之功，變枯栢凋摧之質。柔條迴茂，灑瑞露以飄香；密葉重榮，動晴風而裊翠。神仙幽贊，宗社福招。叶此玄休，永茲禎貺。是用精嚴醮祝，仰答真靈。凝心宣室之中，翹想雲峰之外。所冀華夷昭泰，海嶽晏安。稼穡滋豐，氛埃蕩定。永期祇奉，以副玄私。稽首謹詞。

李忠順司徒拜保護章詞

臣聞，道用無方，神功不測。隨機應念，惟感必通。正一垂文，傳寶章而拯物；盟威立訓，陳醮品以濟民。粵自古先，逮于茲日。惠覃顯晦，澤普天

人。臣某夙荷玄慈，獲逢聖日。天波浩蕩，人爵優弘。慙無經濟之能，深慮寵勞之極。況居司戎伍，出鎮魚符。或賞酬乖善惡之宜，刑律有重輕之失。俗懷咨怨，民抱傷嗟。有一於斯，式彰譴咎。又恐五行三命，運值灾蒙。暗曜明星，或當臨照。或經過水陸，侵觸龍神。或土木興修，犯于禁忌。或前冤往債。或故殺誤傷，動結罪條。兼逢厄會，致成疾恙，彌切兢憂。竊惟大道好生，至真設教。著祈禳之典，開懺謝之門。是敢虔備壇場，精修章醮。拜天悔過，瀝懇希恩。伏惟三境高尊，諸天大聖，降流慈施，憫鑒塵微。勅天府地司，遍陰曹陽境。解消灾厄，原赦罪尤。削落凶衰，和平冤債。蠲除疾苦，安鎮魂神。六氣均調，百關宣暢。易短促之數，賜延永之齡。萬罪千灾，咸遂超度。誓虔修勵，仰奉真靈。臣某不任謝罪祈恩，披心請命之至。謹詞。

東院司徒郡夫人某氏醮詞

伏聞，大道垂科，玄真設教。正一有祈恩之品，河圖有謝過之文。虔告

尊靈，必賜昭鑒。某氏以夙叨靈貺，擢質人寰。祇荷恩庥，常深戒懼。近者忽嬰疾恙，未獲痊平。竊恐履行立身，措情屬念，有違誤之過，有抵觸之非。或結豐流殃，有所延注。或明星暗曜，有所照臨。構此災纏，未蒙消解。旦夕憂懼，罔敢違寧。又以身宮之中，當土曜行度，命當危迫。誠切告祈，是敢遵按明科，虔修大醮。伏惟三寶上聖，九曜尊神，垂罔極之慈，降護持之力。賜某氏解消災厄，和釋冤仇。延續年齡，增加祚祿。使百疾痊愈，六氣均調。蕩滌凶衰，蠲除罪咎。永期修奉上答玄恩。不任謝罪祈真，虔誠請命激切之至。謹詞。

東院司徒冀公醮天羅詞

臣聞，賦祿稟形，資於道化。延生保命，繫彼神功。至有三命興衰，五行代謝。星躔經歷，卦象吉凶。苟逢厄會之期，必示修禳之旨。是則玄真愍俗，大道好生。垂法濟人，有感斯應。三天正一寶章，宣致福之儀；太玄河圖醮品，啓移災之旨。古今遵奉，拯護

尤多。臣叨荷靈休，躬逢昭代。恩榮隆異，名分超逾。拊己循懷，每切器盈之戒；誓心勩力，常思福過之虞。今則大運猶住戍鄉，小運仍當亥位。今年之內，併值天羅。竊慮舉念屬心，率成豐咎。積生往世，宿有愆瑕。雖切秉修，寧無違誤。又暗曜行於辰分，火星在於身宮。況寵極才微，功輕位重。恐貽災滯，深積兢憂。是敢故按玄經，肅恭丹懇，精修醮禮，拜奏章文。謝過九天，祈恩衆聖。伏冀真靈鑒省，渥澤滂流。詔天境地司，勅陽官陰府。赦罪尤於既往，蕩衰沴於將來。消宿曜之災，解天羅之厄。豐延祚祿，增益年齡。得虔忠孝之誠，永贊聖明之化。誓勤砥礪，上副玄慈。不任歸命之至。

田崇謙盧昭又受六甲籙詞

伏以至化將行，玄文肇著。五千垂教，六甲開圖。首於虞舜之朝，傳自姬周之代。修於內則凝真反一，駕日月而躡煙霄；行於外則保國寧民，康品彙而豐萬宇。爲法之本，歷代所尊。臣等獲賴玄符，況逢皇運。真風廣被，

妙旨遐宣。願遂參修，永期遵守。允當嘉節，虔露明誠。伏惟元聖融慈，衆真流鑒。成其懇願，降以威光。使存注感通，功行圓就。九玄開度，積過蠲消。福善攸臻，壽年增益。濟人佐國，弘道宣經。永揚清靜之風，克果希夷之道。不任歸命之至。謹詞。

范延煦等受正一籙詞

伏以正一南宮，紫陽玉殿。秘陽華之真籙，緘飛化之靈圖。下可以制禦兇妖，宣和氣序；上可以輯寧區宇，朝會神仙。保國安人，古今攸稟。臣獲逢聖日，咸沐道風。早振氛囂，俱棲羽褐。願期參受，克勵焚修。伏惟衆聖弘慈，俾諧宗尚。衣星履斗，契九天飛步之蹤；佐世立功，成大道化時之效。炷香拜手，歸命祈真，翹望玄恩，不任激切之至。謹詞。

王謙修醮拜章詞

伏聞，河圖寶典，垂醮品以濟人；正一明科，顯章文而助化。俱宣道要，廣福生靈。臣獲奉玄門，叨參秘籙。而焚修每闕，過咎旋彰。主務在公，動多

悔吝。或詳評獄訟，賞刑有爽於重輕；訓撫師徒，沮勸有虧於申令。捫心省己，夙夜增憂。非仗玄功，無門懺謝。又五月之末，土火將入於身宮。以此憂惶，志希禳救。今則精嚴信幣，求乞章文。伏惟太上衆尊，三天化主。垂大慈之澤，降罔極之恩。命天官吏兵，依職祐護。賜臣罪瑕除蕩，冤債和平。九曜迴臨照之灾，三命息刑衝之厄，克獲貞吉，常遂亨通。誓虔焚炷之誠，上答尊靈之祐。不任。

刁子宗勉太尉謁靈池朱真人洞詞

伏聞，生成妙道，弘大教以度人；不宰玄功，布慈風而及物。隨迎靡滯，拯護無遺。由是青簡丹篇，繼著登真之品；幽關夜府，亦該鍊化之仁。薪火傳明，古今攸普。某身逢景運，名造真乘。每虔焚祝之心，潛希道力；冀啓延洪之福，上答君恩。期靈常勵於丹襟，屬念早參於玄籙。翹勤徒切，景仰何階。伏惟仙君道逸，冥鴻壽逾遼鶴。指三山而高舉，莫認雲程；越累歲而暫歸，想悲塵世。某慙盧敖之末

跡，瞻若士之遐蹤。瀝懇齋心，燃香拜手。佇迴真鑒，俯沃玄波。俾於修學之中，少達希微之趣。推誠律己，永酬君父之慈；見素全真，願奉神仙之躅。不任。

大傅相公修黑符醮詞

伏聞，至道垂科，正一啓醮祈之品；河圖著訓，太玄開懺謝之門。蓋所以拯護人倫，恢弘法力。恩庥廣被，今古攸宗。臣運偶昌期，叨膺重寄。雖竭誠而報國，未效涓埃；懼福過以灾隨，因罹疾疹。今則黑符飛化，五入中宮。本祿納音，爲灾尤重。是敢冥心玄極，稽首清壇。恭備香燈，虔申醮祝。伏惟玄元降鑒，五帝宣慈。勅九宮貴神，命三官曹屬。解消厄運，和釋冤仇。蕩滌罪瑕，增延祿筭。使百關調豫，久疾痊平。誓傾忠孝之心，冀啓聖明之澤。永遵妙道，仰副玄慈。不任。

洋州令公宗夔宅陳國夫人某氏拜

章設九曜詞

伏聞，天地萬靈，陰陽庶品。資元

和而覆育，稟道氣以生成。三命五行，是定吉凶之數；南宮北府，爰司罪福之文。善惡無遺，錙銖不爽。況復三元遷易，九曜躔移。示謫降祥，影隨響答。得不兢懷悚惕，祇敬真靈。某氏以土火二星，行於午地。既當命位，仍在身宮。小運丑中，況爲六害。大運戌上，又值墓鄉。大運則午命稍衰，小運則王祿初薄。以茲憂懼，恐履灾期。是敢精勵丹誠，歸依玄象。遵拜章之典式，稽首三天；備祈醮之物儀，馳心九曜。伏惟至真憫祐，衆聖垂恩。赦往歲之罪瑕，解積生之冤債。消平灾厄，拯度凶衰。延益壽年，增加祿祚。克蒙覆護，常賜安貞。永奉靈真，誓勤修敬。不任歸命虔祈之至。

洋州令公宗夔生日南斗醮詞

伏聞，列曜凝光，麗天垂象。南昌上府，生籙是司。致福流祥，潛資邦國。河圖秘戒，式明瞻敬之文；正一靈科，亦備存修之旨。敢披玄訓，虔罄素誠。臣夙荷洪休，躬逢景運。便蕃寵澤，踐歷恩榮。無濟時匡國之功，叨相

印兵符之重。循懷震惕，難酬造化之私；誓志恪恭，冀答君親之德。但勤砥礪，敢怠初終。是以輒就生辰，精修醮禮。仰丹臺而稽首，望玄極而冥心。靈炷騰煙，期達九清之上；良宵效懇，願通六聖之前。賜臣災滯蠲消，冤仇和釋。增加祚祿，延益年齡。赦已往之過尤，介將來之禎福。元玄升度，舉族康寧。誓嚴尊奉之誠，永副真靈之祐。不任歸命虔祈之至。

青城山丈人殿功畢安土地醮詞

伏聞，混元既判，融結分形。惟彼岷山，廣吞西徼。壓二江而作鎮，冠五嶽以居尊。窟宅神仙，含藏洞府。層峰疊巘，捧日月於雲間；積翠堆嵐，隔塵埃於人世。闢天國而真靈雜集，廓成都而芝術駢羅。是曰福庭，統茲形勝。希夷真君，道成上古，名重高真。軒帝南巡，賞展師資之禮；明皇西幸，仍加崇飾之功。敞豐祠於炎漢之年，旌懿號於中和之日。每彰休應，丕祐寰區。頃者躬拂煙蘿，仰瞻羽衛，睟容在目，寤寐寧忘。近以闕闔層楹，風凋

雨漬。歲華暗賈，頹朽可虞。爰命慧進大師行真，度木鳩工，成茲大壯，飛甍耀景，碧霄排空。四垣之圖像如新，重檻之階陛不改。爰復正寢，永播玄休。俾天地山川，神明職秩，常加禎貺。大庇烝黎，鷲暴不侵。疹瘥無作，稼穡蕃稔。風雨以時旻穹，觀璧合珠。連夷夏睹，文修武偃。邊烽靜息，妖孽殲平。車書佇混於萬方，正朔期同於九有。生靈蒙福，宗社永昌。式勤蘋藻之儀，常奉馨香之薦。遣廣成先生杜光庭，虔修大醮，昭謝真靈。遐望雲軒，仰希玄鑒。謹詞。

宣再往青城安復真靈醮詞

蓋聞，天設神墟，地開仙府。真靈是宅，幽顯攸尊。握群嶽之紀綱，司萬方之休否。雲峰霞觀，歷代所崇。垂貺庇人，古今受賜。頃者以遠披蘿薜，躬造軒庭。仰堂宇之威容，睹四垣之儀衛。光靈如在，翹屬常深。遂命圖繪神姿，鋪舒內殿。朝燃玉穗，夕備銀釭。禱祈蓋切於生民，注念非關於秘祝。欽惟不昧，必鑒斯誠。今則山觀

之中，已加興葺。鼎新殿宇，別命焚修。既無葦雜之虞，益有清嚴之致。是用特申醮禮，精具告陳。謁請真靈，復還仙觀。霓幢鶴轡，優游松月之鄉；蕙郁蘭芬，瀟灑虛無之路。永安真域，丕祐邦家。自茲寰海之民，常徯厖洪之福。不任祝望之至。謹詞。

廣成集卷之十七

（陳耀庭點校）

058 太上三洞表文

經名：太上三洞表文。三卷。
底本出處：《正統道藏》洞神部
表奏類。

太上三洞表文卷上

通天救苦朱表

具位臣某誠惶誠恐，稽首頓首，再拜

上言，臣塵土微資，草茅賤質，偶緣宿慶，叨沐恩光，佩錄進階，傳經受道，希夷莫悟，愚鈍自將，過有淵陵，功無銖黍，曲承涵育，未賜誅夷，濟物度人，上酬獎遇。臣謹據齋意。臣切慮泉曲羅艷，三官九署，鐵圍無間，積夜重陰，羈考罪魂，終天莫釋。自非歸神蒼極，請命青華，普軫慈悲。曷由出離，來朝玄陛，受鍊更生，庸是不揆。斐愚謹為拜表一通，上聞青

宮，伏望慧力矜憐，威神垂軫，特降青玄妙炁，百寶光明，披朗重陰，開明長夜，天上天下，無不照耀。即使亡過某超凌幽暗，證妙虛無，釋罪原情，飛登金闕。臣謹為上請青玄救苦童子、救苦玉女、九龍符命使者，上詣東極長樂宮，玉陛下請降東華九龍符命，告下十方無極神鄉、冥路幽關、應干考禁去處，為亡某疾除罪簿，落滅惡根，部衛形魂，應時解脫。又為上請青玄黃錄破獄靈官、破獄主吏、持符神吏、命符飛龍驛吏，一合下降，敕破幽牢，嘯命冥吏，即使火山息燄，冰池靜波，劍變騫林，刀化玉樹，地獄摧毀，鐵城開宣，放遣亡靈，出離苦惱，來親壇陛，睹見光明。又為上請太乙真光引魂仙吏、赤光三炁化魂靈官、六道尋魂使者、夜光召魂判吏、急速飛雲靈官，一合下降，追攝亡過某真魂正魄，克返陽居，沐浴更衣，朝真受食。又為上請朱陵火府南昌上宮鍊度真司、黃華玉女童子、水火將軍，一合下降，專為

亡過某蕩滌塵穢，陶冶業氛，表裏洞明，形神清淨。又為上請通和玄靈玉女、左右崇正靈官、領魂錄功飛雲正吏、玉清察符仙吏、飛雲通游移籍靈官，一合下降，特為亡過某詳辯監察，保舉合生，紀錄善功，領魂超邁，移割鬼籍，注入仙曹，永為種民，無有輪轉。又為上請仙魂逍遙快樂自然清淨仙吏、專度曲度太玄靈官、玉女功曹、主簿大神，引領亡過某度上太一玄生之府，朝謁蓮座，游宴妙嚴，身生玉光，衣食自在，更冀祥煙塞死，慶雲開生。五苦三塗，均證無為之果；四生六道，疾超有漏之鄉。率土普天，咸霑利益，恩惟慈造，願察翹傾。臣愚謹因青玄玉女、青玄功曹、四直玉文功曹、運神會道功曹、十方飛天使者，各一人出操。臣為某拜上通天救苦朱表一通，上詣東極門下。伏願天恩告報，臣誠惶誠恐，稽首頓首，再拜以聞。

臣姓某屬某州縣某宮觀靖焚修東極天中，長樂宮內，大慈仁者，尋聲赴感

太一救苦天尊玉陛下。

太歲 年 月 日於某處拜上

東極表

具位臣某誠惶誠恐，稽首頓首，再拜

上言，今月某日為修齋弟子某崇建青
玄救苦妙齋幾晝夜，開度亡過某靈
魂。謹具表奏陳者。伏以赤明開
圖，愛日周流於六合；青玄御運，祥
煙鬱勃於九幽。昭回白玉之光，洞
煥紫金之相。尋聲赴感，應念垂慈，
惟拔領以無方，故皈依而有請。臣誠
惶誠恐，稽首頓首，伏念亡過某靈魂
留連世網，涉歷塵機。慾海千尋，每
泛狂瀾而飄蕩；愛河萬仞，莫排濁
浪以流吹。精神陷溺於一朝，步武
沉淪於九夜。銅關檢繫，鐵壘周遭。
寂寂銜哀，徒羨求生之有路；皇皇
茹苦，頓驚救死之無門。自非歸命
於青華，曷俾神超於黃混。恭惟
東極天中，長樂宮內，大慈仁者，尋聲
赴感太一救苦天尊玉陛下。
威神徧滿，慧力周回。七寶騫林，洒
輝輝之甘露；九色蓮座，敷奕奕之慈

雲。真光覆徧於大千，瑞炁咸舒於百
億。凡居陶冶，宣藉提携。伏願聖德
昭彰，靈威浩蕩，勅九司之仙吏，制地
承符；宣二府之真曹，憲天弘道。為
紀善功於丹簡，即銷惡障於玄編。庶
俾亡過某魂，眇眇乘晨，匆匆離夜。絕
地獄熱惱之苦，永斷黑艷；享天堂清
淨之歡，逕躋朱火。步武快登於妙
有，形神疾證於虛無。臣下情無任激
切之至，謹奉表奏，以聞謹言。

年 月 日具位臣姓某上表

又

具位臣某再拜

上言，今月某日為修齋弟子某崇建青
玄救苦妙齋幾晝夜，開度亡過某靈
魂，謹具表奏陳者。伏以青玄開府，
卿雲騰三極之輝；黃籙建宮，飛霧
散八遐之彩。慧日昭回於獅御，神
風赫奕於龍章。輒控寸丹，仰陳尺
素。臣誠惶誠恐，稽首頓首，伏念臣幸
乘景運，獲奉昌期。弘道憲天，仰騫
墀而綴武；膺符宣德，拱蓮座以承
顏。既叨化育之恩，敢報裁成之澤。

恭惟

東極天中，長樂宮內，大慈仁者，尋聲
赴感太一救苦天尊玉陛下。

妙嚴高拱，長樂端凝。應念垂慈，散
祥煙於死戶；尋聲赴感，洒甘露於
生門。普使幽沉，咸歸拔領。伏願
匆匆離夜，眇眇乘晨，黑艷刊圖，消
大千之妄暗；青華定籍，乘太一之
真光。永侍紫金，高登碧玉。臣下情
無任，激切之至。謹奉表奏，以聞謹
言。

年 月 日具位臣姓某上表

破獄表

具位臣某再拜

上言，今月某日為修齋弟子某崇建青
玄救苦妙齋幾晝夜，開度亡過某靈
魂，以今準式破獄召魂者。臣伏以登
真度命，凝湛露於青華；毀鎖張門，
散祥煙於黑鬱。敢扣慈悲之聖，冀
敷拔度之仁。百拜陳情，一忱請命。
臣誠惶誠恐，稽首頓首，切慮寒庭滯
爽，幽壑窮魂。鐵壘周遭，萬劫受羈
維之苦；銅關赫奕，千齡膺囚禁之

嚴。鬼官職憲於陰陽，冥吏司刑於水火。匪繇勅破，曷俾超凌。恭惟東極天中，長樂宮內，大慈仁者，尋聲赴感，太一救苦天尊玉陛下。

應感無方，提携有造。降威光於百寶，披朗重陰；策神杖於五靈，洞開積夜。願垂淵聽，昭俾俞音，如律宣行，密契龍符而啓旦；依科摧毀，頓令犴室以生春。即使亡過某離夜無憂，乘晨有喜。耀華芒而焯燁，九壘煥明；飛靈錫以徘徊，三途康泰。均提苦趣，同證樂鄉，臣下情無任，激切之至。謹奉表奏，以聞謹言。

年 月 日具位臣姓某上表

青玄言功表

具位臣某再拜

上言，今月某日，爲修齋弟子某，就某處，崇建青玄救苦妙齋幾晝夜，開度亡過某靈魂，以今解壇謝過，爲官君將吏言功者。臣伏以青玄御運，敷慧露以流滋；黃籙開圖，耀慶雲而飛洒。金簡煥龍符之祕，瑤圖開鳳笈之奇。三極迴生，九垓起死。荷光

明而濟下，真切酬恩；蓋激越以由中，勤拳謝過。尚祈淵默，曲賜赦原。臣誠惶誠恐，稽首頓首。伏念臣輟鮒微材，坎蛙陋識。莫奉行於青律，徒參贊於玄班。未諳俯仰之規，威儀多冒；尚昧齋修之典，禁戒輕違。策役妄召於真曹，關奏濫稱於主職。言辭顛倒，敢演金科，存念周章，濫飛玉篆。施爲既彰於謬戾，省循恐積於愆尤。恪冀慈仁，悉從矜宥。恭惟

東極青玄老君，太一救苦天尊玉陛下。

道宏三極，德邁十華。提獎真靈，爲計功而行賞；扶持職守，俾含垢以匿瑕。其有修齋之初，上請天仙兵吏、地仙兵馬、真人兵馬、神人兵馬、日月星宿兵馬、三河四海兵馬、九宮五帝兵馬、三十二天監齋直事、侍香玉童、散花玉女、三五功曹左右官使者、五帝直符直日香官、飛龍騎吏靈寶天仙、內院諸天承受玉女、運神會道功曹、青玄黃籙左右真司仙靈官吏、九天普度院仙官將吏、玄壇開度

混元司、解結司、監生司、天醫司、灑濯司、巾笥司、攝化司諸部承宣官吏、本靖侍靖仙官、玉童玉女、主副官將某、護道某、監壇某、主壇某、諸省府院司效職宣勞官君將吏、監臨翊衛某廟某神、本州城隍司、本縣城隍司、某鄉某里里域真官、土地正神、三界符使、四直功曹、齋家土地司命六神，在壇守職，備著勤勞，並各顯服嚴裝，隨臣所進表文，上詣玄都，列受功賞，臣敢不銘心精進，潔己操修，期毋負於生成，庸恢張於化育。運元契道，倘成東華合景之功；領教學真，願佐南丹受書之化。臣無任激切感戴之至，謹奉表奏，以聞謹言。

年 月 日具位臣姓某上表

請水火表

具位臣某再拜

上言今月某日爲齋法弟子某，崇建某齋幾晝夜，開度亡過某靈魂，上生仙界。以今請降水火鍊度者。臣伏以乾坤定位，敷祖炁以昭回；離坎分精，極靈功而化育。五文開廓，萬品

裁成，欲施九鍊之神輝，亶藉二儀之聖運。臣誠惶誠恐，稽首頓首，切慮亡過某靈魂劫塵結習，業垢交周。返九炁之生根，期還本始；稽五形之死蒂，莫契虛無。非陶冶以高躋，曷超凌而直上。方諸耀彩，挹東井之黃華；陽燧凝芒，瀉南丹之朱火。匪繇鑒映，孰佐宣揚。恭惟

太上無形無名，虛無自然，至真大道，無上元尊金闕玉陛下。

道並陰陽，德包覆載。願頒勅命，降五龍結璘之英；載役神真，布九鳳鬱儀之化。俾迴骸而起死，庶監真以度生。九遍成人，炁炁返生神之妙；十回度品，神神昭委炁之玄。離夜朝元，乘晨御景。臣無任激切，望恩之至，謹奉表陳啓以聞。臣誠惶誠恐，稽首頓首，謹言。

年 月 日具位臣姓某上表

大道表

具位臣某再拜

上言今月某日奉爲修齋弟子某，崇建某齋幾晝夜，開度亡過某靈魂，以今

具表奏聞者。臣伏以扣九關而昭事，雲藹清微；崇八陛以對揚，風清黑鬱。微三極無私之慧，溥十華有造之恩。雨露涵濡，日星朗煥，敢皈依於楓御，庸傾倒於葵衷。恪冀高明，洞垂昭鑒。臣誠惶誠恐，稽首頓首，切念亡過某靈魂，冤機織性，罪網縈心。三惑不除，墮迷途而顛倒；四維莫守，趨邪徑以回旋。罪花累紀於北艷，愆葉積書於東岱。茫茫夜壑，慘水火以驚心；寂寂寒庭，望陰陽而喪膽。爰崇懺謝，聿建修齋。自非上聖之海涵，曷俾下愚之春育。恭惟

太上無形無名，虛無自然，至真大道，無上元尊金闕玉陛下。

巍巍莫極，蕩蕩難名。凝妙有以垂精，化敷九地；孕虛無而毓粹，政溥三天。誕矜苦惱之哀，廣錫慈悲之惠。伏願靈光不夜，祖炁長春。勅勒玄曹，削簡書之寃對；嘯命丹局，消錄籍之愆尤。即俾亡過某靈魂，離夜懽欣，乘晨快樂。超凌三界，無拘

留逼合之憂；勅制九扃，有侍衛送迎之喜。某敢不仰依化日，期暢玄風。登碧玉以敷心，勉承鳳渥；覲紫金而拜手，永沐龍恩。臣下情無任激切之至，謹奉表陳啓以聞。臣誠惶誠恐，稽首頓首，謹言。

年 月 日具位臣姓某上表

血湖表

具位臣某再拜

上言，今月某日爲齋主某崇建某齋幾晝夜，開度亡過某靈魂，上生仙界，切見本人因產隕生，形神腥穢，惟憑聖造，曲爲蕩除。庶俾氣象周圍，營衛平復。謹具表奏聞者。臣伏以生生大德，夙欽惠下之仁；翼翼小心，爰露由中之懇。黑鬱期超於地禁，玄虛嘉被於天光。再拜陳情，一忱請命。臣誠惶誠恐，稽首頓首。伏念臣偶緣宿慶，獲際昌期。弘道憲天，幾對揚於龍御；承符宣德，誓流演於鴻禧。重念亡過某靈魂，托質女流，謀身世諦。中迷愛網，易彫土樹之方；外涉塵機，遂滓金花之粹。九

夜沉淪於苦海，一朝陷溺於血湖。獄吏權尊，轉眼陰陽之考；冥官威重，驚心水火之羈。自非大需於宸恩，曷克迴躋於陽化。恭惟

太上無形無名，虛無自然，至真大道，無上元尊金闕玉陛下。

道包覆載，德契幽明。仁風鼓舞於八遐，群靈樂意；化雨涵濡於九壘，億爽歡顏。冀矜激切之衷，嘉沐駢蕃之澤。伏願肆頒鶴赦，曲降鸞書。飛三炁以流光，乘晨有望；燭十華而破暗，離夜不幽。即俾亡過某靈魂，垢穢澄清，身心快樂。朱陵度命，解萬罪以清夷；黑籍銷名，散千冤而和合。精神玉潔，步武春融。臣無任激切懇祈之至，謹奉表陳啓以聞。臣誠惶誠恐，稽首頓首，謹言。

年 月 日具位臣姓某上表

六幕啟表

玄師表

具位臣某再拜

上言今月某日爲齋法弟子某人，崇建

某齋若干晝夜，開度云開度亡過某靈魂，仰祈天澤，克證生方。祈禳云爲某事，仰祈天澤，保佑平安，以今宿啓告齋者。臣伏以教出始青，煥靈光於五劫；道敷碧落，流祖炁於八遐。孰扶齋律之崇，亶賴師垣之貴。敢依聖造，輒控愚衷。臣誠惶誠恐，稽首頓首。伏念臣緣藉慶基，生逢昌運。雌雄凝妙，徒混景於東諸；經緯融玄，莫策真於西禁。冒領瑤壇而奏對，懼書玉簡以凌兢。亶藉高明，曲垂提軫。恭惟

玄中大法師真君聖前。

稟精妙有，毓粹太無。綱紀十華，播靈風而化育；主張三洞，流慧日以生成。願運淵慈，俯迂鸞馭。頒符定令，俾參贊於天常；宣化承流，庶裁成於地澤。圓成齋福，流演宸恩。臣無任激切懇祈之至，謹奉表陳啓以聞。臣誠惶誠恐，稽首頓首，謹言。

年 月 日具位臣姓某上表

天師表

具位臣某再拜

上言，今月某日爲齋法弟子某崇建某齋若干晝夜。開度云開度亡過某靈魂，仰祈天澤，克證生方。祈禳云爲某事，仰祈天澤，保佑平安，以今宿啓告齋者。臣伏以龍漢開圖，播函三之聖化；鶴鳴啓運，宏得一之神功。臣誠惶誠恐，稽首頓首。伏念臣緣藉慶基，生逢昌運。雌雄凝妙，徒混景於東諸；經緯融玄，莫策真於西禁。冒領瑤壇而奏對，懼書玉簡以凌兢。亶藉高明，曲垂提軫。恭惟

三天大法師真君聖前。

稟資道粹，分氣魁靈。祖日輝明，耀蜀西而立教；宗風鼓舞，鎮江右以流芳。願運淵慈，俯迂鸞馭。萬真受事，奔驛馬於玄虛；十極蒙休，控飛龍於黃混。臣無任激切懇祈之至，謹奉表陳啓以聞。臣誠惶誠恐，稽首頓首，謹言。

年 月 日具位臣姓某上表

監齋表

具位臣某再拜

上言，今月某日為齋法弟子某崇建某齋若干晝夜。開度云開度亡過某靈魂，仰祈天澤，克證生方。祈禳云為某事，仰祈天澤，保佑平安。以今宿啓告齋者。臣伏以太赤金科，澤八紘而騰景；女青玉律，翊三洞以流光。臣誠惶誠恐，稽首頓首。伏念臣緣藉慶基，生逢昌運。雌雄凝妙，徒混景於東諸；經緯融玄，莫策真於西禁。冒領瑤壇而奏對，懼書玉簡以凌兢。竄藉高明，曲垂提軫。恭惟

靈寶領仙監齋大法師真君聖前。

希夷養素，微妙融真。典領列曹，布靈威於霜簡；監臨庶職，扶聖化於雲囊。願運淵慈，俯迂鸞馭。格尊俯仰，拱龍陛以論思；品列威儀，肅駕班而董正。臣無任激切懇祈之至，謹奉表陳啓以聞。臣誠惶誠恐，稽首頓首，謹言。

年 月 日具位臣姓某上表

五帝表

具位臣某再拜

上言，今月某日為齋法弟子某崇建某齋若干晝夜。開度云開度亡過某靈魂，仰祈天澤，克證生方。祈禳云為某事，仰祈天澤，保佑平安。以今宿啓告齋者。臣伏以道覆十華，仰雲蒸於玄紀；教敷八極，期雨施於洪釐。孰扶齋律之崇，竄賴帝垣之貴。敢依聖造，輒控愚衷。臣誠惶誠恐，稽首頓首。伏念臣緣藉慶基，生逢昌運。雌雄凝妙，徒混景於東諸；經緯融玄，莫策真於西禁。冒領瑤壇而奏對，懼書玉簡以凌兢。竄藉高明，曲垂提軫。恭惟

青靈始老九炁天君，丹靈真老三炁天君，皓靈皇老七炁天君，五靈元老五炁天君，元靈元老一炁天君聖前。

德均天地，權並陰陽。輔極功成，讚赤書於一炁；司方位定，羅紫簡於五靈。願運淵慈，俯迂鸞馭。風清

獅座，董萬聖以宣慈；日進駕班，育群生而布澤。臣無任激切懇祈之至，謹奉表陳啓以聞。臣誠惶誠恐，稽首頓首，謹言。

年 月 日具位臣姓某上表

三官表

具位臣某再拜

上言，今月某日為齋法弟子某崇建某齋若干晝夜，開度云開度亡過某靈魂，仰祈天澤，克證生方。祈禳云為某事，仰祈天澤，保佑平安。以今宿啓告齋者。臣伏以道運紫微，提玄雲於混洞；教宏皇極，流惠露於洪濛。孰扶齋律之崇，竄賴帝垣之貴。敢依聖造，輒控愚衷。臣誠惶誠恐，稽首頓首。伏念臣緣藉慶基，生逢昌運。雌雄凝妙，徒混景於東諸；經緯融玄，莫策真於西禁。冒領瑤壇而奏對，懼書玉簡以凌兢。竄藉高明，曲垂提軫。恭惟

上元賜福天官耀靈元陽大帝，中元赦罪地官洞靈清虛大帝，下元解厄水官金靈洞陰大帝聖前。

斡旋萬有，掌握三元。天地神人，列丹圖而校錄；陰陽水火，定黑簡以推研。願運慈淵，俯迂鸞馭。紀綱六職，示憲網於雷霆；主宰千靈，鼓化機於雨露。臣無任激切懇祈之至，謹奉表陳啓以聞。臣誠惶誠恐，稽首頓首，謹言。

年 月 日具位臣姓某上表

三師表

具位臣某再拜

上言，今月某日爲齋法弟子某崇建某齋若干晝夜。開度云開度亡過某靈魂，仰祈天澤，克證生方。祈禳云爲某事，仰祈天澤，保佑平安。以今宿啓告齋者。臣伏以運啓清微，鼓神風於碧落；教敷蒼極，流化雨於黃垓。孰扶齋律之崇，亶賴師垣之貴。敢依聖造，輒控愚衷。臣誠惶誠恐，稽首頓首。伏念臣緣藉慶基，生逢昌運。雌雄凝妙，徒混景於東諸；經緯融玄，莫策真於西禁。冒領瑤壇而奏對，懼書玉簡以凌兢。亶藉高明，曲垂提軫。恭惟

靈寶經師君，靈寶籍師君，靈寶度師君聖前。

德符衆妙，道契四玄。身負宗乘，紹前修而毓秀；手提祖印，開後覺以流芳。願運淵慈，俯迂鸞馭。對揚八陛，通丹悃於圓穹；膏沐群靈，扶玄科於方域。臣無任激切懇祈之至，謹奉表陳啓以聞。臣誠惶誠恐，稽首頓首，謹言。

年 月 日具位臣姓某上表

謝六幕表

玄師表

具位臣某再拜

上言，今月某日爲修齋法弟子某，崇建某齋若干晝夜。開度云開度亡過某靈魂，仰祈天澤，克證生方。祈禳云爲某事，仰祈天澤，保佑安平。以今解壇散齋者。伏以日近清光，獲承顏於龍御；天開道運，欣綴武於駕班。幸圓齋律之嚴，端藉師垣之重。朝

儀既罄，野悃重敷。臣誠惶誠恐。稽首頓首。伏念臣誤紹玄宗，濫承宏化。科崇存念，莫神運於玄壇；經備威儀，曷心修於丹笈。冒領對揚之首職，懼貽校錄之深文。仰冀慈悲，俯垂援拯。恭惟

三天化主玄中大法師聖前。

上善若水，盛德如天。含垢匿瑕，曲提携於班著；論功行賞，普酬獎於真靈。諒返瓊輿，亟旋瑤闕。鬱葱紫氣，已流洪澤於圓虛；赫奕靈光，即沐玄釐於方壤。神功顯著，聖教流通。臣無任激切感戴之至，謹奉表陳謝以聞。臣誠惶誠恐，稽首頓首，謹言。

年 月 日具位臣姓某上表

天師表

具位臣某再拜

上言，今月某日爲修齋法弟子某，崇建某齋若干晝夜，開度云開度亡過某靈魂，仰祈天澤，克證生方。祈禳云爲某事，仰祈天澤，保佑安平。以今解壇散齋者。臣伏以蒼壁攄誠，幸依光於

聖日；玄圭錫慶，誕流景於真風。幸圓齋律之嚴，端藉師垣之重。朝儀既罄，野悃重敷。臣誠惶誠恐，稽首頓首。伏念臣誤紹玄宗，濫承宏化。科崇存念，莫神運於玄壇；經備威儀，曷心修於丹笈。冒領對揚之首職，懼貽校錄之深文。仰冀慈悲，俯垂援拯。恭惟

三天大法師真君聖前。

大鈞有造，小物不遺。典格昭明，校千真而論賞；憲章赫奕，原列職以除愆。諒返瓊輿，亟旋瑶闕。霏煙羅絡，普疏瓊澤於人間；綵霧網緼，永振琅音於天上。臣無任激切感戴之至，謹奉表陳謝以聞。臣誠惶誠恐，稽首頓首，謹言。

年 月 日具位臣姓某上表

監齋表

具位臣某再拜

上言，今月某日為修齋法弟子某，崇建某齋若干晝夜。開度云開度亡過某靈魂，仰祈天澤，克證生方。祈禳云為某事，仰祈天澤，保佑平安。以今解壇

散齋者。臣伏以雲斂九關，羅清班而奏對；霞明八極，敷洪澤以告成。幸圓齋律之嚴，端藉師垣之重。朝儀既罄，野悃重敷。臣誠惶誠恐，稽首頓首。伏念臣誤紹玄宗，濫承宏化。科崇存念，莫神運於玄壇；經備威儀，曷心修於丹笈。冒領對揚之首職，懼貽校錄之深文。仰冀慈悲，俯垂援拯。恭惟

靈寶領仙監齋大法師真君聖前。

小善必錄，大德有容。校績丹書，提神真於碧落；滌瑕白簡，扶班著於黃垓。諒返瓊輿，亟旋瑶闕。高天厚地，均凝惠露以流輝；陽生陰成，普散祥煙而耀景。臣無任激切感戴之至，謹奉表陳謝以聞。臣誠惶誠恐，稽首頓首，謹言。

年 月 日具位臣姓某上表

五帝表

具位臣某再拜

上言今月某日為修齋弟子某，崇建某齋若干晝夜。開度云開度亡過某靈魂，仰祈天澤，克證生方。祈禳云為某事，

仰祈天澤，保佑平安。以今解壇散齋者。臣伏以日映瑶林，仰龍鸞而在御；雲籠璇陛，肅鴛鷺以趨班。幸圓齋律之嚴，端藉帝垣之重。臣誠惶誠恐，稽首頓首。伏念臣誤紹玄宗，濫承宏化，科崇存念，莫神運於玄壇；經備威儀，曷心修於丹笈。冒領對揚之首職，懼貽校錄之深文。仰冀慈悲，俯垂拯援。恭惟

青靈始老九炁天君，丹靈真老三炁天君，皓靈皇老七炁天君，五靈元老五炁天君，元靈元老一炁天君聖前。

德容照夜，和氣開春。列職承流，削愆充於丹籍；萬真受事，書勛績於玄圖。諒返瓊輿，亟旋瑶闕。天光煥映，即流教雨以函濡；地禁開明，廣播玄風而浩蕩。臣無任激切感戴之至，謹奉表陳謝以聞。臣誠惶誠恐，稽首頓首，謹言。

年 月 日具位臣姓某上表

三官表

具位臣某再拜

上言，今月某日為修齋法弟子某崇建某齋若干晝夜。開度云開度亡過某靈魂，仰祈天澤，克證生方。祈禳云為某事，祈保平安，以今解壇散齋者。臣伏以紫禁雲生，通金閨而肆覲；玄班雨集，遵玉簡以宣揚。幸圓齋律之嚴，端藉帝垣之重。臣誠惶誠恐，稽首頓首。伏念臣誤紹玄宗，濫承宏化。科崇存念，莫神運於玄壇；經備威儀，曷心修於丹笈。冒領對揚之首職，懼貽校錄之深文。仰冀慈悲，俯垂援拯。恭惟

上元賜福天官耀靈元陽上帝，中元赦罪地官洞靈清虛大帝，下元解厄水官金靈洞陰大帝聖前。視人春育，應物淵涵。削過簡書，曲扶持於列職；授勛典格，普昇陟於千真。諒返瓊輿，亟旋瑤闕。道非常道，矜萬類以提携；玄之又玄，澤十方而遍滿。臣無任激切感戴之至，謹奉表陳謝以聞。臣誠惶誠恐，稽首

頓首，謹言。

年 月 日具位臣姓某上表

三師表

具位臣某再拜

上言，今月某日為修齋法弟子某，崇建某齋若干晝夜，開度云開度亡過某靈魂，上生福景。祈禳云為某事，祈保平安，以今解壇散齋者。臣伏以道應紫陽，肅玄班而讚化；政敷黃混，羅藥簡以疏恩。幸圓齋律之嚴，端藉師垣之重。臣誠惶誠恐，稽首頓首。伏念臣誤紹玄宗，濫承宏化。科崇存念，莫神運於玄壇；經備威儀，曷心修於丹笈。冒領對揚之首職，懼貽校錄之深文。仰冀慈悲，俯垂援拯。恭惟

靈寶經師君，靈寶籍師君，靈寶度師君聖前。水衡有準，冰鑑無私。酬獎真靈，登勛庸於青簡；扶持班著，削過累於玄編。諒返瓊輿，亟旋瑤闕。萬天萬地，均陶玄極之仁恩；一陰一陽，

共囿洪鈞之惠澤。臣無任激切感戴之至，謹奉表陳謝以聞。臣誠惶誠恐，稽首頓首，謹言。

年 月 日具位臣姓某上表

捲簾通真表

具法位小兆臣某誠惶誠恐，稽首頓首，再拜

上言，臣伏以百千萬重道炁，玉相凝輝；三十六部尊經，金真演教。仰絳闕龍鸞之御，肅玄壇鴛鴦之班。敢拔汗青，首敷衷素。臣誠惶誠恐，稽首頓首。臣昨據齋法，弟子某乞就某處，崇建某齋若干晝夜。開度云開度亡過某靈魂，仰祈天澤，克證生方。祈禳云為某事，仰祈天澤，保祐平安。臣職惟領教，理難抑違，恭按玄科，次第修奉。伏念臣夙依化日，誓溥真風。領袖群工，期催朝於禁路；紀綱三洞，誓演秘於瓊囊。上昭煥以幹天章，下承宣而熙帝載。羅敷八陛，法象九重。惟三華劫仞之臺，玲瓏紫霧；仰七寶寥陽之闕，縹緲紅雲。非遵玉敕以階昇，曷通金閨而

几奏。恭惟

太上無形無名、虛無自然、至真大道、無上元尊金闕玉陛下。

神功不宰，聖化無方。碧落空歌，耀五文而恢廓；紫虛鬱秀，分三景以開明。高拱彌高，上極無上。願曲張於鳳宸，許直造於螭均。會慶風雲，十極拱靈光之耀；惠昭雨露，八遙承祖炁之輝。遐邇蒙恩，幽明被澤。期周流於劫石，永翊戴於玄元。臣無任瞻天望聖，激切屏營之至，謹奉表陳啓以聞。臣誠惶誠恐，稽首頓首，再拜謹言。

年 月 日具位臣姓某上表

太上三洞表文卷上

①「平安」原作「安平」，誤，據文義改。

太上三洞表文卷中

破酆都開業道章

具位臣某誠惶誠恐，稽首頓首，再拜

上言，臣樛櫟散材，蓬茅賤質，幸緣宿慶，濫綴真班。功無絲粟之圓，過有淵陵之積。曲蒙涵貸，未賜誅夷，誓勉操脩，庸期報稱，既承投告，敢不關聞。臣謹據齋意，臣切惟三官九署，北都羅酆，六洞十宮，冥關幽夜，水火考對，生死拘維，茹苦終天，千齡展轉。雖衆生之妄業自受，而上玄之仁澤堪矜。非賴赦原，曷臻超邁。謹爲拜章一通，上聞三天。伏望慈悲曲垂，矜憫特降，玉清道炁，靈寶妙光，煥朗十方，開明九壘。即俾亡故某人暨九玄七祖、億劫種親、六道四生、諸類幽爽，灌沐妙炁，頓悟良心，宿劫冤愆，應時解散。臣謹爲上請十方飛天使者、十方救苦玉童玉女，上詣三天金闕玉陛下，請降元始符命、金

錄白簡、救苦真符，告下十方三界、無極神鄉、天地水官陰陽罪錄，三官九府、百二十曹，北都羅酆、內外宮洞、阿鼻無間、大小鐵圍、十二河源、泉曲之府、九幽五嶽罪考主司、五苦三途諸大地獄、五道都府、執法冥曹。乘此符光輝明，照耀鐵城，摧毀苦考，蠲停枷鎖，脫除繫囚，消廢爐炭。銅柱化作騫林。鑊湯冰池，悉成蓮沼。灰河炮炭俱變清涼。劍戟刀山盡爲寶樹。蠲炎炎烈火之獄，爍重重金剛之山。執對停平，冤仇和釋。惡根落滅，罪籍捐除。赦宥亡過某人溥及幽冥無鞅滯爽，囚徒苦趣，悉遂逍遙。滯魄沉魂，各獲解脫。更希睿旨，敕下青宮，開紫陽玉匱之函，出應化慈尊之號。十方流演，萬品皈依。廣開法門，飛度累戶。庶使善緣霽霈，靈貺羅敷，均沐生成，以爲效信。恩惟大道，分別求哀。臣愚謹因二官直使、正一功曹左右官使者，陰陽神決吏、科車赤符吏、剛風騎置吏、驛馬

上章吏、飛龍騎吏、進章鳳凰騎、上章雲龍騎、言章風發騎、御章神龍騎、奏章飛龍飛虎騎，各二人出操。臣爲齋主某拜上某章，上詣三天曹，伏願天恩告報。臣誠惶誠恐，稽首頓首，再拜

以聞

空三行

臣姓某屬州某縣鄉里宮觀某靖焚脩

空三行

太上無形無名，虛無自然，至真大道，無上玄尊金闕七寶玉陛下。

空三行

年 月 日某處拜上

右，凡書章，用黃紙，朱書。紙高一尺二寸六分，行闊一寸二分，軸宜單幅，幅宜單行。每行定排十七字。前一幅指兩行，空第三行方寫章銜，疊書。下寫臣某誠惶誠恐，稽首頓首，再拜。此一行不指字，看長短到何處住。第四行寫上言字，低於職銜一寸。此行方指十七字數也。自上言以下，至後每行指字如法。行

上留半寸，行下不通走蟻。人姓名作一字寫，不得抽破。如鬼字、凶字，如死字、賊字，諸不佳字不得在行上頭。如仙字、人字、生字，諸佳字不得在行下頭。寫至以爲效信即

接云。恩惟至以聞，低前行一字。與再拜相去空三行。以聞後又空三行，疊書臣姓某某州縣某鄉里某宮觀某靖焚脩，須自半行寫至下，與紙下頭相平。又空三行，疊寫大道銜至玉陛下，只指書四寸三分。又空三行，自半行寫太歲某年某月某日於某處拜上，某下與紙下頭相平。太歲以後皆空紙矣。書章，不隔日填大道銜。不隔時，故留某時及陛下一點及以聞字內耳字一直筆。朱填至校章時方填也。章可漏上寫大道銜具法位銜臣姓某章奏謹封。方函上寫謹謹上詣三天門下具法師銜位臣姓某謹重封，入在章銜內。章銜長一尺二寸，闊一寸八分，以青絲線三度纏之。其十字結處及兩頭，並貼紙印封之。又入青紙方銜寫如

前方銜式。前後以袱包之，此封章法也。

素車白馬章

具位臣某誠惶誠恐，稽首頓首，再拜

上言，臣賦性疏迂，稟資愚拙。職忝司於濟度，誠敢怠於關聞。竄冀高真，曲原狂斐。臣謹據齋意，臣職惟領教，理難抑違，謹涓今月某日爲始，就某處，肅建玄壇，依按真科，次第脩奉。臣切惟九幽六洞、三官北酆、冥路幽關，職司考對。匪藉穹蒼之宣告，曷令部衛於形魂。謹爲拜章一通，上聞三天。伏望慈悲曲垂，矜憫特降，玉清道炁，靈寶妙光，照耀陰鄉，煥明夜府。即俾亡過某人泊九玄七祖、億劫種親、六道四生、諸類幽爽，免淪苦趣，各脫拘維，來詣玄壇，證品升度。臣謹爲上請素車白馬大將軍一十二人、官將一百二十人，九龍符命使者一十二人、官將一百二十人，太玄玉女一十二人、官將一百二十人，太玄直符一十二人、官將一百二十人，上詣

三天金闕玉陛下，請降太上勅赦生天寶籙，告下十方三界，無極神鄉、北都羅酆、泉曲之府，三官九署、百二十曹，水火陰陽內外宮洞、三十六獄，無間阿鼻、大小鐵圍、炎池水沼，四瀆五嶽、十二河源、五帝考官，六宮掾吏，巨天力士、執罰神兵、司殺司功、司錄司命、主考主罪、主獄主非，四明賓公、天門庭長，十宮六洞、五帝大魔、溟泠大神，五道都府、幽臺冥掾，長夜鬼官，無量陰曹，咸令知委。遵承今來建壇之所，頒行符命，侍衛送迎，疾令上件亡魂，衆苦蕩除，出離地獄，永辭幽夜，睹見光明，黑簿燒焚，業根披散，參朝玄座，受化更生，以爲效信。恩惟

大道，分別求哀。臣愚謹因二官直使、正一功曹左右官使者、陰陽神決吏、科車赤符吏、剛風騎置吏、驛馬上章吏、飛龍騎吏、進章鳳凰騎、上章雲龍騎、言章風發騎、御章神龍騎、奏章飛龍飛虎騎，各二人出操。臣爲齋主某拜上某章，上詣三天曹。

伏願天恩告報。臣誠惶誠恐，稽首頓首，再拜

以聞

空三行

臣姓某屬某州縣鄉里某宮觀某靖焚脩

空三行

太上無形無名，虛無自然，至真大道無，上玄尊金闕七寶玉陛下

空三行

年 月 日某處拜上

開通道路章

具位臣某誠惶誠恐，稽首頓首，再拜

上言，臣質性蠢濁，性稟顛蒙，冒領玄階，亶繇洪造。敢竭再三之瀆，庸攄萬一之忱。臣謹據齋意，臣職惟領教，理難抑違，謹涓今月某日爲始，就某處肅建玄壇，依按真科，次第脩奉。臣切慮魂魄爽識，來往經由，道路關津，或生拘障。非賴上玄之誥命，曷令阡陌之開通。謹爲拜章一通，上聞

三天。伏望慈悲曲垂，矜憫特降，玉清道炁，靈寶妙光，開闢幽途，光明

無極。即俾亡故某人泊九玄七祖、億劫種親、六道四生、諸類幽爽，徑離所部，來覲齋壇，釋罪通幽，朝真受鍊。臣謹爲上請，太玄直符太乙使者、五帝直符十天傳言騎吏、玄都金龍茭龍驛吏、玉龍飛龍驛吏，各一十人、官將各一百二十人，上詣

三天金闕玉陛下，請降東華青宮九龍符命、紫陽寶節五方生炁十天寶符，洞朗幽陰，開明長夜，告下天牢地獄、水府陰曹、冥局土司、泉曲六道、北酆九壘、三官九幽、五嶽十宮、九州社令、洞天福地、考校曹僚，蒿里丈人、丘丞墓伯、河侯河掾、土下官君、歲德尊神，山林孟長、泉源溪澗、冥路幽關、血食神司，城隍里域、社廟土地，一切主曹。咸稟天符，遵依告戒，除冤拔罪，啓路開肩，釋放上件亡魂，整肅形儀，經歷次第，來詣壇席，聽法參真，傳授戒符，領沾功德。幽夜不經於險阻，冥關克遂於逍遙。召攝無拘，以符效信。恩惟

大道，分別求哀。臣愚謹至，再拜。

以聞 空行，法職、聖銜、年月，皆同前式

攝召亡魂章

具位臣某誠惶誠恐，稽首頓首，再拜

上言，臣倥侗無識，愚鈍自將，冒闡明科，奉揚妙化。爰瀆聖威之峻，荐陳愚憫之微。宣藉慈觀，俯垂睿覽。臣謹據齋意，臣職惟領教，理難抑違，謹涓某月某日爲始，就某處肅建玄壇，依按真科，次第脩奉。臣切慮冥途寥廓，幽路淒迷。匪憑召攝之威，曷顯神虎之政。謹遵太乙神虎秘法，宣告太乙玄冥，玉札神虎，符命鐵跡，臺光寶章，建立神虎攝召壇，刻時定令，追攝亡故某人洎九玄七祖、億劫種親、六道四生、諸類幽爽，顯接陽眷，昭現神儀。謹爲拜章一通，上聞三天。伏望慈悲曲垂，矜憫特降，玉清道炁，靈寶妙光，洞朗幽關，無有窒礙。玉札符命，照耀輝華，冥吏幽曹，丕承敬聽。臣謹爲上請，北魁玄範神虎內真雄左大力統制百節三魂符吏，衆機玉曹玄伯雌右武鸞提魂

攝魄倒生玄司飛符玉札主吏，上部

追魂使者、中部追魂使者、下部追魂

使者，道家先七祖三魂。上元玉女，

追傷亡癩癩癩癩瘡瘡亡魂。中元

玉女，追無主勞瘵風癱亡魂。下元

玉女，追瘟疫雷噴亡魂。玉符玉女，

追驚弔刀刑自縊落水投火胎產厭穢

亡魂。龜臺素握玉女，追毒藥厭魅

呪詛刀兵劫掠王法禽獸所害亡魂。

九靈幽臺玉女，追見禁罪魂，正一延

生、六甲隱天、靈符玉女，疾速來臨，

承符宣德，攝魄召魂。又爲上請，丹

天左衛大將軍，五方啓道童子，十方

道主者，六道功曹、三界追魂使者，

天洞天真，清清泠泠，尋魂攝魄，對

魂聚魂，諸大將軍，一合來下。爲臣

攝召上件亡魂，聚神復炁，克返陽

居，升騰現形，通靈入夢，上彰道化，

下慰哀情，受鍊膺符，聞經聽法。削

罪書於北鬱，紀真籍於南丹。時刻

升遷，以爲效信。恩惟

大道，分別求哀。臣愚謹至再拜

以聞 空行，接尾，同前式

沐浴醫治章

具位臣某誠惶誠恐，稽首頓首，再拜

上言，臣塵泥漏品，螻蟻微生，冒膺宣

德之班，敢怠度人之典。威顏有赫，

采聽是期。臣謹據齋意，臣職惟領教，

理難抑違，謹涓某月某日爲始，就某

處，肅建玄壇，依按真科，次第脩奉。

臣切慮上件亡魂，幽關閉鬱，陰垢纏

罹。欲期容體之澄清，必賴神泉之

蕩滌。謹爲拜章一通，上聞

三天。伏望慈悲俯垂，矜憫特降，玉

清道炁，靈寶妙光，浹灌蘭池，輝華

沐浴。即俾亡過，某人洎九玄七祖、

億劫種親、六道四生，諸類幽爽，蠲

消氛翳，潔湛形神，內外洞明，一塵

不染。臣謹爲上請，東井玉女華池夫

人、浣濯玉女沐浴君吏、日月童子各

一人，五方解穢官君將吏、各一百二

十人，一合下降。神化東井黃華之

池，西田流汨之沼，汲取石景黃華神

水，五方正炁，日月之英，甘露金津，

雲映玉醴。沐浴所度亡魂，灌煉罪

塵，滌除障垢。淨結節胞胎之穢，清

冤債煩惱之氛。又爲上請，東方青靈始老哺飴以九炁之青津，南方丹靈真老哺飴以三炁之丹華，西方皓靈黃老哺飴以七炁之素漿，北方五靈玄老哺飴以五炁之玄滋，中央黃靈玄老哺飴以一炁之黃英，定魄安魂，自生五藏。又爲上請，金剛百煉、玉液千和、太白流光、元皇散精，解除鬱煩，去蕩滓穢，身心清淨，智慧洞明。又爲上請，天醫神吏、尚藥靈官、三五功曹、太醫博士、砭石小吏、敷藥靈官，密運九轉芝英、五色神藥，布散經絡藏腑之中，治療生前榮衛之病。即使上件亡魂，宿患清平，沈痾痊愈，精神復舊，肢體潔清，受化更生，以爲效信。恩惟。

大道，分別求哀。臣愚謹至再拜以聞

空行，結尾，同前

溥度幽魂章

具位臣某誠惶誠恐，稽首頓首，再拜

上言，臣忝列真階，莫裨玄化，矢心領教，勵志度人。游干咫尺之威，庸露

億千之愆。臣謹據齋意，臣職惟領教，理難抑違，謹涓今日某日爲始，就某處，肅建玄壇，次第脩奉。臣切見冥關幽路，滯魄窮魂。或水火漂焚，或兵戈謀害，或木石損磕，或挺刃刑傷，或久抱饑寒，或曾遭鳩蠱，或寇盜殺戮，或蛇虎吞殘，或王法凌遲，或震雷嗔擊，或覆車墜馬，或自縊投河，或他境流亡，或從軍傾斃，或鬼神拘擊，或冤對句連，或瘖跛聾瘖，或瘴瘟癰疔，或胎產殞命，或疾病夭傷，或宿抱怨嗟，或常懷憂忿，或玄恩未度，或常赦不原，孤滯千名，沈淪萬姓，山林寄影，郊野潛形，流浪無歸，實堪哀恤。惟黃籙，昭示漏泉之澤；正陰關，求哀望度之機。臣雖稟承玉符，冒頒大赦，尚慮功德，未遍幽冥。謹遵無量度人之道，取今日某日夜，脩設玄都大獻玉山淨供，攝召九洲十界、六道四生，諸類傷亡，無邊爽識，享食受煉，脫苦超生。自非大道之慈憐，曷俾衆魂之解脫。謹爲拜章一通，上聞

三天，伏望慈悲曲垂，矜憫特降，玉清道炁，靈寶妙光，遍滿十方，輝明九野，上極无上，下極无下，接引萬類，均赴法筵，滌罪解冤，煉形受化。臣謹爲上請，玉清溟滓大梵靈官，青玄黃籙救苦靈官，功曹、玉童、玉女，各三十二人，仙吏一百人，上詣

三天金闕玉陛下，請降元皇慈悲吉祥甘露，賫持天慈赦宥寶幡，一合下降，即爲呪洒甘露，溥化斛筵，周遍虛空，無窮無盡，哺飴衆爽，充足豐盈，隨感來歆，悉皆飽滿。仰承元始符命，金籙白簡，救苦真符，長生靈符，太上生天寶籙，東華青宮九龍符命，寶光羅絡，拔度幽沈，不分六道四生，咸受黃籙冶煉。即使未度者，度未生者、生未升者、升未化者，化合符膺券，返陰還陽，超凌人天，以爲效信。恩惟

大道，分別求哀。臣愚謹至再拜

以聞

空行，結尾，同前

九煉生仙升度亡魂章

具位臣某誠惶誠恐，稽首頓首，再拜

上言，臣道未通玄，德難入妙。屢爲人而造請，每拊己以凌兢。仰藉汪涵，俯加原貸。臣謹據齋意，臣職惟領教，理難抑違，謹涓今日某日爲始，就某處，肅建玄壇，次第脩奉。臣切慮上件亡魂、陰暗久淪，陽光易隔，匪藉黃華而冶煉，曷令碧落以登真。謹取某日夜遵依，靈寶大法，無量度人，開廓五文，奉行九煉。先爲拜章一通，上聞

三天。伏望慈悲俯垂，矜憫特降，玉清道炁，靈寶妙光，灌注玄壇，揮明洞耀，即俾上件亡魂，身沐靈光，心滌陰穢，水火煉質，表裏周圓。謹爲上請，南宮度人不死尊神，南極長生大君、度世司馬大神，好生韓君丈人，南上司命司錄、延壽益筭度厄尊神，迴骸起死無量度人真君，度魂上生南宮真君，奉爲亡故某人注筭金文，定名玉簡。又爲上請，太乙救苦仙吏、金闕化身仙吏、朱陵度命仙

吏、逍遙快樂仙吏、寶華圓滿仙吏、煉度玉司靈寶仙官、玉童玉女、將軍使者、功曹主吏，上詣

三天金闕玉陛下，請降元始符命、金籙白簡、長生靈符、內音玉字、赤書真文、上生黃籙寶誥，下臨壇席，奉爲亡故某人破酆都之穢濁，蕩泉壤之陰幽。削落業根，焚燒罪籍，飛度五戶，斬割三尸，建立法橋，回旋雲界。陶啓黃華之寶井，立流火之神庭。陶冶陽靈，蕩除陰翳，上登朱府，下入開光，復返萬神，重生九炁。披登天之法服，駕蓮花之寶輿。徑詣天門，朝禮

金闕，逍遙自在，與道合真。永無輪轉之憂，常履熙明之運。克臻升度，早遂天人，恩惟大道，分別求哀。臣愚謹至再拜以聞

空行、結尾，同前

酆都赦罪章

具位臣某誠惶誠恐，稽首頓首，再拜

上言，臣，生居濁世，運際昌期，佩籙

參玄，傳經悟道。誓度人而領教，庶補過以立功。凡有皈依，敢忘關告。

臣謹據齋意，臣切惟三官九署、百二十四曹、六洞十宮、三十六獄、鐵圍無間、泉曲河源、五苦三途、九幽五嶽，典司憲令，考對愆尤，愚俗衆生，罔明正理，造冤積業，抱惡逞非。致使名隸北酆，魂歸幽夜，拘閉陰獄，囚繫終天，痛苦備嬰，莫由解脫。匪賴玄虛之曲赦，曷令罪報之蠲除。謹爲拜章一通，上聞

三天。伏望大德好生，至仁無外，特降玉清道炁，靈寶妙光，朗映十方，煥明三界，冥關幽路，照耀輝華，地累罪魂，應時清淨。即俾上件亡魂，出離夜壑，快睹晨陽，開發苦心，自識宿命，悔過進善，脫苦超生。臣謹爲上請，降真召靈符吏、降真召靈童子，各一人，特爲亡故某人恭請，太極真符，告下東極天中、長樂宮內、大慈仁者、尋聲赴感太乙救苦天尊，希降威神慧光，普照十方世界，重陰極壘，北都寒池，一一獄中，悉成陽境。

鐵城摧毀，枷鎖脫除，赦宥亡故某人，萬罪蕩除，冤仇和釋，不經地獄，睹見光明。仰賴天尊上聖召十方飛天神王、救苦真人、救苦童子、青玄玉女，遍下幽獄，降慈悲之法雨，洒甘露之寶漿，即得冰雪生春，炎煙息燄，刀化玉樹，劍化騫林，寒冰溟泠頓除凜冽，鑊湯銅柱悉獲清涼，獄卒牛頭俱生善念，銅蛇鐵狗永斷惡緣。曹局除罪考之名，司案焚業報之字，以至驅雷役電，漣汲溟波，負石擔沙，天圓轉匝，穿地引水，運風掃山，謫役囚徒，均承妙化。斷地逮役，度上南宮。蒙如懇切之祈，允拜提携之造。恩惟

大道，分別求哀。臣愚謹至再拜

以聞

空行，結尾，同前

沐浴煉度章

具位臣某誠惶誠恐，稽首頓首，再拜上言，臣塵埃賤質，草莽微生，誤沐甄陶，俾登階品。宣藉圓成之造，敢忘報稱之私。誓拯沈淪，庶敦勳行。臣

謹據齋意，臣職惟領教，理難抑違，謹涓今日某日為始，就某處，肅建玄壇，依按真科，次第修奉。臣切惟積夜，重泉冥鄉，幽路陰氛，縈結業垢，交罹衆生，魂墮寒庭，神歸夜壑，昏霾混翳，晦濁蒙維。雖已頒告符章，曲行攝召，慮淪幽穢，莫遂參朝。自非沐浴於神泉，曷俾形魂之蕩滌。謹為拜章一通，上聞

三天，伏望大德好生，至仁無外，特降玉清道炁，靈寶妙光，洞映蘭池，神化玄液，即俾亡故某人澡身浴德，蕩垢清塵。洗表裏之昏蒙，除形神之熱惱。朝真聽法，度命升玄。臣謹為上請，五方五靈童子，各五人，解穢君吏，各一百二十人，浣濯夫人、黃華玉女，各一人，應時下降。取黃華神水、煉尸素漿、甘露金液、雲映玉醴、灌注蘭湯之中，沐浴亡故某人，湔滌塵勞，消除罪障。五藏六腑，悉得清涼；九竅四肢，俱成澄潔。又為上請，主水主火大將軍、石景水母流精玉女、九光童子、火鈴靈

童、青玄煉魂應干真衆。取南昌朱陵流火之庭，東井黃華流潤之沼，真水真火，一合來下，專為亡故某人煉洗穢氛。陶澄累垢，粧嚴受度，克應升仙。永證無為，不經輪轉。恩惟大道，分別求哀。臣愚謹至再拜

以聞

空行，結尾，同前

升度亡魂章

具位臣某誠惶誠恐，稽首頓首，再拜上言，臣陋質何庸，短材無取，師恩赫奕，幸睹希微。帝力輝華，若為報效。期廣揚於濟度，克昭贊於生成。臣謹據齋意，臣職惟領教，理難抑違，謹涓今日某日為始，就某處，肅建玄壇，依按真科，次第修奉。臣切惟上件亡魂，久淪幽地，不睹陽光。自非度命以返生，曷俾超凌而自在。謹為拜章一通，上聞

三天，伏望大道好生，至仁無外，特降玉清道炁，靈寶妙光，朗耀玄虛，煥明壇墀。即俾上件亡魂，沐靈光而快樂，乘煉度以逍遙。臣謹為上

請，南昌上宮司命君、司錄君、延壽君、益算君、度厄君、度人不死君、南極長生君、度世司馬君、好生丈人君、迴骸起死無量度人君，升度亡過某人，定算玉簡，註名金文。又爲上請，司馬大神、監生大神、衛房聖母、洞陽童子，煉度亡故某人，先入黃華寶井，次入流火神庭。濯質蕩形，除陰煉穢。挹九天之真炁，灌五帝之靈芒。氣象周圓，形神完復，飈車碧落，羽駕太清，升入天門，佩符合券，永無輪轉，常獲逍遙，受化更生，以爲效信。恩惟

以聞

空行、結尾，同前

遷拔亡靈章

具位臣某誠惶誠恐，稽首頓首，再拜

上言，臣福基夙挺，昌運欣逢。佩籙進階，傳經受道。各慚蹇淺，莫悟希夷。過有貫盈，功無縷積。倘沐生成之澤，俾司濟度之科。益勉操脩，庸期報稱。敬奉詞悃，所合奏聞。臣

謹據齋意，臣職惟領教，理難抑違，謹涓今日某日爲始，就某處，肅建玄壇，依按真科，次第修奉。臣切惟三官九府、六洞十宮、泉曲河源、北酆東嶽，考校善惡，毫髮無差。濁世衆生，罔知修飾。六根三業，五慾六情，流浪顛冥，馳騁不息，致使魂歸幽府，神返陰關，冤仇繫繫，曹局推對。悠悠長夜，深可矜憐。自非上聖，推惻隱之仁；曷俾下愚，免沉淪之苦。謹爲拜章一通，上聞

三天，伏望道德曲成，慈悲丕冒，特降玉清道炁，靈寶妙光，照耀鬱單，煥明澤壘，即使亡故某人，睹此靈輝，自識宿命，捨惡趨善，脫苦更生。臣謹爲上請，太上十二陽門開光童子一十二人，天道功曹一人，九天雲路正一功曹九人，南昌上宮、扶接引送、神童玉女各一百一十人，手執太上遷神符命，開導靈旛，接引所薦亡魂。蒙陽光之下燭，指雲路以上升。逍遙太空，永無輪墜。恩惟

大道，分別求哀。臣愚謹至再拜

以聞

空行、結尾，同前

蕩滌血湖章

具位臣某誠惶誠恐，稽首頓首，再拜

上言，臣塵泥賤類，草莽微生，誤玷班聯，濫司濟度。莫報生成之德，誓宣化育之仁。凡有皈依，敢忘關告。臣謹據齋意，臣切念亡故某人三生四負，多積冤愆；六慾七情，易招孽咎。命罹產厄，神墮幽關。北酆東岱之曹，紀錄姓字；硤石血湖之獄，考掠形魂。抱痛終天，無由解脫。爰念稟生之本始，孰非祖氣之分靈。妄業自招，實堪矜憫。帝恩無外，諒賜哀矜。謹爲拜章一通，上聞

三天，伏望垂惠重泉，曲加省覽，特降玉清道炁，靈寶妙光，洞映十方，照燭長夜。變陰暗爲陽明之境，化血湖爲清淨之場。令諸罪人，自識宿命，捨惡從善，脫苦超生。臣謹爲上請，三炁流光符吏，蕩滌血湖符吏各一人，官將各二十四人。上詣

三天金闕玉陛下，請降三炁流光真

符、玉元蕩滌血湖真符，告下北都羅
鄴大鐵圍山硤石無間血湖地獄，即
冀符光朗耀，陰壤開明，原赦亡故某
人洎見禁經產身亡未得出離者，並與
疾除罪簿，落滅惡根，解釋冤仇，開
通性識，承今符命，獲脫冥途。來詣
玄壇，聞經聽法，全形復質，隨果受
生。又念淪染血腥，形神穢濁，來朝
三寶，難近天光。謹爲上請，五方五
帝解穢君吏各一人，玉女使者各二
十四人，九鳳破穢大將軍、滌穢大將
軍、洗穢大將軍、滅穢大將軍各一
人，官將各二十四人，沐浴東井君一
人，官將二十四人，浣濯夫人、黃華
玉女各一人，仙花玉女一百二十人，
一合來下，爲取黃華神水、煉尸素
漿、甘露金津、雲腴玉醴，灌注蘭湯
之內，沐浴亡故某人，洗除產厭，蕩滌
穢腥。俾令內外光明，形神潔淨，根
塵業垢，並與澄清。又念亡故某人淪
謝之初，自膺痛毒，榮衛傷瘁，未遂
安痊。謹爲上請，天醫神吏、尚藥靈
官、治病功曹、太醫博士各一人，一

合來下，密運神聖工巧，餌以日精月
華、玉芝金醴、五色神丹，救療諸苦，
庶得陰陽通暢，血炁和平，經絡還
元，魂神澄正，朝真受度，托化人天。
永無淪墜之憂，自在光明之界。更
願靈光煒燁，惠澤周流，業海澄波，
血湖息浪，人民品物，並受生成。舒
化日於三途，播仁風於八極。恩惟
大道，分別求哀。臣愚謹至再拜

以聞

空行、結尾，同前

滅度煉尸生仙章

具位臣某誠惶誠恐，稽首頓首，再拜
上言，臣幸藉宿因，濫裨妙化。誓廣
宣於濟度，庸上贊於生成。過有淵
陵，功無毫髮。尚祈恩霈，俯賜包
荒。臣伏爲先師某人元命云云存日佩
某經受某籙，奉某法，補充某職，係某靖
焚脩。末學道淺，仙品未充，莫能背
土凌空，飛騰霄漢，運應滅度，以某年
月日身經太陰，享年幾歲，已准三洞
仙度品格，衣服枕席，遍篆靈章，衛
其尸形。又准滅度五煉生尸寶經，

玉字真文，安鎮五方，護其神識，揀
吉遷葬，寄形土宮。尤慮生存之日，
功德未周，恐阻超邁，遂卜今月某日，
謹就某處，崇建靈寶滅度五煉生尸妙
齋二晝夜，期將先師某人扶接引送，
返形受生，游行太空。臣事金闕，臣義
同父子，志劇悲惶，恭按真科，次第
修奉。臣切惟三官九署、百二十曹，
四極明科、三品洞律，昭如日月，威
若雷霆。學道參真，易招罪戾。未
經赦宥，必墮幽鄉。轉眼畏途，惟增
駭汗。令先師某人生逢昌運，佩奉玄
元。未明修真御景之方，徒抱濟人
利物之志。元臘節會，禁戒多違。
經籙法階，朝真有缺，重以飛章進
表，每瀆仙真。設醮建齋，或干神
吏，致使玄曹畢錄，黑簿登書，陽過
未原，陰愆莫追，倏忽厭世，遽受沉
寥。自非大道廣運於慈悲，曷俾後
學疾躋於冲躡。謹爲拜章一通，上
聞
三天，伏望上聖垂仁，至真矜憫，特
降玉清道炁，靈寶妙光，下覆先師某

魂魄尸形，削落愆尤，解除考訟，隨光御炁，徑上虛無。仍乞告下十方三界、一切真司，特爲赦原宿生今世、三業六情，洎學道以來，無邊過咎，並從寬釋，移名紫籍，受化更生。

臣謹爲上請，靈寶落滅惡道靈官三人、官將各一百二十人，斷絕地根靈官四人、官將各一百二十人，飛度累戶靈官五人、官將各一百二十人，一合下降，爲先師某落滅三惡，斬絕地根，飛度五戶，名列太玄，乘景升神，上登無極。若先師某魂魄淪墜三途五苦、六天九幽者，即爲度脫，高升上境。又爲上請，玄都金龍驛吏一十二人，東華青宮九龍符命使者天道功曹一人，十方飛天使者十人，官將各一百二十人，上詣

三天金闕玉陛下，請降元始符命、金籙白簡、長生靈符、東華青宮九龍符命、登真度命出離生死真符、南昌上宮寶誥，告下三官九署、五帝四司，無鞅陰治。若先師緣公私罪犯、未得解釋者，願乘此仙度功德，悉爲赦

除；若因三曾九祖、億劫種親、宿對罪緣、結繫幽冥者，願爲條錄生前建善之功，速爲解宥，即冀改易罪籍，定名玉簡，遷神度品，高步天衢。又爲上請，九天、三十二天、五老上帝，諸天省府、北斗南辰、日月五星，天曹真衆，各降真炁，接引先師某蕩滌愆瑕，進升道境。復還治職，炁入玄玄，登品成真，永無輪轉。更願先師某所屬某嶽某山真靈正神，符下九土地官，各依部界，營衛尸形，灾害消除，塚墓寧靜，形安神守，魄不敢揚。持節契符，重甦骨肉，形與神合。游宴騰凌，得爲神仙，一如五煉生尸經旨，永奉玄恩，以爲效信。恩惟大道，分別求哀。臣愚謹至再拜以聞

空行，結尾，同前

外度仙魂章

具位臣某誠惶誠恐，稽首頓首，再拜上言，臣綴武班聯，濫司濟度，叨恩逾分，拊己知元。誓弘洞輔之仁，密贊生成之德。尚祈洪造，俯監丹忱。臣

謹據齋意，臣職惟領教，理難抑違，切念某人幸藉夙緣，叨承玄蔭，佩錄奉法，受經學真，易涉塵寰，未明微妙。建齋設醮，每冒威儀；拜表上章，實乖俯仰。破齋犯戒，縱業逞情，常失天和，多循人慾。三元五臘，莫謹朝真；甲子庚申，曾無懺謝。過書黑簿，名錄玄曹，未能坐脫，立忘升神。御炁運應滅度，身經太陰，莫測升沈，倏經旬朔。孝子云，臣情鍾父子，志劇悲惶。弟子云，臣義均師友，志劇悲惶。自非上聖垂慈，高真孚佑，俯矜愚昧，力賜併矜，何以洗浣前愆，導迎新貺。庸是不揆狂斐，謹爲拜章一通，上聞

三天，伏望大慈曲成，至仁無外，特降勅命，行下十方三界、合屬去處，將某人，浩劫以來，稟生之後，應有過犯，並與赦除。即俾定錄青宮，移名朱府，形神混合，氣象周圓。隨我學功，校勳遷賞，復還治職，炁入玄玄。克爲聖君金闕之。臣大揚聖化，緣運不絕，身得神仙，逍遙上清，永無輪

轉。恩惟

大道，分別求哀。臣愚謹至再拜以聞

空行，結尾，同前

斷絕伏連章

具位臣某誠惶誠恐，稽首頓首，再拜

上言，臣性識迂愚，資材短陋。綴班聯而領教，誓濟度以推仁。凡有皈投，敢忘關奏。臣謹據齋意，臣切見上件亡魂，涉生以來，造業縱情，罔知檢戒。厭世之後，積愆抱釁，自致沈淪。流曳三途，顛運五苦，惟思執滯，豈念超凌。眷屬姻親，俱罹傳染。家門大小，積致傾亡。求替人以莫能，遂伏連而無已。如斯陷溺，實可矜傷。自非玄造之拯提，曷俾下愚之安泰。謹為拜章一通，上聞三天，伏望隆慈曲加，哀憫特降，玉清道炁，靈寶妙光，照燭重泉，輝明夜壘。即俾亡故某人開通正念，悔悟宿因，醒覺前非，自求升邁。免致延累，永斷復連。臣謹為上請，石安君、都星君、誅殃君、都平君、朔平君、天

玄君、石仙君、高都君、斷殍君、回化君十人，天醫博士、善談大夫各一人，官將各一百二十人，除殃君、天昌君、无上高倉君、中宮左都候君各一人，兵士各一萬人，素車白馬君一人，吏兵十萬人，參星將軍、太白兵星熒惑吏、鐵面敢健食鬼力士、天驕甲卒、吏兵官將，一合來下，為齋主某化諭先亡，公解塚訟，除諸執著，斷絕伏連。又為上請，斷蛀大將軍、斷尸大將軍各一人，官將兵士十萬人，九天補炁將、甘露將、護命將各一人，官將各三十二人，一合來下，保護未來病苦，斷除先亡伏連，即令某人形魂利安，塚墓寧靜，徵呼塚訟，自在斷除，釋罪登真，永超幽暗。齋主某人泊內外眷屬、合門姻親，快樂逍遙，竟離傳染，精神安泰，榮衛和平，富壽康寧，以為效信。恩惟

大道，分別求哀，臣愚謹至再拜以聞

空行，結尾，同前

啓告玄穹章

具位臣某誠惶誠恐，稽首頓首，再拜

上言，臣濫承玄貺，叨領真班，仰荷甄陶，俯深銜戴。期暢生生之厚澤，庸裨化化之深仁。控告既勤，關聞敢後。臣謹據齋意，臣切慮建壇之所，劫灰以來，陰濁混凝，游氛四塞，塵霾流伏，昏垢飛揚。非由解拔之功，曷肅玄真之奉。重以故炁糾雜，人物紛葩，宜解滌除，庶全清淨。謹為拜章一通，上聞

三天，伏望大慈曲施，玄化特降，玉清道炁，靈寶妙光，上煥雲霄，下輝風壘，十華八極，罔不洞明。即俾所建齋壇，灌沐靈光，一塵不立，內外融潔，寶芝自生。臣謹為上請，五方五帝解穢君各一人，官將一百二十人，捧持五和香泉、真精法水，一合下降，浣灌靈壇，解除厭穢。仙花玉女一千二百人，九鳳破穢籙中，運穢解穢、收穢却穢、除穢斷穢、洗穢蕩穢諸大將軍各一人，官將各一百二十人，五方五龍主水使者，一合下

降，蕩滌內外建齋應辦器用，室廬悉獲澄清，更無厭滓。又爲上請，降真召靈符吏、降真召靈童子各一人，齋持玉清高上仙王降真符命、元皇召靈符命，宣告三界，嘯命十方，策役千靈，關盟萬聖，護持壇律，糾正齋功，由始及終，迄無障撓。更希勅旨行下，玄壇受命，靈寶仙曹，省府院司，官君將吏，從臣請降，共贊洪釐。庶使齋主某善果周圓，嘉祥密被，承恩今日，流慶他生。散壇言功，不負效信。恩惟

大道，分別求哀。臣愚謹至再拜

以聞

空行，結尾，同前

太上三洞表文卷中

太上三洞表文卷下

九天尊鍊度表

具位臣姓某誠惶誠恐，稽首頓首，再拜上言，臣聞大道分元，初演不言之教；天尊布化，漸垂有作之文。普度群生，總包萬法。臣誠惶誠恐，稽首頓首。伏念臣猥以凡陋，冒忝仙階，稟奉教科，遵行妙典。闡始青之元範，敷洞玄之寶章。誓度死以爲心，盟濟生而是願。既沐投詞之切，輒伸懇禱之私。臣謹據入意，臣祇按玄文，恭行鍊度。匪賴高真慈佑，何由普濟沈淪。爰瀝悃忱，僭干天聽，恭惟太一救苦天尊玉陛下至聖至仁，極慈極憂。乘九師之仙馭，散百寶之祥光。接引浮生，不違本誓。伏乞真符告下，惠澤遐霑。洒甘露於火山，化成清署；扇神風於劍樹，變作騫林。使茲受鍊之魂，升彼洞陽之館。證真

仙品，增福人天。旁資六道之孤魂，盡脫三塗之苦趣。上祈洪造，下副丹衷。臣無任瞻天望聖，激切屏營之至。謹奉表上進以聞。臣誠惶誠恐，稽首頓首，再拜謹言

年 月 日具位臣姓某表奏

後八表首尾同前，只易中段

恭惟

十方救苦天尊玉陛下威神宏遠，智慧圓通。應一念而拯拔重泉，滿十方而提携陰爽。四生蒙惠，六道銜恩。伏乞特軫洪慈，廣宣仁澤，奏聞元始上帝，差降太一玉郎，開紫陽玉笈之書，出鳳烝龍文之篆。普施一切，廣度無邊。法雨露濡，俾罪愆而消釋；祥煙翳鬱，使冤對以休停。俱乘鍊度之功，克證逍遙之趣。

恭惟

九幽拔罪天尊玉陛下鍊真上景，拔苦下泉。放無礙之神光，照大千之世界。玄恩廣覆，味爽咸甦。伏乞頒降玉符，

開鐵城而拔罪；焚除黑簿，滅火翳以停酸。即使亡者，萬惡俱消，六根清淨。影脫九陰之域，魂登三炁之天。永離迷途，咸躋生路。

恭惟

朱陵度命天尊玉陛下尊冠朱宮，道司丹境。闡慈悲而救物，廓仁惠以度人。伏望特軫洪慈，頒宣符命。未度者度，俱乘鍊度之功；未生者生，悉獲更生之妙。永辭地府，逕上天堂。

恭惟

火鍊丹界天尊玉陛下道冠南宮，主司赤帝。擲流金之妙用，使枯骨以成人。處處應機，方方設化。伏乞神光煒燁，鍊尸魄以更生；法力照彰，度幽魂而復命。下脫北都之府，上登南極之天。旁及九泉，永辭五苦。

恭惟

法橋大度天尊玉陛下大德好生，至仁接物。布梯航於苦海，度群品於迷津。

亘古亘今，挈日挈月。伏乞寶籙旁指，開徑路於幽冥；真炁下流，布長虹於空際。引茲亡者，升彼天堂。解生前故誤之愆，證今日盟真之果。重泉苦爽，咸得逍遙。

恭惟

金闕化身天尊玉陛下以道爲身，先天應化。垂億千之名字，歷浩劫之因緣。普育群生，廣開常善。伏乞垂恩省察，救三塗萬死之魂；赦罪除愆，乘九鍊更生之道。從下品而升上品，即脫輪迴；自有爲而入無爲，常居清淨。更祈惠澤，普及河沙。

恭惟

逍遙快樂天尊玉陛下體道化初，凝神物表。迴出妙中之妙，端居天上之天。功被幽冥，恩覃生死。伏乞光明日月，駕馭風雲，度此亡魂，離其惡趣。快樂於長春之境，逍遙於不夜之鄉。億劫種親，一時解脫。

恭惟

寶華圓滿天尊玉陛下功圓六度，道證三乘。相好端嚴，福智具足。惟至誠而有感，實弘濟以無邊。伏乞曲軫慈仁，大宏方便，天光下燭，地府開通。度魂識以超生，仗齋功而證品。毓質洞陽之館，高升大有之庭。更冀餘休，潛扶後裔。

九天帝表 表符如後

具位臣姓某謹稽首再拜

上言，臣伏以二儀育質，千真皆會於三田；九炁聚形，萬象森羅於六府。百關和暢，七竅開通，魄靜魂寧，神清氣爽。臣今奉爲某處弟子投壇，乞爲亡過某人和冤釋罪，蕩垢滌塵，開悟本源，分清去濁。臣等修齋行道，頒降符章，滅罪破幽，傳符授戒。給本治天堂之錄，行出離生死之符。盟露十方，告祈衆聖。臣尚慮亡魂生前造罪，歿後積愆，或沈惡趣之中，恐墮輪迴之道。改形換體，不復人身。臣蒙師付受九鍊符章，許度沈淪，謹遵科法，上請元和妙炁，纏絡

死魂，即使內瑩外明，乾坤合質，復得人天，參朝太上。咸計日以受鍊，得時刻以昇遷。臣謹具表，奏告

鬱單無量天帝，恭望天慈，俯垂允覽，遵依符命，特降元一黃演之炁九重纏其胞，使亡過某人胞原宣通，上徹於天以生成，得生人路。臣無任惶懼之至，謹稽首再拜，謹言

後八表同前，只換聖位

上上禪善無量壽天帝，

特降洞冥紫戶之炁九重纏其胎，使亡過某人胎結解根全其身，得生人路。

梵監須延天帝，

特降長靈明仙之炁九重纏其魂，使亡過某人魂門鍊仙以通精，得生人身。

寂然兜術天帝，

特降殤尸冥演由之炁九重纏其魄，使亡過某人魄戶降仙以安寧，得生人身。

波羅尼蜜不驕樂天帝

特降五仙中靈之炁九重纏其臟，使亡

過某人五臟清涼以存神，得生人身。

洞玄化應聲天帝，

特降高真冲融之氣九重纏其腑，使亡過某人六腑開泰，胃管生津，得生人身。

靈化梵輔天帝，

特降高仙洞笈之炁九重纏其竅，使亡過某人孔竅開聰，星宿朗明以通神，得生人身。

高虛清明天帝，

特降真靈化凝之炁九重纏其形，使亡過某人三部八景，整具形神以全真，得生人身。

無想無結無憂天帝，

特降自然玄照之炁九重纏其身，使亡過某人三關五臟，關節根源，本始一時，生神炁滿，能聲聲尚神，具毛髮生身。

太上三洞表文卷下

(陳耀庭點校)

059 三洞讚頌靈章

經名：三洞讚頌靈章。三卷。
底本出處：《正統道藏》洞真部
讚頌類。

三洞讚頌靈章卷上

玉清惠命頌

稽首玉清元始尊，稽首金闕虛無
帝。包含造化運陰陽，極處自然無凝
滯。生天生地生人物，五色祥光隨處
慧。度人無量不思議，敢仗祥光來拯
濟。歸命東極宮中尊，歸命十方救苦
尊。毫光遍照三千界，智慧潛通五苦
門。常以廣大威神力，慈悲救苦濟亡
魂。指迷惡道返歸真，法橋大度永長
存。

華蓋玄謁真凝炁章

幽微藥宮為仙宅，道貫樞靈圓景

白。飛根散葉翳翠條，妙炁三華貫幽
徹。鬱靈杳淑真人墟，雲景眸奔通烜
赫。泥丸三五合靈芝，結珠固精神炁
活。飛煙妙靄却殘兇，鍊獲飛仙去否
厄。太玄太和在右府，紫清真人道為
主。中虛恬淡自怡然，返老還胎導玄
圃。知雄守雌資天機，回反乾坤鎮中
主。飛玄神炁合青玄，含藥吐芳明子
午。鍊養靈根不復枯，萬靈朝會羣陰
睹。琅音玉霜灌死體，徘徊沉默須周
普。擒龍捉虎坐鸞輿，隱韻流音邀妙
府。黃華朱醴濯陽精，萬道炁為羣仙
舉。

妙英飛爽集玄炁章

道貫青玄集素瑞，靈寶飛真瓊妙
炁。生魂育魄返金容，五藏生華凝景
翠。三田飛鬱映華峰，寶曜玄黃端拱
會。提携日月運璇璣，九炁發春揚拆
地。含和吐藥曜金蓮，驪龍吐珠呈彩
翅。鸞鳴鳳翔對上賓，虎嘯虛岩華曲
麗。洞觀三界百關明，六緯七經齊天
地。飛靈煥景擲炎靈，東井天河灌幽
渭。九龍奔躍騫寶園，圓景燦煒總翹

轡。飛霞採集咀玉根，景景胎仙生萬
彙。千灾却消摧凶殘，幽室光明何所
繫。紫華混合青玄宮，電掣雷奔絳霞
闕。雲臺碧落黍米珠，導達光玄煥二
炁。注念左府悟玄機，反覆陰陽成上
位。

青靈九炁君頌

東華吐靈鳳，西宮扣瑤音。三炁
結空洞，太虛生中心。靈書披七條，寶
文翠華林。鳳福逐天響，六時應節吟。
上有度命童，煥夜朗長陰。萬劫保形
明，眇眇莫能尋。長鍊不死年，與運同
浮沈。日月照靈魂，璇璣向東南。九
星落形影，寶花生五心。自有不彫神，
與我契丹金。赤書檢籍炁，玉訣妙自
陳。朱宮有綠籍，魔神莫能侵。

丹靈三炁君頌

絳雲翠玉虛，靈風披太微。遼遼
六炁降，眇眇吐靈輝。乘我日中影，披
轡順天迴。朱童披靈夜，洞陽鍊落暉。
玉章度促年，靈歌五神開。長浪無絕
景，一念入九圍。億劫超幽期，華命不
彫衰。飛天披重關，南宮朗凶機。朱

陵定絳籍，神備使形飛。七祖上生天，
福德高巍巍。輪轉空洞魂，出我九玄
扉。夜景披朝陽，飄飄乘運歸。

皓靈七炁君頌

琨臺生琅音，玉炁遐七冥。寶章
洞太虛，攝真入無形。錦雲翠朱日，圓
華逐月生。混合自然炁，迢迢九遐清。
六慧純梵行，五神有高靈。絳宅耀朱
景，萬劫不彫零。長存好生君，太乙合
黃寧。保命度符籍，鍊魂金華庭。引
歸不死炁，飄飄乘運生。七玄入南宮，
枯骸更鮮榮。長樂登雲浮，高飛戲彩
輶。逍遙大羅外，三界莫能輕。

玄靈五炁君頌

飛步入北清，把真招上元。乘景
望玄臺，四華生錦雲。中有採芝童，羽
衣何紛紛。長歌九命籍，金籙赤書文。
十絕遶華庭，飄飄度命幢。綠蓋乘風
迴，丹霄拱瓊軒。爲我造上皇，拔錄九
夜門。度命朱陵闕，長保億劫椿。留
神營絳府，赤子明玄關。受形不死炁，
自然生寶魂。七祖度南宮，世世福慶
門。

青玄凝真導魂章

玉京萬法大羅尊，千重寶梵億玄
言。碧霞絳雲引衆道，玉闕金閣敷真
文。偃定高真遊飛空，八極飛神度無
邊。鬱鬱昭昭萬炁中，吐聲如嬰炁成
紋。振動梵天是空道，靜明法曜惟慈
雲。超簡昏衢北羅艷，列上金簡還靈
明。炎炎火池成清涼，解刃挫鋒悉摧
紛。豁散業境空法身，保召罪性來吾
壇。天尊經濟本無際，萬天萬地成真
元。莫有不從不化度，超凌三界佐虛
玄。隨心所召隨心歸，仙信梵音如甘
泉。一聞百骸解熱惱，朱陵開度成飛
玄。超凡大道入慈悲，不濯巨細惟翩
伶。華夏泠泠引汝魂，逍遙獨步紫虛
天。

金真章

天魔乘空發，萬神駭神庭。託化
謠歌章，隨變入无名。囂塵何紛紜，穢
道當塗生。雲合結朱空，北帝湧神兵。
鼓極自知道，玄運來相征。上景御飛
轡，迅駕檢雲營。促校北帝錄，收執羣
魔明。豁落張天羅，放威擲流鈴。金

真護空洞，玉光煥八冥。金符守上宮，
神精戮天精。剪滅萬妖炁，億億龜齊
齡。上承九天信，嘯命靡不傾。招真
究三洞，惠誦朗日清。八道望玄霞，七
轉緯天經，洞合帝一真，拔度七祖程。
削落五苦根，反魂蒙受榮。金光耀寂
室，神燭自然生。香花散玉宇，煙炁徹
玉京。帝遣徘徊輩，三元降綠輶。迅
駕騰九玄，朝我玉皇庭。

玄掖振雲袂，飛空樂未央。高步
七寶林，逍遙天衢長。迢迢玉京山，瓊
臺耀飛梁。仰觀黃金闕，俯窺白玉牀。
中有黃老君，紫炁斡天章。宴坐捧生
籍，綠筆紀華陽。萬劫長無期，超凌不
死鄉。

雲衢耀明景，瓊田植紫芝。神風
翔高清，琅琅聲何悲。三華覆八圓，梵
炁籠玄機。至道參寥廓，招真凌雲飛。
吟哦懽倩燦，闔風映崑池。下有招仙
子，千劫戲雲衣。不老游萬天，十極雲
霞棲。

紫蓋策神麾，朱霞映清微。鬱儀
煥丹極，結璘耀玄輝。神風挹三素，九

老揚雲旂。俯仰重霄上，宴樂服靈虛。
携晨朝玉寶，西華羅高墀。窈窕方諸
宮，青童躡雲墀。旋步歌丹鳳，朗嘯乘
雲飛。

西宴瑤池涓，東遨蓬萊津。倏忽
越桑田，暘谷耀朱晨。龍旌曳千林，寶
蓋迴九真。流鈴煥中黃，握節斥魔氛。
萬仙拍手笑，清歌浩無垠。翹傾觀太
无，齊齡太上賓。

檢仙尊帝一，金書妙雌雄。高奔
契八素，混合百神功。一老兩仙王，五
靈符籍同。神光耀金樓，妙哉雲炁重。
是謂大洞法，九真步玄空。金津和玉
液，咽服瓊樹豐。鬱羅朝太上，揚袂歌
天風。

乘烟結霞友，御轡歌寥閑。北登
廣寒宮，玄英玉練顏。飛步天津上，雲
璈鳴鼓彈。龍駟駕虎袂，朝揖扶桑暎。
夕憩琪林影，携提控九玄。遨遊太空
館，徘徊運朱輪。受書登南丹，長歌億
萬春。

朝登太微宮，夕憩常陽臺。天風扇
清泠，策駕五雲回。星珠羅碧漢，綽約

流九垂。眇莽御明煙，圓霄宴玉墀。神
虎攝萬魔，靈威煥巍巍。金真檢雲營，
玉室映靈堦。丹丘圓方，奇哉仙真才。

泛景宴紫清，雲旌儼丹青。遐觀
瑤臺上，鈞天何迢迢。流風煥騫樹，神
光耀瓊樓。仰喻玄珠華，金書輝層洲。
萬天拱四皇，羽履迴煙輶。八浮羅鳳
蓋，琅樹映飛鸞。霞墉帶神畿，千齡如
一朝。

琳琅魁華晨，九遐凌非煙。左顧
招无英，右盼揖白元。神光御玄素，黃
老俯芝田。吉光駕飛乘，遊戲控流駟。
高皇觀紫微，恍朗遊萬天。春秋無彫
謝，千劫窮遐年。至真無所得，携提靈
景仙。

青帝歌
東望重拜手，蒼帝玉皇君。靈風
鼓橐籥，育物布元春。雲龍轡嚴駕，玉
衛擁瓊輪。枯萌泛露及，大惠無不均。
萬仙歌以道，委曲戒天人。心根迷自
固，拱謁戴洪仁。

白帝歌
六甲抱金闕，七政守靈壇。流鈴

擲火化，威劍巨龍蟠。邈彼素靈真，明
憲孰敢干。束制妖鬼魔，凜落霄風寒。
沴炁既已息，萬天俄而安。真儔荷大
芘，抵頽相歌歡。

赤帝歌
太景開玉樞，洞堂啓金除。騫林
廕瑤砌，丹鸞踏瓊株。寶房名曲麗，明
璫神所居。飛遊豁雲道，引目盼真都。
天日永不夕，重烟鎖青廬。太上敕印
開，帕几羅簡書。

黑帝歌
无質統有物，淵兮上帝心。不啓
不發道，蘊妙化機深。恐爾漏未盡，陰
想忽浸淫。輪轉元涯波，苦道相迷尋。
萬年常謹約，一旦自湮沈。无冲落鬼
境，殃譴不可任。

黃帝歌
萬天拱中宸，控駕玉池根。翹機
貫億歷，洞朗闢四門。大有混皇真，紂
制星宿魂。非帝道不運，有方賴之存。
威忿即霜秋，和豫爲陽春。生成握元
紀，仰荷戴無垠。

青帝消魔讚

洞耀育元精，青華開大明。布育九天炁，始生荐無英。扶陽通攝御，丹林合總真。積霄始暉上，鬱疊明霞震。靈光煥羅絡，衛育保形魂。混化合玄景，仁惠消魔羣。萬徧道已超，功當奏上清。

赤帝消魔讚

三炁藹靈闕，明虛煥玉丹。朱陵有帝真，華雲飛絳駟。統御萬界中，撫運超億千。執策按簡籙，洞章敷神篇。解結散禍根，流金摧凶姦。志能成此道，魔試俱無前。保度冥劫津，宴盼無窮年。

白帝消魔讚

西靈回七度，太眇鬱明華。白元維我神，皇真御景霞。皎皎三素暉，昭昭破百邪。攝音延至炁，金晶育三田。鍊結固玉質，寶曜映瓊鮮。魔精當滅試，速地無沈連。逸轡高清館，齊輪太上仙。

黑帝消魔讚

北玄三秀藹，太上紫皇居。總炁

攝幽棲，造化敷靈綱。下統虛危精，寶育天元房。靈通太妙神，纏羅衛百關。豁落滅魔試，凶灾永不干。大道保自然，壽命无虧殘。萬劫享慶會，白日登雲輪。

黃帝消魔讚

混化歸冲妙，元皇總帝靈。真老閉黃闕，四御齊玄鈞。圓華太張上，同携堅王君。結津固百骸，瓊耀擁胎仙。晨暉注明景，魔應自滅形。萬道保無虧，返老回童嬰。五會合一炁，飛馭超雲京。

龍漢始青玉曆寶頌

九陽迴妙炁，三景散元精。碧靄浮靈篆，青林粲淑英。超遙玉清府，遼邈蓬萊瀛。真化通无間，神風滋萬生。

赤明丹光玉曆寶頌

浩劫開神運，龍文泛赤霞。八威奔電激，九鳳破凶邪。鍊度丹皇室，飛昇元始家。炎明常繼照，靈慶集晨華。

上皇中靈玉曆寶頌

混黃生一炁，感化結真形。上德持柔順，含光洞杳冥。建中該九極，執

本統三晨。焯焯天端上，飛芒曜玉靈。

延康素靈玉曆寶頌

皇老儲靈粹，金精曜斗威。六天咸滅滅，萬寶復幽微。爽炁浮高闕，寒光藹素輝。空同披玉勒，華麗九霄飛。

開皇玄上玉曆寶頌

五炁符元妙，諸天混太冥。辰精飛羽黑，玉女散華青。紫策封天寶，玄光凜帝庭。羣魔欽至化，萬國保安寧。

空洞靈章

飛玄紫炁凝靈根，綱維玉虛總萬神。空中鬱勃結自然，上有稜層十二傳。玉樓峨峨耀景雲，流精紫闕帶金軒。瓊堂瑋鏤繞八鸞，中有青金九靈仙。丹皇真母號精延，飛青羽襪晨嬰冠。手執玉節握靈旛，五色命魔對帝尊。把持符籍當生門，咀日嚼月喻醴泉。離羅吐輝鍊五魂，內充外溢絳府欣。金光煥煥形正圓，從朔入金色渾淪。唯有開明曉此言，日五月十朝北元。刻見華蓋領仙君，紫炁左迴與斗連。歷度四七入金門，正是丹皇校萬仙。有明此訣加精勤，祕念密思每令

分。妙景感會得要文，三年當審保長存。九年乘空駕羽裙，鳳衣輕翔昇龍山。俯仰九靈謁玉晨，得爲靈寶大真人。

東方玉晨君讚

森廓連華闕，神尊帝一真。靈虛交日月，玄覺照冥津。玉關回運數，梵炁啓都明。麾旛揚洞唱，天君秉化輪。金華領仙籙，鬱帶龍山宮。寶秀煥珍景，宴戲高上墉。霏煙散妙靄，陶精養我形。飛天觀劫會，讚詠元始文。太極建青籥，晨輝布發生。爽耀應穹觀，熙怡存玉嬰。皇育旋景輿，昇度七祖魂。彌範流飛綱，周維天地根。祥霞翳霄仞，紫館真人君。軒弈清玄府，滅試推邪凶。道應混高元，神結泥丸精。靈丘三素雲，羅耀交琳峰。七九齊至用，三五合同功。併協冲和德，變鍊超仙宗。

南方玉晨君讚

和陽煥明弈，炎暉玉鍊顏。虛梵隱玄邈，空朗昭神功。九華破幽錄，四極延生津。黃房晨景居，綿綿保長存。

窈窕騰月妃，萬界超劫輪。混洞翳玉書，龍漢明耀晶。神文攝六天，察制妖魔羣。邪試莫我干，列名標上清。超度五苦難，逍遙玄仞峰。飛神開大運，明觀九雲重。南上鍊我魂，旋蓋遊騫林。汎靄纏虛綱，十轉回天關。大魔咸來賓，入景朝紫微。龍淵注東井，黃華養我真。大羅无色光，寂度元窮人。朱靈協至炁，太和昇福堂。玄臺映鬱蕭，誦洞遵西靈。神公布玄範，反嬰齊自然。

西方玉晨君讚

洞神映霄闕，受度好生君。靈童火鍊攻，福館涉生津。太漠明道彰，真人翔景雲。高淸布元化，蕩穢除妖氛。接我琅碧輿，昇入微妙門。揚輝浩極家，洞耀九玄真。造化回幽關，杳眇固靈根。景皇連鬱秀，檢校超仙魂。蕭仞白元子，洞携列帝賓。始皇天中王，寂寂虛无庭。玉晨張大範，流慶滌我塵。穹樓演洞唱，收魔束鬼形。三元分化祖，九度悉宣陳。阿丘馳素斬，那邪契所緣。彌羅大聖神，更生陞福筵。

逸化乘運歸，削死永合歡。瓊府魏峨境，森扶靄華騫。雲牙揖三暉，享此億遐年。

北方玉晨君讚

開化無上神，霄度凝玄炁。陽華真一精，太和育妙慧。九靈鎮西崑，機化停樞會。鳳車升羽輪，越此大劫津。雲阿擁圓皓，育生天神君。受符羽林宮，藹秀靈霞襟。空霄飛玄章，接舉身超騰。天統攝八耀，開度九幽魂。蘭宮連紫微，按格昇朱陵。南宮有妙童，琅輝鍊我形。蒼霞浮綠輦，稱慶拱高尊。靈風泛洞響，可寶無窮齡。九仙頌運籙，釋散宿業根。流綱抗虛梵，廓達歸無名。大混百骸紀，徊煙合紫雲。慶垂七葉孫，禍塞三徒源。解帶離塵網，齊轡逍遙賓。倏忽登龍臺，稽首玉帝前。

三洞讚頌靈章卷上

①「帝」原稿爲「常」，比照前後文，當作「帝」。

三洞讚頌靈章卷中

應用讚頌

七真讚

太上玄虛宗，弘道尊其經。俯仰已得仙，歷劫無數齡。巍巍大聖德，寂寂因無生。霄景結空構，乘虛自然征。日月為炳灼，安和樂未央。

學仙絕華念，念念相因積。去來亂我神，神躁靡不歷。滅念停虛間，蕭蕭入空寂。請經若饑渴，持志如金石。保子飛仙路，五靈度符籍。

濟我六度行，故能解三羅。清齋禮太素，吐納養雲芽。逍遙金闕內，玉京為余家。自然生七寶，人人坐蓮花。仰嚼玄都柰，俯酣空洞瓜。靈顏耀朱日，奚計年劫多。法鼓會羣仙，鳴鐘徵大魔。

靈風扇奇花，燦爛開繁襟。天真撫雲璈，衆真彈靈琴。雅歌三天景，散慧玉華林。七祖升福堂，由此步玄音。

前世福未足，斯書邈難尋。信道情不盡，圖飛乃返沈。太上無為道，弘之在兆心。

學道由丹信，奉師如至親。挹景伴清輝，孜孜隨日新。衆人不得度，中不度我身。大願有重報，玄德必信然。陰德罪至深，對來若轉輪。

學道亦甚苦，晨夜建福田。種福由植樹，積篋而成山。子能耽玄尚，飄爾昇清天。修爾無為道，當為結大緣。太上至隱書，名為智慧篇。拔苦由人材，超俗以得真。靈姿世不奇，時若淵中蓮。

人行各有本，皆由宿世功。立德務及時，發願莫不從。善惡俱待對，倚伏理難窮。賢士奉法言，道亦在兼忘。解是大智慧，上為太極翁。寶蓋連玉佩，命駕御九龍。金華擎洞經，捧香戀仙童。嘯歌徹玄都，鳴玉扣瓊鍾。

竦身凌太清，超景逸雲霄。保扶持法言，遊玄極逍遙。萬劫猶昨夜，千秋如晨朝。巍峨蔭雲華，手攀寶林條。香煙自然生，玄階莫扶搖。靈籙應時

散，繁想應時消。滅智弘大混，無為為清謠。

啓壇頌

渺渺空無象，悠悠感至靈。敬則承天貺，泄則被魔精。吉凶隨運轉，否泰應緣生。道不貴珠玉，神惟感至誠。丹情盡勤苦，懇禱竭玄情。自然通大道，皆得降真靈。捻香陳所願，稽首冀嘉禎。天尊常湛寂，回心禮杳冥。

解壇頌

太空包有象，至道窈無形。承和通妙炁，感應達衷情。倏忽周八極，依稀降萬靈。微杳陳素悃，委質表丹誠。遠汎翔鸞蓋，遐攀綺鳳旌。烟宮高鬱鬱，霞閣上停停。瓊駕出霄漢，金龍入太清。甘露降人世，景福被幽冥。

請玄師頌

科律嚴章奏，精誠享百神。投詞陳悃願，潔醮答高旻。俯盼垂雲駕，冥心啓上真。玄師都教主，奉請降凡塵。

請天師頌

太上傳符籙，初因過鶴鳴。積功超玉簡，列位侍三清。接引章詞奏，克

隨凡庶情。修齋當奉請，願俯鑒精誠。

請監齋頌

寶號留塵世，仙階列上清。三千功已滿，八百行先成。禮懺修真福，監齋作證明。今霄雲馭降，祥祉被含生。

請天官頌

妙道垂真教，修齋立福田。結壇朝上聖，建醮會高仙。注念通霄極，精神感上玄。天官乘寶輦，彩仗下凡筵。

請地官頌

翼翼陳丹悃，兢兢仰紫虛。祈通塵下志，願達土皇君。潛應垂真祐，遐臨赦罪書。地官來下降，俄擁五雲輦。

請水官頌

方便開真化，慈悲立聖科。虛心修妙會，調炁詠靈歌。默念祈淵府，丹誠通大羅。水官龍駕降，雲錦起滄波。

請五帝頌

五帝居仙品，糾彈善惡因。祥光臨宇宙，惠澤濟沈淪。發露祈真佑，冥心感聖賢。存亡俱快樂，享福永無垠。

請經師頌

入靖修黃籙，嚴裝啓上仙。奏章

先達御，詞款欲關宣。寶籙因師度，威儀太上傳。經師求下降，奏請列羣仙。

請籍師頌

肅肅祈清福，誥誥結寶齋。登壇須此夜，行道續徘徊。有願仍雖啓，皈心道眼開。籍師來下降，仙仗下瑤臺。

請度師頌

經戒丹心禱，虔誠召百神。捻香祈至聖，持戒請仙真。清詠凌朝啓，精思入夜勤。度師來下降，保護結齋人。

送玄師頌

上帝命真仙，修齋黃籙壇。諸天來下降，焚香懺罪愆。祈恩行道畢，齋事已周圓。洪福留人世，玄師上九天。

送天師頌

齋福已精嚴，表牒上九天。至誠通感應，闔門得延生。掌籍諸天衛，章詞達御前。祖宗感升度，嗣胤慶榮遷。三天扶教主，事畢奏功圓。

送監齋頌

靈壇崇法席，允賴下監臨。糾過兼書善，真仙亦仰欽。行當驅道騎，縹緲五雲深。生存當有賴，更復濟幽沈。

送天官頌

妙範修齋直，明科洗罪根。瞻穹崇上善，瀝懇致微言。既納依投靖，蒙垂覃宥恩。天官還玉府，寶駕入金門。

送地官頌

浮會朝元罷，三塗結果因。真恩宣五嶽，誠悃奏三天。撤席停宗範，解壇送列仙。地官回嶽府，高涉五雲軒。

送水官頌

宣演靈音畢，諸仙返上穹。靈光降橫厄，甘露降真風。復命驪龍駕，還太寶宮。水官歸洞府，福祿賜無窮。

送五帝頌

仙仗來霄極，尊臨列五方。檢氛吹羽節，鸞輅駐清場。齋事將圓撤，迴輿返上蒼。流恩無不遍，豈但感馨香。

送經師頌

經法雖微妙，崇奉悉因師。凡有立善者，咸得頻禮之。氣運功易就，心慢悔難追。若能勤繫念，朝夕自仙飛。

送籍師頌

道以齋爲重，法以朝爲常。不修不奉者，安能達帝鄉。有骨入仙品，自

然開紫房。玄武排靈駕，但見金殿堂。

送度師頌

迢迢玉京山，玄都何巍巍。朗朗長夜開，真人乘步虛。大道由人弘，心至神自歸。修齋行道畢，稽首辭三師。

明燈頌

正一陽光，炎上朱烟。開明童子，一十二人。洞照天下，及臣等身。百邪摧落，却鬼萬千。光明朗徹，通真達靈。

太上散十方，華燈通精誠。諸天悉皆照，諸地皆朗明。我身亦光徹，五臟生華榮。炎景朝太虛，遐想通玉京。

丹精寄太元，玄陽空中響。貪形滅苦根，幽妙至真想。垂華不規實，因緣永無象。我身亦如之，乘化託流景。

夜光表丹陽，迢迢照虛空。諸天普光顏，諸陰即自滅。我神亦聰明，常玩智與慧。逍遙通道運，遷謝任天勢。舉形躡空洞，夜燭燥流萃。

滅燈頌

玄陰閉光，長燈續明。太陽已朗，八幽開清。燈還太陰，光附景生。日

月二真，爲我合並。

智慧頌

智慧生戒根，真道戒爲主。三寶由是興，高仙所崇受。汎此不死舟，倏忽濟大有。當此說戒時，諸天來稽首。

智慧起本無，朗朗起十方。結空峙玄霄，諸天挹流芳。其妙難思議，靈感真密通。有有竟无有，無無無不容。

智慧常觀身，學道之所先。眇眇任意肆，自然錄我神。天尊常擁護，魔王爲保言。晃晃金剛軀，超超太上仙。

奉戒頌

道爲無心宗，一切作福田。立功無定準，本願各由人。虛已應衆生，注心莫不均。大聖崇正教，亦由雨降天。高凌靡不周，常卑故成淵。海爲百川王，是能舍龍鱗。萬劫保智用，豈但在厥年。奉戒不暫虧，世世善結緣。精思念大乘，會當體道真。

還戒頌

天尊大慈悲，說戒度衆生。威德被幽顯，果報感真靈。諸天來稽首，羣魔自束形。過去超八難，見在保千齡。

齋福行當息，相共送虔誠。流梵逸雲唱，飛香雜烟馨。瓊鳳乘丹輦，金龍駕綠軒。生死皆快樂，家國悉安寧。

燒香頌

學道當勤苦，斂信運丹誠。燒香皈太上，真炁雜烟馨。惟希開大有，七祖離幽冥。

太極頌

道以齊爲先，勤行登金闕。故設大法橋，普度諸人物。宿世恩德報，道心超然發。身飛升仙都，七祖咸解脫。

投簡頌

太上法微妙，簡錄度人天。元始告符命，時刻獲升仙。傳授救沈溺，皆得自修然。書名金錄簡，逍遙玉帝前。

度簡頌

赤明開玄圖，和暢通上虛。元始敷靈章，十部飛天書。開度九幽祖，萬遍道自居。玉阜秀瓊林，生死福德廬。自無黃錄簡，苦根焉得除。旋行誦靈章，五靈還相扶。

焚詞頌

衆生多障難，大道實矜憐。濟度

垂科教，咸令懺罪緣。罪愆遍地府，覺結已聞天。發露祈真佑，冥心感聖賢。虔恭禮三寶，願得早生天壽長年。焚詞皈上界，奏名玉帝前。

焚疏頌

聖德流科教，修齋福壽長。延生移玉簡，請命奏金章。罪名消北府，生籍注南昌。見存皆快樂，過去生福鄉。

迎真頌

天尊御天龍，百萬神仙騎。雲起自逍遙，玉音成鼓吹。花嚴如意珠，聖化不思議。惟願降瑤壇，福被羣生類。

送真頌

回輶五雲輿，騰駕九章歌。倏忽升天遠，醮壇香氣多。玄恩覃宇宙，福祿遍山河。緬想神仙路，逍遙上大羅。

送直符頌

仰啓直符使，幽顯路潛通。乘雲馳奏檮，遠涉三界中。紫清金闕邃，玄都水府宮。奏傳資瞬息，端簡俟真風。

普獻頌

普獻無邊聖，香煙散十方。願乘七寶臺，垂光五濁世。運度人天衆，咸

令上法橋。同會證無爲，勤修不退轉。

北帝頌

善哉元始尊，衆生慈父母。傾光紫微宮，曲映九幽戶。峨峨丘寒庭，回照廓冰浦。炎炎烈火獄，沛然洒法雨。圓通大哀智，常善濟衆苦。拔度長夜魂，今得稽首禮。

華夏讚

勤行奉齋戒，誦經制六情。故得乘空飛，耀景騰玉清。精心奉齋戒，吐納鍊五神。內德冠諸天，轉輪成上仙。

學道讚

學道行爲急，奉戒情制心。虛夷正炁居，仙聖自相尋。若不信法言，胡爲棲山林。

太極真人頌

神雲煥層虛，梵羅屯碧霄。元始九龍駕，真人按青輶。靈光集萬真，珠影開陽寥。出示靈寶篇，福德由是招。洞玄隱高嚴，玉音泛雲璈。无量匪得思，道海生波濤。法義同涓流，滋植成嘉苗。用以賑飢窮，教興衛中朝。帝尊壽億年，太平滅兵刀。稽首望玉晨，

靈華散金毫。

大道雖無心，可以有情求。仁駕空洞中，迴盼翳滄流。淨明三界外，蕭蕭玉京遊。自無玄挺運，誰能悟冥趣。落落天漢澄，俯仰即虛柔。七玄散幽裔，返胎順沈浮。冥期苟潛凝，陽九無虞憂。睹此去來會，時復爲淹留。外身而身存，真仙會良儔。

豐豐玄中趣，湛湛清漢波。代謝若旋環，椿木不改柯。靜心念至真，隨運順離羅。感應理常通，神識逮自徂。淡遊初無際，繁想洞九霞。飛根散玄葉，理反非有它。常能誦玉章，玄音徹霄遐。甲申洪災至，控翮王母家。永享無終紀，豈知年劫多。

金籙度命九幽拔罪頌

稽首無上道，歸心元始尊。至真妙應主，開化飛玄門。妙戒怡五靈，金書警萬神。察命定錄籍，靈符度苦魂。乘雲朝玉帝，齊契玄中人。

解冤拔罪頌

偉哉大道君，常普無量功。舟楫生死海，濟度超羅艷。罪對不復遇，福

報與冥通。用神安可測，讚之焉能窮。

功德往生頌

泠泠甘露滋，法味難思議。騫香流七真，冥冥何生疑。受此法食者，生天登紫微。

福田高巍巍，供施令清淨。一切有爲事，普皆成代命。拔汝三塗苦，施汝九玄慶。臨當受食時，諸天皆讚詠。

寒庭多悲苦，迴心禮元皇。女青靈寶符，中山真帝書。一念昇太清，再念歸太無。功歸九幽下，旋旋生紫微。

太元真人臨授洞玄經頌

八塗會無宗，乘運觀囂羅。化浮塵中除，解衿有道家。騁煙忽未頃，携真造靈阿。虛景瞻瓊軒，玄鈞作鳳歌。適路無軌滯，神音舞雲波。齊德秀玉京，何用世間多。左把玉華蓋，飛晨躡七元。三辰煥紫輝，竦盼撫明真。變踴期須臾，四面皆已神。靈文無涯際，勤思上清文。何事坐橫塗，令爾感不專。陰痾失玄機，不覺年歲分。玄波振滄濤，洪津鼓萬流。駕景盼六虛，思與真人遊。妙唱不我對，清音無誰投。

雲中騁瓊輪，孰爲塵土儔。

太極真人頌

太上大道君，出示靈寶篇。高妙難爲喻，猶彼玄中玄。自然十方土，共仰無上仙。大乎洞虛經，安坐朝諸天。上寶紫微臺，下藏諸名山。煥爛龍鳳文，戢耀在其間。妙哉太上道，無爲常自然。王侯及凡庶，所貴唯貴賢。宿命有福慶，卓拔在昔緣。法師轉相授，寶信劫數年。廣心度一切，大福報爾身。供養必得道，奉得成至真。大道無彼我，傳當得至人。

玄一一真人頌

衆妙出洞真，煥爛耀太清。奉者號仙人，體元永長生。逍遙戲玄虛，宮殿羅其形。蒨璨七寶林，晃朗日月精。龍麟交橫馳，鳳凰翔悲鳴。太上治紫臺，衆真誦洞經。捻香稽首禮，旅行繞官城。三周歸高座，道王爲應聲。人主弘至道，天下普安寧。

玄一二真人頌

虛無常自然，強名字大道。紈邈無邊際，衆妙歸靈寶。閉眼存至真，精

思降十老。升仙永無爲，靈顏常妙好。渴飲玉池醴，飢食金花草。淨世度八難，濟世諸苦惱。

玄一三真人頌

妙哉靈寶經，太上自然書。奉者致得道，號世降真來。受命宣道教，真爲超俗才。事畢升神仙，宮殿治玄臺。時降崑崙山，逍遙憩蓬萊。

張天師頌

靈寶及大洞，至真道經王。唯有五千文，高妙無等雙。奉行致飛仙，玄居治虛空。侍衛太上臺，逍遙紫微宮。萬劫猶電頃，長存永無窮。道眼已備足，豁落自冥通。幽昧無不知，安坐睹十方。

三啓頌

樂法以爲妻，愛經如珠玉。持戒制六情，念道遣所慾。淡薄正氣停，蕭然神靜默。天魔並敬護，世世享大福。鬱鬱家國盛，濟濟經道興。天人同其願，縹緲入大乘。因心立福田，摩法輪升。七祖生天堂，我身白日騰。大道洞玄虛，有念無不契。鍊質

入仙真，遂成金剛體。超度三界難，地獄五苦解。悉歸太上經，靜念稽首禮。

演道讚

天道應運，陰陽至神。察其機要，有亡其身。悟即爲上，迷者非真。

演法讚

天地萬物，陰陽四時。更相爲盜，貴合天機。聖功神明，非賢莫知。固躬輕命，審察其宜。

演術讚

絕利一源，三思反覆。徇物之機，生死在目。樂出安靜，恩生害酷。天地灾祥，時理爲福。

清靜經頌

五太初爲先，虛無道自然。混元權祖正，妙體契宗玄。演教明無上，知常假喻詮。因斯清靜德，闡化立經篇。大道隱乎形，真精混窈冥。二儀分始兆，一氣運無停。覆載誠難測，生成育只寧。陶甄能匠物，蠢動盡含靈。日月運虛空，明明甚至公。得天能久照，麗物可咸通。有質蒙光照，無情混象融。陰陽常體道，不息太無中。

妙道實難名，包含萬物生。運時充地脉，任信稟天清。吹煦真消息，冲和大化成。圓通歸一體，高下坦然平。

無相杳無蹤，難名混沌中。未萌天地日，安得雨雲風。鑿破胚渾兆，衝開物象蒙。因斯分造化，權立道無窮。

清濁陰陽氣，周流上下冲。自然成感化，終則契圓通。萬類含滋育，三元配合同。乾坤交泰定，都會一真空。

肇判兩儀分，人靈至貴尊。三才安宇宙，一物定乾坤。種種含真炁，元實相門。剛柔相濟用，體道孰能存。

降本通真體，還元見末因。春陽敷茂暢，秋候主凋淪。太極生形化，純和造物新。樞機推大運，掌握任功神。

清靜理幽深，誰能究竟尋。觀空除萬境，絕相了諸心。慧月流丹漢，慈雲覆翠岑。寂然人不動，應物顯知音。

人悟常清靜，知源妙聖機。太初無染滯，全寂隱光輝。默默藏沙界，昏昏徹紫微。三元昇降後，天地悉皆歸。

心者靈之府，神棲靜可安。貪嗔癡易作，戒定慧難觀。深要正中正，堅

持閑內閑。常無生六慾，法界自然寬。

若遣諸情欲，澄心妙洞觀。同真非物物，歸寂棄般般。水遠連天靜，山高戴月寒。圓融通智慧，壺內袞金丹。

正念無偏黨，冲虛合自然。六根塵頓息，三毒病須痊。妙道超空劫，全神達上天。些兒幽密處，玄牝自綿綿。

迷路失家鄉，都緣昧日光。心浮誠易動，境熟爲難忘。欲染何能遣，邪奸轉使荒。回頭堪悟處，返照見空王。

覺了諸塵漏，分明道眼開。色聲非有礙，知見定須埋。神靜千灾滅，心虛萬慮灰。清風穿玉戶，自有好音來。

諸相觀非相，其形是種無。內含真法界，體合太空虛。雲靜蟾光露，潭澄練色鋪。此般明顯示，何在覓殊塗。

寂照觀諸物，羣靈豈有殊。同真非可見，絕迹莫能模。了了堂中老，休休法外無。玄玄玄也泯，八極任寬舒。

廓達真空界，迴觀一物無。混融同大漠，湛寂體虛无。洞照音常寂，圓通性自如。中間並內外，不屬返元初。

達了心無物，無無實亦無。何勞

除妄想，豈在辨精麤。緣靜虛施巧，歸真任不渝。這般消息密，孰敢強名模。

萬法本來空，無無合聖功。湛然非內外，寂爾泯西東。心境雙忘處，方圓一槩同。杳冥超造化，無物悉皆通。

假寂權爲體，還當去欲因。忘緣如是息，真靜自然新。契合無生法，方知不夜春。獨超天地外，任意燕申申。

一定達真常，神光莫可量。照開三毒室，射透五明堂。寶月晴空露，迷雲蘊迹亡。清風布消息，應物任舒張。

曠劫鎮圓成，無暗亦無明。谷神常自寂，法海晏然清。正念投真路，澄心達妙程。永離生死繫，三界任寬行。

了寂沈聲迹，深通至理幽。真空寧有得，實相本無修。飲啄從他過，威儀任自由。豁然除擬議，安靜保全周。

爲證衆生化，俱亡種種求。頓超無漏果，寧許有根由。取舍安能動，因緣亦斷流。瞥然都放下，聖道可傳留。

上士何無爭，勤常抱志堅。棲真常愴泊，養素隱幽玄。俯仰觀天理，窮通達道淵。堪嗟未明者，競法昧心田。

德化非求報，恩寬肯自矜。韜光藏大器，明性瑩堅冰。默契高穹遠，深通至道弘。豈同愚士執，分別強談能。

衆生多背道，顛倒外邊求。妄想因斯有，真靈昧了休。本來無欠少，何假強持修。頓拂迷雲盡，銀蟾照玉樓。

謀事因生妄，乖真爲動神。皆心存愛欲，著物起貪嗔。常蘊無明火，還添煩惱塵。從茲緣受報，六道轉沈淪。

爲妄生嗔慾，貪癡作障緣。憂愁長繫絆，煩惱鎮纏綿。爲此迷真道，從斯就業愆。迴光能返照，自覺妙中玄。

煩惱緣興念，何曾覺自心。茫茫遭苦辱，擾擾肯沈吟。浪死無休息，虛生直至今。因而真道失，夢想轉來侵。

人若通天地，俱蒙道炁存。藏根深固蒂，滅魄返安魂。得悟長生路，須開久視門。全真神自化，無上法王尊。

三洞讚頌靈章卷中

三洞讚頌靈章卷下

三契頌

元始洞空无，三氣精上門。紫容煥太空，四明植靈根。妙化發東瓊，三便啓西崑。皓映九玄清，五華帶錦雲。離羅煥神燈，七星曜北元。飄飄上清畿，翼翼帝一尊。落落高上章，羽童何紛紛。流香本無色，洞入萬仙群。左迴三流劫，右輪萬天關。雲華纓玉雲，八鳳舞空轉。四時無停機，青白早分明。九九改劫運，三三度一椿。天地有終會，否激歸在旛。洞明正一法，嚴終六天文。

太平反空无，奉翼後聖君。靈風起西門，錦雲生東瓊。二氣煥玉洲，流香乘煙輕。五華披風散，倏忽朗九清。騫林曜朱日，黃華逐月生。中有採芝童，衣羽帶飛青。颺景萬嶺峰，逍遙宴綠軒。總御九空輪，運開無稽程。左命三天文，右攝六天兵。檢氣反空洞，天度應運傾。劫運自有會，誰測敗與

成。洪波淪雲網，六合無遺形。白尸飄長流，孤魂因復零。悲此去來際，方覺正法明。至學加精修，東華結瓊名。欣有白簡人，相與樂太平。

洞關運天綱，五氣轉三微。紫戶吐瓊簡，金門納神暉。八會交真風，晃朗重冥開。天際九清外，落落高晨迴。三色返空无，四候應玉畿。河侯已鼓筆，五行潛相推。六度無終劫，運極乘氣歸。萬魔羅天布，羣凶竟吐威。兆人負灾衝，積尸令人悲。妙哉正法文，履劫明不衰。至時相奉迎，契在九天扉。與爾期太平，放身無翻飛。

妙哉三洞響，寥寥何鈴鈴。尋聲若有無，運之不見形。響音洞十方，聽之不聞聲。

大道須入弘，遊心歸太空。朝禮運十方，昇度乘九龍。飄飄超三界，亦由雲中崇。

吾師天中尊，超超無上皇。仰觀地維表，彷彿紫炎堂。巍峨玄都室，但見仙人房。

大洞經讚

大洞真經本大乘，淵深蘊奧極玄冥。十方三世諸仙聖，修習功成達始青。三洞三乘未易涯，虛皇妙語絕纖瑕。諸經萬法歸宗祖，解悟登躋浩劫家。帝王宰輔及公侯，州牧諸官與庶流。富貴榮華無別事，總真大洞究玄猷。緇黃二教若殊途，聞禮聞詩君子儒。咸可誦持真大洞，先天先地一虛無。全真學道衆王民，萬法千門枉用心。大洞仙經持萬遍，虛皇老子自知音。世間文武及曹僚，娼妓閭閻比比儔。咸可率心持大洞，罪根削滅與神遊。大洞真詮異衆經，登仙入聖謁玄真。饒經大萬塵塵劫，圓證虛皇无上人。咄哉蠢蠢未明徒，豈識浮黎黍米珠。大洞度人元一體，等閑平地達玄都。若欲修行達上乘，爭如大洞幾篇經。盡心盡性修身法，悟得高昇大有庭。予因諸子侵斯經，述頌稱揚讚此經。

功德巍巍無盡藏，虛皇妙道本无形。

元皇天帝讚

始自蒼胡檀熾音，結成雲篆度天人。太玄道父親求受，下世方聞大洞經。大地凡夫學悟真，仙源路杳實難尋。欲知捷徑無差錯，口誦心持大洞經。宗祖前生善力輕，今生祿嗣頗艱辛。禱祈欲得如君意，何似勤看大洞經。日月无光苦併吞，星辰錯度紊天文。上消天厄寧凡庶，至土同宣大洞經。旱魃爲灾雨若金，蟲蝗水澇穀无成。普教豐稔無飢饉，祈禱全憑大洞經。工賈農商與四民，貪求不覺業隨身。忙中好割閑心力，習誦文昌大洞經。府庫資財甚滿盈，兵戈永息樂昇平。民歌有道圖長治，報國勤看大洞經。社廟神祇與百靈，欲求陞擢蓋無因。遷名善籍增威力，旦暮須聽大洞經。眷屬宗親父母魂，久留地府不超昇。欲思薦拔緣無力，齋戒勤看大洞經。

冢訟徵呼累後人，又兼譴告在天庭。
生生世世遺殃咎，解止宜看大洞經。
或爲營修與築墳，興工動土犯凶神。
致令宅宇多灾咎，解息宜持大洞經。
行病年王統五瘟，遍州歷里害生民。
保全鄰族無傳染，嚴潔同看大洞經。
月厄年灾久染身，尋醫問卜與求神。
不能解離无門告，命道皈依大洞經。
六類冤親男女魂，冥冥漠漠在幽陰。
普教受鍊生天界，好與頻看大洞經。
六道冤家結得深，冤冤相報幾時停。
欲令各各生歡喜，除是聽聞大洞經。
或爲爭財或爲嗔，一時忿怒叫神明。
結成鬼訟何時了，解雪无非大洞經。
疾病喪亡不離身，官灾盜賊苦侵陵。
財消物散如冰雪，保佑當持大洞經。
木石狐狸猴犬精，拋磚放火現人形。
作威作福求淫祀，殄滅宜看大洞經。
居處山林與僻行，蟲蛇狼虎每傷人。
尋聲迴避無遺毒，住坐留心大洞經。

士子儒生茅塞心，神童應對不聰明。
揮毫欲得如神助，先好常持大洞經。
如幻如泡是此身，炁精神裏好修真。
保全形命同天在，熟玩文昌大洞經。
莫恃家豪積萬金，天司奪祿易危傾。
有時正好修功德，割己刊行大洞經。
一片真心達上清，感通得授自三神。
此身位證天尊果，只爲勤看大洞經。
聽我重言大洞經，斯文玄奧果難名。
无边功德莫思議，普勸凡夫不可輕。
元始天王說大乘，有緣方遇此尊經。
若能終始勤修誦，共作文昌一會人。

開度法輪偈頌

吾開八門，中有玉城。七寶瓊林，
無根而生。金條穿互，蔭映上清。開
度法輪，通真達靈。上無不照，下無不
明。見有道士，晨夕誦經。長齋幽阜，
不倦晝冥。切栢中飡，素水兼濡。躬
師受法，時刻不傾。單景巖穴，獨宿孤
征。與鹿爲羣，倚林棲形。窮獸對蹲，
飛鳥哀鳴。風雲淒切，萬枯沈零。凝

冰填澗，素雪翳庭。寒癘切肌，執志殊
精。契闊林岫，難苦備嬰。勞不敢倦，
極不敢寧。展轉求道，遂感皇情。丹
書綠字，列圖玄名。神仙羽服，錦裙飛
青。鬱然而降，煥落火鈴。流霞丹輿，
三素飛駟。入我八門，乃知死生。皆
由積行，苦哉有情。

滅度行業頌

法輪開滅度，死生從願迴。積基
有明報，禍福更相摧。世眼求前生，達
士希後歸。前生功未滿，故致福報遲。
藉先勸來行，功備形自飛。前世十方
仙，歷劫乃入微。吾觀至學士，乃不領
人懷。勤行奉師寶，師佑福巍巍。輕
師失吾寶，先功永無施。勸誠成爾真，
三師度玄扉。若能體道真，法輪洞自
開。莫見此寂寂，幽冥中甚微。

命根未盡偈頌

轉輪空洞魂，滅度更死生。罪福
各有對，吉凶無偏嬰。得道行所致，緣
爾先身精。行惡招斯酷，流曳五苦庭。
天地雖悠悠，玄鑒理甚明。吾歷觀汝
輩，從師受吾經。得經叛汝師，娼嫉爭

功名。輾軻不自咎，沿路吐怨聲。致使六部司，執筆糾爾形。命滅負刀山，苦惱身是嬰。往反三塗中，豈覺形與名。化爲六畜羣，望反其冥冥。法輪有常運，去留無稽停。哀此禍福无，受報不賈生。念汝不知命，發頌爲傷情。

思念轉神偈頌

妙通轉我神，弘普無量功。道成天地劫，輪化發九重。滅度更死生，緣對各有宗。孰悟去來因，形魂無始終。積慶籍福基，身拔五難峰。脫離三惡道，蕭蕭入閑空。念度無邊境，思定感神通。法轉三度場，轉成高仙公。迴我大椿步，飄升太極宮。

宿命因緣頌

不殺得長壽，無痛常離苦。一切受天位，身安得所怙。不盜常清貴，自然錢財聚。七寶爲宮殿，歡樂當安人。不淫則不亂，身體常潔清。所生當端正，行德自聰明。不欺口氣香，言語常忠貞。所說出元道，談論使功成。滴酒不過口，無有謬誤事。常願見華實，得使天人侍。壽終昇天堂，二十五神

迎。萬神自來降，光影恒煌煌。

布施得大福，錢財自然來。所生常尊貴，傳世受歡欣。持戒常敦敬，奉受於九尊。精敬不犯惡，保得身長存。忍辱謙下人，嗔怒不形口。罵詈忍不應，祿壽常自然。精進不怠懈，念道常得真。所行合於道，壽終爲天人。念真心不退，忠信不妄言。供養諸道德，所生無艱難。能行此六善，輒得生爲人。面色端且正，自然成貴身。

慳貪不布施，私竊不養親。藏財貪妄貴，不救老窮人。妻子及下使，不衣視飢寒。端坐守財物，歿爲餓鬼殘。身不見飽足，苦毒生瘡癩。東西乞不得，家族悉滅殫。造作弄口舌，生死被剝殘。洋銅灌其口，拔舌過身半。沃口強令咽，入腹腸胃爛。生時不念善，死沒被塗炭。疽惡輕凌人，被考數萬年。罪畢後身出，便爲下賤人，元惡好殺害，盜竊反強梁。形殘入地獄，萬劫被灾殃。

常行盜竊心，負債不肯還。殺生好田獵，非法作俗緣。執行無誠信，小

言輒恚嗔。罪惡不自覺，好邪不信真。後生墮畜生，牛羊驢馬類。臭惡恒負重，如是拷萬劫。內淫犯干逆，雷電所植殺。死沒地獄中，倒懸被火焯。弄口謗真道，後生極苦難。洋銅灌其口，常抱飢且寒。

布施常不惜，普濟令衆安。即身受清貴，世得見升仙。供養好道德，齋戒見真靈。靜念心不懈，七祖昇天堂。忍辱無嗔怒，生輒得正端。學問好道德，得爲人中尊。行心能柔和，謙節下於人。救急度危厄，剋得延命長，敬奉靈寶戒，明練九宮道，委心信虛無，壽與天同老。

正有癡愚者，驕慢於二親，無有恭恪心，後生卑賤人。見寶不恭禮，違突於長者，執行不慈孝，後生爲奴婢，衣食仰於人，驅打無晝夜，受生恒苦惱，死不得免度。放蕩好淫色，至不信鬼神，後生受飢凍，所作逢艱難。負債反呪詛，貧苦罵先祖，後生作牛羊，爲人所困苦。

篤信好生道，慈心常哀哀。素儉

身清潔，化後登天機。恭奉於三寶，不驕於二親。至誠不欺詐，是行忠孝人。謹口不妄語，行心周一切。勸人遠罪目，念法不違戾。周窮救危急，功德甚難重。增筭益年壽，終身受欣泰。結友行義弘，相敬如父母。閉惡揚善德，孝悌感神靈。

欺詐好妄語，常無至信誠。心口自相反，恒受穢辱形。悖惡好誹謗，死落地獄中。洋銅灌其口，苦毒長冥冥。酒酒好罵詈，不信有鬼神。鐵鈎著其舌，痛惱當可言。脫當生人中，口氣常腥臭。爲人所憎惡，衆灾所剋注。惡念常遭逢，所向遇罪刑。無端橫嬰羅，痛毒靡不經，死復還地獄，後身作畜生。展轉五毒中，愁惱慘辱生。

奉敬歸三德，宣化勸善事。願得見仙賢，長得真人至。願撫一切賢，與我等無異。吾我心平蠲，練練道百誠。晝夜勤修學，智慧爲天人。尹生西地化，普使知道真。篤好思仙真，積念無不同。先願昇虛遊，上與希微通。積善不厭多，布惠勿吝惜。功德感仙真，

自然降丹藥。

冲妙先生朝天讚頌

上帝降命，聖筭綿長。金枝挺秀，玉葉彌芳。五星順序，七曜垂芒。赫赫煌煌，空洞靈章。福我聖皇，寶祚無疆。天清地寧，萬宇輝光。

西靈聖母，貴曳璠璠。鸞臺鳳閣，密從宸輿。虹光貫斗，月瑩太虛。穆清宮禁，永鎮天居。

挺秀雍熙運，日奉至尊前。身居龍鳳闕，名籍繼諸仙。燒香謝天蔭，長誦希夷篇。千生臻百福，列位清微天。永處逍遙境，長享福自然。

天生明哲，來贊昌期。冰棱玉峭，鳳質鸞姿。燮調元化，力贊雍熙。農歌綠野，兵戢四夷。長臻五福，永集天祺。

渙赫空洞章，靈音震九天。至真開寶蘊，傳受希夷篇。寶偈今仍過，靈文拔祖先。救度長夜魂，上登朱陵天。虔心尊所奉，朝謝虛皇前。

玉帝宣天旨，普放幽夜魂。八難俱解釋，五道悉開通。酆都絕報對，上

朝朱陵宮。羣生悟至道，永享福無窮。

玉京元始尊，生成萬化主。靈文告三官，下開九幽府。酆都炎鑊獄，慈悲灑法雨。洗滌諸罪魂，咸皆得超度。

傾心朝太極，玉帝降洪恩。天符宣地府，開度長夜魂。幽都解七祖，靈符告三官。神仙同接引，上朝朱陵天。永脫罪業根，長享福自然。

金闕大聖主，天地萬靈師。慈悲灑甘露，洗滌諸塵迷。廣演空洞章，徧使悟希夷。救拔八難苦，拋離五濁泥。超度六毒海，永謝貪嗔癡。神仙同接引，逍遙上太微。

玉帝垂靈貺，天宣告萬靈。救拔九幽苦，廣演三洞經。名奏南丹府，魂超北寒庭。永離炎鑊獄，徑出冰池城。神仙同救度，逍遙上太清。

救苦讚

吾師天中救苦尊，常善化形十方界。以此威光興大慈，救彼衆生無量苦。九夜重昏幽暗府，普令廓照生光明。牛頭獄卒盡成仙，一切沈魂皆解脫。

四目老翁地祇頌

五炁玄元真，演法度迷津。像外無法像，真中求至真。迷悟在心悟，心靈法自靈。神本無所法，生神心自生。我心若專一，神明隨心行。至理本無說，至道本無言。有像皆爲僞，神靈須我靈。欲透妙中妙，寂靜觀內心。內外無毫滯，透洞心無心。心已無名像，自然超仙廷。抱一成真一，逍遙登太清。

血湖真經頌

稽首虛无无上道，慈悲救苦大慈尊。神光百億照中昏，遍覆慈雲濡法雨。硤石溟泠無間獄，血湖血海血池盆。玉籙大赦諸罪魂，解脫沈淪萬劫苦。鍊形度命朱陵府，悟道登真衆妙門。巍巍功德難思議，永爲衆生作慈父。

拔罪心印妙經偈頌

大道澄廓，元理幽深。先天而生，運化古今。道無形體，澄濾身心。不貪不慾，不嗔不淫。是非莫識，表裏思尋。身心清淨，煩惱不侵。無起無滅，

冥漠難斟。湛然空寂，了心無心。自然合道，衆聖來欽。昇朝金闕，遊翫騫林。七祖解脫，永離幽陰。皆契心印，悟道合真。念念相繼，勿起塵心。

三洞讚頌靈章卷下

（陳耀庭點校）

060 宋真宗御製玉京集

經名：宋真宗御製玉京集。六卷。宋真宗撰。底本出處：《正統道藏》洞真部表奏類。

宋真宗御製玉京集卷之一

謝瑞麥表一道

玉皇

嗣天子臣某誠感誠慶，頓首頓首，再拜上言，臣比者朝真之禮，雖徇於僣來；若厲之心，實虞於涼薄。顧惟福壤，遽顯祥徵，俾彼膏田，再生嘉穰。睹靈休之協契，知天意之眷懷。祇荷降禎，益思自勵。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝祥瑞表三道

三清

嗣天子臣某誠感誠慶，頓首頓首，再拜上言，臣伏以龍井檜壇，禱靈禧而順拜；福庭太室，揆言日而告期。枚卜攸同，多儀斯薦，高旻降鑒，嘉應發祥。內顧眇冲，誕膺於介祉；永惟勵翼，用答於凝禎。臣無任感幸激切之至，謹奉表稱謝以聞。臣某誠感誠慶，頓首頓首，謹言。

玉皇

嗣天子臣某誠感誠慶，頓首頓首，再拜上言，臣伏以鸞馭降禎，駐僊遊於中禁；璿圖協慶，示寶誨於億年。顧令序之載臨，乃精衷而昭薦。天祺紛委，允彰眷祐之懷；夕惕無忘，益勵夤威之志。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

聖祖天尊大帝

嗣天子臣某誠感誠慶，頓首頓首，

再拜上言，伏以報況於龍井福庭，先期已戒；祇見於琳宮清廟，昭告虔伸。禮盛炳蕭，樂揚拊石。蓋靈源之敷祐，故瑞典而斯隆。錫類之仁，紹彰於丕應；遙追之孝，永勵於精衷。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝天地祥瑞表一道

玉皇

嗣天子臣某誠感誠慶，頓首頓首，再拜上言，伏以精衷昭格，乃感動於靈心；嘉應誕敷，實章明於天眷。臣比者禮文祇考，毖祀恭脩。膺穹昊之降衷，荷珍符之錫祐。祥經交煥，瑞物荐臻。表福祉之來成，示基圖之永固。內慙涼德，獲顯鴻禎，益勵小心，用承丕錫。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝雨表二道

三清

嗣天子臣某誠感誠慶，頓首頓首，再拜上言，伏以續紹慶基，統臨浹寓，寶資天祐，用保民和。近者方展燔裡，稍愆十雨，慮傷稼穡，致爽千箱。冀觀離畢之祥，庶協充箱之望。爰伸密禱，果洽明徵。式顧原田，已霑膏澤。穹旻之眷，既同影響而冥符；夙夜之心，益鑿盤盂而自勵。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

玉皇

嗣天子臣某誠感誠慶，頓首頓首，再拜上言，臣紹臨綿寓，獲致洽平，祇答鑒觀，豈忘寤寐。近者方成茂典，稍屬愆陽。多稼充箱，屢虧於豐茂；油雲觸石，冀睹於霑濡。密禱虔伸，明徵下浹，俄流甘澤，溥濟大田。眷祐之祥，既昭昭而響答；欽承之志，尤翼翼而日增。臣無任感幸激切之至，謹奉表稱

謝以聞。臣某誠感誠慶，頓首頓首，再拜謹言。

為皇子謝加恩表二道

三清

嗣天子臣某誠感誠慶，頓首頓首，再拜上言，伏以洪覆之靈，誕敷於丕祐；本枝之盛，克固於永圖。某祇受天祺，年當就傅，載詢國典，禮有建封。爰疏寵於苴茅，復升榮於環衛。誕昭嘉慶，實帝室之增華；率勵精心，庶神禧之昭報。益期介祉，常茂多祥。臣無任感幸激切之至，謹奉表稱謝以聞。臣誠感誠慶，頓首頓首，再拜謹言。

嗣皇子臣某誠感誠慶，頓首頓首，

再拜上言，伏奉制書云云者，仰被茂恩，伏增榮懼。恭以疏封之典誠，屬於本枝；列爵之崇允，歸於盛德。伏念臣適當稚齒，獲備維城。奉慈訓於承顏，方蒙天蔭；錫徽章於啓宇，遽煥國經。位峻桓圭，秩尊環衛。集邦家之異數，昭

藩屏之鴻輝。敢不自勵夙宵，服勤詩禮。務交修於忠孝，庶永洽於慶靈。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

為皇子生日表一道

玉皇

嗣皇子臣某誠感誠慶，頓首頓首，再拜上言，伏以候當朱夏，月屆正陽。鄰元曆既望之辰，乃本枝載誕之日。天心錫祐，宗緒凝禎，俾百福之咸宜，實三靈之不貺。敢不益勤齋慄，用報高明，期昭鑒之俯臨，庶繁禧之常茂。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝忠武軍大麥表一道

玉皇

嗣天子臣某誠感誠慶，頓首頓首，再拜上言，今睹忠武軍奏大麥一莖七穗者，竊以靈心眷顧，瑞典昭彰，瞻彼原

田，育茲嘉麥。而況生關輔之奧壤，俯接於都畿。因農畝之效祥，用昭於善歲。既欽承於丕祐，彌勵翼於精忠。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝玉石過淄州氣色表一道

玉皇

嗣天子臣某誠感誠慶，頓首頓首，再拜上言，今以將謀刻像，恭侍殊庭。爰自海濱，採茲燕石，遵塗所屆，善應攸敷。因景物之效祥，見穹旻之降鑒。內循冲眇，仰荷顧懷，益勵素衷，用承鴻祐。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝瑞應表一道

玉皇

嗣天子臣某誠感誠慶，頓首頓首，再拜上言，伏以靈宮款謁，將祝於純禧；瑞諜章明，用昭於景貺。矧先期

之誕戒，復清醮之方修。素魄效祥，喬雲表異。降灑灑之甘露，霑鬱鬱之喬柯。內顧眇躬，膺茲丕應。欽承之志，實積於夤威；敷祐之仁，庶隆於億萬。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

冬至謝表一道

玉皇

嗣天子臣某誠感誠慶，頓首頓首，再拜上言，伏以歲序言周，天正斯屆。大田之稼，克協於順成；率土之民，咸躋於仁壽。臣獲膺靈眷，仰紹慶基。萬國來庭，實懷於景貺；九功惟序，永賴於純禧。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

年節謝表一道

玉皇

嗣天子臣某誠感誠慶，頓首頓首，

再拜上言，伏以銅儀成歲，緹管生春。罄寓多歡，咸躋於仁壽；含靈有幸，並集於福禧。臣猥以眇躬，纘茲丕緒。夙興之志，敢怠於欽承；紹至之祥，益期於昭錫。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

奏告加上聖號表三道

玉皇

嗣天子臣某誠感誠慶，頓首頓首，再拜上言，臣猥以眇冲，承茲保佑。俯臨綿寓，既荷於監觀；仰報降真，敢忘於乾鞏。是以翹瞻紫極，恭薦鴻名。由顯應之下垂，俾精衷之上達。今則對越真像，昭示輔臣，將申命於攸司，仁誕興於徽則。清都在望，同咫尺之不違；丹腑罄伸，庶高明而斯察。謹奉表啓告以聞。臣某誠感誠慶，頓首頓首，再拜謹言。

又

嗣天子臣某誠感誠懼，頓首頓首，

再拜上言，臣紹臨區宇，獲保於隆平；降鑒基圖，永惟於眷祐。是以虔瞻普宙，仰薦強名。伸有翼之精心，答無疆之寶命。今則已頒中詔，誕告外庭。顧盛典之克伸，實鴻靈而俯照。內思涼薄，彌切夤威。但勵至恭，庶昭丕錫。臣無任精虔激切之至，謹奉表奏告以聞。臣某誠惶誠懼，頓首頓首，再拜謹言。

聖祖天尊大帝

嗣天子臣某誠惶誠懼，頓首頓首，再拜上言，臣承積累之丕緒，獲撫中區；荷太紫之鴻禎，用成至治。仰瞻璿極，祇薦寶名。克膺眷祐之仁，俾展夤威之禮。今則已伸誕告，盛顯降祥，內顧眇冲，敢忘欽翼。臣無任精虔激切之至，謹奉表奏告以聞。臣某誠惶誠懼，頓首頓首，再拜謹言。

為奏告上聖號祥瑞表一道

玉皇

嗣天子臣某誠感誠慶，頓首頓首，

再拜上言，臣恭藉鴻靈，獲隆基緒，方崇徽稱，用報監觀。恭對睟容，親告台席。遽顯彰於美應，獲紛睹於祥經。顧以眇軀，承茲景貺，但虔夕惕，以答天祺。臣無任感幸之至，謹奉表稱謝以聞。臣某誠感誠幸，頓首頓首，再拜謹言。

謝降制告諭恭上聖號表一道

玉皇

嗣天子臣某誠感誠慶，頓首頓首，再拜上言，臣獲膺寶歷，用撫烝民。承眷祐之無疆，勵夤威而有益。由是仰瞻普宙，俯率綿區。罄達精衷，上崇顯號。爰詢今日，誕布外庭。百執交趨，共忻於嘉會；九清垂鑒，增盛於禎期。敢不夕惕惟夤，夙興靡舍。庶茂宣於大典，俾欽奉於鴻靈。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝降制祥瑞表一道

玉皇

嗣天子臣某誠感誠慶，頓首頓首，再拜上言，臣抑懷純錫，俯率輿民。祇薦鴻名，茂揚寶貺。外庭宣布，方協於元辰；嘉瑞章明，用昭於丕眷。顧惟菲德，荐覲祥徵，益務至虔，永承善應。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝上寶號表一道

聖祖天尊大帝

嗣天子臣某誠感誠慶，頓首頓首，再拜上言，伏以膺積累之祥，丕圖獲啓；荷鑒觀之德，盛典攸伸。臣虔紹慶靈，撫綏黎獻。寰區底定，允賴於降禎；夙夜勵精，敢忘於昭報。是以俯同綿宇，仰望玄都，共薦丕名，庶揚鴻祐。凌兢之至方，靡於自寧；顧諟之仁遽，彰於下濟。今則已諧宣布，將講

禮容。迴天聽之蓋高，由僊源之協贊。內惟冲眇，祇戴詒謀，但益夤威，欽承錫類。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝上寶號祥瑞表一道

聖祖天尊大帝

嗣天子臣某誠感誠慶，頓首頓首，再拜上言，臣欽承覆冒，祇紹和平，但勵至虔，用膺介祉。比者俯同罄宇，恭上鴻名，式揆元辰，方從誕布。精心勵翼，尚切於戰兢；嘉應咸通，遽彰於鑒祐。永惟錫類，茂顯降禎，益務夤威，丕隆道蔭。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝允上寶號表一道

玉皇

嗣天子臣某誠感誠慶，頓首頓首，

再拜上言，臣聞丕圖累盛，由普宙之鑒臨；善應誕彰，自清都之昭感。獲荷高明之降顧，實增寤寐之夤恭。竊以臣克紹成基，有慙菲質，茂膺寶命，荐錫元符。俾四海之咸寧，賴九陽之垂貺。雖巍巍之德祇答無階，而慄慄之心勵精曷舍。由是思同率土，上薦鴻名，乾鞏內深，誠思罄竭，威神仰望，彌切凌兢。伏蒙天意冥通，靈謀協契，昭茲懇至，示以允俞。今則宣布綿區，肅修大典。豈唯冲眇，曲被於顧懷，實亦寰瀛，共承於覆冒。但勤夙夜，用表欽崇。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝祥異等表一道

聖祖天尊大帝

嗣天子臣某誠感誠慶，頓首頓首，再拜上言，伏以開奧之圖，早膺於丕錫；集真之館，爰勵於精心。顧寶閣之肇營，蓋琅函而斯奉。崇梁錯事，明

應儲祥。實聳動於輿情，益昭彰於瑞典。恭承景貺，伏積虔誠。臣無任感幸激切之至，謹奉表稱謝以聞。臣某誠感誠慶，頓首頓首。再拜謹言。

宋真宗御製玉京集卷之一

宋真宗御製玉京集卷之二

真遊殿祥瑞表十道

天

嗣天子臣某誠感誠慶，頓首頓首，再拜上言，臣欽奉僊遊，繕完祕殿，僞功斯協，降鑒尤明。顧瑞典之交呈，實靈心而不顯。載惟涼德，獲荷於祥徵；守乃慶基，益勤於潔志。臣無任感幸激切之至，謹奉表稱謝以聞。臣誠感誠慶，頓首頓首，再拜謹言。

聖祖天尊大帝

嗣天子臣某誠感誠慶，頓首頓首，再拜上言，伏以飈遊降格，蘭殿增修。顧棟宇之方新，睹祺祥之紛集。虔披瑞諫，茂顯靈心。眷祐之仁，既邦家而允洽；欽承之志，諒夙夜而無渝。臣無任感幸激切之至，謹奉表稱謝以聞。臣誠感誠慶，頓首頓首，再拜謹言。

宣祖皇帝

嗣天子臣某誠感誠慶，頓首頓首，

再拜上言，仰奉僊宗，俯新祕殿。欽承之意，獲動於監觀；紛委之祥，茂彰於尤異。內惟涼德，荐睹鴻禎。但勵戰兢，用承眷祐。臣無任感幸激切之至，謹奉表稱謝以聞。臣誠感誠慶，頓首頓首，再拜謹言。

太祖皇帝

嗣天子臣某誠感誠慶，頓首頓首，再拜上言，伏以真馭降臨，告發祥於遼古；曾軒增葺，答儲祉於清都。徵役在辰，流禎屢顯。瑞圖祇考，實祐於家邦；慶緒恭承，庶隆於宗社。臣無任感幸激切之至，謹奉表稱謝以聞。臣誠感誠慶，頓首頓首，再拜謹言。

太宗皇帝

嗣天子臣某誠感誠慶，頓首頓首，再拜上言，伏以真馭排雲，茂頒於鴻祐；曾軒燦日，用葺於宏規。言屬僞工，荐彰降鑒。禎祥紛委，永荷於垂恩；宗祐欽承，益隆於追孝。臣無任感幸激切之至，謹奉表稱謝以聞。臣誠感誠慶，頓首頓首，再拜謹言。

昭憲皇后

嗣天子臣某誠感誠慶，頓首頓首，再拜上言，伏以鴻緒發祥，皇圖累盛。言新寶構，用志飈遊。棟宇方興，荐昭於明應；祺祥疊委，實荷於貽謀。益勵孝思，以承基命。臣無任感幸激切之至，謹奉表稱謝以聞。臣誠感誠慶，頓首頓首，再拜謹言。

孝明皇后

嗣天子臣某誠感誠慶，頓首頓首，再拜上言，伏以駕飈之遊，俯臨於祕宇；凌雲之構，欽奉於靈源。完葺在辰，祺祥疊矩。瑞圖祇考，實茂於降禎；慈訓永懷，益增於追孝。臣無任感幸激切之至，謹奉表稱謝以聞。臣誠感誠慶，頓首頓首，再拜謹言。

明德皇后

嗣天子臣某誠感誠慶，頓首頓首，再拜上言，伏以層霄降迹，久駐於禁闈；崇棟增基，庶揚於寶貺。群工咸集，嘉瑞茂昭。燕翼之仁，上懷於慈訓；凌兢之志，永勵於孝思。臣無任感幸激切之至，謹奉表稱謝以聞。臣誠

感誠慶，頓首頓首，再拜謹言。

懿德皇后

嗣天子臣某誠感誠慶，頓首頓首，再拜上言，向以寶貺昭彰，飈遊臨暨。顧延真之祕殿，葺大狀之宏模。丕應荐敷，嘉祥茂顯。禎圖有煥，累集於家邦；慈訓追思，增勤於寤寐。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

元德皇后

嗣天子臣某誠感誠慶，頓首頓首，再拜上言，向以降紫清之御，久集於宸闈；恢棟宇之規，用昭於丕祐。鴻禎茂顯，嘉瑞繼臻。俯念眇躬，誕隆於美應；載惟慈訓，伏切於至懷。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

萬歲殿祥瑞表十一道

三清

嗣天子臣某誠感誠慶，頓首頓首，再拜上言，伏以內寢興工，方從於必

葺；上真降鑒，曲表於殊祥。克協祥圖，允彰靈眷。內慙菲德，茂集於監觀；仰報璿霄，但增於勵翼。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

玉皇

嗣天子臣某誠感誠慶，頓首頓首，再拜上言，近以葺宇禁闈，方從於徵役；儲仁霄極，荐睹於降禎。瑞典交臻，靈心茂顯。高明之祐，實表於無方；欽翼之心，敢忘於若厲。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

聖祖天尊大帝

嗣天子臣某誠感誠慶，頓首頓首，再拜上言，近以兩儀之殿，方葺於規模；百世之祥，茂垂於眷佑。克成壯麗，交集禎祺。眇薄之姿，曲膺於介祉；纘承之志，但勵於至虔。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

宣祖皇帝

嗣天子臣某誠感誠慶，頓首頓首，

再拜上言，近以官司率職，用葺於中闈；帝室開祥，茂膺於累善。欽承嘉貺，荐睹殊禎。瑞典有孚，實昭於鴻蔭；孝心無怠，永奉於皇靈。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

太祖皇帝

嗣天子臣某誠感誠慶，頓首頓首，再拜上言，近以宸闈必葺，久闕於興工；吉日協期，爰從於授役。宗祊積德，符瑞炳靈。仰紹丕圖，茂膺於眷祐；內循菲質，但切於凌兢。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

太宗皇帝

嗣天子臣某誠感誠慶，頓首頓首，再拜上言，近者遵壯麗之規，言脩於帝宇；膺積累之祐，茂顯於天祺。宗祐炳靈，福祥疊矩。內惟眇德，獲盛禎猷，益務欽承，用符追適。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

昭憲皇后

嗣天子臣某誠感誠慶，頓首頓首，再拜上言，近以禁宇歷年，頗虧於宏壯；良工揆日，爰務於繕完。嘉應荐彰，丕禎屢覲。宗祈之祐，俯示於發祥；夙夜之心，敢忘於追孝。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

孝明皇后

嗣天子臣某誠感誠慶，頓首頓首，再拜上言，近以中闈授役，方在繕完，普宙降祥、遽彰鑿祐，嘉祥屢睹，瑞典寔符。續紹基圖，茂臻於善應；勵精夙夜，庶展於孝思。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

明德皇后

嗣天子臣某誠感誠慶，頓首頓首，再拜上言，近以丹禁累年，莫展斧斤之效；梓人率職，荐遵壯麗之規。方在授工，屢觀薦瑞。宗祧之佑，彰累洽於有開；繕治之心，勵夤恭於善守。臣無任感幸激切之至，謹奉表稱謝以聞。臣

某誠感誠慶，頓首頓首，再拜謹言。

懿德皇后

嗣天子臣某誠感誠慶，頓首頓首，再拜上言，近以大壯之規，方崇於中禁；紛委之瑞，荐洽於禎期。宗稷降靈，家邦協吉。荷發祥之祐，介社交臻；伸追孝之心，鴻仁永恃。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

元德皇后

嗣天子臣某誠感誠慶，頓首頓首，再拜上言，近以彤闈葺宇，方屬程工，紫宙降禎，屢觀善應。瑞圖允協，丕貺實隆。宗祐之仁，俯垂於保佑；家邦之慶，愈勵於繼承。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝皇子加恩表一道

太宗皇帝啓聖院影殿

嗣天子臣某誠感誠慶，頓首頓首，再拜上言，臣祇荷天祺，茂隆世胄。熊

熊叶夢，早盛於本枝；寶玉分封，今膺於丕典。仰憑燕翼，用保延洪。屬明命之已須，勵孝思而彌積。慶靈追感，夙夜增虔。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

為元德皇后升祔表二道

天

嗣天子臣某誠感誠慶，頓首頓首，再拜上言，臣今者升祔先后，合饗神宗。揆元辰於日宮，展鴻儀於太室。允祔眷祐，獲舉典章。虔伸若厲之心，用佇來同之應。伏冀繁陰不作，愛景有融。表穹昊之降靈，俾聲明之茂著。臣無任精虔激切之至，謹奉表奏告以聞。臣某誠感誠慶，頓首頓首，再拜謹言。

又

嗣天子臣某誠惶誠懼，頓首頓首，再拜上言。臣比者，伸劬勞之感，展升祔之儀。已祇考於元辰，方虔修於合饗。慮因陰曠，或失禮容。慰夕惕之

交增，祈神休之俯洽。伏望克逢霽景，獲顯祥徵。俾盛典之有成，安孝思之無措。臣無任精虔激切之至，謹奉表奏告以聞。①臣某誠惶誠懼，頓首頓首，再拜謹言。

謝祥瑞表一道

天

嗣天子臣某誠感誠慶，頓首頓首，再拜上言，伏以僊馭降臨，聿當於陽月；元辰肇紀，用答於上旻。顧令晨之載周，乃契誠而仰薦。靈心昭感，垂嘉瑞以章明；神貺欽承，實至精而增積。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

宋真宗御製玉京集卷之二

宋真宗御製玉京集卷之三

謝皇子加恩表一道

玉皇

嗣天子臣某誠感誠慶，頓首頓首，再拜上言，比者，自天之祐下，庇於本枝；裂壤之封獲，頒於成命。臣仰膺靈眷，克盛帝圖。孺子勝衣，早憑丕蔭。名邦祚土，載峻寵章。家邦之祉實隆，太紫之仁曷報。惟思祗慄，慎守於慶基；庶洽升平，用承於大造。臣無任感幸激切之至，謹奉表稱謝以聞。臣誠感誠慶，頓首頓首，再拜謹言。

為疏決刑禁表一道

天

嗣天子臣某誠感誠慶，頓首頓首，再拜上言，伏念猥以眇冲，撫茲億兆，克隆繼體，實自降祥。今以方屬長贏，深傷縲繫。將仰祈於錫羨，敢俯議於

在寬。是用躬臨，各從原減。冀延丕祐，用保脩齡。虔伸祇告之誠，恭佇咸宜之應。謹奉表啓告以聞。臣某誠感誠慶，頓首頓首，再拜謹言。

迎奉聖像表一道

天

嗣天子臣某誠感誠慶，頓首頓首，再拜上言，伏以答元命之符，肇新於祕宇；摹高真之像，已慶於成功。僊馭遠迎，中途俯屆。荷威靈之所被，故跋履之攸宜。敢薦精衷，用揚丕貺，益期介祉，以慰僊來。臣無任瞻望激切之至，謹奉表以聞。臣某誠感誠慶，頓首頓首，再拜謹言。

謝立仗景色表一道

天

嗣天子臣某誠感誠慶，頓首頓首，再拜上言，伏以恭紹帝圖，允膺天祐。盛儀每舉，純嘏必臻。比者，聿屆元

①「聞」原作「開」，誤，據文義改。

正，言陳朝禮。顧來庭於萬國，承錫祐於三靈。旭景含和，與情胥悅。蓋高穹之委鑒，故景福以咸宜。益勵夤恭，用酬保乂。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝皇后授册表一道

天

嗣天子臣某誠感誠慶，頓首頓首，再拜上言。伏念猥以眇軀，紹茲寶命，思隆內則，用訓多方。今者，妙選元妃，俾臨中饋。庶宗祊而仰奉，期風化而下流。爰考令辰，恭膺茂典。緬瞻霄極，實茂於福禧；俯守璿圖，愈懷於祗慄。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

降聖節謝表一道

天

嗣天子臣某誠感誠慶，頓首頓首，再拜上言，伏以早紆鸞駕，俯降中闈，親聽寶音，緬聞鴻緒，肇新令節，用茂純禧。今則聿屆首冬，復臨元日。祺祥總至，實顯於顧懷；夙夜勵精，用承於保佑。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

冬至謝表一道

天

嗣天子臣某誠感誠慶，頓首頓首，再拜上言，伏以建子之月，履長之辰，九域蒸黎，克隆於祉福；萬齡命歷，益洽於延洪。臣內顧眇躬，紹膺丕構。無疆之佑，曲荷於鑒臨；若厲之心，益隆於欽奉。臣無任感幸激切之至，謹奉表稱謝以聞。臣某誠感誠慶，頓首頓首，再

拜謹言。

玉皇

嗣天子臣某誠感誠慶，頓首頓首，再拜上言，臣祇守成基，顧慙涼德。膺上穹之錫祐，致率土之洽平。今以冬律戒期，天正協節。九圍底定，咸被於福禧；五稼順成，罔聞於疵癘。荷紫清之貺施，增夙夜之戰兢。期益勵於撫綏，用永康於生植。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

年節謝表一道

天

嗣天子臣某誠感誠慶，頓首頓首，再拜上言，伏以三陽肇始，萬彙咸新，溥率來賓，或脩於職貢；照臨無外，並洽於王正。臣獲紹慶靈，誕膺保佑。懷生之福，既荷於昭彰；報貺之心，愈增於祗慄。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝聖祖降表一道

三清

嗣天子臣某誠感誠慶，頓首頓首，再拜上言，今月十七日、十八日獲於夕寐，得奉靈期。二十四日，爰在禁庭。肇紆鸞駕，丕休所集，方冊未聞，眇德載思，戰兢罔措。伏念臣紹承，命曆臨撫，烝黎夕惕，靡忘夙興。是念高穹之聽，俯鑒於勵精；率土之濱，克諧於治定。向者，荐頒祕籙，恭展上儀，實愧冲人，遽揚盛節。比者，九天司命，天尊神遊。預兆僊馭下臻，仰觀睟容，俯聞寶訓。清都景祐，紛屬於有邦；紫府高真，誕恢於駿命。此蓋三神介祉，百福來同。錫乃鴻禧，彰于玄鑒。敢不愈勤夙夜，益務恪恭。庶增祗慄之懷。永報監觀之德。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

上梁表一道

玉皇

嗣天子臣某誠感誠慶，頓首頓首，再拜上言，伏以向者，元符申錫，靖館肇營。建寶閣之宏規，奉靈文之祕檢。僦工有漸，層構爰成，言届令辰，聿陞巨橑。俾殊猷而允集，荷介祉之下昭。益勵夤恭，用膺顧諟。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

祈福表四道

聖祖天尊大帝

嗣天子臣某誠感誠慶，頓首頓首，再拜上言，伏以慶靈下浹，肇啓昌圖。祉福無疆，實期丕蔭。臣永惟眇質，思獲純禧。敢虔望於清都，用恭禱於鴻應。伏望誕彰景貺，以庇於家，邦允勵精，心庶安於海域。臣無任精虔激切之至，謹奉表奏告以聞。臣某誠感誠慶，頓

首頓首，再拜謹言。

又

嗣天子臣某誠惶誠懼，頓首頓首，再拜上言，伏以靈謀降鑒，世德儲禎。昭積累之鴻仁，佑盈成之丕緒。臣顧惟眇質，克紹慶圖，祇述精衷，用祈鴻應。伏望夤威克照，祉福茂臻。彰景貺於九清，保崇基於億載。臣無任精虔激切之至，謹奉表奏告以聞。臣某誠惶誠懼，頓首頓首，再拜謹言。

又

嗣天子臣某誠惶誠懼，頓首頓首，再拜上言，伏以長發之符，克成於帝業；不匱之孝，思集於天祺。載念臣祇荷慶靈，惠綏區寓，將祈純嘏，允勵精心。伏望美應無疆，祥徵丕顯，愈勤纘服，用報詒謀。臣無任精虔激切之至，謹奉表奏告以聞。臣某誠惶誠懼，頓首頓首，再拜謹言。

又

嗣天子臣某誠惶誠懼，頓首頓首，再拜上言，伏以帝圖之盛實，自於發祥；道蔭之隆允，期於降顧。臣茂承丕

緒，思庇無疆。祇叩玄都，庶諧有應。伏望昭彰純嘏，鑒佑下方。愈極夤威，用承覆冒。臣無任精虔激切之至，謹奉表奏告以聞。臣某誠惶誠懼，頓首頓首，再拜謹言。

謝道場表一道

聖祖天尊大帝

嗣天子臣某誠感誠慶，頓首頓首，再拜上言，臣祇答降禎，虔脩法醮。荐隆孚佑，愈罄精心。慶五稼之順成，仰懷丕蔭；考九清之科教，用達至誠。高明洞照於丹衷，興寐益欽於鴻應。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

五嶽觀祥異表一道

玉皇

嗣天子臣某誠感誠慶，頓首頓首，再拜上言，伏以列嶽儲祥，中區是仰。集靈建宇，宏構方新。精感所通，明徵

斯顯。表神心之鑒佑，增人意之夤威。內顧眇躬，獲臻嘉應。欽酬景貺，倍勵素衷。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

星見謝表一道

玉皇

嗣天子臣某誠感誠慶，頓首頓首，再拜上言，昨以祇謁檜庭，欽崇於至道；仰瞻珠緯，濬發於丕禎。觀瑞彩於德星，見祥徵於寶曆。太宮飲至，歲律未移。霄極著明，靈輝再覲。穹蒼垂祐，溥率同和。冲眇之軀，荐臻於福祉；凌兢之志，愈切於纘承。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝玉津園種成占城稻表一道

玉皇

嗣天子臣某誠感誠慶，頓首頓首，

再拜上言，向者，肅膺寶眷，昭示嘉生。自殊俗而結根，屆中區而挺質。可滋瘠土，足拒驕陽。俾畎畝之農民，保倉箱之歲事。爰居靈囿，肇伸播植之功；暨涉商秋，允副順成之望。洪惟景貺，茂集禎圖，愈勵克恭，奉承介祉。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝降制立后表一道

玉皇

嗣天子臣某誠感誠慶，頓首頓首，再拜上言，伏以臣實愧眇躬，獲膺寶命，思崇內治，用訓中區。必淑問以言求，冀柔儀而允穆。某氏早聞令德，夙冠後庭。將敷化於河洲，俾正名於椒掖。已頒明詔，俯告外朝。此蓋穹昊眷懷，家邦集慶。期茂揚於壺教，庶祇奉於宗祊。恭答景靈，敢忘勵志。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝景色表一道

玉皇

嗣天子臣某誠感誠慶，頓首頓首，再拜上言，伏以臣獲紹成基，誕膺丕佑，將興盛典，必荷殊禎。比者言舉舊章，式崇中饋。當外庭之誕告，遽美應以來臻。景物融和，祺祥昭顯。但內增於乾鞏，用仰答於高明。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

謝禮畢表二道

玉皇

嗣天子臣某誠感誠慶，頓首頓首，再拜上言，伏以靈期昭示，真馭格思。錫以天禧，述茲帝緒。欽承寶命，冀答於丕休；祇率精衷，用伸於明薦。至神委鑒，美應誕敷。景氣融和，祺祥昭顯。紹膺純祉，允茂珍圖。敢忘夙夜之憂勤，以答圓清之貺施。臣無任感幸

激切之至，謹奉表稱謝以聞。臣某誠感誠慶，頓首頓首，再拜謹言。

又

嗣天子臣某誠感誠慶，頓首頓首，再拜上言，伏以肇膺寶命，旋降真遊。述帝緒之綿長，示天休之紛屬。至神保佑，允協於格思；嘉薦苾芬，敢伸於昭報。虔誠洞達，美應章明。旭景流輝，殊禎表異。載惟涼薄，克荷監觀。勵精意而有加，答景靈而無捨。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

承天節表一道

玉皇

嗣天子臣某誠感誠慶，頓首頓首，再拜上言，伏以穹昊降康，祖宗流慶。顧惟眇德，獲紹丕圖。當仲呂之御辰，乃猗蘭之協吉。隆平之緒，昭介祉於中區；保佑之徵，荷錫禧於霄極。愈思勵翼，用答監觀。臣無任知感戰汗激切之至，謹奉表稱謝以聞。臣某誠感誠

慶，頓首頓首，再拜謹言。

謝迎奉聖像瑞應表一道

玉皇

嗣天子臣某誠感誠慶，頓首頓首，再拜上言，昨以緬瞻福地，摹肖像而成功；祇遣輔臣，奉僊遊而戒路。荐承委鑒，誕集繁禧。屬跋履於洪川，實紛綸於景貺。奉安恭館，永伸欽翼之心；錫祐睿圖，常佇昭彰之應。臣無任感幸激切之至，謹奉表稱謝以聞。臣某誠感誠慶，頓首頓首，再拜謹言。

宋真宗御製玉京集卷之三

宋真宗御製玉京集卷之四

天貺節表二道

三清

臣名言向者，紫壇潔祭，將建於元封；綠字降祥，實昭於景貺。肇新佳節，用顯靈期。霄極降康，紹膺於多福；璿璣仰察，復屆於今辰。况施永懷，誠明益勵。臣無任感幸激切之至，謹奉表稱謝以聞。臣名誠感誠慶，頓首頓首，謹言。

玉皇

臣名言向者，日觀建封，將成於大典；河圖錫祐，遽顯於鴻禧。紀丕應於元辰，肇嘉名於令節。寅威之志，故夙夜以無忘；保乂之祥，屬歲時而斯浹。益期齋慄，用答顧懷。臣無任感幸激切之至，謹奉表稱謝以聞。臣名誠感誠慶，頓首頓首，謹言。

謝上尊號表二道

天

臣名言臣虔議升中，用伸報本。勉從群望，祇受崇名。仰荷天休，俯增夕惕。臣名誠感誠幸，頓首頓首。竊念臣繼臨大寶，嗣撫群生。顧慙寡昧之姿，克致隆平之治。蓋三辰之垂祐，俾百福以咸宜。由是恭答元符，聿陳封祀，眷言率土，固薦徽稱。載揆令辰，允膺茂典。由穹旻之降鑒，成億兆之樂推。敢不益勵小心，愈勤昭事。思上疇於顧諟，唯下泰於蒸黎。臣無任齋慄戰汗激切之至，謹奉表稱謝以聞。臣名誠感誠慶，頓首頓首，謹言。

玉皇

臣名言伏以高明垂視，用協於無私；歷數會昌，允鍾於有德。玄休俯洽，徽號爰增。雖仰荷於慶靈，實內慙於寡昧。竊念臣誕膺景貺，嗣守成基。賴穹昊之眷懷，奉祖宗之謀訓。夙宵自勵，小心常畏於三辰；遐邇粗康，至

治未臻於萬彙。屬以青陽，叶吉黃素。垂文式疇元命之符，虔採上封之議。非敢揚於盛節，但期答於洪禧。豈意斑白群黎，搢紳庶尹，封章並獻，稱謂載加。顧溢美以爲虞，匪當仁而可處。屢形敦讓，靡奪輿情。又念，儀天尊道之名，蓋施於昭事；寶應章感之旨，寔契於降祥。難遂固辭，遽從祇受。埃克終於祀禮，方聿舉於冊書。輒伸薦告之文，庶達寅恭之志。永惟涼薄，彌不迨違。謹奉表啓謝以聞。臣名誠感誠懼，頓首頓首，謹言。

謝偃兵表二道

玉皇

臣名言臣自纘丕圖，常虞黷武。非因式遏於寇亂，未嘗輕舉於甲兵。載念先后開基，中區未靖。每興薄伐，止爲弔民。今則穹壤眷懷，書文無外，集茲成命，屬于冲人，祇慄內增，寤寐無措。是以俯伸精懇，仰謝鴻靈。伏冀昭介祉於祖宗，示降祥於冲眇。勵至

誠而有翼，敷丕應而無垠。臣無任知感
祈恩激切屏營之至，謹奉表奏告以聞。
臣名誠惶誠懼，頓首頓首，謹言。

聖祖天尊大帝

臣名言臣恭承丕歷，常戒佳兵，苟當
疆場之無虞，未嘗戈甲而先舉。載念
兩朝創統，諸夏未康。每興薄伐之師，
蓋徇徯來之志。今則慶靈所祐，區宇
大同。猥以眇躬，續茲鴻緒。內惟戰
慄，交集衷心。敢罄精誠，用伸昭謝。
伏望降禎於二后，介祉於冲人。馨勵
由衷，誕期丕應。臣無任精虔激切之
至，謹奉表奏告以聞。臣名誠惶誠懼，頓
首頓首，謹言。

為二聖祈謝表二道

玉皇

臣名言臣祇荷鴻明，紹臨綿寓。好
生之德，常稟於高穹；黷武之譏，敢忘
於古訓。蓋每因於禦敵，乃暫動於興
師。載念二后，御圖四方。未一蒸黎，
無告即用，軫憂戰伐，伸威止期，平亂

實靡。佳兵之志，本懷濟物之心。今
則萬域攸同，三神所祐。追念干戈之
未戢，諒惟寤寐以責躬。伏願敷介福
於祖宗，錫純禧於冲眇。申衷之感，增
夕惕以交深；不幸之仁，佇天祺而斯
洽。臣無任精虔激切之至，謹奉表奏告
以聞。臣名誠惶誠懼，頓首頓首，謹言。

聖祖天尊大帝

臣名言臣內惟涼薄，祇紹慶靈。法
天道而子民好生是務，肆威武而樂戰
誓志不為。每屬興師，莫非應敵。載
念祖宗創業，書軌未同。俯徇徯來，雖
伸於薄伐；暨當克勝，即用於懷柔。
志本異於佳兵，心但期於拯溺。今則
上旻敷佑，浹寓大康。追思未息於干
戈，或慮莫分於玉石。是以虔伸精意，
顛佇鴻禎。伏望福二后於上仙，庇冲
人於纘服。罄輸丹腑，祇謝皇明。恭
惟察懇悃之心，靡忘於寤寐；錫紛綸
之祉，永佑於家邦。臣無任祈恩懇禱激
切之至，謹奉表奏告以聞。臣名誠惶誠
懼，頓首頓首，謹言。

祈雨表一道

玉皇

臣名言伏以災沴之生，信由於人
事；精誠所至，必動於靈心。竊念臣獲
嗣丕基，實慙昧道，徒懷惕勵，罔致和
平。顧雨澤之久愆，慮農耕之失望。
雖再形於懇禱，尚未克於感通，啓處不
遑，鑿寐無措。三辰垂戒，蓋德教之有
虧；九穀靡登，在蒸黎而可念。是以
重形悃悃，仰訴高明。伏願息鳴鳶之
風，駐離畢之月。流茲鴻澍，蘇彼嘉
生。剪爪之勤，故弗違於終日；膚寸
之潤，期普濟於大田。臣無任精虔激切
之至，謹奉表奏告以聞。臣名誠惶誠懼，
頓首頓首，謹言。

謝雨表二道

玉皇

臣名言臣聞，風雨不時，誠由於寡
昧；乾坤垂佑，乃致於感通。竊以臣獲

嗣慶基，未臻至治，刑政有失，早曠為災。民將廢於春耕，心實增於夕惕。是以屢伸精禱，庶格靈休。果膏澤以應期，俾原田而無害。此蓋高明顧諟，博厚眷懷。豈涼德之可當，諒群生之共荷。既霑既足，俯遂於虔祈；克儉克勤，愈懷於祇畏。冀罔違於勵翼，用昭答於鑒觀。臣無任感幸激切之至，謹奉表稱謝以聞。臣名誠感誠慶，頓首頓首，謹言。

又

臣名言伏蒙聖慈，特賜降雨者。臣聞風雨不時，誠由於寡昧；乾坤垂祐，乃致於感通。臣名誠歡誠慶，頓首頓首。伏念臣獲嗣丕圖，未臻至治，刑政有失，早曠為災。纔露精誠，普施甘雨。此蓋睿慈委曲，聖眷彌隆。豈涼德而可當，諒群生而同慶。得觀豐稔，樂上瑞於寰區；更勵寅恭，思少酬於生育。臣無任感恩荷聖歡忭榮懼之至，謹奉表稱謝以聞。臣名誠歡誠慶，頓首頓首，謹言。

又祈雨表四道

玉皇

臣名言近以亢陽為沴，甘雨未霑，慮有損於嘉生，致莫登於善歲。仰瞻層宙，備形顯若之懷；俯濟大田，靡獲霈然之應。敢再伸於精意，庶克動於靈心。俾鴻澍而允諧，使中疇而協望。凌兢斯積，鑒佑期臻。臣無任精虔激切之至，謹奉表奏告以聞。臣名誠惶誠懼，頓首頓首，謹言。

又

臣名言近以甘澤未霑，大田慮損。倉箱之望，莫保於順成；夙夜之心，靡違於寧處。是以仰瞻環極，疊貢精衷。伏望洞鑒誠明，誕敷福應。俾驕陽之退舍，使嘉雨之順時。濟平秩之民，克諧於善熟；答無疆之祐，敢怠於寅威。臣無任精虔激切之至，謹奉表奏告以聞。臣名誠惶誠懼，頓首頓首，謹言。

聖祖天尊大帝

臣名言近以自屆春時，頗愆十雨，

永言農事，慮爽千箱。雖仰叩於清都，尚未霑於鴻澤。俯慙涼薄，益用兢心。再禱慶靈，虔思孚祐。俾其濛之斯降，庶既渥而可諧。允獲朝濟，敢渝夕惕。臣無任精虔激切之至，謹奉表奏告以聞。臣名誠惶誠懼，頓首頓首，謹言。

又

臣名言近以灰管言新，油雲罕布。祁祁之澤，莫潤於原田；芄芄之苗，慮傷於億庾。雖慶靈而仰叩，顧霑洽而未諧。伏望俯照至虔，誕隆丕應。俾茲零雨，濟彼中疇。夙夜之心，實戰兢而無措。紫清之貺，庶昭感而有孚。臣無任精虔激切之至，謹奉表奏告以聞。臣名誠惶誠懼，頓首頓首，謹言。

為火罪已表一道

天

臣名言伏以高明降顧，實顯諸仁，冲眇承基，豈忘罪己。中謝竊念臣維城後夜，烈焰延焚。火禁不修，致震驚之斯作；政經內省，乃祇畏而交增。今

則寤寐載思，啓處無措，敢述宣於丹抱，俟臨鑒於層穹。臣無任戰兢憂惶激切之至，謹奉表待命以聞。臣名誠恐誠懼，頓首頓首，謹言。

謝降天書表一道

天

臣名言臣嗣守慶基，獲膺駿命。當上春之旭日，受大帝之祥符。靈貺荐臻，丹衷增惕。臣名誠惶誠恐，頓首頓首。伏念臣猥以涼薄，寅奉宗祧，幸一紀于茲，荷庶邦咸乂。撫綏黎獻，祇畏穹玄。慮政之未孚，懼德之弗類。常加勵翼，罔敢怠違。豈謂蒼昊儲祥，高真降鑒。爰因獻歲之始，特垂祕籙之文。諭以十世之延長，誨以爲治之清靜。周旋戒勗，俯伏震驚。臣敢不上奉神休，恭膺純錫。虔守大中之道，用康率土之民。益誓精勤，少酬覆露。臣無任懇禱激切之至，謹奉表稱謝以聞。臣名誠感誠慶，頓首頓首，謹言。

謝東封禮畢表一道

天

臣名言近者寶籙儲祥，岱宗展禮。荷洪休之載洽，俾茂典以無違。臣誠感誠幸，頓首頓首。伏念臣嗣守成基，撫臨寓縣，內循寡薄，莫庇蒸黎。徒惕厲以自勤，何施德教；顧治平而僅致，實繫明靈。屬祕檢之下臨，因輿民之上請。爰登喬嶽，用答元符。薦蒼璧而奠黃琮，精誠雖竭；寶百神而來萬國，冲眇皈慙。敢期雲起於圜封，尚虞雨至於中阪。今則泥金告畢，瘞玉言終，盛禮咸宣，殊禎顯應。六驂初往，免迷駕於襄城；七萃來歸，克受釐於宣室。非高明之眷佑，豈福祉之誕膺。唯當勵翼君臨，憂勤子育。庶阜安於品物，用昭報於穹旻。臣無任祇畏戰汗屏營之至，謹奉表稱謝以聞。臣名誠感誠慶，頓首頓首，謹言。

謝上二聖謚號表一道

天

臣名言臣恭答元符，登封神嶽。伸嚴配於穹壤，增尊謚於祖宗。盛禮載揚，景靈是荷。臣名誠感誠幸，頓首頓首。竊念臣顧慙涼德，嗣守成基，俯慶隆平，仰懷錫羨。是以勉從輿議，虔舉上儀。陳禋祀於喬峰，聿崇大報；益徽名於清廟，用展孝思。伏賴眷佑下臨，典章克振。獲諧追遠之志，克資降鑒之明。敢不寅畏居心，憂勤思治。庶保綏於萬國，期對越於三辰。臣無任齋慄戰汗激切之至，謹奉表稱謝以聞。臣名誠感誠慶，頓首頓首，謹言。

謝秋成表一道

玉皇

臣名言臣聞庶彙生成，並繫於妙道；三天政令，咸稟於虛皇。既福應以攸彰，實降祥而允賴。臣夙慙涼德，獲嗣成基。百姓爲心，常思於惠養；一夫失所，豈敢於違寧。由怵惕以疚

懷，致杳冥而垂佑。瞻言南畝，方屆中秋。望莓莓之原田，盈芄芃之穡事。為水為旱，雖申傲於冲人；如茨如梁，寔無愆於多稼。允致豐年之上端，用安比屋之蒸黎。此蓋正直儲靈，高明降監。由元和之交感，俾嘉應以昭宣。敢不履薄增虞，乘奔積懼。俯慎君臨之道，仰符子育之仁。臣無任感幸激切之至，謹奉表稱謝以聞。臣誠感誠慶，頓首頓首，謹言。

謝今歲無事表二道

天

臣名言臣獲以寡昧，恭紹慶靈。祇畏三神，雖小心而罔舍；在宥萬國，顧明德以多慙。今者构建云周，湯春俯屆，嘉生允植，善氣交臻。蓋穹昊之儲靈，故黔黎之集福。敢不益思齋潔，用答顧懷。若厲之誠，既夙宵而增惕；紹至之祐，期區夏以膺常。臣無任感幸激切之至，謹奉表稱謝以聞。臣名誠感誠慶，頓首頓首，謹言。

三清

臣名言臣獲守丕基，有慙盛德。乘奔之志，唯戒於怠違；降鑒之明，誕昭於顧諟。今以言周斗建，肇屆天正，疵癘靡興，封疆絕警。祇荷九陽之眷佑，用諧萬國之晏寧。恭答慶靈，愈增虔鞏。期明徵之紹至，俾庶彙以常康。罄露精衷，佇迴嘉應。臣無任感幸激切之至，謹奉表稱謝以聞。臣名誠感誠慶，頓首頓首，謹言。

謝天慶節表二道

天

臣名言臣顧慙寡昧，祇荷景靈。俾區夏之感寧，賴穹旻之委鑒。向以誕膺眷祐，昭錫珍符，肇紀元辰，用揚丕應。今則載周月紀，益茂神休。答玄貺於高明，但增夕惕；降鴻禧於溥率，愈冀日新。庶保治平，永綏蠢動。臣無任感幸激切之至，謹奉表稱謝以聞。臣名誠感誠慶，頓首頓首，謹言。

三清

臣名言臣紹膺命歷，獲撫中區。仰荷眷懷，用康庶彙。向以青陽肇屆，綠曆荐頒，祇協靈辰，聿新令節。今則載周四序，紛委千祥。齋慄之心，故無忘於寤寐；高明之祐，期紹集於家邦。虔露精衷，佇迴玄應。臣無任感幸激切之至，謹奉表稱謝以聞。臣名誠感誠慶，頓首頓首，謹言。

玉皇

臣名言臣獲嗣寶圖，實慙菲德。俾人倫之交泰，由天意之曲成。向以貺施下臨，珍符申錫。仰儲休於獻歲。紀協吉於靈辰。今則言屆履端，益彰降鑒。二儀顧諟，實增祇畏之誠；九土樂康，更竚格思之應。庶紹膺於景福，用永庇於群生。臣無任感幸激切之至，謹奉表稱謝以聞。臣名誠感誠慶，頓首頓首，謹言。

宋真宗御製玉京集卷之四

宋真宗御製玉京集卷之五

告謝詞六道

天

臣早因主鬯，遂至承祧。但思憂勤，罔敢逸豫。荐更歲律，馴致成平。蓋襲慶於祖宗，每推功於穹昊。爰陟東岱，俯順下民。殊庭睠懷，休祐斯及。肸鬻無際，符瑞荐臻。惟仰頌於昭回，誠不忘於戒懼。臣無任懇倒之至，謹詞。

又

臣纂承鴻業，欽奉上天。雖萬務憂勤，不忘宵旰，而八方清謐，實自鑒觀。寶符已示於殊禎，真馭復宣於景命。內惟涼薄，彌負戰兢。但持勵翼之懷，庶答高明之賜。臣無任懇倒之至，謹詞。

玉皇

伏以三界攸宗，十方所仰，尊惟太上，位極高真。蓋浩劫以難窮，固強名

之不及。臣叨膺寶曆，嗣撫蒸黎。荷茲睠懷，蒙被純嘏。深惟大幸，併在眇躬。寢寐不遑，祇慄無措。臣無任懇倒之至，謹詞。

又

伏以造物之源，咸歸於大道；列真之長，是處於高天。睠祐所臨，欽承敢怠。內慙涼德，叨嗣慶基。雖已洽隆平，而益深祇畏。至誠斯罄，景貺聿垂。敢不愈勵精心，虔遵寶訓，永期昭事，少答顧懷。臣無任懇倒之至，謹詞。

聖祖天尊大帝

伏以高極九天，位尊衆聖。是推寶命，下迨冲人。若乃銷偃五兵，每歸功於道廢；懷柔萬國，實受賜於真庭。雖寅畏之常，深於德教，而何有屢膺戩穀，交霈純禧，顧負荷以莫遑，惟兢惕而彌厚。臣無任懇倒之至，謹詞。

東嶽岱嶽觀

三清

伏以無得而升天，所以爲大；莫知其始道，於是居尊。竊念祇嗣丕圖，荐膺瑞命。喬峰檢玉，已藉於江茅；

吉壤瘞繒，復觀於汾鼎。賴高明之眷祐，俾典禮之昭彰。由是瞻紀號之名山，顧集靈之珍宇，式嚴清醮，用答鴻休，期精意以洞神，竣殊禎而狎至。臣無任懇倒之至，謹詞。

謝聖祖降臨詞二道

玉皇

伏以無始太虛，莫窮真躅。含生有象，皆被大恩。萬化推尊，百王受命。惟冲人之寡薄，紹曆數之延洪。獲蹈真風，遐依聖廕。清宵警寐，遽降於靈仙；紫殿凝神，恭承於祕訓。敢不虔遵景貺，愈勵深衷。益脩精潔之儀，用伸致謝之禮。臣無任懇倒之至，謹詞。

聖祖天尊大帝

伏以治國之基，奉天爲大。化民之本，崇道居先。在欽翼之不忘，故感通而斯至。殊祥兆夢，真馭應期。屬清夜之方闌，降紫宸而彌久。躬宣聖訓，昭示靈徵。享是不休，實慙涼德。

謹當益勤庶政，上答洪恩。臣無任懇倒之至，謹詞。

祈福庇民詞六道

天

伏以秉茲一氣，總彼萬靈。實覆育於群生，用鑒觀於率土。竊念鴻基嗣守，景貺荐膺。雖粗致於治平，故無忘於惕厲。尚虞品彙，罔獲晏安。允資下濟之靈，俾協咸寧之治。是以虔伸清醮，罄達素衷。伏望祥降九清，惠流六合，星躔靡爽。年穀有成，衡漳泰華之封；疆場不聳，廣漢番禺之域。縣道常康，凡混車書，並消疵癘。儻荷高明之賜，愈增齋慄之心。臣無任懇倒之至，謹詞。

三清

伏以混元之教，無方之神，蓋典治於百靈，用生成於萬有。竊念欽承駿命，紹撫中區。期茂育於黎氓，但祇畏於穹昊。尚虞涼薄，罔致隆平。思荐擁於殊禎，爰仰祈於純錫。是以虔修

清醮，用達素衷。伏望玄應昭彰，黔民富壽，三辰順序，百穀用成。交河遼海之封，永通聲教；五嶺二江之域，常獲底寧。克協惠綏，允資顧諟。敢勵寅恭之意，載求保佑之仁。臣無任懇倒之至，謹詞。

聖祖天尊大帝

伏以炳煥威靈，發攝瑞命。精心所仰，純錫攸臻。將下庇於蒸黎，實上憑於丕應。伏冀人無疵癘，歲保順成。十雨協期，五星順軌。偃七兵於率土，和一氣於含生。清醮宿陳，用祈於降鑒；洪禧載洽，允賴於儲休。臣無任懇倒之至，謹詞。

又

伏以俯祐蒸民，允資神道。上迴玄鑒，必勵精心。竊念嗣撫中區，內慙闕政。去秋多稼，頗失於歲功；今載甫田，益虞於天厲。是以素衷下罄，鴻福仰祈。伏冀風雨不愆，倉箱有望。恭俟昭彰之應，彌增戰慄之懷。臣無任懇倒之至，謹詞。

聖祖天尊大帝

伏以含生之患，雖默定而有期；錫類之祥，必鴻禧而可禱。緬瞻戎壘，俯介邊陲。屬洪潦之流行，慮群倫之失所。將祈景貺，敢薦精衷。庶洞照於寅威，用誕敷於祉福。俾民災之弭息，賴天祐之昭彰。臣無任懇倒之至，謹詞。

太清宮

聖衆

竊念猥以眇躬，紹臨大統。荷百靈而降鑒，俾九寓以咸宜。瞻瀨水之福庭，有清都之祕館。實昭介祉，俯庇含生。是以祇遣廷臣，遠伸潔醮。載形密疏，聿道丹衷。冀不昧於至神，用誕敷於景貺。臣無任懇倒之至，謹詞。

謝天禎節詞一道

聖祖天尊大帝

伏以明靈之顧，既昭昭而下臨；祇畏之心，乃乾乾而上達。向者長贏之月，鬱蒼之區，方展於元封，荐頒於

祕檢。紀茲令序，用志於延祥；錫以繁禧，彌彰於降鑒。載臨吉日，虔仰清都。敢伸昭薦之精衷，益佇來同之美應。臣無任懇倒之至，謹詞。

會靈觀興工詞一道

伏以靈鑒錫符，荐承於丕應；精心報祝，實罄於至誠。竊念躬接誨言，眇聞鴻緒。肇建集真之宇，用昭長發之符。爰揆日以聚工，遽延祥而介祉。緬瞻恭館，仰謝繁禧。期肸鬩以下垂，庶靖恭而上達。臣無任懇倒之至，謹詞。

景靈宮興工詞一道

玉皇

伏以倦遊昭格，恭覲於睟儀；實誨欽承，緬聞於丕緒。荷發祥而斯在，期錫類以無疆。乃葺宇於福庭，伫降真於霄極。庶工經始，慎考於元辰；嘉應流禎，誕昭於景祝。敢虔伸於精意，用祇答於明禎。臣無任懇倒之至，

謹詞。

皇子生辰詞二道

天

伏以臣紹膺元曆，實愧眇冲。獲茂本枝，允昭祝施。瞻言孺子，荐屆生辰。承保佑之至靈，克諧安乂；感高明之介祉，益勵寅恭。敢罄達於精衷，冀永敷於純錫。臣無任懇倒之至。謹詞。

玉皇

伏以臣紹膺命曆，實荷慶靈。仰上帝之眷懷，俾本枝之蕃茂。眷言繼體，俯及勝衣。屬生日之戒辰，感神心之降鑒。敢伸精意，用答鴻禧。庶曲茂於延祥，俾永膺於介福。臣無任懇倒之至，謹詞。

祀事祈晴詞一道

三清

伏以妙道無方，至神虛受，獲膺保佑，諒在虔恭。比者言徇輿情，恭修潔

祀。將川塗而載涉，恐雨雪以交零。致茲扈從之人，因乃泥塗之事，敢伸精意，冀格不休，庶自啓行，暨臨旋蹕。克免常陰之患，允彰降鑒之靈。臣無任懇倒之至，謹詞。

為蟲螟詞二道

三清

伏以強名之道，與太始以俱生；不宰之神，蓋群倫而總治。竊念恭膺命曆，唯務戰兢，惠養黎元，常期昭泰。眷都畿之接壤，屬農事之方興。遽產飛蝗，漸傷多稼。實仰資於天鑒，用俯殄於人災。是以祇竭素衷，上祈丕應。伏望清都降祐，金闕儲祥。俾疵癘之咸消，使和平之溥洽。明明之福，儻荷於來成；慄慄之心，愈思於若厲。臣無任懇倒之至，謹詞。

玉皇

伏以百神受職，咸聽於上靈；萬彙化成，並資於至道。洪惟丕應，實顯洪休。竊念祇嗣慶基，有慙涼德。惟

精心而自勵，庶和氣以常臻。屬以都畿，暨茲關輔。顧農耕而屆候，遽螟螣而為災。思上格於明徵，敢下伸於精意。庶膺純錫，以兆豐年。伏望玄感升聞，紫清委鑒。俾嘉生之並育，致率土之咸寧。蠢爾之民，儻承於保佑；惕然之志，愈積於嚴恭。臣無任懇倒之至，謹詞。

為迎鑄聖像詞一道

天

伏以比者，擇福地而範鎔；允成肖像，詔輔臣而迎奉。仰祝降禎，膺顧諟以誕敷，錫福禧而紹至。明靈眷祐，景物清和。跋履咸宜，荐承於昭鑒；至虔報祝，愈勵於精心。臣無任懇倒之至，謹詞。

為聖像在路詞二道

天

伏以殊庭肇建，答眷佑之靈；真

御仰摹，勵欽崇之意。元辰協吉，迎奉戒期，丕應延祥，感通實冀，適當煩暑，常保清和。俾跋履之咸宜，繫高明而錫祐。臣無任懇倒之至，謹詞。

三清

伏以誕膺眷祐，祇竭誠明。恭館肇新，用昭介祉。眸容虔寫，獲睹成功。揆吉日以在辰，奉真儀而戒路。伏冀鬱蒸靡盛，氣序咸和。俾利涉之攸宜，彰炳靈之降鑒。臣無任懇倒之至，謹詞。

景靈宮興 謝祥瑞詞二道

天

伏以昭彰之應，允協於有孚；齋慄之心，實增於無斃。竊念僊遊俯降，寶緒欽承。佇鸞駕以常迴，法琳宮而必葺。繕完茲始，符瑞荐臻。由是緬望殊庭，恭伸精意。冀答三神之祐，益期百福之臻。臣無任懇倒之至，謹詞。

又

伏以真馭下臨，奉眸儀之炳煥；

鴻源遯示，承丕祐之昭彰。既寶誨而欽承，故純禧而仰答。擇神區之爽塏，建恭館之密清。初吉在辰，方興於庶役；維祺協應，爰睹於嘉祥。敢伸勵翼之心，用報紛綸之祉。臣無任懇倒之至，謹詞。

謝祀汾陰禮成詞二道

東嶽王母殿

伏以龜臺福地，夙挺神居。日觀喬峰，下迴僊馭。靈遊所屬，善應實昭。昨以祇答珍符，虔修封祀。俄慰溪來於西土，復祈介福於方丘。俾茂典之有成，賴殊休之伸錫。是以遐瞻祕宇，恭薦精衷。期玄感以紹臨，庶鴻禧之永洽。臣無任懇倒之至，謹詞。

泗洲塔下

伏以化流真俗，惠浹人天。奠五達之名區，挺百常之寶塔。昨以時巡冀壤，親祀坤靈。典禮咸昭，書文無外，荷明祇之協吉，資大士之儲休。是以遐薦精衷，用禱介福。冀悲心之不

捨，俾繁祉以荐臻。臣無任懇倒之至，謹詞。

滋福殿道場謝降臨詞一道

聖祖天尊大帝

伏以長發之符，啓鴻源而有自；來成之佑，昭不應以無方。膺貺施以荐臻，勵齋明而斯積。屬以辟容作繪，祕宇延真。祇慄于中，奉蕭薌而增惕；監觀在上，迴歎駕以儲祥。玉羽群嬉，瑤觴徧舉。緬懷錫類，實用戰兢。恭答凝禎，豈忘欽翼。敢罄伸於精意，庶仰答於景靈。臣無任懇倒之至，謹詞。

宋真宗御製玉京集卷之五

宋真宗御製玉京集卷之六

為皇子事詞一道

聖祖天尊大帝

伏以靈禧丕顯，道蔭博臨。承累洽于天源，顯多昌于世胄。皇子某克諧成立，咸繫寵綏。具章綬而寶誨屢頒，分珪玉而列爵爰啓。燕翼之訓，垂慶緒以無疆；祇畏之心，率真科而仰報。臣無任懇倒之至，謹詞。

祈福詞一道

聖祖天尊大帝

臣竊思錫類儲仁，承基紹緒。蓋仰依于積祐，乃俯洽于多祥。今以炎氣方新，火旗攸貺。奉真科于琳館，達精意于璇都。伏願九城晏寧，五稼豐楙。黎元靡于疾癘，家邦集于福禧。繼孝之心，敢忘于兢惕；來同之祉，常冀于昭彰。臣無任懇倒之至，謹詞。

謝刻玉祥瑞詞一道

天尊

臣向以茂膺寶命，申錫元符。肇建琳宮，用昭丕貺。祕文仰奉，將置於琅函；溫玉言刊，先摹於綠字。式當協吉，方在致虔。顧河洛之書，近臨於外次；瞻紫清之座，益勵於至恭。臣無任懇倒之至，謹詞。

為奉祀事詞九道

三清 玉清昭應宮

臣仰報純禧，俯從僉望。厲鄉仙宇，將展於朝脩；春首令辰，式遵於時邁。敢伸嘉薦，用禱祥徵。伏冀霄極，降禎綿區。俾乂使輿情而咸若，致盛典以斯成。眷祐之靈，儻符於昭感；寅畏之志，彌切於至虔。臣無任懇倒之至，謹詞。

聖祖天尊大帝

臣順考古經，適宣茂則。靈區款

謁，方祝於純禧；法從戒期，將詢於吉日。佇祥徵而允洽，故精意以虔伸。伏冀佑錫高旻，慶敷綿寓。俾人祇而胥悅，使典禮之咸宜。惕惕之心，敢忘於善禱；穰穰之應，益俟於來同。臣無任懇倒之至，謹詞。

三清上清宮

臣祇考禮經，恭懷道蔭。琳宮款謁，已戒於先期；玉輅省方，即登於夷路。冀誕於景貺，敢仰叩於清都。伏冀萬國咸康，千祥紛委。克揚茂則，允賴純禧。仰望殊庭，顧精衷而斯薦；益祈鴻應，昭介祉而無疆。臣無任懇倒之至，謹詞。

三清太一宮

臣緬瞻靈域，祇謁僊詞。協吉元龜，已謀於剛日；戒期大輅，即涉於皇衢。思介祉之誕隆，故至誠而仰薦。伏冀克揚嘉應，茂集丕禎。俾區寓之晏康，致禮容之昭顯。殊庭瞻望，罄述於精衷；神鑒章明，允期於鴻福。臣無任懇倒之至，謹詞。

聖祖天尊大帝

臣仰懷純錫，俯勵至精。三檜之庭，將伸於款謁；六驂之駕，方屬於戒期。思眷祐以誕敷，故寅威而昭薦。伏冀高明降顧，祉福來成。俾溥率以咸康，使禮容而克展。無疆之錫，儻荷於鑒觀；不匱之心，益期於祇慄。臣無任懇倒之至，謹詞。

三清滋福殿

臣欽崇祕道，款謁真官。六轡省方，已戒期於春序；九旂即路，將展禮於靈辰。思鴻應之有敷，勵精心而無斲。伏冀高明垂貺，溥率同歡。俾茂實之克揚，俟不休之允屬。夙興之意，敢怠於至虔；降鑒之仁，益祈於丕顯。臣無任懇倒之至，謹詞。

聖祖天尊大帝

臣緬望厲鄉，載稽春序。靈宮款謁，已吉於先期；齋輅省方，俯臨於剛日。佇凝禎之昭錫，伸虔禱之勵精。伏冀茂集千祥，保康萬彙。克揚盛節，允賴鴻休。祇慄之懷，顧夙宵而靡舍；鑒觀之祐，期紫清而誕敷。臣無任

懇倒之至，謹詞。

謝玉清昭應宮奉安聖像祥瑞詞一道

三清

臣向以獲聞丕緒，思佑寶圖。乃勵至精，用揚累盛。申詔列郡，虔奉真儀。建恭館於譙都，方興茂則；仰僊遊灕嶽，遽集殊禎。允協靈期，再翔瑞羽。祇荷昭彰之應，實增齋慄之心。臣無任懇倒之至，謹詞。

先天節詞一道

三清

伏以紀鸞馭之下臨，肇新令序；顧靈場之中啓，用報鴻禎。昭感有敷，祥經丕覲。集翩翩之珍羽，見浹洽之純禧。仰眷祐之心，永隆於景貺；勵寅恭之志，常守於慶基。臣無任懇倒之至，謹詞。

內中設醮謝祥瑞詞一道

三清

臣紹膺寶命，繼受珍符。顧盛典之增修，遽祥禎而昭顯。喬雲絢彩，僊羽流音。穹厚之心，表顧懷而斯在；夙宵之志，罄勵翼而攸勤。中禁密清，醮筵祇肅。冀垂鑒佑，洞察寅威。臣無任懇倒之至，謹詞。

上清宮設醮謝祥瑞詞一道

三清

臣恭纘成基，誕膺丕貺。方琳宮而順拜，爰霄極而降衷。嘉氣網緼，靈禽頽頽。荷高旻之鴻應，俯佑禎圖；勵明發之小心，仰疇靈眷。瞻言靖館，恭啓醮筵。期委鑒之昭章，洞至誠之欽翼。臣無任懇倒之至，謹詞。

為火事詞十三道

三清 玉清昭應宮

臣顧以眇躬，纘茲大寶。雖純禧之溥洽，實至治之未臻。屬以宮城，偶延焚燎。眷言朝列，頗屬震驚。雖人事之有因，敢忘於祇畏；庶靈謀之不昧，曲照於戰兢。虔達中懷，用伸昭謝。臣無任懇倒之至，謹詞。

玉皇

臣紹撫中區，有慙盛德。雖炳靈之曲祐，然制治之失中。屬以藩房，煽茲遺燼。久方從於撲滅，遂頗致於延燒。誠則因人，敢忘罪己。但思抑畏，以務增修。庶協側身，允期降顧。臣無任懇倒之至，謹詞。

聖祖天尊大帝

臣仰承保佑，但積寅威。俯念震驚，靡遑寧處。蓋由王邸，不謹於周防；乃致宮城，頗延於焚燎。實慙人事，莫副靈心。引咎之懷，但兢兢而無捨；昭謝之懇，庶明明而曲臨。臣無任

懇倒之至，謹詞。

北極

臣永惟涼德，仰紹丕圖。雖明發以自勤，顧政經而多闕。因茲王邸，不謹於防閑；遽致宮城，頗延於焚燎。敢忘引咎，以謝皇靈。允冀儲仁，洞明丹懇。臣無任懇倒之至，謹詞。

天書

臣內顧冲人，荐膺瑞命。雖靡忘於恭已，實無報於降禎。餘燼相延，偶興於王邸；連蕘莫遏，遂及於宮城。載念震驚，愈增祇慄。敢思引咎，用謝錫符。臣無任懇倒之至，謹詞。

太祖皇帝

臣祇紹慶基，茂膺蕃錫。顧惟涼德，靡報發祥。屬烈燄之相延，自維城而歛煽。既難嚮爾，遂致焚如。內顧眇冲，有虧於申儆；仰懷夙累，伏積於多慙。昭謝宗祊，敢忘寤寐。臣無任懇倒之至，謹詞。

太宗皇帝

臣欽承命歷，祇紹基圖。申儆有虧，延灾斯作。顧茲遺燼，偶發於宮

城；致彼炎煙，頗驚於民聽。載惟人事之不謹，實慙邦治之無閑。兢業之懷，靡遑於明發；昭謝之志，庶罄於聿修。臣無任懇倒之至，謹詞。

二星殿

伏以天顧之仁，實膺於保佑；君臨之德，但媿於眇冲。火禁罔修，宮城延燎。蓋不謹於人事，敢有惻於靈心。昭謝著明，敢忘克己。恭伸精意，允鑒至虔。名無任懇倒之至。謹詞。

翊聖

伏以冲眇之姿，仰膺於寶命；兢業之志，庶答於鴻禎。言屬戚藩，偶忘周慎。遂令烈燄，遽有延燒。既睹震驚，益懷祇畏。敢忘咎己，用謝炳靈。名無任懇倒之至，謹詞。

諸小殿

竊以命歷仰承，茂臻景貺。眇冲俯念，莫報丕祥。由不謹於維城，致延灾於烈燄。震驚中禁，焚燎端闈。思盛德之靡昭，積丹心之引咎。敢伸致謝，允冀俯臨。名無任懇倒之至，謹詞。

三清上清宮

臣眇冲之德，靡足感通。穹昊之仁，誕回眷顧。莫洽建中之治，遽生炎上之祥。維城偶失於慎微，烈燄歎驚於延燎。載惟菲薄，敢怠責躬。祇述誠明，庶伸昭謝。臣無任懇倒之至，謹詞。

玉皇

臣顧以眇躬，紹茲丕歷。雖靡忘於兢業，蓋偶爽於隄防。藩邸之中，遽因遺燼。端闈之內，遂致延燒。思有失於慎微，實自深於克己。恭伸昭謝，允鑒至誠。臣無任懇倒之至，謹詞。

聖祖天尊大帝

臣續紹慶圖，祇畏靈命。雖懷戰慄，靡報鑒觀。烈燄延灾，偶興於王邸；環廊莫救，遽及於端門。內省眇冲，靡遑寧處。庶鴻源而昭謝，敢精意而洞伸。臣無任懇倒之至，謹詞。

宋真宗御製玉京集卷之六

(陳耀庭點校)

061 玉音法事

經名：玉音法事。三卷。底本
出處：《正統道藏》洞玄部讚頌
類。

玉音法事卷上

步虛第一 七十字

稽^{〇〇}禮^{〇〇}上^{〇〇}香^{〇〇}虛^{〇〇}流^{〇〇}隨^{〇〇}迴^{〇〇}輪^{〇〇}玄^{〇〇}
稽^{〇〇}禮^{〇〇}上^{〇〇}香^{〇〇}虛^{〇〇}流^{〇〇}隨^{〇〇}迴^{〇〇}輪^{〇〇}玄^{〇〇}

四^{〇〇}典^{〇〇}慶^{〇〇}王^{〇〇}七^{〇〇}生^{〇〇}堂^{〇〇}煌^{〇〇}景^{〇〇}肅^{〇〇}冠^{〇〇}漢^{〇〇}樂^{〇〇}我^{〇〇}齊^{〇〇}無^{〇〇}德^{〇〇}仙^{〇〇}與^{〇〇}妙^{〇〇}朗^{〇〇}覺^{〇〇}說^{〇〇}虛^{〇〇}
四^{〇〇}典^{〇〇}慶^{〇〇}王^{〇〇}七^{〇〇}生^{〇〇}堂^{〇〇}煌^{〇〇}景^{〇〇}肅^{〇〇}冠^{〇〇}漢^{〇〇}樂^{〇〇}我^{〇〇}齊^{〇〇}無^{〇〇}德^{〇〇}仙^{〇〇}與^{〇〇}妙^{〇〇}朗^{〇〇}覺^{〇〇}說^{〇〇}虛^{〇〇}

步虛第三
步虛第三

燿^{〇〇}玄^{〇〇}山^{〇〇}方^{〇〇}皇^{〇〇}岩^{〇〇}天^{〇〇}臺^{〇〇}明^{〇〇}流^{〇〇}燁^{〇〇}玉^{〇〇}華^{〇〇}璨^{〇〇}珠^{〇〇}常^{〇〇}餐^{〇〇}精^{〇〇}液^{〇〇}形^{〇〇}金^{〇〇}散^{〇〇}
燿^{〇〇}玄^{〇〇}山^{〇〇}方^{〇〇}皇^{〇〇}岩^{〇〇}天^{〇〇}臺^{〇〇}明^{〇〇}流^{〇〇}燁^{〇〇}玉^{〇〇}華^{〇〇}璨^{〇〇}珠^{〇〇}常^{〇〇}餐^{〇〇}精^{〇〇}液^{〇〇}形^{〇〇}金^{〇〇}散^{〇〇}

空^{ウツロ} 洞^{ウツロ} 年^{トシ}

奉戒

道^{ミチ} 無^ム 宗^{ソウ} 切^{セツ} 福^{フク} 立^{タテ} 無^ム 主^{シュ} 願^{ガン} 由^ユ 虛^{ウツロ} 應^{オウ} 生^{セイ} 心^{シン} 不^フ 大^{ダイ} 崇^{ソウ} 教^{キョウ} 由^ユ

降^{カウ} 高^{カウ} 靡^ヒ 周^{シュウ} 卑^ヒ 成^{セイ} 海^{カイ} 百^{ヒャク} 王^{オウ} 能^{ノウ} 龍^{リウ} 萬^{マン} 保^{ボウ} 用^{ユウ} 但^{タン} 厥^{ケツ} 奉^{ホウ} 不^フ 虧^{クイ} 世^セ 結^{ケツ} 精^{セイ} 念^{ネン} 乘^{ジョウ}

三啓第一

當^{トウ} 道^{ミチ} 樂^{ラク} 以^イ 妻^{サイ} 經^{キョウ} 珠^{シュ} 持^チ 制^{セイ} 情^{ジョウ} 道^{ミチ} 所^{ショ} 澹^{タン} 正^{テイ} 停^{テイ} 然^{ゼン} 靜^{ジョウ} 天^{テン} 並^{ヘイ} 護^ゴ 世^セ 大^{ダイ}

人ハ 物モノ 宿ヤク 恩オン 報ホウ 心シン 然シカ 身ミ 昇ノボ 都ツ 祖ソ 解トク

物モノ 世セ 德トク 道ミチ 超スベ 發ハツ 飛トビ 仙セン 七シチ 咸ケン 脱ダツ

大學仙

學ガク 絶ツツ 念ネン 念ネン 念ネン 因イン 去キョ 亂ラン 神カミ 躁ソウ 不フ 滅メツ

仙セン 華カ 相ソウ 積シク 來ライ 我ガ 神カミ 靡ヒ 歷レキ 念ネン

停テイ 閑カン 蕭セウ 空クウ 請ジョウ 若ニハ 渴カク 志シ 金キン 保ホウ 飛トビ 路ロ 靈レイ 符フ

虛コ 蕭セウ 寂シヤク 經キョウ 飢キ 持チ 如ニホ 石シヤク 子シ 玄ゲン 五ゴ 度タク 籍セキ

小學仙

學ガク 行コウ 急クツ 戒ケイ 情ジョウ 虛コ 止シ 居キョ 聖セイ

仙セン 爲タカ 奉ホウ 制セイ 心シン 夷イ 氣キ 仙セン 自ジ

相ソウ 若ニハ 信シン 言ゴン 爲タカ 山サン

尋ジン 不フ 法ホフ 胡コ 樓ロウ 林リン

梵詞

人ジン 多タ 累レイ 道ダウ 稔レン 救クウ 垂シュイ 教キョウ 今キン 罪ズイ 憊クワイ 通トウ 府フ 結ケツ 聞ブン 發ハツ

天テン 障ショウ 大ダイ 實ジツ 憐レン 度タク 料リョウ 咸ケン 懺ソウ 緣エン 幸コウ 地チ 霧キョ 已イ 天テン 露ロ

祈^真 真^真
 祐^冥 冥^冥
 心^感 感^感
 聖^賢 賢^賢
 虔^恭 恭^恭
 禮^三 三^三
 寶^願 願^願
 得^早 早^早
 長^天 天^天
 焚^香 香^香
 歸^上 上^上
 界^奏 奏^奏
 名^玉 玉^玉
 帝^前 前^前

山簡水簡、土簡同

祈^真 真^真
 嶽^告 告^告
 命^詣 詣^詣
 靈^山 山^山
 玉^女 女^女
 誠^梵 梵^梵
 響^金 金^金

童^奏 奏^奏
 香^煙 煙^煙
 書^名 名^名
 通^九 九^九
 地^列 列^列
 宇^上 上^上
 三^天 天^天
 永^享 享^享
 無^期 期^期
 壽^克 克^克
 成^高 高^高
 上^仙 仙^仙

水簡四十字

天^尊 尊^尊
 留^戒 戒^戒
 律^太 太^太
 上^演 演^演
 真^經 經^經
 奉^法 法^法
 須^勤 勤^勤
 志^功 功^功
 德^貴 貴^貴

精^誠 誠^誠
 虔^心 心^心
 啓^三 三^三
 賢^焚 焚^焚
 香^告 告^告
 百^靈 靈^靈
 書^名 名^名
 投^水 水^水
 府^功 功^功
 勳^達 達^達
 上^清 清^清

白鶴

胎^化 化^化
 靈^禽 禽^禽
 啖^九 九^九
 天^雪 雪^雪
 毛^丹 丹^丹
 頂^兩 兩^兩
 相^鮮 鮮^鮮
 世^人 人^人
 莫^認 認^認
 歸^華 華^華
 表^來 來^來

瑞々々々々。昇々々々々。
 平々々々々。億々々々々。
 萬々々々々。年々々々々。

玉音法事卷上

玉音法事卷中

玉清樂引

玉々々々々。玉々々々々。
 清々々々々。樂々々々々。
 玉々々々々。清々々々々。
 聖々々々々。境々々々々。
 異々々々々。諸々々々々。
 天々々々々。玉々々々々。
 清々々々々。樂々々々々。

玉清樂

地々々々々。居々々々々。
 天々々々々。上々々々々。
 樓々々々々。空々々々々。
 居々々々々。玉々々々々。
 萬々々々々。象々々々々。
 森々々々々。羅々々々々。
 適々々々々。八々々々々。
 區々々々々。玉々々々々。
 功々々々々。用々々々々。
 不々々々々。知々々々々。

上清樂引

誰々々々々。主々々々々。
 翠々々々々。玉々々々々。
 絳々々々々。霞々々々々。
 丹々々々々。霧々々々々。
 閔々々々々。清々々々々。
 都々々々々。玉々々々々。
 上々々々々。清々々々々。
 樂々々々々。上々々々々。
 清々々々々。真々々々々。
 境々々々々。會々々々々。
 高々々々々。仙々々々々。
 上々々々々。清々々々々。
 樂々々々々。

上清樂

紫々々々々。清々々々々。
 天々々々々。上々々々々。
 育々々々々。華々々々々。
 林々々々々。上々々々々。
 絳々々々々。實々々々々。
 朱々々々々。柯々々々々。
 綠々々々々。葉々々々々。
 深々々々々。上々々々々。

學 長
生 滿
道 場

起敬讚

人 各
恭 敬

三歸依

志 心
歸 依
十 方
道 寶
當 願
衆 生
起 心
回 向
一 切
信 禮

志心皈依十方經寶，當願衆生 亡靈
心開悟解，受持轉誦。

志心皈依十方師寶，當願衆生 亡靈
普上法橋，無有障礙。

敷坐讚

道 場
衆 等
執 簡
當 心
平 坐
如 法

開經

稽 首
虛 皇
天 尊
前

宿命讚

宿 命
有 信
然

三聞經

聞 經
已 後
唯 願
衆 生
深 入

法 門
歸 依
信 受

消，善芽增長。

聞經已後，唯願衆生 亡靈永斷執

迷，常歸正道。

解坐讚

爲諸來生，作善因緣，如蒙開悟，
仰荷玄恩。

爲 諸
來 生

每遇齋畢道

齋 福
無 量

唱道讚

道 場
衆 等
人 各
運 心
歸 命
三 寶

念 一 切

按《藏經·醮儀卷》所載，每遇唱道時，知磬舉。至末句，道衆默念天尊三聲，或五，或七，或九聲，如陽醮念長生保命天尊、福生無量天尊，陰醮念太一救苦天尊。

華夏讚 又曰四聲華夏

按《玉篇》華字注華夏，三千五百里為華夏，言其迢遠之意。今華夏，用思真堂舉起，徐徐吟詠，過廊廡，登殿壇而畢，似取其迢遠之意也。

學 言 行 言 行 言 行 言 行

轉聲華夏讚

賀 何 賀 賀 賀 賀 賀 賀

請五師再舉

修 行 奉 齋 道 請

三 降 壇 所

雲輿頌

雲 已 鶴 來 齋 功 還 奉

送五師再舉

修齋已畢，仰荷玄恩，志心稽首，奉送玄師、天師、經籍度師。

雲輿頌

雲輿不住，鶴駕難留，後有修齋，還當奉請。

請符使

修 奉 申 直 齋 請 界 符

降 壇 所

三界直符，四直功曹，上奏靈官，神將吏兵，土地正神。

步虛詞

太 輕 人 身 行 時 丹 金

三塗頌

三 侍 終 福 往 苦 展 去

斗經末句

勿_レ示_レ人_レ戒_レ慎_レ之_レ馬_レ

禮十方

志_レ歸_レ東_レ上_レ禮_レ十一曜

禮十一曜

志_レ歸_レ東_レ上_レ禮_レ十一曜

舉信禮聲範

信_レ羅_レ命_レ身_レ天_レ尊_レ

十三號同

關燈舉斗位

信_レ微_レ狼_レ星_レ君_レ

三捻上香

志_レ檢_レ上_レ清_レ蓋_レ供_レ

易名三上香

志心初二三捻上香，香至混元 洞
天 淵泉宮，遍混元三境 洞天仙府 淵泉水府
成華 寶 雲蓋供養。

混元三境尊

洞天仙府君

淵泉水府君

玉音法事卷中

玉音法事卷下

啓經文

道衆平坐 舉起敬讚 次三皈依
次敷坐讚 誦念如法 表白啓經
雲篆太虛，浩劫之初，乍遐乍邇，
或沉或浮，五方徘徊，一丈之餘。天真
皇人，按筆乃書，以演洞章，次書靈符。
元始下降，真文誕敷，昭昭其有，冥冥
其無。沉痾能自痊，塵勞溺可扶，幽明
將存歿，由是昇仙都。發如是上願者，
以今陞入經座，謹奉爲某增延壽算，康
泰身躬。凡歷時中，吉祥如意。伏願
東華注算，南極延生。福與海以同深，
壽比山而永固。爲此因緣念佛生無量
天尊、延奉益算天尊、長生保命天尊，
無量不可思議功德。

開經法事

看誦寶經 經畢

次舉促吟步虛

表白嘆經

詳夫三洞寶經乃萬天聖範。結飛

玄之妙炁，成大梵之龍章。義貫浮生，文垂永劫。故天地得之而分判，日月

因之以運行，鬼神敬之則變通，人能奉之乃開泰。是以詠之者，形陟絳霄；

聞之者，身騰碧落。莫不人天仰賴，生化依憑。為群品之津梁，作衆真之戶

牖。不可得而言之者，其為大乘經蘊乎。向來奉為今辰齋主某，諷誦太上真

經。其經也，莫不開函演奧，響徹三天，執卷吟哦，聲聞九地。當願侍香金

童，結香字於天中；典經玉郎，進經文於簡上。即使愆消昔劫，福降今辰。

存亡希開泰之恩，動植感生成之德。乘茲善利，遍悉莊嚴。三塗罷楚毒之

勞，九夜絕辛酸之苦。泊手悠悠，庶品蠢蠢，含生俱登六度之舟，並上三清之

岸。法衆虔誠，聞經讚詠。

次舉聞經就手收經次解坐讚
次舉向來
向來誦經功德，上祈真聖，保佑平安，同賴善功，證無上道一切信禮。

次回向
天回雲漢，結真炁以成文；地發

琅函，顯靈章而出世。功參造化，利益人天。

向來諷誦太上真經，稱念天尊聖號，聲讚法事功德，無限勝因。奉為某

入意，伏願云云
黃籙啓經文
道衆平坐舉起敬讚次三皈依

次敷坐讚誦念如法表白啓經
劫切寶臺，香雲素蓋。妙哉元始，洞觀無礙。諸天大聖，一時同會。靈

寶開圖，酆都罷對。金籙白簡，九真妙戒，是謂津梁，超度三界。以今陞入經

座，轉誦仙經。當發如是願，今辰奉為黃籙齋主某資薦亡過某神魂，超昇仙

界。伏願朱陵度命，金闕化身。逍遙快樂以無為，隨願往生而自在。請法

衆等異口同音，為此因緣念太一救苦天尊、九幽拔罪天尊、法橋大度天尊、

超凌三界天尊、逍遙快樂天尊，不可思議功德。

開經法事
虛皇號轉誦寶經俟經畢
舉促吟步虛表白嘆經

靈寶嘆經

伏以元始祖劫，化生諸天，演碧落

之空歌，映紫虛之鬱秀。開明三景，用普植於神靈；敷落五篇，以保制於劫

運。或坐獅子之上，或入寶珠之中，萬聖臨軒，衆真侍座。是諸天之隱韻，非

世上之常辭。自然靈章，故謂玄奧一徧而同時，稱善十過而枯骨更生。其

福難勝，度人無量。以今亡過某運應滅度，身經太陰，諒其仙品之未充，孰謂

神魂之暫滅。有五苦八難之報對，無千和萬合之成真。當憑行香而誦經，

尚冀迴骸而起死。伏冀元始符命，魔王歌章，上聞諸天，普告三界。致飛度

於五戶，使混合於百神。落滅惡根，疾除罪簿。濟度垂死，絕而得生，時刻昇

遷，魂神澄正。徑執符而把籙，得保命以生根。十轉回靈，證死魂而受鍊，皆

得度世應仙，化以成人。旁資億劫種親，下及幽魂苦爽，皆上昇於仙品，免

長役於鬼官。永度三塗五苦八難，超凌三界，逍遙上清。次願今辰齋官某與

家眷等，遇值經法，得為貴人，身有光

明，魔無干犯。萬神朝禮，名書上清。法衆虔誠，聞經讚詠。

諷《度人經》回向

元始靈書，諸天隱韻。齊聲諷誦，一言消萬劫之愆；異口同音，十過度九幽之苦。向來諷誦《無量度人上品妙經》，稱念天尊聖號，聲讚法事功德。無限勝因，奉為黃籙齋主某入意。

伏願六根清淨，獲登黎土，以聞經一性圓明，同入寶珠而證果。

諷并看《度人經》回向

靈書中篇，可救三塗之苦；本章上品，能遷九夜之魂。向來諷誦《無量度人上品妙經》，稱念天尊聖號，稱讚法事功德。無限勝因，奉為齋主某入意。

伏願上昇朱宮，憑百魔之隱韻；貴生仙道，同七祖以超遷。

伏願承元始之真符，死魂受鍊；聽大梵之隱語，仙化成人。

伏願衆真鑒度，列聖垂慈，死魂受鍊以更生，異骨成親而超度。

伏願已度者，度承鍊受而仙化成人；未生者，生獲更生而超離惡趣。

舉懺二十方天尊號

東方靈寶天尊，東方無極太上靈寶天尊。

南方靈寶天尊，南方無極太上靈寶天尊。

西方靈寶天尊，西方無極太上靈寶天尊。

北方靈寶天尊，北方無極太上靈寶天尊。

東北方靈寶天尊，東北方無極太上靈寶天尊。

東南方靈寶天尊，東南方無極太上靈寶天尊。

西南方靈寶天尊，西南方無極太上靈寶天尊。

西北方靈寶天尊，西北方無極太上靈寶天尊。

上方靈寶天尊，上方無極太上靈寶天尊。

下方靈寶天尊，下方無極太上靈寶天尊。

五星天尊號 懺五星
真光普照天尊，日宮至真大聖日

中皇君。

慧光朗照天尊，月宮至真大聖月中皇君。

流光輝照天尊，南辰北斗璇璣衆曜一切真宰。

洞淵三昧天尊，水府扶桑丹林大帝。

十方經寶天尊，至真無上三十六部尊經。

五嶽天尊號 懺五嶽
東華上相天尊，東嶽泰山青帝真

南宮冶鍊天尊，南嶽衡山赤帝真

西靈寶德天尊，西嶽華山白帝真

北元總校天尊，北嶽恒山黑帝真

中黃帝二天尊，中嶽嵩山黃帝真

君。

十二方位

真君 西方 上	真君 北方 天	真君 南方 天	真君 東方 天
真君 西方 天	真經 真寶	真君 南方 天	真君 東方 天
月宮 西南	真君 南方	真君 南方 天	水府 東南 下方

日夜禮方次序

日舉唱禮，始於東方，次如下式：

東方，南方，西方，北方，東北，

東南，西南，西北，上方，下方。

夜舉唱禮，始於北方，次如下式：

北方，東北，東方，東南，南方，

西南，西方，西北，上方，下方。

清醮都唱

臣衆等志心歸命東青、西素、南

丹、北冥，四維上下，十方無極大道，太

上靈寶天尊，梵炁天君，十鄉神仙諸靈

官。禮足，虔誠懺悔。

黃籙都唱

臣衆等志心歸命東青、西素、南

丹、北冥，四維上下，十方無極大道，太

上靈寶天尊，洞陰朔單鬱絕之境、虛無

北界太陰黑帝，五炁靈君，酆都大帝，地府十王真君，冥關主宰一切神仙諸靈官。禮足，虔誠懺悔。

舉唱十方

東方，無極太上靈寶天尊九炁天

君，東鄉神仙諸靈官。九禮

南方，無極太上靈寶天尊三炁天

君，南鄉神仙諸靈官。三禮

西方，無極太上靈寶天尊七炁天

君，西鄉神仙諸靈官。七禮

北方，無極太上靈寶天尊五炁天

君，北鄉神仙諸靈官。五禮

東北方，無極太上靈寶天尊梵炁

天君，東北鄉神仙諸靈官。二禮

東南方，無極太上靈寶天尊梵炁

天君，東南鄉神仙諸靈官。二禮

西南方，無極太上靈寶天尊梵炁

天君，西南鄉神仙諸靈官。二禮

西北方，無極太上靈寶天尊梵炁

天君，西北鄉神仙諸靈官。三禮

上方，無極太上靈寶天尊、三十二

天帝君、玄都玉京紫微金闕三清三境

一十二炁天君，上鄉神仙諸靈官。

十二禮

下方，無極太上靈寶天尊、九壘土皇、四司五帝、十二仙卿、九宮真人、神仙玉女無極世界，下鄉神仙諸靈官。

十二禮

五星都唱

臣衆等志心歸命日宮月府，璇璣衆曜，躔度星真，水府扶桑大帝，暘谷神王，水府真宰、至真經寶、一切神仙諸靈官。禮足，虔誠懺悔。

舉唱五星

日宮至真大聖，日中星君明皇真人，太光童子、丹霞玉女、日宮神仙諸靈官。三禮

月宮至真大聖，月中皇君素華夫

人，圓光童子、散輝玉女、月宮神仙諸

靈官。七禮

南辰北極璇璣衆曜，三台七星、二

十八宿、周天三百六十五躔度星中大

神、星宮神仙諸靈官。九禮

水府扶桑大帝，暘谷神王，三河四

海九江水帝、十二河源水府神仙諸靈

官。 十二禮

至真無上三十六部尊經，諸天寶藏十方正法侍衛經典一切靈司諸靈官。 三禮

五嶽都唱

臣衆等志心歸命五嶽五山，五帝真君飛仙真人、名山洞府得道神仙諸靈官。禮足，虔誠懺悔。

舉唱五嶽

東嶽泰山青帝真君飛仙真人，名

山洞府得道神仙諸靈官。 九禮

南嶽衡山赤帝真君飛仙真人，名

山洞府得道神仙諸靈官。 三禮

西嶽華山白帝真君飛仙真人，名

山洞府得道神仙諸靈官。 七禮

北嶽常山黑帝真君飛仙真人，名

山洞府得道神仙諸靈官。 五禮

中嶽嵩山黃帝真君飛仙真人，名

山洞府得道神仙諸靈官。 十二禮

禮十方

志心歸命禮東方，和無極太上靈寶天尊。

志心歸命禮南方，無極太上靈寶

天尊。

志心歸命禮西方，無極太上靈寶

天尊。

志心歸命禮北方，無極太上靈寶

天尊。

志心歸命禮東北方，無極太上靈

寶天尊。

志心歸命禮東南方，無極太上靈

寶天尊。

志心歸命禮西南方，無極太上靈

寶天尊。

志心歸命禮西北方，無極太上靈

寶天尊。

志心歸命禮上方，無極太上靈寶

天尊。

志心歸命禮下方，無極太上靈寶

天尊。

次知磬舉 禮足 各長跪歸命

懺悔

臣法衆等志心歸身，歸神歸命，十方無極大道太上靈寶天尊。臣聞，混元設教，常清淨以爲宗；穹極享誠，匪齋盟而不格。將感通於上聖，先蕩滌

於纖瑕。遵奉典彝，許容懺悔。以今某時焚香朝真，禮聖懺悔。今辰醮主某自身與合家長幼等，自從前世乃至今生，或身心口三業六根，多諸誤犯，無邊無量，並乞消除，咸蒙赦宥。伏願十方上聖，同垂照鑒之功；三洞神仙，共賜長生之壽。禍沉九地，福起十方。臣等志心稽首，禮謝無上正真三寶。

禮十一曜

志心歸依信禮，和日宮太陽帝君。

志心歸依信禮，月宮太陰皇君。

志心歸依信禮，東方木德星君。

志心歸依信禮，南方火德星君。

志心歸依信禮，西方金德星君。

志心歸依信禮，北方水德星君。

志心歸依信禮，中央土德星君。

志心歸依信禮，交初羅喉星君。

志心歸依信禮，交終計都星君。

志心歸依信禮，天一紫炁星君。

志心歸依信禮，太一月孛星君。

次知磬舉 禮足 各虔誠歸命

懺悔

臣法衆等志心歸身，歸神歸命，璇

霄上聖十一曜星皇君。掌握道樞，挾
 隆化主。運彼陰陽之變，幹茲化育之
 權。有感必通，無幽不燭。以今某時焚
 香朝真，禮聖懺悔。今辰醮主某自身與
 合家長幼等，自從前世，乃至今生，恐
 積過尤，所縈殃咎，或身心口三業六
 根，多諸誤犯，無量無邊，並乞消除，咸
 蒙赦宥。伏願日帝敷恩，月皇介祉，木
 德金輝而錫祐，熒芒水耀以流祥，土德
 庇衛以無虞，羅計除灾而有慶。天一
 紫炁，增益壽齡。月孛星君，不臨身
 位。禍沉九地，福起十方。臣等志心
 稽首，禮謝無上正真三寶。

禮十三號

信禮無上大羅天， 和玉清聖境元
 始天尊。

信禮無上大羅天， 上清真境太上

玉晨大道君。

信禮無上大羅天， 太清仙境太上

混元教主。

信禮高上九炁天中， 東方太上

靈寶天尊。

信禮高上三炁天中， 南方太上

靈寶天尊。

信禮高上七炁天中， 西方太上

靈寶天尊。

信禮高上五炁天中， 北方太上

靈寶天尊。

信禮高上焚炁天中， 東北方太上

靈寶天尊。

信禮高上焚炁天中， 東南方太

上靈寶天尊。

信禮高上焚炁天中， 西南方太

上靈寶天尊。

信禮高上焚炁天中， 西北方太

上靈寶天尊。

信禮高上一炁天中， 上方太上

靈寶天尊。

信禮九壘重陰， 下方太上靈寶

天尊。

次知磬舉 禮足 各虔誠歸命

懺悔

臣法衆等志心歸身，歸神歸命，三

清三境，金容玉相之尊，十極十華，藥

闕琳宮之聖。臣聞，運啓開皇，儀生太

極。先天先地，化育於人倫；無相無

形，強名曰大道。恭望大慈，洞垂臣

澤，普降鴻恩。以今中夜，焚香朝真，

禮聖懺悔。今辰醮主某自身與合家長

幼等，自從前世，乃至今生，恐積過尤，

所縈殃咎，或身心口三業六根，多諸誤

犯，無量無邊，並乞消除，咸蒙赦宥。

伏願三清上聖，錫蕃衍之祺祥；十極

高真，介龐禧之景貺。禍沉九地，福起

十方。臣等志心稽首，禮謝無上正真

三寶。

四結願

願大道興行，經法流衍，志心稽首

正真三寶。

願天下太平，陰陽順序，志心稽首

正真三寶。

願當今皇帝，聖壽無疆，明齊二

景，志心稽首正真三寶。

願今辰齋主，六根清淨，五福咸

臻，志心稽首正真三寶。

資薦亡者生天 見存獲慶

願一切含生，免離諸苦，同會無

為，志心稽首十方得道聖衆。

願講筵清衆，心開悟解，道力資

扶，志心稽首十方得道聖衆。

辭三寶

時流已過，夜炁澄清。香遍虛無，洪鍾息響。道還金闕，經歸玉函。稽首拜辭，無上道寶。

香隨風散，升上太清。名掛金牌，題書玉簡。金童上侍，玉女進聞。稽首拜辭，無上經寶。

道場圓滿，法事告周。一切有情，同登道岸。稽首拜辭，無上師寶。

願汝諸衆生，諸惡莫作，信受奉行。常居中土，不墮邊方。方道蒙恩，酆都罷對。志心稽首，禮謝十方得道聖衆。

法師回精思闍道

歸依正道，回拜真師，用悉莊嚴，福流齋主。和願得長生。如幽醮則云：福資亡者，願得超昇。

志心聲調

人各恭敬：

志心稽首太上無極大道 每遇齋筵道
志心稽首禮太上無極大道 每遇醮筵三朝道

志心稽首正真三寶，焚香表嘆宣疏

呪食功德

志心歸依十方道寶，當願衆生，亡靈起心回向一切信禮

志心歸依信禮日宮太陽帝君禮十一曜舉

志心歸依信禮關燈舉

志心初捻上香 三捻上香舉

志心歸命禮東方無極太上靈寶天尊

禮方舉

志心歸命禮五老禮舉

志心稽首奉請五方童子舉

志心信禮東方九炁天君十念儀舉

志心朝禮禮懺舉

志心奉為齋主召亡舉

宋道君聖製道詞

玉清樂十首

地居天上接空居，萬象森羅遍八區。功用不知誰主宰，絳霞丹霧闕清都。碧落空歌黍米珠，十方勃勃入無餘。聞經喜慶難言說，九色龍騰八景輿。羽童呼吸辟非煙，煙氣徘徊綠室前。

造化不從身外得，自根自本即三天。

帝景相將會玉洲，明真層觀紫雲浮。製開三八黃金鎖，無極虛皇在上頭。

白玉飛符下紫庭，華旛三舉召群靈。攀條咀嚼空青藥，五體金光射日星。

連昌臺下海揚波，得道高仙始得過。下格小仙追莫及，邕邕遙聽八鸞和。

五色雲營鬢鬢屯，三三洞戶敞瓊門。何方道士通朱表，玉女飛函達至尊。

上景三元妙色精，絳宮久已列仙名。更從太混存唯一，縹緲雲車駕羽明。

真陽館裏炁徘徊，昇降三宮密往來。生死不干浮世事，相將五老上金臺。

三華太素自然生，空裏芙蓉灼灼明。絳室金房虛寶座，太微童子下相迎。

上清樂十首

紫清天上育華林，絳實朱柯綠葉深。咀嚼繁英身不老，下觀烏兔換光陰。元君八炁號青靈，錦帔緋裙住玉城。把握帝符司道錄，袂除塵累濟群生。

高上皇人宴紫霄，擷芳常引八騫條。
肌膚表裏琉璃徹，映照三塗萬苦消。
九日宮中四老真，廣霞山上宴仙賓。
鳴鍾鼓瑟行靈醕，碧落融融別有春。
浮絕山連白玉京，金華樓共日華明。
五真結就圓珠炁，骨似骨瓊貌似嬰。
秀華峰下五靈都，元景神君握化樞。
真火有功能造化，銷鎔五毒出陰途。
赫赫瞳瞳日九輪，六淵宮殿紫元君。
霞冠錦帔端居暇，披拂祥煙著赤文。
佳炁葱蔥覆紫空，青精羽駕命元童。
逆風浩蕩三千里，七返香煙處處通。
流汨池中大寶蓮，開華十丈映池泉。
嗅香飲水無飢渴，綽約金華葉上仙。
萬仞霞山峙玉虛，四司冠劍護靈都。
衆真稽首持天樂，腰佩仙皇逸籙符。

太清樂十首

太一元君掌列仙，彤輝絳綵射芝田。
功圓會遇刊名籍，可但洪崖笑拍肩。
五節清香半夜焚，天人玉女盡遙聞。

味同炁合遙相應，絳節霓旌下五雲。
太極元君翠翮車，萬魔奔走聽神符。
九龍縱步齊驤首，時見空中吐火珠。
藥珠宮裏七言成，十二真君一一名。
雲擁蒼虬歸火府，風隨素虎出滄瀛。
金闕明光後聖君，流精煥彩結丹雲。
不因太上相傳授，安得人間有玉文。
元景巖巒聳太空，超超仙室在霞中。
九雲變化俄離合，羽駕飄飄不可窮。
東井中涵皓月精，群龍奮擲運金罍。
仙人灌沐知何代，唯見玻瓈透骨明。
渺渺三津遠帝川，川連紅霧霧連天。
玉靈仙母時遊息，侍衛森羅日月軒。
九靈玉館接崑崙，山隔流綱不可親。
囑付紫蘭令說與，紅塵何苦弊精神。
左右靈妃運甲庚，琳宮八景鍊華精。
常陽宴罷歸何處，擲火流金事克成。

白鶴詞十首

胎化靈禽喚九天，雪毛丹頂兩相鮮。
世人莫認歸華表，來瑞昇平億萬年。

瑤臺風靜夜初分，仰啄驚鳴露炁新。
太液徘徊歸未得，曾於往劫作麒麟。
靈鶴翩翩下太清，玉樓金殿曉風輕。
昂昂不與鷄爲侶，時作沖天物外聲。
三山碧海路非遙，來瑞清都下紫霄。
霜雪羽毛冰玉性，瑤池深處啄靈苗。
金火純精見羽儀，長隨王母宴瑤池。
玉壇夜醮神仙降，飛過緱山人不知。
五雲宮殿步虛長，斗轉璇霄夜未央。
白鶴飛來通吉信，清音齊逐返風香。
一聲嘹唳九臯禽，換骨輕清歲月深。
遼海等閑人不識，大羅天上有知音。
白毛鮮潔映霜華，丹頂分明奪絳砂。
千六百年神氣就，飛鳴長伴玉仙家。
蓬萊會散列仙歸，羽駕飄然白鶴飛。
明代爲祥人慣見，何須樂府詠金衣。
玉宇沉沉瑞霧開，香風未斷鶴徘徊。
奇姿迴與青田別，定是仙人次第來。

散花詞十首

絳節徘徊引，天花散漫飛。高真

無染着，片片不沾衣。

八陛旋瑶級，千花颺錦英。綠渟並紫柰，煥麗不知名。

淺淺黃金萼，勻勻白玉英。天風隨羽駕，吹滿九重城。

綽約縈空際，繽紛落坐隅。韶華長不老，何處覓仙都。

淨侶吟仙曲，人人讚善哉。萬花興供養，飛舞自天來。

寶葉開琪圃，珍柯在紫微。不教蝴蝶採，長共彩鸞飛。

聖境三千歲，仙花始一開。如何金籙會，併奉列仙來。

几席延鸞馭，香燈建寶壇。丹心無可獻，碎錦灑雲端。

碧綠相差次，紅黃迭淺深。化工應自失，雕琢本無心。

洞案鑪煙起，無爲道德香。同根無異炁，噴鼻更芬芳。

步虛詞十首

太極分高厚，輕清上屬天。人能修至道，身乃作真仙。行溢三千數，時丁四萬年。丹臺開寶笈，金口爲流傳。

大梵三天主，虛皇五老尊。尚難窺微妙，豈復入名言。寶座臨金殿，霞冠照玉軒。萬真朝帝所，飛鳥躡天根。

濛濛如細霧，冉冉曳銖衣。妙逐祥煙上，輕隨彩鳳飛。幾陪瑤室宴，忽指洞天歸。佇立扶桑岸，高奔日帝暉。

旋步雲綱上，天風颯爾吹。飄裾凌斗柄，秉拂揖參旗。獅子啣丹綬，麒麟導翠輜。飛行周八極，幾見發春枝。

綠鬢魏丹幘，青霞絡羽衣。晨趨陽德館，夜造月華扉。搏弄周天火，韜潛起陸機。玉房留不住，却向九霄飛。

昔在延恩殿，中宵降九皇。六真分左右，黃霧遶軒廊。廣內尊神御，仙兵護道場。孝孫今繼志，咫尺對靈光。

寶籙修真範，丹誠奏上蒼。冰淵臨兆庶，宵旰致平康。萬物消疵癘，三晨效吉祥。步虛聲已徹，更詠洞玄章。

宛宛神州地，巍巍衆妙壇。鶴袍來羽客，鳧舄下仙官。玉笋斟元醴，琅函啓大丹。至誠何以祝，四海永澄瀾。

水暎魔宮懾，燈開夜府明。九天風靜默，四極氣澄清。嘯詠朱陵曲，翺

翔白玉京。至誠何以祝，國祚永安榮。華夏吟哦遠，人聲自抑揚。沖虛歸道德，曲折合宮商。殿閣沉檀散，樓臺月露涼。至誠何以祝，多稼永豐穰。

宣和續降

長吟玉音金闕步虛

始青黎元蓋，金香結朱煙。飛晨總翹轡，稽首玉帝前。帝心浩以舒，錫吾太靈篇。是謂不滅道，萬天秉吾權。吾行空洞中，下仙昧其淵。

後一首，因講《御注道德經》，仙鶴翔集而作。

一炁化之元，邈在兩儀先。寶埒馳金馬，真香噴玉蓮。飛空按龍轡，梵響導芝輶。綿永長春劫，翱翔無色天。初真難曉諭，以此戒中仙。

高真明道德，垂世五千言。解釋慚涼薄，殫誠測妙元。霓旌嚴教典，羽唱徹雲輶。瑞鶴儀空際，祥風拂暑煩。穹窿茲響應，寶祚億斯年。

玉京步虛詞十首

稽首禮太上，燒香歸虛無。流明隨我迴，法輪亦三周。玄元四大興，靈

隨我迴，法輪亦三周。玄元四大興，靈

步虛詞二首

後一首，因講《御注道德經》，仙鶴翔集而作。

一炁化之元，邈在兩儀先。寶埒馳金馬，真香噴玉蓮。飛空按龍轡，梵響導芝輶。綿永長春劫，翱翔無色天。初真難曉諭，以此戒中仙。

高真明道德，垂世五千言。解釋慚涼薄，殫誠測妙元。霓旌嚴教典，羽唱徹雲輶。瑞鶴儀空際，祥風拂暑煩。穹窿茲響應，寶祚億斯年。

玉京步虛詞十首

稽首禮太上，燒香歸虛無。流明隨我迴，法輪亦三周。玄元四大興，靈

隨我迴，法輪亦三周。玄元四大興，靈

慶及王侯。七祖生天堂，煌煌耀景敷。
嘯歌冠太漠，天樂適我娛。齊馨無上
德，下仙不與儔。妙想朗玄覺，誦誦乘
虛遊。吟至靈慶及王侯方隱侯字。

旋行躡雲綱，乘虛步玄紀。吟詠
帝一尊，百關自調理。俯命八海童，仰
携高仙子。諸天散香華，蕭然靈風起。
宿願定命根，故致標高擬。歡樂太上
前，萬劫猶未始。嵯峨玄都山，十方宗
皇一。岌岌天寶臺，光明曜流日。焯
燁玉林華，蒨璨耀朱實。常念餐元精，
鍊液固形質。金光散紫微，窈窕大乘
逸。上一首韻脚皆真聲，無隱字。故朝奏時，通作
一首，全句吟詠。

俯仰存太上，華景秀丹田。左顧
提鬱儀，右盼携結璘。六度冠梵行，道
德隨日新。宿命積福應，聞經若至親。
天挺超世才，樂誦希微篇。冲虚太和
炁，吐納流霞精。胎息靜百關，寥寥究
三便。泥丸洞明景，遂成金華仙。魔
王敬受事，故能朝諸天。皆從齋戒起，
累功結宿緣。飛行凌太虚，提携高上
人。

控轡適十方，旋憩玄景阿。仰觀
劫仞臺，俯盼紫雲羅。逍遥太上京，相
與坐蓮華。積學爲真人，恬然榮衛和。
永享無期壽，萬椿奚足多。

大道師玄寂，昇仙有無英。公子
度靈符，太一捧洞章。舍利耀金姿，龍
駕倏來迎。天尊盼雲輿，飄飄乘虚翔。
香花若飛雪，氛靄茂玄梁。

頭腦禮金闕，携首遨玉京。騫樹
圓景園，煥爛七寶林。天獸三百名，獅
子巨萬尋。飛龍躑躅吟，神鳳應節鳴。
靈風扇奇華，清香散人襟。自無高仙
才，焉能耽此心。嚴我九龍駕，乘虚以
逍遥。八天如指掌，六合何足遼。衆
真誦洞玄，太上唱清謠。香華隨風散，
玉音成紫霄。五苦一時进，八難順經
寥。妙哉靈寶囿，興此大法橋。天真
帝一宮，藹藹冠耀靈。流煥法輪綱，旋
空入無形。虚皇撫雲璈，衆真誦洞經。
高仙凜手讚，彌劫保利貞。

至真無所待，時或轡飛龍。長齋
會玄都，鳴玉叩瓊鍾。十華諸仙集，紫
煙結成宮。寶蓋羅太上，真人把芙蓉。

散花陳我願，握節徵魔王。法鼓會群
仙，靈唱靡不同。無可無不可，思與希
微通。

善持玉京步虚十首

右《玉京步虚十首》。按《太上玉
京山步虚經》云：太極左仙翁葛玄於
天台山傳授弟子鄭思遠，思遠復傳仙
翁從孫葛洪，號抱朴子者是也。鄭君
說仙翁去世時告思遠曰：所受《上清
大洞道經》，付吾家門子弟，世世錄傳。
至人勿閉天道，信知琅函秘典貴在流
通，兼經首所載諸大聖天尊、帝王高仙
真人，各各持齋奉法，宗太上虚皇號，
燒香散花，旋遶七寶玄臺三周匝。誦
披空洞大歌章，太上稱善，則歌詠步
虚，其功德深妙不可得而殫說也。

謹按藏經中齋法云：三日九朝，
在每一朝之内各歌詠十首，令其周足。
每朝至旋遶之時，壇衆未行，先舉稽首
禮太上，吟詠至末句，同唱善聲，各一
拜。次舉旋行躡雲罡，詠和。次壇衆，
丁罡步徐行。至末句同唱善聲，各一
拜。次後每一首畢，同唱善聲，皆各一

拜。

又謂，如尋常一日三朝，可在三朝之內共周足其十首。第一帀舉稽首禮太上，吟詠至末句，同唱善聲，各一拜。第二帀舉旋行躡雲綱，連過嵯峨玄都山通作一首，吟詠至末句，同唱善聲，各一拜。緣此二首，悉皆仄聲，所以共作一次吟詠也。第三帀舉俯仰存太上，吟詠至末句，同唱善聲，各一拜，正合早朝也。餘有六首，分在午朝、晚朝之內，每一帀吟詠一首。如此則三朝之內十首亦周足矣。乃合朝奏玉京山全詠之式也。

如吟詠步虛，若闕一首，恐在登壇朝奏祈禱之時，誠心不專，難以鑒格上聖高真。

大凡醮筵，登壇行道，惟在旋遶朝奏玉京山之時，存想金闕瓊宮、辟容聖質爾。然後可以祈恩請福，被死度生。今觀仙翁所傳，乃是鄭君聲說。蓋欲流傳後人，使之依式而行。既覽經典所載，豈容緘藏，敬刻諸梓，與衆共之。切在精虔，勿生疑慮，庶幾得獲聖佑，

同沾福利。

空洞靈章

曜明高映，宗飄通玄。元始開圖，敷落五篇。赤書寶錄，黃雲四纏。八威備衛，靈獸侍真。華光飾發，反香拂塵。綺合長阜，旋迴十天。高唱空洞，飛步入玄。枯魂昇陽，灰骸還人。神王度命，乘虛駕烟。禮誦洞章，與劫齊年。

右曜明、宗飄，天帝君道經空洞靈章也。三十二天各有一篇，或四言，或五言，見洞元部靈寶空洞靈章。

奉戒頌

道爲無心宗，一切作福田。立功無定王，本願各由人。虛己應衆生，空心莫不均。大聖崇至教，亦由雨降天。高陵靡不周，常卑故成淵。海爲百川王，是能舍龍鱗。萬劫保智用，豈但在厥年。奉戒不暫虧，世世善結緣。精思念大乘，會當體道真。

三啓三首

樂法以爲妻，愛經如珠玉。持戒制六情，念道遺所欲。澹泊正氣停，蕭

然神靜默。天魔並敬護，世世受大福。

鬱鬱家國盛，濟濟經道興。天人同其願，縹緲入大乘。因心立福田，摩法輪昇。七祖生天堂，我身白日騰。

大道洞玄虛，有念無不契。鍊質入仙真，遂成金剛體。超度三界難，地獄五苦解。悉歸太上經，靜念稽首禮。

啓堂頌

學道當勤苦，斂信運丹誠。燒香歸太上，真炁雜煙馨。惟希開大有，七祖離幽冥。

敷齋頌

道以齋爲先，勤行登金闕。故設大法橋，溥度諸人物。宿世恩德報，道心超然發。身飛昇玄都，七祖咸解脫。

大學仙頌

學仙絕華念，念念相因積。去來亂我神，神躁靡不歷。滅念停虛閑，蕭蕭入空寂。請經若飢渴，持志如金石。保子飛玄路，五靈度符籍。

小學仙頌

學仙行爲急，奉戒制情心。虛夷正炁居，仙聖自相尋。若不信法言，胡

為棲山林。

焚詞頌

人天多障累，大道實矜憐。救度垂科教，咸令懺罪緣。愆辜遍地府，覺結已聞天。發露祈真祐，冥心感聖賢。虔恭禮三寶，願得壽長年。焚詞歸上界，奏名玉帝前。

山簡

祈真登紫嶽，告命詣靈山。玉女搖梵響，金童奏香煙。書名通九地，列字上三天。永享無期壽，克成高上仙。

水簡

天尊留戒律，太上演真經。奉法須勤志，功德貴精神。虔心啓三寶，焚香告百靈。書名投水府，功勳達上清。

天尊留大法，廣救度幽冥。齋福行當息，龍簡告泉庭。七祖咸解脫，萬福自來並。書名投水府，功勳達上清。

土簡

齋功已成就，符命告靈壇。玉璧書誠悃，金龍信驛傳。虔心仰中府，歸命拱黃圓。生死皆快樂，會當禮天顏。赤明開元圖，和陽通上靈。玉阜

秀瓊宮，萬遍道自居。自無黃籙簡，苦根焉得除。旋行誦洞章，五雲自相扶。

整控啓玄極，乘運入中天。披空獻心寶，妙學其身田。日宮散和炁，寥庭騰願煙。土簡難思議，降福惠無邊。

元始流科訓，高真演洞神。丹書華晃耀，玉字勒精神。虔心啓九天，修齋達萬靈。書名投土府，身飛朝玉清。

智惠頌

智惠起本初，朗朗超十方。結空峙玄霄，諸天挹流芳。其妙難思議，虛感真實通。有有竟不有，無無無不無。

智惠常觀身，學道之所先。緲緲任玄肆，自然錄我神。天尊常擁護，魔王為保言。晃晃金剛體，超超太上前。

智惠生戒根，真道戒為主。三寶由是興，高仙所崇授。泛此不死舟，倏歛濟大有。當此說戒時，諸天皆稽首。

沐浴東井頌

天河灌東井，石景水母精。圓光拂靈曜，玄映瑩高明。元始披重夜，天人逐月生。沐浴蘭池上，龍負長綆瓶。金童灑香水，玉女流五星。冠帶耀玉

精，鍊度五仙形。體香萬神降，秉景登高明。

清水度魂呪

巍巍道德尊，功行已周齊。降身來接引，師寶自相携。慈悲惠法水，以用洗迷愚。永度三清岸，常辭五濁泥。

天真六通頌

天真六通神，人造善緣者。為彼諸衆生，說諸不慚愧。天尊祕密語，此時聞演說。信受各歸依，稽首無上尊。

返生頌鍊度用

代謝若旋環，椿木不改柯。靜心念至真，隨運順離羅。常能誦玉章，玄音徹霄霞。永享無終紀，豈知年劫多。

金木頌

扶桑啓靈運，金木吐青芽。妙用流金母，和合自然葩。神炁凝元宮，靈物耀絳霞。自得生人道，名籍繼仙家。

朱陵黃華太一三偈

南上朱陵府，丹天流火庭。玉眸鍊形質，即返生。大聖玉眸鍊質天尊。東井黃華沼，石景水母精。黃華蕩形魂，即更生。大聖黃華蕩形天尊。

東極長樂界，青華號福庭。尋聲救苦魂，即往生。大聖太乙救苦天尊。

七言古散花

南斗攔珊北斗移，衆星蒨璨月華輝。元始傳言齊授籙，道君開教盡歸依。小有洞中千秋草，玉京山上萬年桃。九龍闕上集真聖，八仙臺畔步虛謠。三真玉女持花節，一雙童子捧金鑪。月帔珠穿九彩綬，雲衣香透六銖裾。

五言散花

逸轡登紫清，元乘邁奔電。閩風隔三天，俯視猶可見。玉闥標敞朗，瓊林鬱葱蒨。自非挺金骨，焉得諧夙願。真明何森森，合景恣遊宴。良會忘淹留，千齡纔一盼。三宮發明景，朗照同鬱儀。紛然馳飈欵，上采空清蕤。令我洞金色，後天耀瓊姿。心協太虛靜，寥寥竟何思。玄中有至樂，淡泊終無爲。但與正真友，飄飄散遨嬉。稟化凝正炁，鍊形爲真仙。志心符元宗，返本叶自然。帝一集終宮，流光出丹玄。无英與桃君，朗詠長生篇。百關羅紫烟，飈車涉寥廓。靡靡八景迁，不覺雲

路遠，斯須遊方天。

扶桑誕初景，羽蓋凌晨霞。倏欵造西域，嬉遊金母家。碧津湛洪源，灼爍敷荷花。煌煌青琳宮，燦燦列玉華。真炁溢絳府，自然思無邪。俯矜區中士，天濁良可嗟。瓊臺劫爲仞，孤映大羅表。常有三素雲，凝光自飛遶。羽童汎明霞，升降何縹緲。鸞鳳吹雅音，棲翔絳林標。玉虛無晝夜，靈景何皎皎。一睹太上京，方知衆天小。灼灼青華林，靈風振瓊柯。三光無冬春，一炁青且和。迴首邇結璘，傾眸親曜羅。豁落制六天，流鈴威百魔。綿綿慶不極，誰謂椿齡多。

高情無侈靡，遇物生華光。至樂無簫歌，金玉音琅琅。或登明真臺，宴此羽景堂。杳靄結玉雲，霏微散靈香。天人誠遐曠，歡泰不可量。

爰從太微上，肆覲虛皇尊。騰我八景輿，威遲入天門。既登玉晨庭，肅肅仰紫軒。敢問龍漢末，如何闢乾坤。怡然輟雲璈，告我布夷言。幸聞至精理，方見造化源。二炁播萬有，化機無

停輪。而我操其端，乃能出陶鈞。寥寥大漠上，所遇皆清真。澄瑩含元和，炁同自相親。絳樹結丹寶，紫霞流碧津。以茲保童嬰，永用超形神。

宋真宗製玉清昭應宮散花詞十首
散花何處最花多，天上高天有大羅。花在此中生本異，况將瑞露慶雲和。崑丘絕頂有龜臺，臺上奇花四序開。不是群仙朝玉帝，何由得到世間來。天上天花旦夕開，不同人世待春來。天花每有天人折，將獻層城日幾回。瑤臺光夜露華滋，月帔朝真在此時。時有仙花空裏降，吹來玉宇奉金姿。五色華花降洞天，仰觀空裏勢翩翩。莫言仙鏡常時有，動是人寰億萬年。仙花折得自仙宮，散在珍臺曉景中。玉闕有春春不老，璿圖受福福無窮。羽客驂鸞在半天，下瞻真館意乾乾。蓬萊折得花無數，散在殊庭黼座前。上林花卉先春發，幽谷鶯聲尚未知。不遣常人攀折得，盡將福地奉真期。

洞中三十六天春，仙境由來異世人。採得名花何處去，將來宮殿奉高真。

仙官真侶往還頻，互看蓬萊閬苑春。每採芳花朝上帝，願均福地及生民。

太極太虛真人歌三塗五苦頌八首
三才及萬物，倚伏各有齡。終始待劫數，福盡天地傾。往返於五道，苦哉更死生。展轉三途中，去來與禍并。

大賢慎茲戒，忍性念割情。愚夫不信法，罪痛常自嬰。吾念世無已，今故重告明。若欲度斯禍，歸命太上經。

罪福不由它，諒自發爾身。大賢故閉口，欲絕諸惡緣。滅念歸兼志，倚伏待長泯。弘道以安世，終當見其真。

媯嫉為禍首，滅身之至患。含養知此輩，恐必致天殘。知惡而不革，豈是道所安。懷毒日齋直，令我發長歎。

宿命有信然，弱喪謂之無。皆欲眼前見。過目則言悠。大賢明道教，慘慼憫頑夫。依依念子苦，勤勤令我憂。

人命以銷盡，亦猶膏中火。四大

暫相遇，五物權時假。盛年當勤學，趨求存吾我。福盡身神散，冥冥地獄下。

上聖畏是故，尋道度斯禍。學仙行為急，奉戒制情心。虛夷正氣居，仙聖自相尋。若不信法言，胡不棲山林。大賢樂經戒，受之為身寶。就學恒苦晚，治身恨不早。比當披幽蹟，倏忽年已老。執卷歎爾極，將更死痛惱。吾故及弱齡，棄世以學道。出《智惠本願大戒經》

宮觀祝聖儀堂獻供文

獻粥
晨朝香粥，滌去凡塵。當令受者，念道思真。

向來晨粥功德，無限勝因，恭為祝延皇帝聖壽無疆，龍圖鞏固。為上因緣念

大聖和元始天尊，太上和大道君，太上和老君，無量和不可思議功德。登齋舉唱三寶 人各恭敬

志心稽首太上無極大道，志心稽首三十六部尊經，志心稽首玄中大法師。

平坐如法

獻供文
香厨妙供，上獻天尊，中獻真聖，下及一切先生，普同供養。

齋畢 念福生無量天尊
和福生無量天尊福生無量天尊
福生無量天尊福生無量天尊

施出生呪
勤修大道法，精心感太冥。真降魔魅散，眾妖皆滅形。七祖生天堂，兆臣飛上清。福既無不遍，此食施眾生。

舉解坐讚次念
向來修齋功德，無限勝因，恭為祝延皇帝聖壽無疆，龍圖鞏固，為上因緣念云云

施主設齋 舉唱三寶同前

獻供文
一切福田，施食為先。見存快樂，已往生天。當來淨土，衣食自然。是故供養，普獻諸天。香厨妙供，上獻天尊，中獻真聖，下及一切群生，普同供養。福流齋主，如水歸海。

齋畢 舉天尊號同前

齋畢

齋畢

齋畢

齋畢

齋畢

齋畢

齋畢

齋畢

齋畢

施出生呪 解坐說

不可思議功德海，浩浩無邊太上尊。
肸饜尋聲赴道場，鑒此修齋無量善。

向來設齋功德，無限勝因，回福祝
延，今辰齋主某身躬康泰，祿位增崇，凡
歷時中，吉祥如意。伏願齋功紀籍，道
果資身。齊龜鶴之脩齡，介雁鴻之景
福。爲上因緣，念度人無量天尊，不可
思議功德。

送聖頌

回輶五雲輿，騰駕九霄歌。倏忽
冲天遠，醮壇香炷多。玄恩覃宇宙，福
祿遍山河。緬想神仙路，逍遙上大羅。

披戴頌

雲履

飛鳧步雲鳥，登躡九玄壇。舉意
遊三界，乘風五漢間。願今一履跡，騰
踏謁金顏。

星冠

煥爛七星冠，飄飄降自天。受之
有科簡，宿命應神仙。願今一頂戴，永
保大椿年。

道裙

六幅華裙異，天人副羽衣。飛裙
凌寶殿，緩帶步金墀。願今一繫佩，縹
緲赴瑤池。

雲袖

蒨璨素雲袖，上下統裙裳。織自
扶桑繭，猶聞月殿香。願今一被體，遊
宴玉瓊房。

羽服

上界神仙服，天寶自然裳。輕盈
六銖妙，佩服應三光。願今一披奉，逍
遙不死鄉。

拜壇

三級依瑤砌，八卦列方隅。隔穢
敷裙帔，除塵護法裾。願今一陞躡，朝
修上帝居。

朝簡

西臺無疵玉，磨琢侍三皇。正體
除邪慮，持心啓上蒼。願今一秉執，瑤
階禮虛皇。

玉音法事卷下

③「禍」原作「福」，誤，據文義改。

(陳耀庭點校)

062 大明御製玄教樂章

經名：大明御制玄教樂章。一卷。底本出處：《正統道藏》洞神部表奏類。

醮壇讚詠樂章

迎鳳輦

迎神

巍巍道德顯至靈，陰陽斡運化育成。
 合四一四尺一尺 五六工尺合四合
 冥冥窈窈非常名，超離浩劫能長生。
 合四一四六工尺 六工尺一合四合
 乘雲馭鸞來太清，蘋蘩薦祀鑒衷誠。
 合四一四六尺工 六工尺一合四合

獻供

妙運神化二氣中，甄陶群生普聖功。
 合四一四合四尺 六工尺一合四合
 昭茲揚靈降璇穹，瓊輪紫蓋紛若從。

一尺工尺工六尺 六工尺一四工合
 神祇鑒歆福來崇，穰穰簡簡被無窮。
 合四一四尺六工 六工尺一合四合
 行道

梵炁縹緲布紫宸，開明三景耀五文。
 合四一四尺一尺 六工尺一四工合
 太初溟滓天地尊，化成萬物播大鈞。
 合四一四六尺工 六工尺一四工合
 呵衛森羅朝群真，衆靈昭格鑒明裡。
 一尺工尺六工尺 六工尺一合四合

請師

玄範肇啓萬法張，元始太極妙闡揚。
 合四一四六尺工 六工尺一四工合
 琅函祕笈儀文彰，玄門開廓道彌光。
 合四一尺六工尺 六工尺一合四合
 靈寶丕宣徧十方，度人濟世福難量。
 合四一四尺六工 六工一尺合四合

獻酒

上玄錫福海宇寧，兩暘時序年穀登。
 合四一四尺一尺 工六工尺合四合
 河清海晏樂和平，扎瘥疾癘永不生。
 合四一四尺六工 六工尺一合四合
 觴陳鬱鬯通輿誠，蕃禧鴻祉日來臻。

送聖

合四一尺六工尺 六工尺一合四合
 萬靈翩翩雲中來，忽乘鸞馭雲中歸。
 合四一四尺四合 五六一尺六工尺
 願祈陟降顯靈威，降福儲祥運化機。
 合四一尺工六工 六工尺一四工合

天下樂

兩間奠二儀，妙陶鈞運。氣機成化工，
 合四四合四 上一四四 合工工合四
 天以清，地以寧，神道難名荷上穹。誕
 四合四 上一四 四合工工尺工 五
 布恩澤，永樂逢太平。風雨調，時序和，
 六工尺 上尺上尺工 工合四 上尺工
 百穀登，景星卿雲，甘露醴泉，呈嘉楨。
 工合四 上一四四 四合四上 一上工
 更睹黃河清，秀麥垂，嘉禾生，物阜民
 合四上一四 四合四 上一四 四合工
 安，皞皞熙熙賴生成，敬禮諸天尊聖靈。
 工工尺工五六工尺 上尺上尺工合四

過聲

望降臨，齊鑿歆，虔恭至誠。
 上尺工 工合四 上一四四

聖賢記

奉迎衆真，降光來臨。驂鳳乘鸞，飈御
合四合工 合四上一 四合上一 四合
隨雲輶。璿穹森羅，萬靈繽紛，垂輝蒼
上上上 上工上工 上上一四 上一四
旻，紫微太微，迴旋逍遙，乘云浮空，幡
四 合四合四 上工上工 上上一四 上
幢霓旌。至真洞玄，妙樞淵微，窈窈冥
一四四 九工九五 九工上工 上工工
冥。一心讚揚，上清群真，敷宣琳琅，十
工 九工九五 九工上工 上一四四 合
迴度人，摠至誠清淨，極微妙，無形無聲，
四合四 四合工工 合四合上 工上一四
無上光明。太初玄元，九霄玉虛，真源
合九工工 六工尺工 合四合四 上一
常清，仰迴瑞光，照臨九幽，超濟沈淪，
四四 六工尺工 合四合四 上一四四
一切咸脫，昏盲蠕動含靈。真同陽和，
上一四合 四上四合 四上 上工上工
潛敷昭蘇，咸泰亨三光宣昭，彌羅環周
上上一四 上一四上 上工上工 上上一四
相晶熒。叱風駕霆，下臨瑤池，翱翔蓬
上一四 九工九五 九工上工 上工工

瀛。鑒觀萬方，徧遊人間，耀光揚靈，現
工 九工九五 九工上工 上一四四 合
身化形。三界虛空，十方萬神，均荷鴻
四合四 四合工工 合四合上 工上一
恩，世世安寧。
四 合九工工

過聲

善功告成，太清願，群生躋升平。
六工尺工 合四合 四上一四四

青天歌

大羅渺渺三界上，梵炁彌羅昭緯像。
尺一尺工六工尺 工尺一四合工尺
邪魅潛藏魔不干，巍巍萬法長宣朗。
四合四四一尺四 工尺一四合工尺

玄天上帝樂章

迎仙客

一氣分，兩儀定，靜樂國中逢誕聖。握
合四一 一尺一 尺工五六工尺工 工
樞機，乘化運，妙闡靈貺，普攝妖魔淨。
六一 尺四一 六工尺一 一尺一四合

又

仰聖躬，玉相現，鳳目龍眉滿月面。隱
紫霄，葆內鍊，四十一劫，蕩魔神威遍。

又

離坎精，均攝制，降福生民功濟世。金
冊書，玉匣祕，神化赫奕，顯幽咸沾被。

又

七寶臺，徽號著，大道巍巍職宰輔。真
慶宮，森玉樹，太素秀樂，玉虛祥雲駐。

又

北極尊，玄聖位，皂纛龜蛇總翼衛。鎮
坎宮，蕩邪魅，披髮跣足，九天揚真炁。

又

聖境中，梵炁上，十極森羅拱萬象。金
闕疏，玉曆降，掌握造化，玄功真無量。

又

道法隆，聖迹顯，駕乘丹輿載玉輦。九
炁存，萬法演，遊奕攝伏，精魔神通現。

又

聖化彰，功行足，水湧洪鐘泛巨木。衛
九重，贊化育，世世護國，庇民無窮福。

步步高

仰玄功，道高德妙。參天地，翕張開明，

尺工工 六工上尺 一四合 合四一四
運元氣。太清鬱羅，麗三辰，昭五緯，千
合工尺 一四合四 尺工尺 尺一四四
真萬聖，乘羽輪，駕鸞馭，布恩光，福覃被。
合四合 四合四 合四合 四合四 合工尺

醉仙喜

紫霄太微煥璿機，運玉樞，金籙開洞真，
工工尺工尺工五 六九工工六工尺一
瓊笈宣寶書，焱忽通，萬靈關。紫宸迓
一尺工尺工 尺九工 尺工尺 九五六
帝車，縹緲凌紫烟，駕祥鸞，來臨來御幹
九工工六工尺一 一四一 一五一尺一
化機。闡聖靈，一誠默昭，孚感上玄，弭
尺一 五六五 六五五 一尺九工尺
灾錫蕃祉，相樂相慶，永賴生育，咸安居。
工一五六五六工尺 一尺工尺工工工

洪恩靈濟真君樂章

迎仙客

誕聖姿，毓至秀，世系南唐出顯
胄。玄範修，功德就，聰明正直，為神
真天授。

又

儼聖容，昭至德，華萼聯芳天所
錫。道行崇，忠孝積，光依玉府，盛名
登仙籍。

又

配兩儀，參日月，德感天封金玉
闕。旋化機，振偉烈，錫福延壽，注生
祛灾孽。

又

顯聖功，彰廟食，福地鼇峰靈氣
積。闢洞天，奠八極，誓願濟度，衆生
蒙陰鷲。

又

藹卿雲，飄瑞氣，天降雙龍下拱
衛。揚紫旗，廓氛翳，神化赫奕，萬年
昭靈異。

又

弭旱灾，消水孽，愈疾蠲痾布惠
澤。蝗不生，火自息，民物豐阜，總由
神明德。

又

衍皇圖，綿國祚，誕降洪恩長擁
護。寵命加，封號著，香火永振，四時

神靈駐。

又

仰威靈，瞻聖象，呵衛森嚴簇寶
仗。誠意孚，神鑒降，護國庇民，萬年
昭靈貺。

大明御製天尊詞曲

玄天上帝詞曲

弘利益之曲

敬頂禮，玄天上帝，金闕化身，蕩魔大天尊。大天尊，大聖帝，大聖帝，大聖帝，感神明，都只在至誠心。天尊，大聖天尊。

又

大天尊，混元六天，傳法教主，修真悟道，濟度群迷。普惠三界，一切衆生，普惠三界，一切衆生。大天尊，消除災障，人人感恩也，大聖天尊，感神明，都只在至誠心。天尊，大聖天尊。

又

大天尊，八十二化，顯靈助三教之祖師，大慈大悲，救苦又救難，大天尊，三元都總管，九天遊奕使也，大聖天尊，感神明，都只在至誠心。天尊，大聖天尊。

又

大天尊，左天罡，北極右垣大將軍，仰荷鎮天助順，真武靈應，弘展神通，福德衍慶，瑞仁慈正烈同大天尊，端的是那協運真君也，大聖天尊，感神明，都只在至誠心。天尊，大聖天尊。

又

大天尊，普四海，都道是治世福神大天尊，普四海，都道是治世福神大天尊，端的是玉虛師相，妙顯靈應也，大聖天尊，感神明，都只在至誠心。天尊，大聖天尊。

又

大天尊，玄天上帝妙無垠，悉由金闕化身。幸際天人慶會，蕩魔除厄難，則見六合清靜，四海永安寧，感神明，都只在至誠心。天尊，大聖天尊。

大明御製玄教樂章

(陳耀庭點校)

063 大明玄教立成齋醮儀範

儀範

經名：大明玄教立成齋醮儀範。
明宋宗真等編。一卷。底本出處：《正統道藏》洞玄部威儀類。

御製玄教齋醮儀文序

朕觀釋道之教，各有二徒。僧有禪，有教。道有正一，有全真。禪與全真，務以修身養性，獨爲自己而已。教與正一，專以超脫，特爲孝子慈親之設，益人倫，厚風俗，其功大矣哉。雖孔子之教明國家之法，嚴旌有德而責不善，則尚有不聽者。縱有聽者，行不合理又多少。其釋道兩家，絕無繩愆糾繆之爲，世人從而不異者甚廣。官民之家，若有喪事，非僧非道，難以殯送。若不用此二家殯送，則父母爲子

孫者是爲不慈，子爲父母是爲不孝，恥見鄰里。此所以孔子云：西方有大聖人，不教而治，即此是也。

今之教僧教道，非理妄爲，廣設科儀，於理且不通，人情不近。其愚民無知者，妄從科儀，是有三、五、七日夜誦經文。經乃釋道化人爲善、戒人爲惡之言，猶國家之有律令。若誦經而使鬼魂聽之，以發揮其善念則可。若誦經而欲爲死者免罪，如犯刑憲而讀律令，欲免其罪，是爲不可。蓋糜費家資，僧道蠢蠢之徒，將以爲儀範之美，致使精神疲倦。觀其儀範之設，於中文訛字否，達者遂譏毀之。所以譏毀者，佛未請，三清未至，輒便望壁啓聞齋主之事。僧甚至日三遍對佛宣揚，道乃日三朝而敷奏，以此觀之，釋迦與老子非重聽而瞽目，故煩之於再三。若不如此，果何理耶？勅禮部會僧道，定擬釋道科儀格式，遍行諸處，使釋道遵守。庶不糜費貧民，亦全僧道之精靈，豈不美哉。

洪武七年十一月

大明玄教立成齋醮儀範

序略

神龜龍馬，圖書出應於明時；九鳳八鸞，鳴唱密諧於妙範。方寶珠之輝耀，至玉局之高呈。三十六部，蘊奧之文，極披詳而莫既；五千餘言，道德之旨，與治化以同符。自經義隱而失真，致科範傳而寢廣。百家異戶，歷代濫觴。唱讚繁，則質實之弗專；晝夜多，則精誠之必懈。考之於禮樂制度，既或僭差；質之於天地神祇，寧無冒瀆。喜有聖人之在上，庶幾仙道之重新。欽遇皇帝陛下，潔靜精微，高明博厚，綏萬邦，見梯航。入貢總三教，如江漢朝宗。昭事上帝之誠，郊焉而享；懷柔百神之禮，感而遂通。用歛福於庶民，復留神於兩教。洪武七年十一月二十三日，臣宋宗真、趙允中、傅同虛、鄧仲修、周玄真等欽奉聖旨，編定道門科儀，去繁就簡，立成定規進奏。臣宗真

等性質凡昧，學識淺陋，不揆率易，謹
編定儀式，錄藁進呈。倘經天監，出自
聖裁，行之於幽顯之間；有所益利，實
道門萬世之幸。謹列品序，儀文于後。

大明立成玄教齋醮儀

建度亡醮三日節次目錄

第一日

發直符

灑淨，法事，召將，

三獻酒，讀關文，遣將，

化財回向。

揚幡

法事，白文，吟偈，

諷經回向。

安監壇、監齋

法事，白文，諷經回向。

敷座演經

請經法事如式，諷靈寶經，

生神章，救苦經，生天經。

靈前召請

呪食，諷經，回向。

立寒林所

法事，吟偈，召孤施食，

諷經，化財。

第二日

灑淨，法事，諷經。

禮懺

或朝天懺，或九幽懺，或三官
懺，

靈前呪食，至晚接待孤魂施食

第三日

法事，淨壇，請師，

降神通意，安鎮五方符，

告符簡，關燈，召亡，

沐浴更衣，參禮呪食。

濟孤

施斛鍊度傳戒

設醮

法事，獻供，祭酒，

讀疏，送神，化財滿散。

建醮一晝夜節次目錄

發直符，揚幡，安監壇，

敷座演經，淨壇請師，

降神通意，告符簡，

關燈，召亡沐浴，

參禮呪食，設斛濟孤傳戒，

送亡，化財，設醮，

獻供，祭酒，讀疏，

送神，化財圓滿。

建醮一日節次目錄

發直符，安監壇，誦經，
請師，降神通意，關燈，
召亡沐浴，參禮呪食，設食祭
孤傳戒，
設醮，獻供，祭酒，
讀疏，送神，化財滿散。

大明立成玄教齋醮儀

建度亡醮三日節次

第一日

發直符

呪水 灑淨

洞中玄虛，晃朗太無。八方威神，
使我自然。靈寶符命，普告九天。乾
羅答那，洞罡太玄。斬妖縛邪，殺鬼萬
千。中山神呪，元始玉文。吾誦一遍，
却鬼延年。按行五嶽，八海知聞。魔
王束首，侍衛我軒。凶穢消散，道炁常
存。

召將 焚符

三獻文

伏以範圍天地之道，具載齋科；
昭回雲漢之文，合先疏牘。將感通於
一瞬，庶克享於多儀。酌仙醞以浮香，
初筵既秩；望玄都而駕景，六合非遙。
酒在清樽，謹陳初獻。

伏以形而上者謂道，妙莫能名，聖
不可知。為神，禮存敬享。既領行持

之職，將騰啓告之誠。望真闔之開張，
仙凡有間；乘飈車而陟降，上下無方。
謹運一枕，用陳二獻。

伏以官天地，府萬物，道所以尊；
潤風雨，鼓雷霆，神無不在。赫若仙科
之著，大哉神化之靈。我有械封，神將
省覽，有煩傳達，庶副懇祈。庸罄一
忱，用終三獻。

讀關 遣將 化財回向

揚旛

法事 白文

伏以太乙慈尊，廣布汪洋之澤；
大千世界，咸依救度之仁。灑甘露以
沾濡，敷慶雲而覆燾。今者仰遵玄號，
昭揭華旛。赤字垂芒，普照昏衢之朗
日；洪床釋罪，廣施法海之慈航。稽
首皈依，稱揚讚詠。

呪旛

東華妙嚴，慈相億千。身居長樂，
安坐金蓮慧光無礙，照燭幽泉。枯骸
朽骨，咸得光鮮。甘露流潤，遍灑空
玄。拔度沉溺，不滯寒淵。

吟偈

祥雲結就此靈旛，影落浮空散世間。
縹緲靈風纔一舉，含靈俱得脫幽關。

諷經回向

安監壇

伏以三界之中，位各分於真宰；
一方之內，功必賴於神明。况此修齋
當嚴，翊衛恭惟，監壇效職，一切威靈，
儼然威像，卓爾神靈。秉總明正直之
心，司禍福吉凶之柄。百神所範，庶類
咸皈。凡有投誠，必蒙感應。伏望雲
旗耀日，馭風馬以來臨；仙仗騰空，屏
妖氛而肅靜。證明齋事，彈壓靈場，法
衆皈依，志心奉請。

請神 法事 諷經

安監齋

伏以道以齋為先，當備潔涓之
供；誠以禮為重，尤嚴烹飪之功。欲
令庖饌以肅清，必仗神威而監董。伏
冀靈游來格，潛施彈壓之威；法味精
修，蔑有紛葩之氣。齋功克就，祀事圓
成，法衆皈依，志心奉請。

請神 法事 諷經

敷座演經

蓋聞：元始一炁，化生諸天。開
明三景，是為天根。上無復祖，惟道為
身。是知道者，不可思議。非有為有，
非無為無，應現十方，發育萬類。如月
涵衆水，了然之影相俱圓；猶雲斂長
天，廓爾之虛空無礙。真常湛寂，恍惚
杳冥，濟世無方，度人無量。以今孝
士，上念亡靈，幻形有盡，真性常存。
雖平等本來，不越一真之體；然染緣
累劫，寧無三毒之塵。自非觀聽於法
音，曷可超凌於上界。是用演洞玄之
妙典，于以廓靈寶之慧光。珠黍現時，
再引仙真之勃勃，璇璣停處，了觀大
量之玄玄。法衆虔恭，請經如法。

請經法事 諷經

靈寶度人經 生神章經

救苦經 生天經

靈前呪食

自然生神章，靈書開大有。普為
諸衆生，稱揚秘密呪。奉請亡過靈，澄
心恭稽首。以今施法食，惟願來歆受。
奉為靈儀，上資雲路，往生仙界。

念靈寶慈悲禮請，頌曰：

稽首明慧虛無尊，稽首皈依重玄主，
栽成天地無得稱，悉為衆生作恃怙。
慈悲五道轉輪迴，哀救三塗地獄苦，
皈依東極青玄尊，皈依六道慈悲父。
皈依三清無上尊，永離生死長綿綿，
出有入虛無所待，能令枯朽便成仙。
千劫萬劫難一遇，為衆廣說業因緣，
迴骸起死永長存，使其形神無變遷。
散消長夜苦，釋惱三塗中。華池
流真香，功德不思議。一灑甘露漿，如
熱得清涼。神魂生大羅，潤及於一切。
奉為靈儀，上資雲路，往生仙界，
念淨酆都、破地獄、離寒庭、昇仙呪：
茫茫酆都中，重重金剛山。靈寶
無量光，洞照炎池煩。七祖諸幽魂，身
隨香雲旛。定慧青蓮花，上生神永安。
功德金色光，微微開幽關。華池流真
香，蓮蓋隨雲浮。仙靈誦玄華，常居十
二樓。急持靈寶呪，自在天堂遊。寒
庭多悲苦，回首禮玄微。女青靈寶符，
中山神諦書。一念昇太清，默誦觀太
無。功歸九幽下，漸漸生紫虛。

生魂育魄呪

靈芝無根，衆妙之源。中凝七魄，內結三魂。二十四真，出入無門。杳冥之內，恍惚原精。隨劫存亡，逐炁而生。外凝混朴，內養七真。五神植華，三台敷榮。紫閣素童，度魂歸嬰。騰雲而昇，逐霧浮空。中有玉真，號曰神翁。左挾無英，右衛白元。玄獸遏後，丹禽擁前。上浮翠蓋，下擁金蓮。香雲凝空，甘露無窮。用之無盡，尋源弗終。

三光法炁開重樓呪

浩精生法炁，氤氳凝天中。兩曜共澄徹，五緯交相通。三光煥已明，寶氣凝三宮。仙鄉會九老，嚙服百骸豐。金華照光景，身與造化同。念道合自然，萬劫壽無窮。

加持法食呪

回首仰玄羅，合景挹靈芒。拘魂制七魄，思審定中央。行住禮虛無，寢息宴玄房。饑飡黃碧花，渴飲瓊林漿。神精昇大羅，合體鍊真光。復照觀太無，常在空中遊。玄通泯波際，真化靡

中期。眇眇無終始，行者當自知。寂寥忘理教，應運闡玄微。降道不自招，要當先所施。會歸無二趣，隨心自合離。

普獻法食呪

香煙散十方，花開蓮子房。鸞林珍果柰，仙真甘露漿。自然香厨食，瓊液妙難量。吾今普供養，逍遙上福堂。勤修大道法，精心感太冥。黃華降真炁，五臟結胎嬰。七祖生天堂，兆魂飛上清。福利無不遍，此食施衆生。

諷經化財回向

立寒林所

吟偈

符命通溟漠，靈旛颺曉風。遷神超北府，飛鳥上南宮。

志心遍召：三塗九夜，六道四生，

有靈無祀，男女幽魂。惟願乘三寶力、三寶慈悲，此日今時，來臨法會。

施食接待 諷經

第二日

灑淨 法事 諷前諸經

禮懺

舉起敬讚按人各恭敬

三皈依

志心皈依，十方三寶，當願亡靈，起心回向，一切信禮。

敷坐讚

道場衆等，執簡當心，禮懺如法。念懺，或朝天懺，或九幽懺，或三官懺。

靈前呪食如前至晚接孤施食。

吟偈 焚符

大有通玄戶，鬱單降神霄。黃雲凝靈府，陰陽氣象交。

志心遍召：三塗九夜，六道四生，

士農工商，文武醫卜，千行萬類，百家九流，有靈無祀，男女幽魂。惟願乘三寶力，三寶慈悲，此夜今時，來臨法會。

呪斛 諷經

第三日

法事 呪水淨壇

請師 降神通意

安鎮五方真符 告符簡

關燈 召亡 沐浴更衣

參禮 呪食回向

濟孤施斛

靈寶設斛科

稱揚太一救苦慈尊

焚符 灑淨

清淨道德之香，無遠弗届；太虚寥廓之際，有感必通。以今建齋某開建法筵，普資幽爽，恭望慈光，下垂開度。九幽滯爽，咸蒙解脫之功；六道靈魂，悉遂逍遙之果。法衆皈依，稱揚功德。

稱太一救苦慈尊

伏聞：一炁盈虚，萬形出没，死復

生而生復死，人爲鬼而鬼爲人，輪轉無窮，報償不息。悲莫悲於六道，苦猶苦於四生。蓋乏善者難陟善階，積惡者斯歸惡道。賴我玄祖，拯汝沉淪，廣敷濟拔之科，大啓超昇之會。當陰慘陽舒之際，乃神交鬼聚之時。魂氣動而悲風生，靈響發而陰霧靄。洪音一舉，黑壤遙聞。仰惟紫極玄尊，青華教父，指明星爲慧炬，廣運照臨；凝梵炁作法橋，大垂拯濟。追魂使者，告召十方，所屬地祇，招延催促。當願天仙道、神祇道、人倫道、地獄道、餓鬼道、旁生道、孳生物命，魚鱉昆蟲，不瞬息

間，遍高深而普告；由斯須頃，周遐邇以咸知。自然意感，誠孚翕爾，影隨響答。呼群率衆，聲相應氣相求；出死入生，眇能視跛能履。無遮無礙，源源而來；或後或先，徐徐而至。使者運招徠之力，魂兮承攝召之功。所有開業道靈音，謹當吟詠。

誦艷都呪 焚召魂符

稱太一救苦慈尊

召孤 吟偈

太微迴黃旗，無英命靈旛。攝召長夜府，開度受生魂。

志心遍召：九州分野，十類河沙，雷馘天誅，虎狼傷啖，刀兵屠戮，產死陣亡，有靈無祀，男女幽魂。惟願乘三寶力、三寶慈悲，此夜今時，來臨法會。

志心遍召：投河落井，洪水漂流，劫火焚燒，饑荒流蕩，瘟灾時疫，自縊

刎亡，有靈無祀，男女幽魂。惟願乘三寶力、三寶慈悲，此夜今時，來臨法會。

志心遍召：盡十方空界，遍郊野中，客死之魂，橫亡之鬼，枯骸朽骨，男女幽魂。惟願承三寶力、三寶慈悲，此

夜今時，來臨法會。

沐浴念呪 焚冥衣

焚解冤釋結符 加持斛食

五厨經

一炁和泰和，得一道皆泰。和乃無一和，玄理同玄際。

不以意思意，亦不求無思。意而不復思，是法如是持。

莫將心緣心，還莫住絕緣。心在莫存心，真則守真淵。

修離志離志，積修不符離。志而不修志，已業無已知。

諸食氣結氣，非諸久定結。氣歸諸本氣，隨取當隨泄。

散施斛食

念太一救苦慈尊於此行煉度符法

傳戒

道言，戒者，止也。所以止人非心，歸於正定，故戒生定。儒者，亦謂知止，而後有定。但三洞衆經、四輔祕典、演說戒法，種種不同。惟無上洞玄靈寶九真妙戒者，諸戒之首。天人共仰，幽顯咸遵，無上之上，洞玄中玄，萬

神之靈，一氣之寶，妙貫三才，戒制六情。數定於陽，故分爲九。修而不僞，故名爲真。仙凡仰之，以爲城郭；幽顯資之，以爲梯航；靈魂受之，以爲法藥。然受戒之法，靜默爲先；持戒之法，勤拳爲上。法衆皈依，同誠讚詠。

按人各恭敬

夫三皈依者，即是皈依道、皈依經、皈依師也。是故衆魂，皆當信禮。

三皈依

皈依既畢，戒法將傳。幽壤豁若春回，冤對渙然冰釋。罪花凋落，功果圓成，法衆皈依，當傳九戒：

- 第一戒者克勤，忠於君主；
 - 第二戒者敬讓，孝養父母；
 - 第三戒者不殺，慈救衆生；
 - 第四戒者不淫，正身處物；
 - 第五戒者不盜，推義損己；
 - 第六戒者不嗔，兇怒凌人；
 - 第七戒者不詐，諂賊害善；
 - 第八戒者不驕，傲忽至具；
 - 第九戒者不二，奉戒專一。
- 妙戒靈文，黃籙白簡，既備敷於妙

典，當敬受於靈文。夫心焉難制，制以九戒，則可歸心於太虛。形也未超，超以二符，自可鍊形於上境。亡靈直須生，生勿忘於戒。言劫，劫常持於符券。澄神物外，塵緣永斷於多生；受質陽間，善果自臻於有冰。流芳見在，慶及無窮，稽首慈尊，辭筵好去。

讀符牒疏 送亡

化財 回向

資度設醮三獻科

諷呪

稱職位

具法位某與臨壇法衆等，謹同誠上啓：虛無自然無極大道太上老君、青玄救苦慈尊、三十六部尊經、玄中大法師、祖師正一靜應真君祖玄真師、經籍度師、列位真人，玄壇應感，一切威靈。伏聞：雲宮法界，上瞻東極之光；風澤洞虛，下接北陰之境。考對莫逃於憲網，攝提特啓於玄科。憑丹簡以出幽，遷神破妄；資玉眸而煉質，混景成真。慈尊之願力宏深，仙聖之仁心顯著。屬建修之，應感隨生，化以逍遙。

紫府清都，方罄仰瞻之志；潢汗行潦，俯殫報效之誠。仰冀鸞羽清塵，雲車泛景，應物隨機而顯現；月印千江，排空馭氣以飛翔。煙飄八極，旁流慈貺，鑒享恭虔，謹運丹衷。用陳初獻。

初獻法事

伏聞：無極無窮，莫測虛玄之妙；方生方死，亦猶夜旦之常。特迷悟之有殊，致升沉之各異。念黑鬱銅關之苦趣，或墮拘留；瞻青玄蓮座之慈光，所祈濟度。爰遵依於仙範，沐濯煉於形魂。超凌生化之無違，報效獻陳之敢後。蠟臺燈藥，祥開九色之輝，醮席松花，誠感衆真之會。踰躅濟濟，肅肅雍雍，再運丹衷，謹陳亞獻。

亞獻法事

伏聞：冥慧洞清，經教之流傳不息；逍遙快樂，神魂之超化有歸。拯幽顯以昭蘇，秉精誠而激切。恩波穆穆，感霑被以深隆；明水拳拳，愧獻陳之菲薄。當願所薦亡魂，頓除業報，永斷執緣。水月光中，自悟本來之性；人天界上，託生福慧之身。今孝士某悃

忱感格，行願滿圓。三灾八難以潜消，常居吉慶；百順千祥之並集，動履光華。爰罄一忱，酒陳終獻。

三獻法事

讀疏 送神

伏以道無棄物，沐濟拔以不違；禮有節文，幸醮陳之克滿。湛湛盃香之已注，沉沉漏箭以頻催。埃塵特愧於凡蒙，飈羽豈能於款駐。雲霄景象，實不盡於攀瞻；宇宙玄恩，尚永依於覆護。某等無任攀戀之至，謹再拜奉送。

化財 滿散

大明玄教立成齋醮儀範

（陳耀庭點校）

『十五』國家重點圖書出版規劃項目

主 編 張繼禹

本冊主編 陳耀庭

華夏出版社

中華道藏

第四四冊

目錄

001 玉皇十七慈光燈儀	一
002 上清十一大曜燈儀	八
003 南斗延壽燈儀	一一
004 北斗七元星燈儀	一四
005 北斗本命延壽燈儀	一七
006 三官燈儀	一九
007 玄帝燈儀	二一
008 九天三茅司命仙燈儀	二三
009 萬靈燈儀	二五
010 五顯靈觀大帝燈儀	二七
011 土司燈儀	二九
012 東厨司命燈儀	三二
013 正一殭司辟毒神燈儀	三四
014 離明瑞象燈儀	三六
015 黃籙九陽梵炁燈儀	三九
016 黃籙九卮燈儀	四三
017 黃籙破獄燈儀	四五
018 黃籙五苦輪燈儀	四八
019 太上玉清謝罪登真寶懺	五〇

020 太上上清禳災延壽寶懺	五三
021 太上泰清拔罪昇天寶懺	五五
022 太上靈寶朝天謝罪大懺	五八
023 太上靈寶十方應號天尊懺	一〇五
024 太上慈悲道場消災九幽懺	一一六
025 太上慈悲九幽拔罪懺	一八七
026 太上慈悲道場滅罪水懺	二一七
027 太上玄司滅罪紫府消災法懺	二二五
028 太上瑤臺益算寶籍延年懺	二二八
029 青玄救苦寶懺	二三一
030 慈尊昇度寶懺	二三六
031 太上消滅地獄昇陟天堂懺	二三九
032 太一救苦天尊說拔度血湖寶懺	二四四
033 太上靈寶三元三官消愆滅罪懺	二四九
034 玉皇宥罪錫福寶懺	二五八
035 高上玉皇滿願寶懺	二六六
036 中天紫微星真寶懺	二九〇
037 真武靈應護世消災滅罪寶懺	二九二
038 北極真武普慈度世法懺	二九四
039 東嶽大生寶懺	三一九
040 太上正一朝天三八謝罪法懺	三二六
041 朝真發願懺悔文	三三〇
042 洞玄靈寶河圖仰謝三十六天齋儀	三三二

043	洞玄靈寶河圖仰謝三十六土皇齋儀	三五二
044	太上洞玄靈寶天尊說羅天大醮上品妙經	三七一
045	羅天大醮早午晚三朝科	三七二
046	羅天大醮設醮儀	三八〇
047	上清天寶齋初夜儀	三八三
048	太上金櫃玉鏡延生洞玄燭幽懺	三八七
049	太上三五傍救醮五帝斷殞儀	三九一
050	太上消灾祈福醮儀	三九六
051	太清道德顯化儀	四〇〇
052	玄門報孝追薦儀	四〇七
053	諸師聖誕冲舉酌獻儀	四一二
054	地府十王拔度儀	四一七
055	紫皇鍊度玄科	四二一
056	諸師真誥	四三一
057	廣成集	四三七
058	太上三洞表文	五二一
059	三洞讚頌靈章	五四四
060	宋真宗御製玉京集	五六一
061	玉音法事	五八七
062	大明御製玄教樂章	六一二
063	大明玄教立成齋醮儀範	六一六